




3 3433 08156410 0



BWBH
A31. EG

1931. 12. 15

✓

A M M I A N I
M A R C E L L I N I
Q V A E S V P E R S V N T

C V M N O T I S I N T E G R I S

F R I D. L I N D E N B R O G I I;
H E N R. E T H A D R. V A L E S I O R V M
E T I A C. G R O N O V I I

Q V I B V S

T H O M. R E I N E S I I Q V A S D A M E T S V A S

A D I E C I T

I O. A V G V S T I N. W A G N E R

E D I T I O N E M A B S O L V I T

C A R. G O T T L O B A V G. E R F V R D T



T O M V S T E R T I V S

L I P S I A E C I S I O C C C V I I I .
I N L I B R A R I A W E I D M A N N I A
L O N D I N I A P V D I . P A Y N E E T M A C K I N L A Y
E T W . H . L V N N

p 272

Desunt priores Libri XIII.

AMMIANI MARCELLINI
RERUM GESTARUM
LIBER XIV.

Galli Caesaris saevitia. C. I. Isaurorum incurfiones. II. Persarum commentum irritum. III. Saracenorum irruptiones et mores. IV. Magnentianorum supplicia. V. Senatus populique R. vitia. VI. Galli Caesaris immanitas et saevitia. VII. Orientis provinciarum descriptio. VIII. De Constantio Gallo Caesare. IX. Pax Alamannis petentibus datur a Constantio A. X. Constantius Gallus Caesar evocatur a Constantio A. et capite truncatur. XI.

(A. C. 353.)

Post emensos insuperabilis expeditionis eventus, languentibus partium animis, quas periculorum varietas fregerat et laborum, nondum tubarum cessante clangore, vel milite locato per ¹⁾ stationes hibernas, fortunae saevientis procellae tempestates alias rebus ²⁾ infudere communibus, per multa illa

1) *al.* stationum hiberna. 2) *Steph.* infundere conantur, per.

- et dira facinora Caesaris Galli: qui ex squalore nimio miseriarum, in aetatis adultae primitiis, ad principale culmen insperato cultu proventus, ultra terminos potestatis delatae procurrens, asperitate nimia cuncta foedabat. Propinquitate enim regiae stirpis, gentilitateque ³⁾ etiamtum Constantini nominis efferebatur in fastus, si plus valuisset, ausurus hostilia in auctorem suae felicitatis, ut videbatur. Cuius acerbitati uxor grave accesserat incentivum, germanitate Augusti turgida supra modum, quam Hannibaliano regi, fratris filio, antehac Constantius iunxerat pater. Megaera quaedam mortalis, inflammatrix saevientis ⁴⁾ assidua, humani cruoris avida nihil mitius quam maritus, qui paulatim eruditiores facti processu temporis ad nocendum, per clandestinos versutosque rumigerulos, compertis leviter addere quaedam male suetos, falsa et placentia sibi discentes, adfectati regui vel artium nefandarum calumnias insontibus ⁵⁾ adflegebant.
- 5 Eminuit autem inter humilia, supergressa iam potentia fines mediocrium delictorum, nefanda Clematii cuiusdam Alexandrini nobilis mors repentina: cuius focrus cum misceri sibi generum, flagrans eius amore, non impetraret, ut ferebatur, per palatii pseudothyrum introducta, oblato pretioso reginae monili id adsequuta est, ut ad Honoratum, tum Comitem Orientis, formula missa ⁶⁾ letali, homo scelere nullo contactus idem Clematius, nec hiscere nec loqui permissus, occideretur.
- 4 Post hoc impie perpetratum, quod in aliis quoque iam timebatur, tanquam licentia crudelitati indulta, per suspicionum nebulas aestimati quidam noxii damnabantur: quorum pars necati, alii puniti bonorum multatione, actique laribus suis extorres,

³⁾ Steph. etiamnum. ⁴⁾ vulg. assidue. ⁵⁾ Mf. adflegebant. ⁶⁾ al. lethali odio.

nullo sibi relicto praeter querelas et lacrymas, stipe collaticia victitabant: et civili iustoque imperio ad voluntatem converſo cruentam, claudebantur opulenta domus et clarae. Nec vox accusatoris ulla, 5 licet ſubditiſſi, 7) in his malorum quaerebatur acervis, ut ſaltem ſpecie tenuis crimina praefcriptis legum committerentur, quod aliquoties fecere principes ſaevi: ſed quidquid Caſaris implacabilitati ſediſſet, id velut ſas iusque perpenſum conſeſtim urgebatur impleri. Excogitatum eſt ſuper his, ut 6 homines quidam ignoti, vilitate ipſa parum cavendi, ad colligendos rumores per Antiochiaſe latera cuncta deſtinaſentur, relaturi quae audirent. 8) Hi peragranter et diſſimulanter honoratorum circulis adſiſtendo, pervadendoque 9) divitum domus egentium habitu, 10) quidquid noſcere poterant vel audire, latentem intromiſſi per poſticas in regiam, nuntiabant: id obſervantes conſpiratione concordi, ut fingerent quaedam, et cognita duplicarent in peius: laudes vero ſupprimerent Caſaris, quas invitis compluribus formido malorum impendentium exprimebat. Et interdum acciderat, ut, ſi quid in 7 penetrali ſecreto, nullo citerioris 11) vitae miniſtro praefente, paterfamilias uxori ſuſurraveſſet in aurem, velut Amphiarao referente aut Marcio, quondam vatibus inclytis, poſtridie diſceret imperator. Ideoque etiam parietes arcanorum ſoli conſcii timebantur. Adoleſcebat autem obſtinatum propoſitum 8 erga haec et ſimilia 12) multa ſcrutandi, ſtimulos admovente regina; 13) quae abrupte mariti fortunam trudebat in exitum praeceps: cum eum potius lenitate feminea ad veritatis humanitatisque viam redu-

A 2

7) *Mf. et Stephani editio* et in his malor. 8) *Mf.* Hi meragranter. 9) *vulg.* domos. 10) *Mf. et Steph.* Si quidquam noſc. 11) *vulg.* eius vitae. 12) *Steph.* ſervandi. 13) *vulg.* quae abrupta e mariti fortuna ſtridebat.

cere utilia suadendo deberet, ut in Gordianorum actibus facitasse Maximini truculenti illius imperatoris retulimus coniugem.

9 Novo denique perniciosoque exemplo idem Gallus ausus est inire flagitium grave, quod Romae cum ultimo dedecore tentasse aliquando dicitur Gallienus: et adhibitis paucis clam ferro succinctis, vesperi per tabernas palabatur et compita, quaeritando graeco sermone, cuius erat impendio gnarus, quid de ¹⁴⁾ Caesare quisque ¹⁵⁾ sentiret. Et haec confidenter agebat in urbe, ubi pernoctantium luminum claritudo dierum solet imitari fulgorem. Postremo agnitus saepe, iamque, si prodisset, conspicuum se fore contemplans, non nisi ¹⁶⁾ luce palam egrediens, ad agenda, quae putabat seria, cernebatur. Et haec quidem medullitus ¹⁷⁾ multis gementibus agebantur.

10 Thalassius vero ea tempestate Praefectus Praetorio Praefens, ipse quoque arrogantis ingenii, considerans incitationem eius ad multorum augeri discrimina, non maturitate vel consiliis mitigabat, ut aliquoties cellae potestates iras principum molli-verunt: sed adversando iurgandoque, cum parum congrueret, eum ¹⁸⁾ ad rabiem potius evibrabat: Augustum, actus eius exaggerando, creberrime docens, idque, incertum qua mente, ne lateret adfectans. ¹⁹⁾ Quibus mox Caesar acrius efferatus, velut contumaciae quoddam vexillum altius erigens, sine respectu salutis alienae vel suae, ²⁰⁾ ad vertenda supposita instar rapidi fluminis irrevocabili impetu ferebatur.

II. Nec sane haec pernicies sola Orientem diversis cladibus affligebat. Namque et Isauri, qui-

¹⁴⁾ Steph. *το* quisque *deest*. ¹⁵⁾ Steph. *sentirent*. ¹⁶⁾ Ml. *lucem palam*. ¹⁷⁾ Ml. *multum*. ¹⁸⁾ Ml. *eum ad rab. c. A.* ¹⁹⁾ Ml. *Quibus ut mox*. ²⁰⁾ *vertenda*.

bus usitatum et saepe pacari, saepeque inopinis excursibus cuncta miscere, ¹⁾ ex latrociniiis occultis et raris, alente impunitate adolescentem in peius audaciam, ad bella gravia proruperunt: diu quidem perduelles spiritus irrequietis motibus erigentes; ²⁾ hac tamen indignitate perciti ³⁾ vehementer, ut iactitabant, quod eorum quidam capti consortes, apud ⁴⁾ Iconium Pisidiae oppidum in amphitheatrali spectaculo feris praedatricibus obiecti sunt praeter morem. Atque, ut Tullius ait, ut *etiam* ⁵⁾ *ferae fame monitae plerumque ad eum locum, ubi aliquando pastae sunt, revertuntur*; ita omnes instar turbinis digressi montibus impeditis et arduis, loca petivere mari confinia: per quae ⁶⁾ viis latebrosis sese convallibusque occultantes, cum ⁷⁾ adpeterent noctes, (luna etiamtum cornuta, ideoque nondum solido splendore fulgente) nauticos observabant. Quos cum in somnum sentirent effusos, per anchoralia quadrupedo gradu repentes, seseque suspensis passibus iniectantes in scaphas, ⁸⁾ eisdem nihil opinantibus adlisterant, et ⁹⁾ incendente aviditate saevitiam, ¹⁰⁾ ne cedentium quidem ulli parcendo, obtruncatis omnibus, merces opimas ¹¹⁾ velut viles nullis repugnantibus avertabant.

Haecque non diu sunt perpetrata. Cognitis ¹²⁾ enim pilatorum caesorumque funeribus, nemo deinde ad has stationes adpulit navem: sed ut Scironis praerupta letalia declinantes, litoribus Cyprii contigui navigabant, quae Isauriae scopulis sunt controversa. Procedente igitur mox tempore, cum ¹³⁾ adventicium nihil inveniretur, relicta ora mari-

1) et latrociniiis. 2) Steph. attamen. 3) Mf. vehementes. Steph. vehementi. 4) Steph. Leonium. 5) vulgo *rd fame* deest. 6) Mf. viis latebrosis convallibusque occult. 7) Mf. appeterent noctis. 8) Mf. eisdem enim nihil. 9) Steph. incitante. 10) Steph. ne cadentium. 11) Steph. velut viles. 12) Mf. pilatorum caesorumque funeribus. 13) adventitium.

tima in Lycaoniam adnexam Isauriae se contulerunt: ibique ¹⁴⁾ densis intersaepientes itinera praetenturis, provincialium et viatorum opibus pascebantur. Excitavit hic ardor milites per municipia plurima, quae iisdem conterminant, dispositos et castella: et quisque serpentes latius pro viribus repellere moliens, nunc globis confertos, aliquoties et dispersos, multitudine superabatur ingenti: quae nata et educata inter editos recurvosque ambitus montium, eos ut loca plana persultat et mollia, missilibus obvios eminus lacessens, et ululatu truci 6perterrens. Coactique aliquoties nostri pedites ad eos persequendos scandere clivos sublimes, etiam si lapsantibus plantis, fruticeta prensando vel dumos, ad vertices venerint summos: inter arcta tamen et invia nullas acies explicare permissi, nec firmare nisu valido gressus, hoste discursatore rupium abscessa volvente superne, periculose per prona discedunt; aut ex necessitate ultima fortiter dimicantes, ruinis ponderum immanium consternuntur.

7 Quamobrem circumspecta cautela observatum est deinceps; et cum edita montium petere coeperint grassatores, loci iniquitate milites cedunt. Ubi autem in planitie potuerint reperiri, quod contingit assidue, nec exertare lacertos, nec crispare permitti tela, ¹⁵⁾ quae vehunt bina vel terna, pecudum ritu inertium trucidantur.

8 Metuentes igitur iidem latrones Lycaoniam magna parte campestris, cum se impares nostris fore congressione stataria documentis frequentibus scirent, tramitibus deviis petivere Pamphyliam, diu quidem intactam, sed timore populationum et caedum, milite per omnia diffuso propinqua, magnis undique praefidiis communitam. Raptim igitur

¹⁴⁾ vulg. densis inter obsidentium itinera praetenturis. ¹⁵⁾ vulg. veliunt.

properantes, ut motus sui rumorem celeritate nimia praevenirent, vigore corporum ac levitate confisi; per ¹⁶⁾ flexuosas semitas ad summitates collium tardius evadebant. Et cum superatis difficultatibus arduis, ad supercilia venissent fluvii Melanis alti et verticosi, qui pro muro tuetur accolae circumfusus, ¹⁷⁾ augente nocte adulta terrorem, quievere paulisper lucem opperientes. Arbitrabantur enim nullo impediante transgressi, inopino accursu adposita quaeque vastare: sed incassum labores pertulere gravissimos. Nam sole orto, magnitudine ¹⁸⁾ angusti gurgitis, sed profundi a transitu arcebantur: et dum piscatorios quaerunt lenunculos, vel innare temere contextis ratibus parant: effusae lectiones, quae hiemabant tunc apud ¹⁹⁾ Siden, iisdem impetu occurrere veloci. Et lignis prope ripam locatis ad manus comminus conferendas, ²⁰⁾ densata scutorum compage semet scientissime praestruiebant: ausos quoque aliquos fiducia nandi, vel cavatis arborum truncis amnem permeare latenter, facillime trucidarunt. Unde tentatis ad discrimen ²¹⁾ ultimum artibus multum, cum nihil impetraretur, pavore vique repellente extrusi, et quo tenderent, ambigentes, venerunt prope oppidum Laranda. ²²⁾ Ubi victu recreati et quiete, postquam abierat timor, vicos opulentos adorti, equestrium adiumento cohortium, quae casu propinquabant, nec resistere planitie porrecta conati, digressi sunt: retroque concedentes, omne iuventutis robur relictum in ²³⁾ sedibus acciverunt. Et quoniam inedia gravi afflictabantur, locum petivere Paleas nomine, vergentem in mare, valido muro firmatum; ubi conduntur nuncusque commeatus, distribui militibus

16) Mf. plexuos. 17) al. urgente nocte adulta temporeque, quiev. 18) Mf. Sidenisdem. 19) densitas scutorum compagem et scientissime. Steph. densas scutorum compages scientiss. 20) al. Ubi.

omne latus Ilauriae defendentibus adsueti. Circumstetere igitur hoc munimentum per triduum et trinoctium: et cum neque acclivitas ipsa sine discrimine ²¹⁾ adiri letali, nec cuniculis quidquam geri posset, nec procedebat ullum obsidionale commentum: maesti excedunt, ²²⁾ postrema vi subigente
 14 maiora viribus adgressuri. Proinde concepta rabie saeviore, quam desperatio incendebat et fames, amplificatis viribus ardore incohibili in excidium urbium matris ²³⁾ Seleucia efferebantur, quam Comes tuebatur Castricius, tresque legiones bellicis
 15 sudoribus induratae. Horum adyentum praedocti speculationibus fidis rectores militum, tellera data sollemni, armatos omnes celeri eduxere procurfu: et agiliter praeterito ²⁴⁾ Calicadni fluminis ponte, cuius undarum magnitudo murorum adluit turres, in speciem locavere pugnandi. Neque tamen exsilivit quisquam, nec permissus est congregi. Formidabatur enim flagrans vesania manus, et superior numero, et ruitura sine respectu salutis in ferrum,
 16 Viso itaque exercitu procul auditoque ²⁵⁾ liticinum cantu, represso gradu parumper steterē praedones: ²⁶⁾ exertantesque minaces gladios, postea lentius
 17 incedebant. Quibus occurrere bene pertinax miles explicatis ordinibus parans, hastisque feriens scuta (qui habitus iram pugnantium concitat et dolorem) proximos iam gestu terrebat. Sed eum in certamen alacriter confurgentem revocare ductores, rati intempestivum, anceps subire certamen, cum haud longe muri distarent, quorum tutela ²⁷⁾ securitas
 18 poterat in solido locari cunctorum. ²⁸⁾ Hac ita persuasione reducti intra moenia bellatores, obserratis undique portarum aditibus, propugnaculis in-

²¹⁾ *Mf. et Steph.* adiri possit letali. ²²⁾ *Steph.* postremo ira fubeunte. ²³⁾ insolentia. ²⁴⁾ *Mf.* Calydcanni. ²⁵⁾ *Steph.* latronum. ²⁶⁾ *Mf. et Steph.* extantesque minantes. ²⁷⁾ *Steph.* Securi poterant in solido loca cuncta locare. ²⁸⁾ *Mf.* Hac uti.

fistebant et pinnis, congesta undique saxa telaque habentes in promptu, ut, si quis sese ²⁹⁾ proripuisset interius, multitudine missilium sterneretur et lapidum. Illud tamen clausos vehementer angebat, ¹⁹ quod captis navigiis, quae frumenta vehabant per flumen, Isauri quidem alimentorum copiis adfluebant: ipsi vero solitarum rerum cibos iam consumendo, inediae propinquantis aerumnas exitiales horrebant. Haec ubi latius fama vulgasset, missae- ²⁰ que relationes assidue Gallum Caesarem permovissent: quoniam magister equitum longius ea tempestate distinebatur, iussus Comes Orientis Nebrius, contractis undique militaribus copiis, ad eximendam periculo civitatem amplam et opportunam, studio properabat ingenti: quo cognito abscessere latrones, nulla re amplius memorabili gesta, ³⁰⁾ dispersique, ut solent, avia montium petiere celorum.

III. Eo adducta re per Isauriam, rege Persarum, bellis finitimis illigato, repellenteque a collimitiis suis ferocissimas gentes, quae mente quadam versabili hostiliter eum saepe incessunt, et in nos arma moventem aliquoties iuvant: Nohodares quidam nomine e numero optimatum, incurfare Mesopotamiam, quoties copia dederit, ordinatus, explorabat nostra sollicitate, si reperisset usquam locum, vi subita perrupturus. Et quia Mesopotamiae tractus omnes crebro inquietari sueti, praetenturis et stationibus servabantur agrariis, laevorsum flexo itinere Osdroenae subsederat extimas partes, novum parumque aliquando tentatum commentum adgressus: quod si impetrasset, ¹⁾ fulminis modo cuncta vastarat. Erat autem, quod agitabat, huiusmodi. Batne municipium in Anthemusia conditum Mace-

²⁹⁾ Mf. proripuisset. . . terias. ³⁰⁾ dispersisque. — ¹⁾ al. ful. instar.

donum manu priscorum, ab Euphrate flumine brevi spatio disparatur; refertum mercatoribus opulentis: ubi annua sollemnitate, prope ²⁾ Septembris initium mensis, ad nundinas magna promiscuae fortunae convenit multitudo, ad commercanda, quae Indimittunt et Seres, aliaque plurima vehi terra mari-
4 que consueta. Hanc regionem praestitutis celebri-
tati diebus invadere parans dux ante dictus, per solitudines Aboraeque amnis herbidas ripas: suorum indicio proditus, qui admissi flagitii metu exagitati, ad praesidia ³⁾ descivere Romana, absque ullo egressus effectum, deinde tabescebat immobilis.

I IV. Saraceni tamen nec amici ¹⁾ nobis umquam, nec hostes optandi, ultro citroque discursantes, quidquid inveniri poterat, momento temporis parvi vastabant, milvorum rapacium similes: qui si praedam dispexerint celsius, volatu rapiunt celeri, aut,
2 nisi impetraverint, non immorantur. Super quorum moribus licet in actibus principis Marci, et postea aliquoties meminerim retulisse; tamen nunc
3 quoque pauca de iisdem expediam carptim. Apud has gentes, quarum exordiens initium ab Assyriis ad Nili cataractas porrigitur et confinia Blemmyarum, omnes pari sorte sunt bellatores, seminudi, coloratis sagulis pube tenus ²⁾ amicti, equorum adiumento perniciem graciliumque camelorum per diversa reptantes, in tranquillis vel turbidis rebus: nec eorum quisquam aliquando stivam adprehendit, vel arborem colit, aut arva subigendo ³⁾ quaerit victum: sed errant semper per spatia longe lateque distenta, sine lare, sine sedibus fixis aut legibus: nec idem perferunt diutius caelum, aut tractus
4 unius soli illis umquam placet. Vita est illis semper in fuga: uxoresque mercenariae conductae ad

2) *ro* mensis *vulg. deest.* 3) *vulg. discurrere.* 1) *Mf. nobiscum quam nec host.* 2) *Mf. amicitii.* 3) *al. quaeritant.*

tempus ex pacto: atque ut sit species matrimonii, dotis nomine futura coniunx hastam et tabernaculum offert marito, post statum diem, si id elegerit, discessura: et incredibile est, quo ardore apud eos in venerem uterque solvitur sexus. Ita autem, 5 quoad vixerint, late palantur, ut alibi mulier nubat, in loco pariat alio, liberosque procul educat, nulla copia quiescendi permessa. Victus universis 6 caro ferina est, lactisque abundans copia qua sustentantur, et herbae multiplices, et si quae alites capi per aucupium possint; et plerosque nos vidimus frumenti usum et vini penitus ignorantes. Hac- 7 tenus de natione perniciofa: nunc ad textum propositum revertamur.

V. Dum haec in Oriente aguntur, Arelate hie- mem agens Constantius, post theatrales ludos atque circenses ambizioso editos adparatu, die sexto idus Octobres, qui imperii eius annum ¹⁾ tricesimum terminabat, ²⁾ insolentiae pondera gravius librans; si quid dubium deferebatur aut falsum, pro liquido accipiens et comperto, inter alia excarnificatum Gerontium ³⁾ Magnentianae Comitem partis, exulari maerore multavit. Utque aegrum corpus quassari etiam levibus solet offensis, ita animus eius angustus et tener, quidquid increpuisset, ad salutis suae dispendium existimans factum aut cogitatum, insolentium caedibus fecit victoriam luctuosam. Si quis enim Militarium vel honoratorum, aut nobilis inter suos, rumore tenus esset infimulatus fovisse partes hostiles, iniecto onere catenarum in modum belluae trahebatur: et inimico urgente vel nullo, quasi sufficiente hoc solo quod nominatus esset, aut delatus, aut postulatus, capite vel multatione bonorum, aut insulari solitudine damuabatur.

1) *Mf.* tricesimum. 2) *Mf.* insolentiae. 3) *al.* Moguntianae.

4 *) Accedebant enim eius asperitati, ubi imminuta vel laesa amplitudo imperii dicebatur, et iracundae suspicionum quantitati proximorum cruentae blanditiae, exaggerantium incidentia, et dolere impendio simulantium, si principis perditur vita, a cuius salute velut filo pendere statum orbis terrarum fictis vocibus exclamabant. Ideoque fertur, neminem aliquando ob haec vel similia poenae addictum, oblato de more elogio revocari iussisse, quod inexorabiles quoque principes facit arunt. Et exitiale hoc vitium, quod in aliis non numquam inepescit, in illo, aetatis progressu effervescebat, obstinatum eius propositum accendente adulatorum cohorte.

6 Inter quos Paulus eminebat Notarius, ortus in Hispania, *) glabro quidam sub vultu latens, odorandi vias periculorum occultas perquam sagax. Is in Britanniam missus, ut Militares quosdam perduceret, ausos conspirasse Magnentio, cum reniti non possent, *) iussa licentius supergressus, fluminis modo fortunis complurium sese repentinus infudit: et ferebatur per strages multiplices ac ruinas, vinculis membra ingentiorum adfligens, et quosdam obterens manicis, crimina scilicet multa confarcinando, a veritate longe discreta. Unde admissum est facinus impium, quod Constantii tempus nota inusserat sempiterna. *) Martinus agens illas provincias pro Praefectis, aerumnas innocentium graviter gemens, saepeque obsecrans, ut ab omni culpa immunibus parceretur, cum non impetraret, minabatur se discessurum: ut saltem id metuens perquisitor malevolus, tandem desineret quieti *) coaglitos homines in aperta pericula proiectare. Per

4) Accedebant enim eius asperitati ibi imminu . . . amplitudo i. d. et iracundiae: suspicionum quantitati proximorum cruentae bland. 5) Mf. glaber quidam. 6) al. hic licentius. 7) Mf. Martinus agens. 8) Steph. traditos.

hoc minui studium suum existimans Paulus, ut erat in complicandis negotiis artifex dirus,⁹⁾ unde ei Catenae inditum est cognomentum, Vicarium ipsum eos, quibus praeerat, adhuc defensantem, ad sortem periculorum communium traxit. Et instabat, ut eum quoque, cum Tribunis et aliis pluribus; ad comitatum imperatoris vinctum perduceret: quo percitus ille, exitio urgente¹⁰⁾ abrupto, ferro eundem adoritur Paulum. Et quia languente dextera letaliter ferire non potuit, iam districtum mucronem in proprium latus impegit: hocque deformi genere mortis excessit e vita iustissimus, remora ausus miserabiles casus levare multorum. Quibus ita sceleste patrat, Paulus cruore perfusus,¹¹⁾ reversusque ad principis castra, multos cooperatos pene catenis adduxit, in squalorem deiectos atque maestitiam: quorum adventu intendebantur eculei, uncosque parabat, carnifex et tormenta. Et ex iis proscripti sunt plures, actique in exilium alii: nonnullos gladii consumsere poenales. Nec enim quisquam facile meminit sub Constantio,¹²⁾ ubi susurro tenus haec movebantur, quemquam absolutum.

VI. Inter haec Orfitus Praefecti potestate regibat urbem aeternam, ultra modum delatae dignitatis sese efferens insolenter: vir quidem prudens, et forensium negotiorum oppido gnarus, sed splendore liberalium doctrinarum minus, quam nobilem decuerat, institutus: quo administrante, seditiones sunt concitatae graves ob inopiam vini: cuius avidis usibus vulgus¹⁾ intentum ad motus asperos excitatur et crebros.

Et quoniam mirari posse quosdam peregrinos existimo haec lecturos, forsitan si contigerit, quam-

9) *al.* Catena. 10) *Mf.* abrupto. 11) reversusque ad Pr. 12) *Mf.* ubi usurio. 1) *Mf.* intentus mutentus.

obrem cum oratio ad ea monstranda deflexerit, quae Romae gererentur, nihil praeter seditiones narratur, et tabernas, et vilitates harum similes alias: summatim causas perstringam, nusquam a veritate sponte propria digressurus.

- 3 Tempore, quo primis auspiciis in mundanum fulgorem surgeret victura, dum erunt homines, Roma, ut augeretur sublimibus incrementis, foedere pacis aeternae Virtus convenit atque Fortuna, plerumque dissidentes: quarum si altera ²⁾ defuisset, 4 ad perfectam non venerat summitatem. Eius populus ab incunabilis primis adusque pueritiae tempus extremum, quod annis circumcluditur fere trecentis, circummurana pertulit bella: deinde aetatem ingressus adultam, post multiplices bellorum aerumnas, Alpes transcendit et fretum: in iuvenem erectus et virum, ex omni plaga, quam orbis ambit immensus, reportavit laureae triumphos: iamque vergens in senium, et nomine solo aliquo- 5 ties vincens, ad tranquilliora vitae discessit. Ideo urbs venerabilis post superbas efferatarum gentium cervices oppressas, latasque leges, fundamenta libertatis et retinacula sempiterna: velut frugi parens, et prudens, et dives, Caesaribus tamquam 6 liberis suis regenda patrimonii iura permisit. Et olim licet otiosae sint tribus, pacataeque centuriae, et nulla suffragiorum certamina, sed Pompiliani redierit securitas temporis: per omnes tamen, quotquot sunt, partes terrarum, ut domina ³⁾ suspicitur et regina: et ubique Patrum reverenda cum auctoritate canities, populique Romani nomen circumspectum et ⁴⁾ verecundum.
- 7 Sed laeditur hic coetuum magnificus splendor levitate paucorum incondita, ubi nati sint, non

2) abfuisset. 3) Mf. fuscipitur. 4) Mf. verecundum.

reputantium, sed tamquam ⁵⁾ indulta licentia vitiis, ad errores lapsorum ⁶⁾ et lasciviam. Ut enim Simonides Lyricus docet, beate perfecta ratione victuro, ante alia patriam esse convenit gloriosam. Ex his quidam aeternitati se commendari posse per ⁸⁾ statuas existimantes, eas ardentem adfectant, quasi plus praemii ex figmentis aereis sensu carentibus adepturi, quam ex conscientia honeste recteque factorum: easque auro curant imbracteari: quod ⁷⁾ Acilio Glabrioni delatum est primo, cum consiliis armisque regem superasset Antiochum. Quam autem sit pulchrum, exigua haec spernentem et minima, ad adscensus verae gloriae tendere longos et arduos, ut memorat vates Ascreaeus, Censorius Cato monstravit: qui interrogatus, quamobrem inter multos ⁸⁾ nobiles statuam non haberet; malo, inquit, ambigere bonos, quamobrem id non meruerim: quam, quod est gravius, cur impetraverim, multitare.

Alii summum decus in ⁹⁾ carrucis solito altioribus, et ambitioso vestium cultu ponentes, sudant sub ponderibus lacernarum, quas ¹⁰⁾ collis insertas cingulis ipsis adnectunt, ¹¹⁾ nimia subteminum tenuitate perflabiles; ¹²⁾ expectantes crebris agitationibus, maximeque sinistra, ut longiores finibriae ¹³⁾ tunicaeque perspicue luceant, varietate liciorum ¹⁴⁾ effigiatae in species animalium multiformes. Alii nullo quaerente, vultus severitate ¹⁰⁾ adsimulata, patrimonium suum in immensum extollunt, cultorum ut puta feracium multiplicantes annuos fructus, quae a primo ad ultimum solem se abunde iactitant pollidere: ignorantes profecto maiores

5) indulta licentiis ad errores. 6) Ms. ad lasc. 7) Ms. a Cilicio. 8) deest in Ms. 9) Ms. carruchis. 10) Ms. in collis inserta. 11) Ms. ne una. 12) peripia vilis expectantes . . . crebris a cogitationibus, maximeque sinist. 13) Steph. et Ms. tunicaeque. 14) Ms. effigatae.

suos, per quos ita magnitudo Romana porrigitur, non divitiis eluxisse, sed per bella saevissima, nec opibus, nec victu, nec indumentorum vilitate a gregariis militibus discrepantes, opposita cuncta
 11 superasse virtute. Hinc ex collaticia stipe Valerius humatur ille Poplicola: et subsidiis amicorum mariti, inops cum liberis uxor alitur Reguli: et dotatur ex aerario filia Scipionis, cum nobilitas florem adultae virginis, diuturnam absentiam pauperis erubesceret patris.

12 At nunc, si ad aliquem bene nummatum ¹⁵⁾ timentemque ideo, honestus advena salutatum introiveris, primitus tamquam exoptatus suscipieris: et interrogatus multa, coactusque mentiri, miraberis numquam antea visus, summam virum tenuem te sic enixius observantem: ut poeniteat ob haec bona tamquam praecipua non vidisse ante decennium ¹⁶⁾ Romam. Hacque adfabilitate confisus, cum eadem postridie feceris, ut incognitus haerebis et repentinus, hortatore illo ¹⁷⁾ hesterno . . . numerando, qui sis vel unde venias, diutius ambigente. Agnitus vero tandem, et adscitus in amicitiam, si te salutandi adfiduitati dederis triennio indiscretus, et per ¹⁸⁾ totidem defueris tempus, reverteris ad paria perferenda: nec ubi esses interrogatus, et ¹⁹⁾ num e medio discesseris, aetatem omnem frustra
 14 in stipite conteres submittendo. ²⁰⁾ Cum autem intervallata temporibus convivium longa et noxia coeperint adparari, vel distributio sollemnium sportularum; anxia deliberatione tractatur, an exceptis iis, quibus vicissitudo debetur, peregrinum invitari conveniet: et, si digesto plene consilio id ²¹⁾ placuerit

15) timentemque ideo. 16) Mf. Romam. Hacque. 17) al. hesternam die mirando. 18) totidem defueris tempus, reverteris. 19) non te misero. 20) Cum autem commotus intervallata. 21) Steph. placuerit fieri.

cuerit fieri, is adhibetur, qui pro domibus excubat aurigarum, aut artem tellerariam profitetur, aut secretiora quaedam se nosse confingit. Homines enim eruditos et sobrios ut infauostos et inutiles vident: eo quoque accedente, quod et nomenclatores adfueti haec et talia venditare, mercede accepta, ²²⁾ lucris quosdam et prandiis inferunt subditicios ignobiles et obscuros.

Mensarum enim voragines, et varias voluptatum illecebras, ne longius progrediar, praetermitto: illuc transiturus, quod quidam per ampla spatia urbis, subversasque filices, sine periculi metu properantes, equos velut publicos signatis, quod dicitur, ²³⁾ calceis agitant, familiarum agmina tamquam praedatorios globos post terga trahentes, ne Sannione quidem, ut ait comicus, domi relicto: quos ²⁴⁾ imitatae matronae complures, opertis capitibus et balternis, per latera civitatis cuncta discurrunt. Utque praeliorum periti rectores primo ceteras densas opponunt et fortes, deinde leves armaturas, post iaculatores, ultimasque subsidiales acies, si fors adegerit, ²⁵⁾ invasuras: ita praepolitis urbanae familiae suspensae digerentibus sollicitae, quos insignes faciunt virgae dextris aptatae, velut tessera data castrensi, iuxta vehiculi frontem omne ²⁶⁾ textrinum incedit: huic atratum coquinae adiungitur ministerium, deinde totum promiscue servitium, cum ²⁷⁾ otiosis plebeiis de vicinitate coniunctis: postrema multitudo spadonum, a senibus in pueros desinens, obluridi, distortaque lineamentorum compage ²⁸⁾ deformes: ut quaqua incesserit quisquam, cernens mutilorum hominum agmina, detestetur memoriam Semiramidis reginae illius

22) lucris quosdam. 23) Mf. calcis agitant. 24) semitate. 25) iuvaturas. 26) mextrinum. 27) al. otiosae plebis. 28) Mf. deformes.

veteris, quae teneros mares castravit omnium prima, velut vim iniectans naturae, ²⁹⁾ eandemque ³⁰⁾ ab instituto cursu retorquens, quae inter ipsa oriundi crepundia, per primigenios ³¹⁾ seminis fontes, tacita quodammodo lege, vias propagandae posteritatis ostendit.

18 Quod cum ita sit, paucae domus studiorum seriis cultibus antea celebratae, nunc ludibriis ignaviae torpentis exundant, vocali sono, ³²⁾ perflabili tinnitu fidium resultantes. Denique pro philosopho cantor, et in locum oratoris doctor artium ludicarum accitur: et bibliothecis sepulcrorum ritu in perpetuum clausis, organa ³³⁾ fabricantur hydraulica, et lyrae ad speciem carpentorum ingentes, tibiaeque et histrionici gestus instrumenta non levia.

19 Postremo ad id indignitatis est ventum, ut, cum peregrini ob formidatam haud ita dudum alimentorum inopiam pellicerentur ab urbe praecipites, spectatoribus disciplinarum liberalium impendio paucis sine respiratione ulla extrusis, tenerentur ³⁴⁾ mimarum adseclae veri, ³⁵⁾ quique id simularunt ad tempus, et tria millia saltatricum ne interpellata quidem, cum choris totidemque remanerent magistris.

20 Et licet, quocumque oculos flexeris, feminas adfatim multas spectare cirratas, quibus, si nupfissent, per aetatem ter iam nixus poterat suppetere liberorum, adusque taedium pedibus pavimenta ³⁶⁾ tergentes, iactari volubilibus gyris, dum exprimunt innumera simulacra, quae finxere fabulae theatrales.

21 Illud autem non dubitatur, quod, cum esset aliquando virtutum omnium domicilium Roma, ingenuos advenas plerique nobilium (ut Homerici ba-

29) Mf. eundemque. 30) *et ab* deest in al. 31) Mf. seminis fortes. 32) vocabili sono perflabili. 33) *al.* fabricant ut. 34) Mf. minimarum. 35) Mf. quique. 36) Mf. tergentis iactare.

carum suavitate Lotophagi) humanitatis multiformibus officiis retentabant. Nunc vero inanes flatus²² quorundam, vile esse, quidquid extra urbis pomœrium nascitur, aestimant, praeter orbos et caelibes: nec credi potest, qua obsequiorum diversitate coluntur homines sine liberis Romae. Et quo-²³ niam apud eos, ut in capite³⁷⁾ mundi, morborum acerbitates celsius dominantur, ad quos vel sedandos omnis professio medendi³⁸⁾ torpescit; excogitatum est adminiculum hospitale, ne quis amicum perferentem similia videat: additumque est cautionibus paucis remedium aliud satis validum; ut³⁹⁾ famulos percontatum missos, quemadmodum valeant noti hac aegritudine colligati, non ante recipiant domum, quam lavacro purgaverint corpus. Ita etiam alienis oculis visa metuitur labes. Sed²⁴ tamen, haec cum ita tutius observentur, quidam vigore artuum imminuto, rogati ad nuptias, ubi aurum dexteris manibus cavatis offertur, impigre vel usque Spoletium pergunt. Haec⁴⁰⁾ nobilium instituta.

Ex turba vero imae sortis et⁴¹⁾ paupertinae in²⁵ tabernis aliqui pernoctant vinariis: nonnulli velabris umbraculorum theatralium latent, quae Campanam imitatus lasciviam Catulus in aedilitate sua suspendit omnium primus: aut pugnaciter aleis certant, turpi sono fragoris naribus introrsum reducto spiritu concrepantes: aut, quod est studiorum omnium maximum,⁴²⁾ ab ortu lucis ad vesp̄eram sole fatiscunt vel pluviis,⁴³⁾ per minutias aurigarum equorumque praecipua, vel delicta scrutantes. Et²⁶ est admodum mirum, videre plebem innumeram

B 2

37) mundiorum acerb. 38) Mf. torrescit. 39) Mf. *ut* deest. 40) Mf. Nobilium est instituta. 41) Steph. paupertinae. 42) *ut* lucis deest al. 43) al. praemia aurigarum equorumque praecipua. Steph. vel praecipuas delicias.

mentibus ardore quodam infuso, cum dimicationum curulium eventu pendentem. Haec similiaque memorabile nihil vel serium agi Romae permittunt. Ergo redeundum ad textum.

- ¹ VII. Latius iam disseminata licentia onerosus bonis omnibus Caesar, nullum post haec adhibens modum, Orientis latera cuncta vexabat, nec honoratis parcens, nec urbium primatibus, nec plebeiis.
- ² Denique Antiochenfis ordinis vertices sub uno elogio iussit occidi; ideo efferatus, quod ei celebrari vilitatem intempestivam urgenti, cum impenderet inopia, gravius Rationabili responderunt: et perisissent ad unum, ni Comes Orientis tunc Honoratus
- ³ fixa constantia restitisset. Erat autem diritatis ¹⁾ eius hoc quoque indicium, nec obscurum, nec latens, quod ludicris cruentis delectabatur, et in circo sex vel septem aliquoties vetitis certaminibus pugilum vicissim se concidentium, perfusorumque sanguine
- ⁴ specie ut lucratus ingentia laetabatur. ²⁾ Accenderat super his incitatum propositum ad nocendum aliqua mulier vilis, quae ad palatium, ut poposcerat, intromissa, insidias ei latenter obtendi prodiderat ab militibus obscurissimis: quam ³⁾ Constantina exultans, ut in tuto iam locata mariti salute, muneratam vehiculoque impositam, per regiae ianuas emisit in publicum, ut iis illecebris alios quoque
- ⁵ ad indicanda proliceret paria vel maiora. Post haec Gallus Hierapolim profecturus, ut expeditioni specie tenuis adesset, Antiochenfi plebi suppliciter obsecrauit, ut inediae dispelleret metum, quae per multas difficilesque causas adfore iam sperabatur, non (ut mos est principibus, quorum diffusa potestas localibus subinde medetur aerumnis) disponi quidquam statuit, vel ex provinciis alimenta transferri conterminis: sed Consularem Syriae Theophi-

1) *τὸ eius* Mf. deest. 2) Mf. Accederat. 3) Mf. Constantia.

lum prope adstantem, ultima metuenti multitudini dedit, assidue replicando, quod invito rectore nullus egere poterit victu. Auxerunt haec vulgi6 sordidioris audaciam: et cum ingravesceret penuria commeatum, famis et furoris impullu, Eubuli cuiusdam inter suos clari domum ambitiosam ignibus subditis inflammavit: rectoremque, ut sibi iudicio imperiali addictum, calcibus incessens et pugnis, conculcans seminecem laniatu miserando discerplit. Post cuius lacrymosum interitum in unius exitio quisque imaginem periculi sui considerans, documento recenti similia formidabat. Eodem tempore Serenianus ex Duco, cuius ignavia7 populatam in Phoenice Celsen ante retulimus, pulsatae maiestatis imperii reus iure postulatus ac lege, incertum qua potuit suffragatione absolvi: aperte convictus, familiarem suum cum pileo, quo caput operiebat, incantato vetitis artibus, ad templum misisse fatidicum, 4) quaeritatum expresse, an ei firmum portenderetur imperium, ut cupiebat, et cunctum. Duplexque iisdem diebus acciderat malum, quod et Theophilum insontem atrox 5) interceperat casus, et Serenianus dignus execratione cunctorum, innoxius modo non reclamante publico vigore discessit.

Haec subinde Constantius audiens, et quaedam9 referente Thalassio doctus, quem obisse iam compererat lege communi: scribens ad Caesarem blandius, adiumenta paullatim illi subtraxit, sollicitari se simulans, 6) ne, uti est militare otium fere tumultuosum, in eius perniciem conspiraret, solisque scholis iussit esse contentum palatinis et protectorum, cum scutariis et gentilibus: et mandabat Domitiano, ex Comite 7) Largitionum, praefecto, ut,

4) Ms. quaeritatum praesa. 5) Ms. interceperat. 6) Ms. ne vitiae. 7) Ms. Largitionum Praefecto provento.

cum in Syriam venerit, Gallum, quem crebro acci-
 verat, ad Italiam properare blande hortaretur et
 10 verecunde. Qui cum venisset ob haec festinatis
 itineribus Antiochiam, praefrictis palatii ianuis,
 contempto Caesare, quem videri decuerat, ad prae-
 torium cum pompa sollemni perrexit: ⁸⁾ morbos-
 que diu causatus, nec regiam introiit, nec procellit
 in publicum: sed abditus multa in eius moliebatur
 exitium, addens quaedam relationibus supervacua,
 11 quas subinde dimittebat ad principem. Rogatus
 ad ultimum, admissusque in consistorium, ambage
 nulla praegressa, inconsiderate et leviter, Profici-
 scere, inquit, ut praeceptum est, Caesar, sciens,
 quod si cessaveris, et tuas et palatii tui auferri iu-
 bebo propediem annonas. Hocque solo contuma-
 citer dicto, subiratus abscessit, nec in conspectum
 12 eius postea venit saepius ⁹⁾ arcessitus. Hinc ille
 commotus, ut iniusta perferens et indigna, prae-
 fecti custodiam protectoribus mandaverat fidis.
 Quo comperto Montius tunc quaestor, vaser qui-
 dem, sed ad lenitatem propensior, consulens in
 commune, advocatos palatarum primos schola-
 rum adloquutus est mollius, ¹⁰⁾ docens nec decere
 haec fieri, nec prodesse: addensque vocis obiur-
 gatorio sono, quod, si id placeret, post statuas
 Constantii deiectas, super adimenda vita praefecto
 13 conveniet securius cogitari. His cognitis, Gallus
 ut serpens adpetitus telo vel saxo, iamque spes ex-
 tremas opperiens, et succurrens saluti suae quavis
 ratione, colligi omnes iussit armatos: et cum starent
 14 attoniti, districta dentium acie stridens, *Adeste,*
inquit, viri fortes mihi periclitanti vobiscum. Mon-
tius nos timore inusitato quodam et novo, ut rebel-
les et maiestati recalcitrantes Augustae, per haec

8) Steph. morboque diu vexatus. 9) Ms. arcessitus. 10) docens
 nec decere.

quae strepit ¹¹⁾ incusat: iratus nimirum, quod contumacem praefectum, quid rerum ordo postulat, ignorare dissimulantem, formidine tenus iusserim custodiri. Nihil morati post haec militares, avidi ¹⁵ saepe turbarum, adorti sunt Montium primum, qui divertebat in proximo, levi corpore senem, atque morbosum: et hirsutis relliculis ¹²⁾ cruribus eius innexis, divaricatum siue spiramento ullo adusque praetorium traxere praefecti. Et eodem impetu ¹⁶ Domitianum praecipitem per scalas, iidem funibus constrinxerunt: eosque coniunctos per ampla spatia civitatis acri raptavere discursu. Iamque artuum et membrorum divulsa compage, supercandentes corpora mortuorum, ad ultimam truncata deformitatem, ¹³⁾ velut exsaturati ¹⁴⁾ mox abiecerunt in flumen. Incenderat autem audaces usque ad infamiam ¹⁷ homines ad haec, quae nefariis egere conatibus, Luscus quidam curator urbis subito visus: ¹⁵⁾ eos ut eiulans baiulorum praecentor, ad expediendum, quod orsi sunt, incitans vocibus crebris: qui haud longe postea ideo vivus exustus est.

Et quia Montius inter ¹⁶⁾ dilaniantium manus ¹⁸ spiritum efflaturus, Epigonium et Eusebium, nec professionem, nec dignitatem ostendens, aliquoties increpabat: qui sint hi, magna quaerebatur industria, et nequid intepesceret, Epigonius e Lycia philosophus ducitur, et Eusebius ab ¹⁷⁾ Emilla Pittacas cognomento, concitatus orator: cum quaestor non hos, sed tribunos fabricarum insinulasset, promittentes armorum si novas res agitari ¹⁸⁾ comperissent. Iisdem ¹⁹ diebus Apollinaris Domitiani gener, paulo ante agens palatii Caesaris curam, ad Mesopotamiam missus a focero, per militares numeros immodice

11) Ms. incusat. 12) *et eius* Ms. deest. 13) Ms. velut exsaturatio. 14) *et mox* Ms. deest. 15) *al.* cumque eo Stenelaus baiulor. 16) Ms. dilacinantium. 17) Ms. ad dimissa pictacas cognomento. 18) *al.* coepissent.

scrutabatur, an quaedam altiora meditantis iam Galli secreta susceperint scripta: qui compertis Antiochiae gestis, per minorem Armeniam lapsus, Constantinopolim petiit, exindeque per protectores retractus, artissime tenebatur.

20 Quae dum ita struuntur, indicatum est apud Tyrum indumentum regale textum occulte, incertum quo locante, vel cuius usibus adparatum. Ideoque rector provinciae tunc pater Apollinaris, eiusdem nominis, ut conscius ductus est: aliique congregati sunt ex diversis civitatibus multi, qui atrocium criminum ponderibus urgebantur.

21 Iamque lituis cladium concrepantibus internarum, non celate, ut antea, turbidum saeviebat ingenium, a veri consideratione detortum: et nullo impositorum vel compositorum fidem sollemniter inquirente, nec ¹⁹⁾ discernente a societate noxiorum insontes, velut exturbatum e iudiciis fas omne discessit: et causarum legitima silente defensione, carnifex rapinarum sequester, et obductio capitum, et bonorum ubique multatio versabatur per orientales provincias: quas recensere puto nunc opportunum, absque Mesopotamia, iam digesta, cum bella ²⁰⁾ Parthica dicerentur, et Aegypto, quam necessario aliud ²¹⁾ reieci ad tempus.

VIII. Superatis Tauri montis verticibus, qui ad solis ortum sublimius attolluntur, Cilicia spatiis porrigitur late distentis, dives bonis omnibus terra: eiusque lateri dextro adnexa Isauria, pari sorte uberi palmitate viret et frugibus multis: quam mediam ²²⁾ navigabile flumen Calycadnus interseindit. Et hanc quidem, praeter oppida multa, duae civitates exornant, Seleucia, opus Seleuci regis, et Claudiopolis, quam deduxit coloniam Claudius Caesar.

¹⁹⁾ *al.* discerpente. ²⁰⁾ *Ms.* Parthica . . . rentur. ²¹⁾ *Ms.* reieci. . . . ad tempus.

Isaura enim antehac ¹⁾ nimium potens, olim sub-
 versa ut rebellatrix interneciva, aegre vestigia cla-
 ritudinis pristinae monstrat admodum pauca. Cili-
 ciam vero, quae Cydno amne exsultat, Tarsus no-
 bilitat, urbs perspicabilis: (hanc condidisse Perseus
 memoratur, Iovis filius et Danaës, vel certe ex Ae-
 thiopia profectus Sandan quidam nomine, vir opu-
 lentus et nobilis) et Anazarbus auctoris vocabulum
 referens: et Mopsuestia, vatis illius domicilium
 Mopfi, quem a commilitio Argonautarum, cum
 aureo vellere direpto redirent, errore abstractum,
²⁾ delatumque ad Africae littus mors repentinâ con-
 sumpsit: et ex eo, cespite punico tecti manes eius
 heroici, dolorum varietati medentur plerumque
 fospitales. Hae duae provinciae bello quondam ⁴
 piratico catervis mistae praedonum, a Servilio pro-
 consule missae sub iugum, factae sunt vectigales.
 Et hae quidem regiones velut in prominenti terra-
 rum lingua posita, ³⁾ ab orbe Eoo monte Amano
 disparantur. Orientis vero limes in longum pro-
 tentus et rectum, ab Euphratis fluminis ripis adus-
 que supercilia porrigitur Nili, laeva Saracenae con-
 terminans gentibus, dextra pelagi fragoribus pa-
 tens: quam plagam ⁴⁾ Nicator Seleucus occupatam
 auxit magnum in modum, cum post Alexandri Ma-
 cedonis obitum successorio iure teneret regna Per-
 sidis, efficaciae impetrabilis rex, ut indicat cogno-
 mentum. Abusus enim multitudine hominum, ⁶
 quam tranquillis in rebus diutius rexit, ex agresti-
 bus habitaculis urbes construxit, multis opibus fir-
 mas et viribus: quarum ad praesens pleraeque licet
 Graecis nominibus adpellentur, quae iisdem ad ar-
 bitrium imposita sunt conditoris, primogenia tamen

¹⁾ Mf. nemium potens. ²⁾ *al.* delatum ad. ³⁾ Mf. ab urbe.
⁴⁾ *al.* Nicanor.

nomina non ⁵⁾ amittunt, quae eis Assyria lingua institutores veteres indiderunt.

7 Et prima post Osdroënam, quam (ut dictum est) ab hac descriptione discrevimus, Commagena, nunc Euphratenfis, clementer adfurgit; Hierapoli, ⁶⁾ vetere Nino, et Samofata civitatibus ⁷⁾ amplis illustis.

8 Dein Syria per speciosam interpatet diffusa planitiem. Hanc nobilitat Antiochia, mundo cognita civitas, cui non certaverit alia advecticiis ita adfluere copiis et internis, et Laodicea, et Apamia, itidemque Seleucia, iam inde a primis auspiciis florentissimae.

9 Post hanc ⁸⁾ acclinis Libano monti Phoenice, regio plena gratiarum et venustatis, urbibus decorata magnis et pulchris: in quibus amoenitate celebritateque nominum Tyrus excellit, Sidon et Berytus, iisdemque pares, Emiffa, et Damascus, faeculis conditae priscis. Has autem provincias, quas
10 Orontes ambiens amnis, imosque pedes Cassii montis illius celsi praetermeans, funditur in Parthenium mare, Cn. Pompeius superato Tigrane, regnis Armeniorum abstractas ditioni Romanae coniunxit.

11 Ultima Syriarum est Palaestina, per intervalla magna protenta, cultis abundans terris et nitidis, et civitates habens quasdam egregias, nullam nulli cedentem, sed sibi vicissim velut ad perpendicularum aemulas: Caesaream, quam ad honorem Octaviani principis exaedificavit Herodes, et Eleutheropolim, et Neapolim, itidemque Ascalonem, ⁹⁾ Gazam,
12 aevo superiore exstructas. In his tractibus navigerum nusquam visitur flumen: et in locis plurimis aquae suapte natura calentes emergunt, ad usus aptae multiplicium medelarum. Verum has quoque

5) *al.* admittunt. 6) *Mf.* Veterennino. 7) *Mf.* amplis et illustis. 8) *al.* acclivis. 9) *deest* in Steph.

regiones pari sorte Pompeius Iudaeis domitis, et Hierosolymis captis, in provinciae speciem, rectori delata iurisdictione, formavit.

Huic Arabia est conferta, ex alio latere Nabataeis contigua; opima varietate commerciorum, castrisque oppleta validis et castellis, quae ad repellendos gentium vicinarum excursus, sollicitudo pervigil veterum per opportunos saltus erexit et cautos. Haec quoque civitates habet inter oppida quaedam ingentes, Bosram et Gerasam atque Philadelphiam, murorum firmitate cautissimas. Hanc provinciae imposito nomine, rectoreque attributo, obtemperare legibus nostris Traianus compulit imperator, incolarum tumore saepe contuso, cum glorioso Marte Mediam urgeret et Parthos.

Cyprum itidem insulam procul a continenti discretam et portuosam, inter municipia crebra urbes duae faciunt claram, Salamis et Paphus: altera Iovis delubris, altera Veneris templo insignis. Tanta tamque multiplici fertilitate abundat rerum omnium eadem Cyprus, ut nullius externi indigens adminiculi, indigenis viribus, a fundamento ipso carinae ad supremos usque carbasos aedificet onerariam navem, omnibusque armamentis instructam mari committat. Nec piget dicere, avide magis hanc insulam populum Romanum invalisse, quam iuste. Ptolemaeo enim rege foederato nobis et socio, ob aerarii nostri angustias iusso sine ulla culpa proscribi, ideoque haulto veneno voluntaria morte deleta, et tributaria facta est, et velut hostiles eius exuviae classi impositae, in urbem advectae sunt per Catonem. Nunc repetetur ordo gestorum.

IX. Inter has ruinarum varietates, a Nisibi, quam tuebatur accitus Urficinus, cui nos obsequuturos iunxerat imperiale praeceptum, dispicere litis exitialis semina cogeatur, abnuens et reclamans adulatorum oblatrantibus turmis: bellicosus sane

nilesque semper et militum ductor, sed forensibus iurgiis longe discretus: qui metu sui discriminis anxius, cum accusatores quaesitoresque¹⁾ subditivos sibi confociatos ex iisdem foveis cerneret emergentes, ²⁾ quae clam palamve agitabantur, occultis Constantium litteris edocebat, implorans subsidia, quorum metu tumor notissimus Caesaris exhalaret.

2 Sed cautela nimia in peiores haeserat plagas, ut narrabimus postea, aemulis confarcinantibus insidias graves apud Constantium, caetera medium principem, sed si quid ³⁾ auribus eius huiusmodi quivis infudisset ignotus, acerbum et implacabilem, et in hoc causarum titulo dissimilem sui.

3 Proinde die funestis interrogationibus praestituto, imaginarius iudex equitum resedit magister, adhibitis aliis iam, quae essent agenda, praedoctis: et adlangebant hincinde notarii, quid quaesitum esset, quidve responsum, cursim ad Caesarem perferentes: cuius imperio truci, ac stimulis reginae, exertantis aurem subinde per aulaeum, nec diluere obiecta permitti, nec defensi periere complures.

4 Primi igitur omnium statuuntur Epigonius et Eusebius, ob nominum gentilitatem oppressi. Praediximus enim Montium, sub ipso vivendi termino, his vocabulis adpellatos fabricarum culpasse tribunos, ut adminicula ⁴⁾ futurae molitioni pollicitos.

5 Et Epigonius quidem amictu tenuis philosophus, ut adparuit, prece frustra tentata, sulcatis lateribus, mortisque metu admoto, turpi confessione cogitatorum socium, quae nulla erant, fuisse firmavit, cum nec vidisset quidquam nec audisset, penitus expers forensium rerum: Eusebius vero obiecta fidentius negans, ⁵⁾ suspensus in eodem gradu con-

1) subditivos. 2) Steph. quaedam quae palam ag. 3) *ro eius* deest in Mf. 4) futurae ultioni. 5) suspensus in eodem gradu cunctantia est et id latrocinium.

stantiae stetit, latrocinium illud esse, non iudicium clamans. Cumque pertinacius, ut legum gnarus, 6 accusatorem flagitaret atque sollempnia, doctus id Caesar, libertatemque superbiam ratus, tamquam obtrectatorem audacem excarnificari praecepit: qui ita evisceratus, ut cruciatibus membra deessent, implorans caelo iustitiam, torvum renidens fundato pectore mansit immobilis, nec se inculcare, nec quemquam alium passus: et tandem nec confessus nec confutatus, cum abiecto consorte poenali est morte multatus. Et ducebatur intrepidus temporum iniquitati insultans, imitatus Zenonem illum veterem Stoicum, qui ut mentiretur quaedam, laceratus diutius, avulsam sedibus linguam suam cum cruento sputamine in oculos interrogantis 6) Cyprii regis impexit. Post haec indumentum regale quae- 7 rebatur: et ministris fucandae purpurae tortis, confessisque pectoralem tuniculam sine manicis textam, Maras quidam nomine inductus est (ut appellant Christiani) diaconus: cuius prolatae litterae scriptae Graeco sermone ad Tyrii textrini praepositum, celerari speciem perurgebant: quam autem non indicabant: denique etiam idem adusque discrimen vitae vexatus, nihil fateri compulsus est. Quae- 8 stione igitur per multiplices dilatata fortunas, cum ambigerentur quaedam, nonnulla levius actitata constaret, post multorum clades Apollinares ambo, pater et filius, in exilium acti, cum ad locum Crateras nomine pervenissent, villam scilicet suam, quae ab Antiochia 7) vicelimo et quarto disiungitur lapide, ut mandatum est, fractis cruribus occiduntur.

Post quorum necem nihilo lenius ferociens Gallus, ut leo cadaveribus passus, multa huiusmodi

6) Mf. et Steph. Cyprini. 7) al. vicelimo.

scrutabatur: quae singula narrare non refert, ne professionis modum, ⁸⁾ quod evitandum est, excedamus.

(A. C. 554.)

1 X. Haec dum Oriens diu perferret, caeli resecrato tepore, Constantius consulatu suo septies, et Caesaris ter, egressus Arelate Valentiam petit, in ¹⁾ Gundomadum et Vadomarium fratres Alamannorum reges arma moturus, quorum crebris ²⁾ excursibus vastabantur confines limitibus terrae Gallo-
2rum. Dumque ibi diu moratur, commeatus operiens, quorum translationem ex Aquitania ³⁾ verni imbres solito crebriores prohibebant, auctique torrentes, ⁴⁾ Herculanus advenit protector domesticus, Hermogenis ex magistro equitum filius, apud Constantinopolim, ut supra retulimus, ⁵⁾ populari quondam turbela discerpti: quo verissime referente, quae Gallus egerat, damnis super praeteritis maerens, et futurorum timore suspensus, angorem
3animi, quamdiu potuit, emendabat. Miles tamen interea omnis apud Cabillona collectus, morarum impatiens saeviebat, hoc irritator, quod nec subsidia vivendi suppeterent, alimentis nondum ex usu
4translatis. Unde Rufinus ea tempestate praefectus praetorio, ad discrimen trusus est ultimum. Ire enim ipse compellebatur ad militem, quem exagitant inopia simul et feritas, et alioquin coalito more in ordinarias dignitates asperum semper et saevum, ut satisfaceret, atque monstraret, quam
5ob causam annonae convectio sit impedita. Quod opera consulta cogitabatur astute, ut hoc insidiarum genere ⁶⁾ Galli periret avunculus, ne eum ut

8) Ms. saevitatum. 1) Gundoundum. 2) Ms. excursa. 3) Ms. averni. Steph. Arverni. 4) al. Arculanus. 5) populari ut quondam. 6) Ms. talis.

praepotens acueret ⁷⁾ in fiduciam, exitiosa coeptantem. Verum navata est opera diligens; ⁸⁾ hocque dilato, Eusebius praepositus cubiculi missus est Cabillona, aurum secum perferens: quo per turbulentos seditionum ⁹⁾ concitores occultius distributo, et tumor consenuit militum, et salus est in tuto locata praefecti. Deinde cibo abunde perlato, castra die praedicto sunt mota. Emenfis itaque ⁶ difficultatibus multis, et nive obrutis callibus pluribus, ubi prope Rauracum ventum est ad supercilia fluminis Rheni, resistente multitudine Alamanna, pontem suspendere navium compage Romani vi nimia vetabantur, ritu grandinis undique convolantibus telis: et cum id impossibile videretur, Imperator cogitationibus magnis attonitus, quid capefferet, ambigebat. Ecce autem ex improvviso index qui-⁷ dam regionum gnarus advenit, et mercede accepta vadofum locum nocte monstravit, unde superari potuit flumen: et potuisset aliorum ¹⁰⁾ intentis hostibus ¹¹⁾ exercitus inde transgressus, nullo id opinante, cuncta vastare, ni pauci ex eadem gente, quibus erat honoratioris militiae cura commissa, populares suos haec per nuntios docuissent occultos, ut quidam existimabant. Infamabat autem ⁸ haec suspicio Latinum domesticorum comitem, et Agilonem tribunum stabuli, atque Scudilonem scutariorum rectorem, qui tunc ut dextris suis gestantes Remp. colebantur. At barbari suscepto ⁹ pro instantium rerum ratione consilio, dirimentibus forte auspiciis, vel congredi prohibente auctoritate sacrorum, mollito vigore, quo fidentius resistebant, optimates misere delictorum veniam petituros et pacem. Tentis igitur regis utriusque lega-¹⁰

7) Mf. ad fiduc. 8) Mf. hacque delato. *utrumque in aliis deest.* 9) Mf. concitores. 10) Mf. mittentis. 11) *Haec verba in al. desunt: in Mf. vero sic leguntur: exercitus deinde transgressus nullo id opinante cuncta vastarem.*

tis, et negotio tectius diu pensato, cum pacem oportere tribui, quae iustis conditionibus petebatur, eamque ex re tum fore sententiarum via concinens adprobasset, advocato in concionem exercitu, Imperator pro tempore pauca dicturus, tribunali adfistens, circumdatus potestatum coetu cellarum, ad hunc differuit modum:

- 11 *Nemo quaeso miretur, si post exsudatos labores itinerum longos, congestosque adfatim commeatus, fiducia vestri ductante, barbaricos pagos adven-*
tans, velut mutato repente consilio ad placidiora
 12 *diverti. Pro suo enim loco et animo quisque vestrum reputans, id* ¹²⁾ *inveniet verum, quod miles ubique, licet membris vigentibus firmus, se solum vitamque propriam circumspicit et defendit: Imperator vero officiorum, dum aequis omnibus alienae custos salutis, nihil non ad jui/jpectare tutelam* ¹³⁾ *rationes popu-*
lorum cognoscit, et remedia cuncta, quae status negotiorum admittit, arripere debet alacriter, se-
 13 *cunda numinis voluntate delata. Ut in breve igitur conferam, et ostendam, qua ex causa omnes vos simul adesse volui, commilitones mei fidissimi, acci-*
pite aequis auribus, quae succinctius explicabo. Veritatis enim ¹⁴⁾ *absolutus sermo ac semper est*
 14 *simplex. Arduos vestrae gloriae gradus, quos fama per plagarum quoque accolae extimarum dif-*
fundit, excellenter accrescens, Alamannorum reges et populi formidantes, per oratores, quos videtis, summissis cervicibus concessionem praeteritorum poscunt et pacem: quam ut cunctator et cautus uti-
umque monitor, si vestra voluntas adest, tribui debere censeo, multa contemplans: primo, ut Martis ambigua declinentur: dein, ut auxiliares pro ad-
versa-

12) Ms. inveniet. 13) Ms. ratio et remedia. 14) Ms. absolimo semper ac perest simplex.

versariis adsciscamus, quod pollicentur: tum autem, ut incruenti mitigemus ferociae flatus, perniciosos saepe provinciis: postremo id reputantes, quod non ille hostis vincitur solus, qui cadit in acie, pondere armorum oppressus et virium; sed multo tutius etiam tuba tacente, ¹⁵) sub iugum mittitur voluntarius, qui sentit expertus, nec fortitudinem in rebelles, nec lenitatem in supplices animos deesse. In ¹⁵ summa, tamquam arbitros vos, quid suadetis, operior, ut princeps tranquillus temperanter adhibere modum adlapsa felicitate decernens. Non enim inertiae, sed modestiae humanitaeque, mihi credite, hoc, quod recte consultum est, adsignabitur.

Mox dicta finierat, multitudo omnis, ¹⁶) ad ¹⁶ quae Imperator voluit, promptior, laudato consilio, consensit in pacem, ea ratione maxime percita, quod norat expeditionibus crebris, Fortunam eius in malis tantum civilibus vigilasse: cum autem bella moverentur externa, accidisse plerumque luctuosa. Icto post haec foedere gentium ritu, perfecta-que sollemnitate, Imperator Mediolanum ad hiberna discessit.

XI. Ubi curarum abiectis ponderibus aliis, ¹ tamquam ¹) nodum Gordium difficillimum, Caesarem convellere nisu valido cogitabat: eique deliberanti cum proximis, clandestinis colloquiis et nocturnis, qua vi, quibusve commentis id fieret, antequam effundendis rebus pertinacius incumberet confidentia: acciri mollioribus scriptis per simulationem tractatus publici nimis urgentis, eundem placuerat Gallum, ut auxilio destitutus, sine ullo interiret obstaculo. Huic sententiae versabilium ² adulatorum refragantibus globis (inter quos erat

¹⁵) *al.* iugo. ¹⁶) *Mf.* atque. ¹) *Al.* nodum et odium. *Mf.* odium.

Arbetio ad infidiandum acer et flagrans, et Eusebius tunc praepositus cubiculi, effusior ad nocendum) id occurrebat, Caesare discedente Urfcinum in Oriente perniciose relinquendum, si nullus esset, qui prohiberet, altiora meditaturum. Iisdemque residui regii accessere spadones, quorum ea tempestate plus habendi cupiditas ultra mortalem modum adolefcebat, inter ministeria vitae secretioris per arcanos susurros nutrimenta fictis criminibus subserentes: qui ponderibus invidiae gravioris virum fortissimum opprimebant, subolescere imperio adultos eius filios mustitantes, decore corporum favorabiles et aetate, per multiplicem armaturae scientiam agilitatemque membrorum inter quotidiana proludia exercitus, consulto consilio cognitos: Gallum suoapte ingenio trucem per suppositos quosdam ad saeva facinora ideo animatum, ut eo digna omnium ordinum detestatione exoso, ad magistri equitum liberos principatus insignia transferantur.

4 Cum haec taliaque sollicitas eius aures everberarent, expostas semper huiusmodi rumoribus et patentes, varia animo tum miscente consilia, tandem id ut optimum factu elegit: et Urfcipum primum ad se venire summo cum honore mandavit; ea specie, ut pro rerum tunc urgentium captu disponderetur concordi consilio, quibus virium incrementis Parthicarum gentium arma minantium impetus frangerentur. Et ne quid suspicaretur adversi venturus, vicarius eius, dum redit, Prosper missus est Comes: acceptisque literis, et copia rei vehiculariae data, Mediolanum itineribus ²⁾ properavimus magnis.

6 Restabat, ut Caesar post haec properaret accitus: et abstergendae causa suspicionis sororem suam, eius uxorem, Constantius ad se tandem de-

2) properamus Mf.

sideratam venire multis fictisque blanditiis hortabatur. Quae licet ambigeret, metuens saepe cruentum; spe tamen, quod eum lenire poterat ut germanum, profecta, cum Bithyniam introisset, in statione, quae Caenos Gallicos adpellatur, absumpta est vi febrium repentina. Cuius post obitum maritus contemplans cecidisse fiduciam, quae se fultum existimabat, anxia cogitatione, quid moliretur, haerebat. Inter res enim impeditas et turbidas, ad hoc unum mentem sollicitam dirigebat, quod Constantius cuncta ad suam sententiam conferens, nec satisfactionem suscipiet aliquam, nec erratis ignoscet: sed ut erat in propinquitatis perniciem inclinior, laqueos ei latenter obtendens, si cepisset incautum, morte multaret. Eo necessitatis adductus, ultimaque, ni vigilasset, opperiens, principem locum, si qua patuisset copia, adfectabat: sed perfidiam proximorum ratione bifaria ³⁾ verebatur, ⁴⁾ qui eum ut truculentum horrebant et levem, ⁵⁾ quique altiore Constantii fortunam in discordiis civilibus formidabant. Inter has curarum moles immensas, Imperatoris scripta suscipiebat assidua, monentis orantisque, ut ad se veniret, et mentem monstrantis obliqua, rem publicam nec posse dividi, nec debere, sed pro viribus quemque ei ferre suppetias fluctuanti, nimirum Galliarum indicans vastitatem. Quibus subserebat non adeo ¹⁰ vetus exemplum, quod Diocletiano et eius collegae, ut adparitores, Caesares non resides, sed ultro citroque discurrentes obtemperabant: et in Syria Augusti vehiculum irascentis per spatium ⁶⁾ mille passuum fere pedes antegressus est Galerius purpuratus.

C 2

3) Mf. deferebatur. 4) Steph. et Mf. qui. 5) Steph. et Mf. quique. 6) al. mille passus.

- 11 Advenit post multos ⁷⁾ Scudilo scutariorum tribunus, velamento subagrestis ingenii persuasione opifex callidus: qui eum adulabili sermone seriis admisto, solus omnium proficisci pellexit, vultu adsimulato saepius replicando, quod flagrantibus votis eum videre frater cuperet patruelis, quod per imprudentiam gestum est, remissurus ut mitis et clemens: participemque eum suae maiestatis adscitum, ⁸⁾ et futurum laborum quoque socium, quos
- 12 Arctoae provinciae diu fessae poscebant. Utque solent manum iniectantibus fatis hebetari sensus hominum et obtundi, his illecebris ad meliorum expectationem erectus, egressusque Antiochia numine laevo ductante, prorsus ire tendebat de fumo, ut proverbium loquitur vetus, ad flammam: et ingressus Constantinopolim, tamquam in rebus prosperis et securis, editis equestribus ludis, capiti ⁹⁾ Coracis aurigae coronam imposuit ut victoris.
- 13 Quo cognito Constantius ultra mortalem modum exarsit: ac ne quo casu idem Gallus de futuris incertus, agitare quaedam conducentia saluti suae per itinera conaretur, remoti sunt omnes de industria milites agentes in civitatibus perviis. Eoque tempore Taurus quaestor ad Armeniam missus, confidenter nec adpellato eo nec viso transivit. Venere tamen aliqui iussu Imperatoris, administrationum specie diversarum; eundem, ne commovere se posset, neve tentaret aliquid occulte, custodituri: inter quos Leontius erat, postea urbi praefectus, ut quaestor, et Lucillianus quasi domesticorum Comes, et scutariorum tribunus nomine
- 14 Bainobaudes. Emenis itaque longis intervallis et planis, cum Hadrianopolim introisset urbem Haemimontanam, Uscudamam antehac adpellatam, fessasque labore diebus duodecim recreans vires,

7) *Mf.* Cubiculo. 8) *Mf.* et futurum. 9) *Mf.* Thoracis.

comperit Thebeas legiones in vicinis oppidis hie-
 mantes, consortes suos misisse quosdam, eum, ut
 remaneret, promissis fidis hortaturos et firmis,
 fiducia sui abunde per stationes locati confines: sed
 observante cura pervigili proximorum, nullam vi-
 dendi vel audiendi, quae ferebant, furari potuit fa-
 cultatem. Inde aliis super alias urgentibus litteris ¹⁶
 exire, et decem vehiculis publicis, ut praeceptum
 est, usus, relicto palatio omni, praeter paucos tori
 ministros et mēnsae, quos ¹⁰⁾ adduxerat secum,
 squalore concretus celerare gradum compellebatur
 adigentibus multis, temeritati suae subinde flebili-
 ter imprecatus, ¹¹⁾ quae eum iam despectum et vi-
 lem arbitrio subdiderat infimorum. Inter haec ta- ¹⁷
 men per inducias naturae conquiescentis, saucia-
 bantur eius sensus circumstridentium terrore larva-
 rum: intersectorumque catervae, Domitiano et
 Montio praeviis, correptum eum, ut exilimabat in
 somnis, uncis furialibus obiectabant. ¹²⁾ Solutus ¹⁸
 enim corporeis nexibus animus, semper vigens mo-
 tibus indefessis, et cogitationibus subiectus et curis,
 quae mortalium sollicitant mentes, colligit visa no-
 cturna, quas phantasias nos adpellamus.

Pandente itaque viam fatorum sorte tristissima, ¹⁹
 qua praestitutum erat eum vita et imperio spoliari,
¹³⁾ itineribus interiectis permutatione iumentorum
 emensis, venit Petobionem oppidum Noricorum:
 ubi ¹⁴⁾ reseatatae sunt insidiarum latebrae omnes, et
¹⁵⁾ Barbatio repente adparuit Comes, qui sub eo
 domesticis praefuit, cum Apodemio agente in re-
 bus, milites ducens, quos beneficiis suis oppigne-
 ratos elegerat Imperator, certus, nec praemiis nec
 miseratione ulla posse deflecti.

10) *al.* adiunxerat. 11) *Steph.* quod. 12) *Mf.* solutus. 13)
Mf. itineribus eiectis *al.* interiectis. 14) *Mf.* reservatae. 15) *Mf.*
 Barbaratio.

- 20 Iamque non ¹⁶⁾ adumbratis fallaciis res agebatur: sed qua palatium est extra muros, armatis omne circumdedit. Ingressusque obscuro iam die, ablatis regiis indumentis, Caesarem tunica texit et paludamento communi, eum post haec nihil passurum velut ¹⁷⁾ mandato principis iurandi crebritate confirmans: et *statim*, inquit, ¹⁸⁾ *exsurge*: et inopinum carpento privato impositum, ad Istriam duxit prope oppidum Polam, ubi quondam peremptum Constantini filium accepimus Crispum.
- 21 Et cum ibi servaretur artissime, terrore propinquantis exitus iam praesepultus, adcurrit Eusebius, cubiculi tunc praepositus, Pentadiusque notarius, et Mellobaudes armaturarum tribunus, iussu Imperatoris ¹⁹⁾ compulsuri eum singillatim docere, quam ob causam quemque apud Antiochiam necatorum
- 22 iusserat trucidari. Ad quae Adrasleo pallore perflatus, hactenus valuit loqui, quod plerosque incitante coniuge iugulaverit Constantina: ignorans profecto, Alexandrum Magnum urgenti matri, ut occideret quemdam infontem, et dictitanti, spe impetrandi postea, quae vellet, eum se per novem menses utero portasse praegnantem, ita respondisse prudenter: *Aliam, parens optima, posce mercedem; hominis enim salus beneficio nullo pensatur.*
- 23 Quo comperto, ²⁰⁾ irrevocabili ira princeps percitus et dolore, fiduciam omnem fundandae securitatis in eodem posuit abolendo. Et misso Sereniano, quem in crimen maiestatis vocatum, praestigiis quibusdam absolutum ²¹⁾ esse supra monstravimus, Pentadio quinetiam notario, et Apodemio agente in rebus, eum capitali supplicio destinavit: et ita colligatis manibus in modum noxii cuiusdam latro-

16) Mf. umbratis. 17) Mf. mandatu. 18) Mf. exurgeret inopinum. 19) Mf. compulsi. 20) Steph. irrevocabili Princeps percitus dolore. 21) Mf. esse supra monstravimus.

nis cervice abscissa, ereptaque vultus et capitis dignitate, cadaver est relictum informe, paullo ante urbibus et provinciis formidatum. Sed vigilavit²⁴ utrobique superni numinis aequitas. Nam et²²) Gallum actus oppressere crudeles, et non diu postea ambo cruciabili morte absumpti sunt, qui eum, licet nocentem, blandius palpantes, periuriis adusque plagas perduxere letales: quorum Scudilo destillatione iecoris pulmones vomitans interiit: Barbatio, qui in eum²³) iam diu falsa composuerat crimina, cum ex magisterio peditum altius niti quorundam susurris²⁴) incularetur, damnatus, extincti per fallacias Caesaris manibus²⁵) lacrymoso obitu parentavit.

Haec et huiusmodi quaedam innumerabilia ul-²⁵trix facinorum impiorum, bonorumque praemiatrix aliquoties operatur Adrastia (atque utinam semper!) quam vocabulo duplici etiam Nemesis adpellamus: Ius quoddam sublime numinis efficacis, humanarum mentium opinione lunari circulo superpositum, vel, ut definiunt alii, substantialis tutela generali potentia partilibus praefidens fati: quam theologi veteres fingentes Iustitiae filiam, ex abdita quadam aeternitate tradunt omnia despectare terrena. Haec²⁶ ut regina causarum, et arbitra rerum ac disceptatrix, urnam sortium temperat, accidentium vices alternans: voluntatumque nostrarum exorsa interdum alio, quam quo contendebant, exitu terminans, multiplices actus permutando convolvit. Eademque necessitatis insolubili retinaculo mortalitatis vinciens fastus tumentes incassum, et incrementorum detrimentorumque momenta²⁶) versans, ut novit, nunc erectas mentium cervices opprimit et enervat: nunc bonos ab imo fuscitans, ad beno

22) *al.* Gallum obitu. 23) *Mf.* iamdiu. 24) *Mf.* incausaretur.
25) *Mf.* librimoso. 26) *verlabilis.*

vivendum extollit. Pinnae autem ideo illi fabulosa vetustas aptavit, ut adesse velocitate volucris cunctis existimeretur: et praetendere gubernaculum dedit, eique subdidit rotam, ut universitatem regere per elementa discurrens omnia non ignoretur.

- 27 Hoc immaturo interitu, ipse quoque sui pertaesus, excessit e vita aetatis anno nono atque ²⁷⁾ vigesimo, cum quadriennio imperasset: natus apud Tuscos in Massa Veterpenfi, patre Constantio, Constantini fratre Imperatoris, matreque Galla sorore Rufini et Cerealis, quos trabeae consulares nobilitarunt, ²⁸ et ²⁸⁾ praefecturae. Fuit autem forma conspicuus bona, decente filo corporis, membrorumque recta compage, flavo capillo et molli, barba licet recens emergente lanugine tenera, ita tamen, ut maturius ²⁹⁾ auctoritas emereret: tantum a temperatis moribus Iuliani differens fratris, quantum inter Vespasiani filios fuit Domitianum et Titum. Adsumptus autem in amplissimum fortunae fastigium, verfabiles ³⁰⁾ eius motus expertus est, ³¹⁾ qui ludunt mortalitatem: nunc evehentes quosdam ad sidera, nunc in Cocyti profunda mergentes. Cuius reicum innumera sint exempla, pauca tactu summo transocurram. Haec fortuna mutabilis et inconstans fecit Agathoclem Siculum ex figulo regem, et Dionysium, gentium quondam terrorem, Corinthi litterario ludo praefecit. Haec Adramytenum Andrisicum in ³²⁾ fullonio natum, ad Pseudo-Philippi nomen evexit: et Persei legitimum filium artem ³³⁾ ferrariam ob quaerendum docuit victum. Eadem Mancinum post imperium ³⁴⁾ dedit Numantinis, Samnitum atrocitati Veturium, et Claudium Corfis, ³⁴⁾ substravitque feritati Carthaginis Regulum:

27) Ms. vicensimo. 28) Ms. Praefecturae autem forma. 29) Ms. fenestras. 30) *et eius* Ms. deest. 31) Ms. quae. 32) *al. fullonia.* 33) *et dedit* *al. deest.* 34) Ms. substravit quid. *al. substravit feritati.*

istius iniquitate Pompeius, post quaesitum Magni ex rerum gestarum amplitudine cognomentum, ad spadonum libidinem in Aegypto trucidatur. Et 33 Eunus quidam ergastularius servus ductavit in Sicilia fugitivos. Quam multi splendido loco nati, eadem rerum domina connivente, Viriathi genua sunt amplexi vel Spartaci? quot capita, quae horruere gentes, funesti carnifices absciderunt? Alter in vincula ducitur, alter insperatae praeficitur potestati, alius a summo culmine dignitatis excutitur. Quae omnia, si scire quisquam velit, quam 34 varia sint et adfida, arenarum numerum idem iam desipiens, et montium pondera scrutari 35) putabit.

35) putavit.

AMMIANI MARCELLINI

RERUM GESTARUM

LIBER XV.

Mors Galli Caesaris imperatori nunciatur. G. I. Ursicinus Magister equitum per orientem, Iulianus Galli Caes. frater, et Gorgonius praepositus Caesariani cubiculi, accusantur maiestatis. II. In Galli Caesaris amicos et ministros animadvertitur. III. Lentienses Alamanni a Constantio A. pars caesi, pars fugati. IV. Silvanus Francus, magister peditum per Gallias, Coloniae Augustus adpellatur, et XXVIII. imperii die per insidias opprimitur. V. Silvani amici et consocii necati. VI. Ab Leontio praefecto urbi populi R. seditiones repressae. Liberius episcopus sede pulsus. VII. Iulianus Galli frater a Constantio A. fratre patrueli Caesar creatur ac praeficitur Galliis. VIII. De origine Gallorum; et unde dicti Celtae ac Galatae; deque eorum doctoribus. IX. De Alpibus Gallicanis; et de variis per eas itineribus. X. Brevis divisio ac descriptio Galliarum; et cursus fluminis Rhodani. XI. De moribus Gallorum. XII. De Musoniano praefecto praetorio per orientem. XIII.

(A. C. 354.)

¹ Utcumque potuimus veritatem scrutari, ² ea, quae videre licuit per aetatem, vel perplexe interrogando versatos in medio scire, narravimus ordine casuum exposito diversorum: residua, quae sequentibus aperiet textus, pro virium captu limatius ab-

¹ Ms. ea quae.

solvemus, nihil obrectatores longi, ut putant, operis formidantes. Tunc enim laudanda est brevis, cum moras rumpens intempestivas, nihil subtrahit cognitioni gestorum.

I. Nondum apud Noricum exuto penitus Gallo, 2 Apodemius, quoad vixerat, igneus turbarum incensor, raptos eius calceos vehens equorum permutatione veloci, ut nimietate cogendi quosdam, exstingueret, praecursorius index Mediolanum advenit: ingressusque regiam ante pedes proiecit Constantii, velut spolia regis occisi Parthorum: et perlato nuntio repentino, docente rem insperatam et arduam ad sententiam tota facilitate completam, hi, qui summam aulam tenebant, omni placendi studio in adulationem ex more collato, virtutem felicitatemque Imperatoris extollebant in caelum: cuius nutu, in modum gregariorum militum, licet diversis temporibus, duo exauctorati sunt principes, Veteranio nimirum et Gallus. Quo ille 3 studio blanditiarum exquisito sublatus, immunemque se deinde fore ab omni mortalitatis incommodo fidenter existimans, confestim a iustitia declinavit ita intemperanter, ut aeternitatem eam aliquoties adfereret ipse dictando, scribendoque propria manu orbis totius se dominum adpellaret: quod dicentibus aliis, indignanter admodum ferre deberet is, qui ad aemulationem civilium principum vitam formare moresque suos, ut praedicabat, diligentia laborabat enixa. Namque, etiamsi mun- 4 dorum infinitates Democriti regeret, quos Anaxarcho incitante Magnus somniabat Alexander, id reputasset legens vel audiens, quod (ut docent mathematici ²⁾ concinentes) ambitus terrae totius, quae nobis videtur immensa, ad magnitudinem universitatis instar brevis obtinet puncti.

2) al. continentes.

II. Iamque ¹⁾ post miserandam deleti Caesaris
 cladem, sonante periculorum iudicialium tuba, in
 crimen laesae maiestatis arcessebatur Ursicinus, adu-
 lescente magis magisque contra eius salutem livore,
 2 omnibus bonis infesto. Hac enim superabatur dif-
 ficultate, quod ad suscipiendas defensiones aequas
 et probabiles Imperatoris aures oclusae, patebant
 susurris insidiantium clandestinis: qui Constantii
 nomine per Orientis tractus omnes abolito, ante-
 dictum ducem domi forisque desiderari, ut formi-
 3 dolosum Perficae genti fingeant. Sed contra ac-
 cidentia vir magnanimus stabat immobilis, ne se
 proiiceret abiectius, cavens, parum tuto loco in-
 nocentiam stare medullitus gemens: hocque uno
 tristior, quod amici ante haec frequentes ad potio-
 res desciverant, ut ad successores, officiorum more
 4 poscente, solent transire lictores. Impugnabat
 autem eum per fictae benignitatis illecebras collega,
 et virum fortem propalam saepe adpellans Arbetio,
 ad innectendas letales insidias vitae simplici per-
 quam callens, et ea tempestate nimium potens. Ut
 enim subterraneus serpens foramen subfidens occul-
 tum, adfultu subito singulos transitores observans
 incessit: ²⁾ ita ille ab imae sortis gregario ad sum-
 mum evectus militiae munus, nec laesus aliquando
 nec laceffit, inexplebili quodam laedendi propo-
 5 sito conscientiam ³⁾ polluebat. Igitur paucis arca-
 norum praefectis consociis, latenter cum Imperatore
⁴⁾ sententiam rogante id federat, ut nocte ventura
 procul a conspectu militarium raptus Ursicinus in-
 demnatus occideretur, ut quondam Domitius Cor-
 bulo dicitur caesus in colluvione illa Neroniani sae-
 6 culi, provinciarum fidus defensor et cautus. Qui-

1) Mf. miserandam. 2) ita ille ad diamaefortes etiam militiae
 munus. Mf. 3) al. polluebat. Cogitur. 4) sententiam . . . id
 federat, ut. al. sententiam retegere. Sederat.

bus ita compositis, cum ad hoc destinati praedictum tempus opperirentur, consilio in lenitudinem flexo, facinus impium ad deliberationem secundam differri praeceptum est.

Indeque ad Inlianum recens perductum calumniarum vertitur machina, memorabilem postea principem, gemino crimine, ut iniquitas aestimabat, implicitum: quod a Macelli fundo in Cappadocia posito, ad Asiam demigrarat liberalium desiderio doctrinarum, et per Constantinopolim transuentem viderat fratrem. Qui cum obiecta dilueret, ostenderetque neutrum sine iussu fecisse, nefando adfentatorum coetu perisset urgente, ni adspiratione superni numinis, Eusebia suffragante regina, ductus ad Comum oppidum Mediolano vicinum, ibique paulisper moratus, ⁵⁾ procudendi ingenii causa, ut cupidine flagravisset, ad Graeciam ire permissus esset. Nec defuere deinceps ex his emergentia casibus, quae ⁶⁾ dispiceres secundis avibus contigisse, dum punirentur ex iure, vel tamquam irrita disfluebant et vana. Sed accidebat nonnumquam, ut opulenti pulsantes praesidia potiorum, iisdemque tamquam ederae cellis arboribus adhaerentes, absolutionem pretiis mercarentur immensis: tenues vero, quibus exiguae vires erant ad redimendam salutem aut nullae, damnabantur abrupte. Ideoque et veritas mendaciis velabatur, et valere pro veris aliquoties falsa.

Perductus est iisdem diebus et Gorgonius, cui erat thalami Caesariani cura commissa: cumque eum aulorum fuisse participem concitoremque interdum, ex confesso pateret, conspiratione spadonum, iustitia concinnatis mendaciis obumbrata, periculo evolutus abscessit.

5) Ms. pro candenti. 6) al. quae displiceret.

1 III. Haec dum Mediolani aguntur, Militarium
 catervae ab Oriente perductae sunt Aquileiam,
 cum aulicis pluribus, membris inter catenas fluen-
 tibus spiritum trahentes exiguum, vivendique mo-
 ras per aerumnas detestati multiplices. Arcesseban-
 tur enim ministri fuisse Galli ferocientis, perque
 eos Domitianus discerptus credebatur, et Montius,
 2 et alii post eos acti in exitium praeceps. Ad quos
 audiendos Arboreus missus est, et Eusebius cubi-
 culi tunc praepositus, ambo inconsideratae iactan-
 tiae, iniusti pariter et cruenti: qui nulla perspicua-
 citate, sine innocentium fontiumque differentia,
 alios verberibus vel tormentis adflictos exfulari poe-
 na damnarunt, quosdam ad infimam trufere mili-
 tiam, residuos capitalibus addixere suppliciis. Im-
 pletisque funerum bustis, reversi velut ovantes,
 gesta retulerunt ad principem, erga haec et similia
 3 palam obstinatum et gravem. Vehementius hinc
 et deinde Constantius, quasi praescriptum factorum
 ordinem convulsurus, recluso pectore patebat in-
 fidiantibus multis. Unde rumorum aucupes subito
 exsistere complures, honorum vertices ipsos ferinis
 morfibz adpetentes, posteaque pauperes et divites
 indiscrete: non ut Cibyratae illi Verrini, tribunal
 unius legati lambentes, sed rei publicae membra
 4 totius per incidentia mala vexantes. Inter quos fa-
 cile Paulus et Mercurius eminebant: hic origine
 Persa; ille natus in Dacia: notarius ille; hic ¹⁾ ex
 ministro triclinii rationalis. Et Paulo quidem, ut
 relatum est supra, Catenae inditum est cognomen-
 tum, eo quod in complicandis calumniarum nexi-
 bus erat indissolubilis, ²⁾ tetra venena ferens, varie-
 que disperdens: ut in colluctationibus ³⁾ calce tene-
 5 re quidam solent artifices palaestritae. Mercurius

1) Mf. a ministro. 2) Mf. intra in venerum sese varietate dis-
 pendens. 3) Mf. calrenensis.

somniorum adpellatus Comes, quod, ut clam mordax canis, interno vitio submissus, agitans caudam, epulis coetibusque se crebris inferens, si per quietem quisquam, ubi fusius natura vagatur, vidisse aliquid amico narrasset, id venenatis artibus coloratum in peius, patulis imperatoris auribus infundebat: et ob hoc homo tamquam inexpiabili obnoxius culpae, gravi mole criminis pulsabatur. Haec augente vulgatus fama, tantum aberat, ut 6 proderet quisquam visa nocturna, cum aegre homines dormisse sese praesentibus faterentur externis: maerebantque docti quidam, quod apud Atlanteos nati non essent, ubi memorantur somnia non videri: quod unde eveniat, rerum scientissimis relinquamus.

Inter has quaestionum suppliciorumque species 7 diras, in Illyrico exoritur alia clades, ad multorum pericula ex verborum inanitate progressa. *) In convivio Africani Pannoniae secundae rectoris, apud Sirmium poculis amplioribus madefacti quidam, arbitrum adesse nullum existimantes, licenter imperium praesens ut molestissimum inculcabant: e quibus alii optatam permutationem temporum adventare, veluti e praesagiis adfirmabant: nonnulli maiorum auguria sibi portendi incogitabili dementia promittebant. E quorum numero Gaudentius, 8 agens in rebus, mente praecipiti stolidus, rem, ut seriam detulerat ad Rufinum, adparitionis praefecturae praetorianae tunc principem, ultimarum semper avidum hominem, et 5) coalita pravitate famosum. Qui confestim, quasi 6) pinnis elatus ad 9 comitatum principis advolavit: eumque ad suspiciones huiusmodi mollem et penetrabilem, ita acriter inflammavit, ut sine deliberatione ulla Africanus, et omnes letalis mensae participes iuberentur

4) *al.* in provincia. 5) collita. 6) *al.* pinnis alatus.

7) rapi sublimes. Quo facto delator funestus, vetita ex more humano validius cupiens, biennio id quod agebat, ut postularat, continuare praeceptus est. 10 Missus igitur ad eos corripieudos Teutomeres protector domesticus cum collega, onustos omnes catenis, ut mandatum est, perducebat. Sed ubi ventum est Aquileiam, 8) Marinus tribunus ex campiductore eo tempore vacans, auctor perniciosi sermonis, et alioquin naturae ferventis, in taberna relictus, dum parantur itineri necessaria, 9) lateri suo cultrum casu repertum impegit, statimque extractis vitalibus interiit. Residui ducti Mediolanum, excruciatique tormentis, et confessi vi quaestionis, inter epulas petulanter se quaedam loquutos, iussi sunt 10) attineri poenalibus claustris, sub absolutionis aliqua spe, licet incerta. Protectores vero pronunciati vertere solum exilio, ut Marino iisdem consciis mori permissio, veniam Arbetione meruere precante.

1 IV. Re hoc modo 1) finita, paullo post et Lentienfibus Alamannicis pagis indictum est bellum, collimitia saepe Romana latius irrumpentibus: ad quem procinctum imperator egressus, in Rhaetias camposque venit Caninos: et digestis diu consiliis, id visum est honestum et utile, ut eo cum militis parte Arbetio magister equitum, cum validiore exercitus manu relegens margines lacus Brigantiae pergeret, protinus barbaris congressurus: cuius loci figuram breviter, quantum ratio patitur, designabo. Inter montium cellorum amfractus 2) immani

7) *al.* sublimes tolli. 8) *Mf.* Marinus ex Campiductore. 9) lateri cultrum. 10) *Mf.* attineri. — 1) *Mf.* finita et Lent. 2) impulsu immani Rheni pulos extenditur nes adeptus ut cataractas inclinatione praeteriti funditur Nilus; et gari ab ortu poterat ad primogenio copiis eduerans propriis inruenti curreret *sim* squam fluent Iamque ad solutus altaque divortia.

mani pulsu Rhēnus exoriens per praeruptos scopulos extenditur nullis aquis externis adoptatis, ut per cataractas inclinatione praecipiti funditur Nilus. Et navigari ab ortu poterat primigenio copiis exuberans propriis, ni ruenti curreret similis potius quam fluenti. Iamque absolutus, altaque³ divortia riparum adradens, lacum invadit rotundum et vastum, quem ³) Brigantiam accola Rhaetus adpellat, perque quadringenta et sexaginta stadia longum, parique pene spatio late diffusum, horrore silvarum squalentium inaccessum, (nisi qua vetus illa Romana virtus et sobria iter composuit latum) barbaris et natura locorum et caeli inclementia refragante. Hanc ergo paludem spumosis strepento⁴ verticibus amvis irrumpens, et undarum quietem permeans pigram, mediam velut finali interfecat libramento: et tamquam elementum perenni discordia separatum, nec aucto, nec imminuto agmine, quod intulit, vocabulo et viribus absolvitur integris, nec contagia deinde ulla perpetiens, oceani gurgitibus intimatur. Quodque est impendio mirum,⁵ nec stagnum aquarum rapido transcurso movetur, nec limosa subluvie tardatur properans flumen, et confusum misceri non potest corpus: quod, ni ita agi ipse doceret adspectus, nulla vi credebatur posse discerni. Sic Alpheus oriens in Arcadia,⁶ cupidine fontis Aretusae captus, scindens Ionium mare, ut fabulae ferunt, adusque amatae confinia ⁴) progreditur. ***

Arbetio, qui adventus barbarorum nuntiarent,⁷ non exspectans dum adessent, licet sciret aspera orsa bellorum; in occultas delatus infidias, stetit immobilis, malo repentino percussus. Interea visi⁸ e latebris hostes exsiliunt, et sine parcimonia quid-

3) Murigantiam. 4) in Ms. hic lacuna quinque linearum.

quid offendi poterat, telorum genere multiplici configebant: nec enim resistere nostrorum ququam potuit, nec aliud vitae subsidium, nisi discessu sperare veloci. Quocirca vulneribus declinandis intenti, incompósito agmine milites huc et illuc dispalantes terga ferienda dederunt. Plerique tamen per angustas semitas sparsi, periculoque praesidio tenebrae noctis extracti, revoluta iam luce redintegratis viribus agmini quisque proprio sese consociavit. In quo casu ita tristi et inopino abundans numerus armatorum, et tribuni desiderati 9 sunt decem. Ob quae Alamanni 5) sublati animis ferocius incedentes, quotidie prope munimenta Romana, adimente matutina nebula lucem, strictis mucronibus discurrebant, frendendo minas tumidas intentantes. Egressique repente scutarii, cum obiectu turmarum hostilium percussis stetissent, omnes suos 6) conspiratis mentibus ciebant ad pugnam. Verum cum plerosque recentis aerumnae documenta terrent, et intuta fore residua credens haereret Arbetio: tres simul exsiluere tribuni, Arintheus agens vicem armaturarum rectoris, et Seniauchus qui equestrem turmam comitum tuebatur, et Bappo ducens 7) Promotos, cum commissis 11 sibi a principe. Urgebat causa communis velut propria, vim cunctis arcentibus veterum exemplo: instarque 8) fluminis hostibus superfusi, non iusto praelio, sed discursionibus praedatoriis, universos in fugam coegere foedissimam: qui dispersi laxatis ordinibus, dumque elabi properant impediti, corpora nudantes intacta, gladiatorum hastarumque 12 densis ictibus truncabantur. Multique cum equis interfecti, iacentes etiam tum eorum dorsis vide-

5) animis ferocibus. 6) conspiratis mentibus. 7) Mf. promotos . . . hic lacuna unius fere lineae. commissis. 8) Mf. uluente fulminis.

bantur innexi: quo viso omnes e castris effusi, qui prodire in praelium cum focis ambigebant, cavendi immemores proterebant barbaram plebem, nisi quos fuga exemerat morti; calcantes cadaverum sirues, et perfusi sanie peremptorum. Hocque¹³ exitu praelio terminato, Imperator Mediolanum ad hiberna ovens revertit et laetus.

(A. C. 355.)

V. Exoritur iam hinc rebus adflictis haud dispari provinciarum malo, calamitatum turbo novarum: ¹⁾ extincturus omnia simul, ni fortuna moderatrix humanorum casuum, motum eventu celeri consummasset impendio formidatum. Cum diutur-² na incuria Galliae caedes acerbis, rapinasque et incendia, barbaris licenter grassantibus, nullo iuvante perferrent; Silvapud pedestris militiae rector, ut efficax ad haec corrigenda, principis iussu ³⁾ perrexit, Arbetione id maturari modis quibus poterat adigente, ut absenti aemulo ³⁾ quem superesse ⁴⁾ adhuc gravabatur, periculosa molis onus impingeret. * *

Dynamius quidam actuarius sarcinalium principis iumentorum, commendaticias ab eo ⁵⁾ petierat litteras ad amicos, ut quasi familiaris eiusdem esset notissimus. Hoc impetrato, cum ille nihil suspicans simpliciter praestitisset, servabat epistolas, ut perniciosum aliquid in tempore moliretur. Me-⁴ morato itaque duce Gallias ex re publica discursante, barbarosque propellente, iam sibi diffidentes et trepidantes: idem Dynamius inquietius agens, ut versutus et in fallendo exercitatus, fraudem

D 2

1) *al. destructurus.* 2) *Mf. superexit.* 3) *Mf. deest.* 4) *Mf. adhuc gra . . . hic lacuna quatuor. linearum.* actuarius. 5) petierat litteras ad amicos l.

comminiscitur impiam, subornatore et conscio, ut iactavere rumores incerti, Lampadio ⁶⁾ praefecto praetorio, et Eusebio ex-comite rei privatae, cui cognomentum erat inditum Mattiocopae, atque Aedesio ex-magistro memoriae, quos ad consulationem, ut amicos iunctissimos, idem ⁷⁾ curarat rogari praefectus: et peniculo serie litterarum absterfa, sola incolumi relicta subscriptione, alter multum a vero illo dissonans superscribitur textus: velut Silvano rogante verbis obliquis, oranteque amicos agentes intra palatium, vel privatos, (inter quos et Tullus erat Albinus, alique plures) ut se altiora coeptantem, et propediem ⁸⁾ solum principis adiuturum iuarent. Hunc fascem ad arbitrium ⁹⁾ figmenti commisit, vitam pulsaturus infontis. ¹⁰⁾ Dynamius praefectus est, ut haec pro Imperatore scrutaretur. Haec et similia cum ¹¹⁾ astu texeret, confistorium solus ingressus intimum, captato tempore ¹²⁾ vincere sperans pervigilem salutis ¹³⁾ imperatoriae custodem. Lectaque in confistorio astu callido confarcinata materia, tribuni iussi sunt custodiri, et de provinciis duci privati, quorum epistolae nomina designabant. Confestimque iniquitate rei percitus ¹⁴⁾ Malarichus Gentilium rector, collegis adhibitis strepebat immaniter, circumveniri homines dicatos imperio per factiones et dolos minime debere proclamans: petebatque, ut ipse, relictis oblidum loco necessitudinibus suis, Mallobaude armaturarum tribuno spondente quod remeabit, velocius ¹⁵⁾ iuberetur ire ducturus Silvanum, adgredi nihil tale conatum, quale infidiatores acerrimi con-

6) Praefecto Praetorio. 7) Praetorio Mf. deest. 7) Mf. curat rogari. 8) Mf. locis principalis. 9) Mf. f. com misit. 10) Mf. Dynamius coeptum Praef. est Imperatori avide scrutaretur. 11) Mf. censuetereretur e id sole ingressus. 12) Mf. deinde sperans ut pervigilem. 13) Mf. deest. 14) Mf. Malaridius. 15) iuberet ire dicturus.

citarunt: vel contra, se paria ¹⁶⁾ promittente, Mallobaudem orabat properare permitti, haec, quae ipse pollicitus est, impleturum. Testabatur enim, ⁷ id se proculdubio scire, quod si quis mitteretur externus, suoapte ingenio Silvanus, etiam nulla re perterrente timidior, composita forte turbabit.

Et quamquam utilia moneret et necessaria, ven- ⁸ tis tamen loquebatur incassum. Namque Arbetione auctore, Apodemius ad eum vocandum cum litteris mittitur, inimicus bonorum omnium diuturnus et gravis: qui ¹⁷⁾ incidentia parvi pendens cum venisset in Gallias, dissidens a mandatis, quae proficiscenti sunt data, nec viso Silvano, nec oblati scriptis ut veniret admonito, remansit: adscitoque rationali, quasi proscripti iamque necandi magistri peditum clientes et servos hostili tumore vexabat. Inter haec tamen dum praesentia Silvani speratur, ⁹ et Apodemius quietam perturbat: Dynamius ut argumento validiore impie structorum adfereret fidem, compositas litteras, his concinentes, quas obtulerat principi per praefectum, ad tribunum miserat fabricae Cremonensis, nomine Silvani et Malarichi, a quibus ut arcanorum conscius monebatur parare properare cuncta. Qui cum haec legisset, haerens ¹⁰ et ambigens diu, quidnam id esset (nec enim meminerat, secum aliquando super negotio ullo interiore hos, quorum litteras acceperat, colloquutos) epistolas ipsas per baiulum, qui portarat, iuncto milite ad Malarichum misit, obsecrans ut doceret aperte, quae vellet, non ita perplexe: nec enim intellexisse firmabat, ut subagrestem et simplicem, quid significatum esset obscurius. Haec ¹¹ Malarichus subito nactus, etiam tunc squalens et

¹⁶⁾ Mf. promittentem. ¹⁷⁾ Mf. incidens (*hic lacuna mediae lineae*) in Gallias. Steph. incidentis cum venisset in Gallias.

- maestus, suamque et popularis Silvani vicem graviter ingemiscens, adhibitis Francis, quorum ea tempestate in palatio multitudo florebat, erectius iam loquebatur: tumultuabaturque, patefactis infidiis, resectaque iam fallacia, per quam ex confesso salus¹² eorum adpetebatur. Hisque cognitis statuit Imperator dispicientibus Consistorianis et Militaribus universis, in negotium praeterinquiri. Cumque iudices fastidissent, Florentius Nigriniani filius, agens tunc pro magistro officiorum, contemplans diligentius scripta, apicumque pristinorum reliquias quasdam reperiens, animadvertit, ut factum est, priore textu interpolato longe alia, quam dictarat Silvanus; ex libidine consarcinatae fallitatis adscrip-¹³ta. Proinde fallaciarum nube discussa, Imperator doctus gesta relatione fideli, abrogata potestate, praefectum statui sub quaestione praecipit: sed absolutus est enixa conspiratione multorum; suspensus autem Eusebius ex-Comite privatarum, se conscio¹⁴ haec dixerat concitata. Aedesium enim, ¹⁸⁾ minus scisse, quid actum sit, pertinaci infitiatione contendens, abiit innoxius: et ita finito negotio, omnes sunt absoluti, quos exhiberi delatio compulit criminis. Dynamius vero ut praeclaris artibus illustratus, cum Correctoris ¹⁹⁾ dignitate regere iussus est Tuscos.
- ¹⁵ Agens inter haec apud Agrippinam Silvanus, assiduisque suorum compertis nuntiis, quae Apodemius in labem suarum ageret fortunarum, et sciens animum tenerum versabilis principis, timens, ne absens et indemnatus perageretur reus; in difficultate positus maxima, barbaricae se fidei com-¹⁶mittere cogitabat. Sed Laniogaiso vetante, tunc tribuno, quem, dum militaret candidatus, solum

¹⁸⁾ Mf. minds scisse. ¹⁹⁾ Mf. dignitate regere iussus est. ²⁰⁾ Mf. militiam (*hic lacuna mediae lineae*) Agens.

adfuisset morituro Constanti supra retulimus, docentique Francos, unde oriebatur, interfekturos eum, aut accepto praemio prodituros: nihil tutum ex praesentibus ratus in consilia cogeatur extrema: et sensim cum principiorum verticibus secretius collocutus, iisdemque magnitudine promissae mercedis accensis, cultu ²¹⁾ purpureo a draconum et vexillorum insignibus ad tempus abstracto, ad culmen imperiale surrexit.

Dumque haec aguntur in Galliis, ad occasum ¹⁷ inclinato iam die, perfertur Mediolanum insperabilis nuntius, aperte Silvanum demonstrans, dum ex ²²⁾ magisterio peditum altius nititur, sollicitato exercitu ad Augustum culmen evectum. Hac mole ¹⁸ casus inopini Constantio icto, quasi fulmine fati, primates, consilio secunda vigilia convocato, properarunt omnes in regiam. Cumque nulli ad eligendum, quid agi deberet, mens suppetere posset aut lingua: submissis verbis ²³⁾ perstringebatur Urficini mentio, ut consiliis rei bellicae praestantissimi, frustra gravi iniuria lacerati: et per admissionum magistrum, (qui mos est honoratior) accito eodem, ingresso consistorium offertur ²⁴⁾ purpura, multo quam antea placidius omnium primus extero ritu et regio more instituit adorari, cum semper antea ad similitudinem iudicum, salutatos principes legerimus. Et qui paullo antea cum ¹⁹ ²⁵⁾ infectatione malivola, Orientis vorago, invadendaeque summae rei per filios adfectator compellabatur: tunc dux prudentissimus et Constantini [Magni] fuerat commilito, solusque ad exstinguendum probis quidem, sed insidiosis rationibus pete-

21) Mf. purpureo a Draconum. 22) al. ex magistro. 23) al. fit. 24) Mf. purpura multo quam antea placidius omnium primus extorta, ei regio re instituit adorari cum semper. al. purpura, atque ita ante Principis pedes supplicem statuerant externorum Regem ritu cum semper. 25) Mf. infectatione. . . .

batur. Diligens enim opera navabatur Silvanum
 extingui, ut fortissimum perduellem: aut si secus
 accidisset, Urscinum exulceratum iam penitus abo-
 20 leri, ne superesset scrupulus impendio formidan-
 deretur, propulsationem obiectorum criminum
 eundem ducem parantem, praegressus oratione
 leni prohibet Imperator, non id esse memorans
 tempus, ut controversa defensio causae suscipere-
 tur, cum vicissim restitui in pristinam concordiam
 partes necessitas subigeret urgentium rerum, ante-
 21 quam cresceret, mollienda. Habita igitur delibe-
 ratione multiplici, potissimum tractabatur, quo
 commento Silvanus ²⁶⁾ gesta etiamtum Imperato-
 rem ignorare existimaret. Et probabili argumento
 ad firmandam fidem reperto, monetur honorificis
 scriptis, ut accepto Urscino successore, cum pote-
 22 state rediret intacta. Post haec ita digesta, protin-
 us iubetur exire, tribunis et ²⁷⁾ protectoribus do-
 mesticis decem, ut postularat, ad iuvandas necessi-
 tates ²⁸⁾ publicas ei coniunctis: inter quos ego quo-
 que eram cum ²⁹⁾ Veriniano collega; residui ³⁰⁾ om-
 23 nes propinqui et familiares. Iamque eum egressum,
 solum de se metuens quisque per longa spatia de-
 ducebat. Et quamquam ut bestiarii obiiceremur
 intractabilibus feris, perpendentes tamen, hoc bo-
 num habere tristitia ³¹⁾ praecedentia, quod in locis
 suis secunda ³²⁾ substituunt, mirabamur illam sen-
 tentiam Tullianam, ex ³³⁾ internis veritatis ipsius
³⁴⁾ promulgatam, quae est talis: *Et quamquam*
optatissimum est, ³⁵⁾perpetuo fortunam quam floren-
tissimam permanere; illa tamen aequabilitas vitae

26) Mf. gesto etiam tum Imperatore rem ign. 27) al. Prote-
 ctiores Domesticos. 28) al. publicas secum duxit. Inter. 29) Mf.
 Veriniano. 30) omnes . . . (hic lacuna medtue lineae) . . .
 Iamque. 31) Mf. recidentia. 32) Mf. substituunt . . . miraba-
 mur. 33) Mf. aeternis. 34) Adytis Mf. deest. 35) al. perpetuo.

non tantum habet sensum, quantum cum ex saevis et perditis rebus ad meliorem statum fortuna revocatur.

Festinabamus itaque itineribus magnis, ut ambitiosus magister armorum, ante adlapsum per Italicos de tyrannide ullum rumorem, in suspectis finibus adpareret. Verum cursim nos properantes aëria quaedam antevolans prodiderat fama: et Agrippinam ingressi invenimus cuncta nostris coactibus altiora. Namque convena undique multitudine trepide coepta fundante, coactisque copiis multis: pro statu rei praesentis id aptius videbatur, ut ad Imperatoris novelli, per ludibriosa auspicia virium accessu firmandi, sensum ac voluntatem dux flebilis ³⁶⁾ verteretur: quo variis adfessandi figmentis in mollius vergente securitate, nihil metuens hostile deciperetur. Cuius rei finis arduus videbatur. ²⁴
Erat enim cautius observandum, ut adpetitus opportunitati obtemperarent, nec praecurrentes eam, nec deferentes: qui si eluxissent intempestive, constabat nos omnes sub elogio uno morte multandos. ²⁵
²⁶

Susceptus tamen idem dux leniter, adactusque, ²⁷ inclinante negotio ipso cervices, adorare sollemniter anhelantem celsius ³⁷⁾ purpuratum, ut spectabilis colebatur, et intimus: facilitate aditus, honoreque mensae regalis adeo antepositus aliis, ut iam secretius de rerum summa consultaretur. Ae- ²⁸
gre ferebat Silvanus ad consulatum potestatesque sublimes elatis indignis, se et Urficinum solos, post exsudatos magnos pro re publica labores et crebros, ita fuisse despectos, ut ipse quidem per quaestiones familiarium sub disceptatione ignobili crudeliter agitatus, commississe in maiestatem arcesseretur: alter vero ab Oriente raptus, odiis inimicorum ad-

36) *al. veteratur.* 37) *Mf. purpuram specialius.*

diceretur: et haec assidue clam querebatur et palam. Terrebant nos tamen, cum dicerentur haec et similia, circumfrentia undique murmura causantis inopiam militis, et rapida celeritate ardentis angustias Alpium perrumpere Cottiarum.

30 In hoc aestu mentis ancipiti, ad effectum tendens consilium occulta scrutabamur indagine: sederatque tandem, mutatis prae timore saepe sententiis, ut quaesitis magna industria cautis ³⁸⁾ rei ministris, obstricto religionum consecratione colloquio, Braccati sollicitarentur atque Cornuti, fluxioris fidei, et ubertate mercedis ad momentum omne
31 versabiles. Firmato itaque negotio per sequestres quosdam gregarios, obscuritate ipsa ad id patrandum idoneos, praemiorum expectatione accensos, solis ortu iam rutilo subitus armatorum globus erupit: atque, ut solet in dubiis rebus audentior, caesis custodibus regia penetrata, ³⁹⁾ Silvanum extractum aedícula, quo exanimatus confugerat, ad conventiculum ritus Christiani tendentem, densis gladiatorum ictibus trucidarunt.

32 Ita dux haud exilium meritorum hoc genere appetit mortis, metu calumniarum, quibus factione iniquorum irretitus est absens, ut tueri possit salu-

33 tem, ad praesidia progressus extrema. Licet enim ob tempestivam illam cum armaturis prodicionem ante Mursense praelium, obligatum gratia retineret Constantium; ut dubium tamen et mutabilem vereretur: licet patris quoque Boniti praetenderet fortia facta, Franci quidem, sed pro Constantini partibus in bello civili acriter contra Licinianos
34 saepe versati. Evenerat autem, antequam huiusmodi aliquid ageretur in Galliis, ut Romae in Circo maximo populus, incertum, ratione quadam

38) *τὸ σπεί* deest al. 39) *Mf. lignarum.*

percitus an praefagio, ⁴⁰⁾ *Silvanus devictus est*, magnis vocibus exclamaret.

Igitur Silvano Agrippinae, ut relatum est, in-
terfecto, inaeestimabili gaudio re cognita, princeps
insolentia coalitus et tumore, hoc quoque felicitatis
suae prosperis cursibus adsignabat: eo more, quo
semper oderat fortiter facientes, ut quondam
Domitianus, superare tamen quacunque arte con-
traria cupiebat. Tantumque abfuit laudare indu-
strie gesta, ut etiam quaedam scriberet de Gallica-
nis intercepta thesauris, quos nemo attigerat. Id-
que scrutari iusserat artius, interrogato Remigo
etiam tum rationario adpartitionis armorum magistri:
cui multo postea Valentiniani temporibus laqueus
vitam in causa Tripolitanae legationis eripuit. Post
quae ita completa, Constantius, ut iam caelo con-
tiguus, calibusque imperaturus humanis, ⁴¹⁾ ma-
gniloquentia sufflabatur adulatorum: quos augebat
ipse, spernendo proiiciendoque id genus parum
callentes. Ut Croesum legimus ideo regno suo
Solonem expulisse praecipitem, quia blandiri ne-
sciebat: et Dionysium intentasse poetae Philoxeno
mortem, cum eum recitantem proprios versus ab-
surdos et inconcinnos, laudantibus cunctis, solus
audiret immobilis. Quae res perniciofa vitiorum
estatrix: eo demum enim laus grata esse potestati
debet excelsae, cum interdum et vituperationi secus
gestorum pateat locus.

VI. Iamque post securitatem quaestiones agi-
tabantur ¹⁾ ex more, et vinculis catenisque plures
ut noxii ²⁾ plectebantur. Exsurgebat enim effe-
rens laetitia Paulus, tartareus ille delator, ad ve-
nenatas artes suas licentius exercendas: et inqui-
rentibus in negotium Consistorianis atque Militari-

⁴⁰⁾ Mf. et Silvanus devii est. ⁴¹⁾ *et fastuque* Mf. deest. ¹⁾ Mf. ex more de. ²⁾ Mf. ptebantur.

bus, ut praeceptum est, Proculus admovetur eculeo, Silvani domesticus, homo gracilis et morbosus, metuentibus cunctis, ne vi nimia tormentorum levi corpore fatigato, reos atrocium criminum perspicue citari faceret multos: verum contra quam ² speratum est contigit. Memor enim somnii, quo vetitus erat per quietem, ut ipse firmavit, pulsare quemquam infontem, usque ad confinia mortis vexatus, nec nominavit, nec prodidit aliquem: sed adferebat factum Silvani constanter, id eum cogitasse, quod iniit, non cupiditate, sed necessitate compulsus, argumento evidenti demonstrans.

3 Causam enim probabilem ponebat in medio, multorum testimoniis claram, quod die quinto, antequam infulas fusciperet principatus, donatum stipendio militem Constantii nomine adloquutus est, fortis esset et fidus. Unde adparebat, quod, si praesumere fortunae superioris insignia conaretur,

4 auri tam grave ³) pondus largiretur ut suum. Post hunc damnatorum sorte Poemenius raptus ad supplicium interiit: qui (ut supra retulimus) cum Treveri civitatem Caesari clausissent Decentio, ad defendendam plebem electus est. Tum Asclepiodotus, et Luto, et Maudio Comites interempti sunt, alique plures, haec et similia perplexe temporis obstinatione scrutante.

VII. Dum has exitiorum communium clades fuscitat turbo feralis, urbem aeternam Leontius regens, multa spectati iudicis documenta ¹) praebebat, in audiendo celer, in disceptando iustissimus, natura benevolus, licet auctoritatis causa servandae acer quibusdam videbatur, et inclinior ² ad amandum. Prima igitur ²) causa seditionis in eum concitandae vilissima fuit et levis. Philorum enim aurigam rapi praeceptum, sequuta plebs

5) Ml. pondus giretur. 1) praecipiebat. 2) Ml. aut seditionis.

omnis velat defensura proprium pignus, terribili impetu praefectum incellebat ut timidum: sed ille stabilis et erectus immixtis adparitoribus, correptos aliquot vexatosque tormentis, nec strepente ullo nec obfistente, insulari poena ³⁾ multavit. Diebusque paucis sequutis cum itidem plebs excita calore, quo consuevit, vini causando inopiam, ad Septemzodium convenisset, celebrem locum, ubi operis ambitiosi Nymphaeum Marcus condidit Imperator: illuc de industria pergens praefectus, ab omni toga adparitioneque rogabatur enixius, ne in multitudinem se arrogantem inmitteret et minacem, ex commotione pristina saevientem: ⁴⁾ difficilisque ad pavorem recte tetendit, adeo ut eum obsequentium pars desereret, licet in periculum festinantem abruptum. Insidens itaque vehiculo, cum speciosa fiducia contuebatur acribus oculis tumultuantium undique cuneorum veluti serpentium vultus: perpressusque multa dici probrosa, agnitum quemdam inter alios eminentem, vasti corporis, rutilique capilli, interrogavit, an ipse esset Petrus Valvomeres, ut audierat, cognomento: eumque, cum esse sono respondisset obiurgatorio, ut seditiosorum antesignanum olim sibi compertum, reclamantibus multis, post terga manibus vinctis suspendi praecipit. Quo viso sublimi, tribuliumque adiuventum nequidquam implorante, vulgus omne paullo ante confertum, per varia urbis membra diffusum ita evanuit, ut barbarum acerrimus concitor, tamquam in iudiciali secreto exaratis lateribus ad Picenum eiiceretur: ubi postea ausus eripere virginis non obscurae pudorem, Patruini ⁵⁾ consularis sententia supplicio est capitali addictus.

³⁾ poena mulctati sunt. ⁴⁾ difficilis ad pavorem recte. ⁵⁾ *al.* Consulari.

6 Hoc administrante Leontio, Liberius Christianae legis antistes, a Constantio ad comitatum mitti praeceptus est, tamquam ⁶⁾ Imperatoris iussis et plurimorum ⁷⁾ sui consortium decretis obfistens, in re, quam brevi textu percurram. Athanasium episcopum eo tempore apud Alexandriam, ultra professionem altius se efferentem, sciscitarique conatum externa, ut prodidere rumores assidui, coetus in unum ⁸⁾ quaesitus eiusdem loci multorum (synodus ut adpellant) removit a sacramento, quod ⁸⁾ obtinebat. Dicebatur enim fatidicarum sortium fidem, quaeve augurales portenderent alites, scientissime callens, aliquoties praedixisse futura: super his intendebantur ei alia quoque a proposito legis abhorrentia, cui praesidebat. Hunc per subscriptionem abiicere sede sacerdotali, paria sentiens caeteris, iubente principe, Liberius monitus, perseveranter renitebatur, nec vilum hominem, nec auditum damnare, nefas ultimum saepe exclamans, ¹⁰ aperte scilicet recalcitrans Imperatoris arbitrio. Id enim ille, Athanasio semper infestus, licet sciret impletum, tamen ⁹⁾ auctoritate quoque, qua potiores aeternae urbis episcopi, firmari desiderio nitentur ardenti: quo non impetrato, Liberius aegre populi metu, qui eius amore flagrabat, cum magna difficultate noctis medio potuit absportari.

VIII. Et haec quidem Romae, ut ostendit textus superior, agebantur. Constantium vero exagitabant assidui ¹⁾ nuntii, deploratas iam Gallias indicantes, nullo renitente ad internecionem barbaris vastantibus universa: aestuansque diu, qua vi propulsaret aerumnas, ipse in Italia residens, ut cupiebat: (periculosum enim existimabat, se in partem contrudere longe dimotam) reperit tandem

⁶⁾ *al.* Imperatoris. ⁷⁾ *Mf.* suis. ⁸⁾ *Mf.* quaesiti. ⁹⁾ auctoritate qua potiuntur. ¹⁾ *ro nuntii* *Mf.* deest.

consilium rectum: et Iulianum, patruelem fratrem, haud ita dudum ab Achaico²⁾ tractu accitum, etiam tum palliatum, in societatem imperii adsciscere cogitabat. Id ubi urgente malorum impendentium² mole confessus est proximis, succumbere tot necessitatibus tamque crebris unum se, quod numquam fecerat, aperte demonstrans: illi in adfertationem nimiam eruditi infatuabant hominem, nihil esse ita asperum dictitantes, quod praepotens eius virtus, fortunaque tam vicina fideribus, non superaret ex more. Addebantque, noxarum conscientia stimulante complures, deinceps caveri debere Caesaris nomen, replicantes gesta sub Gallo. Queis adn³ tentibus obstinate, opponebat se sola regina, incertum, migrationem ad longinquā pertimescens, an pro nativa prudentia consulens in commune, omnibusque memorans anteponi debere propinquum. Post³⁾ multaque per deliberationes ambiguas actitata, stetit fixa sententia: abiectisque disputationibus irritis, ad imperium placuit Iulianum adsumere. Cum venisset accitus praedicto die, advocato omni,⁴ quod aderat, commilitio, tribunali ad altio⁴ rem suggestum erecto, quod aquilae circumdederunt et signa, Augustus⁴⁾ incendens, eumque manu retinens dextera, haec sermone placido peroravit:

Adfistimus apud vos, optimi Reip. defensores,⁵ causae communi uno paene omnium spiritu vindicandae, quam acturus, tamquam apud aequos iudices, succinctius edocebo. Post interitum rebellium⁶ tyrannorum, quos ad haec tentanda, quae moveunt, rabies egit et furor: velut impiis eorum manibus Romano sanguine parentantes,⁵⁾ persultant barbari Gallias rupta limitum pace; hac animati fiducia, quod nos per disiunctissimas terras arduae

2) Mf. contractu. 3) multa quae. 4) Mf. insigniens. 5) Mf. persultans.

- 7 *necessitates adstringunt. Huic igitur malo ultra adposita iam* ⁶⁾ *proserpenti, si, dum patitur tempus, occurrerit nostri vestrique consulti suffragium, et colla superbarum gentium* ⁷⁾ *detumescant, et imperii fines erunt intacti. Restat, ut rerum spem,*
- 8 *quam gero, secundo roboretis effectu. Iulianum hunc fratrem meum patruelem, ut nostis, verecundia, qua nobis ita ut necessitudine carus est; recte spectatum, iamque eluciscentis industriae iuvenem, in Caesaris adhibere potestatem exopto, coeptis, si videntur utilia, etiam vestra consensione firmandis.*
- 9 *Dicere super his plura conantem interpellans concio lenius prohibebat, arbitrium summi* ⁸⁾ *numinis id esse, non mentis humanae, velut praescia*
- 10 *venturi praedicans. Stansque Imperator immobilis, dum silerent, residua fidentius explicavit: Quia igitur vestrum quoque favorem adesse fremitus indicat laetus, adulescens vigoris tranquilli, cuius temperati mores imitandi sunt potius quam praedicandi, ad honorem* ⁹⁾ *prosperatum exsurgat: cuius praeclaram indolem bonis artibus institutam hoc ipso plene videor exposuisse, quod elegi.* ¹⁰⁾ *Ergo eum praesente nutu Dei caelestis amictu principali velabo.*
- 11 *Dixit: moxque indutum avita purpura Iulianum, et Caesarem cum exercitus gaudio declaratum, his adloquitur contractione vultu submaestum:*
- 12 *Recepisti primaevus originis tuae splendidum florem, amantissime mihi omnium frater: aucta gloria mea confiteor, qui iustus in deferenda superiori potestate nobilitati mihi propinquae, quam ipsa*
- 13 *potestate videor esse sublimis. Adesto igitur laborum periculorumque particeps, et tutelam ministerii*

6) Ms. proserpentis. 7) al. detumescet. 8) al. Iovis. 9) Ms. prope speratum. al. prosperatum. 10) Ego Ms.

steril fuscipe Galliarum, omni beneficentia partes levaturus adstrictas: et, si hostibus congregari sit necesse, fixo gradu consistere inter signiferos ipsos, audendi in tempore consideratus hortator, pugnales accendens praeiundo cautissime, turbatosque subsidiis fulciens, modestè increpans desides, verissimus testis adfuturus industriis et ignavis. Proinde ur- 14 gente rei magnitudine, perge vir fortis, ducturus viros itidem fortes. Aderimus vobis vicissim amoris robusta constantia, militabimus simul, una orbem pacatum, Deus modo velit, quod oramus, pari moderatione pietateque recturi. Mecum ubique videberis praesens, et ego tibi quodcumque acturo non deero. Ad summam i, i, prospera sociis omnium votis, velut assignatam tibi ab ipsa Rep. stationem cura pervigili defensurus.

Nemo post haec finita reticuit: sed militares 15 omnes horrendo fragore scuta genibus illidentes (quod est prosperitatis indicium plenum: nam contra cum hastis clypei feriuntur, irae documentum est et doloris) immane quo quantoque gaudio praeter paucos Augusti probavere iudicium: Caesaremque admiratione digna fuscipiebant, imperatorii muricis fulgore flagrantem. Cuius oculos cum ve- 16 nustate terribiles, vultumque excitatus gratum, diu multumque contuentes, qui futurus sit, colligebant, velut scrutatis veteribus libris, quorum lectio per corporum signa pandit animarum interna. Eumque, ut potiori reverentia servaretur, nec supra modum laudabant, nec infra, quam decebat: atque ideo censorum voces sunt aestimatae, non militum. Susceptus denique ad consessum vehi- 17 culi, receptusque in regiam, hunc versum ex Homérico carmine susurrabat:

Ελλαβε πορθύρεος θάνατος καὶ μοῖρα κραταιή.
Haec die octavo Iduum Novemb. gesta sunt, cum Arbationem consulem annus haberet et Lollianum.

18 Deinde diebus paucis, Helena virgine Constantii
 sorore eidem Caesari iugali foedere copulata, para-
 tisque universis, quae maturitas proficiscendi posce-
 bat, comitatu parvo suscepto, Kal. Decembribus
 egressus est: deductusque ab Augusto adusque lo-
 cum duabus columnis insignem, qui Laumellum
 interiacet et Ticinum, itineribus rectis Taurinos
 pervenit: ubi nuntio percellitur gravi, qui nuper
 in comitatum Augusti perlatus, de industria fileba-
 19 tur, ne parata disfluere. Indicabat autem Colo-
 niam Agrippinam, ampli nominis urbem in secun-
 da Germania, pertinaci barbarorum obsidione re-
 20 feratam magnis viribus et deletam. Quo maerore
 perculsus, velut primo adventantium malorum au-
 spicio, murmurans querulis vocibus saepe audieba-
 tur: nihil se plus adsequutum, quam ut occupatior
 21 interiret. Cumque Viennam venisset, ingredien-
 tem optatum quidem et ¹¹⁾ impetrabilem honorifice
 susceptura omnis aetas concurrebat et dignitas:
 proculque visum plebs universa cum vicinitate fini-
 tima, Imperatorem clementem adpellans et fau-
 stum, praevia consonis laudibus celebrabat, avidius
 pompam regiam in principe legitimo cernens: com-
 muniisque remedium aerumnarum in eius locabat
 adventu, salutare quemdam Genium adfulsisse
 22 ¹²⁾ conclamatis negotiis arbitrata. Tunc anus quae-
 dam orba luminibus, cum percontando, quinam
 esset ingressus, Iulianum Caesarem comperisset,
 exclamavit, hunc deorum templa reparaturum.

1 IX. Proinde, quoniam (ut Mantuanus vates
 praedixit excelsus) maius opus moveo, maiorque
 mihi rerum nascitur ordo, Galliarum tractus et fi-
 tum ostendere puto nunc tempestivum, ne inter
 procinctus ¹⁾ ardentes praeliorumque varios casus

¹¹⁾ Ms. imperabilem. *al.* Imperatorem. ¹²⁾ *al.* conclamans
 nec secius arbitrata. — ¹⁾ *al.* urgentes.

ignota quibusdam expediens, imitari videar desides nauticos, adtrita linthea cum rudentibus, quae liquit parari securius, inter fluctus refarcire coactos et tempestates. Ambigentes super origine prima² Gallorum scriptores veteres notitiam reliquere negotii semiplenam: sed postea Timagenes, et diligentia Graecus et lingua, haec, quae diu sunt ignorata, collegit ex multiplicibus libris: cuius fidem sequuti, obscuritate dimota, eadem distincte docemus et aperte. Aborigines primos in his regionibus³ quidam visos esse firmarunt, Celtas nomine regis amabilis, et matris eius vocabulo Galatas dictos: ita enim Gallos sermo Graecus adpellat. Alii Dorienfes, antiquiorem sequutos Herculem, oceani locos inhabitasse confines. Drylidae memorant⁴ revera fuisse populi partem indigenam: sed alios quoque ab insulis extimis confluisse et tractibus transrhenanis, crebritate bellorum, et alluvione fervidi maris sedibus suis expullos. Aiunt quidam,⁵ paucos post excidium Troiae, fugitantes Graecos ubique dispersos, loca haec occupasse, tunc vacua. Regionum autem incolae id magis omnibus adseverant, quod etiam nos legimus in monumentis eorum incisum, Amphitruonis filium Herculem ad Geryonis et Taurisci saevium tyrannorum perniciem festinasse, quorum alter Hispanias, alter Gallias infestabat: superatisque ambobus coisse cum generosis feminis, suscepisseque liberos plures, et eos partes, quibus imperitabant, suis nominibus adpellasse. A Phocaea vero Asiaticus populus Harpali⁷ inclementiam vitans, Cyri regis praefecti, Italiam navigio petiit. Cuius pars in Lucania Velium; alia condidit in Viennensi Massiliam: dein sequutis aetatibus oppida aucta virium copia, instituere non pauca: sed declinanda varietas, saepe satietati con-

siuncta. Per haec ²⁾ loca hominibus paullatim excultis, viguere studia laudabilium doctrinarum, inchoata per Bardos, et Euhages, et Druidas. Et Bardi quidem fortia virorum illustrium facta heroicis composita versibus cum dulcibus lyrae modulis cantitarunt: Euhages vero scrutantes ³⁾ seriem et sublimia naturae pandere conabantur. Inter hos Druidae ingeniis celliores, ut auctoritas Pythagorae decrevit, sodaliciis adstricti consortiis, quaestionibus occultarum rerum altarumque erecti sunt, et despectantes humana pronuntiarunt animas immortales.

1 X. Hanc Galliarum plagam, ob suggestus montium arduos, et horrore nivali semper obductos, orbis residui incolis antehac paene ignotam (nisi qua littoribus est vicina) munimina claudunt undique, ²⁾ natura velut arte circumdata. Et a latere quidem australi Tyrrheno adluitur, et Gallico mari: qua caeleste suspicit plaustum, a feris gentibus fluentis distinguitur Rheni: ubi occidentali subiecta est fideri, oceano et altitudine ¹⁾ Pyrenaei cingitur; unde ad solis ortus adtollitur, aggeribus cedit Alpium Cottiarum: quas rex Cottius perdomitis Gallis, solus in angustiis latens, inviaque locorum asperitate confusus, lenito tandem tumore in amicitiam Octaviani receptus principis, molibus magnis exstruxit ad vicem memorabilis muneris, compendiaras et viantibus opportunas, medias inter alias Alpes vetustas, super quibus comperta paullo postea referemus. In his Alpibus Cottis, quarum initium a ²⁾ Segusione est oppido, praecelsum erigitur iugum, nulli fere sine discrimine penetrabile. ⁴⁾ Est enim e Gallis venientibus prona humilitate devexum, pendentium saxorum altrinsecus visu terri-

²⁾ *al. loci.* ³⁾ *Mf. serviani.* ¹⁾ *et cingitur* in *al. deest.* ²⁾ *Mc. Segusione.*

bile, praesertim verno tempore: cum liquente gelu, nivibusque solutis flatu calidiore ventorum, per diruptas utrimque angustias, et lacunas pruinarum congerie latebrosas, descendentes cunctantibus plantis homines et iumenta procidunt et carpenta: idque remedium ad arcendum exitium repertum est solum, quod pleraque vehicula vastis funibus illigata, pone cohibente virorum vel boum nisu valido, vix gressu reptante paullo tutius devolvuntur. Et haec, ut diximus, anni verno contingunt. Hieme vero humus crustata frigoribus, et tamquam 5 levigata, ideoque labilis, incessum praecipitantem impellit, et patulae valles per spatia plana glacie perfidae vorant nonnumquam transeunt. Ob quae locorum callidi, eminentes ligneos stilos per cautiora loca defigunt, ut eorum series viatorem ducat innoxium: qui si nivibus operi latuerint, montanis defluentibus rivis ³⁾ everfi, agrestibus praevis difficile pervaduntur. A summitate autem 6 huius Italici clivi, planities adusque stationem nomine Martis, per septem extenditur millia: et hinc alia celsitudo erectior, aegreque superabilis, ad Matronae porrigitur verticem, cuius vocabulum casus feminae nobilis dedit. Unde declive quidem 7 iter, sed expeditius adusque castellum Virgantium patet. Huius sepulcrum reguli, quem itinera struxisse retulimus, Segusione est moenibus proximum: manesque eius ratione gemina religiole coluntur: quod iusto moderamine rexerat suos, et adscitus in societatem rei Romanae, quietem genti praestitit sempiternam. Et licet haec, quam dixi- 8 mus ⁴⁾ viam, media sit et compendiaris, magisque celebris, tamen etiam aliae multo antea temporibus sunt constructae diversis. Primam Thebaeus Her- 9 cules ad Geryonem extinguendum, ut relatum est

3) Ms. everfi, graves agrestibus. 4) al. via.

et Tauriscum lenius gradiens, prope maritimas composuit Alpes: hinc Graiarum indidit nomen: Monœci similiter arcem et portum ad perennem sui memoriam consecravit. Deinde emensis postea saeculis multis, hac ex causa sunt Alpes excogitatae

- 10 Poeninae. Superioris Africani pater P. Cornelius Scipio Saguntinis memorabilibus aerumnis et fide, pertinaci destinatione Afrorum obsessis, iturus auxilio in Hispaniam, traduxit onustam manu valida classem: sed civitate Poenorum Marte deleta, Hannibalem ⁵⁾ adsequi nequiens, triduo ante transito Rhodano ad Italiae partes contendentem, navigatione veloci intercurso spatio maris haud longo, degressurum montibus apud Genuam observabat, Liguria oppidum, ut cum eo, si copiam fors dedisset, viarum asperitate fatigato decerneret in plau-
- 11 titie. Consulens tamen rei communi, Cn. Scipionem fratrem ire movuit in Hispanias, ut Hasdrubalem exinde similiter erupturum arceret. Quae Hannibal doctus a perfugis, ut erat expeditae mentis et callidae, Taurinis ducentibus accolis, per ⁶⁾ Tricastinos et oram ⁷⁾ Vocontiorum extremam, ad saltus Tricorios venit. Indeque exorsus, aliud iter antehac insuperabile fecit: excisaque rupe in immensum elata, quam cremando vi magna flammarum acetoque ⁸⁾ infuso dissolvit, per Druentiam flumen gurgitibus vagis intutum, regiones occupavit Etruscas. Hactenus super Alpibus, nunc ad restantia veniamus.

- 1 XI. Temporibus priscis, cum laterent hae partes ut barbarae, tripartitae fuisse creduntur, in Celtas eosdemque Gallos divisae, et Aquitanos, et Belgas, lingua, institutis, legibusque discrepantes.
- 2 Et Gallos quidem, qui Celtæ sunt, ab Aquitanis

5) Mf. sequi. 6) al. Tricastinos. 7) Mf. Vocontigrum. 8) Mf. infuso quae infolidis solvit.

Garumna disternit flumen, a Pyrenaeis oriens collibus, postque oppida multa transcurfa in oceano delitescens. A Belgis vero eandem gentem Ma-3 trona discernit et Sequana, amnes magnitudinis geminae: qui fluentes per Lugdunensem, post circumclausum ambitu insulari Parisiorum castellum, 1) Lutetiam nomine, consociatim meantes protinus prope castra Constantia funduntur in mare. Ho-4 rum omnium apud veteres Belgae dicebantur esse fortissimi, capropter, quod ab humaniore cultu longe discreti, nec adventitiis effeminati deliciis, diu cum transrhenanis certavere Germanis. Aqui-5 tani enim, ad quorum littora ut proxima placidaque merces adventitiae convehuntur, moribus ad molliem lapsis, facile in ditionem venire Romanam. Regebantur autem Galliae omnes, iam inde uti6 crebritate bellorum urgenti cessere Iulio dictatori, potestate in partes divisa quatuor: quarum Narbonensis una, Viennensem intra se continebat, et Lugdunensem: altera Aquitanis praeerat universis: superiorem et inferiorem Germaniam, Belgasque duae iurisdictiones iisdem rexere temporibus. At7 nunc numerantur provinciae per omnem ambitum Galliarum: secunda Germania, prima ab occidentali exordiens cardine, Agrippina et Tungris munita, civitatibus amplis et copiosis. Dein prima8 Germania, ubi praeter alia municipia Mogontiacus est, et Vangiones et Nemetes, et Argentoratus barbaricis cladibus nota. Post has Belgica prima9 Mediomatricos praetendit, et Treviros domicilium principum clarum. Huic adnexa secunda est Bel-10 gica, qua Ambiani sunt, urbs inter alias eminens, et Catelanni et Remi. Apud Sequanos Bifontios11 videmus, et Rauracos, aliis potiores oppidis multis. Lugdunensem primam Lugdunus ornat, et

1) Ml. Lutetia.

Cabillonus et Senones, et Biturigae, et moenium
 12 Augustuduni magnitudo vetusta. Secundam enim
 Lugdunensem Rothomagi, et Turones, Mediola-
 num ostendunt, et ²⁾ Tricastini: Alpes Graiae et
 Poeninae, exceptis ³⁾ obscurioribus habent
 et Aventicum, desertam quidem civitatem, sed
 non ignobilem quondam, ut aedificia semiruta nunc
 quoque demonstrant. Hae provinciae, urbesque
 13 sunt splendidae Galliarum. In Aquitania, quae
 Pirenaeos montes et eam partem spectat oceani,
 quae pertinet ad Hispanos, prima provincia est
 Aquitanica, amplitudine civitatum admodum cul-
 ta: omissis aliis multis, Burdegala, et ⁴⁾ Arverni
 14 excellunt, et Santones, et Pictavi. Novem popu-
 los Ausci commendant, et Vasatae. In Narbonensi
 Elusa et Narbona, et Tolosa principatum urbium
 tenent. Viennensis civitatum exsultat decore mul-
 tarum, quibus potiores sunt Vienna ipsa, et Are-
 late, et Valentia: quibus Massilia iungitur, cuius
 societate et viribus in discriminibus arduis fultam
 15 aliquoties legimus Romam. His prope Salluvii
 sunt, et Nicaea, et Antipolis, insulaeque Stoecha-
 16 des. Et quoniam ad has partes opere contexto per-
 venimus, filere super Rhodano, maximi nominis
 flumine, incongruum est et absurdum. A Poeni-
 nis Alpibus effusiore copia fontium Rhodanus fluens,
 et proclivi impetu ad planiora degrediens, proprio
 agmine ripas occultat, et paludi sese ingurgitat no-
 mine Lemanno, eamque intermeans, nusquam
 aquis miscetur externis: sed altrinsecus summitates
 undae ⁵⁾ praeterlabens segnioris, quaeritans exitus,
 17 viam sibi impetu veloci molitur. Unde sine iactura
 rerum per Sapaudiam fertur et Sequanos: longeque
 progressus, Viennensem latere sinistro perstringit,

²⁾ al. Tricastini. ³⁾ in aliis codicib. hic lacuna nulla est.
⁴⁾ al. Averni. ⁵⁾ al. praeterlabens segiores.

dextro Lugdunensem: et emensus ⁶⁾ spatia flexuosa, Ararim (quem Sauconnam adpellant) inter Germaniam primam fluentem, suum in nomen adsciscit: qui locus exordium est Galliarum. ⁷⁾ Exindeque non millenis passibus, sed ⁸⁾ leugis itinera metiuntur. Hinc Rhodanus aquis advenis locupletior, ¹⁸ vehit grandissimas naves, ventorum ⁹⁾ difflatu iactari saepius adsueta: ¹⁰⁾ finitisque intervallis, quae ei natura praescripsit, spumeus Gallico mari incorporatur per patulum sinum, quem vocant Ad Gradus, ab Arelate octavo decimo ferme lapide disparatum. Sit satis de situ locorum: nunc figuras et mores hominum designabo.

XII. Cellioris staturae et candidi paene Galli sunt omnes, et rutili, luminumque torvitate terribiles, avidi iurgiorum, et sublatius insolescentes. Nec enim eorum quemquam adhibita uxore rixantem, multo fortiore et glauca, peregrinorum ferre poterit globus: tum maxime cum illa inflata cervice suffrendens, ponderansque niveas ulnas et vastas, admistis calcibus emittere coeperit pugnos, ut catapultas tortilibus nervis excussas. Metuendae voces ² complurium et minaces, placatorum iuxta et irascentium: terfi tamen pari diligentia cuncti et mundi: nec in tractibus illis, maximeque apud ¹⁾ Aquitanos, poterit aliquis videri, vel femina, licet perquam pauper, ut alibi, frustis squalere pannorum. Ad militandum omnis aetas aptissima: ³ et pari pectoris robore senex ad procinetum ducitur et adultus, gelu duratis artibus et labore adfido, multa contempturus et formidanda: nec eorum aliquando quisquam, ut in Italia, munus Martium pertimescens, pollicem sibi praecidit, quos

6) Mf. spatio fluctuoso. 7) *al.* Exinde. 8) Mf. leugis. 9) Mf. difflatu. 10) Mf. finitisque intervallis quae. 1) Mf. Aquit. . . . poterit aliquis v *al.* Aquitaniam poterit vid.

4) localiter murcos appellat. Vini avidum genus, adfectans ad vini similitudinem multiplices potus: et inter eos humiles quidam obtulis ebrietate continua sensibus, quam furoris voluntariam speciem esse Catoniana sententia definivit, raptantur discursibus vagis: ut verum illud videatur, quod ait defendens Fonteium Tullius, *Gallos post haec dilutius esse poturos*, quod illi venenum esse arbitrabantur.

5) Hae regiones, praecipue quae confines Italicis, paullatim ²⁾ levi sudore sub imperium venire Romanum: primo tentatae per Fulvium, deinde praeliis parvis quassatae per Sextium, ad ultimum per Fabium Maximum domitae: cui negotii plenus effectus, asperiore Allobrogum gente devicta, hoc in-
6) didit cognomentum. Nam omnes Gallias, nisi quae paludibus inviae fuere, ut Sallustio docetur auctore, post decennalis belli mutuas clades ³⁾ subegit Caesar, societatique nostrae foederibus iunxit aeternis. Evectus sum longius, sed remeabo tandem ad coepta.

1) XIII. Domitiano crudeli morte consumpto, Musonianus eius successor Orientem praetoriani regebat potestate praefecti, facundia sermonis utriusque clarus: unde sublimius, quam sperabatur, eluxit.
2) Constantinus enim cum limatius superstitionum quaereret sectas, Manichaeorum et similium, nec interpres inveniretur idoneus, hunc sibi commendatum ut sufficientem elegit: quem officio functum perite, Musonianum voluit appellari, ante Strategium dictitatum: et ex eo percursis honorum gradibus multis, adscendit ad praefecturam: ¹⁾ prudens alia, tolerabilisque provinciis, et mitis et blandus: sed ex qualibet occasione, maximeque ex controversis litibus, quod nefandum est, et in totum in-

2) Mf. levis odore. 3) *τὸ subegit* al. deest. 1) Mf. prudens alia.

crandi aviditate fordescens : ut inter alia multa evidenter adparuit in quaestionibus agitatis super morte Teophili Syriae consularis, proditione Caesaris Galli, impetu plebis promiscuae discerpti : ubi damnatis pauperibus, quos, cum haec agerentur, peregre constabat fuisse, auctores diri facinoris, exuti patrimoniis, absoluti sunt divites.

²⁾ Hunc Prosper adaequabat, pro magistro³ equitum, agente etiam tum in Galliis, militem regens, abiecte ignavus, et, ut ait Comicus, arte despecta furtorum rapiens propalam.

Quois concordantibus, mutuaque commercia⁴ vicissim sibi conciliando locupletatis, Persici duces vicini fluminibus, rege in ultimis terrarum suarum terminis occupato, per praedatorios globos nostra vexabant, nunc Armeniam, aliquoties Mesopotamiam confidentius incurstantes, Romanis ductoribus ad colligendas obedientium exuvias occupatis.

2) Mf. Huc Prosper adequitabat.

AMMIANI MARCELLINI

RERUM GESTARUM

LIBER XVI.

Juliani Caesaris laus. C. I. Iulianus Caes. Alamannos adoritur, caedit, capit et fugat. II. Coloniam a Francis captam recipit, et pacem ibi cum Francorum regibus facit. III. apud Senonas oppidum ab Alamannis obsidetur. IV. Iuliani Caesaris virtutes. V. Arbetio, vir consularis, accusatur, et absoluitur. VI. Iulianus Caes. a praeposito cubiculi sui Eutherio apud imperatorem defenditur adversus Marcellum: et laus Eutherii. VII. Delationes et calumniae in castris Constantii Augusti, et aulicorum rapacitas. VIII. Agitur de pace cum Persis. IX. Constantii A. militaris ac velut triumphalis in urbem Romam adventus. X. Iulianus Caes. Alamannos in insulis Rheni, quo se et sua receperant, adgreditur, et Tres Tabernas adversus eos reparat. XI. Idem Alamannorum reges Galliam incubantes adgreditur, et barbaros apud Argentoratum acie fundit. XII.

(A. C. 356.)

Haec per orbem Romanum ¹⁾ factorum ordine contexto versante, Caesar apud Viennam in collegium factorum a consule octies Augusto adscitus, urgente genuino vigore, pugnarum fragores caedesque barbaricas somniabat, colligere provinciae fragmenta iam parans, si adfuisset flatu tandem secundo.

¹⁾ Mf. factorum.

Quia igitur res magnae, quas per Gallias virtute felicitateque correxit, multis veterum factis fortibus praestant, singula serie progrediente monstrabo, instrumenta omnia mediocris ingenii, si suffecerint, commoturus. Quidquid autem narrabitur, quod non falsitas arguta concinnat, sed fides integra rerum absolvit, documentis evidentibus fulta, ad laudativam paene materiem pertinebit. Videtur enim lex quaedam vitae melioris hunc iuvenem a nobilibus cunis adusque spiritum comitata supremum. Namque incrementis velocibus ita domi forisque colluxit, ut prudentia [Vespasiani filius] Titus alter aestimaretur, bellorum gloriosis cursibus Traiani simillimus, elemens ut Antoninus, rectae perfectaeque rationis indagine congruens Marco, ad cuius aemulationem²⁾ actus suos effungebat et mores. Et quoniam, ut Tulliana docet auctoritas, omni-um magnarum artium sicut arborum altitudo nos delectat, radices stirpesque non item: sic praeclarae huius indolis rudimenta tunc multis obubiantibus tegebantur, quae anteferri gestis eius postea multis et miris hac ratione deberent, quod adulescens primaevus, ut Erechtheus in secessu Minervae nutritus, ex academiae quietis umbraculis, non e militari tabernaculo, in pulverem Martium tractus, strata Germania, pacatisque rigentis³⁾ Rheni meatibus, cruenta spirantium regum hic sanguinem fudit, alibi manus⁴⁾ catenis adflixit.

II. Agens itaque negotiosam hiemem apud oppidum ante dictum, inter rumores, qui volitabant assidui, comperit Augustoduni civitatis antiquae muros, spatiosi quidem ambitus, sed carie vetustatis, inualidos, barbarorum impetu repentino infesos, torpente praesentium militum manu, vetera-

²⁾ *al.* actus affungebat. ³⁾ *Mf.* Rheni meatibus. ⁴⁾ *Mf.* catenis adflixit.

nos ¹⁾ concursatione pervigili defendisse: ut solet
 abrupta saepe discrimina salutis ultima desperatio
 2) propulsare. Nihil itaque remittentibus curis, an-
 cillari adulatione posthabita, qua eum proximi ad
 amoenitatem flectebant et luxum, satis ²⁾ omnibus
 comparatis, VIII. Kal. Iulias Augustodunum perve-
 nit, velut dux diuturnus, viribus eminens et con-
 siliis, per diversa palantes barbaros, ubi dedisset
 3) fors copiam, adgressurus. Habita itaque delibera-
 tionē, adstantibus locorum peritis, quodnam iter
 eligeretur ut tutum, multa ultro citroque dieeban-
 tur aliis per Arbor quibusdam per Sedelau-
 4) cū et Coram iri debere firmantibus. Sed cum
 subsererent quidam, Silvanum paullo ante magi-
 strum peditum, per compendiosas vias, verum su-
 spectas, quia tenebris multis umbrantur, cum VIII.
 auxilium millibus aegre transisse, fidentius Cae-
 sar audaciam viri fortis imitari maguopere nitebatur.
 5) Et, ne qua interveniret mora, adhibitis ³⁾ cataphra-
 ctariis solis et ballistariis, parum ad tuendum re-
 ctorem idoneis, percurso eodem itinere Autofido-
 6) rum pervenit. Ubi brevi, sicut solebat, otio cum
 milite recreatus, ad Tricassinos tendebat: et barba-
 ros in se catervatim ruentes, partim cum timeret ut
 ampliores, confertis lateribus observabat: alios oc-
 cupatis habilibus locis decursu facili proterens,
 nonnullos pavore traditos cepit: residuos in curam
 celeritatis omne quod poterant conferentes, quia
 sequi non valebat gravitate praepeditus armorum,
 7) innocuos abire perpeffus est. Proinde certiore iam
 spe ad resistendum ingruentibus confirmatus, per
 multa discrimina venerat Tricassas adeo insperatus,
 ut eo portas paene pulsante, diffusae multitudinis
 barbarae metu, aditus urbis non sine anxia pande-
 8) retur ambage. Et paullisper moratus, dum fatigato

1) Ms. concursatione. 2) Ms. ordinibus. 3) al. cataphractis.

consultit militi, civitatem Remos nihil prolatandum existimans petit: ubi in unum congregatum ⁴⁾ exercitum vehementem iusserat opperiri praesentiam suam: cui praesidebat Urficini successor Marcellus, et ipse Urficinus adusque expeditionis finem agere praeceptus iisdem in locis. Post variatas itaque sententias plures, cum placuisset per decempagos Alamannam adgredi plebem, densatis agminibus tendebat illuc solito alacrior miles. Et quia dies humectus et decolor vel contiguum eripiebat adspectum, iuvante locorum gnaritate, hostes tramite obliquo discursu post Caesaris terga, legiones duas arma cogentes adorti paene delessent, ni subito concitus clamor sociorum auxilia coegisset. Hinc et deinde nec itinera nec flumina transire posse sine infidiis putans, erat providus et cunctator: quod praecipuum bonum in magnis ductoribus, opem ferre solet exercitibus et salutem. Audiens itaque Argentoratum, Brocomagnum, Tabernas, Salifonem, Nemetas, et Vangionas, et Mogontiacum civitates barbaros possidentes, territoria earum habitare: (nam ipsa oppida ut circumdata retiis busta declinant) primam omnium Brocomagnum occupavit: eique iam adventanti Germanorum manus pugnam intentans occurrit. Cumque in binum cornem figuram acie divisa, collato pede res agi coepisset, exitioque hostes urgerentur ancipiti, captis nonnullis, aliis in ipso proelio ⁵⁾ fervore truncatis, residui discessere celeritatis praesidio teoti.

III. Nullo itaque posthaec repugnante, ad recuperandam ire placuit Agrippinam, ante Caesaris in Gallias adventum excisam: per quos tractus nec civitas ulla visitur, nec castellum: nisi quod apud Confluentes, locum ita cognominatum, ubi amnis

4) Ms. exercitum vehementem iusserat. 5) Ms. fervare.

Mosella confunditur Rheno, ¹⁾ Rigomagum oppi-
 2 dum est, et una prope ipsam Coloniam turris. Igi-
 tur Agrippinam ingressus, non ante motus est. exin-
 de, quam Francorum regibus furore mitesciente per-
 territis, pacem firmaret Reip. interim profuturam,
 3 et urbem reciperet munitissimam. Quibus vincen-
 di primitiis laetus, per Treveros hiematurus apud
 Senonas oppidum tunc opportunum abscessit. Ubi
 bellorum inundantium molem humeris suis, quod
 dicitur, vehens, scindebatur in multiplices curas:
 ut milites, qui a solitis descivere praefidiis, redu-
 cerentur ad loca suspecta, et conspiratas gentes in
 noxam Romani nominis disiectaret, ac provideret,
 ne alimenta deessent exercitui per varia discursuro.

1 IV. Haec sollicito perpenſantem hostilis adgre-
 ditur multitudo, oppidi capiundi spe in maius ac-
 censa: ideo confidentes, quod ei nec Scutarios ad-
 esse, et quidem monentibus perfugis, didicerant,
 nec Gentiles, per municipia distributos, ut com-
 2 modius ¹⁾ vescerentur. Cum autem . . * . . Clausa
 ergo urbe, murorumque intuta parte firmata, ipse
 cum armatis die noctuque inter propugnacula vise-
 batur et pinnas, ²⁾ ira exundante subfridens, cum
 erumpere saepe conatus, paucitate praesentis manus
 impediretur. Post tricesimum denique diem abiire
 barbari tristes, inaniter stulteque cogitasse civitatis
 3 obſidium muſſitantes. At, quod indignitati rerum
 est adſignandum, periclitanti Caesari distulit sup-
 petias ferre Marcellus magister equitum, agens in
 stationibus proximis: cum, etiamſi civitas absque
 principe vexaretur, opposita multitudine malis ob-
 4 ſidionalibus expediri deberet. Hoc metu solutus
 efficacissimus Caesar, providebat constanti sollicitu-
 dine,

1) Rigomagum. Mf. — 1) in Mf. lacuna relicta est unius li-
 neae. al. vescerentur. Cla. 2) al. ita.

dine, ut militum diuturno labori quies succederet aliqua, licet brevis, ad recreandas tamen sufficiens vires: quamquam ultima squalentes inopia terrae saepe ³⁾ vastitatae exigua quaedam victui congrua adgerebant. Verum hoc quoque diligentia curato pervigili, adfusa laetiore spe prosperorum, sublato animo ad exsequenda plurima consurgebat.

V. Primum igitur factuque difficile, temperantiam ipse sibi indixit, atque retinuit, tamquam adstrictus sumptuariis legibus viveret, quas ex rhetris Lycurgi, et axonibus Romam translatae diuque observatas, et senescentes paullatim, reparavit Sylla dictator: reputans ex praedictis Democriti, quod ambitiosam mentem fortuna, parcam virtus adponit. Id enim etiam Tusculanus Cato prudenter definiens, cui Censorii cognomentum castior vitae indidit cultus: *Magna, inquit, cura cibi, magna virtutis incuria.* Denique cum legeret libellum adfidue, quem Constantius ut privignum ¹⁾ ad studia mittens, manu sua conscripserat, praelicenter disponens, quid in convivio Caesaris impendi deberet: phasianum, et vulvam, et lumen exigi vetuit et inferri, munificis militis vili et fortuito cibo contentus.

Hinc ²⁾ contingebat, ut noctes ad officia divideret tripartita, quietis, et publicae rei, et mularum: quod factitasse Alexandrum legimus magnum; sed multo hic fortius. Ille namque aenea concha supposita, brachio extra cubile protento, pilam tenebat argenteam, ut, cum nervorum ³⁾ vigorem sopor laxasset infusus, gestaminis lapsi tinnitus abruptum somnum. Iulianus vero absque instrumento, quoties voluit, evigilavit: et nocte dimidiata semper exsurgens, non e plumis vel stragulis

³⁾ Ms. vastitate. ¹⁾ al. ad studium. ²⁾ al. contingebat. ³⁾ Ms. vigorem.

fericis ambiguo fulgore nitentibus, sed ex tapete, et ⁴⁾ σινύρα, quam vulgaris simplicitas fisurnam appellat, occulte Mercurio supplicabat, quem mundi velociorem sensum esse, motum mentium fuscitantem, theologiae prodidere doctrinae: atque in tanto rerum defectu ⁵⁾ explorete rei publicae munera curabat. Post quae ut ardua et seria terminata, ad procudendum ingenium vertebatur: et incredibile, ⁶⁾ quo quantoque ardore rerum principalium notitiam celsam indagans, et quasi pabula quaedam animo ad sublimiora scandendi conquirens, per omnia philosophiae membra prudenter disputando ⁷⁾ currebat. Sed tamen cum haec effecte pleneque colligeret, nec humiliora despexit, poeticae mediocriter, et rhetoricam amavit, (ut ostendit orationum epistolarumque eius cum gravitate comitas incorrupta) et nostrarum externarumque rerum historiam multiformem. Super his aderat latine ⁸⁾ quoque differendi sufficiens sermo. ⁹⁾ Si itaque verum est, quod scriptores varii memorant, Cyrum regem, et Simonidem lyricum, et Hippiaem Eleum sophistarum acerrimum ideo valuisse memoria, quod epotis quibusdam remediis id impetrarunt: credendum est hunc etiam tum adultum totum memoriae dolium, si usquam reperiri potuit, exhaustisse. Et haec quidem pudicitiae virtutumque sunt signa nocturna.

⁹⁾ Diebus vero quae ornate dixerit et facete, quaeve in adparatu vel in ipsis egit congressibus proeliorum, aut in re civili, magnanimitate correxit et libertate, suo quaeque loco singula demonstrabuntur. ¹⁰⁾ Cum exercere proodia disciplinae castrensis philosophus cogeretur ut princeps, artemque modulatus incedendi per pyrrhicham concinentibus disceret

4) Ms. syra. 5) al. explorete curabat. Ms. explorantur ei p. M. curabat. 6) al. quo et quanto. 7) al. Sic itaque.

fistulis; vetus illud proverbium, *Clitellae bovi impositae sunt: plane non est nostrum onus*, Platonem crebro nominans exclamabat. Inductis quadam sollemnitate agentibus in rebus in consistorium, ut aurum acciperent; inter alios quidam ex eorum confortio, non, ut moris est, expansa chlamyde, sed utraque manu cavata suscepit: et Imperator: *Rapere, inquit, non accipere sciunt Agentes in rebus*. Aditus a parentibus virginis raptae, eum, qui violarat, convictum relegari decrevit. Hisque indigna pati querentibus, quod non sit morte multatus, responderat hactenus: *Incusent iura clementiam: sed Imperatorem mitissimi animi legibus praestare caeteris decet*. Egressurum eum ad expeditionem plures interpellabant, ut laesi, quos audiendos provinciarum rectoribus commendabat: et reversus, quid egerint singuli quaerens, delictorum vindictas genuina lenitudine mitigabat. Ad ultimum exceptis victoriis, per quas cadentes saepe incolumi contumacia barbaros fudit; quod profuerit anhelantibus extrema paenuria Gallis, hinc maxime claret: quod primitus partes eas ingressus, pro capitibus singulis tributi nomine vicanos quinos aureos reperit flagitari: discedens vero septenos tantum, munera universa complentes: ob quae tamquam solem sibi serenum post squalentes tenebras adfulfisse, cum alacritate et tripudiis laetabantur. Denique id eum adusque imperii finem et vitae scimus utiliter observasse, ne per indulgentias quas adpellant, tributariae rei concederet reliqua. Norat enim, hoc facto se aliquid locupletibus additurum, cum censeret ubique pauperes inter ipsa dictorum exordia solvere universa sine laxamento compelli.

Inter has tamen regendi moderandique vias, bonis principibus aemulandas, barbarica rabies

17^a) exarserat in maius. Utque bestiae custodum negligentia raptu vivere solitae, ne his quidem remotis adpositisque fortioribus abscesserunt, sed tumescens inedia, sine respectu salutis, armenta vel greges incursant: ita etiam illi, cunctis, quae diripere, consumptis, fame urgente agebant aliquoties praedas: interdum antequam contingerent aliquid, oppetebant.

1 VI. Haec per eum annum spe dubia, eventu tamen secundo, per Gallias agebantur. In comitatu vero Augusti circumlatrabat Arbetionem invidia, velut summa mox adepturum, decora cultus imperatorii praestruisse: instabatque ei strepens immania Comes Verissimus nomine, arguens coram, quod a gregario ad magnum militiae culmen eVectus, hoc quoque non contentus ut parvo, locum adpeteret principalem. Sed specialiter eum infectabatur Dorus quidam ex-medico sctariorum, quem ¹) nitentium rerum centurionem sub Magnentio Romae proVectum, retulimus accusasse Adolphium urbi praefectum, ut altiora coeptantem.

3 Cumque res in inquisitionem veniret, necessariisque negotio tentis, obiectorum probatio speraretur, tamquam per saturam subito cubiculariis suffragantibus, ut loquebatur pertinax rumor, et vinculis sunt exutae personae, quae stringebantur ut consciae, et Dorus evanuit, et Verissimus illico tacuit, velut aulaeo deposito scenae.

1 VII. Iisdem diebus adlapso rumore Constantius doctus, obfesso apud Senonas Caesari auxilium non tulisse Marcellum, eum sacramento solutum abire iussit in larem: qui, tamquam iniuria gravi perculsus, quaedam in Iulianum moliebatur, auribus Augusti confusus in omne ¹) patentibus crimen.

2 Ideoque, cum discederet, Eutherus praepositus

8) Mf. exarserat maius. 1) *al.* nicetiorum. 1) *al.* parentibus.

cubiculi mittitur statim post, eum, si quid finxerit, convicturus. Verum ille hoc nesciens, mox venit Mediolanum, strepens et tumultuans, ut erat vanidicus et amenti propior, admissus in consistorium, Julianum ut procacem insinulat: iamque ad evangelandum altius, validiores sibi pinnas aptare: ita enim cum motu quodam corporis loquebatur ingenti. Haec eo fingente licentius, Eutherius, ut³ postulavit, inductus, iussusque loqui quod vellet, verecunde et modice docet velari veritatem mendaciis. Magistro enim armorum (ut credebatur) cessante consulto, industria vigili Caesarem obsessum apud Senonas diu, barbaros repulisse: adparitoremque fidum auctori suo, quoad vixerit, fore, obligata cervice sua spondebat.

Res monuit super hoc eodem Eutherio pauca⁴ subserere, forsitan non credenda; ea re, quod si Numa Pompilius, vel Socrates bona quaedam dicerent de spadone, dictisque religionum adderent fidem, a veritate descivisse arguerentur. Sed inter vepres rosae nascuntur, et inter feras nonnullae mitescunt. Itaque carptum eius praecipua, quae sunt comperta, monstrabo. Natus in Armenia sangui-⁵ne libero, captusque a finitimis hostibus etiamtum parvulus, abstractis geminis, Romanis mercatoribus venundatus, ad palatium Constantini deducitur: ²⁾ ubi paulatim adulescens rationem recte vivendi sollertiamque ostendebat, litteris, quantum tali fortunae satis esse poterat, eruditus, cogitandi inveniendique dubia et scrupulosa acumine nimio praestans, immensum quantum memoria vicens, benefaciendi avidus, plenusque iusti consilii: quem, si Constans Imperator olim ex adulto iamque maturum audiret honesta suadentem et recta, nulla, vel venia certe digna peccasset. Is praepositus cubicu-⁶

2) Mf. ubi paulatim acules rationem.

li etiam Iulianum aliquoties corrigebat, Asiaticis coalitum moribus, ideoque levem. Denique digressus ad otium, adscitusque postea in palatium, semper sobrius, et in primis constans, ita fidem continentiamque virtutes coluit amplas, ut nec prodidisse aliquando arcanum, nisi tuendae causa alienae salutis, nec exarsisse cupidine plus habendi arcesseretur ut ceteri. Unde factum est, ut subinde Romam secedens, ibique fixo domicilio consensescens, comitem circumferens conscientiam bonam, colatur a cunctis ordinibus, et ametur; cum soleant id genus homines, post partas ex iniquitate divitias, latebras captare secretas, ut lucifugae vitantes multitudinis laesae conspectus. Cui spadonum veterum hunc comparare debeam, antiquitatem replicando compluries invenire non potui. Fuerunt enim apud veteres, licet oppido pauci, fideles et frugi, sed ob quaedam vitia maculosi: inter praecipua enim, quae eorum quisque studio possederat vel ingenio, aut rapax, aut feritate contemtor fuit, aut propensior ad laedendum, ³⁾ vel diligentibus nimium blandus, aut potentiae fastu superbior: ex omni latere autem ita peritum, neque legisse me, neque audisse confiteor, aetatis nostrae testimonio ⁹locupleti confisus. Verum, si forte scrupulosus quidam lector antiquitatum, Menophilum Mithridatis Pontici regis eunuchum nobis opponat, hoc monitu recordetur, nihil super eo relatum, praeter id solum, quod in supremo discrimine gloriole ¹⁰monstravit. Ingenti proelio superatus a Romanis et Pompeio rex praedictus, fugiensque ad regna Colchorum, ⁴⁾ adultam filiam nomine Drypetinam vexatam asperitate ⁵⁾ morborum in castello Synhorio huic Menophilo commissam reliquit: qui virginem

3) *Mf.* vel ingendimus. 4) *al.* avita, filiam nomine Direptin.

5) in *Mf.* margine locorum.

omni remediorum solatio plene curatam patri tutissime servans, cum a Manlio Prisco Imperatoris legato munimentum, quo clauderetur, oblideri coepisset, defensoresque eius deditionem ⁶⁾ meditari sentiret: veritus, ne parentis opprobrio ⁷⁾ puella nobilis captiva superesset et violata, interfecta illa mox gladium in viscera sua compegit. Nunc red-eam, unde diverti.

VIII. Superato (ut dixi) Marcello, ¹⁾ reverfo-
que Serdicam, unde oriebatur, in castris Augusti
per simulationem tuendae maiestatis imperatoriae
multa et nefanda ²⁾ perpetrabantur. Nam, si quis
super occentu foricis vel occurfu mustelae, vel si-
milis signi gratia consuluisse quemquam peritum,
aut anile incantamentum ad leniendum adhibuisse
dolorem, (quod medicinae quoque admittit aucto-
ritas) reus, unde non poterat opinari, delatus,
raptusque in iudicium, poenaliter interibat.

Per id tempus fer.....num, quemdam ³⁾
nomine Danum, terrore tenus uxor rerum levium
³⁾ incusarat; certum an incertum, infontem Rufinus
subsidebat: (quo indicante quaedam cognita per
Gaudentium agentem in rebus, consularem Panno-
niae tunc Africanum, ⁴⁾ cum convivis retulimus in-
terfectum) Adparitionis ⁵⁾ praefecturae praetorianae
tum etiam princeps ob devotionem. Is, ut loque-
batur iactantius, versabilem feminam post nefan-
dum concubitum periculosam in fraudem illexit:
sualitque confarcinatis mendaciis, laesae maiestatis
arcessere maritum infontem, et fingere, quod vela-
men purpureum a Diocletiani sepulcro furatus,
quibusdam consciis occultabat. Hisque ad mul-
5

6) *al.* medigantes. 7) *Mf.* puella nobilis. 1) *Mf.* everfoque Serdicani. 2) *Mf.* perpetrabant. 3) *Mf.* incusarat certum an incertum undenotam Rufin. subfeda, quo indicante. 4) *Mf.* cum conviviis retulissent effectum. *al.* cum retulissent praefectum. 5) *al.* Praefectura.

torum exitium ita formatis, ipse spe potiorum ad Imperatoris pervolat castra, excitaturus calumnias consuetas. Reque comperta iubetur Mavortius tunc praefectus praetorio, vir sublimis constantiae, crimen acri inquisitione spectare, iuncto ad audiendi societatem Ursulo largitionum comite, severitatem itidem non improbandae. Exaggerato itaque negotio ad arbitrium temporum, cum nihil post tormenta multorum inveniretur, iudicesque haerent ambigui: tandem veritas respiravit oppressa, et in abrupto necessitatis mulier Rufinum totius machinae confitetur auctorem, nec adulterii foeditate suppressa: statimque legibus contemplatis, prout poscebant ordo et iustitia, ambos sententia damnare vere letali. Quo cognito Constantius fremens, et tamquam vindicem salutis suae lugens extinctum, missis equitibus citis, Ursulum redire ad comitatum ⁶⁾ minaciter iussit. Et ille spretis qui prohibebant, perrupit intrepidus: ingressusque consistorium, ore et pectore libero docuit gesta: hacque fiducia linguis adulatorum oclusis, et praefectum et se discrimine gravi subtrahit.

8 Tunc illud apud Aquitanos evenit, quod latior fama vulgarat. Veterator quidam ad lautum convivium rogatus et mundum, qualia sunt in his regionibus plurima, cum vidisset lintheorum toralium par, duos clavos ita latissimos, ut sibi vicissim arte ministrantium cohaerent, mensamque operimentis paribus tectam: anteriorem chlamydis partem utraque manu vehens, intrinsecus structuram omnem, ut amictus adornaverat principales, quaerens, patrimonium dives evertit. Malignitate simili quidam agens in rebus in Hispania, ad coenam itidem invitatus, cum inferentes vespertina lumina

6) *al.* minaciter posse resistere veritatis et tale spretis. *Steph.* minaciter iussit territatus spretis.

pueros exclamasse audisset ex usu, ⁷⁾ *Vincamus perun* sollempne interpretatus atrociter, deletit nobilem domum.

Haec taliaque ideo magis magisque crescebant, ¹⁰ quod Constantius impendio ⁸⁾ timidus, semper se ⁹⁾ feriri sperabat, ut Dionysius tyrannus ille Siciliae: qui ob hoc idem vitium et tonstrices docuit filias, ne cui alieno ora committeret leviganda: aedemque brevem, ubi cubitare sueverat, alta circumdedit fossa, eamque ponte solubili superstravit: cuius disiectos asseres et axiculos secum in ¹⁰⁾ somnum abiens transferebat, eosdemque compaginabat lucis initio processurus. Inflabant itidem has maiorum civilium buccinas potentes in regia, ea re, ut damnatorum petita bona suis adcorporarent, essetque materia per vicinitates eorum late grassandi. Namque, ut documenta liquida prodiderunt, proximorum fauces aperuit primus omnium Constantinus: sed eos medullis provinciarum saginavit Constantius. Sub hoc enim ordinum singulorum auctores infinita ¹³ cupidine divitiarum arserunt, sine iustitiae distinctione vel recti, inter ordinarios iudices Rufinus primus praefectus praetorio: et inter Militares equitum magister Arbetio, praepositusque ¹¹⁾ cubiculi Eusebius, et anus quaestor, et in urbe Anicii, quorum ad avorum aemulationem ¹²⁾ posteritas tendens, satiari numquam potuit cum possessione multo maiore.

IX. At Persae in Oriente per furta et latrocinia potius quam, ut solebant antea, per concursatorias pugnas, hominum praedas agitabant et pecorum:

7) Mf. Vincamus perun lemne interpretatum. *al.* Vincamus interpretatus. 8) Mf. timidus semper. 9) Mf. ferri. 10) Mf. in fontino. 11) *Al.* *et* Eusebius deest. Mf. vero ita habet: Praepositusque Cubiculi Eusebius lapsus anus Quaestor, et in urbe Anicii vorum aemulationem. 12) Mf. posteritas.

quis nonnumquam ¹⁾ lucrabantur ut repentini; aliquoties superati multitudine militum amittebant; interdum nihil prospicere prorsus, quod poterat ² rapi, ³⁾ permittebantur. Mulfonianus tamen praefectus praetorio, multis (ut ante diximus) bonis artibus eruditus, sed venalis, et flecti a veritate pecunia facilis, per emissarios quosdam fallendi perstringendique ³⁾ guaros, Persarum ⁴⁾ sciscitabatur consilia, adsumpto in deliberationes huiusmodi Cassiano Mesopotamiae duce, stipendiis et discriminibus indurato diversis. Qui cum fide concinente speculatorum aperte cognoscent, Saporem in extremis regni limitibus suorum sanguine fuso multiplici aegre propulsare gentes infestas; Tamsaporem ducem parti nostrae contiguum, occultis per ignotos milites tentavere colloquiis, ut, si copiam fors dedisset, suaderet regi per litteras pacem tandem aliquando cum principe Romano firmare, ut hoc facto, latere ab omni securus, perduelles ⁵⁾ ad⁴volaret adfidos. Paruit Tamsapor, hisque fretus refert ad regem, quod bellis ⁶⁾ acerrimis Constantius implicatus, pacem postulat precativam. Dumque ad ⁷⁾ Chionitas et Eufenos haec scripta mittuntur, in quorum confiniis agebat hiemem Sapor, tempus ⁸⁾ interstitit longum.

X. Haec dum per Eoas partes et Gallias pro captu temporum disponuntur, ¹⁾ Constantius, tamquam recluso Iani templo, stratisque hostibus cunctis, Romam visere gestiebat, post Magnentii exitium absque nomine ex sanguine Romano triumphaturus. Nec enim gentem ullam bella cientem per se superavit, aut victam fortitudine suorum comperit ducum, vel addidit quaedam imperio,

¹⁾ Mf. lucrabatur. ²⁾ Mf. percutiebantur. ³⁾ Mf. gnarus. ⁴⁾ Mf. scitabatur. ⁵⁾ Mf. advolaret. ⁶⁾ acerrimis. ⁷⁾ Mf. Chionitas et Eufenos. ⁸⁾ Mf. interstitit. ¹⁾ Mf. Constantius quam recluso.

aut usquam in necessitatibus summis primus, vel inter primos est visus: sed ut pompam nimis extensam, rigentiaque auro vexilla, et pulcritudinem stipatorum ostenderet agendi tranquillius populo, haec vel simile quidquam videre nec speranti umquam nec optanti. Ignorans fortasse, quosdam veterum principum in pace quidem lictoribus fuisse contentos: ubi vero proeliorum ardor nihil perpeti poterat segne, alium anhelante ²⁾ rabido flatu ventorum lenunculo se commisisse piscantis, alium ad Deciorum exempla vovisse pro Rep. spiritum, alium hostilia castra per semetipsum cum militibus infimis explorasse: ³⁾ diversos denique actibus inclarnisse magnificis, ut gloriosas suas res ⁴⁾ posteritati celebri memoria commendarent.

Ut igitur multa quaeque consumpta sunt in ⁴⁾ adparatu secunda Orfiti praefectura, transcurso Ocriulo, elatus honoribus magnis, stipatusque agminibus formidandis, tamquam acie ducebatur instructa, omnium oculis in eo contuitu pertinaci intentis. Cumque urbi propinquaret, ⁵⁾ senatus officia, reverendasque patriciae stirpis effigies ore sereno contemplans, non ut Cineas ille Pyrrhi legatus in unum coactam multitudinem regum, sed asylum mundi totius adesse existimabat. Unde cum se vertisset ad plebem, stupebat, quae ⁶⁾ celeritate omne, quod ubique est, hominum genus confluxerit Romam: et tamquam Euphratem armorum specie territurus aut Rhenum, altrinsecus praeceuntibus signis, insidebat aureo solus ipse carpento, fulgenti claritudine lapidum variorum: quo micante, lux quaedam misceri videbatur ⁶⁾ alterna. Eumque post antegressos multiplices alios, purpu- ⁷⁾

²⁾ *al.* avido statu. ³⁾ *al.* diversis. ⁴⁾ *Mf.* posteritatis. ⁵⁾ apparatu secunda. ⁶⁾ *Mf.* alternaeumque postantae.

reis subteminibus texti circumdedere dracones, hastarum aureis gemmatisque summitatibus illigati, hiatu vasto perflabiles, et ideo velut ira perciti libilantes, caudarumque volumina relinquentes in ventum. Et incedebat hincinde ordo geminus armatorum, clypeatus atque cristatus, corusco lumine radians, nitidis loricis indutus; sparsique cataphracti equites, quos clibanarios dictitant ⁷⁾ Persae, thoracum muniti tegminibus, et limbis ferreis cincti, ut Praxitelis manu polita crederes simulacra, non viros: quos laminarum circuli tenues apti corporis flexibus ambiebant, per omnia membra deducti: ut, quocumque artus necessitas commovisset, vestitus congrueret iunctura cohaerenter aptata.

9 Augustus itaque faustis vocibus ⁸⁾ adpellatus, montium litorumque intonante fragore cōhorruit, talem se tamque immobilem, qualis in provinciis suis visebatur, ostendens. Nam et corpus perhumile curvabat portas ingrediens celsas, et velut collo munito rectam aciem luminum tendens, nec dextra vultum, nec laeva flectebat; tamquam figmentum hominis: non, cum rota concuteret, nutans, nec spuens, aut os aut nasum tergens vel fricans, manumve agitans visus est umquam. Quae licet adfectabat, erant tamen haec et alia quaedam in ⁹⁾ ceteriore vita patientiae non mediocris indicia, ut existimari dabatur, uni illi concessae. Quod autem per omne tempus imperii, nec in confessum vehiculi quemquam suscepit, nec in trabea socium privatum adscivit, ut fecere principes ¹⁰⁾ consecrati, et similia multa, ¹¹⁾ quae elatus in arduum supercilium tamquam leges aequissimas observavit, praetereo, memor, ea me retulisse, cum incidissent.

7) Mf. perforati. 8) appellatus otium. 9) al. caetera vita. 10) Mf. consecrati. 11) *et quae* Mf. deest.

Proinde Romam ingressus, imperii virtutumque ¹³ omnium larem, cum venisset ad Rostra, perspectissimum priscae potentiae forum, obstupuit: perque omne latus, quo se oculi contulissent, miraculorum densitate praestrictus, adloquutus nobilitatem in curia, populumque e tribunali, in palatium receptus favore multiplici, laetitia fruebatur optata: et saepe, cum equestres ederet ludos, dicacitate plebis oblectabatur, nec superbae, nec a libertate coalita desciscientis, reverenter modum ipse quoque debitum servans. Non enim, ut per civitates alias, ¹⁴ ad arbitrium suum certamina finire patiebatur: sed ut mos est, variis casibus permittebat. Deinde intra septem montium culmina, per acclivitates planitiemque posita urbis membra collustrans et suburbana, quidquid viderat primum, id eminere inter alia cuncta sperabat: Iovis Tarpei delubra, quantum terrenis divina praecellunt: lavacra in modum provinciarum exstructa: amphitheatri molem solidatam lapidis Tiburtini compage, ad cuius summitatem aegre visio humana conscendit: Pantheum, velut regionem teretem speciosa cellitudine fornicatam; elatosque ¹²⁾ vertices, qui scanlili ¹³⁾ suggestu ¹⁴⁾ confurgunt, priorum principum imitamenta portantes, et Urbis templum, forumque Pacis, et Pompeii theatrum, et odeum, et stadium, aliaque inter haec decora urbis aeternae. Verum, cum ad ¹⁵ Traiani forum venisset, singularem sub omni caelo structuram, ut opinamur, etiam numinum adfensione mirabilem, haerebat attonitus, per giganteos contextus circumferens mentem, nec relatu effabiles, nec rursus mortalibus adpetendos: Omni itaque spe huiusmodi quidpiam conandi depulsa, Traiani equum solum locatum in atrii medio, qui

¹²⁾ *al.* vertice scanf. *Mf.* vertice castili. ¹³⁾ *al.* suggestus.

¹⁴⁾ *Mf.* confurgunt.

ipsum principem vehit, imitari se velle dicebat, et
 16 polle. Cui prope adstans regalis Hormilda, cuius
 e Perfide discessum supra monstravimus, respondit
 15) gestu gentili: *Ante, inquit, Imperator, stabulum
 tale condi iubeto, si vales: equus, quem fabricare
 disponis, ita late succedat, ut iste, quem videmus.*
 Is ipse interrogatus, quid de Roma sentiret, *Id
 tantum sibi placuisse*, aiebat, *quod didicisset ibi*
 17 *quoque homines mori.* Multis igitur cum stupore
 visis horrendo, 16) Imperator de fama querebatur
 ut invalida vel maligna, quod augens omnia sen-
 per in maius, erga haec explicanda, quae Romae
 sunt, obsolescit: deliberansque diu, quid ageret,
 urbis addere statuit ornamentis, ut in maximo circo
 erigeret obeliscum, cuius originem formamque lo-
 co 17) competenti monstrabo.

18 Inter haec Helenae sorori Constantii, Iuliani
 coniugi Caesaris, Romam adfectionis specie ductae,
 regina tunc insidiabatur Eusebia, ipsa, quoad vixe-
 rat, sterilis: quaesitumque venenum bibere per
 fraudem illexit, ut quotiescumque concepisset, im-
 19 maturum abiiceret partum. Nam et pridem in
 Galliis, cum marem genuisset infantem, hoc per-
 didit dolo, quod obstetrix corrupta mercede, mox
 natum, praefecto plusquam convenerat umbilico;
 necavit: tanta tamque diligens opera navabatur, ne
 fortissimi viri soboles adpareret.

20 Cupiens itaque augustissima omnium sede mora-
 ri diutius Imperator, ut otio puriore frueretur et
 voluptate, assiduus nuntiis terrebar et certis, in-
 dicantibus Suevos Raetias incurfare, Quadosque
 Valeriam, et Sarmatas, latrocinandi peritissimum
 genus, superiorem Moesiam et secundam populari
 Pannoniam: quibus percitus, tricesimo, postquam

15) *Mc.* augusto gentili. 16) *Mc.* Imperatori fama. 17) *Mc.*
 competenti.

ingressus est, die, iv. Kal. Iuniæ ab urbe profectus, per Tridentum iter in Illyricum festinavit. Unde² misso in locum Marcelli Severo, bellorum usu et maturitate firmat^o, Urficinum ad se venire praecepit. Et ille, litteris gratanter acceptis, Sirmium venit, comitantibus fociiis: libratisque diu super pace consiliis, quam fundari posse cum Persis Mulfonianus retulerat, in Orientem cum magisterii remittitur potestate: provectis e consortio nostro ad regendos milites natu maioribus, adulescentes eum sequi iubemur, quidquid pro Rep. mandaverit impleturi.

(A. C. 357.)

XI. At Caesar, exacta apud Senonas hieme turbulenta, Augusto novies, seque iterum Coss. Germanicis undique circumfremmentibus minis, secundis ominibus motus, Remos properavit, alacrior magisque laetus, quod exercitum regebat Severus, nec discors, nec arrogans, sed longa militiae frugalitate compertus, et cum recta praeceuntem sequuturus, ut ductorem morigerus miles. Parte alia² Barbatio post Silvani interitum promotus ad peditem magisterium, ex Italia iussu principis cum xxv. millibus armatorum Rauracos venit. Cogitatum³ est enim, solliciteque praestructum, ut saevientes ultra solitum Alamanni, vagantesque fusius, multitudine geminata nostrorum, forcipis specie trusi in angustias caederentur. Dum haec tamen rite⁴ disposita celerantur, Laeti barbari ad tempestiva furta sollertes, inter utriusque exercitus castra occulte transgressi, invasere Lugdunum incautam: eamque populatam nisu valido concremassent, ni clausis aditibus percussi, quidquid extra oppidum potuit inveniri, vastassent. Qua clade cognita,⁵ agili studio Caesar missis cuneis tribus equitum expeditorum et fortium, tria observavit itinera, sciens

per ea erupturos proculdubio grassatores: ¹⁾ nec cognatus irritus fuit. Cunctis enim, qui per eos trames exiere truncatis, receptaque praeda omni intacta, hi soli innoxii absoluti sunt, qui per vallum Barbationis transiere securi: ideo labi permitti, quod Bainobaudes tribunus et Valentinianus postea Imperator, cum equestribus turnis quas regebant, ad exsequendum id ordinati, a Cella tribuno scutatorum, qui Barbationi sociatus venerat ad procinctum, iter observare sunt vetiti, unde redituros ⁷ dicere Germanos. Quo non contentus magister peditum ignavus, et gloriarum Iuliani pervicax obtrektor, sciens, se id contra utilitatem Romanam iussisse (hoc enim cum argueretur, Cella confessus est) relatione fefellit Constantium: finxitque, hos eosdem tribunos ad sollicitandos milites, quos duxerat, per speciem venisse negotii publici: qua causa, abrogata potestate ad lares rediere privati.

⁸ Iisdem diebus exercituum adventu perterriti barbari, qui domicilia fixere cis Rhenum, partim difficiles vias, et suapte natura clivosas ²⁾ concaedibus claufere sollerter, arboribus immensi roboris caesis: alii occupatis insulis sparsis crebro per flumen Rhenum, ululantes lugubre conviciis et Romanos incescebant et Caesarem: qui graviore motu animi percitus, ad corripiendos aliquos, septem a Barbatione petierat naves, ex his, quas, velut transiturus annem, ad compaginandos paraverat, pontes: qui, ne quid per eum impetraretur, omnes ⁹ incendit. Doctus denique exploratorum delatione recens captorum, aestate iam torrida fluvium vado posse transiri, hortatus auxiliares velites cum Bainobaude Cornutorum tribuno misit, facinus memorabile, si iuisset fors, patratturos: qui nunc
inceden-

¹⁾ Mf. neco a nanti irritus fuit. ²⁾ Mf. concaedibus.

incedendo per brevia, aliquoties scutis in modum alveorum suppositis nando ad insulam venire propinquam: egressique promiscue ³⁾ virile et muliebre secus, sine aetatis ullo discrimine, trucidabant ut pecudes: nactique vacuas lintres, per eas licet vacillantes eveci, huiusmodi loca plurima perruperunt: et ubi caedendi satietas cepit, opimitate praedarum onusti, cuius partem vi fluminis amiserunt, redire omnes incolumes. Hocque comperto residero Germani, ut infido praesidio insularum relicto, ad ulteriora necessitudines et fruges opesque barbaricas contulerunt. Conversus hinc Iulianus ad reparandas Tres-tabernas, munimentum ita cognominatum, haud ita dudum obstinatione subversum hostili (quo aedificato constabat ad intima Galliarum, ut consueverant, adire Germanos arceri) et opus spe celerius consummavit, et victum defensoribus ibi locandis ex barbaricis messibus, non sine discriminis metu collectum militis manu, condidit in usus anni totius. Nec sane hoc solo contentus, ¹² sibi quoque viginti dierum alimenta parata collegit. Libentius enim bellatores quaesito dextris propriis utebantur, admodum indignati, quoniam ex com-
meatu, qui eis recens advectus est, ideo nihil sumere potuerunt, quod partem eius Barbatio, cum transiret iuxta, superbe praesumpsit: residuum, quod superfuit, congestum in acervum exussit: quae utrum ut vanus gerebat et demens, an ⁴⁾ mandatu principis confidenter nefanda multi tentabant, usque in id temporis latuit. Illud tamen rumore ¹³ tenuis ubique iactabatur, quod Iulianus non levaturus incommoda Galliarum electus est, sed ut possit per bella deleri saevissima: rudis etiam tum, ut existimabatur, ac ne sonitum quidem duraturus

3) *al.* virilis et muliebris sexus. 4) *Mf.* mandatu.

14 armorum. Dum castrorum opera mature confurgunt, militisque pars stationes praetendit agrarias, alias frumenta infidiarum metu colligit caute: multitudo barbarica rurem nimia velocitate praeversa, Barbationem cum exercitu, quem regebat (5) ut praedictum est) Gallico vallo discretum, impetu repentino adgressa, sequensque fugientes adusque Rauracos, et ultra quoad potuit, rapta sarcinarum et iumentorum cum calonibus parte maxima, redit
15 ad suos. Et ille, tamquam expeditione eventu prospero terminata, milite disperso per stationes hibernas, ad comitatum Imperatoris revertit, crimen compositurus in Caesarem, 6) ut solebat.

1 XII. Quo dispalato foedo terrore, Alamannorum reges Chnodomarius et Vestralspus, Urius quinetiam et Urfinus cum Serapione et Suomario et Hortario, in unum robore virium suarum omni
1) collecto, confedere prope urbem Argentoratum, extrema metuentem Caesarem arbitrati retrocessisse, cum ille 2) tum etiam perficiendi munimenti studio
2 stringeretur. Erexit autem confidentiam caput altius 3) adtollentium scutarius perfuga: qui commissi criminis metuens poenam, transgressus ad eos post ducis fugati discessum, armatorum tredecim millia tantum remansisse cum Iuliano docebat: is enim numerus eum sequebatur, barbara feritate certaminum
3 rabiem undique concitante. Cuius adseveratione eadem subinde replicantis, ad maiora stimulati fiducia, missis legatis satis pro imperio Caesari mandaverunt, ut terris abscederet virtute sibi quaesitis et ferro: qui ignarus pavendi, nec ira nec dolore perculsus, sed fastus barbaricos ridens, 4) detentis

5) *al.* ut dictum. 6) haec in *Mf.* defunt. 1) collecto belli, cumque foedere confedere prope. 2) *et tum* *al.* deest. 3) *al.* adtollentem. 4) *al.* vetentis.

legatis adusque perfectum opus castrorum, in eodem gradu constantiae stetit immobilis.

Agitabat autem miscebatque omnia sine modo, 4 ubique sese diffunditans, et princeps audendi periculosa rex Chnodomarius, ardua subrigens supercilia, ut saepe secundis rebus elatus. Nam et De-5 centium Caesarem superavit aequo Marte congressus, et civitates erutas multas vastavit et opulentas, licentiusque diu nullo refragante Gallias persuehavit. Ad cuius roborandam fiduciam recens quoque fuga 6 ducis accessit, numero praestantis et viribus. Alamanni enim scutorum insignia contuentes, norant eos milites permisisse paucis suorum latronibus terram, quorum metu aliquoties cum gradum conferrent, amissis pluribus abiere dispersi. Quae anxie ferebat sollicitus Caesar, quod trudente ipsa necessitate 7 digresso periculis, cum paucis licet fortibus, populosis gentibus occurrere cobeatur.

Iamque solis radiis rutilantibus, tubarumque 7 concinente clangore, pedestres copiae lentis incessibus educuntur, earumque lateri equestres coniunctae sunt turmae, inter quas 8) cataphractarii erant et sagittarii, formidabile genus armorum. Et quoniam a loco, unde Romana promota sunt signa, adusque vallum barbaricum quarta leuga signabatur et decima, id est, unum et viginti millia passuum: utilitati securitatiue recte consulens Caesar, revocatis 9) praecursatoribus iam antegressis, indictaque solitis vocibus quiete, cuneatim circumfistentes adloquitur genuina placiditate sermonis:

*Urget ratio salutis tuendae communis, ut par-9
cissime dicam, non iacentis animi Caesarem hortari
vos et orare, commilitones mei, ut adulta robusta-
que virtute confisi, cautiozem viam potius eligamus*

G 2

5) Mf. digressa. 6) al. cataphracti. 7) Mf. praecursatoribus.

ad toleranda vel depellenda quae sperantur, ⁸⁾ non
 10 praeproperam et ancipitem. Ut enim in periculis
⁹⁾ iuventutem impigram esse convenit et audacem;
 ita, cum res postulat, regibilem et consultam.
¹⁰⁾ Quod igitur censeo, si arbitrium adfuerit ve-
 strum, iustaque sustinet indignatio, paucis absol-
 11 vam. Iam dies in meridiem vergit; lassitudine nos
 itineris fatigatos scrupulosi tramites excipient et ob-
 scuri; nox senescente luna nullis sideribus adiuvan-
 da; terrae protinus aestu flagrantes, nullis aqua-
 rum subsidiiis fultae: ¹¹⁾ quae si dederit quisquam
 commode posse transiri, ruentibus hostium exami-
 nibus post otium cibique refectionem et potus, quid
 nos agimus? quo vigore, inedia, siti, laboreque,
 12 membris marcentibus occurramus? Ergo, quo-
 niam negotiis difficillimis saepe dispositio tempestitiva
 prospexit, et statum nutantium rerum recto consilio
 in bonam partem accepto, aliquoties divina remedia
 repararunt, hic quaesio vallo fossaeque circumdati,
 divisiis vigiliis quiescamus, somnoque et victu con-
 gruis ¹²⁾ potiti pro tempore, pace dei sit dictum,
 triumphaturas aquilas et vexilla victricia primo
 lucis moveamus exordio.

13 Nec finiri perpelli quae dicebantur, stridore
 dentium infrendentes, ardoremque pugnandi hastis
 illidendo scuta monstrantes, in hostem se duci iam
 conspicuum exorabant, caelitis dei favore, fiducia-
 que sui, et fortunati rectoris expertis virtutibus
 freti: atque ut exitus docuit, salutaris quidam Ge-
 nius praesens ad dimicandum eos, dum adesse po-
 14 tuit, incitabat. Accessit huic alacritati plenus cel-
 sarum potestatum adensus, maximeque Florentii
 praefecti praetorio, periculose quidem, sed ratione
 secunda, pugnandum esse ¹³⁾ censentis, dum insta-

8) Mf. non praep. 9) al. virtutem. 10) Mf. id. 11) Mf. quae
 f. 12) al. potiri. 13) al. consentientibus.

rent barbari conglobati: qui si ¹⁴⁾ diffuxissent, motum militis in seditiones nativo calore propensioris ferri non posse aiebat, extortam sibi victoriam, ut putavit, non sine ultimorum conatu graviter toleraturi. Addiderat autem fiduciam nostris considera-¹⁵ tio gemina: recordantibus, quod anno nuper emenso Romanis per transrhenana spatia fulius volitantibus, nec visus est quisquam lares sui defensor, nec obviis stetit: sed concaede arborum densa undique semitis clausis, fidere urente brumali, aegre vivere barbari longius amandati: quodque Imperatore terras eorum ingresso, nec resistere ausi, nec adparere, pacem impetraverunt suppliciter obsecrantes. Sed nullus mutatam rationem temporis¹⁶ advertibat, quod tunc tripertito exitio premebantur: Imperatore urgente per Raetias, Caesare proximo nusquam elabi permittente, finitimis, quos hostes fecere discordiae, modo non occipitia conculantibus hinc indeque cinctorum. Postea vero pace data, discesserat Imperator: et sedata iurgiorum materia, vicinae gentes iam concordabant: et turpissimus ducis Romani digressus ferociam natura conceptam auxit in maius. Alio itidem modo res¹⁷ est adgravata Romana ex negotio tali. ¹⁵⁾ Regii duo fratres vinculo pacis adstricti, quam anno praeterito impetraverant a Constantio, nec tumultuare, nec commoveri sunt ausi. Sed paullo postea uno ex his Gundomado, qui potior erat fideique firmioris, per insidias interempto, omnis eius populus cum nostris hostibus conspiravit: et confestim Vadamarii ¹⁶⁾ plebs, ut adferebat, agminibus bella cientium barbarorum sese coniunxit.

Cunctis igitur summis infimisque adprobanti-¹⁸ bus, tunc opportune congregiendum, nec de rigore

14) *al.* deflexissent. 15) *Mf.* *Refi* duo. 16) *Mf.* plebs
..... ut adferebat.

animorum quidquam remittentibus, exclamavit subito signifer: *Perge, felicissime omnium Caesar, quo te fortuna prosperior ducit: tandem per te virtutem et consilia militare sentimus. I praevious ut faustius antesignanus et fortis: experieris, quid miles sub conspectu bellicosi ductoris, testisque individui gerendorum; modo adsit superum numen, iis rebus*
 19 *efficiet excitatus.* His auditis, cum nullae laxarentur indutiae, promotus exercitus prope collem advenit molliter editum, opertum legetibus iam maturis, a superciliis Rheni haud longo intervallo distantem: e cuius summitate speculatores hostium tres equites exciti, subito nuntiaturi Romanum exercitum adventare, festinarunt ad suos: unus vero pedes, qui sequi non potuit, captus agilitate nostrorum indicavit, per triduum et trinoctium flumen transisse Germanos. Quos cum iam prope densantes semet in cuneos nostrorum conspexere ductores, steterunt vestigiis fixis, antepilanis hastisque et ordinum primis velut insolubili muro fundatis: et pari cautela hostes steterere cunctati. Cumque ita, ut antedictus docuerat perfuga, equitatum omnem a dextro latere sibi ¹⁷⁾ vidissent oppositum, quidquid apud eos per equestres copias praepollebat, in laevo cornu locavere confertum. Iisdemque sparsim pedites miscuere discursatores et leves,
 22 profecto ratione tuta poscente. Norant enim, licet prudentem ex equo bellatorem cum clibanario nostro congressum, frena retinentem et scutum, hasta una manu vibrata, tegminibus ferreis abscondito bellatori nocere non posse: peditem vero inter ipsos discriminum vertices, cum nihil caveri solet praeter id, quod occurrit, ¹⁸⁾ humi occulte reptantem, latere forato iumentum, incautum rectorem praecipitem agere, levi negotio trucidandum. Hoc

¹⁷⁾ Mf. vidissent. ¹⁸⁾ humiliter occulte.

itaque disposito, dextrum sui latus struxere clandestinis insidiis et obscuris. Ductabant autem populos omnes pugnaces et saevos Chnodomarius et Serapio, potestate excelliores ante alios reges. Et 24 Chnodomarius quidem nefarius, ¹⁹⁾ belli totius incentor, cuius vertici flammeus torulus aptabatur, anteibat cornu sinistrum audax et fidens ingenti robore lacertorum, ubi ardor proelii sperabatur immanis, equo spumante sublimior, erectus in iaculum formidandae vastitatis, armorumque nitore conspicuus, antea strenuus et miles, et utilis praeter ceteros ductor. Latus vero dextrum Serapio 25 agebat, etiamtum adultae lanuginis iuvenis, efficacia praecurrens aetatem: Mederichi fratris Chnodomarii filius, hominis, quoad vixerat, perfidissimi: ideo sic adpellatus, quod pater eius diu obsidatus pignore tentus in Galliis, doctusque Graeca quaedam arcana, hunc filium suum Agenarichum genitalem vocabulo dictitatum, ad Serapionis transtulit nomen. Hos sequebantur potestate proximi reges 26 numero quinque, regalesque decem, et optimatum series magna, ²⁰⁾ armatorumque millia triginta et quinque, ex variis nationibus partim mercede, partim pacto vicissitudinis reddendae quaesita.

Iamque torvum ²¹⁾ concrepantibus tubis, Severus 27 dux Rom. aciem dirigens laevam, cum prope fossas armatorum refertas venisset, unde dispositum erat ut abditii repente exorti cuncta turbarent, stetit impavidus: suspectiorque de obscuris, nec referre gradum, nec ulterius ire tentavit. Quo viso, animosus 28 contra labores maximos Caesar, ducentis equitibus saeptus, ²²⁾ ut ardor negotii flagitabat, agmina peditum impetu veloci discurrens verbis hortabatur. Et cum adloqui pariter omnes, nec 29

19) Ms. boni. 20) *ro que* deest al. 21) Ms. concrepantibus.
22) *ro ut* deest al.

- longitudo spatiorum extenta, nec in unum coactae multitudinis permetteret crebritas (et alioquin vitabat gravioris invidiae pondus, ne videretur id adfectasse, quod sibi soli deberi Augustus existimabat) cautior sui, hostium tela praetervolans, his et similibus notos pariter et ignotos ad faciendum
- 30²³⁾ fortiter accendebat: *Advenit, o socii, - iustum pugnandi iam tempus, olim exoptatum mihi vobiscum: quod antehac arcessentes, arma inquietis mor-*
- 31 *tibus poscebatis.* Item cum ad alios positiagnanos in acie locatos extrema venisset: *En, inquit, commilitones, diu speratus praesto est dies, compellens nos omnes* 24) *elutis pristinis maculis Romanae maiestati reddere proprium decus. Hi sunt barbari, quos rabies et immodicus furor ad perniciem rerum suarum coegit occurrere, nostris viribus opprimen-*
- 32 *dos.* Alios itidem bellandi usu diutino callentes aptius ordinans, his exhortationibus adiuwabatur: *Exsurgamus viri fortes; propellamus fortitudine congrua illisa nostris partibus probra: quae contemplans, Caesaris nomen cunctando suscepi.*
- 33 Quoscumque autem pugnae signum inconsulte poscentes, rupturosque imperium irrequietis motibus 25) praevideret: *Quaeso, inquit, ne hostes vertendos in fugam sequentes avidius, futurae victoriae gloriam violetis, neu quis ante necessitatem ultimam cedat. Nam fugituros proculdubio deferam: hostium terga caesuris adero indiscretus, si hoc pen- satione moderata fiat et cauta.*
- 34 Haec aliaque in eundem modum saepius replicando, maiorem exercitus partem primae barbarorum opposuit fronti: et subito Alamannorum pedum fremitus indignationi mistus auditus est, unanimi conspiratione vociferantium, relictis equis secum oportere versari regales: ne, si quid conti-

23) *ro fortiter* deest al. 24) *MF. elutis.* 25) *MF. pervideret.*

gisset adversum, deserta miserabili plebe facilem discedendi copiam reperirent. Hoc comperto, ³⁵ Chnodomarius iumento ²⁶⁾ statim desiluit, et secuti eum residui idem facere nihil morati: nec enim eorum quisquam ambigebat partem suam fore victricem.

Dato igitur ahenatorum accentu sollemniter ³⁶ signo, ad pugnandum utrimque magnis concursum est viribus. Propilabantur missilia, et properantes cito quam considerato cursu Germani, telaque dextris explicantes, involavere nostrorum equitum turmas, freudentes immania: eorumque ultra solitum saevientium comae fluentes horrebant, et elucebat quidam ex oculis furor: quos contra pertinax miles scutorum obicibus vertex tegens, eiectansque gladios, vel tela concrispans mortem minitanti perterrebat. Cumque in ipso proeliorum arti- ³⁷ culo eques se fortiter conturmaret, et muniret latera sua firmiter pedes, frontem artissimis conserens parmis: erigebantur crassi pulveris nubes, varique fuere discursus, nunc resistentibus, nunc cedentibus nostris: et obnixi genibus quidam barbari peritissimi bellatores hostem propellere laborabant: sed destinatione nimia dexteræ dextris miscebantur, et umbo trudebat umbonem: caelumque exsultantium cadentiumque resonabat a vocibus magnis: et cum cornu finistrum altius gradiens, urgentium tot agmina Germanorum vi nimia pepulisset, iretque in barbaros fremens, equites nostri cornu tenentes dextrum, praeter spem incondite discesserunt: dumque primi fugientium postremos impediunt, gremio legionum protecti, fixerunt integrato proelio gradum. Hoc autem exinde acciderat, quod, ³⁸ dum ordinum restituitur series, cataphracti equites viso rectore suo leviter vulnerato, et consorte quo-

26) Mf. statim.

dam per cervicem equi labentis pondere armorum oppresso, dilapsi qua quisque poterat, peditesque calcando cuncta turbassent, ni conferti illi sibi que vicissim innixi stetissent immobiles. Igitur, cum equites nihil praeter fugae circumspectantes praefidia, vidisset longius Caesar, concito equo eos
 39 velut repagulum quoddam cohibuit. Quo agnito per purpureum signum Draconis, summitati hastae longioris aptatum, velut senectutis ²⁷⁾ pandentis exuvias, stetit unius turmae tribunus, et pallore ²⁸⁾ timoreque percussus, ad aciem integrandam re-
 40 currit. Utque in rebus amat fieri dubiis, eosdem lenius increpans Caesar: *Quo, inquit, cedimus, viri fortissimi? an ignoratis fugam, quae salutem numquam reperit, irriti conatus stultitiam indicare? redeamus ad nostros, saltem gloriae futuri participes, si eos pro Republica dimicantes non relinqui-*
 41 *mus inconsulte.* Haec reverenter dicendo, reduxit omnes ad munia subeunda bellandi, imitatus ²⁹⁾ salva differentia veterem Sullam: qui, cum contra Archelaum Mithridatis ducem educta acie proelio fatigabatur ardenti, relictus a militibus cunctis, currit in ordinem primum; raptoque et coniecto vexillo in partem hostilem, *Ite, dixerat, focii periculatorum electi, et scitantes ubi relictus* ³⁰⁾ *sim*
Imperator, respondete nihil fallentes, solus in Boeotia pro omnibus nobis cum dispendio sanguinis sui decernens.

42 Proinde Alamanni, pulsas disiectisque equitibus nostris, primam aciem peditum incesse-
 43 runt abiecta resistendi animositate pulluri. Sed postquam comminus ventum est, pugnabatur paribus diu momentis. Cornuti enim et ³¹⁾ Braccati, usu proeliorum diuturno firmati, eos iam gestu terren-

27) Mf. pandentis. 28) Mf. timoreque. 29) *et salva differentia* al. defunt. 30) M. sim. 31) al. Brachati. M. Brachiati.

tes, barritum civere vel maximum: qui clamor ipso
 fervore certaminum a tenui susurro exoriens, paul-
 latimque adulescens, ritu extollitur fluctuum canti-
 bus illisforum: iaculorum deinde stridentium cre-
 britate hincinde convolante, pulvis aequali motu
 adsurgens, et prospectum eripiens, arma armis,
 corpora corporibus obtrudebat. Sed violentia ira-44
 que incompoti barbari in modum exarsere flamma-
 rum, nexamque scutorum compagem, quae nostros
 in modum testudinis tuebatur, scindebant ictibus
 gladiatorum assiduus. Quo cognito, opitulatum con-45
 turmalibus suis celeri cursu Batavi venere cum regi-
 bus (formidabilis manus, extremae necessitatis arti-
 culo circumventos, si iuvisset fors, ereptura) tor-
 vumque canentibus classicis, adultis viribus certa-
 batur. Verum Alamanni bellum acriter ineuntes,46
 altius anhelabant, velut quodam furoris adfectu
 opposita omnia deleturi. Spicula tamen ³²⁾ veruta-
 que missilia non cessabant, ferrataeque arundines
 fundebantur: quamquam ³³⁾ etiam comminus mu-
 cro feriebat contra mucronem, et loricae gladiis
 findebantur, et vulnerati nondum effuso cruore,
 ad audendum ³⁴⁾ exertius confurgebant. Pares47
 enim quodammodo coivere cum paribus, Alamanni
 robusti et celsiores; milites usu nimio dociles: illi
 feri et turbidi; hi quieti et cauti: animis isti fiden-
 tes; grandissimis illi corporibus freti. Resurgebat48
 tamen aliquoties armorum pondere pulsus loco Ro-
 manus: lassatisque ³⁵⁾ impressus genibus, laevum
 reflectens poplitem barbarus subsidebat, hostem
 ultro laceffens: quod indicium est obstinationis ex-
 tremae. Exsiluit itaque subito ardens optimatum49
 globus, inter quos decernebant et reges, et sequen-
 te vulgo ante alios agmina nostrorum irrupit, et

³²⁾ verrutaque. ³³⁾ Mf. enim. ³⁴⁾ Mf. exercitus. ³⁵⁾ Mf. impressis.

iter sibi ³⁶⁾ aperiendo adusque primanorum legionem pervenit, locatam in medio (quae confirmatio Castra praetoria dicitur) ubi densior et ordinibus frequens miles, instar turrium fixa firmitate consistens, proelium maiore spiritu repetivit: et vulneribus declinandis intentus, sequi in modum mirmillonis operiens, hostium latera, quae nudabat
50 ira flagrantior, districtis gladiis perforabat. At illi prodigere vitam pro victoria contententes, tentabant agminis nostri laxare compagem. Sed continuata serie peremptorum, quos Romanus iam fidentior stravit, succedebant barbari superflites interfectis: auditoque occumbentium gemitu cre-
51 bro, pavore perfusi torpebant. Fessi denique tot aerumnis, et ad solam deinceps strenui fugam, per diversos tramites tota celeritate egredi festinabant: ut e mediis saevientis pelagi fluctibus, quocumque avexerit ventus, eici nautici properant et vectores: quod voti magis quam spei fuisse, fatebitur quilibet.
52 tunc praefens. ³⁷⁾ Aderatque propitiati numinis arbitrium clemens: et secans terga cedentium miles, cum interdum flexis ensibus ferendi non suppetere instrumenta, ipsis barbaris tela eorum vitalibus immergebat: nec quisquam vulnerantium sanguine iram explevit, nec satiavit caede multiplici dexte-
53 ram, vel miseratus supplicantem abcessit. Iacebant itaque plurimi transfixi letaliter, remedia mortis compendio postulantes: alii semineces labente iam spiritu, lucis usuram oculis morientibus inquirebant: quorundam capita discissa trabalibus telis, et pendentia iugulis cohaerebant: pars per lutosum et lubricum solum in sociorum cruore lapsi, intactis ferro corporibus, acervis superruentium
54 obruti necabantur. Quae ubi satis evenere prosperrime, validius instante victore, acumina densis

36) Mf. pariendo. 37) al. adorant prop.

ictibus hebescebant, splendentesque galeae sub pedibus volvebantur, et scuta: ultimo denique trudente discrimine barbari, cum elati cadaverum aggeres exitus impedirent, ³⁸⁾ ad subsidia fluminis petivere, quae sola restabant, eorum terga iam ³⁹⁾ perstringentis. Et quia cursu sub armis concito ⁵⁵ fugientes miles indefessus urgebat: quidam nandi peritia eximi se posse discriminibus arbitrati, animas fluctibus commiserunt. Qua causa celeri corde futura praevidens Caesar, cum tribunis et ducibus clamore obiurgatorio prohibebat, ne hostem avidius sequens nostrorum quisquam se gurgitibus committeret verticosis. Unde id observatum est, ⁵⁶ ut marginibus insistentes confoderent telorum varietate Germanos: quorum si quem morti velocitas subtraxisset, iacti corporis pondere ad ima fluminis subsidebat. Et velut in quodam theatriali spectaculo ⁵⁷ aulaeis miranda monstrantibus, multa ⁴⁰⁾ licebat iam sine metu videre: nandi strenuis quosdam nescios ⁴¹⁾ adhaerentes; fluitantes alios, cum ⁴²⁾ expeditoribus linquerentur ut stipites; et velut luctante amnis violentia, vorari quosdam fluctibus involutos; nonnullos clypeis vectos, praeruptas undarum occurrentium moles obliquatis meatibus declinantes, ad ripas posteriores post multa discrimina pervenire. Spumans denique cruore barbarico decolor alveus insuetâ stupebat ⁴³⁾ augmenta.

Dum haec aguntur, rex Chnodomarius, ⁵⁸ reperta copia discedendi, lapsus per funerum strues, cum satellitibus paucis celeritate rapida properabat ad castra, quae prope ⁴⁴⁾ Tribuncos et Concordiam munimenta Romanâ fixit in Triboccis, ut ⁴⁵⁾ escensis navigiis, dudum paratis ad casus ancipites, in

38) *rd ad deest al.* 39) *Mf. perstringentes.* 40) *Mf. licebat iam sine.* 41) *al. adhaerere.* 42) *al. expediti virib. Mf. cum expeditoribus ling.* 43) *al. argumenta.* 44) *al. Tribuncos. Mf. Tribunos.* 45) *Mf. escensis.*

- 59 secretis se secessibus ⁴⁶⁾ amandaret. Et quia non nisi Rheno transito ad ⁴⁷⁾ tentoria sua poterat pervenire, vultum, ne agnosceretur, operiens, sensim retulit pedem. Cumque propinquaret iam ripis, lacunam palustribus aquis interfusam circumgrediens ut transiret, calcata mollitie glutinosa, equo est evolutus: et confestim, licet obeso corpore gravior, ad subsidium vicini collis evasit: quem agnitum (nec enim potuit celare, qui fuerat, fortunae prioris magnitudine proditus) statim anhelocursu cohors cum tribuno sequuta, armis circumdatum aggerem nemorosum cautius obsidebat, perumpere verita, ne fraude latenti inter ramorum tenebras exciperetur occultas. Quibus vilis compulsus ad ultimos metus, ultro se dedit, solus egressus: comitesque eius ducenti numero, et tres amici iunctissimi, flagitium arbitrati post regem vivere, vel pro rege non mori, si ita tulerit casus, tradidere se vinciendos. Utque nativo more sunt barbari humiles in adversis, disparesque in secundis: servus alienae voluntatis trahebatur pallore confusus, claudente noxarum conscientia linguam: immemsum, quantum ab eo differens, qui post feros lugubresque terrores cineribus Galliarum insultans, multa minabatur et saeva.
- 62 Quibus ita favore superni numinis terminatis, post exactum iam diem occinente liticine revocatus invictissimus miles, prope supercilia Rheni tendebat, scutorumque ordine multiplicato vallatus, 63 viotu fruebatur et somno. Ceciderunt autem in hac pugna Romani quidem CCXL. et III. rectores vero IV. Bainobaudes Cornutorum tribunus, adaeque Laipso, et Innocentius cataphractarios ducens, et vacans quidam tribunus, cuius non suppetit nomen: ex Alamannis vero ⁴⁸⁾ sex millia corporum

46) Mf. emendaret. 47) Mf. tentoria. 48) Mf. sexalibus millia.

49) inventa sunt in campo confrata, et inaeſtimabiles mortuorum acervi per undas fluminis ferebantur. Tunc Iulianus, ut erat fortuna ſui ſpectatior, meritisque magis quam imperio potens, Auguſtus acclamatione concordi totius exercitus adpellatus, ut agentes petulantius milites increpabat, id ſe nec ſperare, nec adipiſci velle iurando confirmans. Et ut augeret eventus ſecundi laetitiam, 50) concilio 65 Chnodomarium iuſſit ſibi offerri: qui primo curvatus, deinde humi ſuppliciter fuſus, gentiliſque prece veniam poſcens, bono animo eſſe eſt iuſſus. Et diebus poſtea paucis ductus ad comitatum Imperatoris, miſſusque exinde Romam, in caſtris peregrinis, quae in monte ſunt Caelio, morbo veterini conſumptus eſt.

His tot ac talibus proſpero peractis eventu, in 67 palatio Conſtantii quidam Iulianum culpantes, ut princeps ipſe 51) delectaretur, iriſive Victorinum ideo nominabant, quod verecunde referens, quoties imperaret, ſuperatos indicabat ſaepe Germanos. Interque exaggerationem inanum laudum, oſtentationemque aperte lucentium, inſlabant ex uſu Imperatorem ſuoſte ingenio nimium, quidquid per omnem terrae ambitum agebatur, felicibus eius auſpiciis adſignantes. Quocirca magniloquentia elatus adulatorum, tunc et deinde edictis propoſitis arroganter ſatis multa mentiebatur, ſe ſolum, cum geſtis non adſuiſſet, et dimicaſſet, et viciffe, et ſupplices reges gentium erexiſſe aliquoties ſcribens: et ſi verbi gratia eo agente tunc in Italia, dux quidam egiffeſſet fortiter contra Perſas, nulla eius mentione per textum longiſſimum facta laureatas litteras ad provinciarum 52) damna mittebat, ſe inter pri-

49) *al.* inventa ſunt. 50) *Mf.* concilio *mu* ſpeciare Chonodom. 51) *Mf.* delectaretur inuriſſe Victorin. *al.* delectaretur Victoriam ſive Victorinum. 52) *Mf.* damna.

mores versatum cum odiosa sui iactatione signifi-
 70 cans. Extant denique eius edicta in tabulariis prin-
 cipis publicis ⁵³⁾ condita delata nar-
 randi, ⁵⁴⁾ extollendique semet in caelum. ⁵⁵⁾ ab Ar-
 gentorato, cum pugnaretur, mansione quadragesi-
 ma disparatus, describens proelium, aciem ordi-
 nasse, et stetit inter signiferos, et Barbaros fugasse
 praecipites, sibi oblatum fallo indicat. Chnodom-
 marium (proh rerum indignitas!) super Iuliani
 gloriosis actibus conticescens: quos sepelierat peni-
 tus, ni fama res maximas vel obumbrantibus plu-
 rimis filere nesciret.

⁵³⁾ Mf. condi memoria. — ⁵⁴⁾ Mf. extollendoque. ⁵⁵⁾ το
 ab deest al.

AMMIANI MARCELLINI

BERUM GESTARUM

LIBER XVII.

Julianus C. transito Rheno Alamannorum vias diripit ac incendit: ibi munimentum Traiani reparat, et decemestres indutias barbaris concedit. C. I. DC. Francos Germaniam II. vastantes obsidet, et ad deditionem fame compellit. II. Gallos tributis oppressos levare conatur. III. Iussu Constantii A. obeliscus Romae in circo maximo subrectus constituitur: et de obeliscis, ac de notis hieroglyphicis. IV. Constantius A. et Sapor Persarum rex frustra de pace per litteras et legatos agunt. V. Iuthungi, gens Alamannica, in Raetiis, quas populabantur, a Romanis caesi fugatique. VI. Nicomedia terrae motu prostrata: et quot modis terra qualitatur. VII. Julianus C. Salios, gentem Francicam, in deditionem accipit: Chamavorum alios caedit, alios capit, reliquis pacem tribuit. VIII. tria munimenta ad Mosam eversa a barbaris instaurat, et a milite famem patiente probris ac minis incescitur. IX. Suomarius et Hortarius Alamannorum reges, captivis reddit, ab Iuliano C. pacem impetrant. X. Iulian. C. post res in Gallia bene gestas, in aula Constantii A. ab invidis deridetur, segnisque et timidus adpellatur. XI. Constantius A. Sarmatas dominos olim, tum exsules, et Quados, Pannoniarum et Moesiae vastatores, ad obsides dando et captivos reddendo compellit: atque exsilibus Sarmatis, in libertatem avitasque sedes restituit, regem imponit. XII. Constantius A. Limigantes Sarmatas servos, post magnam ipsorum caedem factam, cogit sedibus suis emigrare, ac milites suos adloquitur. XIII. Romani legati de pace, re infecta, revertuntur ex Perside, Sapore Armeniam et Mesopotamiam repente. XIV.

¹ **H**ac rerum, quas iam digessimus, varietate ita conclusa, Martius iuvenis Rheno post Argentoratensem pugnam otiose fluente securus, sollicitusque, ne dirac volucres confumerent corpora pereimptorum, sine discretione cunctos humari mandavit: absolutisque legatis, quos ante certamen superba quaedam portasse praediximus, ad Tres-tabernas ²revertit. Unde cum captivis omnibus praedani Mediomatricos, servandam ad reditum usque suam, duci praecepit: et petiturus ipse Mogontiacum, ut ponte compacto transgressus, in suis requireret barbaros, cum nullum reliquisset in nostris, refragante vetabatur exercitu: verum facundia iucunditateque sermonum adlectum, in voluntatem traduxerat suam. Amor enim post documenta flagrantior, sequi libenter hortatus est omnis operae conturmalē, auctoritate magnificum ducem, plus laboris indicere sibi quam militi, sicut perspicue contigit, adfuetum. Moxque ad locum praedictum est ventum, flumine pontibus confratis ³transmisso, occupavere terras hostiles. At barbari praestricti negotii magnitudine, qui se in tranquillo positos otio tunc parum inquietari posse sperabant, aliorum exitio, quid fortunis suis immineret, anxie cogitantes, simulata pacis petitione, ut primae vertiginis impetum declinarent, ¹⁾ misere legatos cum verbis compositis, quae denuntiarent concordem foederum firmitatem: incertumque, quo consilio aut instituto mutata voluntate, per alios cursu celeri venire compulso, acerrimum nostris minati sunt bellum, ni eorum regionibus excessissent. ⁴ Quibus clara fide compertis, Caesar prima noctis quiete navigiis modicis et velocibus octingentos imposuit milites: ea re, ut vi ingenti ²⁾ sursum ver-

1) *al.* miserunt. 2) *al.* sursum versus.

sum decurso egressi, quidquid invenire potuerint, ferro violarent et flammis. Quo ita disposito, solis 5 primo exortu visis per montium vertices barbaris, ad celsiora ducebatur alacrior miles: nulloque invento (hoc siquidem opinati discessere confestim) eminus³⁾ ingentia fumi volumina visabantur, indicantia, nostros perruptas populari terras hostiles. Quae res Germanorum perculit animos, atque de-6 fertis insidiis, quae per arcta loca et latebrosa struxerant nostris, trans Moenum nomine fluvium ad opitulandum suis necessitudinibus avolarunt. Ut enim 7 rebus amat fieri dubiis et turbatis, hinc equitum nostrorum adcursum, inde navigiis vectorum militum impetu repentino perterrefacti, evadendi subsidium velox locorum invenere prudentes: quorum digressu miles libere gradiens, opulentas pecore villas et frugibus rapiebat nulli parcendo. Extrac-8 tisque captivis, domicilia cuncta curatius ritu Romano constructa, flammis subditis exurebat. 9 *) Emenisque aestimatione decimi lapidis, cum prope silvam venisset squalore tenebrarum horrendam, stetit diu cunctando, indicio perfugae doctus, per subterranea quaedam occulta fossasque multifidas latere plurimos, ubi habile visum fuerit, erupturos. Audi tamen omnes accedere fidentissime, ilicibus incisis et fraxinis, roboreque abietum magno semitas invenere constratas. Ideoque gradientes cautius retro, non nisi per amfractus longos et asperos ultra progredi posse, vix indignationem capientibus animis, advertabant. Et quoniam aëris ro-10 urente saevitia, cum discriminibus ultimis laborabatur incassum, (aequinotio quippe autumnali exacto, per eos tractus superfusae nives opplevire montes simul et campos) opus arreptum est memo-

H 2

3) ingentis fumi. 4) *Mf. emenisque. al. emensisque.*

- 11 rabile. Et dum nullus⁵⁾ obsisteret, munimentum, quod in Alamannorum solo conditum Traianus suo nomine voluit adpellari, dudum violentius oppugnatum, tumultuario studio reparatum est: locatisque ibi pro tempore defensoribus, ex barbarorum
- 12 visceribus alimenta congesta sunt. Quae illi maturata ad suam perniciem contemplantes, metuque rei peractae volucriter congregati, precibus et humilitate suprema petiere missis oratoribus pacem: quam Caesar omni consiliorum via firmata, causatus verisimilia plurima, per decem mensium tribuit
- 5) intervallum: id nimirum sollerti colligens mente, quod castra, supra quam optari potuit, occupata sine obstaculo, tormentis muralibus et adparatu
- 13 deberent valido communiri. Hac fiducia tres immanissimi reges venerunt, tandem aliquando iam trepidi, ex his, qui misere victis apud Argentoratū auxilia, iurantes conceptis ritu patrio verbis, nihil inquietum acturos, sed foedera ad praestitutum usque diem, quia id nostris placuerat, cum munimento servaturos intacto, frugesque portaturos humeris, si defuisse sibi docuerint defensores: quod utrumque metu perfidiam frenante fecerunt.
- 14 Hoc memorabili bello, comparando quidem Punicis et Teutonicis, sed 6) dispendiis rei Romanae peracto 7) levissimis, ut faustus Caesar exultabat et felix: credique obtrectatoribus potuit, ideo fortiter eum ubique fecisse fingentibus, quod oppetere dimicando gloriose magis optabat, quam damnatorum sorte, sicut sperabant, ut frater Gallus occidi: ni pari proposito post excessum quoque Constantii actibus mirandis inclaruisset.
- II. Quibus, ut in tali re, compositis firmiter, ad sedes revertens hibernas, sudorum reliquias

5) Ms. intervallum id, 6) al. dispendio. 7) al. levissimo.

reperit tales. Remós Severus, magister equitum, per Agrippinam petens et Iuliacum Francorum validissimos cuneos in sexcentis velitibus, ut postea claruit, vacua praesidiis loca vastantes offendit: hac opportunitate in scelus audaciam erigente, quod Caesare in Alamannorum secessibus occupato, nulloque vetante, expleri se posse praedarum opimitate sunt arbitrati. Sed metu iam reversi exercitus, munimentis duobus, quae olim exinanita sunt, occupatis, se, quoad fieri poterat, tuebantur. Hac 2 Iulianus rei novitate perculsus, et coniiciens quorsum erumperet, si iisdem transisset intactis, retento milite circumvallare 1) disposuit Mosa fluvius praeterlambit, et adusque quartum et quinquagesimum diem, Decembri scilicet et Ianuario mense, oblidionales tractae sunt morae, destinatis barbarorum animis incredibili pertinacia 2) reluctantis. Tunc pertimescens sollertissimus Caesar, ne 3 observata nocte illuni, barbari gelu vinctum amnem pervaderent, quotidie a sole in vesperam flexo adusque lucis principium, lusoriis navibus discurrere flumen ultro citroque milites ordinavit, ut crustis pruinarum diffractis, nullus ad erumpendum quopiam facile 3) perveniret. Hocque commento, inedia, et vigiliis, et desperatione postrema lassati, sponte se propria dederunt: statimque ad comitatum Augusti sunt missi. Ad quos eximendos periculo 4 multitudo Francorum egressa, cum captos comperisset et asportatos, nihil amplius ausa repedavit 4) ad sua: hisque perfectis acturus hiemem revertit Parisios Caesar.

III. Quia igitur plurimae gentes vi maiore collaturae capita sperabantur, dubia bellorum coniectans sobrius rector, magnis curarum molibus strin-

1) Mf. oppidum . . . Mosa. 2) Mf. reluctantis. 3) Mf. perveniret: Hocque. 4) al. ad sua castra.

gebatur. Dumque per inducias licet negotiosas et breves aerumnosis possessorum damnis mederi posse credebat, tributi ratiocinia dispensavit. Cumque Florentius praefectus praetorio cuncta permenfus, ut contendebat, quidquid in capitatione deesset, ex conquisitis se supplere firmaret, talium gnarus, animam prius amittere, quam hoc finire fieri memorabat. Norat enim huiusmodi provisionum, immo everfionum, ut verius dixerim, insanabilia vulnera, saepe ad ultimam egestatem provincias contraxisse: quae res, ut docebitur postea, penitus evertit Illyricum. Ob quae praefecto praetorio ¹⁾ ferri non posse clamante, se repente factum infidum, cui Augustus summam commiserit rerum; Iulianus eum sedatius leniens, scrupulose computando et vere, docuit non sufficere solum, verum etiam exuberare capitationis calculum ad com meatuum necessarios adparatus. Nihilominus tamen diu postea indictionale augmentum oblatum sibi, nec recitare nec subnotare perpessus, humi proiecit. Literisque Augusti monitus ex relatione praefecti, non agere ita perplexe, ut videretur parum Florentio credi: rescripsit gratandum esse, si provincialis hincinde valitatus, saltem sollemnia praebeat, nedum incrementa, quae nulla supplicia egenis possent hominibus extorquere. Factumque est tunc et deinde unius animi firmitate, ut praeter solita nemo Gallis quidquam exprimere ²⁾ conaretur inique. 6 Inusitato exemplo id petendo Caesar impetraverat a praefecto; ut secundae Belgicae multiformibus malis oppressae dispositio sibi committeretur, ea videlicet lege, ut nec praefectianus, nec praesidialis adparitor ad solvendum quemquam urgeret. Quo levati solatio cuncti, quos in ³⁾ curam susce-

1) *al. ferre.* 2) *Steph. conaretur inique.* *Mf. conaretur*
. . . iniqu. 3) *Mf. cura separat.*

perat suam, nec interpellati, ante praestitutum tempus debita contulerunt.

IV. Inter haec recreandarum exordia Galliarum, administrante secundam adhuc Orsito praefecturam, obeliscus Romae in circo erectus est maximo. Super quo nunc, quia tempestivum est, pauca discurrem. Urbem priscis saeculis conditam ambitiosa moenium strue, et portarum centum quondam aditibus celebrem, hecatompylos Thebas institutores ex facto cognominarunt, cuius vocabulo provincia nunc usque Thebais adpellatur. Hanc³ inter exordia pendentis se late Carthaginis, im-provisò excursu duces opprèssere Poenorum: post-eaque reparatam Persarum rex ille Cambyès, quo-ad vixerat, alieni cupidus et inhumanis, Aegypto perrupta adgressus est, ut opes exinde raperet invidendas, ne deorum quidem donariis parcens. Qui⁴ dum inter praedatores turbulente concursat, laxitate praepeditus indumentorum concidit pronus: ac suomet pugione, quem aptatum femori dextro gestabat, subita vi ruinae nudato, vulneratus paene letaliter interisset. Longe autem postea Cornelius Gal-⁵lus, Octaviano res tenente Romanas, Aegypti procurator, exhaustit civitatem plurimis interceptis: reversusque, cum furtorum arcesseretur et ¹⁾populatae provinciae, metu nobilitatis acriter indignatae, cui negotium spectandum dederat Imperator, stricto incubuit ferro. Is est, si recte existimo, Gallus poëta, quem flens quodammodo in postrema Bucolicorum parte Virgilius carmine leni decantat.

In hac urbe inter labra iugentia, diversasque⁶ moles figmenta Aegyptiorum numinum exprimentes, obeliscos vidimus plures, aliosque iacentes et comminutos: quos antiqui reges bello domitis gentibus, aut prosperitatibus summarum rerum elati,

¹⁾ Mf. populatae.

- montium venis vel apud extremos orbis incolas
 2) perscrutatis excisos erectosque, diis superis in
 7 religione dicarunt. Est autem obeliscus asperrimus
 lapis, in figuram metae cuiusdam sensim ad proce-
 ritatem confurgens excelsam; utque radium 3) imi-
 tetur, gracilescens, paulisper specie quadrata in
 verticem productus angustum, manu levigatus arti-
 8 fici. Formarum autem innumeras notas, hierogly-
 phicas adpellatas, quas ei undique videmus incisas,
 9 initialis sapientiae vetus insignivit auctoritas. Vo-
 lucrum enim ferarumque, etiam alieni mundi, ge-
 nera multa sculpsentes, ad aevi quoque sequentis
 aetates ut patratorum vulgatus 4) perveniret memo-
 ria, promissa vel soluta regum vota monstrabant.
 10 Non enim, ut nunc litterarum numerus praestitutus
 et facilis exprimit, quidquid humana mens concipere
 potest; ita prisca quoque scriptitarunt Aegyptii:
 sed singulae litterae singulis nominibus ser-
 viebant et verbis; nonnumquam significabant inte-
 11 gros sensus. Cuius rei scientiae in his interim 5) sit
 duobus exemplum. Per vulturem naturae vocabu-
 lum pandunt: quia mares nullos posse inter has alites
 inveniri rationes memorant physicae: perque
 speciem apum mella conficientis indicant regem: mo-
 deratori cum incunditate aculeos quoque innasce-
 debere his signis ostendentes, et similia plurima.
 12 Et quia sufflantes adulatorem ex more Constantium,
 id sine modo strepebant, quod, cum Octavianus
 Augustus obeliscos duos ab Heliopolitana civitate
 transtulisset Aegyptia, quorum unus in circo
 maximo, alter in campo locatus est Martio; hunc
 recens advectum difficultate magnitudinis territus,
 nec contrectare ausus est, nec movere: discant,
 qui ignorant, veterem principem translatis aliquibus

2) Mf. perscrutatis. 3) Mf. emittitur. 4) Mf. pervenire. 5)
 re sit Mf. deest.

hunc intactum ideo praeterisse, quod Deo Soli speciali munere dedicatus, fixusque intra ambitiosi templi delubra, quae contingi non poterant, tamquam apex omnium eminebat. Verum Constanti-¹³ nus id parvi ducens, avulsam hanc molem sedibus suis, nihilque committere in religionem recte existimans, si ablatum uno templo miraculum Romae sacraret, id est, in templo mundi totius, iacere diu perpessus est, dum translationi pararentur utilia. Quo convecto per alvenum Nili, proiectoque Alexandriae, navis amplitudinis antehac inusitatae aedificata est, sub trecentis remigibus agitanda. Quibus ita provisus, digressoque vita principe me-¹⁴ morato, urgens effectus intepuit: tandemque sero impositus navi per maria fluentaque Tybridis velut paventis, ne, quod paene ignotus miserat Nilus, ipse parum sub meatus sui discrimine moenibus alumni inferret, desertur in vicum Alexandri, tertio lapide ab urbe seiunctum: unde chamulcis impositus, tractusque lenius, per Ostiensem portam piscinamque publicam circo illatus est maximo. Sola post haec restabat erectio, quae vix aut ne vix ¹⁵ quidem sperabatur posse compleri: ⁶) erectisque usque periculum altis trabibus, ut machinarum cerneret nemo, innectuntur vasti funes et longi, ad speciem multiplicium liciorum caelum densitate nimia subtexentes: quibus colligatus mons ipse effigatus scriptilibus elementis, paullatimque id per arduum inane protentus, diu pensilis, hominum millibus multis tamquam molendinarias rotantibus metas, cavea ⁷) locatur in media, eique sphaera superponitur ⁸) ahenea, aureis laminis nitens: qua confestim vi ignis divini contacta, ideoque sublata, facis imitamentum insigitur aereum, itidem auro imbracteatum, velut abundanti flamma candentis.

6, Ms. idestisque. 7) Ms. locatus. 8) *al.* ahenea.

- 16 Sequuntaeque aetates alios transtulerunt: quorum unus in Vaticano, alter in hortis Sallustii, duo in
 17 Augusti monumento erecti sunt. Qui autem notarum textus obelisco incisus est veteri, quem videmus in circo, Hermapionis librum sequuti, interpretatum litteris subiecimus Graecis.

ΑΡΧΗΝ ΑΠΟ ΤΟΥ ΝΟΤΙΟΥ ΔΙΕΡΜΗΝΕΥΜΕΝΑ ΕΧΕΙ

ΣΤΙΧΟΣ ΠΡΩΤΟΣ ΤΑΔΕ.

- 18 Ἡλιος βασιλεῖ Ῥαμέστη. δεδώρημαί σοι αἰνὰ πᾶσαν οἰκουμένην μετὰ χαρᾶς βασιλεύειν. ὃν Ἡλιος φιλεῖ καὶ Ἀπόλλων. κρατερός Φιλαλήθης υἱὸς Ἡρώνος, θεογένητος κτίστης τῆς οἰκουμένης, ὃν Ἡλιος προέκρινεν, ἄλκιμος Ἀρεως βασιλεὺς Ῥαμέστης. ᾧ πᾶσα ὑποτάσσεται ἡ γῆ μετὰ ἀλκῆς καὶ θάρσους. βασιλεὺς Ῥαμέστης Ἡλίου παῖς αἰωνόβιος.

ΣΤΙΧΟΣ ΔΕΥΤΕΡΟΣ.

- 19 Ἀπόλλων κρατερός, ὁ ἐστὼς ἐπ' αἰληθείας δεσπότης διαδήματος, τὴν Αἴγυπτον δοξάσας κεκτημένος, ἀγλαοποιήσας Ἡλίου πόλιν, καὶ κτίσας τὴν λοιπὴν οἰκουμένην, καὶ πολυτιμήσας τοὺς ἐν Ἡλίου πόλει θεοὺς ἀνιδρυμένους, ὃν Ἡλιος φιλεῖ.

ΤΡΙΤΟΣ ΣΤΙΧΟΣ.

- 20 Ἀπόλλων κρατερός Ἡλίου παῖς παμφεγγής, ὃν Ἡλιος προέκρινεν καὶ Ἀρης ἄλκιμος ἐδωρήσατο. οὗ τὰ ἀγαθὰ ἐν παντὶ διαμένει καιρῷ. ὃν Ἀμμων ἀγαπᾷ, πληρώσας τὸν νέων τοῦ φοίνικος ἀγαθῶν. ᾧ οἱ θεοὶ ζωῆς χρένον ἐδωρήσαντο. Ἀπόλλων κρατερός υἱὸς Ἡρώνος βασιλεὺς οἰκουμένης Ῥαμέστης, ὃς ἐφύλαξεν Αἴγυπτον τοὺς ἄλλοεθνεῖς νικήσας. ὃν Ἡλιος φιλεῖ. ᾧ πολὺν χρένον ζωῆς ἐδωρήσαντο θεοὶ, δεσπότης οἰκουμένης Ῥαμέστης αἰωνόβιος.

ἌΛΛΟΣ ΣΤΙΧΟΣ ΔΕΥΤΕΡΟΣ.

- 21 Ἡλιος θεὸς μέγας δεσπότης οὐρανοῦ. δεδώρημαί σοι βίον ἀπρόσκορον. Ἀπόλλων κρατερός κύριος διαδήματος ἀνείκαστος, ὃν ἀνδριάντας ἀνέθηκεν ἐν τῇδε τῇ βασιλείᾳ δεσπότης Αἰγύπτου, καὶ ἐκόσμησεν Ἡλίου

πόλιν ὁμοίως καὶ αὐτὸν Ἥλιον δεσπότην οὐρανοῦ. συνε-
τελεύτησεν ἔργον ἀγαθὸν Ἥλιου παῖς βασιλεὺς αἰω-
νόβιος.

ΤΡΙΤΟΣ ΣΤΙΧΟΣ.

Ἥλιος θεὸς δεσπότης οὐρανοῦ ῥαμέστη βασιλεῖ δε-22
δώρημα· τὸ κράτος· καὶ τὴν κατὰ πάντων ἐξουσίαν.
ὃν Ἀπόλλων Φιλαλήθης δεσπότης χρόνων, καὶ Ἥφαι-
στος ὁ τῶν θεῶν πατήρ προέκρινεν διὰ τὸν Ἀρεα. βασι-
λεὺς παγχαρῆς Ἥλιου παῖς, καὶ ὑπὸ Ἥλιου φιλοῦ-
μενος.

ΑΦΗΛΙΩΤΗΣ ΠΡΩΤΟΣ ΣΤΙΧΟΣ.

Ὁ ἀφ' Ἥλιου πόλεως μέγας θεὸς ἐνουράνιος Ἀπόλ-23
λων κρατερός, Ἡρώνος υἱός, ὃν Ἥλιος ἠγάγησεν, ὃν
οἱ θεοὶ ἐτίμησαν, ὁ πάσης γῆς βασιλεύων, ἐν Ἥλιος
προέκρινεν, ὁ ἀλκίμος διὰ τὸν Ἀρεα βασιλεὺς, ὃν
Ἀμμων φιλεῖ. καὶ ὁ παμφεγγῆς συγκρίνας αἰώνιον
Βασιλέα. *et reliqua.*

(A. C. 358.)

V. Datiano et Cereali coll. cum universa per
Gallias studio cautiore disponderentur, formidoque
praeteritorum barbaricos hebetaret excursus: rex
Persarum in confiniis agens adhuc gentium extima-
rum, iamque cum ¹⁾ Chionitis et Gelanis, omnium
acerrimis bellatoribus, pignore icto societatis, red-
iturus ad sua, Tamsaporis scripta suscepit, pacem
Romanum principem nuntiantis poscere precativam.
Ideoque non nisi infirmato imperii robore tentari
talia suspicatus, latius semet extentans, pacis am-
plectitur nomen, et conditiones proposuit graves:
missoque cum muneribus Narseo quodam legato,
litteras ad Constantium dedit, nusquam a genuino
fastu declinans, quarum hunc fuisse accepimus sen-
sum: *Rex regum Sapor, particeps siderum, frater 3*
Solis et Lunae, Constantio Caesari fratri meo salu-

1) Mf. Chionitis et Gelanis.

tem plurimam dico: Gaudeo, tandemque mihi placet, ad optimam te viam revertisse, et incorruptum aequitatis agnovisse suffragium, rebus ipsis expertum, pertinax alieni cupiditas quas aliquoties 4 ediderit strages. Quia igitur veritatis oratio soluta esse debet et libera, et celsiores fortunas idem loqui decet atque sentire; propositum meum in pauca conferam, reminiscens, haec quae dicturus sum, 5 me saepius replicasse. Adusque Strymona flumen, et Macedonicos fines tenuisse maiores meos, antiquitates quoque vestrae testantur: haec me convenit flagitare (ne sit arrogans, quod adfirmo) splendore virtutumque insignium serie vetustis regibus antistantem. Sed ubique mihi cordi est recordatio, cui coalitus ab adolescentia prima, nihil umquam poe- 6 nitendum admisi. Ideoque Armeniam recuperare cum Mesopotamia debeo, avo meo composita fraude praereptam. Illud apud nos numquam acceptum fuit, quod adferitis vos exsultantes, nullo discrimine virtutis ac doli, prosperos omnes laudari 7 debere bellorum eventus. Postremo, si morem gerere suadenti volueris recte, contemne partem exiguan semper luctificam et cruentam, ut caetera regas securus: prudenter reputans, medelarum quoque artifices urere nonnumquam et secare, et partes corporum amputare, ut reliquis uti liceat integris: hocque bestias factitare; quae cum adver- tant, cur maximopere capiantur, illud propria sponte amittunt, ut vivere deinde possint impavidae.

8 Id sane pronuntio, quod, si haec mea legatio redierit irrita, post tempus hiemalis quietis exemptum, viribus totis accinctus, fortuna conditionumque aequitate spem successus secundi fundante, venire, quoad ratio siverit, festinabo.

9 His litteris diu libratis, recto pectore (quod dicitur) considerateque responsum est hoc modo:

10 Victor terra marique Constantius semper Augustus

fratri meo Saporì regi salutem plurimam dico. Sospitati quidem tude gratulor, ut futurus, si velis, amicus: cupiditatem vero semper inflexam fusiusque vagantem vehementer infimulo. Mesopota-
miam pscis ut tuam, perindeque Armeniam: et
suades integro corpori adimere membra quaedam,
ut salus eius deinceps locetur in solido: quod refu-
tandum est potius, quam ulla consensione firman-
dum. Accipe igitur veritatem non obtectam prae-
stigiis, sed perspicuam, nullisque minis inanibus
perterrendam. Praefectus praetorio meus, opina-
tus adgredi negotium publicae utilitati conducens,
cum duce tuo per quosdam ignobiles, me inconsulto,
sermone conferuit super pace. Non refutam
hanc nec repellimus: adsit modo cum decore et ho-
nestate, nihil pudori nostro praereptura vel maie-
stati. Est enim absorum et indecens, cum gesta-
rum rerum ordine explicatae sint aures, quas in-
vidiae nobis multipliciter incluserunt: cum deletis
tyrannis totus orbis Romanus nobis obtemperat, ea
prodere, quae contracti in Orientales angustias diu
servavimus illibata. Cessent autem quaeformidi-
nes, quae nobis intentantur ex more: cum ambigi
nequeat, non inertia nos, sed modestia, pugnas
interdum excepisse potius, quam intulisse: et nostra,
quoties laceffimur, fortissimo benevolentiae spiritu
defensare, id experiendo legendoque scientes, in
proeliis quibusdam raro rem titubasse Romanam,
in summa vero bellorum numquam ad deteriora
prolapsam.

Hanc legationem nullo impetrato remissam (nec
enim effrenatae regis cupiditati responderi amplius
quidquam potuit) post paucissimos dies sequutus est
Prosper comes, et Spectatus tribunus et notarius,
itemque Eustathius Musoniano suggerente Philoso-
phus, ut opifex suadendi: Imperatoris scripta per-
ferentes et munera, enisuri adparatum interim Sa-

poris arte quadam suspendere, ut supra humanum modum provinciae munirentur Arctoae.

1 VI. Inter quae ita ambigua Iuthungi Alaman-
norum pars, Italicis conterminans tractibus, obli-
ti pacis et foederum, quae adepti sunt obsecrando,
Raetias turbulente vastabant, adeo ut etiam oppi-
2 dorum tentarent obsidia praeter solitum. Ad quos
repellendos cum valida manu missus Barbatio, in
locum Silvani peditum promotus magister, ignavus,
sed verbis effusior, alacritate militum vehementer
erecta, prostravit acerrime multos, ita ut exigua
portio, quae periculi metu se dedit in fugam, aegre
dilapsa res suas non sine lacrymis reviferet et lamen-
3 tis. Hunc pugnae Nevita, postea consul, equestris
praepositus turmae, et adfuisse, et fortiter fecisse
firmatur.

1 VII. Iisdem diebus terrae motus horrendi per
Macedoniam, Asiamque, et Pontum adfiduis pul-
sibus oppida multa concusserunt et montes. Inter
monumenta tamen multiformium aerumnarum emi-
nuere Nicomediae clades, Bithyniae urbium ma-
tris, cuius ruinarum eventum vere breviterque
absolvam.

2 Primo lucis exortu die nono Kal. Septembrium,
concreti nubium globi nigrantium, laetam paullo
ante caeli speciem confuderunt: et amandato solis
splendore, nec contigua vel adposita cernebantur:
ita oculorum obtutu praestricto, humo involutus
3 crassae caliginis squalor insedit. Dein velut numine
summo fatales contorquente manubias, ventosque
ab ipsis excitante cardinibus, magnitudo furentium
incubuit procellarum, cuius impetu pulforum au-
ditus est montium gemitus, et elisi littoris fragor:
haecque sequuti typhones atque presteres, cum
horrifico tremore terrarum, civitatem et suburbana
4 funditus everterunt. Et quoniam acclivitate col-
lium aedes pleraeque vehabantur, aliae super alias

concidebant, reclagentibus cunctis sonitu ruinarum immenso. Interim clamoribus variis excelsa culmina resultabant, quacritantium coniugium liberosque, et si quid necessitudinis arte confringit. Post horam denique secundam, multo ante tertiam, 5 aër iam sudus et liquidus latentes retextit funereas strages. Nonnulli enim superruentium ruderum vi nimia constipati, sub ipsis interiere ponderibus. Quidam collo tenus aggeribus obruti, cum superesse possent, si qui iuissent, auxiliorum inopia necabantur. Alii lignorum exstantium acuminibus fixi pendebant. Uno ictu caesi complures paullo 6 ante homines, tunc promiscuae strages cadaverum cernebantur. Quosdam domorum inclinata fastigia intrinsecus ferebant intactos, angore et inedia consumendos. Inter quos Aristænetus adfectatam recens dioecesim curans vicaria potestate, quam Constantius ad honorem uxoris Eusebiae Pietatem cognominaverat, animam hoc casu cruciatam diutius exhalavit. Alii subita ruinae magnitudine op- 7 pressi, iisdem adhuc molibus conteguntur. Collis quidam capitibus, vel humeris praefectis aut cruribus, inter vitae mortisque confinia, aliorum adiumenta paria perferentium implorantes, cum obtestatione magna deserebantur. Et superesse po- 8 tuit aedium sacrarum et privatarum, hominumque pars maior, ni palantes abrupte flammarum ardores per quinquaginta dies et noctes, quidquid consumi poterat, exuissent.

Adesse tempus existimo pauca dicere, quae de 9 terrae pulvis coniectura veteres collegerunt. Ad ipsius enim veritatis arcana non modo haec nostra vulgaris inscitia, sed ne sempiterna quidem lucubrationibus longis nondum exhausta physicorum iurgia penetrarunt. Unde et in ritualibus et ponti- 10 ficiis observatur obtemperantibus sacerdotiis caute, ne alio Deo pro alio nominato, cum, quis eorum

terram concutiat, sit in abstruso, piacula committantur. Accidunt autem, ut opiniones existimant, inter quas Aristoteles aestuat et laborat, aut in cavernis minutis terrarum, quas Graece syringas appellamus, impulsu crebriore aquis undabundis: aut certe, ut Anaxagoras adfirmat, ventorum vi subeuntium ima terrarum: qui cum soliditatibus concussatis inciderint, eruptiones nullas reperientes, eas partes soli convibrant, quas subreplerint humidi. Unde plerumque observatur, terra tremente, ventorum apud nos spiramina nulla sentiri, quod in ultimis eius secessibus occupantur. Anaximander ait, arescentem nimia aestuum siccitate, aut post madores imbrium, terram rimas pandere grandiores, quas penetrat supernus aer violentus et nimius, ac per eas vehementi spiritu quassatam cieri propriis sedibus. Qua de causa terrores huiusmodi vaporatis temporibus, aut nimia aquarum caelestium superfusione contingunt. Ideoque Neptunum humentis substantiae potestatem, Ennoli-gaeon et Sisichthona poetae veteres et theologi nuncupaverunt.

13 Fiunt autem terrarum motus modis quatuor. Aut enim brasmatiae sunt, qui humum ¹⁾ molestius suscitantes, sursum propellunt immanissimas moles: ut in Asia Delos emerfit, et Hiera, et Anaphe, et Rhodus, Ophiusa et Pelagia prioribus saeculis dictitata, aureo quondam imbri perfusa, et Eleusin in Boeotia, et apud Tyrrihenos Vulcatus, insulaeque plures: aut climatiae, qui limes ruentes et obliqui urbes, aedificia, montesque complanant: aut chasmatiae, qui grandiori motu patefactis subito voratrinis, terrarum partes absorbent; ut in Atlantico mari Europaeo orbe spatiosior insula, et in
Grissaeo

1) Ml. molestus.

Criffaeo finu Helice et Bura, et in Ciminia Italiae parte oppidum ²⁾ Saccumum, ad Erebi profundos hiatus abactae, aeternis tenebris occultantur. Inter haec tria genera terrae motuum, mycemátiae sonitu audiuntur ³⁾ minaci, cum dissolutis elementa compagibus ultro adiliunt, vel relabuntur confidentibus terris. Tunc enim necesse est velut taurinis reboare mugitibus fragores freinitusque terrenos. Sed hinc ad exorsa.

VIII. At Caesar hiemem apud Parisios agens, Alamannos praevenire studio maturabat ingenti, nondum in unum coactos, sed ¹⁾ in insaniam post Argentoratum audaces omnes et saevos: opperiensque Iulium mensem, unde sumunt Gallicani prociuctus exordia, diutius angebatur. Nec enim egredi poterat, antequam ex Aquitania, aestatis remissione solutis frigoribus et pruinis, veheretur annona. Sed ut est difficultatum paene omnium ²⁾ diligens ratio victrix, multa mente versans et varia, id tandem reperit solum, ut anni maturitate non expectata, barbaris occurreret ³⁾ insperatus, firmitoque consilio xx. dierum frumentum, ex eo, quod erat in sedibus consumendum, ad usus diuturnitatem excoctum, ³⁾ buccellatum, ut vulgo adpellant, humeris imposuit libentium militum: hocque subsidio fretus, secundis, ut ante, auspiciis profectus est, intra mensem quintum vel sextum duas expeditiones consummari posse urgentes et necessarias arbitratus. Quibus paratis, petit primos omnium ³⁾ Francos, eos videlicet, quos consuetudo Salios adpellavit, ausos olim in Romano solo apud Toxandriam locum habitacula sibi figere praelicenter. Cui, cum Tungros venisset, occurrit legatio prae-

²⁾ Saccumum adhebi profundos hiatus abactae aeter. *al.* Succinenso profundo hiatu absorpta aeternis. ³⁾ minacium dissol. ¹⁾ *al.* ad insaniam. ²⁾ *Mf.* insperatis. ³⁾ *Mf.* buccellatum.

dictorum, opinantium reperiri Imperatorem etiam-
 tum in hibernis, pacem sub hac lege praetendens,
 ut quiescentes eos tamquam in suis nec laceggeret
 quisquam, nec vexaret. Hos legatos, negotio
 plene digesto, oppositaque conditionum perplexi-
 tate, ut in iisdem tractibus moraturus, dum rede-
 4unt, muneratos absolvit. Dictoque citius sequutus
 profectos, Severo duce misso per ripam, subito
 cunctos adgressus, tamquam fulminis turbo percul-
 sit: iamque precantes potius, quam resistentes, in
 opportunam clementiae partem effectum victoriae
 flexo, dedentes se cum opibus liberisque suscepit.
 5 Chamavos itidem ausos similia adortus, eadem ce-
 leritate partim cecidit, partim acriter repugnantes,
 vivosque captos compegit in vincula: alios prae-
 cipi fuga trepidantes, ad sua, ne militem spatio lon-
 go defatigaret, abire interim permisit innocuos:
 quorum legatis paullo postea missis precatum con-
 sultumque rebus suis, humi prostratis sub obtuti-
 bus eius, pacem hoc tribuit pacto, ut ad sua redi-
 rent incolumes.

1 IX. Cunctis igitur ex voto currentibus, studio
 pervigili properans modis omnibus utilitatem fun-
 dare provinciarum, munimenta tria recta serie su-
 perciliis imposita fluminis Mosae, subversa dudum
 obstinatione barbarica, reparare pro tempore co-
 gitabat: et illico sunt instaurata, procinctu paulli-
 2asper omisso. Atque ut consilium prudens celeritas
 faceret tutum, ex annona decem dierum et septem,
 quam in expeditionem pergens vehebat cervicibus
 miles, portionem subtractam in iisdem condidit
 castris, sperans, ex Chamavorum segetibus id sup-
 3pleri posse, quod ablatum est. Longe autem aliter
 accidit. Frugibus enim nondum etiam maturis,
 miles expensis, quae ¹⁾ portabat, nusquam repe-

*) Ms. portabat.

riens victus, extrema ²⁾ minitans Iulianum compellationibus incessebat et probris: Asianum adpellans, Graeculum, et fallacem, et specie sapientiae stolidum. Utque inveniri solent quidam inter armatos verborum volubilitate conspicui, haec et similia multa strepebant: *Quo trahimur spe meliorum abolita, olim quidem dura et perperçu asperri-
ma per nives tolerantes et acumina crudelium pruin-
narum? sed nunc, proh nefas! cum ultimis hostium
fatis instamus, fame, ignavissimo mortis genere
tabescentes. Et ne quis nos turbarum existimet con-
citores, pro vita loqui sola testiamur; non aurum,
neque argentum petentes, quae olim nec contrecta-
re potuimus, nec videre, ita nobis negata velut
contra Remp. tot suscepisse labores et pericula con-
futatis.* Et erat ratio iusta querelarum. Inter tot
enim rerum probabilium cursus articulosque neces-
sitatum ancipites, sudoribus Gallicanis miles ex-
haustus, nec donativum meruit nec stipendium,
iam inde ut Iulianus illo est missus: ea re, quod
nec ipsi, quod daret, suppetere poterat usquam;
nec Constantius erogari more solito permittebat.
Hocque exinde claruit fraude potius, quam tena-
citate committi, quod cum idem Caesar, petenti
ex usu gregario cuidam ut barbas detonderet, de-
disset aliquid vile, contumeliosis calumniis adpeti-
tus est a Gaudentio tunc notario, ad explorandos
eius actus diu morato per Gallias, quem postea ipse
interfici iussit, ut loco monstrabitur competenti.

X. Lenito tandem tumultu non sine blanditia-
rum genere vario, contextoque navali ponte Rheno
transito, terris Alamannorum calcatis, Severus
magister equitum bellicosus ante haec et industrius,
repente commarcevit. Et qui saepe universos ad

I 2

2) *al. militans.*

fortiter faciendum hortabatur et singulos; tunc disuasor pugnandi contemptus videbatur et timidus, mortem fortasse metuens adventantem: ut in ¹⁾ Tageticis libris legitur, ²⁾ Veiovis fulmine mox tangendos adeo hebetari, ut nec tonitrum, nec maiores aliquos possint audire fragores: et iter ignaviter egerat praeter solitum, ut ductores viarum praeceuntes alacri gradu, ultima minitendo terreret, ni omnes conspirantes in unum se loca penitus ignorare firmarent. Qui interdicti metuentes auctoritatem, nusquam deinde sunt progressi.

3. Inter has tamen moras Alamannorum rex ³⁾ Suomarius ultro cum suis improvisus occurrit, ferox ante saeviensque in damna Romana, sed tum lucrum existimans insperatum, si propria retinere permetteretur. Et quia vultus incessusque supplicem indicabat, susceptus, bonoque animo esse iussus et placido, nihil arbitrio suo relinquens, pacem genibus curvatis orabat. Et eam cum concessione praeteritorum sub hac meruit lege, ut captivos redderet nostros, et, quoties sit necesse, militibus alimenta praeberet, susceptorum vilium more securitates accipiens pro illatis: ⁴⁾ quas si non ostendisset in tempore, sciret se rursus ea de re fatigandum.

5. Quod ita recte dispositum, est impraepedite completum. Hortarii nomine petendus erat regis alterius pagus: et quia nihil videbatur deesse praeter ductores, Nelticae tribuno scutatorum, et ⁵⁾ Chariettoni viro fortitudinis mirae, imperaverat Caesar, ut magna quaesitum industria comprehensumque offerrent sibi captivum: et correptus velociter adulescens ducitur Alamannus, pacto obtinendae salutis pollicitus itinera se monstraturum.

¹⁾ Mf. Tageticis lib. ²⁾ Mf. Vegonicis. ³⁾ Mf. Sumoarius.
⁴⁾ Mf. quas si. ⁵⁾ Mf. Chariettoni.

Hoc praegresso sequutus exercitus, cellarum arborum oblitente concaede ire protinus vetabatur. Verum per circuitus longos. et flexuosos ventum est tandem ad loca: et ira quisque percitus armatorum urebat agros, pecora diripiebat et homines, resistentesque siue ulla parcimonia contruncabat. His malis percussus rex, cum multiplices legiones, vicorumque reliquias cerneret exultorum, ultimas fortunarum iacturas adesse iam contemplatus, oravit ipse quoque veniam, facturum se imperanda, iurandique execratione restituere universos promissit: id enim cura agebatur impeffiore: detentisque plurimis, reddidit paucos. Quo cognito, ad indignationem inslam Iulianus erectus, cum munerandus venisset ex more, quatuor comites eius, quorum ope et fide maxime nitebatur, non ante absolvit, dum omnes rediere captivi. Ad colloquium tamen accitus a Caesare, tremantibus oculis adorato, victorisque superatus adspectu, conditione difficili premebatur: hac scilicet, ut, quoniam consentaneum erat, post tot secundos eventus civitates quoque reparari vi barbarorum excisas, carpenta et materias ex opibus suis, suorumque praeberet: et haec pollicitus, imprecatusque, si perfidum quidquam egisset, luenda sibi cruore supplicia, ad propria remeare permissus est. Annonam enim transferre, ita ut Suomarius, ea re compelli non potuit, quod ad internecionem regione eius vastata nihil inveniri poterat, quod daretur.

Ita reges illi tumentes quondam immaniter, rapinisque ditescere adfueti nostrorum, Romanae potentiae iugo subdidere colla iam domita, et velut inter tributarios nati et educati, obsecundabant imperiis ingravate. Quibus hoc modo peractis, disperso per stationes milite consuetas, ad hiberna regressus est Caesar.

1 XI. Haec cum in comitatu Constantii subinde
 noscerentur (erat enim necesse, ¹⁾ tamquam adpa-
 rito rem Caesarem super omnibus gestis ad Augusti
 referre scientiam) omnes, qui plus poterant in pa-
 latio, adulandi professores iam docti, recte consul-
 ta prospereque completa vertebant in deridiculum:
 talia sine modo strepentes insulse, *In odium venit*
cum victoriis suis capella, non homo: ut hirsutum
 Italianum carpentes, adpellantesque loquacem tal-
 pam, et purpuratam simiam, et litterionem Grae-
 cum: et his congruentia plurima atque ²⁾ vernacula
 principi resonantes, audire haec taliaque gestienti,
 virtutes eius obruere verbis impudentibus conaban-
 tur, ut segnem incessentes, et timidum, et umbra-
 tilem, gesta que secus verbis comptioribus exornan-
 2 tem: quod non tunc primitus accidit. Namque,
 ut solet amplissima gloria obiecta esse semper invi-
 diae, legimus in veteres quoque magnificos duces
 vitia criminaque, etiam si inveniri non poterant,
 finxisse malignitatem, spectatissimis actibus eorum
 3 offensam. Ut Cimonem, Miltiadis filium, insimu-
 latum intemperantiae, qui prope Eurymedonta
 Pamphylium flumen Persarum populum delevit in-
 numerum, coëgitque gentem insolentia ³⁾ semper
 elatam, obsecrare suppliciter pacem: Aemilianum
 item Scipionem, ut somniculosum aemulorum
 inculsari malevolentia, cuius ⁴⁾ impetrabili vigilantia,
 obstinatae in perniciem Romae, duae sunt poten-
 4 tissimae urbes excisae. Nec non etiam in Pompe-
 ium obtrectatores iniqui multa scrutantes, cum ni-
 hil, unde vituperari deberet, inveniretur, duo
 haec observaverunt ludibriosa et irrita: quod ge-
 nuino quodam more caput digito uno scalpebat:
 quodque aliquamdiu tegendi ulceris causa deformis

1) *al.* tanquam Caesarem. 2) *Mf.* utinnacula. 3) *al.* regis ela-
 tam. 4) *al.* impeneurabili.

fasciola candida crus ⁵⁾ colligabat: quorum alterum factitare ut dissolutum, alterum ut novarum rerum cupidum adferebant: nihil interesse oblatrantes argumento subfrigido, quam partem corporis redimeret regiae maiestatis insigni: ⁶⁾ eum virum, quo nec fortior, nec cautior quisquam patriae fuit, ut documenta praeclara testantur.

Dum haec ita aguntur, Romae Artemius curans⁵ vicariam, praefecturam pro Basso quoque agebat: qui recens promotus urbi praefectus fatali decesserat sorte. Cuius administratio seditiones perpessa est turbulentas, nec memorabile quidquam habuit, quod narrari sit dignum.

XII. Augusto inter haec quiescenti per hiemem¹ apud Sirmium, indicabant nuntii graves et crebri, permixtos Sarmatas et Quados, vicinitate et similitudine morum armaturaeque concordes, Pannonias Moesiarumque alteram cuneis incurfare dispersis. Quibus ad latrocinia magis quam aperto habilibus² Marti, hastae sunt longiores, et loricae ex cornibus raris et levigatis, plumarum specie linteis indumentis innexae: equorumque plurimi ex usu castrati, ne aut seminarum visu exagitati raptentur, aut in subditiis ferocientes, prodant hiunitu denfiore vectores. Et per spatia discurrunt amplissima sequen-³tes alios, vel ipsi terga vertentes, insidendo velocibus equis et morigeris, trahentesque singulos, interdum et binos, uti permutatio vires foveat iumentorum, vigorque otio integretur alterno.

Aequinoctio itaque temporis verni confecto,⁴ Imperator coacta militum valida manu, ductu laetioris fortunae profectus, cum ad locum aptissimum pervenisset, flumen Istrum exundantem pruinarum iam resoluta congerie, super navium foros ponte contexto transgressus, populandis barbarorum

5) colligatum. 6) al. in eum virum.

incubuit terris: qui itinere festinato praeventi, cattervasque bellatoris exercitus iugulis suis imminere cernentes, quem nondum per anni tempus colligi posse rebantur, nec spirare ausi, nec stare, sed vitantes exitium insperatum, semet omnes effuderunt
 5 in fugam. Stratisque plurimis, quorum gressus vinxerat timor, hi, quos exemit celeritas morti, inter latebrosas convalles montium occultati, videbant patriam ferro pereuntem: quam vindicassent, profecto, si vigore, quo discesserant, restitissent.
 6 Gerebantur haec in ea parte Sarmatiae, quae secundam prospectat Pannoniam: parique fortitudine¹⁾ circa Valeriam opes barbaricas, ²⁾ urendo rapiendoque occurrentia, militaris turbo vastabat. Cuius cladis immenitate permoti, posthabito consilio latendi, Sarmatae petendae specie pacis agmine triperdito agentes securius nostros adgredi cogitarunt:
 3) ut nec expedire tela, nec vim vulnerum declinare, nec, quod est in rebus artissimis ultimum, verti
 8 possent in fugam. Aderant autem illico Sarmatis periculorum Quadi participes, qui noxarum saepe socii fuerant indiscreti: sed ne eos quidem prompta
 9 iuvit audacia, in discrimina ruentes aperta. Caelis enim compluribus, pars, quae potuit superesse, per notos colles evasit: quo eventu vires et animos incitante, iunctis densius cuneis ad Quadorum regna properabat exercitus: qui ex praeterito casu impendentia formidantes, rogaturi suppliciter pacem, fidentes ad principis venire conspectum, erga haec et similia lenioris: dictoque die statuendis conditionibus, ⁴⁾ Zizais quoque etiam tum regalis, laud parvi corporis iuvenis, ordines Sarmatarum more certaminis instruxit ad preces: visoque Imperatore abiectis armis pectore toto procubuit exa-

1) Mf. cum Valeriam. 2) al. ferendo. 3) *ut* ut Mf. deest.
 4) Steph. modo Zizais quoque.

nimis stratus. Et amisso vocis officio prae timore,
 5) tum, cum orare deberet, maiorem misericordiam
 movit, conatus aliquoties; parumque, impediēte
 singultu, permissus explicare, quae poscebat. Re- 10
 creatus denique tandem, iussusque exsurgere, ge-
 nibus nixus usu linguae recuperato, concessionem
 delictorum sibi tribui supplicavit et veniam: eoque
 ad precandum admissa multitudo, cuius ora formi-
 do muta clauderat, periculo adhuc praestantioris
 ambiguo: ubi ille solo iussus attolli, orandi signum
 expectantibus diu monstravit, omnes clypeis telis-
 que proiectis manus precibus dederunt, plura ex-
 cogitantes, ut vincerent humilitate supplicandi re-
 galem. Duxerat potior cum caeteris Sarmatis etiam 11
 6) Rumonem, et Zinafrum, et Fragiledum subregu-
 los, plurimosque optimates, cum 7) impetrandi spe
 similia petituros. Qui, licet elati gaudio salutis
 indultae, conditionum sarcina compensare inimice
 facta pollicebantur, seque cum facultatibus et libe-
 ris et coniugibus terrarumque suarum ambitu, Ro-
 manae potentiae libenter 8) offerrent: praevaluit
 tamen aequitati iuncta benignitas: iussique obtinere
 sedes impavidi, nostros reddidere captivos. Duxe-
 runtque obsides postulatos, et obedire praeceptis
 deinde promptissime sponponderunt. Hortante hoc 12
 exemplo clementiae, advolarunt regales cum suis
 omnibus Araharius et Ufaser, inter optimates ex-
 cellentes, agminum gentilium duces, quorum alter
 9) Transiugitanorum 10) Quadorumque parti, alter
 quibusdam Sarmatis praeerat, locorum confiniis et
 feritate iunctissimis: quorum plebem veritus Impe-
 rator, ne ferire foedera simulans, in arma repente
 confurgeret, discreto consortio, pro Sarmatis obse-

5) *Steph.* dum eum. 6) *Mf.* Rumorem. 7) *Mf.* impetrandi
 specie. 8) *Steph.* offerrent. 9) *Transfugitanorum.* 10) *ro que*
deest al.

- crantes iussit paullisper abscedere, dum ¹¹⁾ Araharii
 13 et Quadorum negotium spectaretur. Qui cum eorum ritu oblatis, stantes curvatis corporibus, facinora gravia purgare non possent, ultimae fortis infortunia metuentes, dederunt obsides imperatos, numquam antea pignora foederis exhibere compulsi.
 14 His ex aequo bonoque compositis, Usafer in preces admissus est: Arahario pertinaciter obstrepente, firmanteque, pacem, quam ipse meruit, ei quoque debere proficere, ut participi, licet inferiori, et
 15 obtemperare suis imperiis consueto. Verum quaestione discussa, aliena potestate eripi Sarmatae iussi, ut semper Romanorum clientes, offerre obsides, quietis vincula conservandae, gratanter amplexi
 16 sunt. Ingerebat autem se post haec maximus numerus catervarum confluentium nationum et regum, suspendi a iugulis suis gladios obsecrantium, postquam Araharium impune compererant abscessisse: et pari modo ipsi quoque adepti pacem, quam poscebant, accitos ex intimis regni procerum filios, obsidatus sorte opinione celerius obtulerunt; itidemque captivos, ut placuerat, nostros, quos haud minori genitu perdidere quam suos.
 17 Quibus ordinatis, translata est in Sarmatas cura, miseratione dignos potius quam similitate: quibus incredibile quantum prosperitatis haec attulit causa: ut verum illud existimetur, quod opinantur quidam,
 18 fatum vinci principis potestate, vel fieri. Potentes ¹²⁾ olim ac nobiles erant huius indigenae regni, sed coniuratio clandestina servos armavit in facinus. Atque ut barbaris esse omne ius in viribus adsuevit, vicerunt dominos ferocia pares, sed numero praeminentes. Qui, confundente metu consilia, ad Victohalos discretos longius confugerunt, obsequi defensoribus, ut in malis, optabile, quam servire

11) Ms. Barbarii. 12) *al.* olim ignobiles.

suis mancipiis arbitrati: quae deplorantes post im-
 petratam veniam recepti in fidem, poscebant prae-
 fidia liberati: ¹³⁾ eosque iniquitate rei permotus,
 inspectante omni exercitu, convocatos adloquutus
 verbis mollioribus Imperator, nulli nisi sibi duci-
 busque Romanis ¹⁴⁾ parere praecepit. Atque ut re- ²⁰
 stitutio libertatis haberet dignitatis augmentum,
 Zizaim regem iisdem praefecit, conspicuae fortu-
 nae tum insignibus aptum profecto, ut res docuit,
 et fidelem: nec discedere quisquam post haec
¹⁵⁾ gloriose gesta permixtus est; antequam (ut placue-
 rat) remearent nostri captivi. His in barbarico ²¹
 gestis, Bregetionem castra commota sunt: ut etiam
 ibi belli Quadorum reliquias, circa illos agitantium
 tractus, lacrymae vel sanguis exstingeret. Quo-
 rum regalis Vitrodorus Viduarii filius regis, et Agi-
 limundus subregulus, alique optimates, et iudices
 variis populis praesidentes, viso exercitu in gremio
 regni solique genitalis, sub gressibus iacuerunt mili-
 tum, et adepti veniam iussa fecerunt: sobolemque
 suam obsidatus pignore, ut obsequuturi conditioni-
 bus impositis, tradiderunt: eductisque mucroni-
 bus, quos pro numinibus colunt, iuravere se per-
 mansuros in fide.

XIII. His (ut narratum est) secundo finitis even-
 tu, ad ¹⁾ Limigantes Sarmatas fervos ocius signa
 transferri utilitas publica flagitabat, quos erat ad-
 modum nefas, impune multa et nefaria perpetrasse.
 Nam velut oblitum priorum, tunc erumpentibus libe-
 ris, ipsi quoque tempus aptissimum nacti, limitem
 perrupere Romanum, ad hanc solam fraudem do-
 minis suis hostibusque concordem. Deliberatum est ²⁾
 tamen id quoque lenius vindicari, quam criminum
 magnitudo poscebat, hactenus ultione porrecta, ut

¹³⁾ Steph. eosque. ¹⁴⁾ Mf. parcere. ¹⁵⁾ Mf. gloriosa. ¹⁾
 Steph. Limitantes.

ad longinqua translati amitterent copiam nostra
vexandi: quos pericula formidare monebat scele-
3 rum conscientia diutius commissorum. Ideoque in
se pugnae molem suspicati vertendam, dolos para-
bant, et ferrum, et preces. Verum adspectu primo
exercitus tamquam fulminis ictu perculsi, ultima-
que cogitantes, vitam precati, tributum annuum,
delectumque validae iuventutis, et servitium spo-
ponderunt: abnuere parati, si iuberentur aliorum
migrare, ut gestibus indicabant et vultibus, loco-
rum confisi praesidio, ubi lares possi exactos.²⁾ do-
4 minos fixere securi. Has enim terras Parthiscus
irruens, obliquatis meatibus Istro miscetur. Sed
dum solus licentius fluit, spatia longa et lata sensim
praeterlabens, et ea coartans prope exitum in an-
gustias, accolae ab impetu Romanorum alveo Da-
nubii defendit, a barbaricis vero excursibus suo
tutos praestat obstaculo: ubi pleraque humidioris
soli natura et incrementis fluminum redundantia,
stagnosa et referta salicibus, ideoque invia nisi per-
quam gnaris: et super his insularem amfractum
aditu Parthisci paene contiguum amnis potior amb-
5 iens, terrae consortio separavit. Hortante igitur
principe, cum genuino fastu ad citeriorem venere
fluminis ripam, ut exitus docuit, non iussa facturi,
sed ne viderentur militis praesentiam formidasse:
stabantque contumaciter, ideoque propinquasse
6 monstrantes, ut iubenda repudiarent. Quae Im-
perator accidere posse contemplans, in agmina plu-
rima clam distributo exercitu, celeritate volucris
migrantes³⁾ intra suorum acies clausit. Stansque
in aggere celsiore cum paucis, et stipatorum prae-
sidio tectus, eos, ne ferocirent, lenius admonebat.
7 Sed fluctuantes ambiguitate mentium, in diversa
rapiebantur, et furori mista versutia tentabant cum

2) *ro inde deest* ML. 3) *Steph.* intra vallum.

precibus proelium: vicinumque sibi ⁴⁾ in nostros parantes excursum, proiecere consulto longius scuta, ut ad ea recuperanda sensim progressi, sine ullo fraudis indicio spatia furarentur.

Iamque vergente in vespertum die, cum moras ⁸ rumpere lux moneret excedens, erectis vexillis, in eos igneo miles impetu ferebatur: qui ⁵⁾ conferti, acieque densiore contracta, adversus ipsum principem stantem (ut dictum est) altius, omnem impetum contulerant, eum oculis ⁶⁾ incessentes et vocibus truculentis. Cuius furoris amentiam exercitus ⁹ ira ferre non potuit, eosque Imperatori, ut dictum est, acriter imminentes, desinente in angustum fronte, quem habitum caput porci simplicitas militaris adpellat, impetu disiecit ardenti: et dextra pedites catervas peditum obtruncabant; equites laeva equitum se turmis agilibus infuderunt. Cohors ¹⁰ praetoria ex adverso Augustum cautius stipans, resistentium pectora, moxque terga fugientium ⁷⁾ incidebat: et cadentes insuperabili contumacia barbari, non tam mortem ⁸⁾ dolere, quam nostrorum laetitiam horrendo stridore monstrabant: et iacentes, absque mortuis, plurimi succisis poplitibus, ideoque adempto fugiendi subsidio; alii dextris amputatis; nonnulli ferro quidem intacti, sed ⁹⁾ supervenientium collisi ponderibus, cruciatus alto silentio perferebant. Nec eorum quisquam inter diversa ¹¹ supplicia veniam petiit, aut ferrum proiecit, aut exoravit celerem mortem: sed arma iugiter retinentes, licet afflicti, minus criminis aestimabant, alienis ¹⁰⁾ viribus potius, quam conscientiae suae iudicio vinci: mussantesque audiebantur interdum, fortunae non meriti fuisse, quod evenit. Ita in semi-

4) *al.* in nocturnos. 5) *Steph.* conversi. 6) *al.* incessentibus.

7) *al.* caedebat. 8) *Steph.* dolere. 9) *Steph.* supervenientium.

10) *τὸ* potius deest *al.*

horae curriculo discrimine proeliorum emenso, tot procubuere subito barbari, ut pugnam fuisse sola victoria declararet.

- 12 Vix dum populis hostilibus stratis, gregatim peremptorum necessitudines ducebantur humilibus extractae tuguriis, aetatis sexusque promiscui: et fastu vitae prioris abolito, ad infimitatem obsequiorum venire servilium: et exiguo temporis intervallo decurso, caesorum aggeres, et captivorum agmina
- 13 cernebantur. Incitante itaque fervore certaminum fructuque vincendi, confurrectum est in perniciem eorum, qui deseruere proelia, vel in tuguriis latitantes occultabantur. Hos, cum ad loca venisset avidus barbarici sanguinis miles, disiectis culmis levibus obtruncabat: nec quemquam casa vel trabibus compacta firmissimis periculo mortis extraxit.
- 14 Denique, cum inflammarentur omnia, nullusque latere iam posset, cunctis vitae praefidiis circumcisis, aut obstinate igni peribat absumptus, aut incendium vitans ¹¹⁾ egressusque, uno supplicio de-
- 15 clinato, ferro sternebatur hostili. Fugientes tamen aliqui tela incendiorumque magnitudinem, amnis vicini se commisere gurgitibus, peritia nandi ripas ulteriores occupare posse sperantes: quorum plerique submersi necati sunt, alii iaculis periere confixi: adeo ut abunde cruore diffuso meatus fluminis spumaret immenli: ita per elementum utrumque Sarmatas vincentium ira virtusque delevit.
- 16 Placuerat igitur post hunc rerum ordinem cunctis adimi spem omnem vitaeque solatium: et post lares incensos raptasque familias, navigia iussa sunt colligi, ad indagandos, quos a nostrorum acie ulte-
- 17 rior discreverat ripa. Statimque, ne alacritas intepesceret pugnatorum, impositi linitibus per abdita ducti, velites expediti, occuparunt latibula

11) Steph. egressusque.

Sarmatarum: quos repentinus fefellit adſpectus, gentiles lembos et nota remigia conſpicientes. Ubi 18 vero procul micantibus telis, quod verebantur, propinquare ſenſerunt, ad 12) ſuffugia locorum paluſtrium ſe contulerunt: eosque ſequutus infeſtus miles, caeſis plurimis ibi victoriam reperit, ubi nec caute poſſe conſiſtere, nec audere aliquid credebatur. Poſt abſumptos paene diffuſosque Ani- 19 cenſes, petiti ſunt ſine mora Picenſes, ita ex regionibus adpellati conterminis: quos tutiores fecere ſociorum aerumnae, rumorum adſiduitate comper-
tae. Ad quos opprimendos (erat enim arduum ſequi per diverſa conſperſos, imprudentia viarum arcente) Taſalorum auxilium, et liberorum adaeque Sarmatarum adſumptum eſt. Cumque auxiliorum 20 agmina locorum ratio ſepararet, tractus contiguos Moeſiae ſibi miles elegit; Taſali proxima ſuis ſedi- bus obtinebant; liberi terras occupaverant e regione ſibi oppoſitas.

13) Limigantes territi 14) recentibus ſubactorum 21 exemplis 15) et proſtratorum, diu haefitabant ambiguis mentibus, utrum oppeterent an rogarent, cum utriusque rei ſuppeterent documenta non levia. Vicit tamen ad ultimum coetu ſeniorum urgente, dedendi ſe conſilium: variaeque palmae victoriarum acceſſit eorum quoque ſupplicatio, qui armis libertatem invaſerant: et reliqui eorum cum precibus, ut ſuperatos et imbelles dominos adſpernati, fortioribus viſis inclinavere cervices. Accepta itaque pu- 22 blica fide, et deſerto montium propugnaculo, ad caſtra Romana convolavit eorum pars maior, diſfuſa per ſpatia ampla camporum, cum parentibus, et natis, atque coniugibus, opumque vilitate, quam eis celeritatis ratio 16) furari permilit. Et, qui 23

12) *al.* ſuffragia. 13) *Mf.* Limitantes. 14) *ro* recentibus *Mf.* deſt. 15) *Mf.* et ſubacrum proſtratorum. 16) *Mf.* futurari.

animas amittere potius, quam cogi solum vertere putabantur, dum licentem amentiam libertatem existimarent, parere imperiis, et sedes alias suscipere sunt adseculi tranquillitas et fidas: ut nec bellis vexari, nec mutari seditionibus possint. Iisdemque ex sententia, ut credebatur, acceptis, quievere paullisper, post feritate uativa in ¹⁷⁾ exitiale scelus erecti, ut congruo docebitur textu.

- 24 Hoc rerum prospero currente successu, tutela Illyrico competens gemina est ratione firmata: cuius negotii duplicem magnitudinem Imperator adgressus, utramque ¹⁸⁾ perfecit. Exfules populos, licet mobilitate ¹⁹⁾ suspectos, acturos tamen paullo verecundius, tandem reductos in avitis sedibus collocavit. Iisdemque ad gratiae cumulum, non ignobilem quempiam regem, sed quem ipsi antea sibi praefecere, regalem imposuit, bonis animi corporisque praestantem. Tali textu recte factorum, Constantius iam metuente sublimior, militarique consensu secundo Sarmaticus adpellatus ex vocabulo subactorum, iamque discessurus, convocatis cohortibus, et centuriis, et manipulis omnibus, tribunal insistens, signisque ambitus et aquilis, et agmine multiplicium potestatum, his exercitum adlocutus est, ore omnium favorabilis, ut solebat: *Hortatur recordatio rerum gloriose gestarum, omni iucunditate viris fortibus gratior, admodum verecunde replicare, quae divinitus delata sorte vincendi, et ante proelia, et in ipso correximus fervore pugnarum, Romanae rei fidissimi defensores. Quid enim tani pulcrum, tamque posteritatis memoriae iusta ratione mandandum, quam ut miles strenue factis,*
- 26 *ductor prudenter consultis exsultet? Persultabat*
- 27 *Illyri-*

17) Mf. exitiale. 18) Steph. perfecit infidis. Exules. 19) Mf. supra res.

Illyricum furor hostilis, absentiam nostram inanitate tumentis despiciens, dum Italos tueremur et Gallos: variisque discursibus vastabat extrema limitum: nunc ²⁰⁾ cavatis roboribus, aliquoties peragrans pedibus flumina, non congressibus, nec armis fretus aut viribus, sed latrocinii adjuvetus occultis, astu et ludificandi varietate iam inde ab instituta gente ²¹⁾ nostris quoque maioribus formidatus: quae longius disparati, qua ferri poterant, tulimus, leviores iacturas efficacia ducum vetari posse sperantes. Ubi vero per licentiam scandens in maius, ad ²⁸ funestas provinciarum clades erepsit et crebras: communitis aditibus Raeticis, tutelaque pervigili Galliarum securitate fundata, terrore nullo relicto post terga, venimus in ²²⁾ Pannonias, ut placuit ²³⁾ numini sempiterno, labentia firmaturi: cunctisque paratis, ut nostis, vere adulto egressi, arripuimus negotiorum maximas moles: primum, ne firuendo textis compagibus ponti telorum officeret multitudo: quod opera levi perfecto, visis terris hostilibus et calcatis, obstinatis ad mortem animis conatos resistere Sarmatas absque nostrorum dispendio stravimus: parique petulantia ruentes in agmina nobilium legionum Quados, Sarmatis adiumenta ferentes, attrivimus. Qui post aerumnosa dispendia inter discursus et repugnandi minaces anhelitus, quid nostra valeat virtus, experti, manus ad dimicandum paratas, armorum abiecto munimine, pone terga vinxerunt: restareque solam salutem contemplantas in precibus, adfusi sunt vestigiis Augusti clementis, cuius proelia saepe compererant exitus habuisse felices. His sequestratis, Limigantes quo- ²⁹ que fortitudine superavimus pari: interfectisque pluribus, alios periculi declinatio adegit suffugia

²⁰⁾ Steph. nauticis roboribus. ²¹⁾ Steph. nostrisque. ²²⁾ al. Paannoniam. ²³⁾ Mf. nomini.

- 30 *petere latebrarum palustrium. Hisque secundo finitis eventu, lenitatis tempus aderat tempestivae. Limigantes ad loca migrare compulimus longe discreta, ne in perniciem nostrorum se commovere possent ulterius: et pepercimus plurimis; et Zizaim praefecimus liberis, dicatum nobis futurum et fidum, plus aestimantes creare, quam auferre barbaris regem: hoc decore augente sollemnitatem, quod iisdem quoque rector tributus, antehac electus est et*
- 31 *acceptus. Quadruplex igitur praemium, quod unus procinctus absolvit, nos quaesivimus et res publica, primo ultione parta de grassatoribus noxiis; deinde, quod vobis abunde sufficient ex hostibus captivi. His enim virtutem oportet esse contentam,*
- 32 *quae sudore quaesivit et dexteris.* ²⁴⁾ *Nobis amplae facultates, opumque sunt magni thesauri: integra omnium patrimonia, nostri labores et fortitudo servarint. Hoc enim boni Principis menti, hoc*
- 33 ²⁵⁾ *successibus congruit prosperis. Postremo ego quoque hostilis vocabuli spoliū prae me fero, secundi Sarmatici cognomentum, quod vos unum idemque sentientes, mihi (ne sit arrogans dicere) merito tribuistis.*
- 34 *Post hunc dicendi finem, concio omnis alacrior solito, aucta spe potiorum et lucris, vocibus festis in laudes Imperatoris adsurgens, deumque ex usu testata, non posse Constantium vinci, tentoria repetit laeta. Et reductus Imperator ad regiam, otioque bidui recreatus, Sirmium cum pompa triumphali regressus est, et militares numeri destinatas remearunt sedes.*
- 1 **XIV.** *Hisce iisdem diebus Prosper, et Spectatus, atque Eustathius, legati ad Persas, ut supra docuimus, missi, Ctesiphonta reversum regem adie-re, litteras proferentes Imperatoris et munera:*

24) *al. Nobis amplas.* 25) *Steph. sensibus.*

poscebantque rebus integris pacem, et mandatorum memores nusquam ab utilitate Romanae rei maiestateque discedebant, amicitiae foedus sub hac lege firmari debere adseverantes, ne super turbando Armeniae vel Mesopotamiae statu quidquam moveretur. Diu igitur ibi morati, cum obstinatissimum² regem, nisi harum regionum dominio sibi adiudicato, obdurescentem ad suscipiendam cernerent pacem, negotio redierunt infecto. Post quod,³ id ipsum conditionum robore pari impetraturi, Lucillianus missus est comes, et Procopius tunc notarius, qui postea nodo quodam violentae necessitatis adstrictus, ad res confurrexit novas.

A M M I A N I M A R C E L L I N I
R E R U M G E S T A R U M
L I B E R X V I I I .

Julianus C. Gallorum commodis consulit, et ubique ab omnibus ius servandum curat. C. I. castellorum ad Rhenum quae receperat, moenia reparat: Rhenum transit, et hostili Alamanniae parte vastata V. Alamannorum reges ad pacem petendam et captivos reddendos compellit. II. Barbationi magistro peditum et uxori eius cur capita abscissa sint iussu Constantii A. III. Rex Persarum Sapor Romanos totis viribus adgredi parat. IV. Antoninus protector cum suis omnibus ad Saporem transfugit: eumque in bellum Romanum sponte iam motum impellit. V. Ursicinus magister militum ex oriente evocatus, cum iam venisset in Thraciam, remittitur in Mesopotamiam: quo reversus, per Marcellinum Saporis adventum explorat. VI. Sapor cum Chionitarum et Albanorum regibus Mesopotamiam intrat. Romani suos ipsi agros incendunt, agrestes in oppida compellunt, ac citeriorem ripam Euphratis castellis praefidiisque communiunt. VII. Septingenti equites Illyriciani necopinantes a Persis coniciuntur in fugam. Evadunt hinc Ursicinus, inde Marcellinus. VIII. Descriptio Amidae, et quot tum ibi legiones ac turmae in praesidio fuerint. IX. Sapor duo castella Romana in fidem recipit. X.

(A. C. 359.)

Haec per orbis varias partes uno eodemque anno sunt gesta. At in Galliis cum in meliorem statum res

1) essent, et Eusebium atque Hypatium fratres sublimarent vocabula consulum, Iulianus contextibus successibus clarus, apud hiberna, sequestratis interim sollicitudinibus bellicis, haud minore cura provinciarum fortunis multa conducentia disponebat: diligenter observans, ne quem tributorum sarcina praegravaret, neve potentia 2) praesumeret aliena, aut ii versarentur in medio, quorum patrimonialia publicae clades augebant, vel iudicum quisquam ab aequitate devia-²ret impune. Idque ea re 2 levi labore correxit, quod ipse iurgia dirimens, ubi causarum coge-³bat magnitudo vel personarum, erat indeclinabilis iustorum iniustorumque distinctor. Et licet multa sint eius laudanda in huiusmodi con-³trover-⁴siis, unum tamen sufficiet poni, ad cuius similitudinem acta vel dicta sunt. Numerium Nar-⁴bonensis paullo ante rectorem accusatum ut furem, inusitato cenforio 3) vigore pro tribunali palam admissis volentibus audiebat: qui cum 4) infitiatione defenderet obiecta, nec posset in quoquam confutari; Delphidius orator acerrimus vehementer eum impugnans, documentorum inopia percitus exclamavit: *Ecquis, florentissime Caesar, nocens esse poterit usquam, si negare 5) suffecerit?* contra quem Iulianus prudenter motus ex tempore, *Ecquis, ait, innocens esse poterit, si accusasse sufficiet?* Et haec quidem et huiusmodi multa civilia.

II. Egressurus autem ad procinctum urgentem, cum Alamannorum pagos aliquos esse reputaret hostiles, et aufuros immania, ni ipsi quoque ad caeterorum sterperentur exempla: haerebat anxius, qua vi, qua celeritate, cum primum ratio copiam tribuisset, rumore praecurso terras eorum invaderet repentinus.

1) *al.* esset. 2) *al.* praemeret. 3) *Mf.* vigore. 4) *Steph.* infitiatione. 5) *al.* suffecerit circa.

- 2 Seditque tandem multa et varia cogitanti, id tentare, quod utile probavit eventus. Hariobaudem vacantem tribunum fidei fortitudinisque notae, nullo conscio, legationis specie ad Hortarium miserat regem iam pacatum, ut exinde facile ad collimitia progressus eorum, in quos erant arma protinus commovenda, scitari possit, quid molirentur; 3 sermonis barbarici perquam gnarus. Quo fidenter ad haec patranda digresso, ipse anni tempore opportuno, ad expeditionem undique milite convocado profectus, id inter potissima mature duxit implendum, ut ante proeliorum fervorem civitates multo ante excisas introiret, receptasque communiret: horrea quinetiam exstrueret pro incensis, ubi condi posset annona, a Britannis sueta transferri. 4 Et utrumque perfectum, et spe omnium citius. Nam et horrea veloci opere surrexerunt, alimentorumque in iisdem satias condita: et civitates occupatae sunt septem: Castra Herculis, 1) Quadriburgium, Tricesimae, Novesium, Bonna, Antunnacum, et Bingio: ubi lacto quodam eventu etiam Florentius praefectus adparuit subito, partem militum ducens, et commeatum perferens copiam sufficientem usibus longis.
- 5 Post haec 2) impetrata, restabat adigente necessitatum articulo, receptarum urbium moenia reparari, nullo etiam tum inturbante: idque claris iudiciis adparet, ea tempestate utilitati publicae metu barbaros obedisse, rectoris amore Romanos.
- 6 Reges ex pacto superioris anni aedificiis habilia multa suis 3) misere carpentis: et auxiliarii milites semper munia spernentes huiusmodi, ad obsequendi sedulitatem Iuliani blanditiis 4) deflexi, quinquagenarias longioresque materias vexere cervicibus

1) *Mf.* Quadriburgi unius Novesio. *Steph.* Quadri Stricenfium Novesio. 2) *al.* imperata. 3) *al.* misere. 4) *Mf.* defluxi.

ingravate, et fabricandi ministeriis opem maximam contulerunt.

Quae dum diligenti maturantur effectu, Hario-7
baudes exploratis omnibus rediit, docuitque com-
perta. Post cuius adventum incitatis viribus omnes
venere Mogontiacum: ubi Florentio et Lupicino,
Severi successore, destinate certantibus per pontem
illic constitutum transiri debere; renitebatur firmis-
sime Caesar, adserens pacatorum terras non debere
calcari, ne, ut saepe contigit per incivilitatem mi-
litis occurrentia vallantis, abrupte foedera frange-
rentur.

Alamanni tamen omnes, quos petebat exerci-8
tus, confine periculum cogitantes, Suomarium
regem amicum nobis ex pactione praeterita monue-
runt minaciter, ut a transitu Romanos arceret.
Eius enim pagi Rheni ripis ulterioribus adhacrebant.
Quo testante, 5) resistere solum non posse:
in unum coacta 6) barbarica multitudo venit prope
Mogontiacum, 7) prohibitura viribus magnis exer-
citus, ne transmitteret flumen. Gemina itaque 9
ratione visum est habile, quod suaserat Caesar, ne
pacatorum terrae corrumperebatur, neve renitente
pugnacissima 8) plebe, pons cum multorum discrimine
iungeretur, iri in locum ad compaginandum
pontem aptissimum. Quod hostes sollertissime con-10
templati, per contrarias ripas leniter incedentes,
ubi nostros figere tentoria procul cernebant, ipsi
quoque noctes agebant exsomnes, custodientes per-
vigili studio ne transitus tentaretur. Verum cum 11
nostri locum adventarent provisum, vallo fossaque
quievere circumdati: et adscito Lupicino in consi-
lium, Caesar certis imperavit tribunis, ut trecen-
tenos pararent cum sudibus milites expeditos,

5) το resistere al. deest. 6) Mf. barbara. 7) Mf. prohibitus.
8) Mf. plebe.

quid agi, quove iri deberet, penitus ignorantes.
 12 Et collecti nocte provecta, impositique omnes, quos lusoriae naves quadraginta, quae tunc aderant solae, ceperunt, decurrere iubentur per flumen adeo taciti, ut etiam remi suspenderentur, ne barbaros sonitus excitaret undarum: atque mentis agilitate et corporum, dum hostes nostrorum ignes observant, adversas perrumpere ⁹⁾ limitis ripas.

13 Dum haec celerantur, Hortarius rex nobis antea foederatus, non novaturus quaedam, sed amicus finitimis quoque suis, reges omnes, et regales, et regulos ad convivium corrogatos retinuit, epulis adusque vigiliam tertiam gentili more extentis: quos discedentes inde, casu nostri ex improvviso adorti, nec interficere, nec corripere ullo ¹⁰⁾ genere potuerunt, tenebrarum equorumque adiumento, quo dubius impetus trufit abreptos: lixas vero vel servos, qui eos pedibus sequebantur, nisi quos exemit discrimine temporis obscuritas, occiderunt.

14 Cognito denique Romanorum transitu, qui tunc perque expeditiones praeteritas ibi levamen sumere laborum opinabantur, ubi hostem contingeret inveniri: perculsi reges eorumque populi, qui pontem, ne strueretur, studio servabant intento, metu exhorrescentes diffuse vertuntur in pedes: et indomito furore sedato, necessitudines opesque suas transferre longius festinabant. Statimque difficultate omni depulsa, ponte constrato, sollicitarum gentium opinione praeventa, visus in barbarico
 15 miles, per Hortarii regna transibat intacta. Ubi vero terras infestorum etiam tum tetigit regum, urens omnia rapiensque per medium rebellium solum grassabatur intrepidus.

Postque saepimenta fragilium penatium inflammata, et obtruncatam hominum multitudinem,

9) Mf. milites. 10) *al. modo.*

vifosque cadentes multos, aliosque supplicantes,
 cum ventum fuiffet ad regionem cui Capellatii, vel
 Palas nomen eft, ubi terminales lapides ¹¹⁾ Alaman-
 norum et ¹²⁾ Burgundiorum confinia diftinguebant,
 caftro funt pofita: ea propter, ut ¹³⁾ Macrianus et
 Hariobaudus germani fratres et reges, fufciperen-
 tur impavidi; qui propinquare fibi perniciem fen-
 tientes, venerant pacem anxiiis animis precaturi.
 Poft quos ftatim rex quoque Vadomarius venit, ¹⁶
 cuius erat domicilium contra Rauracos: fcriptisque
 Constantii principis; quibus commendatus eft ar-
 tius, allegatis, ¹⁴⁾ leniter fufceptus eft, ut decebat,
 olim ab Augufto in clientelam rei Romanae fuf-
 ceptus. Et Macrianus quidem cum fratre inter ¹⁷
 aquilas admiſſus et figna, ftupebat armorum virium-
 que varium decus, viſa tunc primitus, proque ſuis
 orabat. Vadomarius vero noſtris coalitus, utpote
 vicinus limiti, mirabatur quidem adparatum am-
 bitioſi procinctus, ſed vidiffe ſe talia ¹⁵⁾ ſaepe ab
 adoleſcentia meminerat prima. Libratis denique ¹⁸
 diu confiliis, concordia adſenſione cunctorum, Ma-
 criano quidem et Hariobauda pax eſt attributa:
 Vadomario vero; qui ſuam locaturus ſecuritatem in
 tuto, et legationis nomine precator venerat pro
¹⁶⁾ Urio, et Urficino, et Veſtralpo regibus, pacem
 itidem obſecrans, interim reſponderi non poterat,
 ne, ut ſunt fluxioris fidei barbari, poſt abitum re-
 creati noſtrorum, parum adquieſcerent per alios
 impetratis. Sed cum ipſi quoque miſſis legatis poſt ¹⁹
 meſſes incenſas et habitacula, captosque plures et
 interfectos, ita ſupplicarent, tamquam ipſi haec
 deliquiſſent in noſtros; pacem conditionum ſimili-
 tudine meruerunt. Inter quas id feſtignatum eſt

11) Mſ. Romanorum. 12) Burgundorum. 13) Mſ. Macrinus.
 14) Mſ. fufceptus eſt dicebat olim. 15) *re ab* Mſ. deeft. 16)
Steph. Vario.

maxime, ut captivos restituerent omnes, quos' raperant excurfibus crebris.

- ¹ III. Haec dum in Galliis caelestis corrigit cura, in comitatu Augusti turbo novarum exoritur rerum, a primordiis levibus ad luctus et lamenta progressus, in domo Barbationis pedestris militiae tunc rectoris, examen apes fecere perspicuum. Superque hoc ²) ei prodigiorum gnaros solliciti consulenti, discrimen magnum portendi responsum est, conjectura videlicet tali, quod hae volucres post compositas sedes opesque congestas, fumo pelluntur et ² turbulento sonitu cymbalorum. Huic uxor erat Assyria nomine, nec taciturna, nec prudens: quae eo ad expeditionem profecto et multiplici metu suspenso, ob ea, quae meminerat sibi praedicta, ²) perculsa vanitate ³) muliebri, ancilla adscita notarum perita, quam e patrimonio Silvani possederat, ad maritum scripsit intempestive, velut flens ⁴) obtestansque, ne post obitum Constantii propinquantem in imperium ipse, ut sperabat, admissus, despecta se, anteponeret Eusebiae matrimonium tunc reginae, decore corporis inter multas feminas excellentis. Quibus litteris occulte, quantum fieri potuit, missis, ancilla, quae domina dictante perscripserat, reversis omnibus e procinctu, exemplum ferens ad ⁵) Arbetionem noctis prima quiete confugit, avidaeque suscepta, chartulam prodidit.
- ⁴ Hocque indicio ille confusus, ut erat ad criminandum aptissimus, principi detulit: atque ex usu nec mora ulla negotio tributa nec quiete, Barbatio epistolam suscepisse confessus, et mulier scripsisse documento convicta non levi, cervicibus interiere ⁵ praecisis. Hisce punitis, quaestiones longe serpebant, vexatique multi nocentes sunt, et innocentes.

¹) *et* ei deest al. ²) al. praeculsa. ³) al. mulieri. ⁴) *et* que Mf. deest. ⁵) Mf. Barbetionem.

Inter quos etiam Valentinus ex primicerio protectorum tribunus, ut conscius inter complures alios tortus aliquoties supervixit, penitus, quid erat gestum, ignorans. Ideoque ad iniuriae periculique compensationem, ducis in Illyrico meruit potestatem.

Erat autem idem Barbatio subagrestis arrogantis et propositi, ea re multis exosus, quod et, dum domesticos protectores sub Gallo regeret Caesare, proditor erat et perfidus: et post eius excessum nobilioris militiae⁶⁾ fastu elatus, in Iulianum itidem Caesarem paria confingebat, crebroque, detestantibus bonis, sub Augusti patulis auribus multa garriebat et saeva. Ignorans profecto⁷⁾ vetus Aristotelis sapiens dictum, qui Callisthenem sectatorem et propinquum suum ad regem Alexandrum mittens, ei saepe mandabat, ut quam rarissime et iucunde apud hominem loqueretur, vitae potestatem et necis in acie linguae portantem. Ne sit hoc mirum, homines profutura discernere nonnumquam et⁸⁾ nocentia, quorum mentes cognatas caelestibus arbitramur, animalia ratione carentia salutem suam interdum alto tueri silentio solent: ut exemplum est hoc perquam notum. Linquentes Orientem⁹⁾ anferes ob calorem, plagamque petentes occiduam, cum montem penetrare coeperint Taurum aquilis abundantem; timentes fortissimas volucres, rostra lapillis occludunt, ne eis eliciat vel necessitas extrema clangorem: iisdemque collibus agiliore volatu transcurvis proiiciunt calculos, atque ita securius pergunt.

IV. Dum apud Sirmium haec diligentia quaeruntur impensa, Orientis fortuna periculorum terribiles tubas inflabat. Rex enim Perfidis ferarum gentium, quas placarat, adiumentis accinctus, au-

6) *al.* statu. 7) *al.* notum. 8) *al.* decencia. 9) *al.* grues.

gendique regni cupiditate supra homines flagrans, arma viresque parabat et commeatus, consilia tartareis manibus miscens, et ¹⁾ praestigiatores omnes consulens de futuris: hisque satis collectis, pervadere cuncta prima verni temperie cogitabat.

- 2 Et cum haec primo rumores, dein nuntii certi perferrent, omnesque suspensos adventantium calamitatum complicaret magna formido, ²⁾ Comitensis fabrica eamdem incudem (ut dicitur) diu noctuque tundendo ad spadonum arbitrium, Imperatori ³⁾ suspicaci ac timido intendebat Urficinum, velut vultus Gorgonei torvitatem: haec saepe taliaque replicans, quod interempto Sylvano, quasi paenuria meliorum ad tuendas partes Eoas denuo
3 missus, altius anhelabat. Hac autem adfentandi nimia foeditate mercari complures nitebantur Eusebii favorem, cubiculi tunc praepositi, apud quem (si vere dici debeat) multa Constantius potuit, antedicti magistri equitum salutem acriter impugnantis, ratione bifaria: quod omnium solus nec opis eius egebat, ut caeteri, et domo sua non cederet
4 Antiochiae, quam molestissime flagitabat. Qui ut coluber copia virus exuberans, natorum multitudinem etiam tum aegre serpentium excitans ad nocendum, emittebat cubicularios iam adultos: ut inter ministeria vitae secretioris, gracilitate vocis semper puerilis et blandae, apud principis aures nimium patulas existimationem viri fortis invidia gravi pulsarent: et brevi iussa fecerunt. Horum et similium taedio iuvat veterem laudare Domitianum, qui licet patris fratrisque dissimilis memoriam nominis sui inexprabili detestatione perfudit; tamen receptissima inclaruit lege, qua minaciter interdixerat, ne intra terminos iurisdictionis Romanae castraret quisquam puerum: quod ni contigisset, quis eorum

1) *Mf.* praestionis. 2) *al.* Comitensis. 3) *al.* suspicanti.

ferret examina, quorum ⁴⁾ paucitas difficile toleratur? Actum est tamen cautius, ne, ut fingebat, ⁶ rursus accitus idem Urficinus metu cuncta turbaret, sed cum ⁵⁾ fors copiam detulisset, raperetur ad mortem.

Haec opperientibus illis, et ancipiti cogitatione ⁷ districtis, nobis apud Samosatam, Commageni quondam regni clarissimam sedem, parumper morantibus, repente novi motus rumoribus densis audiuntur et ⁶⁾ confertis; quos docebit orationis progrediens ⁷⁾ textus.

V. Antoninus quidam ex mercatore opulento rationarius adparitor Mesopotamiae ducis; tunc protector, exercitatus et prudens, perque omnes illas notissimas terras, aviditate quorundam nexus ingentibus damnis, cum iurgando contra potentes se magis magisque iniustitia frangi contemplaretur, ad ¹⁾ deferendam potioribus gratiam, qui spectabant negotium, inclinatis: ne contra acumina calcitraret, flexit se in blanditias molliores: confessusque debitum, per colludia in nomen fisci translatum, iamque ausurus immania, rimabatur tectius rei publicae membra totius: et utriusque linguae literas sciens, circa ratiocinia versabatur, qui vel quarum virium milites ubi agant, vel procinctus tempore quos ²⁾ tuerentur, describens: itidem armorum et comineatuum copiae, aliaque usui bello futura, an abunde suppetant, indefessa scitatione percontans. Et cum totius Orientis didicisset interna, virorum stipendiique parte maxima per Illyricum distributa, ubi distinebatur ex negotiis seriis Imperator: adlapsuro iam praestituto die solvendae pecuniae, quam per syngrapham debere se confiteri vi metuque compulsus est, cum omnibus se prospici-

4) Mf. paritas. 5) *al.* fors. 6) *al.* concretis. 7) Mf. exitus.
1) *al.* differendam. 2) *Steph.* intuerentur.

ceret undique periculis opprimendum, largitionum Comite ad alterius gratiam infestius perurgente; fugam ad Persas cum coniuge, ³⁾ liberis, et omni vinculo caritatum ingenti molimine conabatur. Atque, ut lateret stationarios milites, fundum in Hiaspide, qui locus Tigridis fluentis adluitur, pretio non magno mercatur. Hocque commento cum nullus causam veniendi ad extremas Romani limitis partes, iam possessorem cum plurimis auderet exigere, per familiares fidos peritosque nandi occultis saepe colloquiis ⁴⁾ cum Tamsapore habitis, qui tractus omnes adversos ducis potestate tunc tuebatur, et antea cognitus, misso a Persicis castris auxilio virorum perniciem, lembis impositus, cum omni ⁵⁾ penatum dulcedine nocte concubia transfretat, ⁶⁾ re contraria, specie Zopyri illius similis Babylo-
nii proditoris.

4 Rebus per Mesopotamiam in hunc statum deductis, Palatina cohors palinodiam in exitum concinens nostrum, invenit tandem ansum nocendi fortissimo viro, auctore et incitatore coetu spadonum: qui feri et ⁷⁾ acidi semper, carentesque necessitudinibus caeteris, divitias solas ut filiolas iucundissimas amplectuntur. Stetitque sententia, ut Sabinianus vietus quidem senex et bene nummatus, sed imbellis et ignavus, et ab impetranda magisterii dignitate per obscuritatem adhuc longe discretus, praeficiendus Eois partibus mitteretur: Ursicinus vero curaturus pedestrem militiam, et successurus Barbationi, ad comitatum reverteretur, quo praefens rerum novarum avidus concitor, ut iactabant, a gravibus inimicis et metuendis incesceretur.

6 Dum haec in castris Constantii quasi per lustra aguntur et scenam, et diribitores venumdatae subito

3) *al.* liberisque. 4) *Mf.* cum tam sapore. 5) *al.* poenarum.
6) *Mf.* rex contrat. 7) *Mf.* et *Steph.* acidi.

potestatis pretium per potiores diffunditant domos, Antoninus ad regis hiberna perductus averter suscipitur: et apicis nobilitatus auctoritate (quo honore participantur mensae regales, et meritorum apud Persas ad suadendum ferendasque sententias in concionibus ora panduntur) non contis, nec⁸⁾ ry-mulco, ut aiunt [id est non flexiloquis ambagibus vel obscuris,] sed velificatione plena in rem publicam ferebatur: eundemque incitans regem, ut quondam Maharbal lentitudinis increpans Annibalem, posse eum vincere, sed victoria uti nescire, assidue praedicabat. ⁹⁾ Educatus enim in medio, ⁷ ut rerum omnium gnarus, auditorum nactus ¹⁰⁾ vigilis sensus, et aurium delectamenta captantes, nec laudantium, sed secundum Homericos Phaeacas cum silentio admirantium, iam inde quadragesimi anni memoriam replicabat: post bellorum assiduos casus, et maxime apud Hileiam et Singaram, ubi acerrima illa nocturna concertatione pugnatum est, nostrorum copiis ingenti strage confossis, quasi dirimente quodam medio feciali, Persas nondum Edessam nec pontes Euphratis tetigisse victores: quos armipotencia fretos successibusque magnificis, ita dilataste ¹¹⁾ decuerat rem, eo maxime tempore, quo diuturnis bellorum civilium motibus sanguis utrimque Romani roboris fundebatur.

His ac talibus subinde inter epulas sobrius per- ⁸ fuga, ubi de adparatu bellorum et seriis rebus apud eos Graiorum more veterum consultatur, regem incendebat ardentem, ut exacta hieme statim arma, fretus fortunae suae magnitudine, concitaret: ipse quoque in multis ac necessariis operam suam fidenter promittens.

8) Mf. ramulo. 9) *al.* eductus. 10) Mf. vigilia eius sensus.
11) Mf. decucratarent.

- 1 VI. Sub iisdem fere diebus Sabinianus adepta
 repentina potestate sufflatus, et Ciliciae fines ingres-
 sus, decessori suo Principis litteras dedit hortantis,
 ut ad comitatum dignitate adficiendus superiore
 citius properaret: eo necessitatum articulo, quo,
 etiam si apud Thulen moraretur Urlicinus, acciri
 eum magnitudo rerum ratione probabili flagitabat;
 utpote disciplinae veteris, et longo usu bellandi
 2 artis Persicae scientissimum. Quo rumore provin-
 ciis percitis, ordines civitatum et populi, decretis
 et acclamationibus densis, iniecta manu detinebant
 penes se publicum defensorem, memores, quod
 relictus ad sui tutelam cum inerti et umbratili mi-
 lite, nihil amiserat per decennium: simul metuen-
 tes salutem, quod tempore dubio, remoto illo, ad-
 3 venisse hominem compererant inertissimum. Cre-
 dimus, neque enim dubium est, per aërios trami-
 tes famam praepetem volitare, cuius indicio haec
 gesta paudente, ¹⁾ consiliorum apud Persas summa
 proponebatur: et multis ultro citroque deliberatis
 placuit, Antonino suadente, ut Urlicino procul
 amoto, despectoque novello duce, posthabitis civi-
 tatum perniciosis obliidiis, perrumperetur Euphra-
 tes, ireturque prorsus: ut occupari possint provin-
 ciae, fama celeritate praeventa, omnibus ante bel-
 lis (nisi temporibus Gallieni) intactae, paceque lon-
 gissima locupletes: cuius rei, prosperante deo, du-
 4 ctorem commodissimum fore spondebat. Laudato
 firmatoque concordii omnium voluntate consilio,
 conversisque universis ad ea, quae erant citius con-
 gerenda, commeatus, milites, arma, caeteraque
 instrumenta, quae poscebat procinctus adventans,
 perpetua hieme parabantur.
 5 Nos interea paullisper cis Taurum morati, ex
 imperio ad partes Italiae ²⁾ festinantes, prope
 flumen

1) *al.* conciliorum. 2) *al.* venientes festinantes.

flumen venimus Hebrum, ex Odrysarum montibus decurrentem: ibique Principis scripta suscepimus, iubentia omni ³⁾ cautione posthabita reverti Mesopotamiam sine adparitione, nullam expeditionem curaturi periculofam, ad alium omni potestate translata. Quod ideo per molestos formatores imperii struebatur, ut, si Persae frustra habitati redissent ad sua, ducis novi virtuti facinus adsignaretur egregium: si fortuna ⁴⁾ sequior ingruisset, Urscinus reus proditor rei publicae ⁵⁾ deferretur. Agitati igitur sine rationibus, diu cunctati, reverlique, fastidii plenum Sabinianum invenimus, hominem mediocris staturae, et parvi angustique animi, vix sine turpi metu sufficientem ad levem convivii, nedum ⁶⁾ proelii strepitum perferendum.

Tamen, quoniam speculatores adparatus omnes apud hostes fervere constanti adseveratione perfugis concinentibus adfirmabant, oscitante homunculo Nisibin propere venimus utilia paraturi, ⁷⁾ ne dissimulantes obsidium Persae civitati supervenirent incautae. Dumque intra muros maturanda perurge-
rentur, fumus micantesque ignes assidue a Tigride per castra Maurorum, et Sisara, et collimitia reliqua adusque civitatem ⁸⁾ continui perlucebant solito crebriores, erupisse hostium vastatorias manus superato flumine permonstrantes. Qua causa ne occuparentur itinera, celeri cursu praegressi, cum ad secundum lapidem venissemus, liberali forma puerum Torquatum, ut coniectabamus, octennem, in aggeris medio vidimus eiulantem, ingenni cuiusdam filium, ut aiebat: quem mater dum imminetium hostium terrore percita fugeret, impeditior trepidando reliquerat solum. Hunc dum imperatu ducis miserati commotique, impositum equo prae-

3) Ms. cautione. 4) Ms. aequior. 5) Ms. differretur. 6) Ms. proelio. 7) Ms. ni dissimulantes. 8) *re continui* Ms. deest.

me ferens ad civitatem reduco, circumvallato mu-
 11 rorum ambitu praedatores latius vagabantur. Et
 quia me obsidionales aerumnae terrebant, intra se-
 miclausam posticam exposito puero, nostrorum
 agmen agilitate volucris repetebam exanimis: nec
 12 multum fuit, quin caperer. Nam cum Abdigidum
 quemdam tribunum fugientem cum calone ala se-
 queretur hostilis, lapsoque per fugam domino ser-
 vum deprehensum, cum ego rapido ictu transirem,
 interrogassent, quisnam ⁹⁾ provectus sit iudex, au-
 dissentque Urficinum paullo ante urbem ingressum,
 montem Izalam ¹⁰⁾ petere: occiso indice, in unum
 quaesiti complures nos irrequietis cursibus secta-
 13 bantur. Quos cum iumentis agilitate praegressus,
 apud ¹¹⁾ Amudim munimentum infirmum disperdis
 per pabulum equis recubantes nostros securius in-
 venissem, porrecto ¹²⁾ extentius brachio, et summi-
 tatibus sagi contortis elatius, adesse hostes signo
 solito demonstrabam: iisdemque iunctus impetu
 14 communi ferebar, equo iam fatisciente. Terrebat
 autem nos plenilunium noctis, et planities supina
 camporum, nulla, si occupasset artior casus, lati-
 bula praebere sufficiens; ubi nec arbores, nec fru-
 tecta, nec quidquam praeter herbas humiles vise-
 15 batur. Excogitatum est ergo, ut ardente superpo-
 sita lampade, et circumligata, ne rueret, iumen-
 tum solum, quod eam vehebat, solutum sine re-
 ctore laevorsum ire permetteretur, cum nos ad
 montanos excessus dextra positos ¹³⁾ tenderemus;
 ut praelucere sebalem faciem duci lenius gradienti
 Persae credentes, eum tenerent potissimum cursum:
 quod nisi fuisset praevisum, circumventi et capti
 sub ditionem venissemus hostilem.

9) Mf. profectus. 10) Mf. petere indicem in unum. 11) Mf. Amudim. *al.* Amudum. 12) *al.* extentius. 13) Mf. extendere-
 mus.

Hoc extracti periculo, cum ad nemorosum 16
quemdam locum vineis arbutisque pomiferis con-
fitum, Meiacarire nomine venissemus, cui fontes
dedere vocabulum gelidi, lapsis accolis omnibus,
solum in remoto secessu latentem invenimus mili-
tem: qui oblatus duci, et loquutus varia prae ti-
more, ideoque suspectus, adigente metu, qui in-
tentabatur, pandit rerum integram fidem: docet-
que, quod apud Parisios natus in Galliis, et eque-
stri militans turma, vindictam quondam commissi
facinoris timens, ad Persas abierat profugus; exin-
deque morum probitate spectata sortita coniuge,
liberisque susceptis, speculatorem se missum ad
nostra, saepe veros nuntios reportasse. At nunc se
14) a Tamlapore et Nohodare optimatibus missum,
qui catervas ductaverant praedatorum, ad eos redi-
re, quae didicerat, perlaturum. Post haec, ad-
iectis quae agi in parte diversa norat, occiditur.

Proinde curarum crescente sollicitudine, inde 17
passibus citis Amidam pro temporis copia venimus,
civitatem postea sequutis cladibus inclytam. Quo
reversis exploratoribus nostris, in vaginae internis
notarum figuris membranam reperimus scriptam,
a Procopio ad nos perferri 15) mandatam, quem le-
gatum ad Persas antea missum cum comite Lucillia-
no praedixi: haec consulto obscurius indicantem,
ne captis baiulis, sensuque intellecto scriptorum,
excitaretur materia funestissima: *Amandatis procul* 18
Graiorum legatis, forsitan et necandis, rex longae-
vus non contentus Hellesponto, iunctis Granici et
16) *Ryndaci pontibus, Asiam cum numerosis popu-*
lis pervasurus adveniet, suoapte ingenio irritabilis et
asperrimus, auctore et incensore Hadriani quon-

L 2

14) Mf. a tam, sapore. 15) Mf. mandata tamquam. 16) Mf. Bandaci.

dam Romani Principis successore: actum et conclamatum est, ni caverit Graecia.

19 Qui textus significabat Persarum regem, transitis fluminibus Anzaba et Tigride, Antonino hortante dominium Orientis adfectare totius. His ob perplexitatem nimiam aegerrime lectis, consilium suscipitur prudens.

20 Erat eo tempore Satrapa Corduenae, quae obtemperabat potestati Persarum, Iovinianus nomine adpellatus, in solo Romano adulescens, nobiscum occulte sentiens: ea gratia, quod obsidatus forte in Syriis detentus, et dulcedine liberalium studiorum illectus, remeare ad nostra ardenti desiderio

21 gestiebat. Ad hunc missus ego cum centurione quodam fidissimo, exploratus noscendi gratia, quae gerebantur, per avios montes angustiasque praecipites veni. Visusque et agnitus, comiterque susceptus, causam praesentiae meae uni illi confessus, adiuncto taciturno aliquo locorum perito, mittor ad praecelsas rupes exinde longe distantes: unde nisi oculorum deficeret acies, ad quinquagesimum usque lapidem quodvis etiam minutissimum adpare-

22 bat. Ibi morati integrum biduum, cum sol tertius adfulsisset, cernebamur terrarum omnes ambitus subiectos, quos horizontas adpellamus, agminibus oppletos innumeris, et antegressum regem vestis claritudine rutilantem. Quem iuxta laevus incedebat 17) Grumbates Chionitarum rex, aetate quidem media, rugosisque membris, sed mente quadam grandifica, multisque victoriarum insignibus nobilis: dextera rex Albanorum, pari loco atque honore sublimis: post duces varii auctoritate et potestatibus eminentes: quos ordinum omnium multitudo sequebatur, ex vicinarum gentium roboribus lecta, ad tolerandam rerum asperitatem diuturnis

17) Ms. Grynates Chionitarum rex nobis quidem aetate.

casibus erudita. Quousque nobis Doriscum Thra-²³
ciae oppidum, et agminatim intra consaepta exer-
citus recensitos Graecia fabulosa narrabis? cum
nos cauti, vel, ut verius dixerim, timidi nihil ex-
aggeremus, praeter ea, quae fidei testimonia neque
dubia, neque incerta monstrarunt.

VII. Postquam reges Nineve Adiabene ingenti
civitate transmissa, in medio pontis Anzabae hostiis
caesis extisque prosperantibus transiere laetissimi,
coniectantes nos, residuam plebem omnem aegre
penetrare post triduum posse, citius exinde ad sa-
trapen reversi quievimus, hospitalibus officiis re-
creati. Unde per loca itidem deserta et sola, ma-²
gno necessitatis ducente solatio, celerius, quam
potuit sperari, reversi, confirmavimus animos hae-
sitantium, unum e navalibus pontem transisse reges
absque ulla circuitione perdoctos. Extemplo igitur
equites citi ¹⁾ mittuntur ad Cassianum Mesopo-
taniae ducem, rectoremque provinciae tunc Eu-
phronium, compulsuri agrestes cum familiis et pe-
coribus universis ad tutiora ²⁾ transire, et agiliter
deseri Carras oppidum, invalidis circumdatum mu-
ris: super his campos omnes incendi, ne pabulo-
rum suppeteret copia. Et imperatis sine mora⁴
completis, iniecto igne, furentis elementi vis maxi-
ma frumenta omnia, cum iam stipula flaverit turge-
rent, herbasque pubentes ita contorruit, ut adus-
que Euphratem ab ipsis marginibus Tigridis nihil
viride cerneretur. Tunc exustae sunt ferae com-
plures, maximeque leones per ea loca saevientes
immaniter, confumi vel caecari sueti paullatim hoc
modo. Inter harundineta Mesopotaniae fluminum⁵
et fructecta leones vagantur innumeri, clementia
hiemis ibi mollissimae semper innocui. At ubi

¹⁾ Ms. mittuntur tunc ad. ²⁾ Ms. et Steph. transire compelli
et agiliter.

solis radiis exarserit tempus, in regionibus aestu ambustis, vapore sideris et magnitudine culicum agitantur, quorum examinibus per eas terras refer-ta sunt omnia. Et quoniam oculos, quasi humida et lucentia membra, eadem adpetunt volucres, palpebrarum libramentis mordicus insidentes, iidem leonēs cruciati diutius, aut fluminibus merfi sorbentur, ad quae remedii causa confugiunt, aut amissis oculis, quos unguibus crebro lacerantes effodiunt, immanius ³⁾ efferafcunt: quod ni fieret, universus Oriens huiusmodi bestiis abundaret.

6 Dum campi cremantur (ut dictum est) tribuni cum protectoribus missi, citeriores ripas Euphratis castellis, et praeacutis sudibus, omnique praesidio-rum genere communibant, tormenta, qua non erat voraginosum, locis opportunis aptantes.

7 Dum haec celerantur, Sabinianus inter rapien-da momenta periculorum communium lectissimus moderator belli internecivi, per Edeffena sepulcra, quasi fundata cum mortuis pace nihil formidans, more vitae remissioris fluxius agens, militari pyr-richa sonantibus modulis pro histrionicis gestibus in silentio summo delectabatur, ominoso sane et incepto et loco. Cum haec et huiusmodi factu di-ctuque tristitia futuros praenuntiant motus, vitare optimum quemque debere saeculi progressionē di-

8 scamus. Interea reges Nisibi ⁴⁾ prostratione vili transmissa, incendiis arida nutrimentorum varietate crescentibus, fugitantes inopiam pabuli, sub mon-tium pedibus per valles gramineas incedebant.

9 Cumque Bebasen villam venissent, unde ad ⁵⁾ Con-stantinam usque oppidum, quod centesimo lapide disparatur, arescunt omnia siti perpetua, nisi quod in puteis aqua reperitur exilis; quid agerent diu

³⁾ Mf. efferafcunt. ⁴⁾ Mf. prostratione. ⁵⁾ Mf. Constan-tinam.

cunctati, iamque suorum ⁶⁾ duritiae fiducia transi-
turi, exploratore fido docente, cognoscunt Eu-
phratem nivibus tabefactis inflatum, late fusis gur-
gitibus evagari: ideoque vado nequaquam posse
transiri. Convertuntur ergo ad ea, quae ample-
ctenda fortuita daret occasio, spe concepta praeter
opinionem exclusi: ac proposito pro abrupto rerum
praesentium statu urgenti consilio, Antoninus di-
cere, quid sentiat, iussus orditur, flecti iter sua-
dens in dexterum latus, ut per longiorem circui-
tum, ⁷⁾ omnium rerum usu regionum feracium,
et consideratione ea, qua rectus pergeret hostis,
adhuc intactarum, castra duo praesidiaria Barzala
et Laudias peterentur sese ductante: ubi tenuis flu-
vius prope originem et angustus, nullisque adhuc
aquis advenis adulescens, facile penetrari poterit
ut vadofus. His auditis, laudatoque suatore, et ¹¹
iussu ducere, qua norat, agmina cuncta ab institu-
to itinere conversa praeivium sequebantur.

VIII. Quo certis speculationibus cognito, nos
disposuimus properare Samosata, ut superato exin-
de flumine, pontinumque apud Zeugma et Caper-
sana iuncturis abscissis, hostiles impetus, si iuvisset
fors ulla, repelleremus. Sed contigit atrox et si-
lentio omni dedecus obruendum. Namque duarum
turmarum equites circiter septingenti, ad subsidium
Mesopotamiae recens ex Illyrico missi, enerves et
timidi, praesidium per eos traductus agentes, no-
cturnasque paventes infidias, ab aggeribus publicis
vesperi, quando custodiri magis omnes tramites
conveniret, longius discedebant. Hocque obser-
vato, eos vino oppressos et somno, viginti millia
fere Persarum, Tamsapore et Nohodare ductanti-
bus, nullo prospiciente transgressa, post tumulos
celfos vicinos Amidae occultabantur armata.

6) Mf. duritia. 7) Mf. omnem rerum usu regionem inferacium.

4 Moxque (ut dictum est) cum abituri Samosatam luce etiam tum dubia pergeremus, ab alta quadam specula radiantium armorum splendore praestricti, hostesque adesse excitatus clamitantes, ligno dato, quod ad proelium solet hortari, resistimus conglobati: nec fugam capessere, cum essent iam in con-
 5 mortis cautum existimantes. Denique ex ultima necessitate manibus iam conferendis, cum, quid agi oporteat, cunctaremur, occiduntur quidam nostrorum temere procurstantes: et urgente utraque parte, Antoninus ambitiose praegrediens agmina, ab Urlicino agnitus, et obiurgatorio sono vocis increpitus, proditorque et nefarius adpellatus, subla-
 6 ta tiara, quam capiti summo ferebat honoris insigne, defiluit equo: curvatisque membris, humum vultu paene contingens, salutavit, patronum adpellans et dominum, manus ¹⁾ post terga connectens, quod
 7 apud Assyrios supplicis indicat formam: Et, *ignosce mihi*, inquit, *amplissime Comes, necessitate, non voluntate ad haec, quae novi, scelesti prolapsa: egere me praecipitem flagitatores, ut nosti: quorum avaritiae ne tua quidem excelsa illa fortuna, propugnans miseriis meis, potuit refragari.* Simul haec dicens, e medio prospectu abscessit, non
 8 averfus, sed dum evanesceret verecunde retrogradens, et pectus ostentans.

7 Quae dum in curriculo semihorae aguntur, post-
 8 signani nostri, qui tenebant editiora collis, exclamant aliam cataphractorum multitudinem equitum pone visam, celeritate quammaxima propinquare.
 8 Atque, ut in rebus solet adflictis, ambigentes, cui nam deberet aut posset occurri, trudente pondere plebis immensae, passim, qua cuique proximum

1) Mf. post terga.

videbatur, diffundimur universi. Dumque se quisque expedire discrimine magno conatur, sparsim disiecti hosti concursatori miscemur. Itaque, spre-9
ta iam vivendi cupiditate, fortiter decernentes, ad ripas pellimur Tigridis alte excisas. Unde quidam praecipites pulsi, implicantibus armis haeserunt, ubi vadofus est amnis: alii ²⁾ lacunarum hausti vertigine vorabantur: nonnulli cum hoste congressi, vario eventu certabant: quidam cuneorum densitate perterriti, petebant proximos Tauri montis excessus. Inter quos dux ipse agnitus, pugnatorum-10
que mole circumdatus, cum Aiadalthe tribuno, caloneque uno, equi celeritate ereptus abscessit.

Mihi, dum avius ab itinere comitum, quid age-11
rem, circumspicio, Verennianus domesticus protector occurrit, femur sagitta confixus: quam dum avellere obtestante collega conarer, cinctus undique antecedentibus Persis, civitatem petebam anhelato cursu rependo, ex eo latere, quo incessebamus, in arduo sitam, unoque adscensu perangusto meabilem, quem scissis collibus molinae ad calles artandas aedificatae, densius constringebant. Hic 12
misti cum Persis, eodem ictu procurrentibus ad superiora nobiscum, adusque ortum alterius solis immobiles stetimus ita conferti, ut caesorum cadavera multitudine fulta reperire ruendi spatium nusquam possent: utque miles ante me quidam discriminato capite, quod in aequas partes ictus gladii fiderat validissimus, in stipitis modum undique coartatus haereret. Et licet multiplicia tela per tormento-13
rum omnia genera volarent e propugnaculis, hoc tamen periculo murorum nos propinquitas eximebat: tandemque per posticam ingressus, refertam inveni confluyente ex finitimis virili et muliebri sexu. Nam et casu illis ipsis diebus, in suburbanis pere-

2) Mf. lacunarium.

grina commercia circumacto anno solita celebrari,
 14 multitudo convenarum augebat agrestium. Interea
 sonitu vario cuncta miscentur, partim amissos ge-
 mentibus, aliis cum exitio faucis, multis caritates
 diversas, quas prae angustiis videre non poterant,
 invocantibus.

IX. Hanc civitatem olim perquam brevem,
 Caesar etiam tum Constantius, ut accolae suffugium
 possint habere tutissimum, eo tempore, quo Anto-
 ninupolim oppidum aliud struxit, turribus circum-
 dedit amplis et moenibus: locatoque ibi conditorio
 muralium tormentorum, fecit hostibus formidatam,
 2 suoque nomine voluit appellari. Et a latere qui-
 dem australi, geniculato Tigridis meatu subluitur
 propius emergentis: qua Euri opponitur flatibus,
 Mesopotamiae plana despectat: unde Aquiloni ob-
 noxia est, Nymphaeo amni vicina, verticibus Tau-
 rinis umbratur, gentes Transtigritanas dirimenti-
 bus et Armeniam: spiranti Zephyro contraversa
 Gumathenam contingit, regionem uberem et cultu
 iuxta fecundam: in qua vicus est Abarne nomine,
 fospitalium aquarum lavacris calentibus notus. In
 ipso autem Amidae meditullio sub arce fons dives
 1) exundat, potabilis quidem, sed vaporatis aesti-
 3 bus nonnumquam faetens. Cuius oppidi praefidio
 erat semper quinta Parthica legio destinata, cum
 indigenarum turma non contemnenda. Sed tunc
 ingruentem Persarum multitudinem sex legiones
 raptim percursis itineribus antegressae, muris adsti-
 tere firmissimis; Magnentiaci et Decentiaci, quos
 post consummatos civiles procinctus, ut fallaces et
 turbidos ad Orientem venire compulit Imperator,
 ubi nihil praeter bella timetur externa: et 2) Trice-
 simani Decimanique Fortenses, et superventores
 atque praeventores cum Aeliano iam Comite, quos

1) *al.* exudat. 2) *Mf.* Tricesimani.

tirones tum etiam novellos, hortante memorato adhuc protectore erupisse a Singara, Persasque fufos in fomnum retulimus trucidasse complures. Aderat comitum quoque fagittariorum pars maior,⁴ equeftres videlicet turmae ita cognominatae, ubi merent omnes ingenui barbari, armorum viriumque firmitudine inter alios eminentes.

X. Haec dum primi impetus turbo conatibus agitatur inſperatis, rex cum populo ſuo gentibusque, quas ductabat, a Bebaſe loco itinere flexo dextrorſus, ut monuerat Antoninus, per Horren et ¹⁾ Meiacarire et Charcha, ut tranſiturus Amidam, cum prope caſtella Romana veniſſet, quorum unum Roman, alterum Buſan adpellatur, perſugarum indicio ²⁾ didicit, multorum opes illuc translatas ſervari, ut in munimentis praecellſis et fidis: additumque eſt, ibi cum ſuppellectili pretioſa inveniri feminam pulcram cum filia parvula, Craugaſii Niſibeni cuiusdam uxorem, in municipali ordine genere, fama, potentiaque circumſpecti. Aviditate itaque rapiendi aliena feſtinans, petit impetu fidenti caſtella: unde ſubita animi conſternatione defenſores armorum varietate praeftriſti, ſe cunctosque prodidere, qui ad praefidia confugerunt, et digredi iuſſi, confeſtim claves obtulere portarum: patefactisque aditibus, quidquid ibi congeſtum erat, eruitur: et productae ſunt attonitae ³⁾ metu mulieres, et infantes matribus implicati, graves aerumnas inter initia tenerioris aetatis experti. Cumque rex, percontando, cuiusnam coniunx eſſet, Craugaſii comperiſſet, vim in ſe metuentem prope venire permiſit intrepidam, et viſam opertamque aduſque labra ipſa atro velamine, certiore iam ſpe mariti recipiendi, et pudoris inviolati manſuri, benignius confirmavit. Audiens enim coniugem miro eius amore

1) Mf. Meiacariren. 2) al. dicitur. 3) al. ſonitu.

flagrare, hoc praemio Nisibenam se proditorem
 4merari posse arbitrabatur. Inventas tamen alias
 quoque virgines Christiano ritu cultui divino sacra-
 tas, custodiri intactas, et religioni servire solito
 more, nullo vetante praecepit: lenitudinem pro-
 fecto in tempore simulans: ut omnes, quos antehac
 4) diritate crudelitatemque terreat, sponte sua metu
 remoto venirent, exemplis recentibus docti, hu-
 manitate eum et moribus iam placidis magnitudi-
 nem temperasse fortunae.

4) diritate terreat.

AMMIANI MARCELLINI

RERUM GESTARUM

LIBER XIX.

Sapor, dum Amidenses ad deditionem hortatur, a praesidiariis sagittis et tragulis petitur. Idem dum tentat Grumbates rex, filius eius interficitur. C. I. Amida circumfidetur, et intra biduum bis oppugnatur a Persis. II. Ursicinus noctu obsidentibus supervenire frustra conatur, Sabiniano magistro militum repugnante. III. Pestilentia Amidae orta intra decimum diem exiguo imbre sedatur. Et de causis ac generibus pestilentiae. IV. Amida hinc circum muros, inde per subterraneos fornices duce transfuga oppugnatur. V. Gallianarum legionum eruptio, Persis exiliabilis. VI. Turres et alia opera urbis muris admoventur; incenduntur a Romanis. VII. Amida per celsos aggeres muris proximos tentatur a Persis ac invaditur. Marcellinus post captam urbem nocte evadit, ac fuga Antiochiam petit. VIII. Amidae ex ducibus Rom. alii supplicio adsecti, alii vincti. Craugastus Nisibenus desiderio uxoris captivae transfugit ad Persas. IX. Plebs Rom. inopiam frumenti metuens seditiones movet. X. Limigantes Sarmatae, dum simulata petitione pacis deceptum imperatorem invadunt, maxima suorum strage reprimuntur. XI. Laesae maiestatis multi arcessiti atque damnati. XII. Lauricius Comes Isaurorum latrocinia compefcit. XIII.

Hoc miserae nostrorum captivitatis eventu rex laetus, successusque opperiens similes, egressus exinde paullatimque incedens, Amidam die tertio venit.

- 2 Cumque primum aurora ¹⁾ fulgeret, universa quae
 videri poterant armis stellantibus coruscabant, ac
 3 ferreus equitatus campos opplevit et colles. Insi-
 dens autem equo, ante alios celsior ipse praeibat
 agminibus cunctis, aureum capitis arietini figmen-
 tum interstinctum lapillis pro diademate gestans,
 multiplici vertice dignitatum et gentium diversa-
 rum comitatu sublimis. Satisque eum constabat
 colloquio tenus defensores moepium tentaturum,
 4 aliorum Antonini consilio festinantem. Verum
 caeleste numen, ut Romanae rei totius aerumnas
 intra unius regionis concluderet ambitum, adege-
 rat in immensum se extollentem, credentemque,
 quod viso statim obsessi omnes metu exanimati,
 5 supplices venirent in preces. Portis obequitabat,
 comitante cohorte regali: qui dum se prope confi-
 dentius inserit, ut etiam vultus eius possit aperte
 cognosci, sagittis missilibusque caeteris ob decora
 petitus insignia, corruisset, ni pulvere iaculantium
 adimente conspectum, parte indumenti tragulae
 ictu discissa, editurus postea strages innumeras eva-
 6 sisset. Hinc quasi in sacrilegos violati saeviens tem-
 pli, temeratumque tot regum et gentium dominum
 praedicans, eruendae urbis adparatu nifibus magnis
 instabat: et orantibus potissimis ducibus, ne pro-
 fusus in iram a gloriosis descisceret coeptis, leni
 summatum petitione placatus, postridie quoque su-
 per deditiōne moneri decreverat defensores.
 7 Ideoque, cum prima lux advenisset, rex Chio-
 nitarum Grumbates fidenter ²⁾ eam operam navatu-
 rus tendebat ad moenia, ³⁾ cum manu promptissi-
 ma stipatorum: quem ubi venientem iam telo forte
 contiguum contemplator peritissimus advertisset,
 contorta ballista filium eius primae pubis adulescen-
 tem, lateri paterno haerentem, thorace cum pecto-

1) *al. surgeret.* 2) *et eam* *Ms. deest.* 3) *Ms. cum eo manus.*

re perforato, profudit, proceritate et decore corporis aequalibus antestantem. Cuius occasu in fugam dilapsi populares eius omnes, innoxque, ne raperetur, ratione iusta regressi, numerosas gentes ad arma clamoribus dissonis concitarunt: quarum concursu ritu grandinis hinc inde convolantibus telis, atrox committitur pugna. Et post internecivae certamina adusque finem diei protenta, cum iam noctis esset initium, per acervos caesorum et scaturigines sanguinis aegre defensum caligine tenebrarum extrahitur corpus; ut apud Troiam quondam super comite Thessali ducis exanimi acies Marte acerrimo conflixerunt. Quo funere regia maesta,¹⁰ et optimatibus universis cum parente subita clade percussis, indicto iustitio iuvenis nobilitate commendabilis et dilectus, ritu nationis propriae lugebatur. Itaque, ut armari solebat elatus, in amplo quodam suggestu locatur et celso: circaque eum lectuli decem sternuntur, figmenta vehentes hominum mortuorum, ita curate pollincta, ut imagines essent corporibus similes iam sepultis: ac per dierum spatium septem, viri quidem omnes per contubernia et manipulos epulis indulgebant saltando, et cantando tristitia quaedam genera naeniarum, regium iuvenem lamentantes. Feminae vero misera¹¹ bili planctu, in primaeva flore succisam spem gentis solitis fletibus conclamabant; ut lacrymare cultrices *) Veneris saepe spectantur in sollemnibus Adonidis sacris, quod simulacrum aliquod esse frugum adultarum religiones mysticae docent.

II. Post incensum corpus, ossaque in argenteam urnam coniecta, quae ad gentem humo mandanda portari statuerat pater; agitata summa consiliorum placuerat, busto urbis subversae expiare perempti iuvenis manes: nec enim Grumbates *) inulta unci

4) *al.* Venerae. 1) *Mf.* invita.

2 pignoris umbra ire ultra patiebatur. Biduoque ad otium dato, ac missis abunde, qui pacis modo patientes agros pingues cultosque vastarent, quinquies ordine multiplicato scutorum cingitur civitas: ac tertiae principio lucis corusci globi turmarum impleverunt cuncta, quae prospectus humanus potuit undique contueri: et sorte loca divisa clementi gradu incedentes ordines occuparunt. Persae omnes murorum ambitus obsidebant. Pars, quae orientem spectabat, Chionitis evenit, qua funestus nobis ceciderat adulescens. 2) Vertae meridiano lateri sunt destinati: tractum servabant septemtrionis Albani: occidentali portae oppositi sunt Segestani, acerrimi omnium bellatores: cum quibus elata in arduum specie elephantorum agmina, rugosis horrenda corporibus, leniter incedebant armatis onusta, ultra omnem diritatem taetri spectacula formidanda, ut retulimus saepe.

4 Cernentes populos tam indimensos, ad orbis Romani incendium diu quaesitos, in nostrorum conversos exitium; salutis rata desperatione gloriosos vitae exitus deinde curabamus, iamque omnibus nobis optatos. A sole itaque orto usque diei ultimum acies immobiles stabant ut fixae, nullo variato vestigio, nec sonitu, vel equorum audito hinnitus: eademque figura digressi, qua venerant, cibo recreati et somno, cum superesset exiguum noctis, aeneatorum clangore ductante, urbem ut mox ca-

6 suram terribili corona cinxerunt. 3) Vixque ubi Grumbates hastam infectam sanguine ritu patrio nostrique more coniecerat fecialis, armis exercitus concrepans involat in muros: confestimque lacrymabilis belli turbo crudescit, rapido 4) turmarum processu in procinctum alacritate omni tendentium, et contra acri intentaque occurratione nostrorum.

Pro-

2) Ml. Cuius. 3) *et*. Vixque ibi. 4) Ml. turemarium processu.

Proinde diffractis capitibus multos hostium scor-
pionum iactu moles saxae colliserunt: alii trajecti
sagittis, pars confixi tragulis, humum corporibus
5) obstruebant; vulnerati alii socios fuga praecipiti
repetebant. Nec minores in civitate luctus aut 8
mortes, sagittarum creberrima nube auras spissa
multitudine obumbrante, tormentorumque machi-
nis, quae 6) direpta Singara possederant Persae,
vulnera inferentibus plura. Namque viribus colle- 9
ctis propugnatores, omissa vicissim certamina repe-
tentes, in maximo defendendi ardore saucii perni-
ciose cadebant, aut laniati, volvendo stantes proxi-
me subvertebant, aut certe spicula membris infixi
vivi adhuc vellendi peritos quaeritabant. Ita 10
strages stragibus implicatas, et ad extremum usque
7) diei productas, ne vespertinae quidem hebetave-
rant tenebrae: ea re, quod obstinatione utrimque
magna decernebatur. Agitatis itaque sub onere ar- 11
morum vigiliis, resultabant altrinsecus exortis cla-
moribus colles nostris virtutes Constantii Caesaris
extollentibus, ut domini rerum et mundi: Persis
Saporem et 8) Saansaan adpellantibus et 9) Pyrosen,
10) quod rex regibus imperans, et bellorum victor
interpretatur.

Ac priusquam lux occiperet, signo per lituos 12
dato, ad 11) fervorem similium proeliorum excitae
undique inaeestimabiles copiae in modum alituum
ferebantur: unde longe ac late prospici poterat,
campis et convallibus nihil praeter arma micantia
ferarum gentium demonstrantibus. Moxque cla- 13
more sublato, cunctis temere prorumpentibus, te-
lorum vis ingens volabat e muris: utque opinari
dabatur, nulla frustra mittebantur, inter hominum

5) *al.* obsternebant. 6) *al.* direpta in Singara. 7) *Steph.* diem.
8) *Mf.* Seensaan. 9) *Mf.* Piroten. 10) *al.* Regibus. 11) *Mf.*
fortiorem.

cadentia densitatem. Tot enim nos circumstantibus malis, non obtinendae causa salutis, ut dixi, sed fortiter moriendi studio flagrabamus: et a diei principio adusque lucem obscuram neutrubi proelio inclinato, ferocius quam consultius pugnabatur. Exsurgebant enim ruentium ferientiumque clamores, ut prae alacritate consistere sine vulnere quis-
 14 quam vix possit. Tandemque nox finem caedibus fecit; et satias aerumnarum indutias partibus dederat longiores. Ubi enim quiescendi nobis tempus est datum, exiguas quae ¹²⁾ supererant vires continuus cum insomnia labor absumpsit, sanguine et pallente expirantium facie perterrente, ¹³⁾ quibus ne suprema quidem humandi solatia tribui sinebant angustiae spatiorum, intra civitatis ambitum non nimium amplae legionibus septem, et promiscua advenarum civiumque sexus utriusque plebe, et militibus aliis paucis adusque numerum millium xx.
 15 concitis inclusis. Medebatur ergo suis quisque vulneribus pro possibilitate, vel curantium copia: cum quidam graviter saucii cruore exhausto spiritus reluctantes efflarent: alii confossi mucronibus prostrati, animis in ventum solutis proiciebantur extincti: aliquorum foratis undique membris mederi periti vetabant, ne offensionibus callis animae vexarentur adstrictae: nonnulli ¹⁴⁾ vellendis sagittis in ancipiti curatione graviora morte supplicia perferabant.

1 III. Dum apud Amidam hac partium destinatione pugnatur, Urficinus maerens, quod ex alterius pendebat arbitrio, auctoritatis tunc in regendo milite ¹⁾ potioris Sabinianum, etiam tum sepulcris haerentem crebro monebat, ut compositis velitaribus cunctis, per imos pedes montium occultis iti-

12) Steph. supererant. 13) Mf. de quibus. 14) Steph. vulgus.
 1) Mf. potioris.

neribus properarent: quo levium armorum auxilio, si qua fors iuisset, stationibus interceptis, nocturnas hostium adgrederentur excubias, quae ingenti circuitu yallaverant muros, aut laceffitionibus crebris occuparent obsidioni fortiter adhaerentes. Quibus Sabinianus renitebatur ut noxiis, palam a quidem litteras imperiales praetendens, intacto ubique milite, quidquid geri potuisset, impleri debere aperte iubentes: clam vero corde altissimo retinens, saepe in comitatu sibi mandatum, ut ansam omnem adipiscendae laudis decessori suo ardenti studio gloriae circumcideret, etiam ex republica processuram. Adeo vel cum exitio provinciarum festinabatur, ne bellicosus homo memorabilis alicuius facinoris auctor nuntiaretur aut socius. Ideoque his attonitus malis, exploratores ad nos saepe mittendo (licet ob custodias artas nullus facile oppidum poterat introire) et utilia agitando complura nihil proficiens, visebatur ut leo magnitudine corporis et torvitate terribilis, inclusos intra retia catulos periculo ereptum ire non audens, ²⁾ unguibus adeptis et dentibus.

IV. Sed in civitate, ubi sparforum per vias cadaverum multitudo humandi officia superaret, pestilentia tot malis accessit, verminantium corporum lue tabifica, vaporatis aestibus, varioque plebis languore nutrita: quae genera morborum unde oriri solent, breviter explicabo. Nimietatem frigoris, aut caloris, vel humoris, vel siccitatis, pestilentias gignere philosophi et illustres medici tradiderunt. Unde accolentes loca palustria vel ¹⁾ humecta, tusses et oculares casus, et similia perferunt: contra confines caloribus, ²⁾ tepore febrium arescunt. Sed,

M 2

1) Ms. sanguinibus adeptis. 1) Ms. humectatus sese oculares. al. humecta, 3 tusses ioculares. 2) al. tempore febrium aresc. Ms. tepore febrium arescentes.

quanto ignis materies caeteris ¹⁾ est efficacior; tanto
 3 ad perimendum celerior siccitas. Hinc, cum de-
 cennali bello Graecia desudaret, ne peregrinus
 poenas dissociati regalis matrimonij lucraretur:
 huiusmodi ⁴⁾ grassante pernicie, telis Apollinis
 4 periire complures, qui sol aestimatur. Atque ut
 Thucydides exponit, clades illa, quae in Pelopon-
 nesiaci belli principiis Athenienses acerbo genere
 morbi vexavit, ⁵⁾ abusque ferventi Aethiopiae plaga
 5 paullatim proserpens, Atticam occupavit. Aliis
 placet, auras, ut solent, aquasque vitiatas faetore
 cadaverum vel similibus, salubritatis violare maxi-
 mam partem: vel certe aëris permutationem subi-
 6 tam aegritudines parere leviores. Adfirmant etiam
 aliqui, terrarum halitu densiore crassatum aëra,
 emittendis corporis spiraminibus resistentem, neca-
 re nonnullos: qua causa animalia praeter homines
 caetera iugiter prona Homero auctore, et experi-
 mentis deinceps multis, cum talis incesserit labes,
 7 ante novimus interire. Et prima species luis Pande-
 mus adpellatur, quae efficit in aridioribus locis agen-
 tes caloribus crebris interpellari: secunda Epidemus,
 quae tempore ingruens ⁶⁾ acies hebetat luminum,
 et concitat periculosos humores: tertia Loemodes,
 quae itidem temporaria est, sed volucris velocitate
 8 letabilis. Hac exitiali peste quassati, paucis intem-
 peranti aestu consumptis, quos multitudo angebat:
 tandem nocte, quae diem consequuta est decimum,
 exiguis imbribus disiecto concreto spiritu et crassa-
 to, sospitas retenta est corporum firma.

x V. Verum inter haec inquires Persa ¹⁾ vimineis
 civitatem pluteis circumdabat, et erigi aggeres coe-
 pti: turresque fabricabantur frontibus ferratis ex-
 cellae, quarum fastigiis ballistae locatae sunt ²⁾ sin-

3) τοῦ ἐστὶ Mf. deest. 4) al. grassata. 5) τοῦ ferventi Mf. et
 Steph. deest. 6) acies habet lum. 1) Mf. vineis. 2) Mf. singulae.

gulae, ut a propugnaculis propellerent defensores: levia tamen per funditores et sagittarios proelia ne puncto quidem ³⁾ brevi cessabant. Erant nobiscum ² duae legiones Magnentiacae, recens e Galliis ductae, ut praediximus, virorum fortium et perniciem, ad ⁴⁾ planarios conflictus aptorum: ad eas vero belli artes, quibus stringebamur, non modo inhabiles, sed contra nimii turbatores: qui, cum neque ⁵⁾ in machinis, neque in operum constructione iuvarent aliquem, ⁶⁾ stolidius erumpentes dimicantesque fidentissime, minuto numero revertebant; tantum proficientes, quantum in publico (ut aiunt) incendio aqua unius hominis manu adgesta. Postremo ³ obseratis portis, precantibusque tribunis egredi nequeunt, frendebant ut bestiae. Verum sequentibus diebus efficacia eorum eminebat, ut docebimus.

In summoto loco partis meridianaе murorum, ⁴ quae despectat fluvium Tigrim, turris fuit in sublimitatem exsurgens, sub qua hiabant rupes abscissae, ut despici sine vertigine horrenda non possent: unde ⁷⁾ cavatis fornicibus subterraneis per radices montis scalae adusque civitatis ducebant planiciem, quo ex amnis alveo haurirentur aquae furtim, ut in omnibus per eas regiones munimentis, quae contingunt flamina, vidimus, ⁸⁾ fabre politae. Per ⁵ has tenebras ob dirupta neglectas, oppidano transfuga quodam ductante, qui ad diversam partem desciverat, Lxx. sagittarii Persae ex agmine regio, arte fiduciaque praestantes, silentio summoti loci defensi, subito singuli ⁹⁾ noctis medio ad contignationem turris tertiam adscenderunt: ibique occultati, mane sago punicei coloris elato, quod erat subeundae indicium pugnae, cum ex omni parte circumveniri

3) *et brevi* deest Mf. 4) Mf. palmarios. 5) *et in* Mf. deest. 6) Mf. stolidis. 7) Mf. vacati. 8) Mf. fabre. 9) *at. nocte* media.

urbem suis copiis inundantibus advertissent, exinanitis proiectisque ante pedes pharetris, ¹⁰⁾ clamoris ululabilis incendio tela summa peritia dispergebant. Moxque acies omnes ¹¹⁾ densae petebant multo infestius quam antea civitatem. ¹²⁾ Inter incertos nos et ancipites, quibus occurri deberet, instantibus supra, an multitudini transcensu scalarum iam propugnacula ipsa prensanti, dividitur opera: et translatae leviores quinque ballistae contra turrim locantur: quae ocius lignea tela fundentes nonnumquam binos forabant: e quibus pars graviter vulnerati ruebant: alii machinarum metu stridentium praecipites acti, laniatis corporibus interibant. Quibus hac celeritate confectis, relatisque ad loca sueta tormentis, paullo securius ¹³⁾ moenia omnium consursu defendebantur. Et quoniam augebat curas militum scelestum facinus perfugae, quali decurrentes in planum, ita iaculantes diversa missilia laceratis fortibus incumbabant, ut ¹⁴⁾ Vertae in meridiem degentes, vulnerum acri repulsa disiecti, lacrymantem complurium mortes tentoria repeterent metu.

VI. Adspiravit auram quamdam salutis fortuna, innoxio die cum hostili clade emenso: cuius reliquo tempore ad quietem reficiendis corporibus dato, posterae lucis initio ex arce innumeram cernimus plebem, quae Ziata capto castello ad hosticum ducbatur: ad quem locum ut capacissimum et munitum (spatio quippe decem stadiorum ambitur) promiscua confugerat multitudo. Nam etiam alia munimenta iisdem diebus ¹⁾ rapta sunt et incensa, unde hominum millia extracta complura ²⁾ servituri sequebantur: inter quos multi senecta infirmi, et mulieres iam grandaevae, cum ex variis deficerent.

¹⁰⁾ *al.* clamoris ululatus. ¹¹⁾ *Mf.* densae tepebant. ¹²⁾ *rd* inter *Mf.* deest. ¹³⁾ *Mf.* moenia omnia. ¹⁴⁾ *Mf.* vergentem merid. ¹⁾ *Mf.* rapta. ²⁾ *Mf.* servituri.

causis, itineris longinquitate offensae, abiecta vivendi cupiditate, furis vel suffraginibus relinquebantur exsectis.

Has miserabiles turmas Galli milites contuentes, 3 rationabili quidem, sed 3) intempestivo motu, conferendae cum hostibus manus copiam sibi dari posscebant, mortem tribunis vetantibus primisque ordinibus minitantes, si deinceps prohiberent. Ut-4 que dentatae in caveis bestiae, tactro pedore acerbius efferatae, evadendi spe repagulis versabilibus illiduntur: ita gladiis portas caedebant, quas supra diximus obseratas: admodum anxii, ne urbe excisa ipsi quoque sine ullo specioso facinore deleantur, aut exuta periculis, nihil egisse operae pretium pro magnanimitate Gallica memorentur: licet antea saepe egressi, structoresque aggerum 4) confossis quibusdam impedire conati, paria pertulerunt.

Inopes nos consilii, et quid opponi deberet 5 faevientibus ambigentes, id potissimum, aegre iisdem adsentientibus, tandem elegimus, ut, quoniam ultra ferri non poterant, paullisper morati custodias adgredi permitterentur hostiles, quae non procul erant a coniectu locatae telorum, ut eis perruptis pergerent prorsus. Adparebat enim, eos, si impetrassent, strages maximas edituros. Quae dum parantur, per varia certaminum genera 6 defensasbantur acriter muri, laboribus et vigiliis, et tormentis ad 5) emittenda undique saxa telaque dispositis. Duo tamen aggeres cellsi, Persarum peditum manu erecti, et expugnatio civitatis struebatur operibus lentis: contra quos nostrorum impensiore cura moles excitabantur altissimae, fastigio adversae cellitudinis aequatae, propugnatorum vel nimia pondera duraturae.

3) Ms. intemperativo. 4) Ms. et Steph. confulis. 5) al. mittenda.

7 Inter haec Galli morarum impatientes, securibus gladiisque succincti, patefacta sunt egressi postica, observata nocte squalida et interlumi; orantes caeleste praesidium, ut propitium adesset et libens. Atque ipsum spiritum reprimentes, cum prope venissent, conferti valido cursu, quibusdam stationariis interfectis, exteriores castrorum vigiles, ut in nullo tali metu sopitos obtruncantes, supervenire ⁶⁾ ipsi regiae, si prosperior iuvisset eventus, occulte meditabantur. Verum audito licet levi ⁷⁾ tendentium sonitu, gemituque caesorum, discusso somno, excitatis multis, et ad arma pro se quoque clamitante, steterunt milites vestigiis fixis, progredi ultra non ausi: neque enim cautum deinde, expergefactis, quos petebant ⁸⁾ insidiae, in apertum properare discrimen, cum iam undique frendentium catervae Persarum in proelia venirent gaccensae. Contra Galli corporum robore audaciaque, quoad poterant, inconcussi, gladiis secantes ⁹⁾ adversos, parte suorum strata, vel sagittarum undique volantium crebritate confixa, cum unum in locum totam periculi molem conversam, et currentium hostium agmina advertissent, nullo terga vertente evadere festinabant: et velut repedantes sub modulis, sensim extra vallum protrusi, cum manipulos confertius invadentes sustinere non possent, tubarum perciti clangore castrensi, discedebant. Et resultantibus e civitate lituis multis, portae panduntur recepturae nostros, si pervenire illuc usque valuissent: tormentorumque machinae stridebant sine iaculatione ulla telorum, ut stationibus praesidentes, post interemptos socios pone agerentur ignari, urbis oppositi moenibus ¹⁰⁾ nudatis, ut viri fortes fusciperentur innoxii. Hacque

6) Mf. ipsi regiae. 7) Mf. revertent p. dentium. 8) Steph. insidiis. 9) Mf. adversas partes. 10) Mf. nudarent nuperia viri.

arte Galli portam prope confinia lucis introiere minuto numero, quidam perniciose, pars leviter vulnerati, quadringentis ea nocte desideratis: qui non Rhoesum, nec cubitantes pro muris Iliacis Thracas, sed Persarum regem armatorum centum millibus circumsaepum, ni obstitisset violentior casus, in iplis tentoriis obtruncarant. Horum campiductori-¹² bus, ut fortium factorum antesignanis, post civitatis excidium, armatas statuas apud Edessam in regione celebri locari iusserat Imperator, quae ad praesens servantur intactae.

Retectis sequenti luce funeribus, cum inter cae-¹³ forum cadavera optimates invenirentur et satrapae, ¹¹⁾ clamoresque dissoni fortunam aliam alibi cum lacrymis indicabant, luctus ubique et indignatio regum audiebatur, arbitrantium, per stationes muris obiectas irrupisse Romanos: indutiisque ob hoc tridui datis adsensu communi, nos quoque spatium ad respirandum accepimus.

VII. Percussae deinde novitate rei efferataeque ¹ gentes, omissa omni cunctatione, operibus, quoniam vis minime procedebat, discernere iam censebant: et concito extremo belli ardore, omnes oppetere gloriose iam properabant, aut ruina urbis animis litasse caesorum.

Iamque adparatu cunctorum alacritate perfecto, ² exfiliente lucifero, operum variae species cum turribus ferratis admovebantur: quorum in verticibus cellis aptatae ballistae propugnatores agitates humiliter disiectabant. Et albescente iam die, ferrea ³ munimenta membrorum caelum omne subtexunt: densitataeque acies non inordinatim ut antea, sed barbarum sonitu leni ductante, nullis procurstantibus incedebant, machinarum operti tegminibus, cratesque vimineas praetendentes. Cumque pro-⁴

¹¹⁾ Mf. clamoresque dissoni.

- pinquantes ad coniectum venire telorum, oppositis scutis Persae pedites sagittas tormentis excussas e muris aegrius evitantes, laxarunt aciem, nullo paene iaculi genere in vanum cadente: etiam cataphracti hebetati et cedentes animos auxere nostrorum. Tamen, quia hostiles ballistae ferratis impositae turribus, in humilia ex supernis valentes, ut loco dispari, ita eventu dissimili nostra multo cruore foedabant: ingruente iam vespere cum requiescerent partes, noctis spatium maius consumptum est, ut excogitari possit, quid exitio ita atroci obiectaretur.
- 6 Et tandem multa versantibus nobis sedit consilium, quod tutius celeritas fecit, quatuor iisdem ballistis scorpiones opponi: qui dum translati e regione caute, quod artis est difficillimae, collocantur, lux nobis advenit maestissima, Persarum manipulos formidatos ostentans, adiectis elephantorum agminibus, quorum stridore immanitateque corporum nihil humanae mentes terribilius cernunt.
- 7 Cumque omni ex latere armorum et operum belluarumque molibus urgeremur, per scorpionum ferreas fundas e propugnaculis subinde rotundi lapides acti, dissolutis turrium coagmentis, ballistas earumque tortores ita fudere praecipites, ut quidam citra vulnere noxas, alii obtriti magnitudine ponderum interirent: elephantis vi magna propulsis, quos flammis coniectis undique circumnexus, iam corporibus tactis, gradientesque retrorsus, ¹⁾ retinere magistri non poterant: postque exultis operibus,
- 8 nulla quies certaminibus data. Rex enim ipse Persarum, qui numquam adesse certaminibus cogitur, his turbinum infortuniis percitus, novo et numquam ante cognito more, proelioris militis ritu profiliuit in confertos: et quia conspectior regen-

1) Mf. recere.

tium multitudine procul speculantibus visebatur, petitus crebritate telorum, multis stipatoribus stratis abscessit, alternans regibiles acies: et ad extremum diei nec ²⁾ mortium truci visu nec vulnerum territus, tandem tempus exiguum tribui quieti permisit.

VIII. Verum nocte proelia dirimente, somno per breve otium capto, ¹⁾ innotescente iam luce ad potiunda sperata, ira et dolore exundans, nec fas ullum prae oculis habiturus, gentes in nos excitabat. Cumque crematis operibus, ut ²⁾ docuimus, pugna per aggeres cellos muris proximos tentaretur, ex aggestis erectis intrinsecus, quantum facere nitique poterant, nostri aequis viribus per ardua resistebant.

Et diu cruentum proelium stetit, nec metu mortis quisquam ex aliqua parte a studio propugnandi removebatur: eoque producta contentione, cum fors partium eventu regeretur indeclinabili, diu laborata moles illa nostrorum, velut terrae quodam tremore ³⁾ quassata procubuit: et tamquam itinera-rio aggere vel superposito ponte complanatum spatium, quod inter murum congestamque forinsecus struem hiabat, patefecit hostibus transitum, nullis obicibus impeditum; et pars pleraque militum deiectorum oppressa vel debilitata ⁴⁾ cessabat. Concursum est tamen undique ad propulsionem ⁵⁾ periculi tam abrupti: et festinandi studio aliis ⁶⁾ irretientibus alios, audacia hostium ipso successu crescebat. Actis igitur regis imperio proelioribus ⁷⁾ universis, strictoque comminus ferro, cum sanguis utrobique immensis caedibus funderetur, ⁸⁾ oppletae sunt corporibus fossae, latiorque via ⁹⁾ ideo pan-

2) mortium truci visio nec vuln. 1) Mf. innotescente. 2) al. docueram. 3) Mf. quassata. 4) al. cessabat. 5) al. irretientibus. 6) Mf. appellatae. 7) al. inde.

debatur: et concursu copiarum ardenti iam civitate oppleta, cum omnis defendendi vel fugiendi spes esset abscesa, pecorum ritu armati et imbelles sine flexu discrimine trucidabantur.

- 5 Itaque vespera tenebrante, cum adhuc, licet iniqua reluctantem fortuna, multitudo nostrorum manu conferta distringeretur; in abstrusa quadam parte oppidi cum duobus alijs latens obscurae praesidio noctis, postica, per quam nihil servabatur, evado, et squalentem peritiam locorum, comitumque adiutus celeritate, ad decimum lapidem tantum perveni. In qua statione lenius recreati, cum ire protinus pergeremus, et incedendi nimietate iam superarer, ut infuetus ingenuus: offendi ⁸⁾ dirum adspectum, sed fatigato mihi lassitudine gravi
- 7 levamen impendio tempestivum. Fugaci equo nudo et infreni calorum quidam sedens, ne labi possit, ex more habenam, qua ductabatur, sinistra manu artius illigavit: moxque decussus, vinculi nodum abrumpere nequicus, per avia saltusque membratim discerptus, iumentum exhaustum cursu, pondere cadaveris ⁹⁾ detinebat: cuius dorsualis comprehensi servitio usus in tempore, cum iisdem socijs ad fontes sulphureos aquarum suapte natura
- 8 calentium aegre perveni. Et quia per aestum arida siti ¹⁰⁾ reptantes aquam diu quaeritando, profundum bene vidimus puteum, et neque descendendi prae altitudine; nec restium aderat copia, necessitate docente postrema, indumenta lintea, quibus tegebamur, in oblongos discidimus pannulos: unde explicato fune ingenti, centonem, quem sub galea unus ferebat e nostris, ultimae aptavimus summitati: qui per funem coniectus aquasque hauriens ad peniculi modum, facile sitim, qua hauriebamur,
- 9 exstinxit. Vnde citi ferebamur ad flumen Euphra-

8) *al.* dirum aspectu. 9) *Mf.* detinebatur. 10) *Mf.* reputantes.

tem; ulteriorem ripam petituri per navem, quam transfretandi causa iumenta et homines; in eo tractu diuturna consuetudo locarat. Ecce autem Romanum agmen cum equestribus signis disiectum eminus cernimus, quod ¹¹⁾ persequeretur multitudo Persarum, incertum unde impetu tam repentino terga viantum adgressa. Quo exemplo terrigenas illos non finibus terrae emerfos, sed ¹²⁾ exuberanti pernecitate credimus natos: qui, quoniam inopini per varia viscebantur, Sparti vocitati, humo exsiluisse, ¹³⁾ vetustate ut caetera fabulosis extollente, sunt existimati. ¹⁴⁾ Hoc conciti, cum omne iam esset in celeritate salutis praesidium, per dumeta et filvas montes petimus celliores: exindeque Melitnam minoris Armeniae oppidum venimus: ubi repertum ducem comitati iam profecturum, Antiochiam revisimus.

IX. Interea Sapor et Persae, quia tendere iam introrsus autumnus praecipiti ¹⁾ haedorumque improbo fidere exorto prohibebantur, captivos agentes et praedas, remeare cogitabant ad sua. Inter haec tamen funera direptionesque civitatis excisae, Aeliano Comite et tribunis, quorum efficacia diu defensa sunt moenia, stragesque multiplicatae Persarum, patibulis scelestis suffixis, Iacobus et Caesius numerarii adparitionis magistri equitum, alique protectores post terga vinctis manibus ducebantur: Transtigritanis, qui sollicita quaerebantur industria, nullo infimi summique discrimine, ad unum omnibus contruncatis.

Vxor vero Craugafii, quae retinens pudorem inviolatum ut matrona nobilis colebatur, maerebat velut orbem alium sine marito visura, quamquam sperabat documentis praesentibus altiora. In rem

11) Mf. persequeretur. 12) Mf. exsuperanti. 13) Mf. vetustate matere. 14) *ro malo* Mf. deest. 1) *ro improbo* deest al.

itaque consulens suam, et accidentia longe ante prospiciens, anxietate bifaria stringebatur, viduitatem detestans et nuptias. Ideo familiarem suum perquam fidum, regionumque Mesopotamiae gnarum, ²⁾ per Izalam montem inter castella praefidaria ³⁾ duo, Maride et Lorne, introitum Nisibin occulte dimisit, mandatis arcanisque vitae secretioris maritum exorans, ut auditis, quae contigerint, **5** veniret secum beate victurus. Quibus contentus expeditus viator, per saltuosos tramites et frutecta Nisibin passibus citis ingressus, causatusque, se domina nusquam visa, et forsitan interempta, data evadendi copia castris hostilibus abscessisse, et ideo ut vilis neglectus, docet Craugasium gesta: moxque accepta fide, quod, si tuto licuerit, sequetur coniugem libens, exasit exoptatum mulieri nuntium ferens: quae hoc cognito, ⁴⁾ per Tamsaporem ducem supplicaverat regi, ut, si daretur facultas, antequam Romanis excederet finibus, in potestatem suam iuberet propitius maritum adscisci.

6 Praeter spem itaque omnium digresso advena repentino, qui postliminio reversus, statim sine ullius evanuit conscientia, perculsus ⁵⁾ suspitione dux Cassianus, praefidentesque ibi procures alii, minitantes ultima Craugasium incessebant, non sine eius voluntate vel venisse, vel abisse hominem clamitantes.

7 ⁶⁾ Qui prodicionis metuens crimen, impendioque sollicitus, ne transitione perfugae uxor eius superesse doceretur, et tractari piissime; per simulationem matrimonium alterius splendidae virginis adfectavit. Et velut paraturus necessaria convivio nuptiali, egressus ad villam octavo lapide ab urbe distantem, ⁷⁾ concito equo ad Persarum vastatorium

²⁾ Ms. perizalam. ³⁾ Ms. Duomaride. ⁴⁾ Ms. per tam saporem. ⁵⁾ Ms. pernitione. ⁶⁾ al. Qui vero prod. ⁷⁾ concito equo.

globum, quem didicerat adventare, confugit: susceptusque averter, qui esset, ex iis cognitus, quae loquebatur, ⁸⁾ Tamsapori post diem traditur quintum: perque eum regi ⁹⁾ oblatus, opibus et necessitudine omni recuperata cum coniuge, quam paucos post menses amisit, erat secundi loci post Antoninum, ut ait poëta praeclarus, longo proximus intervallo. Ille enim ingenio et usu rerum diuturno firmatus, consiliis validis sufficiebat in cuncta, quae conabatur: hic natura simplicior, nominis tamen itidem pervulgati. Et haec quidem haud diu postea contigerunt.

Rex vero, licet securitatem referens vultu, exultansque specie tenus urbis excidio videbatur; profundo tamen ¹⁰⁾ animi graviter aestuabat, reputans, in obsidionalibus malis saepe luctuosas se per tulisse iacturas, multoque ampliores se ipsum populos perdidisse, quam enostris ceperat vivos, vel certe per diversas fuderat pugnas: ut apud Nisibin, aliquoties evenit, et ¹¹⁾ Singaram: parique modo, cum septuaginta tresque dies Amidam multitudine circumfedislet armorum, xxx. millia perdidit bellatorum; quae paullo postea per Discenen, tribunum et notarium, numerata sunt hac discretionem facilius, quod nostrorum cadavera mox caesorum fatiscunt et defluunt, adeo ut nullius mortui facies post quadriduum agnoscat: intersectorum vero Persarum inarescunt in modum stipitum corpora, ut nec liquentibus membris, nec sanie perfusa madescant: quod vita parcior facit, et ubi nascuntur, exustae caloribus terrae.

X. Dum haec per varios turbines in Orientis extimo festinantur, difficultatem adventantis inopiae frumentorum urbs verebatur aeterna: vique mina-

8) Mf. tam sapor. 9) al. ablatis. 10) al. animo. 11) Mf. Signaram.

cissimae plebis, famem ultimum malorum omnium expectantis, subinde Tertullus vexabatur ea tempestate praefectus, irrationabiliter plane: nec enim per eum steterat, quo minus tempore congruo alimenta navibus veherentur, quas maris casus asperiores solitis, ventorumque procellae reflantium, delatas in proximos sinus, introire portum Augusti
 2 discriminum magnitudine perterrebant. Quocirca idem saepe praefectus seditionibus agitatus, ac plebe iam saevitante immanius, quam ¹⁾ urebat impendens exitium, ab omni spe tuendae salutis exclusus, ut aestimabat, ²⁾ tumultuanti acriter populo, sed accidentia considerare sueto, prudenter obiecit parvulos filios: et lacrymans, *En, inquit, cives vestri, procul omen Dii caelestes avertant! eadem perlaturi vobiscum, ni fortuna adfulserit laetior. Si itaque his abolitis, nil triste accidere posse existimatis, praesto in potestate ³⁾ sunt vestra.* Qua miseratione vulgus, ad clementiam suapte natura proclive, lenitum conticuit, aequanimiter venturam
 4 opperiens sortem. Moxque divini arbitrii numinis, quod auxit ab incunabulis Romam, perpetuamque fore respondit, dum Tertullus apud Ostia in aede sacrificat Castorum, tranquillitas mare mollivit: mutatoque in austrum placidum vento, velificatione plena portum naves ingressae, frumentis horrea referferunt.

1 XI. Inter haec ita ¹⁾ ambigua Constantium, Sirmii etiam tum hiberna quiete curantem, promovebant nuntii metuendi et graves, indicantes id, quod tunc magnopere formidabat, ²⁾ Limigantes Sarmatas, quos expulisse paternis avitisque sedibus dominos suos ante monstravimus, paullatim posthabitis locis, quae eis anno praeterito utiliter sunt destinata,
 ne,

1) *Ms. et Steph.* urebat. 2) *al.* tumultuante. 3) *al.* sum. 1) *al.* ambiguum. 2) *Ms.* Limitantes,

ne, ut sunt versabiles, aliquid ³⁾ molirentur inimicum, regiones confines limitibus occupasse: vagarique licentius genuino more, ni pellerentur, omnia turbaturos.

Quae superbius incitanda propediem Imperator ² dilato negotio credens, coacta undique multitudine militis ad bella promptissimi, nec dum ⁴⁾ adulto vere ad procinctum egressus est, gemina consideratione alacrior: quod expletus praedarum opimitate exercitus aestate nuper emensa, ⁵⁾ similium spe fidenter in effectus animabitur prosperos: quodque Anatolio regente tunc per Illyricum praefecturam, necessaria cuncta vel ante tempus coacta sine ullius dispendiis adfluebant. Nec enim dispositionibus ³ umquam alterius praefecturae (ut inter omnes constat) ad praesens Arctoae provinciae bonis omnibus floruerunt, correctione titubantium benivola et solerti, vehiculariae rei iacturis ingentibus, quae claudere domos innumeras, et censuali professione speciosa fiducia relevatae: indemnesque deinde et innoxii earum incolae partium, querelarum sopitis materiis viverent, ni postea exquisitorum detestanda nomina titulorum, per offerentes fuscipientesque criminose in maius exaggerata, his ⁶⁾ propugnare sibi nitentibus potestates, illis attenuatis omnium opibus se fore sperantibus tutos, adusque proscriptiones miserrorumque suspendia pervenerunt.

Rem igitur emendaturus urgentem, profectus ⁴ cum instrumentis ambitiosis Imperator, ut dictum est, Valeriam venit, partem quondam Pannoniae, sed ad honorem Valeriae, Diocletiani filiae et institutam et ita cognominatam: sub pellibusque exercitu diffuso per Histri fluminis margines, barbaros ob-

³⁾ Mf. molirentur incum. reg. *al.* molirentur regiones. ⁴⁾ Mf. adulto queat proc. ⁵⁾ similium spem. *al.* simili in spe. ⁶⁾ Mf. propugnari.

servabat, ante adventum suum amicitiae velamento
 7) Pannonias furtim vastandas invadere hiemis durissimo cogitantes, cum necdum solutae vernis calidibus nives amnem undique pervium faciunt, nostri-
 que pruinis subdivales moras difficile tolerabant.

5 Confestim itaque missis ad Limigantes duobus tribunis cum interpretibus lingulis, explorabat modestius percunctando, quam ob rem relictis laribus, post pacem et foedera petentibus attributis, ita palarentur varii, limitesque contra interdicta pulsarent.
 6 Qui vana quaedam causantes et irrita, pavore adigente mentiri, Principem exorabant in veniam, obsecrantes, ut, similitate abolita, transmissio flumine ad eum venire permitterentur, docturi, quae sustinerent, incommoda: paratique intra spatia orbis Romani, si id placuerit, terras suscipere longe discretas, ut diuturno otio involuti, et quietem colentes tamquam salutarem deam, tributariorum onera subirent et nomen.

7 His post reditum tribunorum compertis, Imperator exultans, ut negotio, quod rebatur inexplicabile, sine ullo pulvere consummando, cunctos admisit, 8) aviditate plus habendi incensus: quam adulatorum cohors augebat, id sine modo strepitum, quod externis sopitis, et ubique pace composita, proletarios lucrabitur plures, et tirocinia cogere poterit validissima: aurum quippe gratanter provinciales corporibus dabunt, quae spes rem Romanam aliquoties adgravavit. Proinde vallo prope Acimincum locato, celsoque aggere in speciem tribunalis erecto, naves vehentes quosdam legionarios expeditos, alveum fluminis proximum ripis observare sunt iussae, cum Innocentio quodam agrimensore huius auctore consilii: ut, si barbaros tumultuare sensissent, aliorum intentos post terga pervas-

7) Mf. Pannonias furtim vastandas. 8) Mf. aviditate.

derent improvifi. Quae Limigantes licet properari 9
sentirent, nihil tamen praeter preces fingentes sta-
bant incurvi; longe alia, quam quae gestu praese-
rebant et verbis, altis mentibus perpenfantes.

Vifoque Imperatore ex alto fuffeftu iam fermo- 10
nem ⁹⁾ parante leniffimum, meditanteque alloqui
velut morigeros iam futuros: quidam ex illis furo-
re percitus truci, calceo fuo in tribunal contorto,
marha, marha, quod eft apud eos fignum belli-
cum, exclamavit: eumque fequuta incondita multi-
tudo, vexillo elato repente barbarico, ululans fe-
rum in ipfum principem ferebatur. Qui cum ex 11
alto defpiciens plena omnia difcurrentis turbae cum
¹⁰⁾ millibus vidiffet, retectisque gladiis et verutis
iam propinquam perniciem: externis miftus et fuis,
ignotusque, dux effet, an miles, quia neque cun-
ctandi aderat tempus neque celfandi, equo veloci
impoſitus, curſu effuſo evaſit. Stipatores tamen 12
pauci, dum ignis more inundantes conabantur ¹¹⁾ ar-
cere, aut vulnerati interierunt, aut ponderibus
ſuperruentionum ſolis adſilicti: ſellaque regalis cum
aureo pulvinari nullo vetante direpta eſt.

Mox autem audito, quod ad ultimum paene 13
tractus exitium, in abrupto ſtaret adhuc Imperator,
antiquiſſimum omnium exercitus ratus eum invare
(nondum enim exemptum periculis aeſtimavit) ſa-
lutis faſtu fidetior, licet ob procurſionem ſubitam
ſemitectus, ſonorum et Martium frendens, barba-
rorum mori obſtinatorum catervis ſemet immerſit.
Et, quia virtute dedecus purgatura ardens copia 14
noſtrorum erupit, iras in hoſtem perfidum parans,
obvia quaeque obruncabat ſine parcimonia, vivos
conculcans et ſemineces ac peremptos: et antequam

N 2

9) *Mf. parare.* 10) *al. miſſilibus.* 11) *al. arcere interierunt ponderibus.*

exfatiaret caedibus barbaricis manus, acervi consi-
 15 pati sunt mortuorum. Urgebantur enim rebelles,
 aliis trucidatis, aliis terrore disiectis: quorum pars
 spem vitae cassis precibus usurpando, multiplicatis
 ictibus caedebantur: postque deletos omnes ¹²⁾ in
 receptum canentibus lituis, nostri quoque licet rari
 videbantur exanimis, quos impetus conculcaverat
 vehemens, aut furori resistentes hostili, lateraque
 16 nudantes intacta, ordo fatalis absumpsit. Mors ta-
 men eminuit inter alios Cellae, scutatorum tribuni,
 qui inter confligendi exordia ¹³⁾ primus omnium in
 medios Sarmatarum globos se immisit.

17 Post quae tam ¹⁴⁾ saeva, digestis ¹⁵⁾ pro securitate
 limitum, quae rationes monebant urgentes, Con-
 stantius Sirmium redit, ferens de hoste fallaci vin-
 dictam: et maturatis, quae necessitates temporis
 poscebant instantes, egressus exinde Constantinopo-
 lini petit: ut Orienti iam proximus, cladibus apud
 Amidam mederetur acceptis, et redintegrato sup-
 plementis exercitu, impetus regis Persarum pari vi-
 rium robore cohiberet: quem constabat (ni caele-
 stis ratio, impensiorque repelleret cura multorum)
 Mesopotamia relicta post terga, per extenta spatia
 signa moturum.

1 - XII. Inter has tamen sollicitudines, velut ex re-
 cepto quodam antiquitus more, ad vicem bellorum
 civilium inflabant litui quaedam colorata laesae cri-
 mina maiestatis: quorum exsecutor et administrator
 saepe ¹⁾ dicendus ille notarius missus est Paullus:
 qui peritus artium cruentarum, ut lanista ex com-
 merciis libitinae vel ludi, ipse quoque ex eculeo,
 2 vel carnifice quaestum fructumque captabat. Ut
 enim erat obstinatum fixumque eius propositum ad
 laedendum; ita nec furtis abstinuit, innocentibus

12) *ro in deest al.* 13) *al. primum.* 14) *al. saeve.* 15) *al. pro*
securitate, quae limitum. 1) *Mf. dictaneus.*

exitiales causas ²⁾ adstringens, dum in calamitosis stipendiis versaretur.

Materiam autem in infinitum quaestionibus extendendis dedit occasio vilis et ³⁾ parva. Oppidum est Abydum in Thebaidis parte situm extrema: hic Besae dei localiter adpellati oraculum quondam futura pandebat, priscis circumiacentium regionum caerimoniis solitum coli. Et quoniam quidam praesentes, pars per alios desideriorum indice missa scriptura, supplicationibus expresse conceptis consultata numinum scitabantur; chartulae seu membranae, continentes, quae petebantur, post data quoque responsa interdum remanebant in fano. Ex his aliqua ad Imperatorem maligne sunt missa, qui, ut erat angusti pectoris, obsurdescens in aliis etiam nimium seriis, in hoc titulo ima, quod aiunt, auricula mollior, et suspicax, et ⁴⁾ minutus, acri felle concaluit: statimque ad Orientem ocius ire monuit Paullum, potestate delata, ut instar ducis rerum experientia clari, ad arbitrium suum audiri efficeret causas. Datumque est negotium Modesto, etiam tum per Orientem comiti, apto ad haec et similia. Hermogenes enim Ponticus ea tempestate praefectus praetorio, ut lenioris ingenii spernebatur.

Perrexit, ut praeceptum est, Paullus, funestus ⁵⁾ furoris et anhelitus plenus: dataque calumniae indulgentia, plurimi ducebantur ab orbe prope terrarum, iuxta nobiles et obscuros: quorum aliquos vinculorum adflixerant nexus, alios claustra poenalia consumpserunt. Et electa est spectatrix suppliciorum ⁶⁾ feralium civitas in Palaestina Scythopolis, gemina ratione visa magis omnibus opportuna, quod secretior, et inter Antiochiam Alexandriamque media, unde multi plerumque ad crimina trahebantur.

2) Mf. adstringens. 3) Mf. pura. 4) al. munitus. 5) Mf. furoris. 6) *ro in deest* al. 7) *ro fuga deest* al.

- 9 Ductus est itaque inter primos Simplicius, Philippi filius, ex praefecto et consule, reus hac gratia postulatus, quod super adipiscendo interrogasse dicebatur imperio: perque elogium principis torqueri praeceptus, qui in his calibus nec peccatum aliquando pietati dederat nec erratum, fato quodam arcente, corpore immaculato lata ⁷⁾ fuga damnatus
- 10 est. Dein Parnasius, ex praefecto Aegypti, homo simplicium morum, eo deductus periculi, ut pronuntiaretur capitis reus, itidem pulsus est in exilium: saepe auditus multo antehac retulisse, quod, cum Patras Achaicum oppidum, ubi genitus habuit larem, impetrandae causa cuiusdam relinqueret potestatis, per quietem deducentia se habitus tragici
- 11 figmenta viderat multa, Andronicus post a studiis liberalibus et claritudine carminum notus, in iudicium introductus, cum secura mente nullis suspicionibus urgeretur, purgando semper et fidentius absolutus est.
- 12 Demetrius itidem Chytras cognomento philosophus, grandaevus quidam, et corpore durus et animo, sacrificasse aliquoties confutatus infitiri non potuit, adferens propitiandi causa numinis haec a prima adolescentia facitasse, non tentandi sublimiora scrutatis: nec enim quemquam id noverat adfectare. Diu itaque adhaerens eculeo, cum fiducia gravi fundatus, nequaquam varians, eadem oraret intrepidus, Alexandriam, unde oriebatur, innoxius abire permissus est.
- 13 Et hos quidem aliosque paucos aequa fors veritatis adiutrix, periculis exemit abruptis. Criminibus vero serpentibus latius per implicatos nexus sine fine distentos, quidam corporibus laniatis exstinguebantur: alii poenis ulterioribus damnati sunt, bonis ereptis, Paulo succentore fabularum crudelium, quasi e promptuaria cella fallaciarum ⁸⁾ et nocendi

⁷⁾ τοδ *fuga* deest al. ⁸⁾ Mf. et nocendi species egerentque. al. extulit nocendi specie exitque complures.

species suggerente complures, cuius ex nutu (prope dixerim) pendebat incedentium omnium salus. Nam, si qui remedia quartanae, vel doloris alterius 14 collo gesseret, sive per monumentum transisse vespere malivolorum argueretur indicibus, ut veneficus, sepulcrorumque horrores et errantium ibidem animarum ludibria colligens vana, pronuntiatus reus capitis interibat. Et prorsus ita res agebatur, quasi 15 Clarum, Dodonaeas arbores, et effata Delphorum olim sollemnia, in Imperatoris exitum sollicitaverint multi. Unde blanditiarum taetra commenta palatina 16 cohors exquisita confingens, immunem eum fore malorum communium adferebat, fatum eius vixens semper et praesens in abolendis adversa conantibus eluxisse, vocibus magnis exclamans.

Et inquitum in haec negotia fortius, nemo, 17 qui quidem recte sapiat, reprehendit. Nec enim abnuimus salutem legitimi principis, propugnatoris bonorum et defensoris, unde salus quaeritur aliis, confociato studio muniri debere cunctorum: cuius redimendae causa validius, ubi maiestas pulsata defenditur, a quaestionibus vel cruentis nullam Corneliae leges eximere fortunam. Sed exultare mac- 18 stis casibus effrenate non decet, ne videantur licentia regi subiecti, non potestate. Imitandus sit Tullius, cum parcere vel laedere potuisset, ut ipse affirmat, ignoscendi quaerens causas, non puniendi occasiones: quod iudicis lenti et considerati est proprium.

Tunc apud Daphnen, amoenum illud et ambi- 19 tiosum Antiochiae suburbanum, visu relatuque horrendum natum est monstrum, infans ore gemino, cum dentibus binis et barba, quatuorque oculis, et brevissimis duabus auriculis: qui partus ita distortus praemonebat, rempublicam in statum verti deformem. Nascuntur huiusmodi saepe portenta, 20 indicantia rerum variarum eventus: quae, quoniam

non expiantur, ut apud veteres, publice inaudita praetereunt et incognita.

XIII. His temporibus Isauri diu quieti, post gesta, quae superior continet textus, tentatumque Seleucia civitatis obsidium, paullatim reviviscentes (ut solent verno tepore foveis exsilire serpentes) saltibus degressi scrupulosis et inviis, confertique in cuneos denfos, per furta et latrocinia finitimos¹⁾ adflictabant; praetenturas militum ut montani fallentes, perque rupes et dumeta ex usu facile discurrentes. Ad quos vi vel ratione sedandos Lauricius, adiecta Comitis dignitate, missus est rector; homo civilis prudentiae: qui minis potius, quam acerbitate pleraque correxit, adeo ut eo diu provinciam obtinente, nihil accideret, quod animadversione dignum aestimaretur.

1) *al.* adflictab. et eo praetent.

AMMIANI MARCELLINI

RERUM GESTARUM

LIBER XX.

Lupicinus magister armorum adversus Scotorum et Pictorum incursiones in Britannias cum exercitu mittitur.

C. I. *Urficinus magister peditum Praesentalis, calumniis adpetitus discingitur.* II. *Defectus solis: et de duobus solibus; ac de causis defectuum solis et lunae; deque variis lunae mutationibus ac figuris.* III. *Iulianus C. a militibus Gallicanis, quos Constantius ipsi detrahi, et in orientem adversus Persas transferri iusserat, Luteciae Parisiorum, ubi hiemabat, per vim Augustus adpellatur.* IV. *Iulianus A. concionem habet ad milites.* V. *Singara a Sapore oppugnata et capta: oppidani cum equitibus auxiliaribus et duabus legionibus praesidiariis in Persidem abducti: oppidum excisum.* VI. *Bezabden oppidum, a tribus legionibus defensum, Sapor expugnat; ac reparatum praesidio comeatuque instruit: idem Virtam munimentum frustra adoritur.* VII. *Iulianus A. per litteras Constantium A. de re Luteciae gesta certiore facit.* VIII. *Constantius A. Iulianum Caesaris nomine contentum esse iubet, legionibus Gallicanis uno animo constanter repugnantibus.* IX. *Iulianus A. Francos cognomine Attuarios trans Rhenum inopinantes adgressus, post plurimos partim captos, partim occisos, caeteris pacem petentibus dedit.* X. *Constantius A. Bezabden omnibus copiis oppugnat, ac re infecta discedit: et de arcu caelesti.* XI.

(A. C. 360.)

Haec per Illyricum, perque Orientem rerum series fuit. Consulatu vero Constantii decies, terque

Iuliani, in Britanniiis, cum Scotorum Pictorumque gentium ferarum excursus, rupta quiete conducta, loca limitibus vicina ¹⁾ vastarent, et implicaret formido provincias praeteritarum cladum congerie fessas: hiemem agens apud Parisios Caesar, distractusque in sollicitudines varias, verebatur ire subsidio transmarinis: (ut retulimus ante fecisse ²⁾ Constantem) ne rectore vacuas relinqueret Gallias, Alamannis ad saevitiam etiam tum incitatis et bella.

²⁾ Ire igitur ad haec ratione vel vi componenda Lupicinum placuit, ea tempestate magistrum armorum, bellicosum sane, et castrensis rei peritum, sed supercilia erigentem ut cornua, et de tragico, quod aiunt, cothurno strepentem: super quo diu ambigebatur, avarus esset potius, an crudelis. Moto ergo velitari auxilio, Aerulis scilicet et Batavis, numerisque ⁴⁾ Moesiacorum duobus, adulta hieme dux antedictus Bononiam venit: quaesitisque navigiis, et omni imposito milite, observato flatu secundo ventorum, ad Rutupias fitas ex adverso defertur, petitque ⁵⁾ Lundinium: ut exinde suscepto pro rei qualitate consilio, festinaret ocius ad prociuctum.

¹⁾ II. Quae cum ita geruntur, post Amidae opugnationem Urlicinum ad commilitium principis ut peditum magistrum reversum (successisse enim eum Barbationi praediximus) obtrectatores excipiunt: primo disseminantes mordaces susurros: ²⁾ dein propalam ficta crimina subnectentes. Quibus Imperator adensus, ex opinione pleraque ³⁾ aestimans et insidiantibus patens, Arbetionem et Florentium officiorum magistrum quaesitores dederat, spectaturos, quas ob res oppidum sit excisum.

¹⁾ Mf. vastarent. ²⁾ Mf. Constantem. ³⁾ Mf. ire igitur ad haec ratione vel compon. ⁴⁾ al. Moesiacorum pluribus. ⁵⁾ al. Lundinum. ¹⁾ Mf. aestimassit.

Quibus apertas probabilesque refutantibus causas, 3
veritisque, ne offenderetur Eusebius cubiculi tunc
praepositus, si documenta suscepissent perspicue
demonstrantia, Sabiniani pertinaci ignavia haec ac-
cidisse quae contigerunt: a veritate detorti, inania
quaedam, longaeque a negotio distantia scruta-
bantur.

Qua iniquitate percitus qui 2) audiebatur: *Elfi* 4
me, inquit, despicit Imperator, negotii est tamen
magnitudo, ut non nisi iudicio principis nosci pos-
sit et vindicari: sciat tamen velut quodam prae-
fagio, quod, dum maeret super his, quae apud
Amidam gesta emendata didicit fide, dumque ad
spadonum arbitrium trahitur, 3) defrustrandae Me-
sopotamiae proximo vere ne ipse quidem cum exer-
citus robore omni opitulari poterit praesens. Rela- 5
tis adiectisque cum interpretatione maligna com-
pluribus, iratus ultra modum Constantius, nec
discusso negotio, nec patefieri, quae scientiam eius
latebant, permittis, adpetitum calumniis, deposita
militia digredi iussit ad otium, Agilone ad eius lo-
cum 4) immodico saltu promoti, ex gentilium scu-
tiorum tribuno.

III. Eodem tempore per Eoos tractus caelum r
subtextum caligine cernebatur obscura, et a primo
aurorae exortu adusque meridiem intermicabant
iugiter stellae hisque terroribus accedebat, quod,
cum lux caelestis operiretur, e mundi conspectu
penitus luce abrepta, defecisse diutius solem pavi-
dae mentes hominum aestimabant: primo attenua-
tum in lunae corniculantis effigiem, deinde in spe-
ciem auctum 1) semestrem, posteaque in integrum
restitutum. Quod alias non evenit ita perspicue, 2
nisi cum post inaequales cursus iter mensurum lunae.

2) *al.* audiebat. 3) *al.* defrustrandae. 4) *Sept.* moderandum
a se. 1) *Al.* semestrem.

- ad idem revocatur initium certis temporum intervallis: id est, cum in domicilio eiusdem signi tota reperitur luna sub sole liniamenti obiecta rectissimis, atque in his paullisper consistit minutis, quæ
 3 geometrica ratio partium ²⁾ partes adpellat. Ac licet utriusque sideris conversiones et motus, ut scrutatores causarum intelligibilium adverterant, in unum eundemque finem lunari cursu impleto, perenni distinctione conveniunt: tamen sol non semper his diebus obducitur, sed cum luna e regione, velut libramento quodam, igneo orbi et adspectui
 4 nostro opponitur media. Ad summam tum sol occultatur splendore suppresso, cum ipse et lunaris globus astrorum omnium infimus parili comitatu obtinentes circulo proprios, salvaque ratione altitudinis interiectae iunctim locati, ut scienter et decore Ptolemaeus exponit, ad dimensiones venerint, quos ἀναβιβάζοντας et καταβιβάζοντας ἐκλειπτικούς συνδεσμούς, coagmenta videlicet defectiva Graeco
 5) dictitant sermone. Et, si contigua iisdem iuncturis praestrinxerint spatia, dilutior erit defectus.
 5 Si vero articulis ipsis inhaeserint, qui coactius adscensus vinciunt et descensus, ⁴⁾ offunditur densioribus tenebris caelum, ut crassato aëre ne proxima quidem et adposita cernere queamus.
 6 Sol autem geminus ita videri existimatur, si erecta cellius solito nubes, aeternorumque ignium propinquitate collucens, orbis alterius claritudinem tamquam e speculo puriore formaverit.
 7 Nunc veniamus ad lunam. Apertum et evidentem ita demum sustinet luna defectum, cum pleno lumine ⁵⁾ rotundata solique contraria, ab eius orbe centum octoginta partibus, id est, signo septimo disparatur. Et quamquam hoc per omne plenilu-

2) Mf. partium partes app. 3) Mf. dictitata serm. 4) Mf. offunditur. 5) al. rotunda.

nium semper eveniat, non semper deficit tamen. Sed quoniam circa terrenam mobilitatem locata, et 8 a caelo totius pulcritudinis extrema, nonnumquam ferienti se 6) subserit luci, obiectu metae noctis in conum 7) desinentis angustum latet parumper umbrata; tumque nigrantibus involvitur globis, si sol sphaerae inferioris curvamine circumfusus, mole obsistente terrena, radiis eam suis illustrare non possit: quam numquam habere proprium lumen opiniones variae collegerunt. Et cum ad idem 9 signum aequis partibus soli concurrerit, obscuratur (ut dictum est) penitus hebetato candore; *σύνωδος* Graece 8) *μήνης* dicitur.

Nasci autem putatur, cum parva declinatione 10 velut e perpendiculo superiectum gerit solem. Exortus vero eius adhuc gracilescens primitus mortalitati videtur, cum ad secundum relicto sole migraverit signum. 9) Progressa itaque porrectius, iamque abunde nitens cornutae habitu, *μηνσείδης* est adpellata. Cum autem sole longo coeperit interstitio submoveri, et ad quartum pervenerit signum, radiis eius ad se conversis, maius concipit lumen, et fit Graeco sermone 10) *διχόμηνος*, quae forma semiorbem ostendit. Procedens deinde iam 11) disiunctissime quintoque signo arrepto, figuram monstrat *ἀμφικύρτου*, utrimque prominentibus gibbis. E regione vero cum normaliter steterit contra, lumine pleno fulgebit, domicilium septimi retinens figui: et in eodem tum etiam agens, paullulumque progressa minuitur, quem habitum vocamus 12) *ἀπόκρουσιν*, atque easdem formas repetit senescendo: 13) traditurque doctrina multiplici congruente, non

6) Ms. subserit lanici. 7) Ms. desidentis. 8) *al. mene* Graeco synodus. nasci autem. 9) Ms. progressus. 10) *al. διχόρομος*. 11) Ms. disiunctissimo quintoque signo. 12) Ms. *ΑΤΟΚΡΙCΙΝ*. Steph. *ἀπόκρουσιν*. 13) Ms. graditurque.

nisi tempore intermenstrui deficere visam usquam lunam.

12 Quod autem solem nunc in aethere, nunc in mundo inferiore ¹⁴⁾ cursare praediximus; sciendum est, siderea corpora, quantum ad universitatem pertinet, nec occidere, nec oriri: sed ita videri nostris obtutibus constitutis in terra, spiritus cuiusdam interni motu suspenso, rerumque magnitudini instar exigui ¹⁵⁾ subdita puncti; nunc caelo infixas suspicere stellas, quarum ordo est sempiternus, aliquoties humana visione languente discedere suis sedibus arbitrari. Verum ad instituta iam revertamur.

1 IV. Properantem Constantium Orienti ferre suppetias, turbando propediem excursibus Perficis, ut perfugae concinentes exploratoribus indicabant, urebant Iuliani virtutes, quas per ora gentium diversarum fama celebrior effundebat, magnorum eius laborum factorumque vehens adoreas cellas, post Alamanniae quaedam regna prostrata, receptaque oppida Gallicana aut direpta a barbaris et excisa, quos tributarios ipse fecit et vectigales. Ob haec et similia percitus, metuensque, ne augerentur in maius, stimulante (ut ferebatur) praefecto Florentio, Decentium tribunum et notarium misit, ¹⁾ auxiliares milites exinde protinus abstracturum Aeuolos et Batavos, cumque Petulantibus Celtas, et lectos ex numeris aliis trecentenos, hac specie iussos accelerare, ut adesse possint armis primo vere movendis in Parthos.

3 Et super auxiliariis quidem et trecentenis cogen-dis ocius proficisci Lupicinus conventus est solus, transisse ad Britannias nondum compertus: de scutariis autem et gentilibus excerpere quemque promptissimum, et ipse perducere ²⁾ Sintula iubetur, Caesaris stabuli tunc tribunus.

¹⁴⁾ Ms. cursari. ¹⁵⁾ Ms. subditam. ¹⁾ Ms. auxiliares milites exinde. ²⁾ Ms. Singula.

Conticuit, hisque acquieverat Iulianus, potio-4
 ris arbitrio cuncta concedens. Illud tamen nec
 dissimulare potuit, nec filere: ut illi nullas pate-
 rentur molestias, qui relictis laribus transrhœnais,
 sub hoc venerant pacto, ne ducerentur ad partes
 unquam transalpinas: verendum esse adfirmans, ne
 voluntarii barbari militares, sæpe sub eiusmodi le-
 gibus adfueti transire ad nostra, hoc cognito dein-
 ceptis arcerentur. Sed loquebatur incassum. Tri- 5
 bunus enim parvi querelas Caesaris ducens, Augu-
 sti iussis obtemperabat: et lecta expeditiore manu,
 vigore corporumque levitate præstanti, cum his-
 dem profectus est, spe potiorum erectus.

Et quia sollicitus Caesar, quid de residuis mitti 6
 præceptis agi deberet, perque varias curas animum
 versans, attente negotium tractari oportere cense-
 bat; cum hinc barbara feritas, inde iussorum urge-
 ret auctoritas, maximeque absentia magistræ equi-
 tum ³⁾ augente dubietatem, redire ad se præfectum
 hortatus est, olim Viennam specie annonæ parau-
 dæ digressum, ut se militari eximeret turba. Per- 7
 pendebat enim ad relationem suam, quam olim pu-
 tabatur misisse, abstrahendos a Galliarum defen-
 sione pugnaces numeros, barbarisque iam formida-
 tos. Qui, cum suscepisset Caesaris litteras monen- 8
 tis petentisque, ut venire acceleraret, rempublicam
 consiliis iuvaturus, obstinatissime detrectabat: ea
 ratione pavore mente confusa, quod aperta scripta
 significabant, ab Imperatore nusquam diiungi de-
 bere præfectum in ardore terribilium rerum. Ad-
 iectumque est, quod, si procurare dissimularet,
 ipse ⁴⁾ propria sponte proiiceret insignia principa-
 tus: gloriosum esse existimans iussa morte oppetere,
 quam ei provinciarum interitum adsignari. Sed
 vicit præfecti propositum pertinax, his, quæ ra-

3) *Mf. fugente.* 4) *Steph. propria fronte.*

tionabiliter poscebantur, parere contentione maxima reluctantis.

- 9 Inter has tamen moras absentis Lupicini, motusque militares timentis praefecti, Iulianus confiliorum adminiculo destitutus, ancipitique sententia fluctuans, id optimum factu ⁵⁾ existimavit: via sollemni cunctos e stationibus egressos, in quibus
10 hiemabant, maturare disposuit. Hocque comperto, apud Petulantium signa famosum quidam libellum humi proiecit occulte, inter alia multa etiam id continentem: *Nos quidem ad orbis terrarum extrema ut noxii pellimur et* ⁶⁾ *damnati: caritates vero nostrae Alamannis denuo servient, quas captivitate prima post internecivas liberavimus pugnas.*
- 11 Quo textu ad comitatum perlato lectoque, Iulianus contemplans rationabiles querelas, cum familiis eos ad Orientem proficisci praecepit, clavularis cursus facultate permilla: et cum ambigeretur diutius, qua pergerent via, placuit notario suggerente Ducentio, per Parisios homines transire, ubi morabatur adhuc
12 Caesar nusquam motus. Et ita factum est. Iisdemque adventantibus in suburbanis Princeps occurrit ex more, laudans, quos agnoscebat, factorumque fortium singulos monens, animabat lenibus verbis, ut ad Augustum alacri gradu pergerent, ubi potestas est ample patens et larga, praemia laborum adeptu-
13 ri dignissima. Utque honoratius procul abituros tractaret, ad convivium proceribus corrogatis, petere iure, si quid in promptu esset, edixit. Qui liberaliter ita suscepti, dolore duplici suspensi discesserunt et maesti, quod eos fortuna quaedam inclemens et moderato rectore et terris genitalibus dispararet. Hocque angore impliciti, in stativa
14 solita ⁷⁾ recesserunt. Nocte vero coeptante in apertum

5) Mf. existimavit. 6) Sieph. et imbelles. 7) Mf. cessarunt.

tum erupere diffidiam: incitatisque animis, ut quemque inasperata res adflictabat, ad tela convertuntur et manus: fremituque ingenti omnes petivere palatium, et spatii eius ambitis, ne ad evadendi copiam quisquam perveniret, Augustum Iulianum horrendis clamoribus concrepabant, eum ad se prodire ⁸⁾ destinatus adigentes: expectareque coacti, dum lux promicaret, tandem progredi compulerunt. Quo viso, iterata magnitudine ⁹⁾ sonus Augustum adpellavere consensione firmissima.

Et ille mente fundata universis resistebat. et fin- 15
gulis, nunc indignari semet ostendens, nunc manus tendens, oransque et obsecrans, ne post multas felicissimasque victorias agatur aliquid indecorum; neve intempestiva temeritas et prolapsio discordiarum materias excitaret. Haecque adiciebat, tandem sedatos leniter allocutus: *Cesset ira, quaeso, 16*
paullisper: absque diffensione, vel rerum adpetitu novarum impetrabitur facile, quod postulatis: quoniam vos dulcedo patriae retinet, et insueta peregrinaque metuitis loca, redite iam nunc ad sedes, nihil visuri, quia displicet, transalpinum. Hocque apud Augustum capacem rationis et prudentissimum ego competenti satisfactione purgabo. Conclama- 17
batur post haec ex omni parte nihilominus, uno parique ardore nitentibus universis: maximoque contentionis fragore, probro et conviciis misto, Caesar adfentire coactus est. Impositusque scuto pedestri, et sublatius eminens, ¹⁰⁾ nullo silente Augustus renuntiatus, iubebatur diadema proferre: negansque unquam habuisse, uxoris colli vel capitibus poscebatur. Eoque adfirmante, primis auspiciis 18
non congruere aptari muliebri mundo, equi ¹¹⁾ pha-

8) *al.* festinatus. 9) *al.* soni. 10) *Mc.* pullo silente. 11) *Mc.* phaleræ.

lera quaerebatur, uti coronatus speciem saltem obscuram superioris praetenderet potestatis. Sed cum id quoque turpe esse adleveraret: Maurus nomine quidam, postea Comes, qui rem male gessit ¹²⁾ apud Succorum angustias, Petulantium tunc hastatus, abstractum sibi torquem, quo ut draconarius utebatur, capiti Iuliani imposuit confidenter: qui transus ad necessitatem extremam, iamque periculum praesens vitare non posse advertens, si reniti perseverasset, quinos omnibus aureos, argentique singula pondo promisit.

- 19 Hisque gestis haud minore quam antea cura constrictus, futuraque celeri providens corde, nec diadema gestavit, nec procedere ausus est usquam,
 20 nec agere seria, quae nimis urgebant. Sed cum ad latebras secessisset occultas accidentium varietate perterritus Iulianus; aliquis palatii decurio, qui ordo est dignitatis, pleniore gradu signa Petulantium ingressus atque Celtarum, facinus indignum turbulente exclamat, pridie Augustum eorum arbitrio declaratum, clam interemptum. Hocque
 21 comperto, milites, quos ignota pari sollicitudine movebant et nota, pars crispantes missilia, alii minitantes nudatis gladiis, diverso vagoque (ut in repentino solet) excursu occupavere volucriter regiam: strepituque immani excubitores percussi, et tribuni, et domesticorum Comes Excubitor nomine, veritique ¹³⁾ versabilis perfidiam militis, eva-
 22 nuere metu mortis subitae dispalati. Viso tamen otio summo, quieti steterè paullisper armati: et interrogati, quae causa esset inconsulti motus et repentini, diu tacendo haesitantes super salute principis, non antea discesserunt, quam acciti in consistorium fulgentem eum augusto habitu conspexissent.

12) *al.* apud Succorum angustias speculantium, tunc Hastatus.

13) *al.* versabilem.

V. His tamen auditis, etiam illi, quos antea ¹gressos retulimus ²) ducente Sintula, cum eo iam securi Parilios ³) revertuntur: edictoquo, ut futura luce cuncti convenirent in campo, progressus princeps ambitiosius solito tribunal adscendit, lignis aquilisque circumdatus et vexillis, saeptusque tutius armatarum cohortium globis. Cumque inter- ²quievisset paululum, dum alte contemplatur praesentium vultus, alacres omnes visos et laetos, quasi lituis, verbis (ut intelligi possit) simplicibus incendebat.

Res ardua poscit et flagitat, propugnatores mei ³reique publicae fortes et fidi, qui mecum pro statu provinciarum vitam saepius obiecistis, quoniam Caesarem vestrum firmo iudicio ad potestatum omnium ³) columnen sustulistis, perstringere pauca summam, ut remedia permutatae rei rata colligantur et cauta. Vixdum adulescens specie tenus purpuratus (ut nostis) vestrae tutelae nutu caelesti commissus, numquam a proposito recte vivendi deiectus sum: vobiscum in omni labore perspicuus, cum dispersa gentium confidentia, post civitatum excidia, peremptaque innumera hominum millia, pauca, quae semiintegra sunt relictas, cladis immensitas persultaret. Et retexere superfluum puto, quoties hieme cruda, rigentique caelo, quo tempore terrae ac maria opere Martio vacant, indomitos antea cum iactura virium suarum repulimus Alamannos. Id sane nec praetermitti est aequum nec taceri, ⁵quod, cum prope Argentoratum illuxisset ille beatissimus dies, vehens quodammodo Galliis perpetuam libertatem, inter confertissima tela me discurrente, vos vigore ususque diuturnitate fundati, velut incitatos torrentes, hostes abruptius inundantes, supe-

O 2

1) Mf. ducente Sintula. 2) Mf. reverterentur. 3) Mf. columnen.

raſtis ferro proſtratos, vel fluminis profundo ſubmerſos, paucis relictis noſtrorum, quorum exſequias honeſtavimus celebri potius laude, quam luctu.

- 6 *Poſt quae opinor tanta et talia nec poſteritatem taciturnam de veſtris in rempublicam meritis ⁴⁾ in gentibus cunctis, ſi plene, ⁵⁾ quem altiore faſtigio maiestatis ornaſtis, virtute gravitateque, ſi quid ad-*
- 7 *verſum ingruerit, defendatis. Ut autem rerum integer ordo ſervetur, praemiaque virorum fortium maneanť incorrupta, nec honores ambitio praeripiat clandestina, id ſub reverenda conſilii veſtri facie ſtatuo, ut NEQUE CIVILIS QUISQUAM IUDEX, NEC MILITIAE RECTOR, ALIO QUODAM PRAETER MERITA SUFFRAGANTE, AD POTIOREM VENIAT GRADUM, NON SINE DETRIMENTO PUDORIS EO, QUI PRO QUOLIBET PETERE TENTAVERIT, DISCESSURO.*

- 8 *Hac fiducia ſpei maioris animatus inferior miles, dignitatum iam diu expers et praemiorum, haſtis feriendo clypeos ſonitu adſurgens ingenti, uno pro-*
- 9 *pemodum ore dictis favebat et coeptis. Statimque, ne turbandae diſpoſitioni conſultae tempus ſaltem breve concederetur, pro actuariis ⁶⁾ obſecraverę Petulantes et Celtę, recturi, quas placuiſſet provincias, mitterentur: quo non impetrato abiere nec offenſi, nec triſtes.*

- 10 *Nocte tamen, quae declarationis Auguſtae praecceſſerat diem, iunctoribus proximis retulerat Imperator, per quietem aliquem viſum, ut formari Genius publicus ſolet, haec obiurgando dixiſſe: *Olim, Iuliane, veſtġbulum aedium tuarum obſervo latenter, augere tuam geſtiens dignitatem; et aliquoties tamquam repudiatus abſceſſi: ⁷⁾ ſed, ſi ne nunc quidem recipior, ſententia concordante multorum; ibo demiſſus et maeſtus. Id tamen retineto ⁸⁾ imo corde, quod tecum non diutius habitabo.**

4) *τὸ* in doct. 5) Haec Mf. deſunt. 6) Mf. obſervare. 7) Mf. deſunt. 8) Mf. in imo corde.

VI. Haec dum per Gallias agerentur intento, ¹truculentus rex ille Persarum, incentivo Antonini adventu Craugasii duplicato, ardore obtinendae Mesopotamiae flagrans, dum ageret cum exercitu procul Constantius, armis multiplicatis et viribus transmissis sollempniter Tigride, oppugnandam adortur Singaram milite usuique congruis omnibus, ut aestimavere, qui regionibus praeerant, abunde munitam. Cuius propugnatores viso hoste longissime, clausis ocius portis, ingentibus animis per turres discurrebant et minas, saxa tormentaue bellica congerentes, cunctisque praestructis stabant omnes armati, multitudinem parati propellere, si mœnia subire tentasset.

Adventans itaque rex, cum per optimates suos ³propius admissos, pacatiore colloquio flectere defensores ad suum non potuisset arbitrium, quieti diem integrum dedit: et matutinae lucis exordio, signo per flammeum erecto vexillum, circumvaditur civitas a quibusdam vehementibus scalas, aliis componentibus machinas, plerisque obiectu vinearum pluteorumque tectis, iter ad fundamenta parietum quaerentibus subvertenda. Contra haec oppi- ⁴dani superstantes propugnaculis cellis, lapidibus eminus telorumque genere omni ad interiora ferocius se proripientes arcebant.

Et pugnabatur eventu ancipiti diebus aliquot, ⁵hinc inde multis amissis et vulneratis: postremo fervente certaminum mole, et propinquante iam vespere, inter machinas plures admotus aries robustissimus orbiculatam turrim feriebat ictibus densis, unde reseratam urbem obsidio superiore docuimus. Ad quam conversa plebe dimicabatur artissime: ⁶fa-
desque cum taedis ardentibus et malleolis ad exurendum imminens malum undique convolabant, nec ⁷fa-

¹) Steph. non sagittarum.

gittarum crebritate, nec ²⁾ glandis hinc inde cessante. Vicit tamen omne prohibendi commentum acumen arietis, coagmenta fodiens lapidum recens structorum, madoreque etiam tum infirmium. 7 Dumque adhuc ferro certatur et ignibus, turri lapsa cum patuisset iter in urbem, nudato propugnatoribus loco, quos periculi disiecerat magnitudo, Persarum agmina undique ululabili clamore sublato, nullo cohibente cuncta oppidi membra complebant: caesisque promisce paucissimis, residui omnes ³⁾ mandatu Saporis vivi comprehensi, ad regiones Persidis ultimas sunt asportati.

8 Tuebantur autem hanc civitatem legiones duae, prima Flavia, primaque Parthica, et indigenae plures, cum auxilio equitum ilico ob repentinum malum inclusorum: qui omnes, ut dixi, vinctis manibus ducebantur, nullo iuvante nostrorum.

9 Nisibin enim sub pellibus agens pars maior exercitus custodiebat, intervallo perquam longo discretam: alioquin numquam labenti Singarae vel temporibus priscis quisquam ferre auxilium potuit, aquarum paenuria cunctis circum arentibus locis. Et licet ad praesciscendos adversos subitosque motus, id munimentum opportune locavit antiquitas, dispendio tamen fuit rei Romanae, cum defensorum iactura aliquoties interceptum.

VII. Exciso itaque oppido, rex Nisibin prudenti consilio vitans, memor nimirum, quae saepius ibi pertulerat, dextrum latus itineribus petit obliquis: Bezabden, quam Phoenicam quoque institutores veteres adpellarunt, vi vel promissorum dulcedine illectis defensoribus retenturus, munimentum impendio validum, in colle mediocriter edito positum, vergensque in margines Tigridis, atque, ubi loca suspecta sunt et humilia, duplici muro

2) *al.* glande. 3) *Mf.* mandatu.

vallatum: ad cuius tutelam tres legiones sunt deputatae, secunda Flavia, secundaque Armeniaca, et Parthica itidem secunda, cum sagittariis pluribus Zabdicenis, in quorum solo tunc nobis obtemperantium hoc est municipium positum.

Primo igitur impetu cum agmine cataphractorum fulgentium rex ipse sublimior caeteris, castrorum ambitum circumcursans, prope labra ipsa fossarum venit audentius: petitusque ballistarum ictibus certis et sagittarum, densitate ¹⁾ opertus armorum in modum testudinis contextorum, abscessit innoxius. Ira tamen tum sequestrata, caduceato-
ribus missis ex more, clausos blandius hortabatur, ut vitae speique consulturi obsidium deditione solverent opportuna, referatisque portis egressi, supplices victori gentium semet offerrent. Quibus
adire propius ausis defensores moenium ideo perpercerunt, quod cohaerenter sibi iunctos duxerant
²⁾ hisdem notos ingenuos, Singarae captos: eorum enim miseratione telum nemo contorfit, nec super pace respondit.

Deinde datis indutiis diei totius et noctis, ante 5 alterius lucis initium Persarum populus omnis adortus avide vallum, acriterque minans ac fremens, ubi ad ipsa moenia confidenter accessit, ³⁾ dimicabat vi magna resistentibus oppidanis. ⁴⁾ Quare saucia-
bantur plerique Parthorum, quod pars scalas venientes, alii opposcentes vimineas crates, veluti caeci pergebant introrsus, nec nostris innocui. Sagittarum enim nimbi crebrius volitantes, stantes confertius perforabant: partibusque post solis occasum aequa iactura digressis, adpetente postridie luce ardentius multo quam antea pugnabatur, hinc inde concinentibus tubis: nec minores strages utrobique visae sunt, ambobus obstinatissime collectatis.

¹⁾ Ms. opertus. ²⁾ Ms. iste in notos. ³⁾ Ms. dicabat vi. ⁴⁾ Ms. et quae re. *It. ex qua re, ut alibi ea re.*

- 7 Verum sequuto die, otio communi adsensu post aerumnas multiplices attributo, cum magnus terror circumfisteret muros, Persaeque paria formidarent: Christianae legis antistes exire se velle gestibus ostendebat et nutu; acceptaque fide, quod redire permitteretur incolumis, adusque tentoria regis accessit. Ubi data copia dicendi, quae vellet, suadebat placido sermone discedere Persas ad sua, post communes partis utriusque luctus formidari etiam maiores adfirmans, forsitan adventuros. Sed perstabat incassum haec multaque similia differendo, efferata vesania regis obstante, ⁵⁾ non ante castrorum
- 9 excidium digredi pertinaciter adiurantis. Perstrinxit tamen suspicio vana quaedam episcopum, ut opinor, licet adseveratione vulgata multorum, quod clandestino colloquio Saporem docuerat, quae moenium adpeteret membra, ut fragilia intrinsecus et invalida. Hocque exinde verisimile visum est, quod postea intuta loca carieque nutantia cum exultatione magna, velut regentibus penetralium calidis, contemplabiliter machinae feriebant hostiles.
- 10 Et quamquam angusti calles difficiliorem aditum dabant ad muros, aptatique arietes aegre promovebantur, manualium saxorum sagittarumque metu arcente: nec ballistae tamen cessavere nec scorpiones, illae tela torquentes, hi lapides crebros, quaeque simul ardentes pice et bitumine illiti: quorum adfiduitate per proclive labentium ⁶⁾ machinae haerebant velut altis radicibus fixae, easque malleoli et faxes iactae destinatius exurebant.
- 11 Sed cum haec ita essent, caderentque altrinsecus multi, ardebant magis oppugnatores naturali situ et ingenti opere munitum oppidum ante brumale sidus excindere, rabiem regis non ante sedari ⁷⁾ posse credentes. Quocirca nec multa cruoris effusio,

• 5) defunt Mf. 6, Mf. machinarum. 7) *et posse* deest al.

nec confixi mortiferis vulneribus plurimi caeteros ab audacia parili revocabant. Sed diu cum exitio 12 decernentes postremo, periculis obiectavere semet abruptis: et agitantes arietes, denso saxorum molarium pondere fomentisque ignium variis, ire protinus vetabantur. Verum unus aries residuis cellior, 13 humectis taurinis opertus exuviis, ideoque minus casus flammeos pertimescens aut tela, antegressus omnes replit nilibus magnis ad murum: vastoque acumine coagmenta lapidum fodiens, turrim laxatam evertit. Qua sonitu lapsa ingenti, superstantes quoque repentina ruina deiecti, diffractique vel obruti, mortibus interiere diversis et insperatis: inventoque tutiore adscensu armata irruit multitudo.

Trepididis deinde superatorum auribus ululân, 14 tium nudique Persarum intonante fragore, artius proelium intra muros exarsit, hostium nostrorumque catervis certantibus comminus, cum confertis inter se corporibus, hinc indeque stricto mucrone nulli occurrentium parceretur. Magna denique 15 mole ancipiti diu exitio renitentes obsessi, postremo plebis immensae ponderibus effuse disiecti sunt. Et post haec iratorum hostium gladii, quidquid inveniri poterat, concidebant: abreptique sinibus matrum parvuli, ipsae quoque matres trucidabantur, nullo, quid ageret, respectante. Inter ea tam funesta, gens rapiendi cupidior, onusta spoliolum genere omni, captivorumque examen maximum ducens, tentoria repetivit exultans.

Rex tamen gaudio insolenti elatus, diuque desi- 16 derio capiendae Phoenicae flagrans, munimenti perquam tempestivi, non ante discessit, quam labefactata murorum parte reparata firmissime, alimentisque adfatim conditis, armatos ibi locaret insignes origine, bellicque artibus claros. Verebatur enim, quod accidit, ne amissionem castrorum ingentium

ferentes aegre Romani, ad eadem obsidenda viribus magnis accingerentur.

17 Latius se proinde iactans, additaque spe, quidquid adgredi posset, adipiscendi, interceptis castellis aliis vilioribus Virtam adoriri disposuit, munimentum valde vetustum, ut aedificatum a Macedone credatur Alexandro, in extremo quidem Mesopotamiae situm, sed muris velut sinuosis circumdatum et cornutis, instructioneque varia inaccessum. Quod

cum omni tentaret arte, nunc ⁸⁾ promissis defensores alliciens, nunc poenas cruciabiles minitans, aliquoties struere aggeres parans, obsidionalesque ⁹⁾ admouens machinas, multis acceptis vulneribus, quam illatis, omisso vano incepto tandem abscessit.

1 VIII. Haec eo anno inter Tigrim gesta sunt et Euphratem. Quae cum frequentibus nuntiis didicisset Constantius, metuens expeditiones Parthicas, hiemem apud Constantinopolim agens, impensiore cura limitem instruebat cum omni adparatu bellorum. Arma quoque et tirocinia cogens, legionesque augens iuventutis validae supplementis, quarum statariae pugnae per orientales saepius emicuerunt procinctus: auxilia super his Scytharum poscebat mercede vel gratia, ut adulto vere profectus ¹⁾ e Thraciis, loca suspecta protinus occuparet.

2 Inter quae Iulianus apud Parilios hibernis locatis, summa coeptorum quorsum evaderet pertimescens, erat anxius, nusquam adfensurum Constantium factis multa volvendo considerans, apud
3 quem fordebat ut infimus et contemptus. Circumspectis itaque trepidis rerum novarum exordiis, legatos ad eum mittere statuit gesta docturos, eisque concinentes litteras dedit, quid actum sit, quidve fieri oporteat deinceps, monens apertius et demon-
4 strans. Quamquam eum haec dudum comperisse

8) Mf. promissis. 9) al. movens. 1) Mf. et braratus.

opinabatur, relatu Decentii olim reverſi, et cubiculariorum recens de Galliis ²⁾ praegreſſorum, qui ad Caefarem aliqua portavere ſollemnia. Et, quamquam non repugnanter, tamen nec arrogantibus verbis quidquam ſcripſit, ne videretur ſubito ³⁾ reclinasse. Erat autem litterarum ſenſus huiusmodi:

Ego quidem propoſiti mei fidem non minus moribus, quam foederum pacto, quoad fuit, unum ſemper atque idem ſentiens conſervavi, ut effectum multiplici claruit evidenter. Iamque inde, ut me creatum Caefarem pugnarum horrendis fragoribus obiecisti, poteſtate delata contentus, currentium ex voto proſperitatum nuntiis crebris, ut adparitor fidus tuas aures implevi, nihil uſquam periculis meis adſignans; cum documentis adſiduis conſtet, diſfuſis permittisſue paſſim Germanis, in laboribus me ſemper viſum omnium primum, ⁴⁾ in laborum reſeptione poſtremum.

Sed bona venia tua dixerim, ſi quid novatum eſt nunc, ut exiſtimas: in multis bellis et aſperis aetatem ſine fructu conterens miles, olim ⁵⁾ deliberatum implevit, fremens, ſecundique impatiens loci rectorem, cum nullas ſibi vices a Caefare diuturni ſudoris et victoriarum frequentium rependi poſſe contempleretur. Cuius iracundiae, nec dignitatum augmenta; nec annuum merentis ſtipendium, id quoque inopinum acceſſit, quod ad partes orbis Eoi poſtremas venire iuſſi, homines adſueti glacialibus terris, ſeparandique liberis et coniugibus, egentes trahebantur et nudi. Unde ſolito ſaevius eſſerati, nocte in unum collecti palatium obſedere, Auguſtum Iulianum vocibus magnis adpellantes et crebris. Co- horruui, fateor, et ſeceſſi: amandatusque, dum potui, ⁶⁾ ſalutem ſimulatione quaeritabam et latebris.

2) Mſ. praegreſſorum. 3) Mſ. redundaffe. 4) Mſ. in laborum reſeptione, 5) Mſ. deliberatum. 6) Mſ. ſalutemus latione.

- Cumque nullae darentur indutiae, libero pectoris muro, ut ita dixerim, saeptus, progressus ante conspectum omnium fleti, molliri posse tumultum*
 10 *auctoritate ratus, vel sermonibus blandis. 7) Exarsere mirum in modum, eoque provecti, ut cum precibus vincere pertinaciam conabar, instanter mortem contiguis adsultibus intentarent. Victus denique, necumque ipse contestans, quod alter confosso me forsitan libens declarabitur princeps, adensus sum, vim lenire sperans armatam.*
- 11 *Gestorum hic textus est, quem mente quaeso accipito placida. Nec actum quidquam secus existimes, vel susurrantes perniciose malignos admittas, ad compendia sua excitare secessiones principum aduetos: sed adulatione vitiorum 8) altrice depulsa, excellentissimam virtutum omnium adverte iustitiam: et conditionum aequitatem, quam propono, bona fide suscipito; cum animo disputans, haec statui Romano prodesse, nobisque, qui caritate sanguinis, et fortunae superioris culmine sociamur.*
- 12 *Ignosce enim: quae cum ratione poscuntur, non tam fieri cupio, quam a te utilia probari et recta, avide tua praecepta deinde quoque suscepturus.*
- 13 *Quae necesse sit fieri, in compendium redigam breve. Equos praebebo 9) curules Hispanos, et miscendos gentilibus atque scutariis adulescentes Letos quosdam, cis Rhenum editam barbarorum progeniem, vel certe ex dediticiis, qui ad nostra desiscunt. Et haec adusque exitum vitae me spondeo non modo grato animo, verum cupido quoque factu-*
 14 *rum. Praefectos praetorio, aequitate et meritis notos, tua nobis dabit clementia: residuos ordinarios iudices, militiaeque moderatores promovendos arbitrio meo concedi est consentaneum, itidemque stipatores. Stultum est enim, cum ante caveri pos-*

7) Mf. quom. 8) Mf. alacri caede pulsa. 9) Mf. curules Sparnos.

*fit ne fiat,*¹⁰⁾ eos ad latus Imperatoris adscisci, quorum mores ignorantur et voluntates.

Hoc sane sine ulla dubitatione firmaverim: tiro- 15
nes ad peregrina et longinqua Galli mittere, di-
turna perturbatione casibusque vexati gravissimis,
nec sponte sua poterunt nec coacti, ne consumpta pe-
nitus iuventute, ut adfliguntur praeterita recordan-
tes, ita desperatione pereant impendentium. Nec 16
Parthis gentibus opponenda auxilia hinc acciri
conveniet, cum adhuc nec barbarici sint impetus in-
terclusi, et (si dici, quod verum est, pateris) hae
provinciae malis iactatae continuis, externis indi-
geant adiumentis et fortibus.

Haec hortando, ut aestimo, salutariter scripsi, 17
poscens et rogans. Scio enim, scio, ne quid jubla-
tius dicam cum imperio congruens, quas rerum
acerbitates iam conclamatas et perditas, concordia
vicissim sibi cedentium principum meliorem revoca-
vit in statum: cum adpareat maiorum exemplo no-
strorum, moderatores haec et similia cogitantes, for-
tunate beateque vivendi reperire quodammodo viam,
et ultimo tempori posteritatisque iucundam sui me-
moriam commendare.

His litteris iunctas secretiores alias Constantio 18
offerendas clanculo misit, obiurgatorias et morda-
ces: quarum seriem nec scrutari licuit, nec, si li-
cuisset, proferre decebat in publicum.

Ad id munus implendum electi viri sunt graves, 19
Pentadius officiorum magister, et Eutherius cubi-
culi tunc praepositus, post oblatas litteras relaturi,
nullo suppresso, quae viderunt, et super ordine fu-
tutorum fidenter acturi.

Auxerat inter haec coeptorum invidiam Floren- 20
tii fuga praefecti: qui velut praefagiens concitandos
motus ob militem, ut sermone tenuis iactabatur, ac-

10) Mss. eos latus. 79. eos ad latus Imp.

citum, consulto discesserat Viennam, alimentariae rei gratia divelli causatus a Caesare, quem saepe
 21 tractatum asperius formidabat. Dein cum comperisset eum ad augustum culmen evectum, exigua ac prope nulla vivendi spe versus in metum, ut longe disiunctus, malis se, quae suspicabatur, exemit: et necessitudine omni relicta digressus venit ad Constantium itineribus lentis: utque se nulli obnoxium culpaе monstraret, Iulianum ut perduellem multis
 22 criminibus adpetebat. Cuius post abitum bene Iulianus cogitans et prudenter, scirique volens, quod praesenti quoque pepercisset; caritates eius cum re familiari intacta, publici cursus usu permissa, ad Orientem redire tutius imperavit.

1 IX: Nec minore studio Tequuti legati, haec secum ferentes, quae praediximus, intentique ad viandum, cum venirent ad indices celsiores, oblique tenebantur: morasque per Italiam et Illyricum perpessi diuturnas et graves, tandem ¹⁾ transfretati per Bosporum, itineribusque lentis progressi, apud Caesaream Cappadociae etiam tum degentem invenire Constantium, Mazacam antehac nominatam, opportunam urbem et celebrem, sub Argaei montis
 2 pedibus sitam. Qui intromissi, data potestate offerunt scripta: iisque recitatis, ultra modum solitae indignationis excanduit Imperator, ²⁾ limibusque oculis eos adusque metum contuens mortis, egredi iussit, nihil post haec percontatus vel audire perpressus.

3 Percussus tamen ardenter cunctatione stringebatur ambigua, utrum in Persas, an contra Iulianum moveri iuberet acies, quibus fidebat: haesitansque diu perpenis consiliis, flexus est quorundam sententia ³⁾ utilium suavorum, et iter orientem versus

1) Ms. transfretati per Bosporum. 2) Ms. limisque oculis.
 3) Ms. utilium suavorum.

edixit. Statim tamen et legatos absolvit, et Leo- 4
nam quaestorem suum in Gallias cum litteris datis ad
Iulianum pergere celeri statuit gradu, nihil novato-
rum se adferens suscepisse, sed eum (si saluti suae
proximorumque consulit) tumentis statu deposito,
intra Caesaris se potestatem continere praecipiens.
Utque id facile formido intentatorum efficeret, velut 5
magnis viribus fretus, in locum Florentii praefe-
ctum praetorio Nebridium, tum quaestorem eius-
dem Caesaris promoverat, et Felicem notarium,
officiorum magistrum, et quosdam alios. Guinoha-
rium enim successorem Lupicini, antequam sciretur
huiusmodi quidquam, magistrum provexit armo-
rum.

Ingressus itaque Parisios Leonas, susceptus ut 6
honoratus et prudens, postridie principi progresso
in campum cum multitudine armata pariter et ple-
beia, quam de industria convocarat, e tribunali, ut
emineret alius, superstanti, scripta iubetur offerre.
Replicatoque volumine edicti, quod missum est, et
legi ab exordio coepto, cum ventum fuisset ad lo-
cum id continentem, quod gesta omnia Constantius
improbans, Caesaris potestatem sufficere Iuliano
censebat, 4) exclamabatur undique vocum terribi-
lium sonu: *Auguste Iuliane, ut provincialis, et 7*
miles, et rei publicae decrevit auctoritas; recreatae
quidem, sed adhuc metuentis redivivos barbarorum
excurfus.

Quibus auditis Leonas, cum Iuliani litteris haec 8
eadem 5) indicantibus revertit incolumis: solusque
admissus est ad praefecturam Nebridius: id enim
Caesar quoque scribens, ex sententia sua fore aperte
praedixit. Magistrum enim officiorum iampridem
ipse Anatolium ordinavit, libellis antea responden-

4) Mf. exclamabatur undique vocum terribilium sonum. 5) Mf. innotantibus.

tem, et quosdam alios, ut sibi utile videbatur et tutum.

9 Et quoniam, cum haec ita procederent, timebatur Lupicinus, licet absens, agensque etiam tum apud Britannos, homo superbae mentis et turgidae; eratque sulpicio, quod, si haec trans mare didicisset, novarum rerum materias excitaret: notarius Bononiam mittitur, observaturus sollicitate, ne ququam fretum oceani transire permetteretur. Quo vetito, reversus Lupicinus, antequam horum quidquam sciret, ⁶⁾ nullas ciere potuit turbas.

1 X. Iulianus tamen iam celliorem fortuna militisque fiducia laetior, ne intepesceret, neve ut remissus argueretur et deses, legatis ad Constantium missis, in limitem Germaniae secundae est egressus: omnique adparatu, quem flagitabat instans negotium, ¹⁾ communitus, Tricenisimae oppido propinquabat. Rheno ²⁾ exinde transmissio regionem subito pervasit Francorum, quos Attuarios vocant, inquietorum hominum, licentius etiam tum percurstantium extima Galliarum. Quos adortus subito nihil metuentes hostile, ³⁾ nimiumque securos, quod scruposa viarum difficultate arcente, nullum ad suos pagos introisse meminerant principem, superavit negotio levi; captisque plurimis et occisis, orantibus aliis, qui superfuere, pacem ex arbitrio dedit, hoc prodesse possessoribus finitimis arbitrat³ tus. Unde reversus pari celeritate per flumen, praesidiaque limitis explorans diligenter et corrigens, adusque Rauracos venit: locisque recuperatis, quae olim barbari intercepta retinebant ut propria, iisdemque pleniore cura firmatis, per Besanctionem Viennam hiematurus abscessit.

XI. Hic

6) Mf. nullus. 1) Mf. communitus Obtricensimae oppido. 2) al. deinde. 3) al. nimium sic.

XI. Hic per Gallias erat ordo gestorum. Quae dum ita prospere succedunt et caute, Constantius accitum Arsacem Armeniae regem, summaque liberalitate susceptum praemonebat et hortabatur, ut nobis amicus esse perseveraret et fidus. Audiebat enim saepius eum tentatum a rege Persarum fallaciis, et minis, et dolis, ut Romanorum societate posthabita, suis rationibus ¹⁾ stringeretur. Qui crebro adiurans animam prius posse amittere, quam sententiam, muneratus cum comitibus, quos duxerat, rediit ad regnum, ²⁾ nihil ausus temerare postea promissorum, obligatus gratiarum multiplici nexu Constantio: inter quas istud potius excellebat, quod Olympiada Ablabii filiam praefecti quondam praetorio, ei copulaverat coniugem, sponsam fratris sui Constantis.

Quo dimisso a Cappadocia, ipse per Melitinam ⁴ minoris Armeniae oppidum, et Lacotena, et Samosata, transito Euphrate Edeßam venit: ubique, dum agmina undique convenientium militum, et rei cibariae abundantes copias opperitur, diu moratus; post acquinocitium egreditur autumnale, Amidam petens.

Cuius cum prope venisset moenia, favillis ⁵ oppleta collustrans, flebat cum gemitu, reputans quales miseranda civitas pertulerat clades. Ibi tunc forte Ursulus praesens, qui aerarium tuebatur, dolore percitus exclamavit: *En quibus animis urbes, a milite defenduntur, cui ut abundare stipendium possit, imperii opes iam fatiscunt!* Quod dictum ita amarum militaris multitudo postea apud Chalcedona recordata, ad eius exitium consurrexit.

Exinde cuneis confertis incedens, cum Bezabden ⁶ adventaret, fixis tentoriis, vallo fossarumque altitudine circumsaepitis, obequitans castrorum

1) Ms. stringeretur. 2) Ms. intheläufus temeratore.

ambitum longius, docebatur relatione multorum, instaurata esse firmitus loca, quae antehac incuria corruperat vetustatis. Et, ne quid omitteret, quod ante fervorem certaminum erat necessario praestruendum; viris prudentibus missis, conditione posita dupla, cogebat moenium defensores redire ad suos, alienis sine cruore concessis, aut in ditionem venire Romanam dignitatibus augendos et praemiis. Atque, cum illi destinatione nativa reniterentur ut clare nati, periculisque et laboribus indurati, cuncta obsidioni congrua parabantur.

8 Densis itaque ordinibus cum tubarum incitamentis latera oppidi cuncta adortus alacris miles, legionibus in testudines varias conglobatis, paulatim tuto progrediens subruere moenia conabatur: et quia telorum omne genus in subeuntes effundebatur, nexu clypeorum soluto discessum est, in recessum cagnentibus signis. Laxatis deinde ad diem unum ³⁾ indutiis, tertia luce curiosius ⁴⁾ tecti, elatis passim clamoribus adscensus undique tentabant. Et licet defensores obtentis ciliciis, ne conspicerentur ab hostibus, latebant intrinsecus; tamen, quoties flagitabat necessitas, lacertos fortiter exsertantes, lapidibus subiectos incessabant et telis. Et vimineae crates cum procederent confidenter, essentque parietibus contiguac, dolia desuper cadebant, molae et columnarum fragmenta: quorum ponderibus nimis obruebantur oppugnatores, hiatuque violento disiectis operimentis, cum periculis ultimis evadebant.

11 Decimo itaque, postquam ⁵⁾ pugnari die coeptum est, cum ⁶⁾ spes nostrorum interiora cuncta maerore compleret, transferri placuerat molem arietis magni, quam Persae quondam Antiochia pulli-

3) Mf. indomis. 4) Mf. tecto. 5) Mf. pugnari. 6) Mf. spes nostrorum interior.

bus eius excisa relataque relinquerant apud Carras: quae subito visa, aptataque faberrime, clausorum hebetaverat mentes, adusque deditiois remedia paene prolapsas, ni resumptis viribus opponenda machinae huic praeparassent. Nec temeritas post 12 haec cessaverat, nec consilium. Namque, dum instrueretur aries vetustus, et dissolutus, ut facile verheretur, 7) omni arte, omnique virium nisu, et 8) oppugnantorum vi et firmitudine summa defensas batur: tormenta nihilominus et lapidum crebritas atque fundarum ex utraque parte plurimos consume bant: et aggerum moles incrementis celeribus con surgebant: acriorque indies adulescebat obsidio, multis nostrorum idcirco cadentibus, quod decer nentes sub Imperatoris conspectu, spe praemiorum, ut possent facile, qui essent, agnosci, nudantes ga leis capita sagittariorum hostilium peritia fundeban tur. Proin dies et noctes intentae vigiliis, cautio- 13 res stantes utrobique faciebant. Et Persae aggerum altitudine iam in sublime porrecta, machinaeque ingentis horrore perculsi, quam minores quoque se quebantur, omnes exurere vi maxima nitebantur: et assidue malleolos atque incendiaria tela torquen tes, laborabant incassum, ea re, quod humectis scortis et centonibus erant opertae materiae plures, aliae unctae alumine diligenter, ut ignis in eas labe retur innoxius. Verum has admoventes fortitudine 14 magna Romani, licet difficile defensabant, tamen cupiditate potius oppidi ne prompta quidem peri cula contemnebant. Et contra propugnatores, cum 15 iam discussurus turrim oppositam aries maximus ad ventaret, prominentem eius ferream frontem, quae

P 2

7) Mf. omni argento. 7z. omni argumento, ut in Actis Euphemiae. Trahentes argumentis lapides. 8) Mf. oppugnantorum veni et fortitud.

revera formam ⁹⁾ effingit arietis, arte subtili illaqueatam altrinsecus laciniis retinere longissimis, ne retrogradiens resumeret vires, neve ferire muros adfultibus densis contemplabiliter posset, fundentes quoque ferventissimam picem: et diu promotae machinae stabant, muralia saxa perferentes et tela.

16 Iamque aggeribus cumulatus excitatis, defensores, ni vigilassent, exitium adfore iam sperantes, in audaciam ruere praecipitem: et repentino decursu portis effusi, primosque adorti nostrorum, faces fitellasque ferreas onustas ignibus in arietes magnis

17 viribus iaciebant. Verum post ambiguum proelii virtutem, plurimi nihil impetrato intra moenia repelluntur: moxque ex aggeribus, quos crexerant Romani, iidem Persae propugnaculis insistentes, sagittis incessabantur et fundis, telisque igniferis: quae per tegumenta turrium volitantia, paratis, qui restinguere, plerumque irrita labebantur.

18 Cumque pauciores utrobique fierent bellatores, et Persae truderentur ad ultima, ni potior ratio succurrisset, impensiore opera procurfus tentabatur ex castris: et eruptione subita multitudinis facta, inter armatos, qui portabant ignes, ¹⁰⁾ amplioribus ordinatis, iaciebantur corbes in materias ferreae plenae flammaram, et sarmenta, aliaque ad
19 ignes concipiendos aptissima. Et quia conspectum abstulerant fumi nigerrimae nubes, classico excitante in pugnam, legiones procinctae celeri gradu venerunt: et subrescente paulatim ardore bellandi, cum ventum fuisset ad manus, repente machinae omnes effusis ignibus urebantur, praeter maiorem: quam direptis restibus, quibus e muro iactis implicabatur, virorum fortium acrior nifus aegre semiuflam extraxit.

9) efficit. 10) Mf. amplioribus ordinati iaciebantur.

At ubi nocturnae tenebrae finem proeliis attulerunt, non in longum ¹¹⁾ militi quies data: cibo enim exiguo refectus et somno, rectorum monitu excitus, munitiones a muro longe demovit, dimicare succinctus parans per sublimes aggestus, qui iam consummati muris altius imminebant. Utque facile defensores moenibus pellerentur, in ipsis aggerum summitatibus binae sunt locatae ballistae, quarum metu ne prospicere quidem posse hostium quisquam crederetur. His satis provisus, prope ²¹ ipsum crepusculum triplex acies nostrorum instructa, conisque galearum minacius nutans, scalas vehementibus multis impetum ¹²⁾ conabantur in muros. Iam resultantibus armis et tubis, uno parique ardore hinc ¹³⁾ inde pugnabatur audaci conflictu: latiusque sese pandentes Romani, cum Persas occultari viderent pavore impositorum aggeribus tormentorum, pulsabant turrim ariete: et cum ligonibus et dolabris et vectibus ¹⁴⁾ scalisque propinquabant, utrimque convolante missilium crebritate. Adfl- ²² ctabant tamen multo vehementius Persas ictus varii ballistarum, tamquam per traufennam a clivis structilibus decurrentes. Unde fortunas suas fitas in extremo iam cogitantes, destinatam ruebant in mortem: et partiti munera dimicandi inter necessitatis articulos, relictis, qui moenia tuerentur, reserata latenter postica, strictis gladiis valida manus erupit, pone sequentibus aliis, qui flammam occulte portabant. Dumque Romani nunc iurant cedentibus, ²³ nunc ultro incessentes excipiunt: qui vehabant foculos repentis incurvi, prunas unius aggesti inferuere iuncturis, ramis arborum diversarum, et iunco, et manipulis constructi cannarum: qui conceptis incendiis aridis nutrimentis iam cremaban-

11) Mf. militi qui est. 12) Mf. conabantur. 13) al. inde. 14) Mf. scalaeque propinq.

tur, militibus cum intactis tormentis, exinde periculose digressis.

- 24 Ut vero certaminibus finem vespere ¹⁵⁾ dedit incedens, partesque discesserunt ad otium breve, Imperator in varia sese consilia diducens et versans, cum excidio Phoenicae diutius imminere necessariae rationes urgerent, quod munimentum velut insolubile claustrum hostium excursibus erat obiectum, et serum repelleret tempus: certaturus leviter ibi statuit immorari, alimentis destituendos forsitan cedere existimans Persas: quod secus atque rebatur
- 25 evenit. Cum enim remissius pugnaretur, humente caelo undantes nubes cum tenebris advenere minacibus: adfiduisque imbribus ita inmaduerat solum, ut luti glutinosa mollities per eas regiones pinguis-
simi caespitis omnia perturbaret: et super his iugi fragore tonitrua fulguraque mentes hominum pavidas perterrebant.
- 26 Accedebant arcus caelestis conspectus adfidui: quae species unde ita figurari fit solita, expositio brevis ostendet. Halitus terrae calidiores et humoris spiramina conglobata in nubes, exindeque disiccta in adspergines parvas, ac radiorum fusione splendida facta, supinantur volubiler contra ipsum igneum orbem, irimque conformant, ideo spatioso curvamine sinuosam, quod in nostro panditur mundo, quem sphaerae dimidiae
- 27 parti rationes physicae superponunt. Cuius species, quantum mortalis oculus contuetur, prima lutea videtur, secunda flavesceus vel fulva, punicea tertia, quarta purpurea, postrema caeruleo concreta et videtur.
- 28 Hae autem mixta pulcritudine temperatur ideo, ut terrenae existimant mentes, quod prima eius pars dilutior cernitur, aëri concolor circumfuso: sequens fulva, id est paullo excitatior quam

15) Mf. *to incedens* deest al.

lutea: ¹⁶⁾ punicea tertia, quod solis obnoxia claritudini, pro ¹⁷⁾ receptatione spiritus fulgores eius ¹⁸⁾ purissimi e regione deslorat: quarta ideo ¹⁹⁾ purpurat, quod intermicante adspersionum densitate, per quas moritur radiorum ²⁰⁾ splendor, conspiciens offendit adspectum flammeo propiorem: qui color quanto magis diffunditur, concedit in caeruleum et virentem.

Arbitrantur alii, tunc iridis formam rebus adpa- ²⁹ rere mundanis, cum altius delatae nubi crassae radii solis infusi lucem iniecerint liquidam: quae non reperiens exitum, in se conglobata nimio splendescit adritu: et proximos quidem albo colores a sole sublimiore decerpit: subvirides vero a nubis similitudine superiectae: ut in mari solet usu venire, ubi candidae sunt undae, quae littoribus illiduntur, interiores sine ulla concretionem caeruleae.

Et quoniam indicium est permutationis aurae, ³⁰ (ut diximus) a ²¹⁾ sudo aëre nubium concitans globos, aut contra ex concreto ²²⁾ immutans in serenam laetitiam caelum; ideo apud poëtas legimus ²³⁾ saepe, Irim de caelo mitti, cum praesentium rerum verti necesse sit status. Suppetunt aliae multae opiniones et variae, quas dinumerare nunc est supervacuum, narratione redire, unde digressa est, festinante. His ac talibus Imperator inter ³¹ spem metumque iactabatur, ingravescente hiemis magnitudine, ²⁴⁾ suspectisque per avios tractus insidiis: inter quae ²⁵⁾ etiam tumultum exasperati militis verebatur. Super his urebat eius anxiam mentem, quod velut patefacta ianua divitis domus, irritus propositi reverteretur.

16) Mf. picea. 17) Mf. pro reticatione. 18) Mf. purissimi. 19) Steph. purpurea. 20) Mf. splendor conspiciens. 21) al. sudore aëre. 22) Mf. mutans. 23) in Mf. ita hic locus legitur: Legimus nimirum de caelo hinc verti necesse mitti cum praesent. 24) Mf. super eos quae per avictio tractus. 25) etiam . . . cum exasp.

32 Quas ob res omisso vano incepto, hiematurus Antiochiae redit in Syriam aerumnosam, perpeffus et ulcerum sed et atrocia, diuque deflenda. Evenerat enim hoc, quasi fatali constellatione ita regente diversos eventus, ut ipsum Constantium dimicantem cum Persis fortuna semper sequeretur adflictior: unde vincere saltem per duces optabat: quod aliquoties meminimus contigisse.

AMMIANI MARCELLINI

RERUM GESTARUM

LIBER XXI.

Julianus A. Viennae quinquennalia celebrat: quomodo Constantium A. brevi morituum praenoverit: et de variis artibus futura praenoscendi, C. I. Julian. A. Viennae Christianum se simulat illiciendae multitudinis causa: et de die festo in ecclesia inter christianos Deum precatur. II. Vadamarius rex Alamannorum, rupto foedere, per emissarios limites vastat, et Libinonem comitem cum paucis interficit. III. Julian. A. interceptis Vadamarii litteris ad Constantium A. eum in convivio comprehendendum curavit: et Alamannis aliis occisis, aliis in deditionem acceptis, caeteris pacem petentibus dedit. IV. Julian. A. milites suos alloquitur, et in verba sua universos adigit, Constantio A. bellum illaturus. V. Constantius A. Faustina ducit uxorem: auget supplementis exercitum: Armeniae et Hiberiae reges donis sibi conciliat. VI. Const. A. Antiochiae tum agens, per Gaudentium notarium Africanum in potestate sua retinet; et Euphrate transito Edessum se exercitumque confert. VII. Julianus A. post ordinatas res Galliarum, ripam Danubii petit, et partem militum per Italiam perque Raetias praemittit. VIII. Taurus et Florentius consules, ac praefecti praetorio, hic per Illyricum, ille per Italiam, fugiunt adpropinquante Iuliano A. Lucillianus magister equitum, qui resistere Iuliano parabat, opprimitur. IX. Iulianus A. Sirmium, caput Illyrici occidui, una cum praesidio in fidem recipit; Succos occupat, et ad Senatum scribit contra Constantium. X. Duas legiones Constantianae, quae apud Sirmium ad Iulianum A. transierant, ab eo missae in Gallias, Aquileiam occupant consentientibus

oppidanis, ac Iuliani militi portas claudunt. XI. Aquileia favens Constantii A. partibus oppugnatur: quae postea comperto eius obitu, Iuliano se dedit. XII. Sapor domum reducit copias, inhibentibus bellum auspiciis: Constantius A. in Iulianum arma moturus Hierapoli milites alloquitur. XIII. Praefagia mortis Constantii A. XIV. Moritur Constantius A. apud Mopsucrenas Ciliciae. XV. Constantii A. virtutes et vitia. XVI.

- 1 Intercluso hac bellorum difficili sorte Constantio trans flumen Euphratem, Iulianus agens apud Viennam, formandis in futura consiliis dies impendebat et noctes, quantum opes patiebantur angustae, altius semet attollens: semperque ambigens, utrum Constantium modis omnibus alliceret in concordiam, an terroris incutiendi gratia lacesseret prior.
- 2 Quae sollicitè reputans, utrumque formidabat, et amicum cruentum, et in aerumnis civilibus saepe victorem: maximeque Galli fratris exemplum mentem eius anxiam suspendebat, quem inertia mistaeque periuriis fraudes prodidere quorundam. Eri-
3 gebat tamen aliquoties animum ad multa et urgentia, tutissimum ratus inimicum se ex confesso monstrare ei, cuius ex praeteritis motus coniectabat ut prudens, ne per amicitias fictas infidiis falleretur
4 occultis. Parvi igitur habitis, quae per Leonam Constantius scripserat, nulloque arbitrio eius promotorum suscepto praeter Nebridium, quinquennalia Augustus iam edidit: et ambitioso diademate utebatur lapidum fulgore distincto, cum inter exordia principatus adsumpti vili corona ¹⁾ circumda-
5 tus erat, xyrtarchae similis purpurato. Inter quae Helenae coniugis defunctae suprema miserat Romam, in suburbano viae Nomentanae condenda, ubi uxor quoque Galli, quondam soror eius, sepulta est Constantina.

1) Ms. circumdatus erat.

Accidebat autem, incendebatque eius cupidi- 6
tatem pacatis iam Galliis inceslere ultro Constan-
tium: coniiciens eum per vaticinandi praeſagia
multa (quae callebat) et ſomnia, e vita protinus ex-
ceſſurum.

Et quoniam erudito et ſtudioſo cognitionum 7
omnium principi malivoli praeſcendi futura pra-
vas artes adſignant, advertendum eſt breviter, unde
ſapienti viro hoc quoque accidere poterit doctrinae
genus haud leve. Elementorum omnium ſpiritus, 8
utpote perennium corporum ²⁾ praeſentiendi motu
ſemper et ubique vicens, ex his, quae per diſcipli-
nas varias adfectamus, participat nobiſcum munera
divinandi: et ſubſtantiales poteſtates ritu diverſo
placatae, velut ex perpetuis fontium venis ³⁾ vati-
cina mortalitati ſuppeditant verba, quibus numen
praeſeſſe dicitur Themidis: quam ex eo, quod fixa
fatali lege decreta praeſcire ⁴⁾ facit in poſterum,
quae *τεθρημένα* ſermo Graecus adpellat, ita cogno-
minatam, in cubili ſolioque Iovis vigoris vivifici
theologi veteres collocarunt.

Auguria et auſpicia non volucrum arbitrio futura 9
⁵⁾ neſcientium colliguntur: (nec enim hoc vel inſi-
piens quiſquam ⁶⁾ dicet) ſed volatus avium dirigit
deus, ut roſtrum ſonans, aut praetervolans pinna
turbido meatu vel leni futura praemonſtret. Amat
enim benignitas numinis, ſeu quod merentur ho-
mines, ſeu quod tangitur eorum adfectione, his
quoque artibus proderet, quae impendent.

Extis item pecudum attenti fatidicis, ⁷⁾ in ſpe- 10
cies converti ſuetis innumeras, accidentia ſciunt.
Cuius diſciplinæ Tages nomine quidam monſtrator
eſt; ut fabulantur, in Etruriae partibus emerſiſſe
ſubito viſus e terra.

2) *al.* praeſcienti. 3) *Mf.* vaticinia. 4) *Mf.* facit. 5) *Mf.*
neſcientium. 6) *Mf.* dicet. 7) *Mf.* in ſpes.

11 Aperiant tunc quoque ventura, cum ⁸⁾ aestuant hominum corda, sed loquuntur divina. Sol enim (ut aiunt phisici) mens mundi, nostras mentes ex sese velut scintillas diffunditans, cum eas incenderit vehementius, futuri conscias reddit. Unde Sibyllae crebro se dicunt ardere, torrente vi magna flammarum. Multa significant super his crepitus vocum, et occurrentia signa, tonitrua quinetiam et fulgura et fulmina, itidemque siderum sulci.

12 Somniorum autem rata fides et indubitabilis foret, ni ratiocinantes coniectura fallerentur. Interdumque, ut Aristoteles adfirmat, tum fixa sunt et stabilia, cum animantis altius quiescentis ocularis

13 ⁹⁾ pupilla neutrobi inclinata, rectissime cernit. Et quia vanities aliquoties plebeia strepit, haec imperite mussando, si esset praesentiendi notitia quaedam, cur ille se casurum in bello, vel alius hoc se passurum ignoravit, aut illud? sufficiet dici, quod et grammaticus loquutus interdum est barbare, et absurde cecinit musicus, et ignoravit remedium medicus: et non ideo nec grammatica, nec musica,

14 nec medicina subsistit. Unde praeclare hoc quoque, ut alia, Tullius, *Signa ostenduntur*, ait, *a diis rerum futurarum. In his si quis erraverit, non deorum natura, sed hominum coniectura peccavit.* Ne igitur extra calcem, quod dicitur, sermo decurrens lecturo fastidium ferat, ad explicanda prospecta revertamur.

1 II. Cum apud Parisios adhuc Caesar Iulianus, quatiens scutum variis motibus exerceretur in campo, axiculis, queis orbis erat compaginatus, in vanum excussis, ansa remanserat sola: quam retinens
2 valida manu stringebat. Territisque ut omine diro praesentibus cunctis, *Nemo*, inquit, *vereatur: habeo firmiter, quod tenebam.* Item cum apud Vi-

8) aestivant. 9) popiala.

enam postea quiesceret sobrius, ¹⁾ horrore medio noctis imago quaedam visa splendidior, hos ei versus heroos modo non vigilantem aperte dixit, eadem saepius replicando: quibus fretus nihil asperum sibi superesse existimabat.

²⁾ Ζεὺς ὅταν εἰς πλατὺ τέρμα μόλῃ κλυτοῦ ὕδρου χόοιο,
Παρθενικῆς δὲ Κρόνου μοῖρῃ βαῖνῃ ἐπὶ πέμπτῃ
Εἰκοστῇ, βασιλεὺς Κωνσταντίος Ἀσίδος αἴης.

Τέρμα φίλου βιοτῶν συγγερῶν καὶ ἐπ' ὀδυρόν ἐξει.

Agebat itaque nihil interim de statu rerum praesentium mutans, sed animo tranquillo et quieto incidentia cuncta disponens, paullatimque sese corroborans, ut dignitatis augmento virium quoque congruerent incrementa. Utque omnes, nullo impedi-⁴ ente, ad sui favorem illiceret, adhaerere cultui Christiano fingeat, a quo iam pridem occulte desciverat, arcanorum participibus paucis, haruspinae auguriisque intentus, et caeteris, quae deorum semper fecere, cultores. Et ut haec interim⁵ celarentur, feriarum die, quem celebrantes mense Ianuario Christiani ³⁾ Epiphania dictitant, progressus in eorum ecclesiam, sollemniter numine orato discessit.

III. Dum haec ita aguntur, propinquante iam vere, nuntio percitus inopino, ad tristitiam versus est et maerorem. Didicit enim Alamannos a pago Vadomarii exorfos, unde nihil post ictum foedus sperabatur incommodum, vastare confines Raetiis tractus: nihilque sinere intentatum manus praedatorias fufius discurrentes. Quod ne dissimulatum² redivivas bellorum materias excitaret; Libinonem quemdam Comitem cum Celtis et Petulantibus misit

¹⁾ *al.* hora media. ²⁾ MS. ΖΕΥΣ ΟΤΑΝ ΕΙΣΙ ΠΛΑΤΤΕΡ-
ΣΙΑ ΨΙΟΑΝΚΙΤΟΥ ΤΑΡΟΧΟΟΥ ΠΑΡΕΝΙΚΝΕΔΕΚΟΝΟΣ
ΓΟΙΡΝΣ ΒΕΕΝΕΠΠΕ Δ ΠΤΝΕΙΚΟΣ ΤΗ ΒΑΣΔΕΤΣΚΟΣΤΑΝΤΙ
ΟΣΑΣΙΛΟΣΕ ΗΣΤΕ ΡΛΛΑ ΦΙΟΛΝ ΒΙΟΤΟΥ ΕΤΥΤΕΡΟΝ ΚΑΙ
ΕΠΩΔΤΝΟΝ ΕΞΕΙ. ³⁾ *al.* Epiphaniam.

hiemantibus secum, negotium, ut poscebat ratio, 3 correcturum. Qui cum mature prope oppidum Sanctionem venisset, longe visus a barbaris, qui iam certamina meditantes sese per valles abdiderant: hortatusque milites licet numero impares, cupidine tamen pugnandi vehementius irritatos, adgreditur inconsulte Germanos, interque dimicandi exordia ipse concidit omnium primus: cuius interitu erecta barbarorum fiducia, Romanisque ad ducis vindictam accensis, certamen committitur obstinatum, et urgente magnitudinis mole disiecti sunt nostri, occisis paucis et vulneratis.

4 Cum hoc Vadomario, et Gundomado eius fratre, itidem rege, Constantius (ut iam relatum est) firmaverat pacem. Post quae mortuo Gundomado, hunc sibi fore existimans fidum, secretorumque taciturnum exsecutorem et ¹⁾ efficacem, mandabat (si famae solius admittenda est fides) scribebatque, ut tamquam ²⁾ rupto concordiae pacto, subinde collimittia sibi vicina vexaret: quo Iulianus id metuens, 5 nusquam a tutela discederet Galliarum. Quibus (ut dignum est credere) obtemperans Vadomarius, haec et similia perpetrabat: ad perstringendum fallendumque miris modis ab aetatis primitiis callens, ut postea quoque ducatum per Phoenicem regens 6 ostendit. Sed re ipsa convictus abstinuit. Capto enim a stationariis militibus notario, quem miserat ad Constantium, scrutatoque, si quid portaret, epistola eius reperta est, in qua praeter alia multa id quoque scripserat: *Caesar tuus disciplinam non habet*. Iulianum autem assidue per litteras dominum et Augustum adpellabat et Deum.

1 IV. Haec ut erant periculosa et dubia, Iulianus in exitiale malum eruptura considerans, in unum omni cogitatione intenta, eum incautum rapere

1) Mf. effacitorem. 2) Mf. rupto sane concord.

festinabat, ut securitatem suam provinciarumque locaret in tuto: et inivit consilium tale. Philagrius 2 notarium, Orientis postea Comitem, ad eas miserat partes, cuius prudentiae fidebat olim sibi comperti: eique inter multa, quae pro captu instantium rerum erat acturus, signatam quoque chartulam tradidit, mandavitque, ne aperiret vel recitaret, nisi Vadomario viso cis Rhenum. Perrexit Phila- 3 grius, ut praeceptum est: eoque praesente, et negotiis adstricto diversis, transgressus Vadomarius flumen, ut nihil in profunda metuens pace, nihilque secus gestorum simulans scire, viso praeposito militum ibi degentium, pauca loquutus ex more, ultro semet, ut suspicionis nihil relinqueret abiturus, ad convivium eius venire promisit, ad quod erat etiam Philagrius invitatus. Qui statim ingres- 4 sus, rege conspecto, Imperatoris recordatus est verba, causatusque rem seriam et urgentem, ad diversorium rediit: scriptisque lectis doctus, quid agi conveniret, confestim reversus discubuit inter caeteros. Finitisque epulis Vadomarium fortiter 5 adprehensum, rectori militum arte custodiendum apud signa commisit, textu lecto iussorum, comitibus eius ad sua redire compulsis, super quibus nihil fuerat imperatum. Exhibitus tamen idem rex 6 ad Principis castra, iamque spe veniae omni praclusa, cum interceptum notarium, et, quae scripserat ad Constantium, comperisset iam publicata, ne convicio quidem tenus compellatus, missus est ad Hispanias. Id enim studio curabatur ingenti, ne Iuliano discedente a Galliis, immanissimus homo provinciarum statum aegre compositum licentius conturbaret.

Hoc casu elatior Iulianus, regis opinione citius 7 intercepti, quem profecturus ad longinqua formidabat, nihil remittentibus curis barbaros adoriri disposuit, quos peremisse Libinonem Comitem in

8 congressu cum militibus docuimus paucis. Et ne rumor adventus sui eos ad remotiora traduceret, superato Rheno noctis alto silentio, cum auxiliorum expeditissimis globis, nihil metuentes huiusmodi circumvenit: excitatosque hostilium fragore armorum, dum gladios circumspectant, et tela, celeriter involavit: et quosdam occidit, orantes alios praedamque offerentes dediticios cepit: reliquis, qui remanere, pacem precantibus dedit, quietem pollicitis firmam.

1 V. Quae dum mentibus aguntur erectis, coniectans, quantas intestinae cladis excitaverat moles, nihilque tam convenire conatibus subitis quam celeritatem, sagaci praevidens mente, professa palam defectione se tutiorem fore existimavit: incertusque de militum fide, placata ritu secretiore Bellona, classico ad concionem exercitu convocato, saxeo suggestu insilens, iamque, ut adparebat, fidentior, haec clarius solito disserbat.

2 *Iamdudum tacita deliberatione vos aestimo, magni ¹⁾ commilitones, gestorum excitos amplitudine, hoc opperiri consilium, ut eventus, qui sperantur, perpendi possint, et praecaveri. Plus enim audire quam loqui militem decet, actibus ²⁾ coalitum gloriosis: nec ³⁾ alia spectatae aequitatis sentire rectorem, quam ⁴⁾ ea, quae laudari digne ⁵⁾ potuerunt et probari. Ut igitur, quae proposui abiectionis absolvam, advertite oro benivole, quae sermone brevi percurram.*

3 *Arbitrio Dei caelestis vobis inter ipsa iuventae rudimenta permistus, irruptiones Alamannorum adsiduas et Francorum, populandique iugem licentiam fregi: et vigore communi Romanis agminibus,*
quoties

1) Mf. commilitones gestorum exercitos amp. 2) Mf. coalitum . . . gloriosis. 3) Vulg. altum. 4) al. cum qui et laud. 5) Vulg. potuerit.

quoties libet, Rhenum pervium feci: contra rumo-
rum fremitus, gentiumque validarum violentos ex-
cursus stando immobilis, virtutis vestrae nimirum
firmamento confisus. Et haec, laborum, quos ex- 4
hausimus, Galliae spectatrices, post funera multa
iacturasque recreatae diuturnas et graves, posterita-
tati per aetatum examina commendabunt. At 5
nunc, cum auctoritate vestri iudicii, rerumque ne-
cessitate compulsus, ad augustum elatus sum cuius, Deo vobisque fautoribus, si fortuna coeptis adfuerit,
altius adfecto maiora: id prae me ferens, quod ex-
ercitui, cuius aequitas armorumque inclaruit ma-
gnitudo, ⁶) domi moderatus visus sum et ⁷) tranquil-
lus, et in crebritate bellorum contra conspiratas
gentium copias consideratus et cautus. Ut igitur 6
adversa praeveniamus mentium societate iunctissi-
ma, sequimini viam consilii mei salutarem, ut pu-
to, cum integritas rerum intentioni nostrae volun-
tati respondeat: et dum maioribus vacant prae-
sidiis regiones Illyricae, impraepedito cursu ten-
dentes, Daciarum interim fines extimos occupemus,
exinde, quid agi oporteat, bonis successibus instru-
endi. At vos ⁸) ex more fidentium ducum, iura- 7
mento quaeso concordiam spondete manjuram et
fidem, operam mihi ⁹) navaturo sedulam et solitam,
ne quid agatur inconsultum et segne; et producturo,
si quis exegerit, incorruptam conscientiam meam,
quod nihil voluntate praeter ea, quae in commune
conducunt, adgrediar aut tentabo. Illud sane ob- 8
testor et rogo, observate, ne impetu gliscentis ardo-
ris in privatorum damna quisquam vestrum ex-
siliat: id cogitans, quod haud ita nos illustrarunt
hostium innumerae strages, ut indemnitas provin-
ciarum et salus, exemplis virtutum pervulgatae.

6) Mf. rō et deest. 7) Mf. tranquilla et in creb. 8) Mf. u
quos ex more fid. 9) Vosque ex more fid. 9) Mf. minabantur.

- 9 Hoc sermone Imperatoris vice alicuius oraculi comprobato, mota est incitatus omnis concio: et rerum cupida novandarum, ¹⁰) unanimanti consensu voces horrendas immani scutorum fragore miscebat, magnum elatumque ducem, et, ut experta est, fortunatum ¹¹) domatorem gentium adpellans et regum.
- 10 Iussique universi in eius nomen iurare sollemniter, gladiis cervicibus suis admotis sub execrationibus diris, verbis iuravere conceptis, omnes pro eo casus, quoad vitam profuderint, si id necessitas exegerit, perluturos: quae sequuti rectores, omnesque principis ¹²) proximi fidem simili religione firmarunt. Solus omnium, licet proposito stabili, audacter tamen praefectus repugnavit Nebridius, iurisiurandi nexu contra Constantium nequaquam se constringi posse commemorans, cuius beneficiis
- 12 obligatus erat crebris et multis. Quibus auditis, cum stantes propius milites acriter inflammati eum adpeterent trucidandum; ad genna sua prolapsus Imperator paludamento protexit: indeque reversus in regiam cum antegressum eum vidisset, supplicemque iacentem orare, ut levandi causa timoris ei porrigeret dexteram: *Ecquid, ait, praecipuum amicis servabitur, si tu manum tetigeris meam? Sed hinc, quo libet, abi securus.* Hocque audito, ille in-
- 13 noxius ad larem suum recessit in Tusciam. His Iulianus, ut poscebat negotii magnitudo, praestructis, expertus, quid in rebus tumultuosis anteverbio valeat et praegressus, per telleram edicto iuvare in Pannonias, castris promotis et signis, temere se fortunae commisit ambiguae.

(A. C. 361.)

- 1 VI. Replicare nunc convenit tempore, et narrare summam, quae (dum aguntur in Galliis ante-

10) *Al.* unanimi. 11) *Mf.* dominatorem. 12) *Mf.* proximis.

dicta) Constantius hiemans Antiochiae, domi militiaeque perfecit. Inter complures alios honorem conspicuos, adoraturi Imperatorem peregre venientem ordinantur etiam ex tribunis insignibus. Cum igitur a Mesopotamia reversus Constantius hoc exciperetur officio, Amphilocheus quidam ex tribuno Paphlago, quem dudum sub Constante militantes discordiarum sevisse causas inter priores fratres, suspiciones contiguae veritati pulsabant, ausus paulo petulantius stare, ut ipse quoque ad parile obsequium ¹⁾ admittendus, agnitus est et prohibitus: strepentibusque multis, et intueri lucem ulterius non debere clamantibus ut perduellem et obstinatum, Constantius circa haec lenior solito: *Desinite, ait, urgere hominem, ut existimo fontem, sed nondum aperte convictum: et mementote, quod, si quid admisit huiusmodi, sub obtutibus meis conscientiae ipsius sententia punietur, quam latere non poterit:* et ita discessum est. Postridie ludis Circensibus idem ex adverso Imperatoris, ubi consueverat, spectans, repentino clamore sublato, cum certamen opinatum emitteretur, diffractis cancellis, quibus una cum pluribus incumbibat, cunctis cum eo in vanum excullis, laelisque leviter paucis, interea compage disrupta efflante spiritum repertus est solus: unde Constantius futurorum quoque praescius exultabat.

Eodem tempore Faustina nomine sortitus est coniugem, amissa iam pridem Eusebia, cuius fratres erant Eusebius et Hypatius consulares, corporis morumque pulcritudine pluribus antistante, et in culmine tam cello humana: cuius favore iustissimo exemptum periculis, declaratumque Caesarem retulimus Iulianum.

Q 2

1) Ms. admittendus.

- 5 Habita est iisdem diebus etiam Florentii ratio,
 2) e Galliis novitatis metu digressi, et Anatolio re-
 cens mortuo praefecto praetorio per Illyricum, ad
 eius mittitur locum: cumque Tauro itidem prae-
 fecto praetorio per Italiam, amplissimi suscepit in-
 signia magistratus.
- 6 Parabantur nihilominus externorum atque civi-
 lium instrumenta bellorum, et augebatur turmarum
 equestrium numerus, parique studio supplementa
 legionibus scripta sunt, indictis per provincias tiro-
 ciniis: omnisque ordo et profectio vexabatur, ve-
 stem armaque exhibens et tormenta, aurum quin-
 etiam et argentum; multiplicisque rei cibariae co-
 7 pias, et diversa genera iumentorum. Et quia, Per-
 sarum rege ob difficultatem hiberni temporis 3) ae-
 gre contruso, referata caeli temperie validior im-
 petus timebatur, ad Transstigritanos reges et satra-
 pas legati cum muneribus missi sunt amplius, moni-
 turi cunctos et hortaturi nostra sentire, et nihil fal-
 8 lax tentare vel fraudulentum. Ante omnia tamen
 Arsaces et Meribanes, Armeniae et Hiberiae reges,
 cultu ambitioso indumentorum emercabantur et
 multiformibus donis, damna negotiis Romanis illa-
 turi, si rebus tum etiam dubiis descivissent ad Per-
 9 sas. Inter tot urgentia Hermogene defuncto, ad
 praefecturam promovetur Helpidius, ortus in Pa-
 phlagonia, adspectu vilis et lingua, sed simplicioris
 ingenii, incruentus et mitis: adeo ut cum eicorum
 innocentem quemdam torquere Constantius praece-
 pisset, aequo animo abrogari sibi potestatem oraret,
 haecque potioribus aliis ex sententia Principis agen-
 da permitti.
- 1 VII. Rigore itaque instantium negotiorum an-
 cept Constantius, quid capesseret, ambigebat, diu

2) Mf. e Galliis. 3) Mf. e graeco contrusore rata. Steph. ae-
 gre constructa re cibaria.

multumque anxius, utrum Iulianum peteret et longinqua, an Parthos repelleret iam transituros, ut minabantur, Euphratem: haerensque, tandem cum ducibus communicato saepe consilio in id flexus est, ut finito propiore bello vel certe mollito, nullo post terga relicto, quem formidaret, Illyriis percursis et Italia, ut rebatur, Iulianum inter exordia ipsa coeptorum tamquam ¹⁾ venaticiam praedam caperet: hoc enim ad leniendum suorum metum subinde praedicabat. Tamen, ne intepesceret, aut ²⁾ omis-
 sisse belli videretur aliud latus, adventus sui terrorem ubique dispergens, veritusque, ne Africa absente eo perirumpere, ad omnes casus, principibus opportuna, velut finibus Orientis egressus, per mare notarium misit Gaudentium, quem exploratorem actuum Iuliani per Gallias aliquamdiu fuisse praestrinximus. Hunc enim obsequio celerim cuncta consideratione gemina efficere posse sperabat, quod adversam partem metueret offensam, et properabat, nactus hanc opportunitatem, commendari Constantio, quem credebat proculdubio fore victorem: nemo enim omnium tunc ab hac constanti sententia discrepabat. Qui cum eo venisset, ³⁾ mandatorum Principis memor, per litteras Cretione Comite, quid ageretur, edocto, reliquisque rectoribus, lecto undique milite fortiore, translatisque ab utraque Mauritania discursatoribus expeditis, Aquitaniae ⁴⁾ et Italiae obiecta littora tuebatur artissime. Neque id consilium fefellit Constantium. Eo enim superflite nullus adversorum illas tetigit terras, licet oram Siciliensem a Lilybaeo protentam et Pachyno, multitudo servabat armata, si patuisset facultas, ocius transitura.

His pro rerum ratione, ut sibi prodesse existimabat Constantius, aliisque minutis et levioribus

1) *al. venaticam.* 2) *Ms. Haliae.*

ordinatis, ducum nuntiis docebatur et litteris, Persarum copias in unum coactas rege ³⁾ turgido praecedente, iam prope margines tendere Tigridis, incertum, quonam erumpere cogitantes. Quibus percitus, ut propius agens futuros possit antevenire conatus, quamprimum hibernis egressus, accito undique equitatu peditumque robore, quo fidebat, per Capessanam Euphrate navali ponte transcurso, Edessam petit uberem commeatibus et munitam: ibi parumper opperiens, dum exploratores aut per fugae motum castrorum hostilium indicarent.

- 1** VIII. Discedens inter haec Iulianus a Rauracis, peractis, quae docuimus dudum, Sallustium praefectum promotum remisit in Gallias; Germaniano iusso vicem tueri Nebridii: itidemque Nevitae magisterium commisit armorum, ¹⁾ Gumoarium proditorem antiquum timens, quem, cum scutarios ²⁾ ageret, latenter prodidisse Veteranionem suum principem audiebat; et Iovio quaesturam, cuius in actibus Magnentii meminimus; et Mamertino largitiones curandas: et Dagalaiphum praefecit domesticis, aliosque ³⁾ plures ex arbitrio suo militibus regendis adposuit, quorum merita norat et fidem.
- 2** Profecturus itaque per Marcianas silvas, viasque iunctas Histri fluminis ripis, inter subita vehementer incertus id verebatur, ne contemptus ut comitantibus paucis, multitudinem offenderet repugnantem.
- 3** Quod ne fieret, consilio sollerti praevidit: et agminibus distributis, per itinera Italiae nota quosdam properaturos cum Iovino misit et Iovio; alios per mediterranea ⁴⁾ Raetiarum magistro equitum Nevitae commissos, quo diffusi per varia opinionem numeri praeberent immensi, formidineque cuncta complerent. Id enim et Alexander Magnus

3) *τὸ turgido* Mf. deest. 1) Mf. Gumaorium. 2) Mf. *ageret* laetantem. 3) *τὸ plures* in al. deest. 4) Mf. Rhetiorum.

et deinde alii plures, negotio ita poscente, periti fecere ductores. Mandabat tamen egressis, ut tam-⁴ quam hoste protinus occursum oculus graderentur, stationesque nocturnas agerent et vigilias, ⁵) ne improvise invaderentur excursu.

IX. Quibus ita, ut videbatur, apte dispositis, ¹ more, quo tractus pertraxerat saepe barbaricos, contextis successibus fidens, porrectius ire pergebat. Cumque ad locum venisset, unde navigari posse ² didicit flumen, lembis adscensis, quos opportune fors dederat plurimos, per alveum (quantum fieri potuit) ferebatur occulte: ideo latens, quod toleranter et fortiter nullius cibi indigens mundioris, sed paucis contentus et vilibus, oppida forinsecus ³) transibat et castra: imitatus ²) egregium illud Cyri veteris dictum, qui, cum delatus ad hospitem, interrogaretur ab eo, quid ad convivium parari deberet, panem responderat solum: sperare enim aiebat, prope ³) rivum se cenaturum. Fama vero, ³ quae mille (ut aiunt) linguis rerum misere exaggerat fidem, per Illyrios omnes celebrior fundebatur, Iulianum strata per Gallias multitudine regum et gentium, numeroso exercitu et successibus tumidum variis adventare. Quo rumore percussus praefectus ⁴ praetorio Taurus, ut hostem vitans exterum mature discessit: vectusque mutatione celeri cursus publici, transitu Alpibus Iuliis, eodem ictu Florentium itidem praefectum secum abduxit. Levibus tamen ⁵ indiciis super Iuliani motu Lucillianus percitus Comes, qui per illas regiones rem curabat ea tempestate castrensem, agensque apud Sirmium, milites congregans, quos ex stationibus propriis acciri celeritatis ratio permittebat, venturo resistere cogitabat. Sed ille ut fax vel incensus malleolus volu-⁶

5) Ms. nemo proviso suo . . . minuaderentur. 1) Ms. transibat et catrenigatus. 2) Steph. Graecum. 3) *το* *se* al. deest.

criter ad destinata festinans, cum venisset Bononiam, a Sirmio milliariorum nono disparatam et decimo, senescente luna, ideoque obscurante noctis maximam partem, e navi exsiluit improvisus: statimque ⁴⁾ Dagalaiphum misit cum expeditis ad Lucillianum vocandum, trahendumque, si reniteretur. Qui tum etiam quiescens, cum strepitu ⁵⁾ excitatus turbulento vidisset ignotorum hominum se circulo circumsaepum, concepto negotio, et imperatorii nominis ⁶⁾ metu praestricus, praeceptis paruit invitissimus: sequutusque alienum arbitrium magister equitum, paullo ante superbus et ferox, iumentoque impolitus repentino, Principi ut captivus offertur ignobilis, oppressam terrore vix colligens mentem. Verum cum primitus visus, adorandae purpurae datam sibi copiam advertisset, recreatus tandem suique securus: *Incaute, inquit, Imperator, et temere cum paucis alienis partibus te commisisti.* Cui amarum Iulianus subridens, *Haec verba prudentia ferva, inquit, Constantio: maiestatis enim insigne non ut consiliario tibi, sed, ut desinas pavere, porrexisti.*

¹⁾ X. Nihil deinde amoto Lucilliano differendum, nec agendum segne ratus, ut erat in rebus trepidis audax et confidentior, civitatem, ut praesumebat, dediticiam petens, citis passibus incedebat: eumque suburbanis propinquantem amplis nimiumque potentis, militaris et omnis generis turba cum lumine multo et floribus, ⁷⁾ votisque faustis, Augustum adpellans et dominum, duxit in regiam. Ubi eventu laetus et omine, firmata spe venturorum, quod ad exemplum urbium matris et populosae et celebris, per alias quoque civitates ut fidus salutare susceperetur, edito postridie curuli certamine cum gaudio

4) Mf. Dagalaifum. 5) Mf. excitatus. 6) Mf. motu. 7) Mf. portisque.

plebis, ubi lux excanduit tertia, morarum impatiens percurfis aggeribus publicis, Succos (nemine auso resistere) praefidijs occupavit: iisdemque tuendis Nevitam praefecit ut fidum: cuius loci situm ex nunc convenienter ostendam.

Consertae cellorum montium summitates Aemi³ et Rhodopes, quorum alter ab ipsis Histri marginibus, alter ab Axii fluminis ceteriori parte confurgit, in angustias tumidos collibus²) desinentes, Illyrios interscindunt et Thracas, hinc vicinae mediterraneis Dacis et Serdicae, inde Thracias despectantes et Philippopolim, civitates amplas et nobiles: et (³) tamquam Natura in ditionem Romanam redigendas nationes circumlitas praenoscente) ita figuratae consulto, inter artos colles quondam hiantes obscurius, ad magnitudinem splendoremque postea rebus elatis patefactae sunt et carpentis: aditibusque aliquoties clausis magnorum ducum populorumque repulere conatus. Et pars, quae Illyricum spectat mollius edita,⁴ velut incauta subinde superatur. Latus vero e regione oppositum Thraciis, prona humilitate deruptum, hincque et inde fragosis tramitibus impeditum, difficile scanditur etiam nullo vetante. Sub hac altitudine aggerum utrobique spatiosa camporum planities iacet, superior adusque Iulias Alpes extenta, inferior ita resupina et panda, ut nullis habitetur obstaculis adusque fretum et Propontidem.

His, ut in re tali tamque urgenti, compositis, 5 magistro equitum illic relicto, imperator revertitur Naessum copiosum oppidum, quo⁴) impraepecte cuncta disponderet suis utilitatibus profutura. Ubi 6 Victorem apud Sirmium visum scriptorem historicum, exindeque venire praeceptum, Pannoniae secundae consularem praefecit, et honoravit aenea

2) *ML.* desinentes. 3) *et Natura* in *ML.* deest. 4) *ML.* praepedite.

statuta, virum sobrietatis gratia ⁵⁾ aemulandum,
 7 multo post Urbi praefectum. Iamque altius se ex-
 tollens, et numquam credens ad concordiam pro-
 vocare posse Constantium, orationem acrem et in-
 vectivam, probra quaedam in eum explanantem et
 vitia, scripserat ad senatum. Quae cum Tertullo
 administrante adhuc praefecturam recitarentur in
 curia, emittit nobilitatis cum speciosa fiducia be-
 nignitas grata. Exclamatum est enim, in unum
 cunctorum sententia congruente, AUCTORI TUO RE-
 VERENTIAM ROGAMUS.

8 Tuñc et memoriam Constantini, ut novatoris
 turbatorisque priscarum legum et moris antiquitus
 recepti, vexavit, eum aperte incusans, quod bar-
 baros omnium primus adusque fasces auxerat et tra-
 beas consulares: insulse nimirum et leviter: qui,
 cum vitare deberet id, quod infestius obiurgavit,
 brevi postea ⁶⁾ Mamertino in consulatu iunxit Nevi-
 tam, nec splendore, nec usu, nec gloria horum
 7) similem, quibus magistratum amplissimum detu-
 lerat Constantinus: contra inconsummatum et sub-
 agrestem, et quod minus erat ferendum, celsa in
 potestate crudelem.

1 XI. Haec et talia cogitanti, sollicitoque super
 maximis rebus et seriis, nuntius metuendus intima-
 tur et insperatus, ausa indicans quorumdam imma-
 nia, impeditura cursus eius ardentes, ni vigilanter
 haec quoque, antequam adulescerent, hebetasset:
 2 quae breviter exponentur. Duas legiones Constian-
 tiacas, addita una sagittariorum cohorte, quas in-
 venerat apud Sirmium, ut suspectae adhuc fidei per
 speciem necessitatum urgentium misit in Gallias:
 quae pigrius motae, spatiaque itinerum longa et

5) Mf. mutilandum. 6) Mf. Mamertinum in Consulatu inuxit
 nec vittam nec splend. Steph. Mamertino Consulatum iniunxit
 nec vita splend. 7) in Mf. et citusquam deest. Steph. cuius-
 quam simili.

Germanos hostes truces et adfidos formidantes, novare quaedam moliebantur, auctore et incitatore Nigrino, equitum turmae tribuno, in Mesopotamia genito: reque digesta per secreta colloquia, et alto roborata silentio, cum Aquileiam pervenissent, urbem situ et opibus murisque circumdatam validis, eam hostiliter repente claufere, iuvante indigena plebe tumultus horrorem, cui Constantii nomen erat tum etiam ⁶⁾ amicum. Et obseratis aditibus, ³ turribusque armatis et propugnaculis, futurae concertationi praeparabant utilia, interim soluti et liberi: hocque facinore ita audaci, ad favendum Constantii partibus ut superstitis, Italicos incolas excitabant.

XII. Quibus Iulianus acceptis, agens tunc apud Naessum, nihil a tergo timens adversum, legensque et audiens hanc civitatem circumfessam quidem aliquoties, numquam tamen excisam aut deditam, impensiore studio sibi sociare, vel fraude, vel diversis adulationum generibus, antequam manus orirentur aliquid, properabat. Ideoque Iovinum magistrum equitum venientem per Alpes, Noricosque ingressum, ad id, quod exarserat, quoquo modo corrigendum redire citius ¹⁾ imperavit. Et, ne quid deesset, milites omnes qui comitatum sequebantur aut signa, retineri iussit per idem oppidum transeunt, pro viribus laturos auxilium.

Hisque dispositis, ipse haud diu postea cognita ³ morte Constantii, discursis Thraciis, Constantinopolim introiit: ac saepe doctus, lentius fore id oblidium, quam verendum, Immo cum Comitibus aliis ad hoc destinato, removit exinde ²⁾ Iovinum, alia, quae potiores flagitabant necessitates, acturum.

6) Mf. initium. 1) Steph. imperabat. 2) al. Iovinum.

- 4 Ordine itaque scutorum gemino Aquileia circum-
 faeta, concinentibus sententiis ducum, conveniens
 visum est ad deditionem allicere defensores mina-
 cium blandorumque varietate sermonum: et multis
 ultro citroque dictitatis, in immensum obstinatione
 5 gliscente, ex colloquio re infecta disceditur. Et
 quia nihil praeter pugnam iam spectabatur, curatis
 utrobique cibus somnoque corporibus, aurora iam
 surgente, concrepante sonitu buccinorum, partes
 accensae in clades mutuas, ³⁾ ferocientes magis
 quam consultius, elatis clamoribus ferebantur.
- 6 Pluteos igitur praeferentes oppugnatores, cratesque
 densius textas, sensim incedentes et caute, muro-
 rum ima suffodere ferramentorum multitudine cona-
 bantur: ⁴⁾ factas plerique ⁵⁾ vehentes ad mensuram
 moenium scalas, iamque parietibus paene contigui,
 pars lapidibus volutis in pronum collisi, pars con-
 fixi stridentibus iaculis, retroque gradientes aver-
 terunt secum omnes alios, metu similium a propo-
 7 sito pugnandi retortos. Hoc primo congressu ere-
 cti in audaciam clausi, adsumpta fiducia meliorum
 parvi ducebant restantia: mentibusque fundatis, et
 compositis per opportuna tormentis, indefesso la-
 bore vigilias et caetera subsidia securitatis imple-
 8 bant. Contra munitores, licet pavore discriminum
 auxilii, pudore tamen, ne secordes viderentur et
 segnes, ubi parum vis procedebat Marte aperto ten-
 tata, ad instrumenta obsidionalium artium transtu-
 lerunt. Et quia nec arietibus admovendis, ⁶⁾ nec ad
 intentandas machinas, vel ut possint forari cuniculi,
 inveniebatur ⁷⁾ usquam habilis locus, disparatione
 brevi civitatem ⁸⁾ Natifone amni praeterlabente,
 commentum excogitatum est cum veteribus admi-

3) *Mf. et Steph. ferocientes.* 4) *Mf. natas.* 5) *Mf. ementes.*
 6) *al. nec intendendis machinis.* 7) *Steph. quid habile.* 8) *Mf.*
Tefioni.

randum. Constructas veloci studio ligneas turres, 9
 propugnaculis hostium celfiores, imposuere trigemi-
 nis navibus ⁹⁾ valde sibi connexis: quibus insistentes
 armati, uno parique ardore prohibitores dispellere
 collatis ex propinquo viribus nitebantur: subterque
 expediti velites a turrium cavernis egressi, iniectis
 ponticulis, quos ante compaginant, transgredi fe-
 stinarunt indiviso negotio: ut, dum vicissim mili-
 bus se petunt et saxis utrimquesecus alte locati, hi,
 qui transiere per pontes, nullo interpellante aedifi-
 cii parte convulsa, aditus in ¹⁰⁾ penetralia refera-
 rent. Iterum summa coepti prudentis aliorum eva- 10
 sit. Cum enim adventarent iam turres, contortis
 malleolis madentibus pice, arundine quinetiam,
 sarmentis ac vario fomite flammaram incescebantur.
 Quae quoniam incendio celeri, ponderibusque tre-
 pidè superstantium inclinatae prociderunt in flumen,
 armatorum aliqui per earum fastigia interibant, emi-
 nus confixi tormentis. Inter quae destituti pedites 11
 post navalium sociorum occasum, obtriti sunt saxis
 immanibus, praeter paucos, quos morti ¹¹⁾ scilicet
 per impedita suffugia velocitas exemerat pedum.
 Ad ultimum certamine ¹²⁾ protracto in vespem,
 datoque signo ¹³⁾ in receptum ex more, ambo di-
 gressi diei residuum animis egere disparibus. Mu- 12
 nitorum enim maerores, funera lugentium propria,
 prohibitores spe iam superandi ¹⁴⁾ firmabant, licet
 ipsi quoque paucos gemebant ¹⁵⁾ amissos. Propera-
 batur tamen nihilominus: et quantum recreandis vi-
 ribus quiete et cibo satis fuit, tributo per noctis in-
 tegrae spatium, reparatur lucis exordio proelium in-
 citamento tubarum. Et quidam elatis super ca- 13
 pita scutis, ut pugnaturi levius, alii vehentes hu-

9) Ms. valde. 10) Ms. penetralia referarent. 11)
 al. licet. 12) al. producto. 13) al. receptui. 14) Ms. flagrab.
 15) Ms. amicos.

- meris ut antea scalas, ferventique impetu procurren-
 tes, pectora multiformium telorum ictibus expone-
 bant. Alii ¹⁶⁾ ferratas portarum obices effringendas
 adorti, ultro ignibus petebantur, vel saxis murali-
 bus oppetebant. Quidam fossas fidentius transire
 conati, repentinis eorum adsubitibus, qui erumpe-
 bant, clanculo per posticas, ¹⁷⁾ ruebant incaute, aut
 faucii discedebant. Recursus enim ad moenia tu-
 tior, vallumque antemuranum, cespitiibus fultum,
 14 infidiantes ab omni discrimine defendebat. Et
 quamquam prohibitores ¹⁸⁾ duritia bellorumque ar-
 15 tibus ¹⁹⁾ antistarent, quibus nihil praeter moenium
 supererat adiumentum: collectus tamen ex potiori-
 bus numeris miles diuturnas ferre nequiens moras,
 suburbana omnia circumibat, diligenter inquirens,
 qua vi vel machinis posset patefactam irrumpere ci-
 15 vitatem. Quod ubi patrare non poterat magnitu-
 dine vetante difficultatum, obsideri remissius coepta
 16 est: et excubiis stationibusque relictis praelidarii
 milites vastantes agros propinquos, omnibus con-
 gruentibus abundabant, raptorum pleraque ²⁰⁾ con-
 corporalibus suis impertientes. Unde largiore ad-
 modum potu saginisque distenti marcebant.
- 16 His relatione Immonis consortiumque cognitis,
 17 Iulianus Constantinopoli etiam tum hibernans, sol-
 lerti remedio turbatis consuluit rebus: moxque Agi-
 lonem magistrum peditum ea tempestate probe co-
 gnitum miserat, ut viso honoratissimo viro, com-
 pertaque per eum morte Constantii, solveretur ob-
 sidium.
- 17 Inter quae ne cessaret ²¹⁾ Aquileiae oppugnatio,
 cum in reliquis opera consumeretur incassum, pla-
 cuit resistentes acriter ad deditionem siti compelli.

16) Ms. ferratas portarum obices effringendas. 17) Ms. rue-
 bant. 18) Ms. turicitia. 19) Ms. antis..... iant, qui-
 bus. 20) *al.* contubernalibus. Ms. cum corporalibus. 21) Ms.
 Aquileiae cum.

Et ubi aquarum ductibus intersectis nihilominus celliorem fiducia repugnarent, flumen laboribus avertitur magnis; quod itidem frustra est factum. Attenuatis enim avidioribus bibendi subsidii, hi, quos temeritas clauferat, contenti putealibus aquis parce vixerunt.

Quae dum agitantur casibus antedictis, supervenit, ut praeceptum est, Agilo, scutorumque densitate contextus, prope fidenter accessit: multaque loquutus et vera, quibus Constantii obitum, firmatumque Iuliani docebat imperium, non sine conviciis computabatur ut fallax. Nec ei quisquam credidit gesta narranti, antequam pacta salute susceptus ad pugnaculum solus, fide religiosius reddita, ea, quae docuerat, replicaret. His auditis, ex diuturno angore portis reclusis omnes effusi, suscipere laeti pacificum ducem: seque purgantes, Nigrinum totius furoris auctorem, paucosque alios obtulerunt, eorum supplicio laesae crimina maiestatis et urbis aerumnas expiari poscentes. Paucis denique post diebus exploratus spectato negotio, Mamertino tum iudicante praefecto praetorio, Nigrinus ut acerimus belli instigator exustus est: vivus. Romulus vero post eum et Sabosius curiales, convicti²²⁾ sine respectu periculi studia sevisse discordiarum, poenali consumpti sunt ferro: ²³⁾ residui omnes abierunt innoxii, quos in certaminum rabiem necessitas egerat, non voluntas. Id enim acquitate pensata statuerat placabilis Imperator et clemens. Et haec quidem postea gesta sunt.

Iulianus vero agens etiam tum apud Naessum, curis altioribus stringebatur, multa utrimque pertimescens: formidabat enim, ne clausorum militum apud Aquileiam repentino adfultu obsideratis angu-

²²⁾ Ms. sine re ut periculi in studia. ²³⁾ Ms. residui nes abier.

stis Alpium Iuliarum, provincias et adminicula per-
 22 deret, quae exinde sperabat indies. Itidemque
 opes Orientis magnopere verebatur, audiens, disper-
 sum per Thracias militem contra vim subitam cito
 coactum adventare Succorum confinia, Comite Mar-
 ciano ducente. Sed tamen congrua instantium sol-
 licitudinum moli ipse quoque agitans, efficaciter Illy-
 ricum contrahebat exercitum, pulvere coalitum
 Martio, promptumque in certaminibus bellicoso
 23 iungi rectori. Nec privatorum utilitates, in tem-
 pore adflagranti despiciens, litesque audiens con-
 troversas, maxime municipalium ordinum, ad quo-
 rum favorem propensior, iniuste plures muneribus
 24 publicis adnectebat. Ibi Symmachum repertum et
 Maximum senatores conspicuos, a nobilitate lega-
 tos ad Constantium missos, exinde reverbos honori-
 fice vidit: et potiore posthabito, in locum Tertulli
 Maximum urbi praefecit aeternae, ad Rufini Vulca-
 tii gratiam, cuius sororis cum filium norat. Hoc
 administrante alimentaria res abundavit, et quere-
 25 lae plebis excitari crebro solitae cessaverunt. Tunc,
 ut securitatem trepidis rebus adferret, et obedi-
 entium nutrirer fiduciam, 24) Mamertinum praefectum
 praetorio per Illyricum designavit consulem, et Ne-
 vitam: qui nuper, ut primum augendae barbari-
 cae vilitatis auctorem, immoderate notaverat Con-
 stantinum.

1 XIII. His ac talibus 1) inter spem metumque
 nova negotia commovente, Constantius apud Edes-
 sam exploratorum relationibus variis anxius, in ra-
 tiones 2) diducebatur ancipites, nunc ad concursa-
 torias pugnas militem firuens: nunc, si copia pa-
 tuisset, obsidione gemina Bezabden adgressurus:
 cop-

24) Mf. Mamertinum promertinum Praef. Vs. Mamertinum Pro-
 motum Praefect. 1) haec Mf. defunt. 2) al. ducebatur.

consultans prudenter, ne mox partes petiturus Arctoas, improtectum Mesopotamiae relinqueret latus. Verum consiliorum ambiguum retinebant multiplic² ces morae, tardante trans Tigridem rege, dum³) moveri permetterent sacra. Nam si permeato flumine nullum, qui resisteret, invenisset, absque difficultate⁴) penetrarat Euphraten: alioquin ad civilia bella custodiens militem, timebat eum periculis obiectare circummuranis, firmitatem moenium muni-
menti defensorumque alacritatem expertus.

Ne quiesceret tamen, neve condemnaretur iner³ tiae, Arbetionem et Agilonem, pedestris equestrisque militiae magistros, cum agminibus maximis pro-
perare coegit: non ut lacefferent Persas in proelia, sed praetenturis iuncturos citeriores Tigridis ripas, et speculatu-
ros, quonam⁵) rex erumperet violentus. Addebatque monendo saepius et scribendo, ut, simul-
atque multitudo transire coepisset hostilis, refer-
rent citius pedem. Dumque conlimitia iussa custo⁴-
diunt duces, et occulta fallacissimae gentis obser-
vantur, agens ipse cum parte validiori exercitus
curabat urgentia, velut pugnaturus, oppidaque tue-
batur excursu. Speculatores vero et transfugae
subinde venientes repugnantia prodebant: ideo fu-
tutorum incerti, quod apud Persas nemo consilio-
rum est conscius, praeter optimates taciturnos et
fidios, apud quos Silentii quoque colitur numen.
Accersebatur autem a memoratis ducibus Impera⁵-
tor assidue, orantibus ferri sibi suppetias. Testa-
bantur enim, se non nisi coactis in unum viribus
cunctis posse impetum regis ardentissimi sustinere.

Quae dum aguntur ita sollicitè, nuntii percre-
buere [certissimi]: quorum clara fide compertum
est, Iulianum Italiam et Illyricum cursu celebri

3) *al.* movere permetteret. 4) *al.* penetraret. 5) *τὸ ἐοικὸς* *Ms.* deest.

praetergressum, claustra interim occupasse Succorum: accita undique praestolantem auxilia, ut multitudinem stipatus armorum pervaderet Thracias. Quo cognito, maerore offusus Constantius, solatio uno sustentabatur, quod intestinos semper superaverit motus: re tamen magnam ei difficultatem ad capessendum consilium adferente, id elegit potissimum, ut vehiculis publicis impositum paullatim praemitteret militem, imminenti casus atrocitati velocius occursurum. Omniumque consensu adprobata sententia, pergebant, ut praeceptum est, expediti. Eique haec disponenti luce postera nuntiatur, regem cum omni manu, quam duxerat, ad propria reversisse, auspiciis dirimentibus: lenitoque metu, revocatis omnibus, praeter eos, quos consuetudo praesidio Mesopotamiae destinarat, ⁶⁾ reversus est Hierapolim.

9 Summa itaque coeptorum quorsum evaderet, ambigens, cum in unum exercitus convenisset, omnes centurias, et manipulos, et cohortes in concionem vocavit concinentibus tubis: oppletoque multitudinis campo, ut eam ad firmanda promptius adigeret imperanda, tribunali cello sistens, stipatoque solito densius, haec prosequutus est ad serenitatis speciem et fiducia vultu formato.

10 *Sollicitus semper, ne quid re levi vel verbo committam inculpatae parum congruens honestati, utque cautus navigandi magister, clavos pro fluctuum ⁷⁾ motibus erigens vel inclinans, compellor nunc apud vos, amantissimi viri, confiteri meos errores, quin potius (si dici liceat verum) humanitatem, quam credidi negotiis communibus profuturam. Proinde, ut facilius sciri possit, quae sit huius concilii convocandi materia, accipite quaeso aequis auribus et secundis.*

⁶⁾ Ms. reversus est . . . cappolim summa itaque. ⁷⁾ al. motu.

Gallum patrualem meum, tempore, quo con- 11
fundendis rebus pertinaciter Magnentius inhaere-
bat, quem obruere vestrae virtutes, potestate Cae-
saris sublimatum ad Orientis praesidium misi: qui,
cum a iustitia per multa visu relatuque nefaria de-
fecisset, arbitrio punitus est legum. Atque utinam 12
hoc contenta esset invidia, turbarum acerrima con-
citatrix! et angebat nos una sed secura doloris prae-
teriti recordatio. At nunc aliud accidit, ausim di-
cere, praeteritis maestius, quod per fortitudinem
vobis ingentem adiumenta caelestia coercebunt.
Iulianus, quem, dum circumfremantes Illyricum 13
nationes exterarum oppugnatis, tuendis praefecimus
Galliis, levium confidentia proeliorum, quae cum
Germanis gessit semiermibus, ut vecors elatus, ad-
scitis in societatem superbam auxiliariis paucis,
feritate speque postrema ad perniciosam audaciam
promptis, in noxam publicam conspiravit, aequi-
tate calcata, parente nutriceque orbis Romani:
quam tumentes spiritus tamquam 3) *favillas esse fa-*
cturam deinde, ut scelestorum ultricem, et ipse ex-
pertus, et docente antiquitate facile credo.

Quid igitur superest, nisi ut turbinibus excitis oc- 14
curramus? subcrepantis rabiem belli, antequam
pubescat validius, celeritatis remediis oppressuri.
Nec enim dubium, favore numinis summi praesen-
te, cuius perenni suffragio damnantur ingrati, fer-
rum impie praeparatum ad eorum interitum esse
vertendum, qui non lacessiti, sed aucti beneficiis
pluribus, ad infontium pericula surrexerunt. Ut 15
enim mea mens auguratur, iustitiaque rectis consi-
liis adfutura promittit, spondeo, quod, si ventum
fuerit comminus, ita pavore torpescant, ut nec ocu-

R 2

3) Ml. favillas efacturamque.

*lorum vestrorum vibratae lucis ardorem, nec bar-
ritus sonum perferant primum.*

16 Omnes post haec dicta in sententiam suam, ha-
stasque vibrantes irati, post multa, quae benivole
responderant, petebant se duci protinus in rebel-
lem. Qua gratia in laetitiā Imperator versus ex
metu, concione mox absoluta, Arbitionem ante
alios faustum ad intestina bella sedanda ex antea-
ctis iam sciens, iter suum praeire cum lanceariis et Mat-
tariis, et catervis expeditorum praecepit, et cum
Laetis iidem Gomoarium, venturis in Succorum
angustias opponendum, ea re aliis antelatum, quod
ut contemptus in Galliis, erat Iuliano infestus.

1 XIV. In hoc rerum adversarum tumultu hae-
rens eius fortuna iam et subsistens, adventare casum
vitae difficilem, modo non loquentibus lignis aperte
monstrabat. Namque et nocturnis ¹⁾ imaginibus
terrebatur, et nondum penitusmersus in somnum,
umbram viderat patris obtulisse pulcrum infantem:
eumque susceptum et locatum in gremio suo, excus-
sam sibi proiecisse longius sphaeram, quam ipse
dextera manu gestabat. Id autem permutationem
temporum indicabat, licet interpretantes placentia
2 responderent. Post haec confessus est ²⁾ iunctori-
bus proximis, quod tamquam desolatus secretum
aliquid videre desierit, quod interdum adfuisse sibi
squalidius existimabat: et putabatur Genius quidam
tutellae salutis adpositus eum reliquisse, mundo ci-
3 tius digressurum. Ferunt enim theologi, in lucem
editis hominibus cunctis, salva firmitate fatali, hu-
iusmodi quaedam velut actus rectura numina socia-
ri, admodum tamen paucissimis visa, quos multipli-
4 ces auxere virtutes. Idque et oracula et auctores
docuere praeclari: inter quos est etiam Menander
comicus, apud quem hi senarii duo leguntur:

1) *ML.* temporibus. 2) *al.* convictoribus.

3) ὅτι πάντες δαίμων ἀνδρὶ συμπαρίσταται

Εὐθὺς γενομένου, μυσταγωγὸς τοῦ βίου.

4) Itidem ex sempiternis Homeri carminibus intelligi datur, non deos caelestes cum viris fortibus colloquutos, nec adfuisse pugnantibus vel iuvisse, sed familiares genios cum iisdem versatos, quorum 5) adminiculis freti praecipuis Pythagoras enituisse dicitur et Socrates, Numaque Pompilius, et superior Scipio: et ut quidam existimant, Marius, et Octavianus, cui Augusti vocabulum delatum est primo: Hermesque Termāximus, et Tyaneus Apollonius, atque Plotinus, ausus quaedam super hac re differere mystica, alteque monstrare, quibus primordiis hi genii animis connexi mortalium, eas tamquam gremiis suis susceptas tuentur, quoad licitum est, docentque maiora, si senserint puras, et a colluvione peccandi immaculata corporis societate discretas.

XV. Ingressus itaque Antiochiam festinando Constantius, ad motum certaminum civilium, ut solebat, avidè surrecturus, paratis omnibus exire properabat immodice, renitentibus plurimis murmure tenus: nec enim dissuadere palam audebat quisquam vel vetare. Autumno iam senescente 2 profectus, cum ad suburbanum venisset disiunctum exinde tertio lapide, Hippocephalum nomine, lucente iam die cadaver hominis interfecti dextra iacens capite avulso conspexit, contra occiduum latus extensum: territusque omine, finem parantibus fati destinatus ipse tendebat: venitque Tarsum, ubi levioze febri contactus, ratusque itinerario motu imminutae valetudinis excuti polle discrimen, petiit per vias difficiles 3) Mopsucrenas, Ciliciae ulti-

3) al. ὅτι πάντες δαίμων ἀνδρὶ τῷ γενομένῳ ἅπαντος ἐστὶ μυσταγωγὸς τοῦ βίου. 4) Mf. inde sentit. 5) τὸ freti in Mf. deest. 1) al. Mopsuestiam.

nam hinc pergentibus stationem, sub Tauri montis radicibus positam: egredique sequuto die conatus, invalente morbi gravitate detentus est: paulatimque urente calore nimio venas, ut ne tangi quidem corpus eius posset in modum foculi fervens, cum usus deficeret medelarum, ultimum spirans deslebat exitium: mentisque sensu tum etiam integro, successorem suae potestatis statuuisse dicitur Iulianum.

3 Deinde anhelitu iam pulsatus letali conticuit: diuque cum anima colluctatus iam discessura, abiit e vita III. Non. Octobrium, imperii vitaeque anno quadragesimo et mensibus paucis.

4 Post quae, supremis cum gemitu conclamatis, excitisque lamentis et luctu: deliberabant locum obtinentes in aula regia primum, quid agerent, quidve moliri deberent: paucisque occulte super eligendo Imperatore tentatis, incitante, ut ferebatur, Eusebio, quem noxarum conscientia stimulabat, cum novandis rebus imminens obfisteret Iulianus; mittuntur ad eum Theolaiphus et Aligildus, tunc Comites, mortem indicantes propinqui, et oraturi; ut mora omni depulsa ad obtinendum obtemperare sibi pa-

5 ratum tenderet Orientem. Fama tamen rumorque loquebatur ²⁾ incertus, Constantium voluntatem ordinasse postremam: in qua Iulianum, ut praediximus, scripsit heredem: et iis quos diligebat,

6 fideicommissa detulit et legata. Uxorem autem praegnantem reliquit, unde edita posthuma, eiusque nomine adpellata, eum adolevisset, matrimonii iure copulata est Gratiano.

1 XVI. Bonorum igitur vitiorumque eius differentia vere servata, praecipua prima conveniet expediti. Imperatoriae auctoritatis cothurnum ubique custodiens, popularitatem elato animo contemnebat et magno: erga tribuendas celsiores dignita-

2) *al.* interim.

tes impendio parcus: nihil circa administrationum augmenta praeter pauca novari perpessus: nunquam erigens ¹⁾ cornua Militarium. Nec sub eo ² dux quisquam cum clarissimatu proventus est. Erant enim, ut nos quoque meminimus, Perfectissimi: nec occorrebat magistro equitum provinciae rector, nec contingi ab eo civile negotium permittebat. Sed cunctae castrenses et ordinariae potestates, ut honorum omnium apicem, priscae reverentiae more praefectos semper suspexere praetorio. In conservando milite nimium cautus: examinatore ³ meritorum nonnumquam ²⁾ subscruposus, palatinas dignitates velut ex quodam tribuens perpendiculo: et sub eo nemo cessum aliquid acturus in regia, repentinus adhibitus est vel incognitus: sed qui post decennium officiorum magisterium, vel largitiones, vel simile quidquam esset recturus, apertissime noscebatur. Valdeque parum contigerat, ut Militarium aliquis ad civilia regenda transiret: contraque non nisi pulvere bellico indurati praeficiebantur armatis. Doctrinarum diligens adfectator: sed ⁴ cum a rhetorica per ingenium defereretur ³⁾ obtunsum, ad versificandum transgressus, nihil operae pretium fecit. In vita parca et sobria, edendi potandique moderatione valetudinem ita retinuit firmam, ut raros colligeret morbos, sed eos non procul a vitae periculis: id enim evenire corporibus a lascivia demotis et luxu, diuturna experimenta et probationes medendi monstrarunt. Somno contentus exiguo, cum id posceret tempus et ratio: perque spatia vitae longissima impendio castus, ut nec mare ministro saltem suspicione tenus posset redargui; quod crimen, etiamsi non invenit malignitas, fingit in summarum licentia potestatum.

1) Mf. cornua militarium. 2) Mf. subscruposus. 3) Mf. obtunsum.

- 7 Equitandi et iaculandi, maximeque perite dirigendi sagittas, artiumque armaturae pedestris perquam scientissimus. Quod autem nec terfisse unquam nares in publico, nec spuisse, nec transtulisse in partem alterutram vultum aliquando visus est, nec pomorum quidquam, quoad vixerat, gustaverit, ut dicta saepius ⁴⁾ praetermitto.
- 8 Dinumeratis carptim bonis, quae scire potuimus, nunc ad explananda eius vitia veniamus. Cum esset in negotiis aliis principibus mediis comparandus, si adfectatae dominationis ansam quamdam falsam reperisset aut levem, hanc sine fine scrutando, fasque eodem loco ducens et nefas, Caligulae, et Domitiani, et Commodi immanitatem facile superabat: quorum aemulatus saevitiam inter imperandi exordia, cunctos sanguine et genere
- 9 se contingentes turpiter interemit. Addebatur miserorum aerumnis, qui rei maiestatis imminutae vel laesae deferebantur, acerbitas eius et iracundae suspiciones, in huiusmodi cuncta distentae. Et si quid tale increpuisset, in quaestiones acrius exurgens quam civiliter, spectatores adponebat his litibus truces: mortemque longius in puniendis quibusdam, si natura permitteret, conabatur extendi: in huiusmodi controversiarum partibus etiam Gal-
- 10 lieno ferocior. Ille enim perduellionum crebris verisque adpetitus insidiis, Auréli, et Posthumi, et Ingenui, et Valentis cognomento Thessalonici, aliorumque plurium, mortem factura crimina aliquoties lenius vindicabat: hic etiam facta vel dubia adigebat videri certissima ⁵⁾ vi nimia tormentorum.
- 11 Iustumque in eiusmodi titulis capitaliter oderat, cum maxime id ageret, ut iustus existimaretur et clemens. Et tamquam ex arida silva volantes scin-

4) Hic in Mf. quaedam transposita sunt, quae rectius in vulgatis libb. leguntur. 5) Mf. vinea tormenta. *al.* vi torment.

tillae, flatu leni ventorum adusque discrimina vicorum agrestium incohibili cursu perveniunt, ita ille quoque ex minimis causis malorum congeries excitabat, Marci illius dissimilis Principis verecundi, qui, cum ad imperiale culmen in Syria Cassius surrexisset, epistolarum fascem ab eo ad conscios missum, perlatores capto sibi oblatum, illico signatum exuri praecepit, agens adhuc in Illyrico, ne infidiatoribus cognitis, invitus quosdam habere posset offensos. Utque recte sentientes quidam ar-
 12 bitrabantur, virtutis erat potius indicium, magnae, imperio eundem ⁶⁾ Constantium sine cruore cessisse, quam vindicasse tam inclementer. Ut Tullius quo-
 13 que docet, crudelitatis increpans Caesarem in quadam ad Nepotem epistola: *Neque enim quidquam aliud est felicitas, inquit, nisi honestarum rerum prosperitas. Vel ut alio modo definiam: Felicitas est fortuna adiutrix consiliorum bonorum: quibus qui non utitur, felix esse nullo pacto potest. Ergo in perditis impiisque consiliis, quibus Caesar usus erat, nulla potuit esse felicitas. Feliciorque meo iudicio Camillus exsulans, quam temporibus iisdem Manlius, etiamsi (id quod cupierat) regnare po-*
 14 *tuisset.* Id Ephesius quoque Heraclitus adserens
 monet, et ab inertibus et ignavis, eventus variante fortuna, superatos aliquoties viros fuisse praestantes: illud vero eminere inter praecipuas laudes, cum potestas in gradu, velut sub iugum missa nocendi saeviendique cupiditate et irascendi, in arce victoris animi tropaeum erexit gloriosum.

Ut autem in externis bellis hic Princeps fuit
 15 saucius et adflictus: ita prospere succedentibus pugnis civilibus tumidus, et intestinis ulceribus rei publicae sanie perfusus horrenda: quo pravo pro-

6) *al.* conotantium.

- posito magis quam recto vel usitato, triumphales arcus ex clade provinciarum sumptibus magnis erexit in Galliis et Pannoniis, titulis gestorum adfixis se, quoad stare poterunt, monumenta
16 lecturis. Uxoribus, ac spadonum gracilentis vocibus, et palatinis quibusdam nimium quantum addictus, ad singula eius verba plaudentibus, et, quid ille aiat vel neget, ut adsentiri possint, observantibus.
- 17 Augebat etiam amaritudinem temporum flagitatorum rapacitas inexpleta, plus odiorum ei quam pecuniae conferentium. Hocque multis intolerantius videbatur, quod nec causam aliquando audivit, nec provinciarum indemnitati prospexit, cum multiplicatis tributis et vectigalibus vexarentur. Eratque super his adimere facilis, quae donabat.
- 18 Christianam religionem absolutam et simplicem anili superstitione confundens: in qua scrutanda perplexius, quam componenda gravius, excitavit discidia plurima; quae progressa fusius aluit concertatione verborum: ut catervis antistitum iumentis publicis ultro citroque discurrentibus per synodos, quas adpellant, dum ritum omnem ad suum trahere conantur arbitrium, rei vehiculariae succideret nervos.
- 19 Figura tali situque membrorum: subniger, luce oculorum edita, cernensque acutum, molli capillo, rasis adlidue genis lucentibus ad decorem, adusque pubem ab ipsis colli confiniis longior, brevissimis cruribus et incurvis: unde saltu valebat et cursu.
- 20 Pollinctum igitur corpus defuncti, conditumque in loculis, Iovianus etiam tum protector domesticus, cum regia prosequi pompa Constantino-polim usque iussus est, prope necessitudines eius
21 humanandum. Eique vehiculo infidenti quod portabat reliquias, ut principibus solet, annonae mili-

taris offerrebantur indicia, ut ipsi nominant, ⁷⁾ proba, et animalia publica monstrabantur, et ex usu crebrescebant occurfus: quae et alia horum similia, eidem Ioviano imperium quidem, ⁸⁾ sed et cassum et umbratile ut ministro rerum funebrium portendebant.

7) Mf. probam. 8) Mf. sed et cassum.

AMMIANI MARCELLINI

RERUM GESTARUM

LIBER XXII.

Iulianus A. metu Constantii A. subsistit in Dacia, et clam haruspices ac augures consulit. C. I. Iulianus cognita morte Constantii transcurrit Thracias, et Constantinopolim pacatam intrat, totumque imperium Rom. citra pugnam recipit. II. Constantiani quidam, pars iure, pars iniuria damnantur. III. Eunuchos omnes et tonsores ac coquos palatio expellit Iulianus A. et de palatinorum spadonum vitiis, ac de corrupta disciplina militari. IV. Iulianus A. cultum deorum, antea dissimulatum, palam et libere profitetur, et christianorum episcopos inter se committit. V. Qua arte complures litigatores Aegyptios, a quibus moleste interpellabatur, domum redire coegerit. VI. Iulianus Constantinopoli saepe ius dicit in curia, et dum ibi Thraciarum res ordinat, variis exterarum gentium legionibus aditur. VII. Descriptio Thraciarum, et sinus Pontici, regionumque ac nationum Ponto adiacentium. VIII. Iulianus A. aucta ornatque Constantinopoli, Antiochiam petit, ac in itinere Nicomediensibus ad reparandas urbis ruinas pecunias tribuit, Ancyrae iurisdictionibus vacat. IX. Antiochiae hiemans Iulianus iura reddit, nec quemquam propter religionem gravat. X. Georgius Alexandriae episcopus ab ethnicis Alexandrinis cum duobus aliis per vicos trahitur, discerpiturque ac crematur impune. XI. Expeditionem Iulianus parat in Persas, et ad praenoscendum belli eventum oracula consulit, victimasque innumerabiles caedit, totus haruspicinae et auguriis addictus. XII. Templi Apollinis Daphnaei incendium Iulianus A. immerito imputat christianis, et maiorem Antiochiae ecclesiam claudi iubet. XIII. Iulianus A. in monte Casio Iovi sacra fa-

cit: cur Antiochiensibus iratus, Misopogonem scripserit. XIV. Descriptio rerum Aegyptiacarum: et de Nilo, de Crocodilo, de Ibi, ac de Pyramidibus. XV. De quinque Aegypti provinciis, deque claris earum urbibus. XVI.

Dum haec in diversa parte terrarum fortunae struunt volubiles casus, Iulianus inter multa, quae per Illyricum agitabat, exta rimabatur adfidue, avesque suspiciens, praescire festinabat accidentium finem: sed responsis ambiguis et obscuris haerebat futurorum incertus. Eique tandem haruspicinae peritus Aprunculus, Gallus orator, promotus rector postea Narbonensis, nuntiavit eventus, inspectu iecoris, ut aiebat ipse, praedoctus, quod operimento duplici viderat tectum. Cumque ille timeret, ne cupiditati suae congruentia fingerentur, atque ideo maestus, omen multo praesentius ipse conspexit, quod excessum Constantii clare monstrabat. Eodem enim puncto, quo idem obierat in Cilicia, lapso milite, qui se¹⁾ in seffurum equo dextra manu erexit, humique prostrato, exclamavit illico audientibus multis, cecidisse, qui eum ad culmen evexit. Fixa³ tamen firmitate consistens, intra terminos Daciae se continebat, sic quoque plurima pertimescens. Nec enim cautum ducebat coniecturis credere, forsitan in contrarium erupturis.

II. Inter quae tam suspenfa, advenere subito et missi ad eum legati, Theolaiphus atque Aliguldus, defunctum Constantium nuntiantes, addentesque, quod eum voce suprema successorem suae fecerit potestatis. Qua re cognita, post exemptos periculorum aestus, et bellicarum sollicitudinum turbas²⁾ imminentes clatus, iamque vaticiniis credens, et celeritatem negotiis suis aliquoties profuisse exper-

¹⁾ Mf. insensurum. ²⁾ is. insensurum. ³⁾ al. in immensum elatus.

- tus, edixit iter in Thracias: ²⁾ motisque propere signis emensa declivitate Succorum, Philippopolim petiit Eumolpiada veterem, alacri gradu sequentibus, quos duxerat, cunctis. Advertebant enim imperium, quod ereptum ibant cum ultimorum metu discriminum, praeter spem ordinario iure concessum. Utque solet fama novitates augere, properabat exinde sublimior, ut quodam Triptolemi curru, quem ob rapidos circumgressus aëriis serpentibus et pinnigeris fabulosa vetustas imponit: perque terras et maria formidatus, nullis obstantibus muris, Heracleam ingressus est Perinthum.
- 4 Quo apud Constantinopolim mox comperto, effundebatur aetas omnis et sexus tamquam demissum aliquem visura de caelo. Exceptus igitur tertio Iduum Decembrium verecundis senatus officiis, et popularium consonis plausibus, stipatusque armorum et togatorum agminibus, velut acie ducebatur instructa: omnium oculis in eum non modo contuitu destinato, sed cum admiratione magna defixis. Somnio enim propius videbatur, adultum adhuc iuvenem, exiguo corpore, factis praestantem ingentibus, post cruentos exitus regum et gentium; ab urbe in urbem inopina velocitate transgressum, quaque incederet, accessione ³⁾ opum et virium ⁴⁾ flammae instar cuncta facilius occupasse: principatum denique deferente nutu caelesti absque ulla publicae rei suscepisse iactura.
- 1 III. Brevi deinde Secundo Sallustio, promoti praefecto praetorio, summam quaestionum agitando ut fido commisit: Mamertino, et Arbetrione, et Agilone atque Nevita adiunctis, itidemque Iovinio magistro equitum per Illyricum recens pro-
- 2 vecto. Qui omnes transgressi Chalcedona, praesen-

2) τὸ propere Ms. deest. 3) Ms. operum et virium. 4) Steph. fame.

tibus Iovianorum Herculianorumque ¹⁾ principibus et tribunis, causas vehementius aequo bonoque spectaverunt, praeter paucas, in quibus veritas reos nocentissimos offerebat. Et Palladium primum ex 3 magistro officiorum in Britannos exterminarunt, suspicione tenus infimulatum, quaedam in Gallum composuisse ²⁾ apud Constantium, dum sub eodem Caesare officiorum esset magister. Dein Taurum 4 ex praefecto praetorio in exilium egere Vercellum: cuius factum apud iudices iustorum iniustorumque distinctiores videri potuit veniae plenum. Quid enim deliquit, si ortum turbinem veritus, ad tutelam Principis sui confugit? Et acta super eo gesta non sine magno legebantur horrore, cum id voluminis publici contineret exordium: *Consulatu Tauri et Florentii, inducto sub praeconibus Tauro.* Ad 5 exitum itidem tale Pentadius trahebatur: cui id obiectum est, quod a ³⁾ Constantio missus notis excepit, quae propinquante pernicie super multis interrogatus responderat Gallus. Sed cum se iuste defenderet, tandem ⁴⁾ abiit innoxius. Iniquitate 6 simili Florentius tunc magister officiorum, Nigriniani filius, contrusus est in insulam Dalmatiae Boas. Alter enim Florentius, ex praefecto praetorio consul etiam tum, rerum mutatione subita territus, cum coniuge periculis exemptus diu delituit, nec redire ante mortem ⁵⁾ potuit: capitis crimine tamen damnatus est absens. Pari sorte Euagrius, Comes 7 rei privatae, et Saturninus ex cura palatii, et Cyrius ex notario, ⁶⁾ portati sunt in exilium. Ursuli vero necem largitionum Comitum ipsa mihi videtur fuisse Iustitia, Imperatorem arguens ut ingratum. Cum enim Caesar in partes mitteretur occiduas omni tenacitate stringendus, nullaue potestate mi-

1) Mf. principibus. 2) Mf. Constantinum. 3) Mf. Constantino. 4) al. obiit. 5) *ro* Iuliani Mf. deest. 6) Mf. portati.

liti quidquam donandi delata, ut pateret ad motus asperior exercitus; hic idem Urfulus datis litteris ad eum, qui Gallicanos tuebatur thesauros, quidquid posceret Caesar, procul dubio iusserat dari. 8 Quo extincto, cum maledictis execrationibusque multorum se Iulianus sentiret expositum, impurgabile crimen excusari posse existimans, absque conscientia sua hominem adfirmabat occisum, praetendens, quod eum militaris ira delevit, memor quae dixerat, ut ante retulimus, cum Amidam vidisset excisam. 9 Ideoque timidus videbatur, vel parum intelligens, quid conveniret, cum Arbitionem semper ambiguum et praetumidum his quaestionibus praefecisset, aliis specie tenuis cum principis legionum praesentibus, quem primum omnium saluti suae norat obiectum, ut decuit victoriarum civilium participem 7) fortem.

10 Et quamquam haec, quae 8) retulimus, eius displicuere fautoribus; sequentia tamen severitatis 11 recto vigore sunt gesta. Apodemium enim ex agente in rebus, quem in Silvani necem et Galli effrenatius arfisse docuimus, Paulumque notarium cognomento Catenam, cum multorum gemitu nominandum, vivos exustos, qui sperari debuit, oppressit eventus. 12 Eusebium super his, cui erat Constantiani thalami cura commissa, alte spirantem et dirum addixere poenae letali: quem ab ima sorte adusque iubendum Imperatori paene elatum, ideoque intolerabilem, humanorum spectatrix Adrastia, aurem (quod dicitur) vellens, monensque, ut castigatus 9) viveret, reluctantem praecipitem tamquam e rupe quadam egit excelsa.

1 IV. Conversus post haec Princeps ad 1) Palatinos, omnes omnino qui sunt, quique esse possunt, non

7) Mf. fortem. 8) Mf. velimus. Steph. vellimus. 9) Mf. veniret.
1) Mf. Palatinos homines.

non ut philosophus indagandae veritatis professor. Laudari enim poterat, si saltem moderatos quos-
 2 dam, licet paucos, retinisset, morumque probi-
 tate compertos. Namque fatendum est, pleram-
 que eorum partem vitiorum omnium seminarium
 3 a) effusius aluisse, ita ut rempublicam inficerent cu-
 piditatibus pravis: plusque exemplis, quam pec-
 candi licentia laederent multos. Pasti enim ex his
 quidam templorum spoliis, et luora ex omni odo-
 rantes occasione, ab egestate infima ad saltum sub-
 lati divitiarum ingentium, nec largiendi, nec ra-
 piendi, nec absumendi tenere aliquem modum,
 aliena invadere semper adsuefacti. Unde fluxioris
 4 vitae initia pullularunt, et periuria, et nullus exi-
 stimationis respectus, demensque superbia fidem
 suam probrosis quaestibus polluebat. Inter quae
 5 b) ingluvies et gurgites crevere praerupti convivio-
 rum, et pro victorialibus epulares triumphi: usus-
 que abundantes serici et textiles auctae sunt artes,
 et culinarum sollicitior cura: et ambitiosa ornata-
 rum domorum exquisita sunt spatia: quorum men-
 suram si in agris consul Quintius possedisset, ami-
 serat etiam post dictaturam gloriam paupertatis.

Quibus tam maculosis accessere flagitia discipli- 6
 nae castrensis, cum miles cantilenas meditaretur pro-
 iubilo c) molliores: et non saxum erat, ut antehac,
 armato cubile, sed pluma et flexiles lectuli, et gra-
 viora gladiis pocula, testa enim d) bibere iam pude-
 bat: et quaerebantur aedes marmoreae, cum scri-
 ptum sit in antiquitatibus, Spartanum militem
 coërcitum acriter, quod procinctus tempore ausus
 sit videri sub tecto. Adeo autem ferox erat in suos 7
 illis temporibus miles et rapax; ignavus vero in
 hostes et fractus, ut per ambitiones otiumque opi-

a) *al. fusius.* 3) *al. eluvies.* 4) *Mf. meliores.* 5) *Mf. vivere.*

bus partis, auri et lapillorum varietates discerneret scientissime, contra quam recens memoria tradit.

8 Notum est enim, sub Maximiano Caesare vallo regis Persarum direpto, gregarium quemdam ⁶⁾ post sacculum Parthicum, in quo erant margaritae, re-
pertum, proiectis imperitiâ gemmis, abisse pellis nitore solo contentum.

9 Evenerat iisdem diebus, ut ad demendum Imperatoris capillum tonsor venire praeceptus, introiret quidam ambitiose vestitus. Quo viso, Iulianus obstupuit: *Ego, inquit, non rationalem iussi, sed tonsorem acciri.* Interrogatus tamen ille, quid haberet ex arte compendii: vicens diurnas respondit annonas, totidemque pabula iumentorum [quae vulgo dictitant capita] et annuum stipendium
10 grave, absque fructuosis petitionibus multis. Unde motus, omnes huiusmodi cum coquis similibusque alijs eadem accipere bene consuetos, ut parum sibi necessarios, data, quo velint, eundi potestate proiecit.

1 V. Et quamquam a rudimentis pueritiae primis inclinatio erat erga numinum cultum, paulatimque adulescens desiderio rei flagrabat, multa metuens tamen agitabat quaedam ad id pertinentia,

2 quantum fieri poterat, occultissime. Ubi vero abolitis, quae verebatur, adesse sibi liberum tempus faciundi; quae vellet, advertit, sui pectoris patefecit arcana: et ¹⁾ planis absolutisque decretis aperiri templa, arisque hostias admoveri ad deorum statuit

3 cultum. Utque dispositorum roboraret effectum, dissidentes Christianorum antistites cum plebe discissa in palatium intromissos ²⁾ monebat civilius, ut discordijs consopitis quisque nullo vetante religioni suae serviret intrepidus. Quod agebat ideo obstinate, ut dissensiones augente licentia, non

6) τὸ post Mf. deest. 1) al. plane absolutis decret. 2) Mf. monebat civilius, ut discord.

timeret unanimantem postea plebem: nullas infestas hominibus bestias, ut sunt sibi ferales plerique Christianorum, expertus. Saepeque dictitabat, *Audite me, quem Alamanni audierunt et Franci:* imitari putans Marci principis veteris dictum. Sed parum advertit, hoc ab eo nimium discrepare. Ille 5 enim cum Palaestinam transiret, Aegyptum petens, faetentium Iudaeorum et tumultuantium saepe taedio percitus, dolenter dicitur exclamasse: *O! Marcomanni, o! Quadi, o! Sarmatae, tandem alios vobis inertiores inveni.*

VI. Per hoc idem tempus rumoribus exciti variis Aegyptii venire complures, genus hominum controversum, et adfuetudine perplexius litigandi semper lactissimum, maximeque avidum multiplicatum reposcere, si compulsori quidquam dederit, ut levare debito possit, vel certe commodius per dilationem inferre, quae flagitantur, aut criminis vitandi formidine, divites pecupiarum repetundarum interrogare. Hi omnes densati in unum, Principem 2 ipsum, et praefectos praetorio graculorum more strepentes interpellabant incondite, modo non ante septuagesimum annum extorquentes, quae dedisse se iure vel secus plurimis adfirmabant. Cumque nihil aliud agi permitterent, edicto pro-3 posito universos iussit transire Chalcedona, pollicitus, quod ipse quoque protinus veniret, cuncta eorum negotia finiturus. Quibus transgressis, man-4 datum est navigiorum magistris ultro citroque discurrentium, ne quis transfretare auderet Aegyptium: hocque observato cura propensiore, evanuit pertinax calumniandi propositum, et omnes, spe praesumpta frustrati, redierunt ad lares. Unde 5 velut aequitate ipsa dictante, lex est promulgata, qua cavetur nullum interpellari suffragatorem super his, quae cum recte consliterit accepisse.

(A. C. 362.)

VII. Adlapsa itaque Kalendarum Ianuariarum die, cum Mamertini et Nevitae nomina suscepissent paginae consulares, humilior Princeps visus est, in officio pedibus gradiendo cum honoratis: quod laudabant alii, quidam ut adfectatum et vile carpebant. Dein Mamertino ludos edente Circenses, manumittendis ex more inductis per admissio-num proximum, ipse ¹⁾ lege agi dixerat, ut solebat: statimque admonitus, iurisdictionem eo die ad alterum pertinere, ut errato obnoxium decem libris auri semet ipse multavit.

3 Frequentabat inter haec ²⁾ curiam agendo diversa, quae ³⁾ divisiones multiplices ingerebant. Et cum die quodam ei causas ⁴⁾ ibi spectanti venissent nuntiatus esset ex Asia philosophus Maximus, exsiluit indecore: et, qui esset oblitus, effuso cursu a vestibulo longe progressus, exosculatum susceptumque reverenter secum induxit, per ostentationem intemperatam nimius captator inanis gloriae visus, praeclarique illius dicti immemor Tulliani, quo tales notando ita relatum: *Ipsi illi philosophi, etiam in his libris, quos de contemnenda gloria scribunt, nomen suum inscribunt, ut in eo ipso, quo praedicationem ⁵⁾ nobilitatemque despiciunt, praedicari de se ac se nominari velint.*

5 Nec multo deinceps, duo agentes in rebus ex iis, qui proiecti sunt, eum adiere, fidentius promittentes latebras monstrare Florentii, si eis gradus militiae redderetur: quos incessans delatoresque adpellans, addebat, non esse imperatorium, obliquis flecti iudiciis ad retrahendum hominem mortis metu absconditum, qui forte non diu latitare citra spem veniae permetteretur.

1) Mf. lege agi ductus dixerat. 2) Mf. Curiam agendo diverso.
3) Mf. divisiones. 4) Mf. sibi spectanti. 5) al. nobilitatum.

Aderat his omnibus Praetextatus, praeclaræ in-6
dolis gravitatisque priscae senator, ex negotio pro-
prio forte repertus apud Constantinopolim, quem
arbitrio suo Achaiae proconsulari praefecerat po-
testate.

Nec tamen, cum corrigendis civilibus ita dili-7
genter instaret, omisit castrensia: rectores militibus
diu exploratos adponens, urbes quinetiam per
Thracias omnes cum munimentis reparans extimis,
curansque sollicite, ne arma vel indumenta, aut
stipendium, vel alimenta deessent his, quos per su-
percilia Histri dispersos, excursibusque barbaro-
rum oppositos, agere vigilanter audiebat et fortiter.
Quae cum ita divideret, nihil segnius agi permit-8
tens: suadentibus proximis, ut adgrederetur pro-
pinquos Gothos saepe fallaces et perfidos, hostes
quaerere se meliores aiebat: illis enim sufficere
mercatores Galatas, per quos ubique sine conditio-
nis discrimine venundantur.

Haec eum curantem et talia commendabat ex-9
ternis nationibus fama, ut fortitudine, sobrietate,
militaris rei scientia, virtutumque omnium incre-
mentis excessum: paullatimque progrediens ambi-
tum oppleverat mundi. Proinde timore eius ad-10
ventus per finitimos longeque distantes latius expli-
cato, legationes undique 6) solito ocius concurre-
bant: hinc Transgiritanis pacem obsecrantibus et
Armeniis, inde nationibus 7) Indicis certatim cum
donis optimates mittentibus ante tempus abusque
Divis et Serendivis: ab australi plaga ad famulan-
dum rei Romanae semet offerentibus Mauris: ab
aquilone et regionibus solis, per quas in mare Pha-
sis accipitur, Bosporianis aliisque antehac ignotis
legationes vehentibus supplices ut annua complentes

6) *Mf. solito eius.* 7) *Mf. divis et Serendivis.*

sollemnia, intra terrarum genitalium terminos otiose vivere sinerentur.

1 VIII. Adpositum est (ut existimo) tempus, ad has partes nos occasione magni Principis devolutos, super Thraciarum extimis, situque Pontici sinus visa vel lecta quaedam perspicua fide monstrare.

2 Athos in Macedonia mons ille praecelsus, navibus quondam Medicis pervius, et Caphareus Euboicus scopulus, ubi Nauplius Palamedis pater classem confisit Argivam, licet longo spatio controversi a Thessalo mari distinguunt Aegaeum: quod paulatim fusius adulescens, dextra, qua late protenditur, per Sporadas est insulosum atque Cycladas; ideo sic adpellatas, quod omnes ambiunt Delon¹⁾ partu deorum insignem: laeva²⁾ Imbrum et Tenedum circumluens, et Lemnum et³⁾ Thasum:

3 quando perflatur, Lesbo illiditur violentius. Unde gurgitibus refluus Apollinis Sminthii templum et Troada perstringit, et Ilium heroicis calibus clarum: efficitque Melana sinum oppositum Zephyro: cuius apud principium Abdera visitur Protagorae domicilium et Democriti: cruentaeque Diomedis Thracii sedes, et convalles, per quas Hebrus sibi miscetur, et⁴⁾ Maronea, ac Aenus, qua diris auspiciis coepta moxque relictas, ad Ausoniam veterem ductu numinum properavit Aeneas.

4 Hinc gracilescens paulatim, et velut naturali quodam commercio ruens in Pontum, eiusque partem adsumens, in speciem Φ Graecae litterae formatur: exin Hellespontum a Rhodopa scindens, Cynosfema, ubi sepulta creditur Hecuba, et Coela praeterlabitur et Seston et Callipolin: contra per Achillis Aiacisque sepulcra Dardanum contingit et Abydon, unde iunctis pontibus Xerxes maria pe-

1) Mf. parte. 2) Mf. Embrum. 3) Mf. Taxum. 4) Mf. Matronae ac Aenus.

dibus peragravit: dein Lampfacum, Themistocli dono datam a rege Persarum, et Parion, quam condidit Iasionis filius Parius. Unde semiorbe 5 curvescens altrinsecus, lataque aperiens terrarum divortia, circumfluis spatiis Propontidos respergit ex Eoo latere Cyzicum, et Dindyma, religiosa matris magnae delubra, et Apamiam, Ciumque, et Astacum sequuto tempore Nicomediam a rege cognominatam: qua in occasum procedit, Cherronesum pulsat et Aegos-potamens, in quo loco lapides casuros ex caelo praedixit Anaxagoras, et Lyfima-
chiam, et civitatem, quam Hercules conditam Perin-
thi comitis sui memoriae dedicavit. Et ut effe-
ctae plenaeque Φ litterae figura servetur, in meditullio ipso rotunditatis Proconesus insula est oblonga, et Besbicus.

Post cuius summitatem in angustias rursus extenuatum, Europam et Bithyniam intereurrens, per Chalcedona, Chrysopolim, et stationes transit obsecras. Nam supercilia eius sinistra Athyras portus 8 despectat et Selymbria, et Constantinopolis, vetus Byzantium, Atticorum colonia, et promuntorium Ceras praelucentem navibus vehens constructam cellius turrim: quapropter Ceratas adpellatur ventus inde suctus oriri praegelidus.

Hoc modo fractum, et participatione maris utriusque finitum, iamque mitescens, in aequoream panditur faciem, quantum potest cadere sub aspectum, late diffusum et longe. Omnis autem 10 eius velut insularis circuitus littorea navigatio viginti tribus dimensa millibus stadiorum, ut Eratosthenes adfirmat, et Hecataeus, et Ptolemaeus, aliique huiusmodi cognitionum minutissimi scrutatores, in speciem Scythici arcus nervo coagmentati geographiae totius adfensione formatur. Et qua sol oceano 11 exsurgit Eoo, paludibus clauditur Maeotidos:

- qua declinat in ⁵⁾ vesperum, Romanis provinciis terminatur: unde suspicit fidus arcetum, homines alit linguis et moribus dispares: latus eius austrinum molli devexitate subductum. Per haec amplissima spatia oppida sunt dispersa Graecorum: quae cuncta aetatibus variis praeter pauca Atheniensium coloni condidere Milesii, inter Ionas alios in Asia per Nileum multo ante locati, Codri illius filium, qui se pro patria bello fertur Dorico devovisse. Extremitates autem arcus utrimque tenues duo exprimunt Bospori, e regione sibi oppositi, Thracius et Cimmericus: hac causa Bospori vocitati, quod per eos quondam Inachi filia mutata (ut poetae loquuntur) in bovem, ad mare Ionium permeavit.
- 14 Dextram igitur inflexionem Bospori Thracii excipit Bithyniae latus, quam veteres dixere Mygdoniam: in qua Thynia et Mariandena sunt regiones, et Amyci saevitia Behryces exempti virtute Pollucis, remotaque statio, in qua volitantes minaciter harpyias Phineus vates horrebat: per quae littora in sinus oblongos curvata Sangarius et Phyllis, et Bizetes et Rhebas fluvii funduntur in maria: quibus controversae extraneae sunt Symplegades, gemini scopuli in vertices undique porrecti disruptos, adfueti priscis saeculis obviam sibi cum horrendo fragore collis molibus ferri, ⁶⁾ cedentesque retrorsus acri adsultu ad ea reverti, quae pulsarant. Per has saxorum dehiscantium concursantiumque crebritates, si etiam ales intervolasset, nulla celeritate pin-
- 15 narum eripi poterat, quin interiret oppressa. Hi scopuli, cum eos Argo prima omnium navis, Colchos ad direptionem aurei properans velleris, praeterisset innoxia, immobiles turbine circumfracto fletere concorporati, ut eos aliquando fuisse direm-

5) Ms. vesperum ultro Roman. 6) Ms. cadentesque.

ptos nulli nunc conspiciantium credant, nisi super hoc congruerent omnes priscorum carminum cantus.

Post Bithyniae partem, provinciae Pontus et 16 Paphlagonia protenduntur, in quibus Heraclea, et Sinope, et Polemonion, et Amisos amplae sunt civitates, et Tios, et Amastris, omnes ab auspicio diligentia fundatae Graecorum: et Cerasus, unde advexit huiusmodi poma Lucullus, insulaeque arduae, Trapezunta et Pityunta continentes oppida non obscura. Ultra haec loca Acherusium Ipecus 17 est, quod accolae *μυχοντίον* adpellant, et portus Acone: 7) fluvii diversi, Acheron, itidemque Arcadius, et Iris, et 8) Tiberis, et iuxta Parthenius, omnes in mare ictu rapido decurrentes. Thermodon his est proximus, ab Armonio defluens monte, et Themiscyraeos interlabens lucos: ad quos Amazonas quondam migrare necessitas subegerat talis. Attritis damporum adfiduitate finitimis, Amazones 18 veteres, quae eos cruentis populabantur incurfibus, altiora spirabant: viresque suas circumspectantes his, quae propinqua saepius adpetebant, validiores, raptae praecipiti cupiditatis ardore, perruptis nationibus plurimis, manus Atheniensibus intulerunt: acrique concertatione effuse disiectae, omnes nudatis equitatus sui lateribus corruere. Harum interitu 19 cognito, residuae ut imbelles domi relictas, extrema perpeffas, vicinitatis eis repensantis similia funestis impetus declinantes, ad pacatiorem sedem transiere 9) Thermodontis: quarum progenies longe deinde propagata per numerosam subolem, manu firmissima ad loca revererat genitalia, sequuto tempore populis diversarum originum formidabilis.

Haud procul inde attollitur Carambis placide 20 collis, contra [septemtrionem] Helicen exurgens,

7) Mf. fluvii dives. 8) Mf. Thybris. 9) Mf. Hermodectis.

cuius e regione est Crimætopon Tauricæ promun-
torium, duobus millibus et quingentis stadiis dis-
paratum. Hocque ex loco omnis ora maritima,
cuius initium Halys est amnis; velut longitudine
lineali directa nervi efficit speciem, duabus arcus
21 summitatibus complicati. His regionibus Dahæ
confines sunt, acerrimi omnium bellatores, et
Chalybes, per quos erutum et domitum est primi-
tus ferrum. Post quos terras patentes Byzares ob-
tinent, et Sapires, et Tibareni, et Mossynoeci, et
Macrones, et Philyres, populi nulla nobis adsueta-
22 dine cogniti. A quibus brevi spatio distant viro-
rum monumenta nobilium, in quibus Sthelenus est
humatus, et Idmon, et Tiphys: primus Herculis
socius Amazonico bello letaliter vulneratus: alter
augur Argonautarum: tertius eiusdem navis cautif-
23 simus rector. Praetercursis partibus memoratis,
Aulion antrum est, et fluenta Callichorii ex facto
cognominati, quod, superatis post triennium Indi-
cis nationibus, ad eos tractus Liber versus, circa
huius ripas virides et opacas orgia pristina reparavit
et choros: Trieterica huiusmodi sacra quidam
24 ¹⁰⁾ existimant adpellari. Post hæc confinia Cama-
ritarum pagi sunt celebres, et Phasis fremebundis
cursibus Colchos attingit, Aegyptiorum antiquam
subolem: ubi inter civitates alias Phasis est nomine
fluvii dictitata, et ¹¹⁾ Dioscurias nunc usque nota:
cuius auctores Amphitus et ¹²⁾ Cercius Spartani tra-
duntur, aurigae Castoris et Pollucis, a quibus He-
25 niochorum natio est instituta. Paullum ab his se-
cernuntur Achæi: qui bello anteriore quodam
apud Troiam consummato, non cum super Helena
certaretur, ut auctores prodidere nonnulli, in Pon-
tum reslantibus ventis errore delati, cunctisque

¹⁰⁾ Mf. existimant adpellari Post. ¹¹⁾ Mf. Diosco-
rio. ¹²⁾ Mf. Cercius.

hostilibus, stabilem domicilii sedem nusquam repèientes, verticibus montium insedere semper nivalium: et horrore caeli districti, ¹³⁾ victum etiam sibi cum periculis rapto parare adsuèfacti sunt: atque eo ultra omnem deinde ferociam saevierunt. Super Cercetis, qui iisdem adnexi sunt, nihil memoratu traditur dignum.

Quorum post terga Cimmerici agitant incolae ²⁶ Bospori, ubi Milesiae sunt civitates, harumque velut mater omniū Panticapaeum: quam ¹⁴⁾ perstringit Hypanis fluvius, genuinis intumescens aquis et externis. Itineribus hinc extensis, Amazones ²⁷ adusque Caspium mare porrectae circumcolunt Tanain: qui inter Caucalias oriens rupes, per sinuosos labitur circumflexus, Asiamque disterminans ab Europa, in stagnis Maeoticis delitescit. Huic ²⁸ Rha vicinus est amnis, in cuius superciliis quaedam vegetabilis eiusdem nominis gignitur radix, proficiens ad usus multiplices medelarum.

Ultra Tanain panduntur in latitudinem Sauro- ²⁹ matae, per quos amnes fluunt perpetui, ¹⁵⁾ Maraccus, et Rhombites, et Theophanes, et Totor-danes. Licet alia quoque distans immanibus intervallis Sauromatarum praetenditur natio, littori iuncta, quod Coracem fuscipiens fluvium in aequor-eiectat extremum.

Prope palus est Maeotis amplissimi circumgref- ³⁰ sus: ex cuius uberrimis venis per Patares angustias undarum magnitudo prorumpit in Pontum: cuius in dextro latere insulae sunt Phanagorus et Hermo-nassa, studio constructae Graecorum. Circa haec ³¹ stagna ultima extremaque plures habitant gentes, sermonum institutorumque varietate dispariles: ¹⁶⁾ Iaxamatae et Maeotae, et Iazyges, Roxolanique et

13) το etiam deest vulg. 14) Mf. pergaegythianis. 15) Mf. Maraccius. 16) Mf. Ixomatae.

- Alani, et Melanchlaenae, et cum Gelonis Agathyrsi, apud quos adamantis est copia lapidis: alii-
que ultra latentes, quod sunt omnium penitissimi.
- 32 Sed Maeotidos lateri laevo Cherronesus est propinqua, coloniarum plena Graecarum. Unde quieti sunt homines et sedati, adhibentes vomeri curam, et proventibus fructuariis vicitantes.
- 33 A quibus per varia regna diducti itineribus modicis Tauri dissociantur, inter quos immani diritate terribiles Arinchi, et Sinchi, et Napaei, intendente saevitiam licentia diuturna, indidere mari nomen inhospitali: et a contrario per cavillationem Pontus Euxinus adpellatur, ut euethen Graeci dicimus stultum, et noctem euphronen, et furias Eumenidas.
- 34 Diis enim hostiis litantes humanis, et immolantes advenas Dianae, quae apud eos dicitur Oreiloche, caesorum capita fani parietibus praefigebant, velut fortium perpetua monumenta facinorum.
- 35 In hac Taurica insula Leuce sine habitatoribus ullis Achilli est dedicata. In quam si fuerint quidam forte delati, visis antiquitatis vestigiis, temploque et donariis eidem heroi consecratis, vesperi repetunt naves: aiunt enim, non sine discrimine vitae illic quemquam pernoctare. Ibi et aquae sunt, et candidae aves nascuntur halcyonibus similes: super quarum origine, et Hellespontiacis proeliis tempore differemus. Sunt autem quaedam per Tauricam civitates: inter quas eminet Eupatoria, et Dandace, et Theodosia, et minores aliae nullis humanis hostiis impiatae.
- 37 Hactenus arcus apex protendi existimatur. Eius nunc residua leniter sinuata, subiectaue urssae caelesti adusque laevum Bospori Thracii latus, ut ordo postulat, exsequemur: id admonentes, quod cum arcus omnium gentium flexis curventur hastilibus, Scythici soli vel Parthici circumductis utrimque

introrsus pandis et patulis cornibus, effigiem lunae decrefcentis ostendunt, medietatem recta et rotunda regula dividente.

Ergo in ipso huius compagis exordio, ubi Ri-38
phaei deficiunt montes, habitant ¹⁷⁾ Arimphaei iusti
homines, placiditateque cogniti, quos annes Chro-
nius et Bisula praeterfluunt: iuxtaque Massagetae,
Alani et ¹⁸⁾ Sargetae, alique plures obscuri: quo-
rum nec vocabula nobis sunt nota, nec mores: In-39
teriectu deinde non mediocri Carcinites panditur
linus, eiusdemque nominis fluvius: et religiosus
per eas terras Triviae lucus. Dein Borysthenes a 40
montibus oriens ¹⁹⁾ Neurorum, primigenius fontibus
copiosus, concursuque multorum amnium
adulescens, mari praeruptis undarum verticibus in-
timatur: cuius in marginibus nemorosis Borysthenes
est civitas, et Cephalonesus, et arae Alexandro
Magno, Caesarique Augusto sacratae. Longo ex-41
inde intervallo paene est insula, quam incolunt
Sindi ignobiles, post heriles in Asia casus coniugiis
potiti dominorum et rebus: quibus subiectum gra-
cile littus, Achilleos vocant indigenae dromon, exer-
citiis ducis quondam Thessali memorabilem. Ei-
que proxima est civitas Tyros, colonia Phoenicum,
quam praefringit fluvius Tyras.

In medio autem spatio arcus, quod prolixae ro-42
tunditatis esse praediximus, quodque expedito via-
tori diebus conficitur quindecim, Europaei sunt
Alani, et Costobocae, gentesque Scytharum innu-
merae, quae porriguntur adusque terras sine co-
gnito fine distentas: quarum pars exigua frugibus
alitur: residuae omnes palantes per solitudines va-
stas, nec flivam aliquando nec sementem expertas,
sed squalentes et ²⁰⁾ pruinosas, ferarum taetro ritu

¹⁷⁾ Mf. Armephi iusti. ¹⁸⁾ Mf. Sargetae. ¹⁹⁾ Mf. Nerviarum.
²⁰⁾ Mf. ruinosas.

vescuntur: eisque caritates, et habitacula, vilesque suppellectiles plaustris impositae sunt corticibus tectis: et, cum placuerit, sine obstaculo migrant, eadem carpenta, quo libuerit, convolventes.

43 Cum autem ad alium portuosum ambitum fuerit ventum, qui arcus figuram determinat ultimam, Peuce prominet insula, quam circumcolunt Troglodytae et Peuci, minoresque aliae gentes: et Histros quondam potentissima civitas, et Tomi, et Apollonia, et Anchialos, et Odissos: aliae praeterea multae, quas littora continent Thraciarum.

44 Annis vero Danubius oriens prope Rauracos montes, confines limitibus Raeticis, per latiore[m] orbem praetentus, ac sexaginta navigabiles paene recipiens fluvios, septem ostiis per hoc ²¹⁾ Scythicum

45 latus erumpit in mare. Quorum primum est Peuce insula supra dicta, ut interpretata sunt vocabula Graeco sermone, secundum Naracustoma, tertium Calonstoma, quartum Pseudostoma: nam Boreonstoma ac deinde Sthenostoma longe minora sunt caeteris: septimum ingens et palustri specie nigrum.

46 Omnis autem circumfluo ambitu pontus, et nebulosus est, et dulcior aequorum caeteris, et vadosus: quod et concrescit aer ex humorum spiramine saepe densatus, et irruentium undarum ²²⁾ magnitudine temperatur, et consurgit in brevia tortuosa, limum globosque adgerente multitudine circumve-

47 nientium fluentorum. Et constat ab ultimis nostri finibus maris agminatim ad hunc secessum pariendi gratia petere pisces, ut aquarum suavitate salubrius ²³⁾ fetus educant, in receptaculis cavis, quae sunt ibi densissima, securi voracium belluarum: nihil enim in Ponto huiusmodi aliquando est visum, prae-

21) Mf. Scythicum lituus. 22) al. multitudine. 23) al. foetum.

ter innoxios delphinas et ²⁴⁾ parvos. Quidquid au- 48
tem eiusdem pontici sinus Aquilone caeditur et
pruinis, ita perstringitur gelu, ut nec amnium cur-
sus subtervolvi credantur, nec per infidum et labile
solum gressus hominis possit vel iumentum firmari:
quod vitium numquam mare sincerum, sed permi-
stum aquis amnicis tentat. Perlati ²⁵⁾ aliquantor-
sum longius, quam sperabamus, pergamus ad re-
liqua.

Accefferat aliud ad gaudiorum praesentium cu- 49
mulum, diu quidem speratum, sed dilationum am-
bage multiplici tractum. Nuntiatum est enim per
²⁶⁾ Agilonem et Iovium postea quaestorem, Aquil-
leiae defensores ²⁷⁾ longioris obsidii taedio, cogni-
toque Constantii excessu, patefactis portis egressos,
auctores prodidisse barbarum: iisdemque vivis exu-
stis, ut supra relatum est, omnes concessionem impe-
trasse delictorum et veniam.

IX. At prosperis Iulianus elatior, ultra homi- 1
nes iam spirabat, periculis expertus adfiduis, quod
ei orbem Romanum placide iam regenti, velut mun-
danam cornucopiam Fortuna gestans propitia, cuncta
gloriosa deferebat et prospera: antegressis victo-
riarum titulis haec quoque adiiciens, quod, dum
teneret imperium solus, nec motibus internis est
concitus, nec barbarorum quisquam ultra suos ex-
siluit fines: sed populi omnes aviditate semper ¹⁾ in-
sectandi praeterita, ut damnosa et noxia, in laudes-
cius studiis miris accendebantur.

Omnibus igitur, quae res diversae poscebant et 2
tempora, perpensa deliberatione dispositis, et mili-
tibus orationibus crebris, stipendioque competen-
ti ad expedienda incidentia promptius animatis,
cunctorum favore sublimis, Antiochiam ire contem-

24) Mf. pavos. 25) Mf. et Steph. aliquantorsum longe. 26) Mf. Abilonem. 27) al. longiore. 1) Mf. infectari.

dens, reliquit Constantinopolim incrementis maximis fultam: natus enim illic, diligebat eam ut genitalem patriam et colebat. Transgressus itaque fretum, prætercurſa Chalcedona et Libyſſa, ubi ſepultus eſt Hannibal Poenus, inde Nicomediam venit urbem antehac inclytam, ita magnis retro principum amplificatam impenſis, ut aedium multitudine privatarum et publicarum recte noſcentibus regio
 4 quaedam urbis æſtimaretur aeternae. Cuius moenia cum vidiffet in favillas miſerabiles confediſſe, angorem animi tacitis ſletibus indicans, pigriore gradu pergebat ad regiam: hoc maxime aerumnis eius illacrimans, quod ordo ſqualens occurrit et
 2) populus nimium quantum antehac florentiſſimus: et agnoſcebat quosdam, ibidem ab Eusebio 3) educatus epifcopo, quem genere longius contingebat.
 5 Hic quoque pari modo ad reparanda, quae terrae ſubverſerat tremor, abunde præſtitis plurimis, per Nicaeam venit ad Gallograeciae fines: unde dextrorſus itinere declinato, Peſſinunta convertit, viſurus vetuſta Matris magnae delubra: a quo oppido bello Punico ſecundo, carmine Cumano monente, per Scipionem Naſicam ſimulacrum translatum
 6 eſt Romam. Cuius ſuper adventu in Italiam pauca cum aliis huic materiae congruentibus in actibus Commodi principis digeſſimus per exceſſum: quam autem ob rem hoc nomine oppidum ſit adpellatum,
 7 variant rerum ſcriptores. Quidam enim figmento deae caelitus lapſo, ἀπὸ τοῦ νεσῆν, quod cadere nos dicimus, urbem adſeruere cognominatam. Alii memorant illum, Trois filium, Dardaniae 4) regem, locum ſic adpellafſe. Theopompus non illum id egifſe, ſed Midam adfirmat Phrygiae quondam potentiſſimum regem.

Venerato

2) Mſ. populus. 3) Mſ. ducatus. 4) Mſ. Regem vel locum.

Venerato igitur numine, hostiisque litato et votis, ⁵⁾ Ancyram redit: eumque exinde progredientem ulterius multitudo inquietabat, pars violenter erepta reddi sibi poscentium; alii querentes, confortiis se ⁶⁾ curiarum addictos iniuste; nonnulli sine respectu periculi agentes adusque rabiem, ut adversarios suos laesae maiestatis criminibus illigarent. Verum ille iudicibus Cassiis tristior et Lycurgis, causarum momenta aequo iure perpendens, suum cuique tribuebat, nusquam a vero abductus, acrius in calumniatores exurgens: quos oderat, multorum huiusmodi petulantem saepe dementiam adusque discrimen expertus, dum esset adhuc humilis et privatus. Exemplumque patientiae eius in tali negotio, licet sint alia plurima, id unum sufficiet poni. Inimicum quidam suum, cum quo discordabat asperrime, ⁷⁾ commisisse in maiestatem turbulentius deferebat: Imperatoreque dissimulante, eadem diebus continuis replicans, interrogatus ad ultimum, qui esset, quem argueret, respondit, municipem locupletem. Quo audito, princeps ⁸⁾ renidens: *quibus indiciis*, ait, *ad hoc pervenisti?* Et ille, *purpureum sibi*, inquit, *indumentum ex serico pallio parat*. Iussusque post haec, ut vilis arduae rei vilem incusans, abire tacitus et innoxius, nihilominus instabat. Quo taedio Iulianus defatigatus, ad largitionum Comitem visum propius, *Iube*, inquit, *periculoso garritori pedum tegmina dari purpurea, ad adversarium perferenda: quem, ut datur intelligi, chlamydem huius coloris memorat sibi confarcinasse: ut sciri possit, sine viribus maximis quid pannuli proficiant leves*.

Sed ut haec laudanda et bonis moderatoribus ¹² aemulanda: ita illud amarum et notabile fuit, quod

5) Mf. Anticyram. 6) Mf. Curiarium. 7o. Curialium. 7) Mf. dixisse. 8) al. renidens.

aegre sub eo ⁹⁾ a Curialibus quisquam adpetitus, licet privilegiis, et stipendiorum numero, et originis penitus alienae ¹⁰⁾ firmitudine communitus, obtinebat aequissimum: adeo ut plerique territi emergarentur molestias pretiis ¹¹⁾ clandestinis.

- 13 Itineribus itaque emensis cum ad Pylas venisset, qui locus Cappadocas discernit et Cilicas, osculo susceptum rectorem provinciae nomine Celsum, iam inde a studiis cognitum Atticis, adscitumque in con-
- 14 sessum vehiculi, Tarsum secum induxit. At hinc videre properans Antiochiam, Orientis apicem pulcrum, ulus itineribus solitis venit: urbiq[ue] propinquans in speciem alicuius numinis votis excipitur publicis, miratus voces multitudinis magnae, salu-
- 15 tare fidus inluxisse Eois partibus adclamantis. E venerat autem iisdem diebus annuo cursu completo Adonia ritu veteri celebrari, amato Veneris, ut fabulae fingunt, apri dente ferali deleto, quod in adulto flore sectarum est indicium frugum. Et visum est triste, quod amplam urbem principumque domicilium introeunte Imperatore nunc primum, ululabiles undique plactus et lugubres sonus audie-
- 16 bantur. Hic patientiae eius et lenitudinis documentum leve quidem adparuit, sed mirandum. Thalassium quemdam ex proximo libellorum, infidiatorem fratris oderat Galli: quo adorare adesseque officio inter honoratos prohibito, adversarii, cum quibus litigabat in foro, postridie turba congregata superflua, adito Imperatore, *Thalassius*, clamitabant, *inimicus pietatis tuae nostra violenter*
- 17 *eripuit*. Et ille hac occasione hominem opprimi posse coniiciens, *Agnosco*, respondit, *quem dicitis, offendisse me iusta de causa: et silere vos interim consentaneum est, dum mihi inimico potiori faciat*

9) vulgo *ro* a deest. 10) *al.* fortitudine. 11) *Mf.* clandestinis itineribus.

fatis. Mandavitque affidenti praefecto, ne audiretur eorum negotium, antequam ipse cum Thalallio rediret in gratiam, quod brevi evenit.

X. Ibi hiemans ex sententia, nullis interim voluptatis rapiebatur illecebris, quibus abundant Syriae omnes: verum per speciem quietis iudicialibus causis intentus, ¹⁾ non minus arduis quam bellicis, distrahebatur multiformibus curis, exquisita docilitate librans, quibus modis suum cuique tribueret: iustisque sententiis et improbi modicis coercerentur suppliciis, et innocentes fortunis defenderentur intactis. Et quamquam in disceptando aliquoties ² erat intempestivus, quid quisque iurgantium coheret, tempore alieno interrogans: tamen nulla eius definitio litis a vero dissonans reperitur: nec argui umquam potuit ob religionem vel quodcumque aliud, ab aequitatis recto tramite deviasse. Iudicium enim ³ hoc est optandum et rectum, ubi per varia negotiorum examina iustum id est et iniustum: a quo ille ne aberraret, tamquam scopulos cavebat abruptos. Hoc autem ideo adsequi potuit, quod levitatem agnoscens commotioris ingenii sui, praefectis proximisque permittebat, [ut fidenter impetus suos aliorum tendentes, ad quae decebat, monitu opportuno frenarent: monstrabatque] subiunde, se dolere delictis, et gaudere correctione. Cumque ⁴ eum defensores causarum, ut conscium rationis perfectae, plausibus maximis celebrarent, fertur id dixisse permotus: *Gaudebam* ²⁾ *plane prae meque ferebam, si ab his laudarer, quos et vituperare posse adverterem, si quid factum sit secus aut dictum.* Sufficiet autem pro multis, quae clementer ⁵ egit in litibus cognoscendis, hoc unum ponere nec

T 2

¹⁾ Mf. non minus quam bellicis arduisque, quibus distr. ²⁾ Mf. plane me quem eff. ³⁾ Mf. plane, meque eff.

abhorrens a proposito, nec absurdum. Inducta in iudicium femina quaedam, cum palatinum adversarium suum e numero proiectorum, cinctum praeter spem conspexisset, hoc factum insolens tumultuando querebatur: et imperator, *Prosequere*, ait, *mulier, si quid te laesam existimas: hic enim sic cinctus est, ut expeditius per lutum incedat: at parum nocere tuis partibus potest.*

6 Et aestimabatur per haec et similia, ut ipse dicebat assidue, vetus illa iustitia, quam offensam vitis hominum Aratus extollit in caelum, imperante eo reversa ad terras, nō quaedam suo ageret, non legum arbitrio, erransque aliquoties obnubilaret gloriarum multiplices cursus. Post multa enim etiam iura quaedam correxit in melius, ambagibus circumcisis, indicantia liquide, quid iuberent fieri vel vetarent. ³⁾ Illud autem erat inclemens, obruendum perenni silentio, quod arcebat docere magistros rhetoricos et grammaticos, ritus christiani cultores.

1 XI. Iisdem diebus Gaudentius ille notarius, quem opponendum per Africam missum supra diximus a Constantio; Iulianus quinetiam ex vicario, earundem partium nimius fautor, retracti sub vinculis, morte periere poenali. Tunc et ¹⁾ Artemius ex duce Aegypti, Alexandrinis urgentibus atrocium criminum mole, supplicio capitali multatus est. Post quem Marcelli ex magistro equitum et peditum filius, ut iniectans imperio manus, publica deletus est morte. Romanus quinetiam et Vincentius, scutatorum scholae primae secundaeque tribuni, agitalle convicti quaedam suis viribus altiora, acti sunt in exilium.

3 Cumque tempus interstetisset exiguum, Alexandrini Artemii comperto interitu, quem verebantur,

3) Mf. Illud autem erat inclem. 1) Mf. Artemius.

ne cum potestate reversus (id enim minatus est) multos laederet ut offensus, iram in Georgium vertunt episcopum, vipereis, ut ita dixerim, moribus ab eo saepius ²⁾ adpetiti. ³⁾ In fullonio natus, ut ferebatur, apud Epiphaniam Ciliciae oppidum, actusque in damna complurium, contra utilitatem suam rei que communis episcopus Alexandriae est ordinatus, in civitate, quae suo pte motu, et ubi causae non suppetunt, seditionibus crebris agitur et turbulentis, ut oraculorum quoque loquitur fides. His efferatis hominum mentibus Georgius ⁵ quoque ipse grave accesserat incentivum, apud patulas aures Constantii multos exinde incusans, ut eius recalcitrantes imperiis: professionisque suae oblitus, quae nihil nisi iustum suadet et lene, ad delatorum ausa feralia desciscibat. Et inter caetera dicebatur ⁶ id quoque maligne docuisse Constantium, quod in urbe praedicta aedificia cuncta solo cohaerentia, a conditore Alexandro magnitudine impensarum publicarum exstructa, emolumentis aerarii proficere debent ex iure. Ad haec mala id quoque addide- ⁷ rat, unde paullo post trusus est in exitium praeceps. Reversus ex comitatu principis, cum transiret per speciosum Genii templum, multitudine stipatus ex more, flexis ad aedem ipsam luminibus, *quamdiu*, inquit, *sepulcrum hoc stabit?* Quo audito velut fulmine multi perculsi, metuentesque, ne illud quoque tentaret evertere, quidquid poterant, in eius perniciem clandestinis insidiis concitabant. Ecce autem repente perlato laetabili nuntio indi- ⁸ cante extinctum Artemium, plebs omnis elata gaudio insperato, vocibus horrendis infrendens, Georgium petit: raptumque diversis mulcandi generibus proterens et conculcans divaricatis pedibus.

2) Mf. appetitus. 3) al. infullio.

9 Cumque eo Dracontius monetae praepositus, et Diodorus quidam veluti Comes, iniectis per crura funibus simul exanimati sunt: ille, quod aram in moneta, quam regebat, recens locatam evertit: alter, quod, dum aedificandae praeesset ecclesiae, cirros puerorum licentius detondebat, id quoque
10 ad deorum cultum existimans pertinere. Quo non contenta multitudo immanis dilaniata cadavera peremptorum camelis imposita vexit ad littus: iisdemque subdito igne crematis, cineres proiecit in mare, id metuens, ut clamabat, ne collectis supremis, aedes illis exstruerentur ut reliquis, qui deviare a religione compulsi, pertulere cruciabiles poenas, adusque gloriosam mortem intemerata fide progressi, et nunc martyres adpellantur.

Poterantque miserandi homines ad crudele supplicium ducti, christianorum adiumento defendi,
11 ni Georgii odio omnes indiscrete flagrabant. Hoc comperto, Imperator ad vindicandum facinus nefandum erectus, iamque expetiturus poenas a noxiis ultimas, mitigatus est lenientibus proximis: missoque edicto, acri oratione scelus detestabatur admissum, minatus extrema, si deinde tentatum fuerit aliquid, quod iustitia vetet et leges.

12 XII. Inter haec expeditionem parans in Persas, quam dudum animi robore conceperat cello, ad ultionem praeteritorum vehementer elatus est, sciens et audiens gentem asperrimam per sexaginta ferme annos inussisse Orienti caedum et direptionum monumenta saevissima, ad internecionem exercitibus
2 nostris saepe deletis. Urebatur autem bellandi gemitu desiderio: primo, quod impatiens otii lituos somniabat et proelia: dein, quod in aetatis flore primaevo obiectus efferarum gentium armis, recalcitribus etiam tum regum precibus et regalium, qui vinci magis posse, quam supplices manus tendere

credebantur, ornamentis illustrium gloriarum inferre Parthici cognomentum ardebat.

Quae maximis molibus festinari cernentes obtre-³
ctatores desides et maligni, unius corporis permutatione tot cieri turbas intempestivas indignum et perniciosum esse strepebant, studium omne in differendo procinctu ponentes: et dictitabant his praesentibus, quos audita referre ad Imperatorem posse rebantur, eum, ni sedatius ageret, immodica rerum secundarum prosperitate, velut luxuriantes ubertate nimia fruges, bonis suis protinus occasurum. Et haec diu multumque agitantes, frustra⁴
virum circumlatrabant immobilem occultis iniuriis, ut Pygmaei vel Thiodamas agrestis homo Lindius Herculem. Ille tamen, ut maioris praeter caeteros⁵
spiritus, nihilo lentius magnitudinem expeditionis secum commentans, in praeparandis congruis operam navabat enixam.

Hosliarum tamen sanguine plurimo aras crebri-⁶
tate nimia perfundebat, tauros aliquoties immolando centenos, et innumeros varii pecoris greges, avesque candidas terra quaesitas et mari: adeo ut indies paene singulos milites carnis distentiore sagina victitantes incultius, potusque aviditate corrupti, humeris impositi transeuntium, per plateas ex publicis aedibus, ubi vindicandis potius, quam concedendis conviviis indulgebant, ad sua diversoria portarentur: Petulautes ante omnes et Celtae, quorum ea tempestate confidentia creverat ultra modum. Augebantur autem caerimoniarum ritus im-⁷
modice, cum impensarum amplitudine antehac inusitata et gravi: et quisque, cum impraepecte liceret, scientiam vaticinandi professus, iuxta imperitus et docilis, sine fine vel praestitutis ordinibus, oraculorum permittebantur scitari responsa, et ex-

1) Mf. avesque.

tispicia, nonnumquam futura pandentia: oscinumque et auguriorum, et ominum fides, si réperiri usquam posset, adfectata varietate quaerebatur.

8 Haecque dum ita procedunt, more pacis multorum curiosior Iulianus novam consilii viam ingressus est, venas fatidicas Castalii recludere cogitans fontis: quem obstruxisse Caesar dicitur Hadrianus mole saxorum iugenti, veritus, ne, ut ipse praecincentibus aquis capessendam rempub. comperit, etiam alii similia docerentur: ²⁾ ac statim circumhumata corpora statuit exinde transferri eo ritu, quo Athenienses insulam purgaverant Delon.

1 XIII. Eodem tempore die XI. Kalend. Novembrium amplissimum Daphnaei Apollinis fanum, quod Epiphanes Antiochus rex illic condidit iracundus et saevus, et simulaorum in eo Olympiaci Iovis imitamenti aequiparans magnitudinem, subita vi flammarum exustum est. Quo tam atroci casu repente consumpto, ¹⁾ ad id usque Imperatorem ira provexit, ut quaestiones agitari iuberet solito acriores, et maiorem ecclesiam Antiochiae claudi. Suspiciabatur enim, id christianos egisse stimulos invidia, quod idem templum inviti videbant ambitioso circumdari
3 peristylis. Ferebatur autem licet rumore levissimo, hac ex causa conflagrasse delubrum, quod Asclepiades philosophus, cuius in actibus Maguentii meminimus; cum visendi gratia Iuliani ²⁾ peregre ad id suburbanum venisset, deae Caelestis argenteum breve figmentum, quocumque ibat, secum solitus efferre, ante pedes statuit simulacri sublimes, accensisque cereis ex usu cessit: unde medietate noctis emensa, cum nec adesse quisquam potuit nec iuvare, volitantes scintillae adhaesere materiis vetustissimis, ignesque aridis nutrimentis erecti, omne, quidquid

²⁾ Mf. adfatus. ¹⁾ al. id adusque. ²⁾ το peregre Mf. abest.

contingi potuit, licet ardua discretum celsitudine, concremarunt. Eo anno, fidere etiamtum instante 4
brumali, aquarum incessit inopia metuenda, ut et
rivi arescerent quidam, et fontes antehac aquarum
copiosis pulsibus abundantes: sed in integrum
postea restituti sunt. Et quarto Nonas Decembres 5
3) vergente in vespere die, reliqua Nicomedia col-
lapsa est terrae motu, itidemque Nicaeae portio
non mediocris.

XIV. Quae tametsi maestitiam sollicito inente-
rent Principi, residua tamen non contemnebat ur-
gentia, dum pugnandi tempus ei veniret optatum.
Inter praecipua tamen et seria illud agere super-
fluum videbatur, quod, nulla probabili ratione
suscepta, popularitatis amore vilitati studebat vena-
lium rerum, quae nonnumquam secus, quam con-
venit, ordinata, inopiam gignere solet et famem.
Et Antiocheni ordine, id tunc fieri, cum ille iu- 2
beret, non posse, aperte monstrante, nusquam a
proposito declinabat, Galli similis fratris, licet in-
cruentus. Quocirca in eos deinceps saeviens ut
obtrectatores et contumaces, volumen composuit
investivum, quod Antiochense vel Misopogonem
adpellavit, probra civitatis infensa mente dinume-
rans, addensque veritati complura: post quae mul-
ta in se facete dicta comperiens, coactus dissimulare
pro tempore, ira sufflabatur interna. Ridebatur 3
enim ut Cercops, homo brevis, humeros extentans
angustos, et barbam prae se ferens hircinam, gran-
diaque incedens, tamquam Oti frater et Ephialtis,
quorum proceritatem Homerus in immensum tollit:
itidemque victimarius pro sacricola dicebatur, ad
crebritatem hostiarum alludentibus multis: et cul-
pabatur hinc opportune, cum ostentationis gratia
vehens licenter pro sacerdotibus sacra, stipatusque

3) Mf. vergente in se resp.

mulierculis laetabatur. Et quamquam his paribusque de causis indignaretur, tacens tamen motumque in animi retineus potestate, sollemnia celebrabat.

- 4 Denique praestituto feriarum die Casium montem ascendit nemorosum, et tereti ambitu in sublimem porrectum, unde secundis galliciniis videtur primo solis exortus. Cumque Iovi faceret rem divinam, repente conspexit quemdam humi prostratum, supplici voce vitam precantem et veniam. Interrogantique ei, qui esset, responsum est, Praesidalem esse Theodotum Hierapolitanum: qui profectum a civitate sua Constantium inter honoratos deducens, adulando deformiter tamquam futurum sine dubietate victorem, orabat, lacrymas fingens et gemitum, ut Iuliani ad eos mitteret caput perduellis ingrati, specie illa, qua Magnentii circum-
- 5 latum meminerat membrum. Quibus auditis, *Accepi olim, inquit, ¹⁾ hoc dictum, imperator, relatione multorum: sed abi securus ad lares, exutus omni metu clementia principis, qui, ut prudens, definivit, inimicorum minuere numerum, augereque amicorum sponte sua contendit ac libens.*
- 6 Exin ²⁾ sacrorum perfecto ritu digresso, offeruntur rectoris Aegypti scripta, Apim bovem operosa quaesitum industria, tamen post tempus inveniri potuisse firmantis: quod ut earum regionum existimant incolae, faustum et ubertatem frugum, diversaeque indicat bona.
- 7 Super qua re pauca conveniet expediri. Inter animalia antiquis observationibus consecrata, Mnevis et Apis sunt notiora: Mnevis Soli sacatur, super quo nihil dicitur memorabile: sequens Lunae. Est enim Apis bos diversis genitalium notarum figuris expressus, maximeque omnium corniculantis lu-

1) Mf. dictum Imperator relatione. 2) Mf. vectorum.

nae specie latere dextro insignis: qui, cum post vivendi spatium praestitutum sacro fonte immerfus e vita abierit (nec enim ultra eum trahere licet aetatem, quam secreta librorum praescribit auctoritas mysticorum: ³⁾ nec nisi semel ei in anno bos femina inventa cum notis certis ⁴⁾ offertur) alter cum publico quaeritur luctu: et si omnibus signis consummatus reperiri potuerit, ducitur Memphim urbem frequentem, praesentiaque numinis Aesculapii claram. Cumque initiante antistitem numero centum, in-⁸ ductus in thalamum esse coeperit sacer, coniecturis apertis signa rerum futurarum dicitur demonstrare: et adeuntes quosdam indicii averti videtur obliquis; ut offerentem cibum aliquando Germanicum Caesarem, sicut lectum est, averfatus, portenderat paullo post eventura.

XV. Strictim itaque, quoniam tempus videtur hoc flagitare, res Aegyptiacae tangantur, quarum notitiam in actibus Hadriani et Severi principum digessimus late, visa pleraque narrantes. Aegy-² ptiam gentem omnium vetustissimam, nisi quod super antiquitate certat cum Scythis, a meridiali latere Syrtes maiores et Phycus promontorium, et Botion, et Garamantes, nationesque variae claudunt: qua Orientem e regione prospicit, Elephantinen et Meroën urbes Aethiopum, et Catadupos rubrumque pelagus et Scenitas praetenditur Arabas, quos Saracenos nunc adpellamus: septemtrioni opposita terrarum situ cohaeret immenso, unde exordium Asia Syriarumque provinciae sumunt: a vespera Iliaco disiungitur mari, quod quidam nominavere Parthenium.

Pauca itaque super benivolo omnium flumine ³ Nilo, quem Aegyptum Homerus adpellat, prae-

³⁾ Ms. necatur horago arcibos foem. Steph. necatur Io Inachi.

⁴⁾ Ms. et Steph. offertur, quo perempto alter.

stringi conveniet, mox ostendendis aliis, quae sunt
4 in his regionibus admiranda. Origines fontium
Nili, ut mihi quidem videri solet, sicut adhuc factum est, posteræ quoque ignorabunt aetates. Verum quoniam fabulantes poëtae, variantesque geographi in diversa latentem notitiam scindunt, opinionones eorum veritati confines (ut arbitror) expediam paucis. Adfirmant aliqui phycorum, in
5 subiectis septemtrioni spatiis, cum hiemes frigidae cuncta constringunt, magnitudinem nivium ¹⁾ congelascere: easque postea vi flagrantis sideris resolutas, fluxis humoribus nubes efficere gravidas, quae in meridianam plagam Etesiis flantibus pulsae, expressaeque tepore nimio, incrementa ubertim fug-
6 gerere Nilo creduntur. Ex Aethiopicis imbris, ²⁾ qui abundantes in tractibus illis per aestus torridos cadere memorantur, exundationes eius erigi anni temporibus adserunt alii praestitutis: quod utrumque dissonare videtur a veritate. Imbres enim apud Aethiopas aut numquam, aut per inter-
7 valla temporum longa cadere memorantur. Opinio est celebrior alia, quod spirantibus prodromis, perque dies quadraginta et quinque Etesiarum continuis flatibus repellentibus eius meatum, velocitate cohibita, superfusus fluctibus intumescit: et reluctantante spiritu controverso adulescens in maius, hinc vi reverberante ventorum, iude urgente cursu venarum perennium, progrediens in sublime tegit omnia, et humo suppressa, per, supina camporum
8 speciem exhibet maris. Rex autem Iuba, Punicorum confusus textu librorum, a monte quodam oriri eum exponit, qui situs in Mauritania despectat oceanum: hisque indiciis hoc proditum ait, quod pisces et herbae, et belluae similes per eas paludes gignuntur. Aethiopiae autem partes praetermeans Nilus,

1) Mf. congelucre. 2) Mf. qualudantea.

nominum diverſitate ³⁾ decurſa, quae ei orbem per-
 agranti nationes indidere ⁴⁾ complures, aeſtuans
 inundatione ditiffima ad cataractas, [id eſt prae-
 ruptos ſcopulos] venit, e quibus praecipitans ruit
 potius, quam fluit: ⁵⁾ unde Atos olim accolae uſu
 aurium fragore adſiduo deminuto neceſſitas vertere
 ſolum ad quietiora coegit. Exinde lenius means ¹⁰
 per oſtia ſeptem, quorum ſingula perpetuorum
 annium uſum et faciem praebent, nullis per Ae-
 gyptum aquis externis adiutus ⁶⁾ eiectatur. Et prae-
 ter amnes plurimos ex alveo derivatos auctore, ca-
 dentesque in ſuppres eius, ſeptem navigabiles ſunt
 et undofi, quibus ſubiecta vocabula veteres indide-
 runt: Heracleoticus, Sebennyticus, ⁷⁾ Bolbiticus,
 Phatniticus, Mendefius, Taniticus, et Peſufiacus.
 Oriens autem ⁸⁾ inde, ut dictum eſt, propellitur e ¹¹
 paludibus aduſque cataractas, inſulasque efficit
 plures: quarum aliquae ita porrectis aquis dicuntur
 extantae, ut ſingulas aegre tertio die relinquat.
 Inter quas duae ſunt clarae, Meroe, et Delta, a ¹²
 triquetrae litterae forma hoc vocabulo ſignatius ad-
 pellata. Cum autem ſol per cancri ſidus coeperit
 vehi, augeſcens aduſque transitum eius in libram,
 diebusque centum ſublatius fluens, minuitur poſtea,
 et mitigatis ponderibus aquarum, navibus antea
 pervios equitabiles campos ostendit. Abunde ita- ¹³
 que luxurians ita eſt noxius, ut infructuoſus, ſi ve-
 nerit parcior: gurgitum enim nimietate humectans
 diutius terras, culturas moratur agrorum: parvita-
 te autem minatur ſteriles ſegetes. Eumque nemo
 aliquando extolli cubitis altius XVI. poſſeſſor opta-
 vit. Et, ſi inciderit moderatius, aliquoties iactae
 ſementes ⁹⁾ in loco pinguis caeſpitis cum augmento

3) Mf. decuſſa. 4) Mf. complures et ans. inund. 5) Mf. unde
 athoſolim. 7s. unde et hoc olim accol. 6) Mf. electatur. 7) Mf.
 Bucente Pathmiticus. 8) Mf. inde ut dictum. 9) Steph. in
 liquore.

fere septuagesimo renascuntur: solusque fluminum auras nullas inspirat.

- 14 Exuberat Aegyptus etiam pecudibus multis, inter quas terrestres sunt et aquatiles: aliae, quae humi et in humoribus vivunt, unde ἀμφίβιοι nominantur. Et in aridis quidem capreoli vescuntur, et bubali, et ¹⁰⁾ spinturnicia omni deformitate ridicula, aliaque monstra, quae numerare non refert.
- 15 Inter aquatiles autem bestias crocodilus ubique per eos tractus abundat, exitiale quadrupes malum, adsuetae elementis ambobus, lingua carens, maxillam superiorem commovens solam, ordine dentium pectinato, perniciosi moribus, quidquid ¹¹⁾ contigerit, pertinaciter ¹²⁾ petens, per ova edens fetus
- 16 anserinis similia. Utque armatus est unguibus, si haberet etiam pollices, ad evertendas quoque naves sufficeret viribus magnis: ad cubitorum enim longitudinem decem interdum extentus, noctibus quiescens per undas, diebus humi ¹³⁾ vescitur, confidentia cutis, quam ita validam gerit, ut eius terga cataphracta vix tormentorum ictibus perforantur.
- 17 Et saevientes semper eadem ferae, quasi pacto foedere quodam castrensi, per septem caerimoniosos dies mitescunt, ab omni saevitia desciscentes, quibus sacerdotes Memphi natales celebrant ¹⁴⁾ Apis.
- 18 Praeter eos autem, qui fortuita pereunt morte, alii dirumpuntur suffossis alvis mollibus certis ferarum dorsualibus cristis, quas delphinis similes nutrit fluvius antedictus: alii exitio intereunt ¹⁵⁾ tali.
- 19 Trochilus avicula brevis, dum elscarum minutias captat, circa ¹⁶⁾ cubantem feram volitans blande, ¹⁷⁾ genasque eius irritatus titillando pervenit adusque ipsam viciniam gutturis. Quod factum con-

10) *al. bisturnitatus.* 11) *al. tetigerit.* 12) *al. tenens.* 13) *veheperatur.* 14) *Mf. et Steph. Nili.* 15) *tali Trochilos.* 16) *πρὸ feram desst vulg.* 17) *Mf. genasque.*

tuens enhydrus, ichneumonis genus, oris aditum penetrat alite praevia patefactum, et populato ventre vitalibus dilancinatis erumpit. Audax tamen 20 crocodilus monstrum fugacibus; ubi audacem senserit, timidissimum, et in terra acutius cernens, per quatuor menses hibernos nullo vesci dicitur cibo.

Hippopotami quoque generantur in illis partibus, 21 ultra animalia cuncta ratione carentia sagacissimi ad speciem equorum, bifidas habentes ungulas, caudasque breves: quorum sollertiae 18) duo interim ostendere documenta sufficiet. Inter arundines 22 celtas et squalentes nimia densitate haec bellua cubilibus positis, otium pervigili studio circumspectat, laxataque copia ad segetes depascendas egreditur. Cumque iam coeperit redire distenta, aversis vestigiis distinguit tramites multos, ne unius plani itineris lineas insidiatores sequuti, repertum sine difficultate confodiant. Item, cum aviditate 23 nimia extuberato ventre pigrescit, super calamos recens exsectos femora convolvit et crura, ut pedibus vulneratis cruor egestus sagina disteptum faciat levem: et carnes faucias caeno oblinat, quamdiu in cicatrices conveniant plagae. Has monstruosas 24 antehac raritates in belluis, in aedilitate Scauri vidit Romanus populus primitus, patris illius Scauri, quem defendens Tullius imperat Sardis, ut de familia nobili ipsi quoque cum orbis terrarum auctoritate sentirent: et per aetates exinde plures saepe huc ducti, nunc inveniri nusquam possunt, ut coniectantes regionum incolae dicunt, insectantis multitudinis taedio ad Blemmyas migrasse compulsi.

Inter Aegyptias alites, quarum varietas nullo 25 comprehendi numero potest, ibis sacra est et amabilis, et innocua, ideo, quod nidulis suis ad cibum suggerens ova serpentum, efficit, ut rarefiant mor-

18) το interim vulg. deest.

- 26 tiferae pestes absumptae. Occurrunt eadem volucres pinnatis agminibus anguium, qui ex Arabicis emergunt paludibus venena malignantes: eosque, antequam finibus suis excedant, proeliis superatos aëriis vorant: quas aves per rostra edere fetus accipimus.
- 27 Serpentes quoque Aegyptus alit innumeras, ultra omnem perniciem saevientes: basiliscos, et amphisbaenas, et scytalas, et acontias, et dipladas, et viperas, aliasque complures, quas omnes magnitudine et decore aspis facile supereminens, numquam sponte sua fluenta egreditur ¹⁹⁾ Nili.
- 28 Multa in illis tractibus pretium est operae ²⁰⁾ maximum legere, e quibus pauca conveniet explicari. ²¹⁾ Tempa ubique molibus magnis ²²⁾ exstructa. Pyramides ad miracula septem provectae, quarum diuturnas surgendi difficultates scriptor Herodotus docet, ultra omnem ²³⁾ omnino altitudinem, quae humanis confici potest, erectae sunt turres, ab imo latissimae in summitates acutissimas definientes.
- 29 Quae figura apud geometras ideo sic adpellatur, quod ad ignis speciem, *τοῦ πυρός*, ut nos dicimus, extenuatur in conum. Quarum magnitudo, quoniam in celsitudinem nimiam scandens gracilescit paullatim, umbras quoque mechanica ratione consumit.
- 30 Sunt et syringes subterranei quidam et flexuosi secessus, quos (ut fertur) periti rituum vetustorum adventare diluvium praescii, metuentesque, ne caerimoniarum oblitteraretur memoria, penitus operosis digestos fodinis per loca diversa struxerunt: et excisis parietibus volucrum ferarumque genera multa sculpservnt, et animalium species innumeras, quas hierographicas litteras adpellarunt.

Dein

¹⁹⁾ Mf. Nili multa. ²⁰⁾ Mf. maxima aegernae. ²¹⁾ Haec verba Mf. defunt. ²²⁾ Mf. exstructa ad miracul. ²³⁾ Mf. nomenclum.

Dein Syene, ²⁴⁾ in qua solstitii tempore, quo ³¹ sol aestivum cursum extendit, recta omnia ambientes radii excedere ipsis corporibus umbras non sinunt. Inde, si stipitem quisquam fixerit rectum, vel hominem aut arborem viderit stantem, circa liniamentorum ipsas extremitates contemplabitur umbras absumi: sicut apud Meroen Aethiopiae partem aequinoctiali circulo proximam dicitur evenire, ubi per nonaginta dies umbrae nostris in contrarium cadunt, unde Antiscios eius incolae vocant. Quae quoniam miracula multa sunt, opusculi nostri ³² propositum excedentia, ad ingenia celsa reiciamus, pauca super provinciis narraturi.

XVI. Tres provincias Aegyptus fertur habuisse ¹ temporibus praeis, Aegyptum ipsam, et Thebaidem, et Libyam: quibus duas adiecit posteritas, ab Aegypto Augustamnica, et Pentapolim a Libya ficioire dissociatam.

Igitur Thebais multas inter urbes, clariores aliis ² Hermopolim habet, et Copton, et Antinoû, quam Hadrianus in honorem ³⁾ Antinoi condidit sui: ²⁾ hecatompylos enim Thebas ³⁾ nemo non novit.

In Augustamnica Pelusium est oppidum nobile, ³ quod Peleus Achillis pater dicitur condidisse, lustrari deorum monitu iussus in lacu, qui eiusdem civitatis alluit moenia, cum post interfectum fratrem nomine Phocum horrendis furiarum imaginibus raptaretur: et Cassium, ubi Pompeii sepulcrum est Magni, et Ostracine, et Rhinocolura.

In Pentapoli Libya Cyrene est posita, urbs antiqua ⁴ sed deserta, quam Spartanus condidit Battus, et Ptolemais, et Arsinoë eademque Teuchira, et Darnis, et ⁴⁾ Berenice, quas Hesperidas adpellant. In ficio- ⁵

²⁴⁾ Hae duae voces Mf. defunt. ¹⁾ Mf. Antinou. ²⁾ Mf. et Steph. apud Hecatomp. ³⁾ Mf. magnorum. ⁴⁾ Mf. Berniae.

re vero Libya Parætonion, et Chaerecla, et Neapolis, inter municipia pauca et brevia.

6 Aegyptus ipsa, quae iam inde, uti Romano imperio ⁵⁾ iuncta est, regitur a praefectis, exceptis minoribus multis, Athribi, et ⁶⁾ Oxyryncho, et Thmui, et Memphi maximis urbibus nitet.

7 Alexandria enim vertex omnium est civitatum: quam multa nobilitant, et magnificentia conditoris altissimi, et architecti sollertia Dinocratis: qui [cum ampla moenia fundaret et pulcra, paenuria calcis ad momentum ⁷⁾ parum repertae] omnes ambitus lineales farina resperfit: quod civitatem ⁸⁾ post haec alimentorum uberi copia circumfluere fortuito monstravit. ⁹⁾ Inibi aerae salubriter spirantes, aer tranquillus et clemens: atque, ut periculum docuit per varias collectum aetates, nullo paene die incolentes hanc civitatem solem serenum non vident.

9 Hoc littus cum fallacibus et infidiosis accessibus adfligeret antehac navigantes discriminibus plurimis, excogitavit in portu Cleopatra turrin excelsam, quae Pharos a loco ipso cognominatur, praelucendi navibus nocturna suggerens ministeria: cum quondam ex ¹⁰⁾ Parthenio pelago venientes aut Libyco, per pandas oras et ¹¹⁾ patulas, montium nulas speculas vel collium signa cernentes, harenarum insulae glutinosae mollitiae frangerentur. Haec eadem regina heptastadium, sicut vix credenda celeritate, ita magnitudine mira construxit ob causam notam et necessariam. Insula Pharos, ubi Protea cum phocarum gregibus diversatum Homerus fabulatur inflatus, a civitatis littore mille passibus disparata, Rhodiorum erat obnoxia vectigali. Quod cum in die quodam nimium quantum petitori ve-

5) Ms. iuncta est regio, regitur. 6) Ms. Ozurimmoettimum.
7) Ms. parum repertae. 8) Ms. post haec aliment. 9) al. ibi.
10) Ms. paretonio. 11) Ms. fatumlas montium.

nissent, femina callida semper in fraudes, sollemni-
um specie feriarum, iisdem publicanis secum ad
suburbana perductis, opus iusserat irrequietis labo-
ribus consummari: et septem diebus totidem stadia
molibus iactis in mare, solo propinquanti terrae
sunt vindicata. Quo cum vehiculo ingressa, errare
ait Rhodios, insularum non continentis portorium
flagitantes.

His accedunt altis sublata fastigiis templa; inter 12
quae eminet 12) Serapeum, quod, licet minuatur
exilitate verborum, atriis tamen columnariis am-
plissimis, et spirantibus signorum figmentis, et re-
liqua operum multitudine ita est exornatum, ut post
Capitolium, quo se venerabilis Roma in aeternum
attollit, nihil orbis terrarum ambitiosius cernat.
In quo bibliothecae fuerunt inaeestimabiles: et lo- 13
quitur monumentorum veterum concinens fides,
septingenta voluminum millia, Ptolemaeis regibus
vigiliis intentis compolita, bello Alexandrino, dum
diripitur civitas sub dictatore Caesare, conflagrasse.

13) Canopus inde duodecimo disiungitur lapide: 14
quem, ut priscae memoriae tradunt, Menelai guber-
nator sepultus ibi cognominavit. Hactenus impen-
dio locus et diversoriis laetis exstructus, auris et
salutari temperamento perflabilis: ita ut extra mun-
dum nostrum morari se quisquam arbitretur in illis
tractibus agens, cum saepe aprico spiritu immur-
murantes audierit ventos.

Sed Alexandria ipsa non sensim, ut aliae urbes, 15
sed inter initia prima aucta per spatiosos ambitus,
internisque seditionibus diu aspere fatigata, ad ul-
timum multis post annis Aureliano imperium agen-
te, civilibus iurgiis ad certamina interneciva pro-
lapsis, dirutisque moenibus, amisit regionis maxi-

V 2

12) Mf. Serapaeum. 13) Mf. Canisus.

mam partem, quae Bruchion adpellabatur, diutur-
 16 num praestantium hominum domicilium. Unde
 Aristarchus grammaticae rei donis excellens, et
 Herodianus artium minutissimus sciscitator, et Sac-
 cas Ammonius Plotini magister, alique plurimi
 scriptores multorum in litteris nobilium studiorum:
 inter quos Chalcenterus ¹⁴⁾ eminebat Didymus, mul-
 tiplicis scientiae ¹⁵⁾ scriptis memorabilis: qui in
 illis sex libris, ubi nonnumquam imperfecte Tul-
 lium reprehendit, fillographos imitatus scriptores
 maledicos, iudicio doctorum aurium incusatur, ut
 immania frementem leonem ¹⁶⁾ putredulis vocibus
 17 ¹⁷⁾ canus catulus longius circumlatrans. Et quam-
 quam veteres, cum iis, quorum memini, florere
 complures, tamen ne nunc quidem in eadem urbe
 doctrinae variae silent: nam et disciplinarum magistri
 quodammodo spirant, et nudatur ibi geometrico
 radio, quidquid reconditum latet, nondumque
 apud eos penitus exaruit musica, nec harmonia con-
 ticuit, et recalet apud quosdam adhuc licet raros,
 consideratio mundani motus et siderum, doctique
 sunt numeros haud pauci: super his scientiam cal-
 18 lent, quae fatorum vias ostendit. Medicinae au-
 tem, cuius in hac vita nostra nec parca nec sobria
 desiderantur adminicula crebra, ita studia augentur
 in dies, ut, licet opus ipsum redoleat, pro omni
 tamen experimento sufficiat medico ad commendan-
 dam artis auctoritatem, si Alexandriae se dixerit
 19 eruditum: et haec quidem hactenus. Sed si intel-
 ligendi divini ¹⁸⁾ aditionem multiplicem, et prae-
 sensionum originem mente vegeta quisquam volue-
 rit replicare, per mundum omnem inveniet mathe-
 20 mata huiusmodi ab Aegypto circumlata. Hic pri-
 mum homines longe ante alios ad varia religionum

14) *al.* emicuit. 15) *Mf.* copti. 16) *al.* putidulis. 17) *Mf.*
 canus catul. 18) *Mf.* editionem.

incunabula (ut dicitur) pervenerunt, et initia prima sacrorum caute tuentur, condita scriptis arcanis. Hac institutus prudentia Pythagoras, colens secretius deos, quidquid dixit aut voluit, auctoritatem esse instituit ratam, et femur suum aureum apud Olympiam saepe monstrabat, et cum aquila colloquens subinde visebatur. Hinc Anaxagoras lapides e caelo lapsuros, et putealem limum contrectans, tremores futuros praedixerat terrae. Et Solon sententiis adiutus Aegypti sacerdotum, latis iusto moderamine legibus, Romano quoque iuri maximum addidit firmamentum: ex his fontibus per sublimia gradiens sermonum amplitudine Iovis aemulus Platon visa Aegypto, militavit sapientia gloriosa.

Homines autem Aegyptii plerique subfusculi sunt, et atrati, magisque maestiores, gracilenti et aridi, ad singulos motus excandescentes, contraversi, et reposcenes acerrimi. Erubescit apud eos, si quis non infitiando tributa, plurimas in corpore¹⁹⁾ vibices ostendat. Et nulla tormentorum vis inveniri adhuc potuit, quae obdurato illius tractus latroni invito elicere potuit, ut nomen proprium dicat.

Id autem notum est, ut annales veteres monstrant, quod Aegyptus omnis sub amicis erat antea regibus: sed superatis apud Actium bello navali Antonio et Cleopatra, provinciae nomen accepit ab Octaviano Augusto possessa.²⁰⁾ Aridiorem Libyam supremo Apionis regis consequuti sumus arbitrio: Cyrenas cum residuis civitatibus Libyae Pentapoleos, Ptolemaei liberalitate suscepimus. Evectus longius, ad ordinem remeabo coeptorum.

19) Mf. vivaces. 20) Mf. aridiorem Libyam.

AMMIANI MARCELLINI

RERUM GESTARUM

LIBER XXIII.

Julianus A. templum apud Hierosolyma pridem dirutum, frustra instaurare conatur. C. I. Arfacem idem Armeniae regem ad bellum Persicum parari iubet, et cum exercitu ac Scytharum auxiliis transit Euphratem. II. Iuliano A. per Mesopotamiam iter facienti Saracenarum gentium reguli coronam auream et auxilia ultro offerunt: classis Rôm. mille et centum navium adveniens consternit Euphratem. III. Descriptiones muralium machinarum, ballistae, scorpionis vel onagri, arietis, helepoleos, ac malleoli. IV. Iulianus A. apud Circesium Aboram flumen cum omnibus copiis ponte navali transgreditur, et milites alloquitur. V. Describuntur maiores provinciae XVIII. regni Persarum, una cum suis quaeque urbibus, moresque nationum. VI.

(A. C. 363.)

- 1 Haec eo anno, ut praetereamus negotiorum minutas, agebantur. Iulianus vero iam ter consul adscito in collegium trabeae Sallustio praefecto per Gallias, quater ipse amplissimum inierat magistratum: et videbatur novum, adiunctum esse Augusto privatum, quod post Diocletianum et Aristobulum
- 2 nullus meminerat gestum. Et licet accidentium varietatem sollicita mente praecipiens, multiplicatos expeditionis adparatus flagranti studio perurgeret: diligentiam tamen ubique dividens, imperii-

que sui memoriam magnitudine operum gestiens propagare, ambitiosum quondam apud Hierosoly-
mam templum, quod post multa et interneciva cer-
tamina, obsidente Vespasiano, posteaque Tito,
aegre est expugnatum, instaurare sumptibus cogita-
bat immodicis: negotiumque maturandum Alypio
dederat Antiochenfi, qui olim Britannias curaverat
pro praefectis. Cum itaque rei idem fortiter insta-
ret Alypius, iuaretque provinciae rector, metuen-
di globi flammaram prope fundamenta crebris ad-
sultibus erumpentes, fecere locum exustis aliquoties
operantibus inaccessum: hocque modo elemento
destinatiùs repellente, cessavit inceptum.

Iisdem diebus legatos ad se missos ab urbe ae-
terna, clare natos meritisque probabilis vitae com-
pertos, Imperator honoribus diversis adfecit: et
Apronianum Romae decrevit esse praefectum,
Octavianum proconsulem Africae, Venusto vica-
riam commisit Hispaniae; Rufinum Aradium Comi-
tem Orientis in locum avunculi sui Iuliani recens
defuncti provexit. Quibus, ut convenerat, ordi-
natis, terrebatur omine quodam (ut docuit exitus)
praesentissimo. Felice enim largitionum Comite
profluvio sanguinis repente extincto, eumque Co-
mite Iuliano sequuto, vulgus publicos contuens ti-
tulos, Felicem Iulianum Augustumque pronuntia-
bat. Praecesserat aliud saevum. Namque Kalen-
dis ipsis Ianuariis ¹⁾ adscendente eo gradile Genii
templum, e sacerdotum consortio quidam caeteris
diuturnior, nullo pulsante concidit, animamque
insperato casu efflavit: quod adstantes incertum per
imperitiam, an adulandi cupiditate, memorabant
consulum seniori portendi nimirum Sallustio: sed,
ut adparuit, non aetati, sed potestati maiori interit-
um propinquare ²⁾ monstrabatur. Super his alia 7

1) τὸ ἐο in Ms. deest. 2) Ms. et Steph. monstrabantur.

quoque minora signa subinde, quid accideret, ostendebant. Inter ipsa enim exordia procinctus Parthici disponendi, nuntiatum est Constantinopolim terrae pulsu vibratam: quod horum periti minus laetum esse pronuntiabant, aliena pervadere molienti rectori. Ideoque intempestivo conatu desistere suadebant: ita demum haec et similia contemni oportere firmantes, cum irrudentibus armis externis lex una sit et perpetua, salutem omni ratione defendere, nihil remittente vi moris. Iisdem diebus nuntiatum est ei per litteras, Romae super hoc bello libros Sibyllae consultos, ut iusserat, Imperatorem eo anno discedere a limitibus suis aperto prohibuisse responso.

- 1 II. Inter haec tamen legationes gentium plurimarum auxilia pollicentium, liberaliter susceptae remittebantur, speciosa fiducia Principe respondente, nequaquam decere adventiciis adiumentis rem vindicari Romanam, cuius opibus foveri conveniret amicos et socios, si auxilium eos adegerit necessitas implorare. Solum Arfacem monuerat Armeniae regem, ut collectis copiis validis iubenda operiretur, quo tendere, quid deberet urgere, propere cogniturus. Proinde, cum primam consultae rationes copiam praebuissent, rumore praecurso hostiles occupare properans terras, nondum adulto vere, missa per militares numeros expeditionali tes-
- 2 sera, cunctos transire iussit Euphraten. Quo com-
- 3 perto, omnes evolant ex hibernis, transmissoque (ut textus docebat scriptorum) dispersi per stationes varias, adventum Principis expectabant. Ipse autem Antiochiam egressurus, Heliopoliten quemdam Alexandrum Syriacae iurisdictioni praefecit, turbulentum et saevum: dicebatque, non illum meruisse; sed Antiochenis avaris et contumeliosis
- 4 huiusmodi iudicem convenire. Cumque eum profecturum deduceret multitudo promiscua, itum

felicem reditumque gloriosum exoptans, oransque ut deinde placabilis esset et lenior: nondum ira, quam ex compellationibus et probris conceperat, emollita, loquebatur asperius, se esse eos adserens postea non visurum. Disposuisse enim aiebat, hie- 5
mandi gratia per compendiarium viam, consummato procinctu, Tarsum Ciliciae reversurum: scripsisseque ad Memorium praesidem, ut in eadem urbe cuncta sibi congrua pararentur: et hoc haud diu postea contigit. Corpus namque eius illuc relatum, exsequiarum humili pompa in suburbano sepultum est, ut ipse mandarat.

Iamque apricante caelo, tertio ¹⁾ Nonas Martias 6
profectus, Hierapolim solitis itineribus venit: ubi cum introiret civitatis capacissimae portas, sinistra porticus subito lapsa, subter tendentes quinquaginta milites, exceptis plurimis vulneratis, tignorum tegularumque pondere magno collisit. Unde con- 7
tractis copiis omnibus, Mesopotamiam tam prope-
re signa commovit, ut fama de se nulla praeversa (id enim ²⁾ curatius observarat) improvisus Assyrios occuparet. Denique, cum exercitu et Scytharum auxiliis Euphrate navali ponte transmissio, venit ad Batnas municipium Osdroënae, ibique illaetabile portentum offendit. Cum enim calorum frequens 8
multitudo ad suscipiendum consuete pabulum prope acervum palarum stetisset impendio celsum, (hoc enim modo per regiones illas tales species construuntur) rapientibus multis quassata congeries inclinata est, parique exitio quinquaginta obruit homines mole maxima ruinarum.

III. Maeftus exinde digressus venit cursu prope- 1
ro Carras, antiquum oppidum, Crassorum et Romanorum exercitus aerumnis insigne: unde duae ducen-
tes Perfidem viae regiae distinguuntur, laeva per

1) Mf. Nonas Maia. 2) al. accuratius.

Adiabenam et Tigridem, dextera per Assyrios et Euphraten. Ibi moratus aliquot dies, dum necessaria parat, et Lunae, quae religiose per eos colitur tractus, ritu locorum fert sacra, dicitur ante aras, nullo arbitrorum admissio, occulte paludamentum purpureum propinquo suo tradidisse Procopio, mandasseque arripere fidentius principatum, si se interissem didicerit apud Parthos. Hic Iuliani quiescentis animus agitatus insomniis, eventurum triste aliquid praesagebat. Quocirca et ipse, et visorum interpretes praesentia contemplantes, diem sequuturum, qui erat quartum decimum Kal. Apriles, observari debere pronuntiabant. Verum, ut compertum est postea, hac eadem nocte Palatini Apollinis templum, praefecturam regente Aproniano, in urbe conflagravit aeterna: ubi, ni multiplex iuvisset auxilium, etiam Cumana carmina consumpserat magnitudo flammaram.

4 ¹⁾ Post quae ita digesta, agmina et commeatus omnis generis ²⁾ disponenti, procuratorum adventu aubelantium etiam tum indicatur, equestres hostium turmas vicino limite quodam perrupto avertisse subito praedas. Cuius atrocitate mali percussus, illico, ut ante cogitaverat, triginta millia lectorum militum eidem commisit Procopio, iuncto ad parilem potestatem Sebastiano Comite ex duce Aegypti: iisdemque praecepit, ut intra Tigridem interim agerent, vigilanter omnia servaturi, ne quid inopinum ex incauto latere oriretur, qualia multa saepe ³⁾ didicerat evenisse: mandabatque eis, ut, si fieri potius posset, ⁴⁾ regi sociarentur Arsaci: cumque eo per Corduenam et Moxoënam, Chiliocomo uberi Mediae tractu, partibusque aliis praestricto cursu va-

1) *al.* postquē ita digesta. 2) *al.* disponendi. 3) *al.* dixerat.
4) *Mf.* Regis optarentur.

statis, apud Assyrios adhuc agenti sibi ⁵⁾ concurrerent, necessitatum articulis adfuturi.

His ita ordinatis, ipse exitu simulato per Tigrim, quod iter etiam re cibaria de industria iusserat instrui, flexit dextrorsus: et quieta nocte emensa, mane iumentum, quo veheretur ex usu, poposcit: oblatusque ei equus Babylonius nomine, ictu torminis consternatus, dum dolorum impatiens volvitur, auro lapillisque ornamenta distincta consperfit. Quo ostento laetior ⁶⁾ exclamavit, plaudentibus proximis, *Babylona humi procidisse, ornamentis omnibus spoliata*. Et paullisper detentus, ⁷⁾ ut omen per hostias litando firmaret, Davanam venit castra praefidiaria, unde ortus Belias fluvius funditur in Euphraten. Hic corporibus cibo curatis et quiete, postridie ventum est ad Callinicum, munimentum robustum et commercandi opimitate gratissimum: ubi ante diem sextum Kal. quo Romae Matri deorum pompae celebrantur annales, et carpentum, quo vehitur simulacrum, Almonis undis ablui perhibetur, sacrorum sollemnitate prisco more completa, somno per otium capto, exultans pernoctavit et laetus. Luce vero sequuta profectus ⁸⁾ exinde per supercilia riparum fluvialium, aquis adulescentibus undique convenis, cum armigera gradiens manu, in statione quadam sub pellibus mansit: ubi Saracenarum reguli gentium genibus supplices nixi, oblata ⁷⁾ ex auro corona, tamquam mundi nationumque suarum dominum adorarunt, suscepti gratanter, ut ad furta bellorum adpositi. Dumque hos alloquitur, Xerxis illius potentissimi ⁹⁾ regis instar classis advenit, tribuno Constantiano cum Comite Lucilliano ductante, quae latissimum flumen Euphraten artabat: in qua mille erant onerariae naves ex diversa trabe contextae, commeatus

5) Ms. concurrerent. 6) al. clamavit. 7) al. auri corona.

abunde ferentes et tela et obsidionales machinas: quinquaginta aliae bellatrices, totidemque ad compaginandos necessariae pontes.

- 1 IV. Re ipsa admoneor, breviter, quantum mediocriter potest ingenium, haec instrumentorum genera ignorantibus circumscripte monstrare: et ballistae figura docebitur prima. 2 Ferrum inter axiculos duos firmum compaginatur et vastum, in modum regulae maioris extentum: cuius ex volumine tereti, quod in medio pars polita componit, quadratus eminet stilus ¹⁾ extentius, recto canalis angusti meatu cavatus, et hac multiplici chorda nervorum tortilium illigatus: eique cochleae duae lignae coniunguntur aptissime, quarum prope unam adlittit artifex contemplabilis, et subtiliter adponit in temonis cavamine sagittam ligneam spiculo maiore conglutinatam: hocque facto hincinde validi iuvenes ver-
- 3 sant agiliter rotabilem flexum. Cum ad extremitatem nervorum acumen venerit summum, percita interno pulsu a ballista ex oculis avolat, interdum nimio ardore scintillans: et evenit saepius, ut, antequam telum cernatur, dolor letale vulnus agnoscat.

- 4 Scorpionis autem, quem adpellant nunc onagrū, huiusmodi forma est. Dolantur axes duo quernei vel ilicei, curvanturque mediocriter, ut prominere videantur in gibbas, hique in modum serratoriae machinae connectuntur, ex utroque latere patentius perforati: quos inter per cavernas funes colligantur robusti, compagem, ne dissiliat, continentes.
- 5 Ab hac medietate restium ligneus stilus exsurgens obliquus, et in modum iugalis temonis erectus, ita nervorum ²⁾ nodulis implicatur, ut altius tolli possit et inclinari: summitatque eius unci ferrei copulantur, e quibus pendet stuppea vel ferrea funda: cui

1) *al.* extensus. 2) *al.* modulis.

ligno fulmentum prostermitur ingens, cilicium paleis confertum minutis, validis nexibus illigatum, et locatum super congestos caespites vel latericios aggeres. Nam muro saxeo huiusmodi moles imposita, disiectat quidquid invenerit ³⁾ subter, concussionem violenta, non pondere. Cum igitur ad concertationem ventum fuerit, lapide rotundo fundae imposito, quaterni altrinsecus iuvenes repagula, quibus incorporati sunt funes explicantes, retrorsus stilum paene ⁴⁾ supinum inclinant: itaque demum sublimis adstans magister, claustrum, quod totius operis continet vincula, referat malleo forti ⁵⁾ percussus: unde absolutus ictu volucris stilus, et molitudine offensus cilicii, saxum contorquet; quidquid incurrerit, collisurum. Et tormentum quidem ⁶⁾ adpellatur ex eo, quod omnis explicatio torquetur: scorpio autem, quoniam aculeum desuper habet ⁷⁾ erectum: cui etiam onagri vocabulum indidit aetas novella ea re, quod alini feri cum venatibus agitantur, ita eminus lapides post terga calcitrando emittunt, ut perforent pectora sequentium, aut perfractis ossibus capita ipsa displodant.

Hinc ad arietem ⁸⁾ veniemus. Eligitur abies 8 vel ornus excelsa, cuius summitas duro ferro concluditur et prolixo, arietis efficiens prominulam speciem, quae forma huic machinamento vocabulum indidit: et sic suspensa utrimque transversis asseribus et ferratis, quasi ex lance, vinculis trabis alterius continetur: eamque, quantum mensurae ratio patitur, ⁹⁾ multitudo retro repellens, rursus ad obvia quaeque rumpenda protrudit ictibus validissimis, iustar adfurgentis et caedentis arietis. Qua crebritate velut reciproci fulminis impetu aedificiis

3) Ms. super. 4) Ms. urinum. 5) Ms. perclusum. 6) *al.* appellatur, quod eo omnis. 7) *al.* erectus. 8) *al.* venimus. 9) Ms. altitudo.

- scissis in rimas, concidunt structurae laxatae muro-
 9 rum. Hoc genere operis, si fuerit exserto vigore
 discussum, nudatis ¹⁰) defensoribus, ideoque solu-
 tis obsidiis, civitates munitissimae recluduntur.
- 10 Pro his arietum ¹¹) meditamentis iam crebritate
 despectis, conditur machina scriptoribus historicis
 nota, quam Helepolim Graeci ¹²) cognominamus:
 cuius opera diuturna Demetrius Antigoni, filius re-
 gis, Rhodo aliisque urbibus oppugnatis Poliorcetes
 11 est adpellatus. Aedificatur autem hoc modo. Te-
 studo compaginatur immanis, axibus roborata lon-
 gissimis, ferreisque clavis aptata: et contegitur co-
 riis bubulis virgarumque recenti textura, atque limo
 adsparguntur eius suprema, ut flammeos detrectet
 12 et missiles casus. Conferuntur autem eius frontali-
 bus trifulcae cuspides praeacutae, ponderibus fer-
 reis graves, qualia nobis pictores ostendunt fulmina
 vel fictores, ut, quidquid petierit, aculeis exsertis
 13 abruptat. Hanc ita validam molem ¹³) rotis et fu-
 nibus regens numerosus intrinsecus miles, langu-
 diori murorum parti viribus admovet concitis: et,
 nisi desuper propugnantium valuerint vires, collisis
 parietibus aditus patefacit ingentes.
- 14 Malleoli autem, teli genus, figurantur hac spe-
 cie: Sagitta est cannea, inter spiculum et arundi-
 nem multifido ferro coagmentata, quae in mulie-
 bris coli formam, quo nentur lintea flamina, con-
 cavatur ventre subtiliter et plurifariam patens, at-
 que in alveo ipso ignem cum aliquo suscipit alimento.
- 15 Et si emissa lentius arcu invalido (ictu enim rapi-
 diore exstinguitur) haeserit usquam, tenaciter cre-
 mat, aquisque conspersa acriores excitat aestus in-
 cendiorum, nec remedio ullo, quam superiacto
 pulvere confopitur. Hactenus de instrumentis mu-

10) Mf. defensoribus, ideoque solutis obs. 11) Mf. medita-
 mentis. 12) Mf. cognominamus. 13) Steph. palis.

ralibus, e quibus pauca sunt dicta: nunc ad rerum ordinem revertamur.

V. Adscitis Saracenorum auxiliis, quae animis ¹ obtulere promptissimis, tendens Imperator agili gradu, Cercusium principio mensis Aprilis ingressus est, munimentum tutissimum, et fabre politum: cuius moenia Abora et Euphrates ambiunt flumina, velut spatium insulare fingentes. Quod Diocletia- ² nus exiguum antehac et suspectum, muris turribusque circumdedit cellis, cum in ipsis barbarorum confiniis interiores limites ordinaret, ³ ne vagarentur per Syriam Persae, ita ut paucis ante annis cum magnis provinciarum contigerat damnis. Namque, ³ cum Antiochiae in alto silentio, scenicis ludis mimus cum uxore immissus, e medio sumpta quaedam imitaretur, populo venustate attonito, coniunx, *Nisi somnus est*, inquit, *en Persae*: et retortis plebs univ^{er}sa cervicibus, exacervantia in se tela declinans spargitur passim. Ita civitate incensa, et obtruncatis pluribus, qui pacis more palabantur effusius, incensisque locis finitimis et vastatis, onusti praeda hostes ad sua remearunt innoxii, Mareade vivo exusto, qui eos ad suorum interitum civium duxerat inconsulte. Et haec quidem Gallieni temporibus evenerunt.

Iulianus vero, dum moratur apud Cercusium, ⁴ ut per navalem Aborae pontem exercitus et omnes sequelae transirent: litteras tristes Sallustii Galliarum praefecti suscepit, orantis suspendi expeditionem in Parthos, obtestantisque, ne ita intempestive, nondum pace numinum exorata, irrevocabile subiret exitium. Posthabito tamen suavore ⁵ cautissimo, fidentius ²) ultra tendebat: quoniam nulla vis humana vel virtus meruisse umquam potuit, ut, quod praescripsit fatalis ordo, non fiat.

¹) Mf. edocumento. ²) Mf. uliro.

Statimque transgressus, pontem avelli praecepit,
 3) ne cui militum ab agminibus propriis revertendi
 6 fiducia remaneret. Pari sorte hic quoque omen il-
 laetabile visum est, adparitoris cuiusdam cadaver
 extentum carnificis manu deleti: quem praefectus
 Sallustius praefens ea re supplicio capitali damnarat,
 quod intra praestitutum diem alimentorum augmen-
 tum exhibere pollicitus, 4) casu impediante frustratus
 est. Sed miserando homine trucidato, postridie
 advenit, ut ille promiserat, alia classis abunde ve-
 hens annonam.

7 Profecti exinde Zaitham venimus locum, qui
 olea arbor interpretatur. Hic Gordiani Imperato-
 ris longe conspicuum vidimus tumulum, cuius actus
 a pueritia prima, exercituumque felicissimos ductus,
 et insidiosum interitum digessimus tempore compe-
 8 tenti. Ubi cum pro ingenta pietate consecrato
 Principi parentasset, pergeretque ad Duram, de-
 sertum oppidum, procul militarem cuneum conspi-
 catus stetit immobilis: eique dubitanti, quid fer-
 rent, offertur ab eis immanissimi corporis leo, cum
 aciem peteret multiplici telorum iactu confossus.
 Quo omine velut certiore iam spectaculi prosperioris
 elatus, exultantius incedebat: sed incerto 5) fa-
 tu fortunae aliorum prorupit eventus. Obitus
 enim regis portendebatur, sed cuius, erat incertum.
 9 Nam et oracula dubia legimus, quae non nisi casus
 discrevere postremi: ut fidem vaticinii Delphici, quae
 post Halyn flumen transmissum, maximum regnum
 6) deiecturum praedixerat Croesum: 7) et aliam,
 quae Atheniensibus ad certandum contra Medos ob-
 lique destinaverat mare: sortemque his posteriorem
 veram quidem, sed non minus ambiguum: *Aio te*
 10 *Aeacida Romanos vincere posse.* Etrusci tamen
 haruspici-

3) Ms. ne qui. 4) al. causa imp. 5) Ms. fatu. 6) Ms. deie-
 cturum. 7) Ms. et aliae.

haruspices, qui comitabantur, gnari prodigialium rerum, cum illis procinctum hunc saepe arcentibus non crederetur, prolatis libris exercitualibus ostendebant, signum hoc esse prohibitorium, principique aliena, licet iuste, invadenti contrarium. Sed calcabantur philosophis refragantibus, quorum 11 reverenda tunc erat auctoritas, errantium subinde, et in parum cognitis perseverantium diu. Etenim, ut probabile argumentum ad fidem implendam scientiae suae id praetendebant, quod et Maximiano antehac Caesari cum 8) Narseo Persarum rege iam congressuro, itidem leo et aper ingens trucidati simul oblatis sunt, et superata gente discessit incolumis: illo minime 9) contemplato, quod aliena petenti portendebatur exitium, et Narseus primus Armeniam Romano iuri obnoxiam occuparat. Sequu- 12 to itidem die, qui erat VII. Idus Aprilis, sole vergente iam in occasum, ex parva nubecula subito aëre crassato usus adimitur lucis: et post minacem tonitruum crebritatem et fulgurum, Iovianus nomine miles de caelo tactus cum duobus equis concidit, quos potu satiatos a flumine reducebat. 10) Eoque viso harum rerum interpretes arcessiti in- 13 terrogatique, etiam id vetare procinctum fidentius affirmabant, fulmen consiliarium esse monstrantes: (ita enim adpellantur, quae dissuadent aliquid fieri vel suadent.) Ideoque hoc nimis cavendum, quod militem celsi nominis cum bellatoriis iumentis exstinxit: et hoc modo contacta loca nec intueri, nec calcari debere fulgurales pronuntiant libri. Contra 14 philosophi, candorem ignis sacri repente conspecti nihil significare aiebant, sed esse acrioris spiritus cursum, ex aethere aliqua vi ad inferiora detrusum: aut si exinde praenoscitur aliquid, incrementa claritudinis Imperatori portendi gloriosa coeptanti,

8) Ms. Narseo. 9) Ms. contemplante. 10) Ms. eoque viso.

cum constet flammam suapte natura nullo obstante ad sublimia convolare.

15 Peracto igitur, ut ante dictum est, ponte, cunctisque transgressis, Imperator antiquissimum omnium ratus est, militem alloqui, sui rectorisque fiducia properantem intrepide. Signo itaque¹¹⁾ per lituos dato, cum centuriae omnes, et cohortes, et manipuli convenissent, ipse aggere glaeali ad-sistens, coronaque caesarum circumdatus potestatum, talia ore sereno disseruit, favorabilis studio concordiae cunctorum.

16 *Contemplans maximis viribus et alacritate vos vigere, fortissimi milites, concionari disposui; dociturus ratione multiplici, non nunc primitus; ut maledici mussitant, Romanos penetrasse regna Persidis. Namque ut Lucullum transeam vel Pompeium, qui per Albanos, et Massagetas, quos Alanos nunc adpellamus, hac quoque natione perrupta vidit Caspium lacus: Ventidium novimus Antonii legatum*

17 *strages per hos tractus innumeras edidisse. Sed ut a vetustate discedam, haec, quae tradidit recens memoria, replicabo. Traianus, et Verus, ac Severus hinc sunt digressi victores et tropaeati: redissetque pari splendore iunior Gordianus, cuius monumentum nunc vidimus¹²⁾ honorate, apud Resainam superato fugatoque rege Persarum, ni factione Philippi praefecti praetorio, scelestae iuvantibus paucis in hoc, ubi sepultus est, loco, vulnere impio cecidisset. Nec errare diu manes eius inulti, quod velut¹³⁾ elab-*

18 *cruciabilibus interiere suppliciis. Et illos quidem voluntas ad altiora propensior subire impulit facinora memoranda: nos vero miserranda recens captarum urbium, et inultae caesarum exercituum umbrae, et damnorum magnitudines castrorumque*

11) M. per reliquos. 12) al. honorare. 13) M. elabente.

amissiones ad haec, quae proposuimus; hortantur, votis omnium sociis, ut medeamur praeteritis, et honorata huius lateris securitate republica, quae de nobis magnifice loquatur posteritas, relinquamus. Adero ubique vobis adiumento numinis sempiterni 19 Imperator, et antesignanus, et contumalis omnibus secundis, ut reor. At si fortuna verfabilis in pugna me usquam fuderit, mihi vero pro Romano orbe memet vovisse sufficiet, ut Curtii ¹⁴) Muciique veteres, et clara progenie Deciorum. Abolenda nobis natio molestissima, cuius in gladiis nondum nostrae propinquitatis exaruit cruor. Plures ab- 20 sumptae sunt maioribus nostris aetates, ut interirent radicitus, quae vexabant. Devicta est perplexo et diuturno Marte Carthago: sed eam dux inclytus timuit superesse ¹⁵) victoriae. Evertit funditus Numantiam Scipio post multiplices casus obsidionis emensos. Fidenas, ne imperio subcreverent aemulae, Roma subvertit: et Faliscos ita oppressit, et Veios, ut suadere nobis laboret monumentorum veterum fides, ut has civitates aliquando valuisse credamus. Haec ut antiquitatum peritus exposui: superest, ut 21 aviditate rapiendi posthabita, quae insidiatrix saepe Romani militis fuit, quisque agmini cohaerens incedat; cum ad necessitatem congregiendi fuerit ventum, signa propria sequuturus; sciens, quod, si remanserit usquam, exsectis cruribus relinquetur. Nihil enim praeter dolos et insidias hostium vereor nimium callidorum. Ad summam polliceor universis, 22 rebus post haec prospere mitigatis, absque omni praerogativa principum, qui, quod dixerint vel censuerint, pro potestate auctoritatis iustum esse existimant, rationem me recte consultorum vel secus, si quis exegerit, redditurum. Quocirca erigite iam 23

X 2

14) Steph. Mutiique tres. 15) Mf. victoriae.

nunc quaeso, erigite animos vestros, multa praesumentes et bona, aequata sorte nobiscum, quidquid occurrerit difficile, subituri, et coniectantes aequitati semper solere iungi victoriam.

24 Conclufa oratione ad hunc gratissimum finem, ductoris gloria proelior miles exultans, speque prosperorum elatior, sublati alius scutis nihil periculosum fore vel arduum clamitabat, sub Imperatore plus sibi laboris, quam gregariis indicente.

25 Maxime omnium id numeri Gallicani fremitu laetiore monstrabant: memores, aliquoties eo ductante, perque ordines discurrente, cadentes vidisse gentes aliquas, alias supplicantes.

1 VI. Res adegit huc prolapsa, ut in excessu celeri situm monstrare Persidis, descriptoribus gentium ¹⁾ curiose digestum, e quibus aegre vera dixere paucissimi. Quod autem erit paullo prolixior textus, ad scientiam proficiet plenam. Quisquis enim adfectat nimiam brevitatem, ubi narrantur incognita: non, quid signatius explicet, sed quid debeat praeteriri, scrutatur.

2 Hoc regnum quondam exiguum, multisque antea nominibus adpellatum ob causas, quas saepe retulimus: cum apud Babylona Magnum fata rapuissent Alexandrum, in vocabulum Parthi concessit Arfacis obscure geniti, latronum inter adulescentiae rudimenta ductoris, verum paullatim in melius mutato proposito, clarorum contextu factorum aucti

3 sublimius. Qui post multa gloriose et fortiter gesta, superato Nicator Seleuco, eiusdem Alexandri successore, cui victoriarum crebritas hoc indiderat cognomentum, praefidiisque Macedonum pullis ipse tranquillius agens, temperator obedientium fuit et
4 arbiter lenis. Denique post finitima cuncta, vi vel aequitatis consideratione, vel metu subacta, civitatum

1) Mf. curiose digestis.

et castrorum castellorumque munimentis oppleta
 Perfide, adfuefactaque timori esse accolis omnibus,
 quos antea formidabat, medium ipse agens cursum
 aetatis, placida morte decessit. Certatimque sum-
 matum et vulgi sententiis concinentibus, astris (ut
 ipsi existimant) ritus sui consecratione permixtus est
 omnium primus. Unde ad id tempus reges eius- 5
 dem gentis praetumidi, adpellari se patiuntur So-
 lis fratres et Lunae: utque Imperatoribus nostris
 Augusta nuncupatio amabilis est et optata; ita regi-
 bus Parthicis abiectis et ignobilibus antea, incre-
 menta dignitatum felicibus Arsacis auspiciis acce-
 sere vel maxima. Quamobrem numinis eum vice 6
 venerantur et colunt, eousque propagatis honori-
 bus, ut ad nostri memoriam non, nisi Arsacides is
 sit, quisquam in suscipiendo regno cunctis antepo-
 natur: et in qualibet civili concertatione, quae
 2) assidue apud eos eveniunt, velut sacrilegium quis-
 que caveat, ne dextera sua Arsacidem arma gestan-
 tem feriat vel privatum.

Satisque constat hanc gentem regna, populis 7
 vi superatis compluribus, dilatasse adusque Propon-
 tidem et Thracias: sed alte spirantium ducum su-
 perbia, licenter grassantium per longinqua, aerum-
 nis maximis imminutam: primo per Cyrum, quem
 Bospori fretum cum multitudine fabulosa transgres-
 sum, ad internecionem delevit Tomyris regina Scy-
 tharum, ultrix acerrima filiorum. Deinde, cum 8
 Dareus, posteaque Xerxes Graeciam elementorum
 usu mutato adgressi, cunctis paene copiis terra ma-
 rique consumptis, vix ipsi tutum invenere discel-
 sum: ut bella praetereamus Alexandri, et testa-
 mento nationem omnem in successoris unius iura
 translatam.

2) Ml. assidue.

- 9 Quibus peractis transcurfisque temporibus longis, sub consulibus, et deinceps in potestatem Caesarum redacta re publica, nobiscum eae nationes subinde dimicarunt, paribusque momentis interdum, aliquoties superatae, nonnumquam abiire victrices.
- 10 Nunc locorum situm, quantum ratio finit, carptim breviterque absolvam. Hae regiones in amplitudines diffusae longas et latas, ex omni latere insulorum et celebre Persicum ambiunt mare: cuius ostia adeo esse perhibentur angusta, ut ex Harmozonte Carmaniae promuntorio contra oppositum aliud promuntorium, quod adpellant incolae Maces, sine
- 11 impedimento cernatur. Quibus angustiis permeatis, cum latitudo patuerit nimis extensa, navigatio adusque urbem Teredona porrigitur, ubi post iacturas multiplices pelago miscetur Euphrates: omnisque sinus dimensione littorea in numerum viginti millium stadiorum velut spatio detornato finitur: cuius per oras omnes oppidorum est densitas et vi-
- 12 corum, naviumque crebri discursus. Ergo permeatis angustiis antedictis, venit ad Armeniae sinum, Orienti obiectum intervallo. Cantichus nomine panditur sinus australis: haud procul inde alius, quem vocant Chaliten, occiduo obnoxius fideri. Hinc praestrictis pluribus insulis, e quibus paucae sunt notae, Indorum mari iunguntur oceano, qui ferventem solis exortum suscipit omnium pri-
- 13 mus, ipse quoque nimium calens. Utque geographici sili formarunt, hac specie distinguitur omnis circuitus antedictus. Ab Arctoo cardine adusque Caspias portas Cadusiis conterminat, et Scytharum gentibus multis, et Arimaepis hominibus luscis et feris: ab occidua plaga contingit Armenios, et Niphaten, et in Asia sitos Albanos, mare rubrum, et Scenitas Arabas, quos Saracenos posteritas adpellavit: Mesopotamiam sub axe meridiali despectat:

Orienti a fronte contrarius, ad Gangem extenditur flumen, quod Indorum interfecans terras, in pelagus eiectatur australe.

Sunt autem in omni Perside hae regiones maximae, 14 quas Vitaxae, id est, magistri equitum curant, et regis satrapae (nam minores plurimas recensere difficile est et superfluum) Assyria, Sufiana, Media, Persis, Parthia, Carmania maior, Hyrcania, Margiana, Bactriani, Sogdiani, Sacae, Scythia ultra Emodem montem, Serica, Aria, Paropanisadae, Drangiana, Arachosia, et Gedrosia.

Citra omnes propinqua est nobis Assyria, celebritate et magnitudine, et multiformi feracitate 15 ditissima: quae per populos pagosque amplios diffusa quondam et copiosa, ad unum concessit vocabulum, et nunc omnis adpellatur Assyria: ubi inter baccharum vulgariumque abundantiam frugum bitumen nascitur prope lacum nomine Sosingiten, cuius alveo Tigris voratus fluensque subterraneus, percur- 16 sis spatiis longis emergit. Hic et naphtha gignitur picea specie glutinosa, similis ipsa quoque bitumini: cui etiam si avicula infederit brevis, praepedito volatu subversa penitus evanescit. Et cum hoc liquoris ardere coeperit genus, nullum inveniet humana mens, praeter pulverem, extinguendi commentum.

In his pagis hiatus quoque conspicitur terrae, 17 unde halitus letalis exsurgens, quodcumque animal proxime steterit, odore gravi consumit. Quae lues oriens a profundo quodam puteo, cum os eius excesserit latum, antequam sublimius vagaretur, terras circumfatas inhabitabiles acerbitate fecisset. Cuius simile foramen apud Hierapolim Phrygiae antehac, 18 ut adserunt aliqui, videbatur: unde emergens iisdem noxiis spiritus perseveranti odore, quidquid prope venerat, corrumpibat, absque spadonibus solis: quod qua causa eveniat, rationibus phy-

19 sicis permittatur. Apud Asbamaei quoque Iovis templum in Cappadocia, ubi amplissimus ille philosophus Apollonius traditur natus prope oppidum Tyana, flagno effluens fons cernitur, qui magnitudine aquarum inflatus, seseque resorbens, numquam extra margines intumescit.

20 Intra hunc circuitum Adiabena est, Assyria priscis temporibus vocitata, longaue adsuétude ad hoc translata vocabulum ea re, quod inter Onam et Tigridem sita navigeros fluvios, adiri vado numquam potuit: *transire* enim *διαβαίνειν* dicimus Graeci: et veteres quidem hoc arbitrantur. Nos autem id dicimus, quod in his terris amnes sunt duo perpetui, quos et transivimus, Diabas et Adiabas, iuncti navalibus pontibus: ideoque intelligi Adiabenam cognominatam, ut a fluminibus maximis Aegyptus, Homero auctore, et India, et Euphratenfis ante hac Commagena: itidemque Hiberia ex Hiberro, nunc Hispania, et a Baeti amne insigui provincia Baetica.

22 In hac Adiabena Ninus est civitas, quae olim Persidis regna possederat, nomen Nini, potentissimi quondam regis, Semiramidis mariti declarans, et Ecbatana, et Arbela, et Gaugamela, ubi Darium Alexander post discrimina varia proeliorum incitato Marte prostravit.

23 In omni autem Assyria multae sunt urbes: inter quas Apamia eminet Mesene cognominata, et Terdon, et Apollonia, et Vologessia, hisque similes multae. Splendidissimae vero et pervulgatae hae solae sunt tres: Babylon, cuius moenia bitumine Semiramis struxit (arcem enim antiquissimus rex condidit Belus) et Ctesiphon, quam Vardanes priscis temporibus instituit, posteaque rex Pacorus incolarum viribus amplificatam et moenibus, Graeco indito nomine Persidis, effecit specimen summum: post hanc Seleucia, ambitiosum opus Nica-

toris Seleuci. Qua per duces Veri Caesaris (ut ante 24
retulimus) expulsata, avulsum sedibus simulacrum
Comei Apollinis, perlatumque Romam, in aede
Apollinis Palatini deorum antistites collocarunt.
Fertur autem, quod post direptum hoc idem si-
gmentum, incensa civitate, milites sanum scrutantes
invenere foramen angustum: quo referato, ut pre-
tiosum aliquid invenirent, ex adyto quodam con-
cluso a Chaldaeorum arcanis labes primordialis ex-
filuit, quae insanabilium vi concepta morborum,
eiusdem Veri Marcique Antonini temporibus, ab
ipsis Persarum finibus, adusque Rhenum et Gallias
cuncta contagiis polluebat et mortibus.

Hic prope Chaldaeorum est regioatrix philoso-25
phiae veteris, ut memorant ipsi, apud quos veridica
vaticinandi fides eluxit. Perfluunt autem has eas-
dem terras potiores ante alios annes hi, quos prae-
diximus, et Marses, et flumen regium, et Euphra-
tes cunctis excellens: qui tripartitus, navigabilis
per omnes est rivos, insulasque circumfluens, et
arva cultorum industria diligentius rigans, vomeri
et gignendis arbutis habilia facit.

His tractibus Sufiani iunguntur, apud quos non 26
multa sunt oppida, inter alia tamen eminet Sufa,
saepe domicilium regum, et Arfiana, et 3) Sele, et
Aracha: caetera brevia sunt et obscura. Fluvii
vero multi per haec loca discurrunt, quibus prae-
stant Oroates, et Harax, et Meseus, per arenosas
angustias, quae a rubro prohibent Caspium mare,
aequoream multitudinem inundantes.

At in laeva Media confinis Hyrcano panditur 27
mari: quam ante regnum Cyri superioris, et incre-
menta Perfidos, legimus Asiae 4) reginam totius,
Assyriis domitis, quorum plurimos pagos in Acro-
patenae vocabulum permutatos belli iure possedit.

3) Mf. Sole. 4) Mf. regna.

- 28* Pugnatrix natio, et formidanda post Parthos, quibus vincitur solis, regiones inhabitans ad speciem quadratae figurae formatas. Harum terrarum incolae omnes ad latitudinem nimiam extenduntur, eisque maximae celsitudines imminet montium, quos ⁵⁾ Zacram, et Orontem, et Iasonium vocant.
- 29 Coroni quoque montis altissimi partem habitantes occiduam, frumentariis agris adfluunt et vinariis, pingui fecunditate laetissimi, et fluminibus fontium-
- 30 que venis liquidis locupletes. Sunt apud eos prata virentia: fetus equarum nobilium, quibus (ut scriptores antiqui docent, nos quoque vidimus) ineuntes proelia viri summa vi vehi exultantes solent,
- 31 quos Nefaeos adpellant. ⁶⁾ Abundant aequae civitatibus, quibus Media, et vicis in modum oppidorum exstructis, et multitudine incolarum. Utque absolute dicatur, uberrimum est habitaculum regum.
- 32 In his tractibus ⁷⁾ magorum agri sunt fertiles: super quorum secta studiisque, quoniam huc incidimus, pauca conveniet expediri. Magiam opinionum insignium auctor amplissimus Plato, Machagistiam esse verbo mystico docet, divinorum incorruptissimum cultum, cuius scientiae saeculis priscis multa ex Chaldaeorum arcanis Bactrianus addidit Zoroastres: deinde ⁸⁾ Hytaspes, rex prudentissi-
- 33 mus, Darii pater. Qui cum superioris Indiae secreta fidentius penetraret, ad nemorosam quamdam venerat solitudinem, cuius tranquillis silentiis praecellae Brachmanorum ingenia potiuntur: eorumque monitu rationes mundani motus et fiderum, purosque ⁹⁾ sacrorum ritus, quantum colligere potuit, eruditus, ex his, quae didicit, aliqua sensibus magorum infudit: quae illi cum disciplinis praesen-

5) Mf. Zacram. 6) Mf. Abundantiaque. 7) Mf. Magorum magri. 8) *τὸ rex* deest al. 9) sacrorum peius.

tiendi futura, per suam quisque progeniem, posteris aetatibus tradunt. Ex eo per saecula multa ad 34
 praefens una eademque prosapia multitudo creata, deorum cultibus dedicatur. Feruntque, si iustum est credi, etiam ignem caelitus lapsum apud se sempiternis focolis custodire, cuius portionem exignam, ut faustam, praeisse quondam Asiaticis regibus dicunt. Huius originis apud veteres nu- 35
 merus erat exilis, eiusque ministeriis Persicae potestates in faciendis rebus divinis sollemniter utebantur. Eratque piaculum aras adire, vel hostiam contrectare, antequam magus conceptis precationibus libamenta diffunderet praecursoria. Verum aucti paullatim, in amplitudinem gentis solidae concesserunt et nomen: villasque inhabitantes nulla murorum firmitudine communitas, et legibus suis uti permisi, religionis respectu sunt honorati. Ex 36
 hoc magorum semine septem post mortem Camby- sis regnum inisse Persidos antiqui memorant libri, docentes, eos Darii factione oppressos, imperitandi initium equino hiunitu sortiti.

In hac regione oleum conficitur medicum, quo 37
 illitum telum, si emissum lentius laxiore arcu (nam ictu exstinguitur rapido) haeserit usquam, tenaciter cremat: et si aqua voluerit abluere quisquam, aestus excitat acriores incendiorum, nec remedio ullo, quam iactu pulveris consopitur. Paratur autem 38
 hoc modo. Oleum usus communis herba quadam infectum condiunt harum rerum periti, ad diuturnitatem servantes, et coalescens durant ex materia venae naturalis, similis oleo crassiori: quae species gignitur apud Persas, quam (ut diximus) naphtham vocabulo adpellavere gentili.

Per haec loca civitates dispersae sunt plures, 39
 quae omnibus praestant Zombis, et Patigran, et Gazaca: inter quas opibus et magnitudine moenium conspicuae sunt Heraclia, et Arfacia, et Europos,

et Cyropolis, et Ecbatana, sub Iasonio monte in
 40 terris sitae Syromedorum. Amnes has regiones
 praetereunt multi, quorum maximi sunt Choaspes,
 et Gyndes, et Amardus, et Charinda, et Cambyfes,
 et Cyrus, cui magno et ¹⁰⁾ specioso Cyrus ille superior
 rex amabilis, abolito vetere, id vocabulum
 dedit, cum ereptum ire regna Scythica destinaret:
 quod et fortis est, ut ipse etiam ferebatur, et vias
 sibi, ut ille, impetu ingenti molitus, in Caspium
 delabatur mare.

41 Per tractus meridianos expansa, post haec con-
 finia, littoribus proxima Persis habitatur antiqua,
 minutis frugibus dives et palmite, aquarumque
 copia iucundissima. Amnes quippe multi per eam
 antedictum influunt sinum: quorum maximi sunt
 Vatrachites, ¹¹⁾ Rogomanis, et Brisoana, atque Ba-
 42 grada. Oppida vero mediterranea sunt ampliora:
 incertum enim, qua ratione per oras maritimas nihil
 condiderunt insignis: inter quae Persepolis est clara,
 et Ardea, et ¹²⁾ Obroatis, atque Tragonice. Insu-
 lae vero visuntur ibi tres tantum, ¹³⁾ Tabiana, et
 Fara, et Alexandria.

43 His propinquant Parthi siti sub Aquilone, co-
 lentes nivales terras et pruinosas: quorum regiones
 Choatres fluvius interseindit caeteris abundantior:
 et haec potiora residuis sunt oppida, ¹⁴⁾ Genonia,
 Moesia, Charax, Apamia, Artacana, et Hecatom-
 pylos, a cuius finibus per Caspia littora adusque
 44 portarum angustias stadia quadraginta numerantur
 et mille. Feri sunt illic habitatores pagorum om-
 nium, atque pugnaces: eosque ita certamina iuvant
 et bella, ut iudicetur inter alios omnes beatus, qui
 in proelio ¹⁵⁾ profuderit animam. Excedentes enim

10) Ms. specioso. 11) Ms. Rogomanus. 12) Ms. Habraatis.
 13) Ms. Cadianas. 14) Ms. Genonia, Moesia, Charax. 15) al.
 fuderit.

e vita morte fortuita, conviciis infectantur ut degeneres et ignavos.

Quibus ab Orientali Australique plaga Arabes 45
beati conterminant, ideo sic adpellati, quod frugibus iuxta, et fetibus, et palmite, odorumque suavitatem multiplici sunt locupletes: magnaeque eorum partes mare rubrum a latere dextro contingunt: laeva Persico mari collimitant, elementi utriusque potiri bonis omnibus adfueti. Ubi et stationes, et 46
portus tranquilli sunt plures, et emporia densa, et diversoria regum ambitiosa nimium et decora, aquarumque suapte natura calentium saluberrimi fontes, et rivorum fluminumque multitudo perspicua, 16) hospitalisque temperies caeli, ut recte spectantibus nihil eis videatur ad felicitatem deesse superam. Ac licet abundet urbibus mediterraneis 47
atque maritimis, campisque copiosis et vallibus, has tamen civitates habet eximias, Geapolim, et Nascon, et Baraba, itidemque Nagara, et Mephram, et Taphra, et Dioscuriada. Insulas autem complures habet per utrumque proximas mare, quas dinumerare non refert. Insignior tamen aliis Turgana est, in qua Serapidis maximum esse dicitur templum.

Post huius terminos gentis, Carmania maior 48
verticibus celsis erigitur, adusque Iudicum pertinens mare, fructuariis arboreisque fetibus culta, sed obscurior Arabum terris multo et minor: fluminibus tamen ipsa quoque non minus abundans, caespitisque ubere iuxta secunda. Amnes autem sunt 49
hic caeteris notiores Sagareus, et Saganis, et Hydriacus. Sunt etiam civitates, licet numero paucae, victu tamen et cultu perquam copiosae: inter quas nitet Carmana omnium mater, et Portospana, et Hermoupolis.

16) *al. hospitalisque.*

agentes quodam in secessu, coalitique solitudine, per intervalla dispersi sunt longa, adfueti victu vili et paupertino. Et gentes quidem variae hos incolunt tractus, quas nunc recensere alio properans superfluum puto. Illud tamen sciendum est, inter has nationes paene ob asperitatem nimiam inaccesas, homines esse quosdam mites et pios; ut Iaxartae sunt et Galactophagi, quorum meminit vates Homerus in hoc versu:

Γλακτοφάγων Ἀβίων τε δικαιοτάτων ἀνθρώπων.

63 Inter flumina vero multa, quae per has terras vel potioribus iungit natura, vel lapsu post trahit in mare, Roemnus celebris est, et Iaxartes, et Talicus. Civitates autem non nisi tres solas habere noscuntur, Alfabota, et Chauriana, et Saga.

64 Ultra haec utriusque Scythiae loca, contra orientalem plagam in orbis speciem confertae cellorum aggerum summities ambiunt. Seras, ubertate regionum et amplitudine circumspectos: ab occidentali latere Scythis adnexos: a septemtrione et orientali, nivosae solitudini cohaerentes: qua meridiem spectant, adusque Indiam porrectos et Gaudgem. Adpellantur autem ibidem montes, 24) Anniva, et Nazavicium, et Asmira, et Emodon, et 65 Opurocarra. Hanc itaque planitiem undique prona declivitate praeruptam, terrasque lato litu distentas, duo famosi nominis flumina, Oechardes et 25) Bautis lentiore meatu percurrunt. Et dispar est tractuum diversorum ingenium: hic patulum, alibi molli devexitate subductum: ideoque satietate frugum, et pecoribus, et arbutis exuberat. Incolunt autem secundissimam glaebam variae gentes, e quibus Alitrophagi, et Annibi, et Sizyges, et Chardi Aquilonibus obiecti sunt et pruinis. Exortum

24) Mf. Anniva. 25) Mf. Bautis.

tum vero solis fuspiciunt Rabannae, et Asmirae, et Essedones omnium splendidissimi: quibus²⁶⁾ Athagorae ab occidentali parte cohaerent, et²⁷⁾ Aspacrae: Betae vero australi celsitudine montium²⁸⁾ inclinati. Urbibus licet non multis, magnis tamen celebrantur et opulentis: inter quas maximae Asmira, et Essedon, et Asparata, et Sera, nitidae sunt et notissimae. Agunt autem ipsi quietius Seres, 67 armorum semper et proeliorum expertes: utque hominibus sedatis et placidis otium est voluptabile, nulli finitimorum molesti. Caeli apud eos incunda salubrisque temperies, aëris facies munda, leniumque ventorum commodissimus flatus: et abunde silvae sublucidae: a quibus arborum fetus aquarum adsperginibus crebris, velut quaedam vellera molientes, ex lanugine et liquore mistam subtilitatem tenerrimam pectunt: nentesque²⁹⁾ subtemina, conficiunt sericum, ad usus antehac nobilium, nunc etiam infimorum sine ulla discretione proficiens. Ipsi praeter alios frugalissimi, pacatoris vitae cultores, 68 vitantes reliquorum mortalium coetus. Cumque ad coëmenda fila, vel quaedam alia fluvium transierint advenae, nulla sermonum vice, propositarum rerum pretia solis oculis aestimantur: et ita sunt abstinentes, ut apud se tradentes gignentia, nihil ipsi comparent³⁰⁾ adventicium.

³¹⁾ Ariani vivunt post Seras, Boreae obnoxii flatibus: quorum terras annuis vehendis sufficiens navibus, Arias perfluit nomine, faciens lacum ingentem eodem vocabulo dictitatum. Abundat autem haec eadem Aria oppidis: inter quae sunt³²⁾ celebria, ³³⁾ Bitaxa Sarmatina, et Sotera, et Nisibis, et Alexandria, unde naviganti ad Caspium mare quingenta stadia numerantur et mille.

26) Mf. Athagorae. 27) Mf. Aspatharae beatae. 28) Mf. inclinati. 29) al. subtegmina. 30) al. adventitium. 31) Mf. Afriani. 32) al. celebres. 33) Mf. Bitaxas armotina.

70 His locis Paropanifatae sunt proximi, Indos ab oriente, Caucaſumque ab occidentali latere proſpectantes, ipſi quoque montium defectibus³⁴⁾ inclinati: quos reliſuis omnibus maior Ortogordomaris interluit fluvius, a Bactrianis exſurgens. Habent autem etiam civitates aliquas; quibus clariores ſunt Agazaca, et Naulibus, et³⁵⁾ Ortopana, unde littorea navigatio aduſque Mediae fines, portis proximos Caſpiis, ſtadiorum ſunt duo millia et ducenta.

71 Antedictis³⁶⁾ continui ſunt Drangiani collibus cohaerentes, quos flumen alluit Arabium nomine ideo adpellatum, quod inde exoritur, interque alia duobus municipiis exſultantes Prophthaſia et Ariaspe, ut opulentiſ et clariſ.

72 Poſt quos³⁷⁾ exadverſum Arachofia viſitur, dextrum vergens in latus Indis obiecta, quam ab Indo fluviorum maximo, unde regiones cognominatae ſunt, amnis multo minor exoriens aquarum alluit amplitudine, efficitque paludem Arachotoscrenem³⁸⁾ adpellatam. Hic quoque civitates ſunt inter alias³⁹⁾ utiles, Alexandria, et Arbaca, et Choaspa.

73 At in penitiſſima parte Perſidos⁴⁰⁾ Gedroſia eſt, dextra terminos contingens Indorum, inter minores alios Artabio uberior flumine: ubi montes deficiunt Barbitani, quorum ex pedibus imis emergentes alii fluvii Indo miſcentur, amittentes nomina magnitudine potioris. Civitates autem etiam hic ſunt: inter civitates praeter inſulas Sedratyra, et Gynaecolimē meliores reliſuis aeſtimantur.

74 Ne igitur orae maritimae ſpatia alluentia Perſidis extremitates per minutias demonſtrantes, a propoſito longius aberremus, id ſufficiet dici: quod mare praetentum a Caſpiis montibus per boreum latus

34) Mf. inclinati. 35) al. Orthopata. 36) Mf. continui. 37) exadverſum. 38) Mf. appellant. 39) Mf. utiles. 40) Mf. Gerolia.

adusque memoratas angustias, novem millium stadiorum; Australe vero ab ostiis Nili fluminis adusque principia Carmanorum, quatuordecim millium stadiorum numero definitur.

Per has nationes dissonas et multiplices, hominum quoque diversitates sunt ut locorum. Sed ut generaliter corpora describamus et mores, graciles paene sunt omnes, subnigri vel livido colore pallescentes, caprinis oculis torvi, et superciliis in semiorbium speciem curvatis iunctisque, ⁴¹⁾ non indecoribus barbis, capillisque ⁴²⁾ promissis hirsuti: omnes tamen promiscue, vel inter epulas festosque dies, gladiis cincti cernuntur. Quem Graecorum veterum morem abieciisse primos Athenienses, Thucydides est auctor amplissimus. Effusius plerique ⁴³⁾ soluti in Venerem, aegreque contenti multitudine pellicum: puerilium stuprorum expertes: pro opibus quisque adsciscens matrimonia plura vel pauca. Unde apud eos per libidines varias caritas dispersa torpescit. Munditias conviviorum et luxum, maximeque potandi aviditatem vitantes, ut luem. Nec apud eos extra regales mensas hora est praestituta prandendi, sed venter unicuique velut solarium est, eoque monente, quod inciderit, editur: nec quisquam post satietatem superfluos sibi ingerit cibos. Immane, quantum restricti et cauti, ut inter hostiles hortos gradientes nonnumquam et vineta, nec cupiant aliquid, nec contingant, venenorum et secretarum artium metu. Super his nec stando mingens, nec ad requisita naturae secedens facile visitur Persa: ita observantius haec aliaque pudenda declinant. Adeo autem dissoluti sunt, et artuum laxitate vagoque incessu se iactitantes, ut effemina-

Y 2

41) Mf. indecoribus barbis. 42) al. prolixis. 43) al. soliti solvi in venerem.

tos existimes, cum sint acerrimi bellatores: sed magis artifices, quam fortes, eminusque terribiles: abundantes inanibus verbis, insanumque loquentes et ferum: magnidici, et graves, ac taetri, minaces iuxta in adversis rebus et prosperis, callidi, superbi, crudeles vitae necisque potestatem in servos et plebeios vindicantes obscuros. Cutes vivis hominibus detrahunt particulatim vel solidas: nec ministranti apud eos famulo mensaeque adstanti hiscere vel loqui licet, vel spueri: ita ⁴⁴⁾ prostratis pellibus

81 labra omnium vinciuntur. Leges apud eos impendio formidatae: inter quas diritate exsuperant latae contra ingratos, et desertores: et abominandae aliae, per quas ob noxam unius omnis propinquitas

82 perit. Ad iudicandum autem usu rerum spectati destinantur et integri, parum alienis consiliis indigentes: unde nostram consuetudinem rident, quae interdum facundos, iurisque publici peritissimos post indoctorum collocat terga. Nam quod superfidere corio damnati ob iniquitatem iudicis iudex alius cogebatur, aut finxit vetustas, aut olim recepta

83 consuetudo cessavit. Militari cultu ac disciplina, proludiisque continuis rei castrensis et armaturae, quam saepe formavimus, metuendi vel exercitibus maximis: equitatus virtute confisi, ubi defudat nobilitas omnis et splendor. Pedites enim in speciem mirmillonum contecti, iussa faciunt ut calones. Sequiturque semper haec turba tamquam addicta perenni servitio, nec stipendiis aliquando fulta nec donis. Et gentes plurimas, praeter eas, quas abunde perdomuit, sub iugum haec natio miserat, ita audax et ad pulveres Martios erudita, ni bellis

84 civilibus externisque assidue vexarentur. Indumentis plerique eorum ita operiuntur lumine colorum fulgentibus vario, ut, licet sinus lateraque

44) Ita Mf. et Steph. al. rostratis pellibus.

diffuta relinquant flatibus agitari ventorum, inter calceos tamen et verticem nihil videatur intectum. Armillis uti monilibusque aureis, et gemmis, praecipue margaritis, quibus abundant, adfuefacti post Lydiam victam, et Croesum.

Restat, ut super ortu lapidis huius pauca suc-⁸⁵ cinctius explicentur. Apud Indos et Persas margaritae reperiuntur in testis marinis robustis et candidis, permissione roris anni tempore praestituto conceptae. Cupientes enim velut coitum quemdam, humores ex lunari adspergine capiunt densius oscitando. Exindeque ⁴⁵⁾ gravidulae edunt minutas binas, aut ternas, vel ⁴⁶⁾ uniones ideo sic adpellatas, quod evisceratae conchulae singulas aliquoties pariunt, sed maiores. Idque indicium est aetherea ⁸⁶ potius derivatione, quam saginis pelagi hos oriri fetus et vesci: quod guttae matutini roris iisdem infusae claros efficiunt lapillos et teretes: vespertini vero flexuosos contra, et rutilos, et maculosos interdum. Minima autem vel magna pro qualitate haustum figurantur casibus variatis. Concussae vero saepissime metu fulgurum inanescunt, aut debilia pariunt, aut certe vitiis diffluunt abortivis. Capturas autem difficiles et periculosas, et ampli-⁸⁷ tudines pretiorum illa efficit ratio, quod frequentari sueta littora propter piscantium infidias declinantes, ut quidam coniiciunt, circa devios scopulos et marinorum canum receptacula delitescunt. Quod ⁸⁸ genus gemmae etiam in Britannici secessibus maris gigni legique, licet dignitate dispari, non ignoramus.

45) Ms. gravidulae. 46) *al.* uniones sic appellatas, quod eius terrae conchulae.

AMMIANI MARCELLINI

RERUM GESTARUM

LIBER XXIV.

Iulianus cum exercitu Assyriam ingreditur, et Anathan castellum ad Euphratem in fidem recipit, ac incendit. C. I. Imperator castellis et oppidis aliis intentatis, aliis, quae deserta erant, incensis, Pirisaboram in deditionem accipit succenditque. II. Iulianus A. ob rem bene gestam centenos viritim denarios militibus promittit, et exiguum donativum dedignantibus, modesta oratione ad sanitatem revocat. III. Oppidum Maozamalcha expugnatum a Romanis atque excisum. IV. Munitissimum situ et opere castellum expugnant Romani ac incendunt. V. Persarum duobus millibus et quingentis interfectis, et vix LXX. suorum amissis, Iulianus multos coronis pro concione donat. VI. Imperator a Ctesiphontis obsidione deterritus, cunctas naves suas temere iubet exuri, et a flumine recedit. VII. Imperator cum iam nec pontes facere, nec parti copiarum suarum posset adiungi, per Corduenam reverti statuit. VIII.

¹ Post exploratam alacritatem exercitus, uno parique ardore ¹⁾ impetrabilem Principem superari non ²⁾ posse, Deum usitato clamore testati, Iulianus summæ rei finem imponendum maturius credens, extracta quiete nocturna, itinerarium sonare lituos iubet: praestructisque omnibus, quae difficultates arduæ belli poscebant, candente iam luce Assyrios

¹⁾ *al.* impenetrabilem. ²⁾ posse, Deum usitato clam.

fines ingressus, cello praeter alios spiritu obequitans ordinibus, aemulatione sui cunctos ad officia fortitudinis incendebat. Utque ductor usu et docilitate firmatus, metuens, ne per locorum insolentiam infidiis caperetur occultis, agminibus incedere quadratis exorsus est. Excursatores quidem quingentos et mille sensim praeire disposuit, qui cautius gradientes ex utroque latere, itidemque a fronte, ne quis repentinus irrueret, prospectabant. Ipse vero medios pedites regens, quod erat totius roboris firmamentum, dextra legiones aliquas cum Nevita supercilia fluminis ³⁾ praelstringere iussit Euphratis. Cornu vero laevum cum equitum copiis Arinthaeo tradidit et Hormisdæ, ducendum confertius per plana camporum et mollia. Agmina vero postrema Dagalaiphus cogebat et Victor, ultimusque omnium Osdruenæ dux Secundinus. Deinde ut ³ hostibus, si erupissent usquam, vel conspiciantibus procul, timorem multitudinis maioris incuteret, laxatis cuneis iumenta dilatavit et homines, ut decimo paene lapide postremi dispararentur a signiferis primis: quod arte mira saepe fecisse Pyrrhus ille rex dicitur Epirotes, opportunis in locis castramentandi; armorumque speciem diffundendi ex industria, vel attenuandi perquam scientissimus, ut, ubi usu venisset, plures aestimarentur, aut pauci.

Sarcinas vero et calones et adparitionem imbellem, impedimentorumque genus omne inter utrumque latus instituit procedentium ordinatim, ne qua vi subita raperentur, ut saepe contigit, improtecta. Classis autem licet per flumen ferebatur adfiduis flexibus tortuosum, nec residere, nec praecurrere sinebatur.

Emenso itaque itinere bidui prope civitatem venimus Duram desertam, marginibus amnis imposi-

3) Ms. praelstringere.

tam. In quo loco greges cervorum plures inventi sunt, quorum alii confixi missilibus, alii ponderibus ⁴⁾ elisi remorum, ad satietatem omnes paverunt: pars maxima natatu adlucta veloci alveo penetrato, incohibili cursu evasit ad solitudines notas.

- 6 Exin dierum quatuor itinere levi peracto, vespera incedente cum expeditis mille impositis navibus, Lucillianus Comes imperio principis mittitur Anathan munimentum expugnaturus: quod ut pleraque alia circumluitur fluentis Euphratis. Et navibus, ut praeceptum est, per opportuna dispersis, oblidebatur insula, nebulosa nocte obumbrante impetum clandestinum. Sed postquam advenit lux certa, aequatum quidam egressus, visis subito hostibus ululabili clamore sublato, excitos tumultuosis vocibus propugnatores armavit. Et mox specula quadam altissima explorato situ castrorum, quam ocissime cum duarum praesidio navium amnem supermeat Imperator, pone sequentibus navigiis multis, quae oblidionales machinas advehebant. Iamque muris propinquans, cum non absque discriminibus multis consideraret esse certandum, sermone cum leni, tum aspero et minaci hortabatur ad deductionem defensores: qui ad colloquium petito Hormisda, promissis eius et iuramentis illecti, multa sibi de lenitudine Romana spondebant. Denique prae se bovem coronatum agentes, quod est apud eos susceptae pacis indicium, descendere suppliciter: et statim munimento omni incenso, Pulaeus eius praefectus, dux Aegypti postea, honore tribuatus adfectus est. Reliqui vero cum caritatibus suis et supellectile, ⁵⁾ humaniore cultu ad Syriacam
- 10 civitatem Chalcida transmissi sunt. Inter hos miles quidam, cum Maximianus perrupisset quondam Persicos fines, in his locis aeger relictus, prima

4) Ms. inferamorum. 5) Ms. humaniore.

etiam tum lanugine iuvenis, ut aiebat, uxores fortitus gentis ritu complures, cum numerosa subole tunc senex incurvus, exultans proditionisque auctor ducebatur ad nostra, testibus adfirmans, et præscisse se olim, et prædixisse, quod centenario iam contiguus sepeliatur in solo Romano. Post quæ Saraceni procuratores quosdam partis hostium obtulere laetissimo Principi, ⁶⁾ et munerati ad agenda similia sunt remissi.

Acciderat aliud postridie dirum. Ventorum ¹¹ enim turbo exortus, pluresque vertigines concitans, ita confuderat omnia tecta, ut tabernacula multa ⁷⁾ conscinderentur, et supini plerique milites sternerentur vel proni, ⁸⁾ spiritu stabilitatem vestigii subvertente. Nec minus eodem die aliud periculosum evenit. Anne enim repente ⁹⁾ extra margines evagato, mersæ sunt quaedam frumentariae naves, cataractis avulsis, ad ¹⁰⁾ defundendas reprimendasque aquas rigare suetas opere saxeo structis: quod utrum per insidias, an magnitudine acciderit fluentorum, sciri non potuit.

Post perruptam incensamque urbem omnium ¹² primam, et captivos transmissos, certiore iam spe proventus exercitus ad fiduciam, elatis vocibus in favores Principis consurgebat, adfore sibi etiam deinde caelestem existimans curam.

Et quia per regiones ignotas de obscuris erat ¹³ suspectior cura, ¹¹⁾ astus gentis et ludificandi varietas timebatur. Ideoque Imperator nunc antesignanus, nunc agminibus cogendis insistens cum expeditis velitis, ne quid lateret abstrusum, fructecta squalida vallesque scrutabatur: licentiores militum per longinqua discursus adfabilitate nativa prohibendo vel minis. Hostiles tamen agros omni fru- ¹⁴

6) Ms. et minerat ad agenda. 7) Ms. conscinderentur. 8) Ms. dispiritu. 9) Steph. circa. 10) Ms. defundendas, 11) al. actus.

gum genere divites cum segetibus et tuguriis inflam-
 mari permisit ita demum, cum usui necessaria abun-
 de sibi quisque collegisset: et hoc modo sauciaba-
 15 tur salus hostium nesciorum. Bellatores enim li-
 benter quaesitis dextris propriis utebantur, alia vir-
 tutis suae horrea reperisse existimantes, et lacti,
 quod vitae quoque subsidiis adfluentes, alimenta
 16 servabant quae navigiis vehebantur. Hic vino gra-
 vis quidam temerarius miles, ad ulteriorem ripam
 nullo urgente transgressus, in conspectu nostro ¹²⁾ ab
 hostibus captus, occisus est.

1 II. Quibus tali casu patrat, ad castra perveni-
 mus nomine Thilutha, in medio fluminis sita, lo-
 cum immenso quodam vertice tumescentem, et po-
 testate naturae velut manu circumsaepum humana:
 cuius ad deditionem incolae tentati mollius, ut de-
 cebat, quoniam asperitas edita vim superabat armorum,
 intempestivam tunc defectionem esse firmabant. Sed
 hactenus responderunt, cum interiora occupaverint
 protinus gradientes Romani, se quoque, utpote regnorum
 sequelas, victoribus accessu-
 2 ros. Et post haec praetermeantes ipsa moenia na-
 ves nostras cum verecundia quiete spectabant immo-
 biles. Quo transito, cum ad munimentum aliud
 Achaiachala nomine venissemus, fluminis circum-
 tione vallatum, arduumque transcensu, ¹⁾ refutati
 pari responso discessimus. Alia postridie castra ob
 muros invalidos derelicta, praetereuntur incensa.
 3 ²⁾ Postera igitur et insequenti die stadiis ducentis
 emensis, ventum est ad locum ³⁾ Paraxmalcha. Un-
 de amne transito, milliario septimo disparata Dia-
 cira invaditur civitas, habitatoribus vacua, frumen-
 to et salibus nitidis plena, in qua templum alti cul-
 minis arcu vidimus superpositum: qua incensa, cae-

12) Mf. ab hominibus. 1) al. confutati. 2) Mf. Postera igitur.
 3) Mf. Baraxmalcha.

fisque mulieribus paucis, quae repertae sunt, traiecto
 fonte scatenti bitumine, Ozogardana occupavimus
 oppidum, quod formidine advenientis exercitus
 itidem deseruere cultores: in quo principis Traiani
 tribunal ostendebatur. Hac quoque exulta, biduo 4
 ad refectionem corporum dato, prope extremum
 noctis, quae secundum diem sequuta est, Surena
 post regem apud Persas promeritae dignitatis, et
 Malechus Podofaces nomine, Phylarchus Saraceno-
 rum Assanitarum, famosi nominis latro, omni sac-
 vitia per nostros limites diu grassatus, structis Hor-
 misdae infidiis, quem ad speculandum exiturum in-
 certum unde praesenserant, ideo sunt tentamento
 frustrati, quod angusta fluminis interluvies et prae-
 alta transiri vado non potuit. Et primo lucis exor- 5
 dio, cum essent hostes iam in contuitu, visi tunc
 primitus corusci galeis, et horrentes indutibus 4) ri-
 gidis: milites in procinctum impetu veloci tenden-
 tes, eos involavere fortissime. Et quamvis arcus
 validis viribus flecterentur, et splendor ferri inter-
 micans Romanorum metum augeret: ira tamen
 acuente virtutem, clypeorum densitate contecti, ne
 possent emittere, coegerunt. Animatus his vin- 6
 cendi primitiis miles, ad vicum Macepracta perve-
 nit, in quo semirutae 5) murorum vestigia videban-
 tur: qui priscis temporibus in spatia longa protenti,
 6) tueri ab externis incurfibus Assyriam dicebantur.
 Hinc pars fluminis scinditur largis aquarum agmini- 7
 bus, ducens ad tractus Babylonios interiores, usui
 agris futura et civitatibus circumiectis: alia Naha-
 malcha nomine, quod *fluvijs regum* interpretatur,
 Cteli-phonta praetermeat: cuius in exordio turris in
 modum Phari cellior surgit: hanc peditatus omnis
 pontibus caute digestis transivit. Equites vero cum 8
 iumentis armati clementiores gurgites fluminis obli-

4) Mf. rerigidis. 5) al. muri. 6) Mf. tueri.

quati transarunt: alii multitudine subita petiti telorum hostilium, quos egressi auxiliâres ad cursuram levissimi, fugientiumque cervicibus insistentes, laniatu avium prostraverunt.

- 9 Quo negotio itidem gloriose perfecto, ad civitatem Pirisaboram ventum est, amplam et populosam, ambitu insulari circumvallatam. Cuius obsequitans moenia Imperator et situm, obsidium omni cautela coeptabat, quasi sola formidine oppidanos a propugnandi studio submoturus. Quibus per colloquia saepe tentatis, cum nec promissis quisquam flecteretur nec minis, suscipitur oppugnandi exordium: et armatorum triplici corona circumdatis muris, die primo adusque noctis initium missilibus certabatur. Tum defensores animo praestantes et viribus, per propugnacula ciliciis undique laxius passis, quae telorum impetus cohiberent, obtecti scutis vimine firmissimo textis, et crudorum tergorum densitate vestitis, validissime resistebant, ferrea nimirum facie omni: quia laminae singulis membrorum liniamentis cohaerenter aptatae, fido operimento totam hominis speciem contegebant. Et aliquoties Hormisdæ et indigenae et regalis colloquia petentes obnixæ, propinquantem probris atque conviciis ut male fidum incessabant et desertorem: 7) hac lenta cavillatione diei maxima parte exempta, tenebrarum silentio primo multiformes admotæ sunt machinae, coeptaque altitudo complanari fossarum. Quæ vixdum ambigua luce defensores 8) intentius contemplati, eo accedente, quod angularem turrim ictus foravit arietis violentior, relictis civitatis duplicibus muris, continentem occupant arcem, asperi montis interrupta planitie superpositam: cuius medietas in sublime consurgens, tereti ambitu Argolici scuti speciem ostendebat, nisi

7) *al. ac.* 8) *al. intente.*

quod a septentrione id, quod rotunditati deerat, in Euphratis fluenta proiectae cautes eminentius tuebantur: in qua excellebant minae murorum, bitumine et coctilibus laterculis fabricatae, quo aedificii genere nihil esse tutius constat. Iamque fe-¹³ rociior miles pervasa urbe, quam viderat vacuam, adversus oppidanos ab arce multimoda tela fundentes acri contentione pugnabat. Cum enim iidem prohibitores catapultis nostrorum urgerentur atque ballistis: ipsi quoque ex edito arcus erigebant fortiter tenso: quibus panda utrimque surgentia cornua ita lentius flectebantur, ut nervi digitorum acti pulvis violentis arundines ferratas emitterent, quae corporibus illisae contrariis letaliter figebantur. Dimicabatur nihilominus utrobique saxorum ma-¹⁴ nualium nimbis: et neutrobi inclinato momento, proelium atrox a lucis ortu ad initium noctis destinatione magna protractum, pari sorte diremptum est. Proinde die sequuto cum certaretur asperrime, multique funderentur altrinfecus, et ⁹) aequae vires gesta librent: Imperator omnes aleae casus inter mutuas clades experiri festinans, cuneatim stipatus, densatisque clypeis ab ictu sagittarum defensus, veloci saltu comitantibus promptis prope portam venit hostilem, crasso ferro crustatam. Et licet saxis et ¹⁵ glande caeterisque telis cum periculo salutis premeretur, fodicare tamen paratos valvarum latera, ut aditum patefacerent, vocibus increpans crebris, non ante discessit, quam telorum congerie, quae superiaciebantur, se iam cerneret obruendum. Evasis cum omniibus tamen, paucis levius vulnera-¹⁶ tis, ipse innoxius, verecundo rubore suffusus. Leberat enim Aemilianum Scipionem, cum historiarum conditore Polybio, Megalopolitano Arcade, et ¹⁰) triginta militibus, portam Carthaginis impetu

9) Ms. aequi mores. 10) Vulg. triginta millibus.

simili subfodisse. Sed fides recepta scriptorum ve-
 17 terum recens factum defendit. Aemilianus enim
 testudine lapidea ¹¹⁾ tectam successerat portam, sub
 qua tutus et latens, dum moles saxneas detegunt ho-
 stes, urbem nudatam irrupit: Iulianus vero locum
 patentem ¹²⁾ adgressus, obumbrata caeli facie
 fragmentis montium et missilibus, aegre repulsus
 abscessit.

18 His raptim ac tumultuarie agitatis, cum opero-
 fitas vinearum et aggerum impeditiissima a caeteris
 urgentibus cerneretur: machinam, quae cognomi-
 natur Helepolis, iussit expeditius fabricari: quae,
 ut supra docuimus, ¹³⁾ rex usus Demetrius, supera-
 19 tis oppidis pluribus Poliorcetes adpellatus est. Ad
 hanc molem ingentem, superaturam celsarum tur-
 rium minas, prohibitores oculorum aciem intentius
 conferentes, itidemque instantiam obsidentium
 perpensantes, subito vertuntur ad preces: circum-
 fusique per turres ac moenium minas, et fidem Ro-
 manam panfis manibus protestantes, vitam cum ve-
 20 nia postulabant. Cumque cessasse ¹⁴⁾ opera, et mu-
 nitores nihil tentare viderent ulterius, quod quietis
 erat indicium certum: copiam sibi dari conferendi
 21 sermonis cum Hormisda poscebant. Hocque im-
 petrato, Mamerfides praesidiorum praefectus de-
 missus per funem, ¹⁵⁾ ductusque ad Imperatorem;
 ut obsecravit, vita cum impunitate sibi consortibus-
 que suis firmiter pacta, redire permissus est. Ge-
 stisque nuntiatis, plebs omnis utriusque sexus ad
 sententiam suam cunctis acceptis, pace foederata
 cum religionum consecrationibus fidis, patefactis
 egreditur portis, salutarem genium adfuisse sibi
 22 clamitans Caesarem magnum et lenem. Numerata
 sunt autem dediticiorum duo millia et quingenti:

¹¹⁾ *al.* tectus. ¹²⁾ *al.* ingressus. ¹³⁾ *Mf.* est usus Demetr.
¹⁴⁾ *Mf.* operam et venitores. ¹⁵⁾ *al.* deductusque.

nam caetera multitudo obsidium ante suspectans, navigiis parvis permeato amne discessit. In hac arce armorum alimentorumque copia reperta est maxima: unde necessariis sumptis, reliqua cum loco ipso exussere victores.

III. Postera die, quam haec acta erant, per-
fertur ad Imperatorem cibos per otium capientem
nuntius gravis, Surenam Perlicum ducem procur-
latorum partis nostrae tres turmas inopinum adgres-
sum, paucissimos trucidasse: inter quos strato tri-
buno unum rapuisse vexillum. Statimque concitus 2
ira immani, cum armigera manu festinatione ipsa
tutissimus pervolavit: et grassatoribus foeda conster-
natione depulsi, residuos duos tribunos sacra-
mento solvit ut desides et ignavos: decem vero mi-
lites ex his, qui fugerant, exauctoratos capitali ad-
dixit supplicio, sequutus veteres leges.

Incesa denique urbe, ut memoratum est, con- 3
structo tribunali insistens, actis gratiis exercitui
convocato, cunctos ad paria facienda deinceps hor-
tabatur: et argenteos nummos centenos viritim pol-
licitus, cum eos parvitate promissi percitos tumultu-
uari sensisset, ad indignationem plenam gravitatis
erectus:

En, inquit, Persae circumfluentes rerum omnium 4
copiis: dilare vos poterit opimitas gentis, si unum
spirantibus animis fortiter fecerimus. Ex immen-
sis opibus egentissima est tandem, credite, Romana
respublica per eos, qui, ut augerent divitias, do-
cuerunt Principes auro 1) *quiete a barbaris redem-*
pta redire. Impetitum aerarium est, urbes exina- 5
nitae, populatae provinciae: mihi nec facultates,
nec propinquitas generis suppetit, quamvis ortu sim
nobilis, praeter pectus omni liberum metu: nec pu-
debit Imperatorem cuncta bona in animi cultu po-

1) M. quietem a barbaris redemptam.

nentem, profiteri paupertatem honestam. Nam et Fabricii familiari re pauperes rexere bella gravissima, gloria locupletes. Haec vobis cuncta poterunt abundare, si imperterriti, Deo meque, quantum humana ratio patitur, caute ductante mitius egeritis: sin resistitis ad seditionum revoluti dedecora pri-
7 sinarum, pergite. Ut imperatorem decet, ego solus confecto tantorum munerum cursu moriar stando, contempturus animam, quam mihi febricula eripiet una. Aut certe discedam, nec enim ita vixi, ut non possim aliquando esse privatus. Praeque me fero et laetor, ductores spectatissimos esse nobiscum, perfectos bellicarum omni genere doctrinarum.

8 Hac modesta Imperatoris oratione, inter secunda et aspera ²⁾ medii, miles pro tempore delenitus, adsumpta cum meliorum expectatione fiducia, regibilem [se fore pollicitus et morigerum, cunctorum adspirante consensu] auctoritatem eius sublimitatemque cordis extollebat in caelum: quod, cum vere atque ex animo dicitur, solet ³⁾ armorum crepitu leni monstrari. Repetitis post haec tentoriis, pro copia rei praesentis victu se recreavit et quiete nocturna. Animabat autem Iulianus exercitum, cum non per caritates, sed per ⁴⁾ inchoatas negotiorum magnitudines deieraret adlidue: Sic sub iugum mitteret Persas: ita quassatum recrearet orbem Romanum: ut Traianus fertur aliquoties iurando dicta ⁵⁾ consueisse firmare: Sic in provinciarum speciem reductam videam Daciam: sic pontibus Histrum et ⁶⁾ Euphraten superem, et similia plurima.

10 Post haec decursis millibus passuum quatuordecim, ad locum quemdam est ventum, arva aquis abundantibus secundantem: quo itinere nos ituros
Perfac

2) al. meante. 3) al. amor ex crepitu. 4) Mf. inchoatas negotiorum magnitudines. 5) Mf. consueisse. 6) Mf. Aufidum.

Perfae praedocti, sublatis cataractis undas evagari
fufius permiferunt. Itaque humolate stagnante, al-
tero die militi requie data, Imperator ipfe praegref-
fus, conſtratis ⁷⁾ ponticulis multis ex utribus, ⁸⁾ et
⁹⁾ coriaceis navibus, ⁹⁾ itidemque conſectis palma-
rum trabibus, exercitum non fine difficultate tra-
duxit.

In his regionibus agri ſunt plures conſiti vineis ¹²
varioque pomorum genere: ubi oriri arbores adſue-
tae palmarum, per ſpatia ampla aduſque Meſenem
et mare pertinent magnum, inſtar ingentium nemo-
rum. Et quaqua inceſſerit quiſquam, termites et
ſpadica cernit adſidua, quorum ex fructu mellis et vini
conſicitur abundantia: et maritari palmae ipſae dicun-
tur, ¹⁰⁾ facileque ſexus poſſe diſcerni. Additur etiam, ¹³
generare feminas ſeminibus illitas marium, feruntque
eas amore mutuo delectari: hocque inde clarere,
quod contra ſe ¹¹⁾ viciffim nutantes, ne turgidis qui-
dem flatibus avertuntur. Et ſi ex more femina ma-
ris non illita fuerit ſemine, abortus vitio fetus emit-
tit ¹²⁾ intempeſtivos. Et ſi qua femina, cuius ar-
boris amore percuſſa ſit, ignoretur, unguento ipſius
inſicitur truncus, et arbor alia naturaliter odoris
dulcedinem concipit: hisque indiciis velut coeundi
quaedam proditur fides.

Qua cibi copia ſatur exercitus, plures praeter-
greſſus eſt inſulas: et ubi formidabatur inopia, ibi
timor ſaginae gravis inceſſit. Sagittariorum deni-
que hoſtilium impetu ¹³⁾ latentibus tentatus, neque in-
ultus, prope locum venit, ubi pars maior Euphratis
in rivos ¹⁴⁾ dividitur multifidos.

IV. In hoc tractu civitas, ob muros humiles ab
incolis Iudaeis deſerta, iratorum manu militum con-

7) Mf. periculis. 8) Mf. procia navibus. 9) Mf. itidemque.
10) Mf. facilesque. 11) Steph. enixiſſime micantes. 12) Mf. in-
tempeſtuoſus. 13) Mf. latentibus. 14) Mf. dividitur.

- flagravit. Quibus actis pergebat ulterius Imperator, placida ope numinis, ut arbitrabatur, erectior. Cumque Maogamalcha venisset, urbem magnam et validis circumdatam moenibus, tentoriis fixis providit sollicitè, ne castra repentino equitatus Perfici turbarentur accursu: cuius fortitudo in locis patentibus immane quantum gentibus est formidata.
- 3 Et hoc disposito, stipatus velitibus paucis, ipse quoque pedes civitatis situm diligenti inquisitione exploraturus, in perniciosas praecipitatus insidias, ex
- 4 ipso vitae discrimine tandem emerfit. Namque per latentem oppidi portam Persae decem armati degressi, imaque clivorum pervadentes poplitibus sublidendo, repentinè impetu nostros adgressi sunt. E quibus duo conspectiorem habitu Principem gladiis petiere districtis: sed occurrit ictibus erectum altius scutum: quo contextus magna elataque fiducia unius lateri ferrum infixit: alterum stipatores multiplicatis ictibus occiderunt. Residuis, e quibus vulnerati sunt aliqui, disiectis in fugam, spoliatisque ambobus, reducens incolumes socios cum exuviis remeavit ad castra, omnium laetitia magna
- 5 susceptus. Sustulit in hoste prostrato aureum colli monile Torquatus: fudit confidentissimum Gallum alitis propugnatione Valerius, postea cognomento Corvinus: hacque gloria posteritati sunt commendati: non invidemus: accedat hoc quoque monumentis veteribus facinus pulchrum.
- 6 Constratis postridie pontibus, exercituque ¹⁾ trajecto, et metatis alibi salubrius castris vallo duplici circumductis, quoniam (ut diximus) timebantur solitudines planae, oppidi suscepit obsidium, periculosum fore existimans, si gradiens prorsus, a tergo relinqueret, quos timeret.

1) *al. traiecto.*

Haec dum magno molimine comparantur, Su- 7
 rena hostium dux iumenta adortus, quae in lucis
 palmaribus vescebantur, a cohortibus nostris repul-
 soriis cum paucorum exitio habitus frustra, disces-
 sit. Et duarum incolae civitatum, quas amnes am- 8
 plexi faciunt insulas, parva sui fiducia trepidi ad
 Ctesiphontis moenia se contulerunt: pars per silva-
 rum densa; alii per paludes vicinas alveis arborum
 cavatarum inveci, ad unicum auxilium et potissi-
 mum itineris longi, quod supererat, dilabuntur, ul-
 teriora petitori terrarum. E quibus resistentes ali- 9
 quos nostri milites trucidabant: ipsi quoque lintri-
 bus et cymbis per varia discurrentes, captivos alios
 subinde perducebant. Id enim erat librata ratione
 dispositum, ut, dum copiae pedestres muros op-
 pugnant, equestres turmae divisae per globos abigen-
 dis insisterent praedis: hocque proviso, nullo provin-
 cialium damno miles visceribus hostium pascebatur.

Iamque Imperator muris duplicibus oppidum, 10
 ordine circumdatum trino scutorum, spe patrandi
 incepti, maximis viribus oppugnabat. Sed ut erat
 necessarius adpetitus, ita effectus res difficillima:
 nam accessus undique rupibus anfractu celliore di-
 scissis, flexuosisque excessibus, ob periculum an-
 cepti adeundi copiam denegabat: maxime cum tur-
 res celebritate et altitudine formidandae, montem
 saxeam arcis naturaliter editum aequabant, et pro-
 clivis planities flumini imminens propugnaculorum
 firmitate munebatur. Accedebat his haud levius 11
 malum, quod lecta manus et copiosa, quae obside-
 batur, nullis ad deditionem illecebris flectebatur,
 sed tamquam superatura vel devota cineribus patriae,
 resistebat adversis. Iam aegre retentabatur infe-
 rens se protervius miles, et pugnam vel aequo
 campo iustoque proelio poscens: cumque receptui
 caneretur, assidue animosis hostem urgendi conati-
 bus urebatur.

- 12 Vicit tamen nostrorum consilium contentionem virium maximam: divisisque operibus, officia quisque distributa capessit ocissime. Hinc enim ardui suggestus erigebantur: iude fossarum altitudines alii complanabant: terrarum latibula concava oblongis tramitibus alibi struebantur: locabant etiam artifices tormenta muralia, in funestos sonitus proruptura.
- 13 Et cuniculos quidem cum vineis Nevita et Dagalaiphus curabant: ineundis autem conflictibus, et defendendis ab incendio vel eruptionibus machinis praeerat Imperator.

Cumque adparatu omni excindendae urbis labore multiplici consummato, pugna flagitaretur: 2) Victor nomine dux reversus est, adusque Ctesiphonta itineribus exploratis, nulla obstacula nuntians offendisse. Quo efferati gaudio milites omnes, elatique firmioribus animis ad certandum, signum opperiebantur armati.

- 15 Iamque clangore Martio sonantibus tubis strepebant utrimque partes: et primi Romani hostem undique laminis ferreis in modum tenuis 3) plumae consaepum, fidentemque, quod tela rigentis ferri lapibus impacta resiliebant, crebris procurrationibus et minaci murmure lacebant: nonnumquam compage scutorum, qua velut testudine infigurabili fornicum operiebantur aptissime, adfiduis motibus laxius dehiscere. Contra Persae muris obstinatius adhaerentes, quantum facere nitique poterant, eludere et frustrari exitiales impetus conabantur.
- 16 Verum ubi vimineas crates prae se ferentes oppugnatores iam moenia perurgerent, cum sagittariis funditores, alii quinetiam saxa volventes ingentia, cum facibus et malleolis eos longius propulsa-
bant: tum aptatae ligneis sagittis ballistae flexu stridoreque torquebantur, creberrima spicula funditan-

2) *vd nomine* deest al. 3) *Mf. plumae conceptum.*

tes, et scorpiones, quocumque manus peritae duxissent, rotundos lapides evibrabant. Iterum deinde 17 ac saepe geminatis congressibus, aestus in meridiem crescens, effervescente vaporatus sole, adparatu operum et studio proeliandi intentos cunctos, revocaverat fatigatos 4) et sudore perusos.

Eodem mentis proposito sequuto quoque die per 18 varia certaminum genera controversae partes dimicantes instanter, aequis manibus et pari fortuna discedunt. Verum in omne discrimen armatis proximus Princeps civitatis urgebat excidium, 5) ne circa muros diu excubans, omitteret maiora, quae tentabat. Sed in districtis necessitatibus nihil tam 19 leve est, quod non interdum etiam contra sperata, rerum adferat momenta magnarum. Cum enim, ut saepe, discessurae partes levius concertarent, abusive incusso ariete, qui paullo ante erat admotus, sternitur residuis omnibus altior turris, latere coctili firmissime structa: cuius ruina muri contiguum latus secum immani fragore protraxit. Ibi tum varietate 20 casuum obsidentium labor, oblesorumque industria vicissim facinoribus speciosis inclarnit. Nihil enim asperum ira et dolore succenso militi videbatur: nihil munitoribus erat pro salute currentibus metuendum aut dirum. Nam cum anceps pugna diutius fervens, sanguine utrimque multis caedibus fuso, diei finisset occasu, tandem fatigationi consulitur.

Dumque haec luce agerentur ac palam, nuntia- 21 tur Imperatori pervigili cura distento, legonarios milites, quibus cuniculorum erant fodinae mandatae, cavatis tramitibus subterraneis 6) sublicibusque suspensis, ima penetrasse fundamentorum, iam,

4) Steph. aut sudore. 5) In Steph. editione haec verba desunt.

6) Mf. supplicibusque susp. Vg. sublicibus susp. ut Festus et Caesar.

- 22 si ipse disposuerit, evasuros. Cum itaque noctis plerumque processisset, aeneatorum accentu signo dato progrediendi ad pugnam, ad arma concursum est: et consulto murorum invaduntur utrimque frontes, ut, dum propulsaturi pericula defensores ultro citroque discurrunt, nec proxima fodientis audiretur ferri tinnitus, nec quoquam intrinsecus obfistente, cuniculariorum subito manus emergat.
- 23 Quibus ita, ut convenerat, ordinatis et occupatis prohibitoribus, patefactisque latebris, evolat 7) Exsuperius de victorum numero miles, post quem Magnus tribunus, et Ioviapus notarius: quos audax multitudo sequuta, his prius confossis, quos in aede, per quam in lucem prodierant, invenerunt, suspensis gradibus procedentes obtruncarunt vigiles omnes, ex usu moris gentici iustitiam felicitatemque
- 24 regis sui canoris vocibus extollentes. Existimabatur Mars ipse, si misceri hominibus numina maiestatis iura permittunt, adfuisse castra Lucanorum invadenti Luscino. Hocque ideo creditum est, quod in congressu flagranti scalas vehens visus formidandae vastitatis armatus, postridie, cum recenseretur exercitus, praecipuo studio quaesitus, reperiri non potuit: cum se ultro offerret, si miles fuisset, memorabilis conscius facti. Sed ut tunc qui esset pulchri facinoris auctor, penitus est ignotum, ita nunc enituerunt ii, qui fecere fortissime, obsidionalibus coronis donati, et pro concione laudati veterum more.
- 25 Tandem nudata referatis aditibus multis, lapsura invaditur civitas: et sine sexus discrimine vel aetatis, quidquid impetus reperit, potestas iratorum absumpsit: alii exitii imminentis timore, cum hinc ignis, inde mucrones urgerent, ultimum flentes, e muris acti sua sponte praecipites, membrisque

7) *Vulg. ex superius devictorum numero.*

omnibus infirmati, vitam morte funestiore paulisper, dum caederentur, egerunt: Extractus est 26 autem vivus cum satellitibus LXXX. Nabdates praesidiorum magister, quem oblatum sibi cum aliis servari iussit intactum serenus Imperator et clemens.

Divisa itaque perpensis meritis et laboribus praeda, ipse ut erat parvo contentus, mutum puerum oblatum sibi suscepit gesticularium; multa, quae callebat, nutibus venustissimis explicantem, et tribus aureis nummis partae victoriae praemium iucundum, ut existimabat, et gratum. Ex virginibus 27 autem, quae speciosae sunt captae, ut in Perfide, ubi feminarum pulchritudo excellit, nec contrectare aliquam voluit, nec videre: Alexandrum imitatus et Africanum, qui haec declinabant, ne frangerentur cupiditate, qui se invictos a laboribus ubique praestiterunt.

Inter haec certamina nostrae partis architectus, 28 cuius nomen non suppetit, post machinam scorpionis forte adfistens, reverberato lapide, quem artifex titubanter aptaverat fundae, obliso pectore 8) supinatus profudit animam, disiecta compage membrorum adeo, ut ne signa quidem totius corporis noscerentur.

Exin profecto Imperatori index nuntiaverat cer- 29 tus, circa muros subverfi oppidi fallaces foveas et obscuras, quales in tractibus illis sunt plurimae, subfedissem manum infidiatricem latenter, ut improvise inde 9) exorta agminis nostri terga feriret extrema. Confestimque ad extrahendam eam missi sunt com- 30 pertae fortitudinis pedites. Qui cum neque pervadere foraminum aditus, nec amandatos intus prolicere possent ad decernendum, collectam stipulam et sarmenta specuum faucibus adgesserunt. Unde fumus angustius penetrans, ideoque spissior, quos-

8) Steph. fauciatus. 9) Mf. exorta.

dam vitalibus obstructis necavit; alios ignium adflatus immissus prodire in perniciem coëgit abruptam: et ita omnibus ferro incendiove consumptis, ad signa repedavit ocius miles. Hoc modo civitas ampla et populosa virtute roboris excisa Romani, in pulverem concidit et ruinas.

31 Post quae tam gloriosa transitis pontibus, multorum annium concursu continuatis, ad munimenta gemina venimus aedificiis cautis exstructa: ubi Victorem Comitem exercitus praevium a transitu fluminis regis filius, progressus a Ctesiphonte cum optimatibus et multitudine armata, prohibere conatus, catervis sequentium militum visis abscessit.

1 V. Pergentes itaque protinus ad lucos venimus, agrosque pube variorum seminum laetos: ubi reperta regia Romano more aedificata, quoniam id
2 placuerat, mansit intacta. Erat etiam in hac eadem regione extantum spatium et rotundum, loricae ambitu circumclausum, destinatas regiis voluptatibus continens feras, cervicibus iubatis leones, armisque hispidos apros, et ursos (ut sunt Persici) ultra omnem rabiem saevientes, et alia lecta immania corpora bestiarum: quas omnes diffractis portarum obicibus, equites nostri venatoriis lanceis et missilium
3 multitudine confoderunt. 1) Quae loca pingui situ et cultu: quibus 2) Coche, quam Seleuciam nominant, haud longius disparatur: ubi vallatis operetumultuario castris, et exercitu omni per aquarum et pabuli opportuna biduo recreato, antegressus cum procurfatoribus princeps, et civitatem desertam collustrans, a Vero Principe quondam excisam, 3) in qua perpetuus fons stagnum ingens eiecat, in Tigridem defluens: corpora vidit suffixa patibulis multa 4) necessitudinum eius, quem prodidisse civi-

1) Mf. Quae loco pingui sitas. 2) Mf. coaequans. 3) Mf. in quo. 4) al. necessariorum.

tatem Pirisaboram retulimus supra. Hic et Nabda-
tes vivus exustus est, quem extractum cum lxxx.
latebris expugnatae docui civitatis: eo quod inter
exordia obsidii coepti clam pollicitus prodere, di-
micavit acerrime, adeptusque veniam insperatam,
ad id proruperat insolentiae, ut Hormisdam lace-
raret omnibus probris.

Itaque aliquantum progressi, tristi percellimur⁵
facto: dum enim tres procurfatorum cohortes⁶) ex-
peditae cum cuneo Perfico decertarent, quem pate-
factis subito portis profuderat civitas: proruptores
alii ex contraria fluminis ripa iumenta nos sequen-
tia cum pabulatoribus paucis licenter palantibus in-
tercipiunt et obtruncant. Unde profectus Impera-
tor iratus et frendens, iamque regionibus Ctesiphon-
tis propinquans, celsum castellum offendit et muni-
tissimum: ad quod explorandum ausus accedere,
obscurior ut ipse rebatur, cum paucis obequitans
muros, paulloque avidius intra⁶) iactum telorum re-
pertus, latere non potuit: statimque diverforum mis-
silium nube exagitatus oppetisset tormento murali, ni
vulnerato armigero, qui lateri eius haerebat, ipse
seutorum densitate contactus, evitato magno discrimi-
nine discessisset.

Qua causa concitus immane, munimentum dis-
posuit obsidere, prohibitoribus acriter ad resiten-
dum intentis, quod loco fidebant propemodum in-
accessso, quodque rex cum ambiciosiis copiis passibus
citius incedens propediem adfore credebatur. Iam⁸
que vineis et residuis omnibus, quae poscebat ob-
sidium, paratis, vigilia secunda praecipiti, cum
nox casu tunc lunari splendore nitens, his, qui
propugnaculis insisterant, aperte cuncta monstra-
ret: repente in unum pondus coacta multitudo pa-
tefactis subito portis erupit: cohortemque necopi-

5) Ms. expeditae. 6) Ms. ictum.

nantem adorta, nostrorum caecidit complures: inter quos etiam tribunus peremptus est, periculum
9 propulsare conatus. Quae cum ita aguntur, pari modo, ut antea, Persae ex adversa fluminis ripa partem adorti nostrorum, interfectis quibusdam vivos cepere nonnullos. Et timore, simul quia venisse in maiorem numerum copiae putabantur hostiles, egere nostri tunc segnius: sed ubi animis in audaciam restitutis, armisque raptis inter tumultum, exercitus cantu concitus buccinarum, cum minaci murmure festinaret, eruptores perterriti reverterunt
10 intacti. Et Imperator ira gravi permotus, reliquos ex ea cohorte, qui abiecte sustinuerant impetum grassatorum, ad pedestrem compegit militiam, quae
11 onerosior est, dignitatibus imminutis. Flagrans post haec ad eruendum castellum, ubi periclitatus est, operam convertit et curam, numquam ab antesignanis ipse digrediens, ut inter primos dimicans militi ad fortiter faciendum esset exemplo spectator probatorque gestorum. Quo inter discriminum vertices diu multumque versato, varietate munitionum atque telorum, et conspiratione 7) oppuguatorum,
12 idem castellum incenditur captum. Post quae, consideratis asperitatibus ante gestarum rerum et impendentium, requievit exercitus labore nimio quasiatus, multis victui congruis adfatim distributis. Vallum tamen sudibus densis et fossarum altitudine cautius deinde struebatur, cum a vicinia iam Ctesiphonte repentini excursus, et alia formidarentur occulta.

1 VI. Ventum est hinc ad fossile flumen Naharmalcha nomine, quod amnis regum interpretatur, tunc aridum. Id antehac Traianus, posteaque Severus, egesto solo fodiri in modum canalisi amplissimi studio curaverat summo, ut, aquis illuc ab Eu-

7) al. pugnatorum.

phrate transfusis, naves ad Tigridem commigrarent. Tutissimumque ad omnia visum est eadem loca purgari, quae quondam familia Persae timentes mole saxorum obruere multorum. Hacque valle purgata, ¹⁾ avulsis cataractis undarum magnitudine classis secura stadiis xxx. decursis, in alveum eiecta est Tigridis: et contextis illico pontibus ²⁾ transgressus exercitus, iter ³⁾ Cochen versus promovit. Utque lassitudini succederet quies opportuna, in agro confedimus opulento, arbutis et vitibus et cupressorum viriditate laetissimo, cuius in medio diverforium opacum est et amoenum, gentiles picturas per omnes aedium partes ostendens, regis beftias venatione multiplici trucidantis: nec enim apud eos pingitur vel fingitur aliud praeter, varias caedes et bella.

Proinde cunctis ex sententia terminatis, Augustus altius iam contra difficultates omnes incedens, tantumque a fortuna sperans nondum adflicta, ut propius temeritatem multa crebro auderet: validiores naves, ex his, quae alimenta portabant et machinas, deoneratas octogenis implevit armatis: retentoque secum classis robore firmiore, quam in tres diviserat partes, unam cum Victore Comite quiete prima noctis emitti disposuit, ut flumine raptim transmissis ripae occuparentur hostiles. Quod cum acri metu territi duces concordi precatu fieri prohibere tentarent, neque destinationem flecterent Principis, sublato vexillo, ut iussum est, evolant e conspectu quinque subito naves: et cum ripas iam adventarent, facibus et omni materia, qua alitur ignis, petitae adfiduis iactibus, cum militibus iam conflagrassent, ni veloci vigore pectoris excitus Imperator, signum sibi datum, nostros, quod margines iam tenerent, ut mandatum est,

1) Mf. depulsis. 2) Mf. congressus. 3) Mf. Cothen.

erexisse proclamans, classem omnem properare citis
 6 remigiis adegisset. Quo facto et naves incolumes
 sunt receptae: et residuus miles, quamquam saxis
 et varietate telorum ex edito vexaretur, post con-
 certationem acerrimam praealtas ripas et arduas su-
 7 pergressus, stabat immobilis. Et miratur historia
 Rhodanum arma et loricam retinente Sertorio trans-
 natatum: cum eo momento turbati quidam milites,
 veritique, ne remanerent post signum erectum,
 scutis, quae patula sunt et incurva, proni firmissus
 adhaerentes, eaque licet imperite regendo, per
 voraginosum amnem velocitatem comitati sint
 navium.

8 Contra haec Persae obiecerunt instructas cata-
 phractorum equitum turmas sic confertas, ut lami-
 nis coaptati corporum flexus splendore praestringe-
 rent occurrentes obtutius, operimentis scorteis equo-
 rum multitudine omni defensa: quorum in subsidiiis
 manipuli locati sunt peditum, contexti scutis oblon-
 gis et curvis, ⁴⁾ quae tecta vimine et coriis crudis
 gestantes, densius se commovebant. Post hos ele-
 phanti gradientium collium specie, motuque im-
 manium corporum propinquantibus exitium inten-
 tabant, documentis praeteritis formidati.

9 Hinc Imperator catervis peditum infirmis me-
 dium inter acies spatium secundum Homericam
 dispositionem praestituit, ne locati priores, ceden-
 tesque deformiter cunctos averterent secum, aut
 postsignani pone omnes reiecti centurias, nullo
⁵⁾ retinente, licentius verterent terga: ipse cum levis
 armaturae auxiliis per prima postremaque discur-
 rens.

10 Ergo ubi vicissim contiguae se cernerent partes,
 cristatis galeis corusci Romani, vibrantesque cly-

4) MI. quae tecta vimine et coriis crudis gestantes. 5) Steph.
 renitente.

peos, velut pedis anapaesti praecinentibus modulis lenius procedebant: et praepilatis missilibus per 6) procuratores principis pugnae tentatis, excita undique humus rapido turbine portabatur. Et cum 11 undique solito more conclamaretur, virorumque alacritatem 7) sonantia classica iam iuvarent, hastis et mucronibus strictis hinc inde comminus pugnabatur: sagittarum periculis miles erat immunis, quantum interiora festinatius occupabat. Inter quae Iulianus pullos fulcire subsidii, incitareque tardantes, quasi contumalis strenuus properabat et rector. Laxata itaque acies prima Persarum, 8) leni ante, 12 dein concito gradu calefactis armis retrorsus gradens, propinquam urbem petebat: quam sequebatur miles itidem fessus, in campis torridis adusque diei finem a lucis ortu decernens: eiusque occipitiis pertinacius haerens, omnem cum Pigrane, et Surena, et 9) Narseo potissimis ducibus adusque Ctesiphontis muros egit praecipitem 10) adverforum feriens furas et terga. Perrupissetque civitatis adi- 13 tus, lapsum agminibus mistus, ni dux Victor nomine manibus erectis prohibuisset et vocibus, ipse humerum et sagitta praestriatus: et timens, ne intra moenium ambitus rapidus miles inconsulte reperi- tus, nullosque inveniens exitus, multitudinis pondere circumveniretur.

Sonent Hectoreas poetae veteres pugnas: forti- 14 tudinem Thessali ducis extollant: longae loquantur aetates Sophanem, et Aminiam, et Callimachum, et 11) Cynaegirum, Medicorum in Graecia 12) fulmina illa bellorum: non minus illo die quorundam ex nostris inclaruisset virtutem, omnium confessione monstratur.

6) Ita Mf. et Steph. *Vulgo* procuratores. 7) Mf. sonans classica iam iuvaret. 8) Mf. leniente et incone. 9) Mf. Narseo. 10) *al.* averforum. 11) Mf. Capegirum. 12) Mf. culmina.

- 15 Post timorem depositum calcatasque ruinas hostilium corporum, iusto sanguine miles etiam tum cruentus, ad Imperatoris tentoria congregatus, laudes ei perhibebat et gratias, quod ignoratus ubique, dux esset an miles magis, tum ita rem prospere gesserat, ut caesis Persarum plus minusve duobus milibus et quingentis, LXX. caderent soli nostrorum.
- 16 Qui adpellans plerosque nominatim, quos stabili mente aliquid clarum fecisse ipse arbiter perspexit, navalibus donavit coronis, et civicis, et castrensibus.
- 17 Abunde ratus post haec prosperitates similes adventare, complures hostias Marti parabat ultiori: et ex tauris pulcherrimis decem ad hoc perductis, nondum aris admoti voluntate sua novem procubuerunt tristissimi: decimus vero, qui diffractis vinculis lapsus, aegre reductus est, mactatus ominosa signa monstravit. Quibus visis exclamavit indignatus acriter Iulianus, Iovemque testatus est, nulla Marti iam sacra facturum: nec refecravit, celeri morte praereptus.
- 1 VII. Digesto itaque consilio cum primatibus super Ctesiphontis obsidio, itum est in voluntatem quorundam, facinus audax et importunum esse noscentium id adgredi: quod et civitas situ ipso¹⁾ inexpugnabilis defendebatur, et cum metuenda
- 2 multitudine protinus rex adfore credebatur. Vicit sententia melior: cuius utilitate Princeps solertissimus adprobata, Arinthaenum cum manu peditum expedita ad populandas regiones circumfatas misit, armentis laetas et frugibus, hostes pari persequutorum industria, quos dispalatos nuper densi tramites et latebrae texere²⁾ notissimae: hinc opulenta.
- 3 Sed ille avidae semper ad ulteriora cupiditatis, parvi habitis vetantium dictis, et increpitis optimati-

1) *at. inexpugnabili.* 2) *Ml. notissimae hinc opulenta. Sed.*

bus, quod ob inertiam [otiique desiderium amitti suaderent prope iam] parta regna Perfidis: flumine laeva relicto, infaustis ductoribus praeviis, mediterraneas vias arripere ³⁾ citato proposuit gradu. Et tamquam funesta face Bellonae subiectis ignibus ⁴ exuri cunctas iusserat naves, praeter minores duodecim, quas profuturas pangendis pontibus disposuit vehi carpentis: idque putabat utiliter ordinasse, ne relicta classis usui hostibus foret, aut certe, ut ab expeditionis primordio factum est, armatorum fere viginti millia in trahendis occuparentur iisdem navibus et regendis.

Dein, cum metuens sibi quisque mullaret, mon- ⁵ straretque perspicua veritas, quod repulsus forsitan ariditate vel altitudine montium, ad aquas redire non poterit miles, tortique perfugae aperte faterentur, se fessellisse, concursu maximo extinguere iussae sunt flammæ. Et quoniam ignis auctus immaniter plerasque consumpsit, XII. tantummodo naves potuerunt intactae servari, quae, ut possint custodiri, discretæ sunt. Hoc casu classe, cum non oportet- ⁶ ret, abolita, Iulianus consociato fretus exercitu, cum armatorum nulli per diversa ⁴⁾ distringerentur, numero potior ad interiora tendebat, alimenta adfatim opulentis suggerentibus locis.

Quo cognito, hostes, ut inedia nos cruciarent, ⁷ herbas cum adultis segetibus incenderunt: et conflagratione procedere vetiti, stativis castris, dum flammæ senescerent, ⁵⁾ tenebamur. Insultantesque nobis longius Persae, nunc de industria se diffundebant, aliquoties confertius resistentes: ut procul conspicantibus viderentur advenisse iam regis auxilia, ideoque eos aestimaremus erupisse ad audaces excursus et insolita tentamenta. Maerebat tamen ⁸ ob haec Imperator et miles, quod nec contabulandi

3) Mf. charo. 4) al. distingerentur. 5) al. nitebamur.

pontis erat facultas, amissis navibus temere, nec occurrere poterat hostis adventicii motibus, quem adesse ⁶⁾ coruscus nitor indicabat armorum, arte pro singulis membris inflexus. Hisque accedebat aliud haud exiguum malum: quod nec adminicula, quae praestolabamur cum Arsace et nostris ducibus, adparebant, ob causas impedita praedictas.

- ¹ VIII. Has ob res ut solaretur anxios milites Princeps, captivos graciles suapte natura, ut paene sunt Persae, et macie iam confectos iussit in medium duci: nostrosque respiciens, *En, inquit, quos Martia ista pectora viros existimant, deformes illuvie capellas et taetras, utque crebri docuerunt eventus, antequam manus conferant, abiectis armis*
- ² *vertentes semet in fugam.* Quibus dictis, remotisque captivis, super rerum summa consultabatur. Et multis ultro citroque dictitatis, cum reverti debere per loca, qua venimus, plebs vociferaretur imprudens: resistebat intentius Princeps, multis cum eo nequaquam fieri posse monstrantibus, per effusam planitiem pabulo absumpto et frugibus, vicorumque reliquiis exultorum inopia squalentibus ultima: quodque liquentibus iam brumae pruinis omne immaduerat solum, et ruptis riparum terminibus aucti inhorruere torrentes.
- ³ ¹⁾ Eo etiam ad difficultatem accedente negotii, quod per eas terras vapore sideris calescentes, muscarum et culicum multitudine referta sunt omnia, earumque volatu dies et astrorum noctu micantium facies obumbratur.
- ⁴ Et cum nihil humani proficerent sensus, diu fluctuantes et dubii, exstructis aris caesisque hostiis consulta numinum ²⁾ scitabamur: utrum nos per Assyriam reverti censerent, an praeter radices montium lenius gradientes, Chiliocomum prope ³⁾ Corduenam

6) Mf. cornuscus. 1) Mf. ego etiam. 2) Mf. citabantur. 3) Mf. Corduam.

duenam sitam ex improvise vastare: quorum neutrum extis inspectis confore dicebatur. Sedit tamen sententia, ut, omni spe meliorum succisa, Corduenam arriperemus: et xvi. Kal. Iulias promotis iam signis, ⁴⁾ progressu imperatore cum lucis exordio, fumus vel vis quaedam turbinata pulveris adparebat: ut opinari daretur asinorum esse greges agrestium, quorum multitudo in tractibus est illis innumera, ideo simul incedens, ut constipatione densa feroces leonum frustrentur adsultus. Quidam arbitrabantur Saracenos duces adventare iam nostros, rumoribus percitos, quod Imperator Ctesiphonta magnis viribus oppugnaret: nonnulli Persas nobis ⁵⁾ viantibus incubuisse firmabant. Ideo inter haec ita ambigua, ne quid adversum accideret, revocantibus agmina classicis, in valle graminea prope rivum, multiplicato scutorum ordine in orbiculatam figuram metatis tutius quievimus castris. Nec enim adusque vesperam aëre concreto discerni potuit, quidnam esset, quod diu squalidius videbatur.

4) *Vulg.* progressu iam lucis. 5) *ML.* viantibus.

AMMIANI MARCELLINI

RERUM GESTARUM

LIBER XXV.

*Perse Romanos iter facientes adorti, fortiter reprimuntur. C. I. Inopia frumenti et pabuli premitur exercitus: Iulianus terretur ostentis. II. Imperator, dum ad repellendos Persas, qui undique instabant, omissa lorica temere se proeliis inserit, hasta vulneratur, ac in tabernaculum refertur, ubi circumstantes alloquitur ac post epotam frigidam moritur. III. *) Virtutes eius ac vitia, forma corporis et statura. IV. Iovianus, primicerius domesticorum protectorum, tumultuarie eligitur imperator. V. Romanos ex Perside redire properantes, procedentesque, crebris proeliis lacessunt Persae et Saraceni, ac magno cum detrimento repelluntur. VI. Fame et inopia suorum adductus Iovianus A. pacem cum Sapore necessariam sed turpissimam facit, traditis V. regionibus cum Nisibi et Singara. VII. Romani fluvio Tigri transito, post diuturnam et maximam cibariorum inopiam fortiter toleratam, tandem in Mesopotamiam perveniunt. Iovianus A. res Illyrici atque Galliarum utcumque ordinat. VIII. Bineses nobilis Persa Nisibin urbem inexpugnabilem nomine Saporis a Ioviano recipit: oppidani inviti patria excedere, et Amidam migrare compulsi. V. regiones cum urbe Singara et XVI. castellis ex pacto Persis*

*) In hisce argumentis capita promiserant Gronovius et Ernesti undecim, nonnisi decem tamen inveniuntur in contexto. Error autem cum in hoc capite tertio latere mihi videretur, malui duo-

rum capitum contenta in unum contrahere, quam ordinem, quem historicos in laudandis huius libri capitibus observare animadverti, turbare.

optimatibus adsignantur. IX. Iovianus metu rerum novarum per Syriam, Ciliciam, Cappadociam et Galatiam celeriter itinere facto, Ancyrae cum Varróniano filio infante consulatum inivit ac mox Dadaſtanae repentina morte fungitur. X.

Et hanc quidem noctem nullo fiderum fulgore i splendentem, ut solet in arduis rebus et dubiis, exegimus, nec sedere quoquam auso nec flectere in quietem lumina prae timore. Ubi vero primum dies inclaruit, radiantibus ¹⁾ loricae limbis circumdatae ferreis, et corusci thoraces longe prospecti, adesse regis copias indicabant. Hocque viso accensum, ²⁾ properantem congregi militem dirimente fluvio brevi prohibuit Imperator: et non procul a vallo ipso inter excursatores nostros et Persicos proelio acri conferto, Machamaeus cecidit ductor unius agminis nostri. Cui propugnaturus Maurus frater, dux postea Phoenices, cum germani trucidasset interfectorem, obvium quemque perterrens, infirmatus et ipse humerum telo, pallescentem morte propinqua Machamaeum extrahere pugna viribus valuit magnis.

Et cum fatiscerent vix toleranda aestuum magnitudine crebrisque congressibus partes, ³⁾ ad ultimum hostiles turmae gravi sunt repulsa discussae. Hinc recedentibus nobis longius, ⁴⁾ Saraceni nostrorum metu peditum repedare compulsi, paullo postea innexi Persarum multitudine tutius irruebant, Romana impedimenta rapturi: verum viso Imperatore ad alas subsidiarias reverterunt. Qua ex regione profecti ad Hucumbra nomine villam pervenimus: ubi per biduum omnibus ad esum congruis, et satietate quaesita frumenti ultra spem recreati discessimus:

A a 2

1) Mf. loricae nimbis circumd. 2) Mf. proferentem. 3) Mf. Saraceni sunt et nostrorum.

et confestim, absque his, quae tempus vehi permittit, reliqua flammis exusta sunt.

5 Postridie exercitu sedatius procedente, extremos, qui eo die forte cogendorum agminum officia sustinebant, nec opinantes Persae adorti, negotio levi interfecissent, ni proximus equitatus noster, hoc⁴⁾ ocius intellecto, per patulas valles late diffusus tantam molem discriminis, vulneratis, qui su-
6 pervenerant, ⁵⁾ repulisset. In hac cecidit pugna Adaces nobilis satrapa, legatus quondam ad Constantium Principem missus, ac benigne susceptus: cuius exuviis interfector Iuliano oblati, remuneratus est, ut decebat. Eodem die Tertiacorum
7 equestris numerus a legionibus incusatus est, quod, cum ipsae hostium adversas irrumperent acies, illi paullatim dilapsi, alacritatem paene totius minuis-
8 sent exercitus. Unde ad indignationem iustam Imperator erectus, adeptis signis hastisque diffractis, omnes eos, qui fugisse arguebantur, inter impedimenta et sarcinas et captivos agere iter imposuit, ductore eorum, qui solus fortiter decertarat, aliae
9 turmae adposito, cuius tribunus turpiter proelium deferuisse convincebatur. Abiecti sunt autem sacramento, etiam alii quatuor ob flagitium simile vexillationum tribuni: hoc enim correctionis moderamine leniori, impendentium consideratione difficultatum contentus est Imperator.

10 Progressi itaque LXX. stadia attenuata rerum omnium copia, herbis frumentisque crematis, ex flammis ipsis raptas fruges et pabula, ut quisque vehere
11 potuit, conservavit. Hoc etiam loco relicto, cum ad tractum Maranga adpellatum omnis venisset exercitus, prope lucis confinia immensa Persarum adparuit multitudo, cum Merene equestris magistro militiae, filiisque regis duobus, et optimatibus

4) Ms. acutius. 5) Ms. repulissent.

plurimis. Erant autem omnes catervae ferratae, ita 12
per singula membra densis laminis tectae, ut iun-
cturae rigentes compagibus artuum convenirent:
humanorumque vultuum simulacra ita capitibus di-
ligenter apta, ut imbracteatis corporibus solidis,
ibi tantum incidentia tela possint haerere, qua per
cavernas minutas et orbibus oculorum adfixas par-
cius visitur, vel per supremitates narium angusti spi-
ritus emittuntur. Quorum pars contis dimicatura 13
stabat immobilis, ut retinaculis aereis fixam existi-
mares: iuxtaque sagittarii (cuius artis fiducia ab in-
cunabulis ipsis gens praevaluit maxima) tendebant
divaricatis brachiis flexiles arcus, ut nervi mammas
praestringerent dexteris, spicula sinistris manibus
cohaerent: summaque peritia digitorum pulsibus
argutum sonantes arundines evolabant, vulnera per-
niciosa portantes. Post hos elephantorum fulgen- 14
tium formidandam speciem, et truculentos hiatus
vix mentes pavidae perferebant: ad quorum strido-
rem odoremque et insuetum adspectum magis equi
terrebantur. Quibus insidentes magistri, manu- 15
briatos cultros dexteris manibus illigatos gestabant,
acceptae apud Nisibin memores cladis: et si fero-
ciens animal vires exsuperasset regentis, ne rever-
sum per suos, ut tunc acciderat, collisam sterneret
plebem, 6) vertebram, quae caput a cervice dister-
minat, ictu maximo terebrabant. Exploratum est
enim aliquando ab Hasdrubale Hannibalis fratre,
ita citius vitam huiusmodi adimi belluarum. Qui- 16
bus non sine magno horrore perspectis, stipatus
armatarum cohortium globis cum primatibus fiden-
tissimus Imperator, ut flagitabat maior vis et atro-
cior, lunari acie sinuatisque lateribus occursuros
hosti manipulos instruebat. Et, ne sagittariorum 17
procursus nostrorum cuneos disiectaret, illatis cou-

6) Ml. venam.

citatus signis spiculorum impetum fregit: datoque ad decernendum sollemniter signo, densati Romani pedites confertas hostium frontes nisu protruserunt
 18 acerrimo. Et fervente certaminum mole, clypeorum sonitus, et virorum armorumque lugubre sibilantium fragor, nihil perpetuens iam remissum, campos cruore et corporum strage contexit, effusius cadentibus Persis: quibus saepe languidis in conflictu, artius pes pede collatus graviter obfistebat, pugnare fortiter eminus consuetis, et, si inclinatas suorum copias senserint, cedendo in modum imbrum pone versus directis sagittis hostes a persequendi fiducia detertere. Pulsis igitur pondere magnarum virium Parthis, miles solis cursu flammeo diu laxatus, signo in receptum ⁷⁾ dato, in tentoria repedit, ad audendum deinceps maiora sublatus.

19 In hoc proelio Persarum maior, ut dictum est, adparuit strages; nostrorum admodum levis. Eminuit tamen inter varios certaminum casus Vetranius mors viri pugnacis, qui legionem Ziannorum regebat.

1 II. Post quae triduo indutiis destinato, dum suo quisque vulnere medetur vel proximi, commeatibus nos destitutos inedia cruciabat iam non ferenda: et quoniam frugibus exustis et pabulis, homines in discrimen ultimum venerant et iumenta, ex eo cibo, quem animalia tribunorum ¹⁾ vehebant et Comitum, imae quoque militum plebi penitus indigenti pars
 2 distributa est magna. Et Imperator, cui non cupediae ciborum ex regio more, sed sub columellis tabernaculi parvis cenaturo, pultis portio ²⁾ parabatur exigua, etiam munifici fastidienda gregario, quidquid ad ministeria postulabatur, per contubernia
 3 paupertina sui securus egressit. Ipse autem ad solli-

7) Ms. dato, in tentoria repedit. 1) In Steph. haec verba: et Comitum imae quoque militum defunt. 2) Ms. postulabatur.

citam suspensamque quietem paullisper protractus, cum somno (ut solebat) depulso, ad aemulationem Caesaris Iulii quaedam sub pellibus ³⁾ scribens, obscuro noctis altitudine ⁴⁾ sensus cuiusdam philosophi teneretur, vidit squalidius, ut confessus est proximis, speciem illam Genii publici, quam, cum ad Augustum surgeret culmen, conspexit in Galliis, ⁵⁾ velata cum capite Cornucopia per aulaea tristius discedentem. Et quamquam ad momentum haesit ⁴ stupore defixus, omni tamen superior metu, ventura decretis caelestibus commendabat: relictoque humi strato cubili, adulta iam excitus nocte, et numinibus per sacra depulforia supplicans, flagrantissimam facem cadenti similem visam, aëris parte sulcata evanuisse existimavit: horroreque perfusus est, ne ita aperte minax Martis adparuerit sidns.

Erat enim nitor igneus iste, quem *διαστάρτα* nos ⁵ adpellamus, nec cadens umquam nec terram contingens. Corpora enim qui credit caelitus posse labi, profanus merito indicatur et demens. Fit autem hic habitus modis compluribus, e quibus sufficiet pauca monstrare. Scintillas quidam putant ⁶ ab aetherio cadentes vigore, parumque porrectius tendere sufficientes exstingui: vel certe radiorum flammam iniectas nubibus densis acri scintillare ⁶⁾ contactu: aut cum lumen aliquod cohaeserit nubi. Id enim in stellae speciem figuratum, decurrit quidem, dum viribus ignium sustentatur: amplitudine vero spatiorum exinanitum, in aërium solvitur corpus, ad substantiam migrans, cuius attritu incaluit nimio.

Confestim itaque ante lucis primitias Etrusci ⁷ haruspices accerfiti, ⁷⁾ consultique, quid astri species portenderet nova, vitandum esse cautissime respon-

3) Mf. scribens. 4) Mf. senius. 5) *al.* velata cum cornucopia.
6) *Steph.* contractu. 7) Mf. consultique. quid. *quod. placet.*

derunt, ne quid tunc tentaretur: ex Tarquitianis libris, in titulo *De rebus divinis* id relatum esse monstrantes: quod, face in caelo visa, committi proelium, vel simile quidquam non oportebit. Quo etiam id inter alia multa spernente, orabant haruspices saltem aliquot horis profectionem differri: et ne hoc quidem sunt adepti, Imperatore omni vaticinandi scientiae reluctantante: sed exorto iam die, promota sunt castra.

III. Hinc nos egressos, Persae cum saepe afflicti peditum ¹⁾ stabiles pugnas horrerent, structis insidiis occulte comitabantur, alitiussecus viantes catervas a collis collibus explorando: ut id suspicans miles adusque perpetuum diem nec vallum erigeret, nec sudibus se communiret. Dumque teguntur firmiter latera, et exercitus pro locorum situ quadratis quidem, sed laxis incedit agminibus, invasa subito terga pone versus arma cogentium Principi indicatur, etiam tum inermi ad speculanda anteriora progresso. Qua concitus clade, oblitus loricae, scuto inter tumultum adrepto, properans ultimis ferre suppetias, revocatur alio ²⁾ metu, qui etiam antesignanos, unde discesserat, paria perpeti nuntiabat. Quae dum sine respectu periculi sui redintegrare festinat, ex alia parte cataphractorum Parthicus globus centurias adoritur medias: ac sinistro cornu inclinato acriter superfusus, factorem stridorumque elephantorum impatienter tolerantibus nostris, contis et multiplicatis missilibus decernebat. Verum Principe volitante inter prima discrimina proeliorum, exsilivit nostra succinctior armatura, averforumque Persarum et belluarum suffragines concidebat et dorsa. Quos cum Iulianus cavendi immemor diffluxisse trepidos, elatis vociferando manibus aperte demonstrans, irasque sequentium

1) Mf. stabiles pugnas. 2) al. motu.

excitans, ardentem effunderet semet in pugnam, clamabant hinc inde candidati, quos disiecerat terror, ut fugientium molem, tamquam ruinam male compositi culminis ³⁾ declinaret: et [incertum] subita equestri hastâ, cute brachii eius praefricta, costis perfossis haesit in ima iecoris fibra. Quam dum ⁷ avellere dextera manu conatur, acuto utrimque ferro digitorum nervos sensit excisos: et provolutus iumento, praesentiumque veloci concursu relatus in castra, medicinae ministeriis fovebatur. Mox ⁸ quae ubi lenito paulisper dolore timere desit, magno spiritu contra exitium certans, arma poscebat et equum: ut revisto proelio suorum fiduciam repararet, ac videretur sui securus alienae salutis sollicitudine vehementer adstringi: eo vigore, licet in negotio dispari, quo Epaminondas ille dux inclutus, letaliter apud Mantineam saucius et revectus ex acie, conquirebat sollicitè scutum. Quod cum vidisset propius, lactior vi vulneris interiit: et qui animam intrepidus amittebat, iacturam clypei formidavit. Sed cum vires parum sufficerent voluntati, sanguinisque profluvio vexaretur, mansit immobilis: ideo spe deinceps vivendi absumpta, quod percunctando Phrygiam adpellari locum, ubi occiderat, comperit. Hic enim obiturum se praescripta audierat forte. Reducto ad tentoria Principe, ¹⁰ incredibile dictu est, quanto ardore miles ad vindictam ira et dolore ferventior involabat, hastas ad scuta concrepans; etiam mori, si tulisset fors, obstinatus. Et quamvis offundebatur oculis altitudo pulveris, et aestus calefcens officeret alacritati membrorum; tamen velut exauctoratus amisso ductore, sine parcimonia ruebat in ferrum. Contra animo ¹¹ suus Persae sagittarum volantium crebritate conspectum ⁴⁾ sui rapiebant ⁵⁾ oppositis: quos elephanti

³⁾ Ms. declararet. ⁴⁾ Ms. solis. ⁵⁾ Ms. oppositis quos elephantis.

- tardius ⁶⁾ praecedentes, magnitudine corporum cristarumque horrore pavorem iumentis incutiebant
 12 et viris. Concurfus itaque armatorum, et cadentium gemitus, equorum flatus, tinnitus ferri procul audiebatur, quamdiu satietate vulnerum partibus fessis, nox diremit certamina iam tenebrosa.
 13 Quinquaginta tum Persarum optimates et satrapae cum plebe maxima ceciderunt, inter has turbas Merena et ⁷⁾ Nohodare potissimis ducibus interfectis. Obstupefcat magniloquentia vetustatis diversis in locis proelia xx. Marcelli: ⁸⁾ Sicinium Dentatum adiiciat, ornatum militare multitudinem coronarum: miretur super his Sergium, qui ⁹⁾ vicies et ter vulneratus est in variis pugnis, ut fertur: cuius posteritatis ultimus Catilina claras gloriarum adoras sempiternis maculis obumbravit. Deformabat
 14 tamen tristitia laetiores eventus. Dum haec post discessum ducis ubique aguntur, exercitus cornu dextro defatigato, et Anatolio interfecto, qui tunc erat officiorum magister: Sallustius praefectus actus in exitium praeceps, et opera sui adparitoris ereptus, Sophorio amisso consiliario, qui ei aderat, casu evasit et fuga: quidamque milites per multa discrimina occupato castelli vicini praesidio, post diem denique tertium iungi exercitui potuerunt.
 15 Quae dum ita aguntur, Iulianus in tabernaculo iacens circumstantes adloquutus est demissos et tristes: *Advenit, o socii, nunc abeundi tempus e vita impendio tempestivum, quam reposcenti naturae, ut debitor bonae fidei, redditurus exsulato: non, ut quidam opinantur, adflictus et maerens: philosophorum sententia generali perdoctus, quantum corpore fit beator animus, et contemplans, quoties conditio melior a deteriore secernitur, laetandum esse potius,*

6) ML. praecedites. 7) ML. Novodare. 8) *al.* Siccium. 9) ML. viciens.

quam dolendum. Illud quoque advertens, quod etiam Dii caelestes quibusdam piissimis mortem tamquam summum praemium persolverunt. Mu- 16
nus autem id mihi delatum optime scio, ne difficultatibus succumberem arduis, neve me proiticiam unquam aut prosternam: expertus, quod dolores omnes, ut insultant ignavis, ita persistentibus cedunt. Nec me gestorum poenitet, aut gravis fla- 17
gitii recordatio stringit, vel cum in umbram et angulos amandarer, vel post principatum susceptum: quem tamquam a cognatione caelitus defluentem, immaculatum (ut existimo) conservavi, et civilia moderatius regens, et examinatis rationibus bella inferens et repellens: tametsi prosperitas simul utilitasque consultorum non ubique concordent, quoniam coeptorum eventus superae sibi vindicant potestates. Reputans autem, iusti esse finem imperii, obedi- 18
tium commodum et salutem, ad tranquilliora semper, ut nostis, propensior fui, licentiam omnem actibus meis exterminans, rerum corruptricem et morum: gaudensque, ¹⁰⁾ adeo sciens, quod, ¹¹⁾ ubicumque me velut imperiosa parens consideratis periculis obiecit res publica, steti fundatus, turbines calcare fortuitorum adfuefactus. Nec fateri pude- 19
bit, interituum me ferro dudum didici fide fatidica praecinente. Ideoque sempiternum veneror numen, quod non clandestinis insidiis, nec longa morborum asperitate, vel ¹²⁾ damnatorum sine decedo: sed in medio cursu florentium gloriarum hunc merui clarum ¹³⁾ e mundo digressum. Aequo enim iudicio iuxta timidus est et ignavus, qui, cum non oportet, mori desiderat: et qui refugiat, cum sit opportunum. ¹⁴⁾ Hactenus loqui vigore virium labente suffi- 20
ciat. Super imperatore vero creando caute reticeo,

¹⁰⁾ Ms. et Steph. adeo sciens. ¹¹⁾ Steph. quod ubicumque.
¹²⁾ al. delicatarum. ¹³⁾ al. e medio.

ne per ¹⁴⁾ imprudentiam dignum praeteream: aut nominatum, quem habilem reor, anteposito forsitan alio in discrimen ultimum trudam. Ut alumnus autem rei publicae frugi, opto bonum post me repe-

- 21 riri rectorem. Post haec placide dicta, familiares opes iunctioribus velut supremo distribuens ¹⁵⁾ stillo, Anatolium quaesivit officiorum magistrum: quem cum beatum fuisse Sallustius respondisset praefectus, intellexit occisum: acriterque amici casum ingemuit, qui ¹⁶⁾ elate ante contempserat
- 22 suum. Et flentes inter haec omnes, qui aderant, auctoritate integra etiam tum increpabat: humile esse, caelo sideribusque conciliatum lugeri Principem dicens. Quibus ideo iam silentibus, ipse cum Maximo et Prisco philosophis super animorum sublimitate perplexius disputans, hians latius suffossi lateris vulnere, et spiritum tumore cohibente venarum, epota gelida aqua, quam petiit, medio noctis horrore vita facilius est absolutus, anno aetatis altero et ¹⁷⁾ tricesimo: natus apud Constantinopolim: a pueritia usque parentis obitu destitutus Constantii, quem post fratris Constantini excessum inter complures alios turba consumpsit imperii successorum, et Basilina matre, iam inde a maioribus nobili.

x IV. Vir profecto heroicis connumerandus ingeniis, claritudine rerum et coalita maiestate conspicuus. Cum enim sint, ut sapientes definiunt, virtutes quatuor praecipuae, temperantia, prudentia, iustitia, fortitudo, eisque accidentes extrinsecus aliae, scientia rei militaris, auctoritas, felicitas atque liberalitas: intento studio coluit omnes ut singulas.

- 2 Et primum ita inviolata castitate enituit, ut post amissam coniugem nihil umquam venereum ¹⁾ agita-

¹⁴⁾ Mf. imprudentiam, idque rectus puto. ¹⁵⁾ al. studio.
¹⁶⁾ Mf. elatantem. ¹⁷⁾ Mf. tricensimo. ¹⁾ Mf. augis latens.

ret: illud advertens, quod apud Platonem legitur, Sophoclem tragoediarum scriptorem aetate grandae-
vum interrogatum, eequid adhuc feminis miscere-
tur, negantem id adiecisse, quod gauderet harum
rerum amorem, ut rabiosum quemdam effugisse do-
minum et crudelem. Item ut hoc propositum vali-
dius confirmaret, relegebat saepe dictum lyrici Bac-
chylidis, quem legebat iucunde, id adferentem,
quod ut egregius pictor vultum speciosum effingit,
ita pudicitia celsius consurgentem vitam exornat.
Quam labem in adulto robore iuventutis ita caute
vitavit, ut ne suspicione quidem tenus libidinis ul-
lius vel ²⁾ ceterioris vitae ministris incusaretur, ut
saepe contingit.

Hoc autem temperantiae ³⁾ genus crescebat in 4
maius, iuvante parcimonia ciborum et somni, qui-
bus domi forisque tenacius utebatur. Namque
⁴⁾ in pace victus eius mensura atque tenuitas erat
recte noscentibus admiranda, velut ad pallium mox
reverfuri: per varios autem procinctus, stans inter-
dum moré militiae cibum brevem vilemque sumere
visebatur. Ubi vero exigua dormiendi quiete re-
creasset corpus laboribus induratum, expergefactus
explorabat per semetipsum vigiliarum vices et statio-
num, post haec ⁵⁾ serias ad artes confugiens doctri-
narum. Et, si nocturna lumina, inter quae lucu-
brabat, potuissent ⁶⁾ voces ullae testari, profecto
ostenderant, inter hunc et quosdam Principes mul-
tum interesse, ⁷⁾ quem norant voluptatibus ne ad
necessitatem quidem indulgisse naturae.

Dein prudentiae eius indicia fuere vel plurima, ⁷⁾
e quibus explicari sufficiet pauca. Armatae rei
scientissimus, et ⁸⁾ togatae: civilitati admodum flu-

²⁾ *al.* secretioris. ³⁾ *al.* genus immanis iuvat parcimonia. ⁴⁾
al. in pace eius mensurarum tenuitas. ⁵⁾ *Mf.* serias. ⁶⁾ *Mf.* voces
ullae. ⁷⁾ *Mf.* quemquam. ⁸⁾ *desst Steph.*

dens, tantum sibi arrogans, quantum a contemptu et insolentia distare existimabat: virtute senior, quam aetate: studiosus cognitionum omnium, et indeclinabilis aliquoties iudex: 9) censor moribus regendis acerrimus, placidus, opum contemptor, mortalia cuncta despiciens: postremo id praedicabat, *Turpe esse sapienti, cum habeat animum, captare laudes ex corpore.*

8 Quibus autem iustitiae inclaruit bonis, multa significant: primo, quod erat pro rerum et hominum distinctione sine crudelitate terribilis: deinde, quod paucorum discrimine vitia cohibebat: tum autem, quod minabatur ferro potius quam utebatur. Postremo, ut multa praeterea, constat eum in apertos aliquos inimicos insidiatores suos ita consurrexisse mitissime, ut poenarum asperitatem genuina lenitudine 10) castigaret.

10 Fortitudinem certaminum crebritas, ususque bellorum ostendit, et patientia frigorum immanium, et fervoris quoque. Corporis munus a milite, ab imperatore vero animi poscitur. Ipse trucem hostem ictu confecit audacter congressus, ac nostros cedentes obiecto pectore suo aliquoties cohibuit solus: regnaque furentium Germanorum excidens, et in pulvere vaporato Perfidis, augebat fiduciam 11 militis dimicans inter primos. Castrensium negotiorum scientiam plura declarant et nota: civitatum oppugnationes et castellorum inter ipsos discriminum vertex, acies figura multiformi compositae, salubriter et caute castra metata, praetenturae stationesque agrariae tutis rationibus ordinatae. 12 Auctoritas adeo valuit, ut dilectus artissime, dum timetur, ac si periculorum socius et laborum, et inter concertationes acerrimas animadverti iuberet in desides; et Caesar adhuc, sine stipendio regeret mi-

9) Mf. censoriis. 10) al. vestigare.

litem feris adpositum gentibus, ut dudum est dictum; alloquutusque tumentes armatos, discessurum ad vitam minaretur privatam, ni tumultuari desisterent. Denique id pro multis nosse sufficiet: 13 exhortatum cum simplici concione militem Gallicanum, pruinis adsuatum et Rheno, peragratis spatiis regionum extentis, per tepentem Assyriam adusque confinia traxisse Medorum.

Felicitas ita eminuit, ut ipsis quodammodo cer- 14 vicibus fortunae aliquamdiu bonae gubernatricis evectus, victoriosis cursibus difficultates superstaret immensas. Et postquam ex occidua plaga digressus est: quoad fuit in terris, quievere¹¹⁾ nationes omnes immobiles, ac si quodam caduceo leniente mundana.

Liberalitatis eius testimonia plurima sunt et ve- 15 rissima: inter quae indicta sunt tributorum admodum levia, coronarium indultum, remissa debita multa diuturnitate congesta, aequata fisci iurgia cum privatis, vectigalia civitatibus restituta cum fundis, absque his, quos velut iure vendidere praeteritae potestates: quodque numquam augendae pecuniae cupidus fuit, quam cautius apud dominos servari existimabat, id aliquoties praedicans, *Alexandrum Magnum, ubi haberet thesauros interrogatum, apud amicos benivole respondisse.*

Digestis bonis, quae scire potuimus, nunc ad 16 explicanda eius vitia veniamus, licet dicta sint carptim. 12) Levioris ingenii: verum hoc instituto rectissimo temperabat, emendari se, cum devia- ret a fruge bona, permittens. Linguae fusioris et ad- 17 modum raro silentis: praesagiorum sciscitationi nimiae deditus, ut aequiperare videretur in hac parte principem Hadrianum: superstitiosus magis, quam sacrorum legitimus observator, innumeras sine par-

11) το omnes Steph. deest. 12) al. lehtioris ing.

cimonia pecudes mactans: ut aestimaretur, si revertisset de Parthis, boves iam defuturos: Marci illius similis Caesaris, in quem id accepimus dictum: *Οἱ λευκοὶ βόες Μάρκῳ τῷ Καίσαρι. Ἄν-συ νικήσῃς, ἡμεῖς ἀπώλόμεθα.* Vulgi plaufibus laetus, laudum etiam ex minimis rebus intemperans ¹³⁾ adpetitor, popularitatis cupiditate cum indignis loqui saepe adfectans.

19 Verum tamen cum haec essent, aestimari poterat, ut ipse aiebat, vetus illa Iustitia, quam offensam vitis hominum Aratus extollit in caelum, eo impetrante redisse rursus ad terras, ni quaedam ad arbitrium agens, interdum ostenderet se dissimilem sui.

20 Namque et iura condidit non molesta, absolute quaedam iubentia fieri vel arcentia, praeter pauca. Inter quae erat ¹⁴⁾ illud inclemens, quod docere vetuit magistros rhetoricos et grammaticos Christianos, ni transissent ad numinum cultum. Illud quoque itidem parum ferendum, quod municipaliū ordinum coetibus patiebatur iniuste quosdam adnecti, vel peregrinos, vel ab iis consortiis privilegiis aut origine longe discretos.

22 Figura talis utique membrorum. Mediocris erat staturae, capillis, tamquam pexisset, mollibus, hirsuta barba in acutum desinente vestitus, venustate oculorum micantium flagrans, qui mentis eius angustias indicabant, superciliis decoris, et naso rectissimo, ore paullo maiore, labro inferiore demisso, opima et incurva cervice, humeris vastis et latis, ab ipso capite usque unguum summitates liniamentorum recta compage, unde viribus valebat et cursu.

23 Et quoniam eum obtrectatores novos bellorum tumultus ad perniciem rei communis infimulant concitasse:

13) Ms. et potiore. 14) τὸ illud dicit vulg.

citasse: sciant docente veritate perspicue, non Iulianum, sed Constantium ardores Parthicos succendisse, cum Metrodori mendaciis avidius adquiescit, ut dudum retulimus plene. Unde caesi ad inter-²⁴ necionem exercitus nostri, capti militares aliquoties numeri, urbes excisae, rapta munimenta vel diruta, provinciae gravibus impensis exhaustae: et ad effectum tendentibus minis cuncta petebantur a Persis adusque Bithynos et littora Propontidis. At in²⁵ Galliis bellorum tenore gliscente, diffusis per nostra Germanis, iamque Alpibus ad vastandam Italiam perrumpendis, ¹⁵⁾ multa et nefanda perpessis hominibus, ¹⁶⁾ nihil praeter lacrimas supererat et terrores: ubi et praeteritorum recordatio erat acerba, et expectatio tristior impendentium. Quae omnia iuvenis iste ad occiduam plagam specie Caesaris missus, regesque pro mancipiis agitans ignobilibus, cuncta paene mira dictu celeritate correxit. Utque²⁶ Orientem pari studio recrearet, adortus est Persas, triumphum exinde relaturus et cognomentum, si consiliis eius et factis illustribus decreta caelestia congruissent. Et cum sciamus experimento, adeo²⁷ quosdam ruere improvidos, ut bella interdum victi, et naufragi repetant maria, et ad difficultates redeant, quibus succubere saepissime, sunt, qui reprehendant paria repetisse Principem ubique victorem.

V. Nec fuit post haec lamentis aut fletibus locus. Corpore enim curato pro copia rerum et temporis, ut, ubi olim ipse statuerat, conderetur: principio lucis sequutae, quae erat quintum Kal. Iulias, hostibus ex omni latere circumfusus, collecti duces exercitus, advocatisque legionum principiis et turmarum, super creando Principe consultabant. Discissique studiis turbulentis, Arinthaëus, et Vi-²

15) Steph. nihil multa. 16) το nihil Steph. deest.

ctor, et e palatio Constantii residui, de parte sua quemdam habilem scrutabantur: contra Nevita, et Dagalaiphus, proceresque Gallorum, virum talem
 3 ex commilitio suo quaeritabant. Quae dum ambi-
 guntur, nulla variante sententia, itum est voluntate omnium in Sallustium: eoque causante morbos et senectutem, honoratior aliquis miles advertens destinatus reluctantem: *Et quid ageretis*, ait, *si illud bellum vobis* ¹⁾ *curandum commississet absens, ut saepe factum est, Imperator? nonne posthabitis caeteris militem instantibus aerumnis eriperetis? Id nunc agite: et si Mesopotamiam videre licuerit, utriusque exercitus confociata suffragia legitimum Principem declarabunt.*

4 Inter has exiguas ad tantam rem moras, nondum pensatis sententiis, tumultuantibus paucis, ut in rebus extremis saepe est factum, Iovianus eligitur Imperator, domesticorum ordinis primus, paternis meritis mediocriter commendabilis. Erat enim Varroniani notissimi Comitis filius, haud dudum post depositum militiae munus ad tranquilliora vitae digressi.
 5 Et confestim indumentis circumdatus principalibus, subitoque productus e tabernaculo, per agmina iam discurrebat proficisci parantia.
 6 Et quoniam acies adusque lapidem quartum porrigebatur, antesignani quosdam clamare Iovianum audientes Augustum, eadem multo magis sonabant: gentilitate enim prope perciti nominis, quod una littera discernebat, Iulianum recreatum arbitrati sunt deduci magnis favoribus, ut solebat. Verum cum incurvus ille visus et longior adventaret, suspicati, quod acciderat, in lacrimas effusi
 7 sunt omnes et luctum. Quod si gravis quidam aequitatis ²⁾ spectator in ultimo rerum spiritu factum criminatur improvide: nauticos idem iustius incu-

1) Ita Mf. In vulg. *et curandum* deest. 2) Mf. peccator.

fabit, amisso perito navigandi magistro, saevientibus flabris et mari, ¹⁾ quod clavos regendae navis cuilibet periculi socio commiserunt. His ita caeco ⁸ quodam iudicio fortunae peractis, Iovianorum signifer, quos Varronianus rexerat dudum, cum novo dissidens Principe, etiam tum privato, ut patris eius obtrectator immoderatus, periculum ex inimico metuens iam communia supergresso, discessit ad Persas: ac data dicendi copia, quae sciret, docet Saporem iam propinquantem, extincto, quem verebatur, turbine concitato calorum ad umbram imperii Iovianum adhuc protectorem adscitum, inertem quemdam et mollem. Hoc ille ⁹ au-
dito, quod semper trepidis votis expetebat, et inopina prosperitate elatus, multitudine ex regio equitatu adiuncta iis, qui dimicavere nobiscum, celeri disposuit gradu agminis nostri invadi terga postremi.

VI. Quae dum ultro citroque ordinantur, hostiis pro Ioviano ¹⁾ extisque inspectis, pronuntiatum est, eum omnia perditurum, si intra vallum remansisset, ut cogitabat: superiorem vero fore, profectum. Proinde egredi iam coeptantes adori-
untur nos elephantis praevis Persae: ad quorum fremitum incessumque terribilem equis inter initia turbatis, et viris, Ioviani et ²⁾ Herculiani, occisis belluis ³⁾ paucis, cataphractis equitibus acriter resistenterunt. Deinde legiones Ioviorum atque Victorum laborantibus suis ferentes auxilium, elephantos duos straverunt cum hostium plebe non parva: et in laevo proelio viri periere fortissimi, Iulianus, et Macrobius, et Maximus legionum tribuni, quae tunc primas exercitus obtinebant. Hisque sepultis, ⁴ ut rerum angustiae permiserunt: prope confinia

B b 2

5) *et quod* Mf. deest. 1) Mf. *extisque*. 2) *al.* Herculiani.
3) Mf. *paucis et cataphractis*.

noctis cum ad castellum Sumere nomine citis passibus tenderemus, iacens Anatolii corpus est agnitum, quod tumultuaria opera terrae mandatum est. Hic et milites sexaginta cum palatinis recepimus, quos in munimentum Vaccatum confugisse retulimus.

- 5 Sequuto deinde die pro captu locorum reperta in valle castra ponuntur, velut murali ambitu circumclausa, praeter unum exitum eundemque patentem, undique in modum mucronum praeacutis
6 sudibus fixis. Hocque viso, e saltibus nos hostes diversitate telorum, ac verbis turpibus incessebant, ut perfidos et lectissimi Principis peremptores: audierant enim ipsi quoque referentibus transfugis, rumore iactato incerto, Iulianum telo cecidisse Ro-
7 mano. Ausi denique inter haec equitum cunei, porta perrupta praetoria, prope ipsum tabernaculum Principis advenire: occisis multis suorum et vulneratis, vi repulsi sunt magna.
- 8 Egressi exinde, proxima nocte Charcham occupavimus locum: ideo tuti, quod riparum aggeribus humana manu destructis, ne Saraceni deinceps Assyriam persultarent, nostrorum agmina nullus ut
9 ante vexabat. Cumque his Kal. Iuliis stadiis xxx. confectis, civitatem nomine Duram adventaremus, fatigatis iumentis, vectores eorum novissimi pedibus incedentes, a Saracena multitudine circumsaepi protinus interissent, ni expeditiores turmae nostro-
10 rum opem laborantibus attulissent. Hos autem Saracenos ideo patiebamur infestos, quod salaria munerisque plurima a Iuliano ad similitudinem praeteriti temporis accipere vetiti, quiesque apud eum, solum audierant, Imperatorem bellicosum et vigi-
11 lantem ferrum habere, non aurum. In hoc loco Persarum obstinatione tritum est quatrividuum. Nam progredientes nos sequebantur crebris lacerationibus retrahentes: cum staremus ut pugnaturi,

gradum sensim referentes, moris diuturnis excruciant. Iamque (ut solent extrema metuentibus etiam ficta placere) fama circumlata, fines haud procul limitum esse nostrorum, exercitus vociferans immodeste, dari sibi copiam transeundi Tigridis flagitabat. Quibus oppolitus cum rectoribus Imperator, tumentemque iam canis exortu laderis annem ostendens, ne se periculosis committerent gurgitibus exorabat: nandi imperitos adferens esse complures, simulque adiiciens, hostiles manus hinc inde margines superflui fluminis occupasse. Sed cum haec saepe congeminando refragaretur in casum, milesque conclamans magno contentionis fragore minaretur extrema, id imperatur aegerrime, ut missi cum Arctoïis Germanis Galli annem primi omnium penetrarent: ut his magnitudine fluentorum abreptis, residuorum pertinacia frangeretur; aut si id perfecissent innocui, transitus fidentior tentaretur. Electique sunt ad id negotium habiles, qui maxima prae caeteris flumina transmeare in regionibus genuinis a prima pueritia sunt instituti: et cum latendi copiam nocturna quies daret, tamquam e transfenna simul ⁴⁾ emissi, spe citius ripas occupare contrarias: Persarumque conculcatis pluribus et truncatis, ⁵⁾ quos loca servare dispositos securitas placido vixerat somno, efficacis audaciae signum elatis manibus ⁶⁾ contortisque sagulis ostendebant. Hoc longe conspecto, ardens ad transitum miles ea mora tantummodo tenebatur, quod utribus e caesorum animalium coriis coagmentare pontes architecti promittebant.

VII. Quae dum vanis conatibus agitantur, rex Sapor et procul absens, et cum prope venisset, exploratorum perfugarumque veris vocibus docebatur fortia facta nostrorum, foedas suorum strages, et

4) Ms. emissis peritis. 5) *al.* quos. 6) *Steph.* pectoris.

- elephantos, quot numquam rex ante meminerat, interfectos: exercitumque Romanum continuis laboribus induratum, post casum gloriosi rectoris non salutis suae, ut memorabat, consulere, sed vindictae, difficultatemque rerum instantium aut victoria summa, aut morte memorabili finiturum. Ob quae reputabat multa et formidanda: diffusum abunde militem per provincias, levi tessera colligi posse: expertus et sciens, populum suum post amissam maximam plebem ultimis terroribus deformatum: simul comperiens in Mesopotamia relictum
- 3 haud multo minorem exercitum. Quae super omnia, hebetarunt eius auxiam mentem uno parique natatu quingenti viri transgressi tumidum flumen incolumes, custodibusque confossis, reliquos confortes suos ad similem fiduciam concitantes.
- 4 Haec inter, cum neque pontes compaginari paterentur undae torrentes, et absumptis omnibus, quae mandi poterant, utilibus, exacto miserabiliter biduo: furebat inedia iraque percitus miles, ferro properans, quam fame, ignavissimo genere mortis, absumi.
- 5 Erat tamen pro nobis aeternum Dei caelestis numen: et Persae praeter sperata priores, super fundanda pace oratores Surenam et optimatem alium mittunt, animos ipsi quoque despondentes, quos omnibus paene proeliis pars Romana superior gravius quassabat indies. Conditiones autem ferebant difficiles et perplexas, fingentes humanorum respectu reliquias exercitus redire finire clementissimum regem, quae iubet si impleverit cum primatibus
- 6 Caesar. Contra hos cum Sallustio praefecto mittitur Arinthaëus: et dum deliberatur examinatus, quid fieri deberet, dies quatuor sunt evoluti inedia
- 7 cruciabiles, et omni supplicio tristiores. Quo temporis spatio, antequam hi mitterentur, si ¹⁾ exabu-

1) Mf. si ex abusus.

sus Princeps paullatim terris hostilibus excessisset, profecto venisset ad praesidia Corduenae, uberis regionis et nostrae, ex eo loco, in quo haec agebantur, centesimo lapide disparatae.

Petebat autem rex obstinatius, ut ipse aiebat, 9 sua dudum a Maximiano erepta: ut docebat autem negotium, pro redemptione nostra, quinque regiones Transgiritanas: 2) Arzanenam, et Moxoenam, et Zabdicenam, itidemque Rehimenam, et Corduenam, cum castellis quindecim, et Nisibin, et Singaram, et castra Maurorum, munimentum perquam opportunum. Et cum pugnari decies expe- 10 diret, ne horum quidquam dederetur: adulatorum globus instabat timido Principi; Procopii metuentum subserens nomen: eumque adfirmans, nisi rediret, cognito Iuliani interitu, cum intacto milite, quem regebat, novas res nullo renitente facile moliturum. Hac perniciofa verborum ille adfidui- 11 tate nimia succensus, sine cunctatione tradidit omnia, quae petebantur: difficile hoc adeptus, ut Nisibis et Singara sine incolis transirent in iura Persarum, a munimentis vero alienandis reverti ad nostra praesidia Romani permetterentur. Quibus 12 exitiale aliud accessit et impium, ne, post haec ita composita, Arsaci poscenti contra Persas ferretur auxilium, amico nobis semper et fido. Quod ratione gemina cogitatum est, ut puniretur homo, qui Chiliocomum 3) mandatu vastaverat Principis, et remaneret occasio, per quam subinde licenter invaderetur Armenia. Unde postea contigit, ut vivus caperetur idem Arfaces, et Armeniae maximum latus Medis conterminans, et Artaxata inter dissensiones et turbamenta raperent Parthi.

Quo ignobili decreto firmato, ne quid commit- 13 teretur per indutias contrarium pactis, obsidatus

2) Mf. Asarzanaenam. 3) Mf. mandatu.

specie viri celebres altrinsecus dantur ⁴⁾ Remora, et Victor ex parte nostrorum, et ⁵⁾ Bellovaedius, insignium numerorum tribuni: ex parte vero diversa Bineses e numero nobilium optimatum, tresque
 14 alii satrapae non obscuri. Foederata ⁶⁾ itaque pace annorum triginta, eaque iurisiurandi religionibus consecrata, reversi itineribus aliis, quoniam loca contigua flumini ut confragosa vitabantur et aspera, potus inopia premebamur et cibi.

VIII. Et pax specie humanitatis indulta, in perniciem est versa multorum: qui fame adusque spiritum lacerati postremum, ideoque latenter progressi; aut imperitia nandi gurgite fluminis ¹⁾ adhauriebantur: aut si undarum vi superata venirent ²⁾ ad ripas, a Saracenis vel ³⁾ Persis (quod, ut diximus paullo ante, exturbavere Germani) caedebantur ut pecora,
 2 vel longius amandati sunt venundandi. Ubi vero transeundi amnis aperte signum dedere buccinae concrepantes, immane, quo quantoque ardore
 4) temere rapiendo momenta periculorum, semet quisque reliquis omnibus anteponeps, vitare multa et terribilia festinabat: et pars cratibus temere textis iumenta retinentes hinc inde natantia; alii superfluentes utribus, quidam diversa in necessitatis abrupto versantes, undarum occurfantium fluctus obli-
 3 quis meatibus penetrabant. Imperator ipse brevibus lembis, quos post exultam classem docuimus remansisse, cum paucis transvectus, eadem navigia ultro citroque discurrere statuit, dum omnes conveheremur. Tandemque universi praeter merfos ad ultiores venimus margines, favore superi numinis discrimine per difficiles casus extracti.

4 Dum nos pendentium aerumnarum opprimit timor, compertum est procursatorum indicio, Per-

4) Ms. Nemota. 5) Ms. Bellovaedius. 6) *al.* ita pace. 1) Ms. adoriebantur. 2) Ms. ripas rapti a Saracenis. 3) Ms. per eum. 4) Ms. intenire.

fas pontem iungere procul e nostro conspectu, ut post firmatam pacem et foedera sopitis belli turbini-
bus, incuriosius gradientes aegros, et animalia pe-
terent diu defatigata: verum cum se proditos ad-
vertissent, a conatu nefario destiterunt. Hac etiam 5
suspicionem iam liberi, properantesque itineribus
magnis, prope Hatram venimus, vetus oppidum in
media solitudine positum, olimque desertum: quod
diruendum adorti temporibus variis Traianus et Se-
verus principes bellicosi, cum exercitibus paene de-
leti sunt, ut in eorum actibus has quoque digessi-
mus partes. Unde cognito, per porrectam plani- 6
tiem, adusque lapidem septuagesimum, in regio-
nibus aridis nec aquam inveniri posse praeter sal-
sam et faetidam, nec ad victum aliquid nisi abrotonum,
et absinthium, et dracontium, aliaque herbarum
genera tristissima: vasa, quae portabantur, aquis
impleta sunt dulcibus: et mactatis camelis iumen-
tisque aliis, alimenta quaesita sunt licet noxia.

Et via sex dierum emensa, cum ne gramina qui- 7
dem invenirentur, solatia necessitatis extremae: dux
Mesopotamiae Cassianus, et tribunus Mauricius pri-
dem ob hoc missus, 5) ad Ur nomine Persicum ve-
nere castellum, cibos ferentes ex his, quos relictus
cum Procopio et Sebastiano exercitus parcius victi-
tans conservarat. Hinc Procopius alter notarius, 8
et 6) Memoridus militaris tribunus, ad tractus Illy-
ricos mittuntur et Galliarum, nuntiaturi Iuliani
mortem, et Iovianum post eius obitum ad culmen
augustum evectum. Quibus mandaverat Princeps, 9
ut Lucillianum socerum suum, post depositum mi-
litiae munus digressum ad otium, morantemque eo
tempore apud Sirmium, oblatis magisterii equitum
et peditum codicillis, quos iisdem tradiderat, pro-
perare Mediolanum urgerent, res firmaturum anci-

5) *Mf. adur.* 6) *al. Memorius.*

pites: et, quod magis metuebatur, si casus novi
 10 quidam exsurgerent, opponendum. Quibus secre-
 tiores addiderat litteras, Lucillianum itidem mo-
 nens, ut quosdam lectos exploratae industriae fidei-
 que duceret secum: adminiculis eorum usus pro
 11 incidentium captu negotiorum. Prudentique con-
 silio Malarichum ex familiaribus negotiis agentem
 etiam tum in Italia, missis insignibus ⁷⁾ Iovino iussit
 succedere armorum magistro per Gallias, gemina
 utilitate praespeculata: ut et dux meriti celsioris,
 ideoque suspectus abiret e medio; et homo inferioris
 spei ad sublimiora proventus, auctoris sui nutau-
 12 tem adhuc statum studio fundaret ingenti. Iussum
 est autem ad implenda haec perrecturis, extollere
 seriem gestorum in melius, et rumores, quaque
 irent, verbis diffundere ⁸⁾ concinentibus, procin-
 ctum Parthicum exitu prospero terminatum: addi-
 tisque festinando itineri noctibus, provinciarum
 militiaeque rectoribus ⁹⁾ insinuare novi Principis
 scripta, omniumque sententiis occultius sciscitatis
 remeare velociter cum responsis, ut comperto,
 quid in longinquis agatur, principatus ¹⁰⁾ corrobo-
 randi matura consilia quaerantur et cauta.
 13 Hos tabellarios fama praegrediens, index tristio-
 rum casuum ¹¹⁾ velocissima, per provincias volitabat
 et gentes; maximeque omnium Nisibenos acerbo
 dolore perculsit, cum urbem Saporis deditam com-
 perissent: cuius iram metuebant et simultates, reco-
 lentes, quae assidue pertulerit funera, eam saepius
 14 oppugnare conatus. Constabat enim, ¹²⁾ orbem
 Eoum in ditionem potuisse transire Persidis, nisi
 haec civitas habili situ et moenium magnitudine
 resistisset. Miseri tamen licet maiore venturi pavo-
 re constringerentur, spe tamen sustentari potuerunt

7) *al.* Ioviano. 8) *Mf.* concinentibus. 9) *Mf.* insinuarent.
 10) *Mf.* corroborandi. 11) *Mf.* velocissima. 12) *al.* orbem eorum.

exigua: hac ¹³⁾ scilicet, velut suoapte motu, vel exoratus eorum precibus Imperator, eodem statu retinebit urbem, Orientis firmissimum claustrum.

Dum gestorum seriem ubique rumores diffundi- 15
tant varii, in exercitu absumptis com meatibus paucis, quos advectos praediximus, in corpora sua necessitas erat humana vertenda, ni iumentorum caro caesorum aliquatenus perdurasset: unde effectum est, ut et armorum pleraque proicerentur et sarcinarum. Adeo enim atroci tabuimus fame, ut, si usquam modius unus farinae fuisset repertus (quod raro contigerat) aureis decem mutaretur ut minus.

Profecti exinde Thillsaphata venimus, ubi Seba- 16
stianus atque Procopius cum tribunis principibusque militum sibi ad tuendam Mesopotamiam commissorum, ut poscebat sollemnitas, occurrerunt: et sequebantur benigne suscepti. Post quae itinere se- 17
stinato, Nisibi cupide visa, extra urbem stativa castra posuit Princeps: rogatusque enixe precante multiplici plebe, ut ingressus, palatium more succederet Principum, pertinaciter reluctatus est, erubescens agente se intra muros, urbem inexpugnabilem iratis hostibus ¹⁴⁾ tradi. Ibi tunc vespere tene- 18
brante, raptus a cena Iovianus, primus inter notarios omnes, quem ¹⁵⁾ in obsidione civitatis Maiozamalchae per cuniculum docuimus evasisse cum aliis, ductusque ad devium locum, et praeceps actus in puteum siccum, obrutus est saxorum multitudine superiecta: hanc profecto ob causam, quod Iuliano perempto, ipse quoque nominatus a paucis ut imperio dignus, nec post creatum Iovianum egit modeste: sed susurrans super negotio quaedam audiebatur, invitabatque ad convivia subinde Militares.

13) Ms. scilicet velut suoapte. 14) al. tradit. 15) vulgo τὸ ἐν δεσφ.

- 1 IX. Postridie Bineses, unus ex Persis, quem inter alios excellere diximus, mandata regis complere festinans, promissa flagitabat instanter: et Principe permittente Romano civitatem ingressus, gentis suae signum ab arce extulit, ¹⁾ submigrationem e patria
- 2 civibus nuntians luctuosam. Et vertere solum ex templo omnes praecepti, manus tendentes orabant, ne imponeretur sibi necessitas abscedendi, ad defendendos penates se solos sufficere sine alimentis publicis adfirmantes et milite, satis confisi adfuturam iustitiam pro genitili sede dimicaturis, ut experti sunt saepe. ²⁾ Et haec quidem suppliciter ordo et populus precabatur: sed ventis loquebantur incassum, Imperatore, ut fingeat alia metuens, periu-
- 3 rii piacula declinante. Tum Sabinus fortuna et genere inter municipales clarus, ore volubili replicabat, Constantium immani crudesciente bellorum materia superatum a Persis interdum, deductumque postremo per fugam cum paucis ad Hibitam stationem intuitam, paucis frusto vixisse precario, ab anu quadam agresti porrecto, nihil tamen ad diem perdidisse supremum: et Iovianum inter exordia principatus provinciarum muro cessisse, ³⁾ cuius obice
- 4 iam inde a vetustate innoxiae permanserunt. Cumque nihil promoveretur, iurisiurandi religionem Principe destinatus praetendente: cum oblatam ei coronam aliquamdiu recusans, coactus denique suscepisset, Silvanus quidam causarum defensor confidentius ⁴⁾ exclamavit. *Ita, inquit, Imperator, a civitatibus residuis coroneris.* Quo verbo exasperatus, intra triduum omnes iussit excedere moenibus, detestantes rerum praesentium statum.
- 5 Adpositis itaque compulsoribus, mortem, si qui distulerint egredi, minitantibus, moenia permitta

1) Mf. submigratione. 2) Mf. et haec. 3) Vulg. cuius obiisse.
4) Steph. exclamavit.

sunt lamentis et luctu: et per omnia civitatis membra una vox cunctorum erat gementium, cum laceraret crines matrona exsul fuganda laribus, in quibus nata erat et educata: orbataque mater liberis⁵⁾ vel coniuge viduata, procul ab eorum manibus pelleretur: et turba flebilis postes penatium amplexa vel limina lacrimabat. Exin variae complentur⁶ viae, qua quisque poterat dilabentium. Properando enim multi furabantur opes proprias, quas veli posse credebant, contempta reliqua supellectili pretiosa et multa: hanc enim reliquerunt penuria iumentorum.

Tu hoc loco, Fortuna orbis Romani, merito⁷ incusaris, quae diffiantibus procellis rem publicam excussa regimenta perito rei gerendae ductori, consummando iuveni porrexisti: quem nullis ante actae vitae insignibus in huiusmodi negotiis cognitum, nec vituperari⁸⁾ est aequum nec laudari. Illud tamen ad⁸ medullas usque bonorum pervenit, quod, dum extimescit aemulum potestatis, dumque in animo per Gallias et Illyricum versat quosdam saepe sublimiora coeptasse, famam adventus sui praevenire festinans, indignum imperio facinus amictu periurii fugiendi commisit, Nisibi prodita: quae iam inde a Mithridatici regni temporibus, ne Oriens a Persis occuparetur, viribus restitit maximis. Numquam enim⁹ ab urbis ortu inveniri potest annualibus replicatis, ut arbitror, terrarum pars ulla nostrarum ab Imperatore vel Consule hosti concessa: sed ne ob recepta quidem, quae direpta sunt, verum ob amplificata regna triumphalis gloria fuisse delata. Unde P. Sci-¹⁰ pioni ob recuperatas Hispanias, Fulvio Capua post diuturna certamina superata, et Opimio post diversos exitus proeliorum, Fregellanis tunc internecivis hostibus ad deditionem compulsis, triumphi sunt

5) *al.* et coniug. 6) *al.* *et est* deest.

11 denegati. Id etiam memoriae nos veteres docent, in extremis casibus icta cum ⁷⁾ dedecore foedera, postquam partes verbis iuravere conceptis, repetitione bellorum illico dissoluta: ut temporibus priscis apud Furcas Caudinas sub iugum legionibus missis in Samnio, et per Albinum in Numidia scelerate ⁸⁾ pace cogitata, et auctore turpiter pactionis festinatae Mancino dedito Numantinis.

12 Proinde extractis civibus, et urbe tradita, missoque tribuno Constantio, qui munimenta praesidiaria cum regionibus Persicis optimatibus adsignaret: cum Iuliani supremis Procopius mittitur, ea, ut superstes ille mandarat, humaturus in suburbano

13 Tarsensi. Qui ad exsequendum profectus, confestim corpore sepulto discessit, nec inveniri usquam potuit studio quaesitus ingenti, nisi quod multo postea apud Constantinopolim visus est subito purpuratus.

1 X. His hoc modo peractis, discursisque itineribus, Antiochiam venimus, ubi per continuos dies velut offenso numine multa visebantur et dira: quorum eventus fore luctificos gnari rerum prodigia-

2 lium praecinebant. Nam et Maximiani statua Caesaris, quae locata est in vestibulo regiae, amisit repente sphaeram aeream, formatam in speciem poli, quam gestabat: et cum horrendo stridore sonuerunt in consistorio trabes: et visa sunt interdum sidera cometarum, super quorum natura ratiocinan-

3 tes phyfici variant. Quidam enim eos hoc nomine ideo existimant adpellari, quod tortos ignes spargunt ut crines, in unum stellis multiplicibus congregatis. Alii eos arbitrantur ex halitu sicciore terrarum iguescere, paullatim in sublimiora ¹⁾ surgente. Quidam ²⁾ currentes radios solis, densiore nube ob-

7) *al.* ductore. 8) *Mf.* pax. 1) *Mf.* surgentes. 2) *Mf.* currentesque.

iecta digredi ad inferiora prohibitos, splendore infuso corpori crasso, lucem velut stellis distinctam mortali conspectu monstrare. Sedit quorundam opinioni, hanc speciem tunc adparere, cum ³⁾ erecta solito celsius nubes aeternorum ignium vicinitate colluceat: vel certe stellas esse quasdam caeteris similes, quarum ortus obitusque, quibus sint temporibus praestituti, humanis mentibus ignorari. Plura alia de cometis apud peritos mundanae rationis sunt lecta: quae digerere nunc vetat aliorum oratio properans.

Moratum paullisper Antiochiae Principem, curarumque ponderibus diversis adstrictum, exeundi mira cupiditas agitabat: proinde nec iumento parcens nec militi, flagrante hieme ⁴⁾ inde profectus, signis, ut dictum est, vetantibus plurimis, Tarsum urbem Cilicum nobilem introiit, cuius originem docuimus supra. Exindeque egredi nimium pro-⁵perans, exornari sepulcrum statuit Iuliani, in pomerio situm itineris, quod ad Tauri montis angustias ducit: cuius suprema et cineres, si qui tunc iuste consuleret, non Cydnus videre deberet, quamvis gratissimus amnis et liquidus: sed ad perpetuandam gloriam recte factorum praeterlambere Tiberis intersecans urbem aeternam, divorumque veterum monumenta praestringens.

⁵⁾ Deinde Tarso profectus, extentis itineribus venit oppidum Cappadociae Tyana: ubi ei reversi Procopius notarius et Memoridus tribunus occurrunt gestorumque aperiunt textum, hinc, ut ordo poscebat, exorsi, quod Lucillianus Mediolanum ingressus cum Seniaucho et Valentiniano tribunis, quos duxerat secum, cognito, quod Malarichus recusavit suscipere magisterium, effuso cursu petierat Remos. Et tamquam in alto gentis silentio, extra cal-⁷

3) Ms. erecta. 4) Ms. die. 5) al. Inde.

cem, ut dicitur, procurrebat: et intempestive parum etiam tum firmatis omnibus ex actuario ratiociniis scrutandis incubuit: qui fraudum conscius et horarum, ad militaria signa confugit: finxitque Iuliano superstitie in res novas quemdam medium surrexisse: cuius fallaciis turbo militaris acerrime concitus Lucillianum et Seniauchum occidit. Valentinianum enim paullo postea Principem, trepidum, et, quo confugeret, ambigentem, Primitivus hospes tutius 8 amandarat. His ita tristibus laetum aliud addebatur, missos a Iovino milites adventare, quos capita scholarum ordo castrensis adpellat, nuntiantes aequo animo Ioviani imperium amplecti exercitum Gallicanum.

9 Quibus compertis, Valentiniano, qui 6) cum iisdem redierat, regenda scutariorum secunda committitur schola, et Vitalianus domesticorum confortio iungitur, Erulorum e numero miles, qui multo postea auctus Comitatus dignitate, male rem per Illyricum gessit: confestimque mittitur in Gallias Arinthaëus, ferens litteras ad 7) Iovinum, ut constanter ageret suum obtinens locum: eique mandatum est, ut animadverteretur in concitorem tumultus, auctoresque seditionis ad comitatum vinc- 10 ti transmitterentur. Post quae, ut videbatur expedire, disposita, apud Alpuna Galatiae municipium breve Gallicani milites visi Principi, ingressique consistorium, post audita gratanter, quae pertulerant, munerati redire iubentur ad signa.

(A. C. 564.)

11 Et cum introisset Ancyram Imperator, paratis ad pompam pro tempore necessariis, consulatum iniit adhibito in societatem trabeae Varroniano filio suo admodum parvulo: cuius vagitus, pertinaciter 8) reluctantis, ne in curuli sella veheretur ex more, id quod mox accidit, portendebat.

Hinc

6) *al.* cum iis red. 7) *Mf.* Iovianum. 8) *Mf.* reluctantis.

Hinc quoque Iovianum celeri gradu praescriptus 12
vitae finiendae dies exegit. Cum enim venisset Da-
dastanam, qui locus Bithyniam distinguit et Galatas,
exanimatus inventus est nocte: super cuius obitu
9) dubietates emerferè complures. Fertur enim re- 13
centi calce cubiculi illiti ferre odorem noxium ne-
quivisse, vel extuberato capite perisse succensione
prunarum immensa, aut certe ex colluvione cibo-
rum avida cruditate distentus. Decessit autem an-
no tricesimo aetatis et tertio. Cumque huic et Ae-
miliano Scipioni vitae exitus similis evenisset, super
neutrius morte quaestionem comperimus agitatam.

Incedebat autem motu corporis gravi, vultu 14
laetissimo, oculis caecis, vasta proceritate et ardua,
adeo ut diu nullum indumentum regium ad mensu-
ram eius aptum inveniretur. Et aemulari malebat
Constantium, agens seria quaedam aliquoties post
meridiem: iocarique palam cum proximis adfue-
tus. Christianae legis idem studiosus, et nonnum- 15
quam honorificus, mediocriter eruditus, magisque
benivolus, et perpenius, ut adparebat ex paucis
quos promoverat, indices electurus: edax tamen,
et vino Venerique indulgens, quae vitia imperiali
verecundia forsitan correxisset. Dicebatur autem 16
Varronianus pater eius monitu cuiusdam somnii du-
dum praescisse, quod evenit, idque duobus ami-
cis commisisse fidissimis, illo adiecto, quod ipsi quo-
que deferretur trabea consularis. Sed impetrato
uno, adipisci non potuit aliud. Audita enim filii
celliore fortuna, antequam eum videret, fatali
praeventus est morte. Et quia huic nomini amplif- 17
simum magistratum portendi, per quietem praedi-
ctum est seni: Varronianus nepos eius infans etiam
tum, cum Ioviano patre declaratus est, ut supra re-
tulimus, consul.

9) *al.* dubitationes.

AMMIANI MARCELLINI

RERUM GESTARUM

LIBER XXVI.

Valentiniano, scholae secundae scutariorum tribuno, communi magistratuum civilium et militarium consensu, Nicaeae absenti desertur imperium: et de ratione bissexti. C. I. Valentinianus cum Ancyra evocatus Nicaeam celeriter venisset, una omnium voce iterum eligitur imperator, purpuraque et diademate ornatus, Augustusque adpellatus, militem adloquitur. II. De Aproniani praefectura urbana Romae. III. Valentinianus Valentem fratrem suum Nicomediae tribunum stabuli, ac mox apud Constantinopolim in Hebdomo, consentiente exercitu, consortem imperii constituit. IV. Imperatores ambo comites et militares numeros inter se partiuntur; et paullo post alter Mediolani, alter Constantinopoli I. consulatum ineunt. Alamanni Gallias vastant; Procopius in Oriente res novas molitur. V. Patria et genus, mores, ac dignitates Procopii; deque eius sub Ioviano latebra: et qua ratione Constantinopoli imperator sit adpellatus. VI. Procopius Thracias sine sanguine in suam potestatem redigit, et equites peditesque per Thraciam iter facientes, promissis in verba sua adigit, nec non Iovios et Victores, a Valente adversus se missos, sibi oratione iungit. VII. Nicaea et Chalcedone obsidione liberatis, Bithynia in ditionem Procopii redigitur: et mox Cyzico expugnato Hellespontus. VIII. Procopius in Bithynia, in Lycia, et Phrygia a suis desertus, et vivus Valenti traditus, capite truncatur. IX. Marcellus protector, eius cognatus, et multi Procopianarum partium supplicio capitis adfecti. X.

Dictis impensiore cura rerum ordinibus adusque memoriae confinia propioris, convenerat iam re-

ferre a notioribus pedem, ut et pericula declinentur veritati saepe contigua, et examinatores contemendi operis deinde non perferamus intempestivos, strepentes ut laesos, si praeteritum sit, quod loquutus est Imperator in coena, vel omissum, quam ob causam gregarii milites coerciti sunt apud signa, et quod non decuerat in descriptione multiplici regionum, super exiguis filere castellis: quodque cunctorum nomina, qui ad urbani praetoris officium convenere, non sunt expressa: et similia plurima praecipis historiae dissonantia; discurrere per negotiorum cellitudines adsuetae, non humilium minutias indagare causarum: quas si scitari voluerit quispiam, individua illa corpuscula volitantia per inane, atomos, ut nos adpellamus, numerari posse sperabit. Haec quidam veterum formidantes, cognitiones actuum variorum stilis uberibus explicatas non edidere superstites, ut in quadam ad Cornelium Nepotem epistola Tullius quoque testis reverendus adfirmat. Proinde inscitia vulgari contempta, ad resdua narranda pergamus.

Hac volubiliū casuum diritate exitu luctuoso finita, obituque intervallato brevi tempore Principum, corpore curato defuncti, missoque Constantinopolim, ut inter Augustorum reliquias conderetur, progresso Nicaeam versus exercitu, quae in Bithynia mater est urbium, potestatum civilium militiaeque rectores magnitudine curarum adstricti communium, interque eos quidam spe vana sufflati, moderatorem quaeritabant diu exploratum et gravem.

Et rumore tenuis obscuris paucorum susurris nomen praestringebatur Equitii, scholae primae scutorum etiam tum tribuni: qui cum potiorum auctoritate displicuisset, ut asper et subagressis; translata est suffragatio levis in Ianuarius Ioviani adfinem, curantem summitatem necessitatum castrensium per Illyricum. Quo itidem spretò, quia pro-

cul iacebat: ut aptus ad id, quod quaerebatur, atque conveniens; Valentinianus nulla discordante sententia, numinis adspiratione caelestis electus est: agens scholam scutariorum secundam, relictusque apud Ancyram, postea sequuturus, ut ordinatum est. Et quia nullo renitente hoc e re publica videbatur, missis, qui eum venire ocius admonerent, diebus decem nullus imperii tenuit gubernacula: quod tunc evenisse, extis Romae inspectis haruspex edixerat Marcus.

6 Inter haec tamen, ne quid novaretur contrarium placitis, neve armatorum mobilitas saepe versabilis in praesentium quemdam inclinaret arbitrium, attente providebat Equitius, et cum eo Leo; adhuc sub Dagalaipho magistro equitum rationes numerorum militarium tractans, exitialis postea magister officiorum, exercitus universi iudicium, quantum facere nitique poterant, ut Pannonii fautoresque Principis designati firmantes.

7 Qui cum venisset accitus, implendique negotii praelagiis, ut opinari dabatur, vel somniorum adfuitate, nec videri die secundo, nec prodire in medium voluit, bissextum vitans Februarii mensis tunc illucescens, quod aliquoties rei Romanae fuisse dignorat infaustum: cuius notitiam certam designabo.

8 Spatium anni vertentis id esse periti mundani motus et siderum definiunt veteres, inter quos 1) Meton, et Euctemon, et Hipparchus, et Archimedes excellunt, cum sol perenni rerum sublimium lege polo percurso signifero, quem Zodiacum sermo Graecus adpellat, trecentis et sexaginta quinque diebus emensis et noctibus, ad eundem redierit cardinem: ut verbo tenus, si a 2) secunda particula elatus arietis, ad eam dimensione redierit ter-

1) Ms. Memon. 2) Ita Ms. et Steph. in aliis *et particula* deest.

minata. Sed anni intervallum verissimum memora- 9
tis diebus et horis sex adusque meridiem concludi-
tur 3) plenam: annique sequentis erit post horam
sextam initium porrectum ad vesperam. Tertius a
prima vigilia sumens exordium, ad horam noctis
extenditur sextam. Quartus a medio noctis adus-
que claram trahitur lucem. Ne igitur haec compu- 10
tatio variantibus annorum principiis, et quodam
post horam sextam diei, alio post sextam excursa
nocturnam, scientiam omnem squalida diversitate
confundat, et autumnalis mensis inveniatur quan-
doque vernalis: placuit senas illas horas, quae qua-
driennio viginti colliguntur atque quatuor, in unius
diei noctisque adiectae transire mensuram. Hoc- 11
que alte considerato, eruditis concinentibus multis
effectum est, ut ad unum distinctumque exitum cir-
cumversio cursus 4) annui revoluta, nec vaga sit nec
incerta, nulloque errore deinceps obumbrata ratio
caelestis adpareat, et menses tempora retineant
praestituta. Haec nondum extentis fufius regnis, 12
diu ignoravere Romani, perque saecula multa ob-
scuris difficultatibus implicati, tunc magis errorum
profunda caligine fluctuabant, cum in sacerdotes
potestatem transtulissent intercalandi: qui licenter
gratificantes publicanorum vel litigantium commo-
dis, ad arbitrium suum subtrahebant tempora vel
augebant. Hocque ex coepto emerferunt alia plu- 13
rima, quae fallebant, quorum meminisse nunc su-
pervacuum puto. Quibus abolitis, Octavianus
Augustus, Graecos sequutus, hanc inconstantiam
correctaurbatione composuit, spatiis duodecim
mensium et sex horarum magna deliberatione colle-
ctis: per quae duodecim siderum domicilia sol dis-
currens motibus sempiternis, anni totius intervalla

3) *Steph.* plenum. 4) *al.* anni.

14concludit. Quam rationem bissexti probatam, etiam victura cum saeculis Roma adiumento numinis divini fundavit. Proinde pergamus ad reliqua.

1 II. Elapso die parum apto ad inchoandas rerum magnitudines, ut quidam existimant, propinquantem iam vespere, monitu praefecti Sallustii, sub exitii denuntiatione statutum est prompta consensione cunctorum, ne potioris quisquam auctoritatis, vel suspectus altiora conari, procederet postridie mane.

2 Cumque multorum taedio, quos votorum inanitas cruciabat, tandem finita nocte lux advenisset: in unum quaesito milite omni, progressus Valentinianus in campum, permissusque tribunal ascendere cellius structum, comitiorum specie, voluntate praesentium secundissima, ut vir serius, rector pro-

3nuntiatur imperii. Mox principali habitu circumdatus et corona, Augustusque nuncupatus cum laudibus amplis, quas novitatis potuit excitare dulcedo, praemeditata dicere iam parabat. Eoque, ut expeditius loqueretur, brachium exsertante, obmurmuratio gravis exoritur, concrepantibus centuriis et manipulis, cohortiumque omnium plebe urgentium destinate, confestim Imperatorem

4alterum declarari. Quod licet nonnulli existimarent paucis corruptis ad gratiam fieri despectorum: ex eo tamen id frustra creditum videbatur, quod non emercati, sed consoni totius multitudinis paria volentis clamores audiebantur, documento recenti fragilitatem pertimescentis sublimium fortunarum. Dein ex susurris immaniter strepentis exercitus cieri tumultus violentior adparebat, et confidentia militis erumpentis interdum ad perniciosa facinora time-

5batur. Quod Valentinianus magis prae cunctis, ne fieret, extimescens, elata prospere dextera vi Principis fiducia pleni, ausus increpare quosdam ut seditiosos et pertinaces, cogitata nullis interpellantibus absolutebat.

*Exulto, provinciarum fortissimi defensores, et 6
prae me fero, semperque laturus sum, nec speranti,
nec adpetenti moderamina orbis Romani mihi, ut
potissimo omnium, vestras detulisse virtutes. Quod 7
erat igitur in manu positum vestra, nondum electo
imperii formatore, utiliter et gloriose complestis, ad-
scito in honorum verticem eo, quem ab ineunte adu-
lescentia ad hanc usque aetatis maturitatem splen-
dide integreque vixisse experiundo cognoscitis. Pro-
inde pacatis auribus accipite quaeſo simplicioribus
verbis, quod conducere arbitror in commune. Ad-8
hiberi oportere in omnes casus socia potestate colle-
gam, contemplatione poscente multiplici nec ambigo,
nec repugno, curarum acervos et mutationes varias
accidentium ipse quoque ut homo formidans: sed
studendum est concordiae viribus totis, per quam
res quoque minimae convalescunt: quod impetrabi-
tur facile, si patientia vestra cum aequitate consen-
tiens, id mihi, quod mearum est partium, concesserit
libens. Dabit enim (ut spero) fortuna consiliorum 9
adiutrix bonorum, quantum efficere et consequi pos-
sum, diligenter scrutantibus temperatum. Ut enim
sapientes definiunt, non modo in imperio, ubi peri-
cula maxima sunt et creberrima, verum etiam in
privatis quotidianisque rationibus, alienum ad ami-
citiam, cum iudicaverit quisquam prudens, adiun-
gere sibi debet, non, cum adiunxerit, iudicare.
Haec cum spe laetiorum polliceor: vos firmitatem 10
factorum retinentes et fidem, dum hiberna patitur
quies, animorum reparate vigorem atque membro-
rum, ob nuncupationem augustam debita protinus
accepturi.*

Finita oratione, quam auctoritas erexerat ino-11
pina, flexit Imperator in suam sententiam univer-
sos: consiliiue eius viam sequuti, qui paullo ante
flagrantissimis vocibus aliud postulabant, circum-
laeptum aquilis et vexillis, agminibusque diversorum

ordinum ambitiose stipatum, iamque terribilem duxerunt in regiam.

- 1 III. Dum haec in Oriente volubiles fatorum explicant sortes, Apronianus regens urbem aeternam, iudex integer et severus, inter curarum praecipua, quibus haec praefectura saepe sollicitatur, id primum opera curabat enixa, ut veneficos, qui tunc rarefcebant, captos, postque agitatae quaestiones nocuisse quibusdam apertissime confutatos, indicatis consciis morte multaret, atque ita paucorum discrimine reliquos, si qui laterent, formidine parium 2 exturbaret. Haec egisse ideo efficaciter fertur, quod Iuliani promotus arbitrio agentis etiam tum per Syrias, in itinere unum amiserat oculum: suspicatusque, artibus se nefariis adpetitum, iusto quidem, sed inusitato dolore haec et alia magna quaeritabat industria. Unde quibusdam atrox visus est, in amphitheatrali curriculo undatim coeunte aliquoties plebe, causas dispiciens criminum maximorum.
- 3 Denique post huiusmodi vindicata complura, ¹⁾ Hilarinum aurigam convictum atque confessum, vix dum pubescentem filium suum venefico tradidisse, docendum secretiora quaedam legibus interdicta, ut nullo conscio adminiculis iuvaretur internis, capitali animadversione damnavit: qui laxius retinente carnifice, subito lapsus confugit ad ritus Christiani sacrarium, abstractusque exinde illico abscissa 4 cervice consumptus est. Verum haec similiaque tum etiam ut coercenda mox cavebantur, et nulli vel admodum pauci, in his versati flagitiis, vigori publico insultarunt: sed tempore sequuto, longaeva impunitas nutritivum immania, usque eo grassante licentia, ut imitatus Hilarinum quidam senator, servumque suum modo non per syngrapham arcanis piacularibus inducendum commisisse doctori malarum ar-

1) *MI. Hilarinum* et ita quoque infra.

tium confutatus, supplicium redimeret opima mercede, ut crebrior fama vulgarat. Isque ipse hoc 5 genere, quo iactum est, absolutus, cum vitae pudere deberet et culpa, non abolendae incubuit maculae: sed, tamquam inter multos probrosos solus vacuus ab omni delicto, equo phalerato infidens discurrensque per filices, multo post se 2) nunc usque trahit agmina servulorum, per novum quoddam insigne curiosius spectari adfectans: ut Duillium acceperimus veterem, post gloriosa illa navalis rei certamina id sibi sumpsisse, ut tibicine lenius praecinente rediret ad sua postcoenam.

Sub hoc tamen Aproniano ita iugiter copia necessariorum exuberavit, ut nulla saltem levia murmura super inopia victui congruentium orirentur: quod adlidue Romae contingit.

IV. At in Bithynia Valentinianus Princeps (ut praediximus) declaratus, dato in perendinum diem signo proficiscendi, convocatis primoribus, quasi tota consilia quam sibi placentia sequuturus, percunctabatur, quemnam ad imperii consortium oporteret adsumi: silentibusque cunctis, Dagalaiphus tunc equestris militiae rector respondit fidentius: *Si tuos, inquit, amas, Imperator optime, habes fratrem; si rem publicam, quaere, quem vestias.* Quo dicto asperatus ille, sed tacitus et occultans, 2 quae cogitabat, Nicomediam itineribus citis ingressus Kal. Martiis, Valentem fratrem stabulo suo cum tribunatus dignitate praefecit. Indequae cum venisset Constantinopolim, multa secum ipse divolvens, et magnitudine urgentium negotiorum iam se 1) superari considerans: nihil morandum ratus, 2) quintum Kal. Aprilis productum eundem Valentem in suburbanum, universorum sententiis concinentibus (nec enim audebat quisquam refragari) Augustum

2) *al. unicus.* 1) *Mf. parari.* 2) *et quintum* in aliis libris deest.

pronuntiavit: decoreque imperatorii cultus ornatum, et tempora diademate redimitum in eodem vehiculo secum reduxit: participem quidem legitimum potestatis, sed in modum adparitoris morigerum, ut progrediens aperiet textus.

4 Quibus ita nullo interturbante perfectis, constricti rapidis febribus Imperatores ambo diu, spe vivendi firmata, ut erant in inquirendis guaviores, quam in componendis, suspectas morborum causas investigandas acerrime Urfatio officiorum magistro Delmatae crudo, et Iuventio Sisciano quaestori tunc commiserunt: ut loquebatur pertinax rumor, invidiam cientes Iuliani memoriae principis, amicisque eius, tamquam clandestinis praeftigiis laesi. Sed hoc evanuit facile, ne verbo quidem tenuis infidiarum indicio ullo reperto.

5 Hoc tempore velut per universum orbem Romanum bellicum canentibus buccinis, excitae gentes saevissimae limites sibi proximos persultabant. Gallias Raetiasque simul Alamanni populabantur; Sarmatae Pannonias et Quadi; Picti, Saxonesque et Scotti, et ³⁾ Atacotti Britannos aerumnis vexavere continuis; Austoriani Mauricaeque aliae gentes Africam solito acrius incurfabant; Thracias et diripiebant praedatorii globi Gothorum. Persarum rex manus Armeniis iniectabat, eos ad suam ditio-
nem ex integro vocare vi nimia properans, sed iniuste; causando, quod post Ioviani excessum, cum quo ⁴⁾ foedera firmarat et pacem, nihil obflare ⁵⁾ debebit, quo minus ea recuperaret, quae antea ad maiores suos pertinuisse monstrabat.

(A. C. 365.)

1 V. Acta igitur tranquillius hieme, concordissimi Principes, unus nuncupatione praelatus, alter

3) Mf. Attacitti. 4) Mf. foedera. 5) Mf. debebit.

honore specie tenus adiunctus, percurfis Thraciis Naesum advenerunt: ubi in ¹⁾ suburbano, quod adpellatum Mediana a civitate tertio lapide disparatur, quasi mox separandi, partiti sunt comites. Et a Valentiniano quidem, cuius arbitrio res gerebatur, Iovinus evenit, dudum promotus a Iuliano per Gallias magister armorum, et Dagalaiphus, quem militiae rectorem provexerat Iovianus: in Orientem vero sequuturus Valentem ordinatus est Victor, ipse quoque iudicio Principis antedicti provectus, cui iunctus est Arinthaëus. Lupicinus enim ²⁾ pridem a Ioviano pari modo promotus magister equitum, partes tuebatur Eoas. Tunc et Equitius Illyriciano ³⁾ praeponitur exercitui, nondum magister, sed Comes: et Serenianus olim sacramento digressus, recinctus est ut Pannonius, sociatusque Valenti domesticorum praefuit scholae. Quibus ita digestis, et militares partiti numeri.

Et post haec cum ambo fratres Sirmium introissent, diviso palatio, ut potiori decuerat, Valentinianus Mediolanum, Constantinopolim Valens discessit. Et Orientem quidem regebat potestate praefecti Sallustius; Italiam vero cum Africa et Illyrico Mamertinus, et Gallias provincias ³⁾ Germanianus. Agentes igitur in memoratis urbibus Principes, ⁶⁾ sumptulerunt primitus trabeas consulares: omnisque hic annus dispendiis gravibus rem Romanam adflixit. Alamanni enim perrupere Germaniae limites, hac ex causa solito infestius moti. Cum legatis eorum missis ad comitatum certa et praestituta ex more munera praeberi deberent, minora et ⁴⁾ vilia sunt attributa: quae illi suscepta, furenter agentes, ut indignissima proiecere. Tractatique asperius ab Ursacio tunc magistro officiorum, iracundo quodam

¹⁾ Steph. suburbio. ²⁾ Ms. pridie. ³⁾ Ms. Germanianus. ⁴⁾ Ms. vilia.

et faevo, regressi factumque exaggerantes, ut contumeliose despectas gentes immanissimas concitarent.

8 Et circa id tempus, aut non multo posterius, in Oriente Procopius in res surrexerat novas: quae prope Kal. Novembris venturo Valentiniano Parisios, eodemque nuntiata sunt die.

9 Et Alamannis quidem occursurum Dagalaiphum pergere mature praecepit: qui, vastitatis propinquioribus locis, longius discesserant incruenti. Super adpetitu vero Procopii antequam adulesceret reprimendo, curis ⁵⁾ diducebatur ambiguus, ea potillimum ratione sollicitus, quod ignorabat, utrum Valente superstitite an extincto ⁶⁾ memoratus imperium adfectarat. Equitius enim relatione Antonii tribuni accepta, ⁷⁾ agentis in Dacia mediterranea militem, qui nihil praeter negotium ipsum auditum obscure significabat; ipse quoque nondum liquida fide comperta, simplicibus verbis Principem gestorum conscium fecit. His cognitis Valentinianus eodem Equitio aucto magisterii dignitate, repedare ad Illyricum destinabat, ne persultatis Thraciis perduellis iam formidatus invaderet hostili excursu Pannonias. Documento enim recenti impendio terrebatur, reputans, paullo ante Iulianum, contempto Imperatore bellorum civilium ubique victore, nec speratum ante nec expectatum, ab urbe in
12 urbem incredibili velocitate transisse. Verum ardens ad redeundum eius impetus molleiebatur consiliis proximorum, ⁸⁾ suadentium et orantium, ne interneciva minantibus barbaris exponeret Gallias, neve hac causatione proviicias defereret egentes adminiculis magnis: ⁹⁾ iisque legationes urbium accessere nobilium, precantes, ne in rebus duris et

5) Ms. diducebantur. 6) *al.* memoratum Imperium. 7) Ms. agentis. 8) Ms. valentium. 9) Ms. maenisque.

dubiis impugnatas eas relinqueret, quas praesens eripere poterit discriminibus maximis, metu ambitiosi nominis sui Germanis incusso.

Tandem denique utilitate rei perpensus excogitata, in multorum sententias flexus, replicabat aliquoties, hostem suum fratrisque solius esse Procopium; Alamannos vero totius orbis Romani: statuitque nusquam interim extra confinia moveri Gallorum. Et adusque Remos progressus, sollicitusque super Africa, ne repente perumperetur, Neotherium, postea consulem tunc notarium, ad eandem tuendam ire disposuit, et Mafaucionem domesticum protectorem ea consideratione, quod diu sub patre Cretione quondam Comite educatus, suspecta noverat loca; hisque et scutarium adiunxit Gaudentium, olim sibi cognitum et fidelem.

Quia igitur uno eodemque tempore utrobique turbines exarsere maestissimi, competenti loco singula digeremus, nunc partem in Oriente gestorum, deinde bella barbarica narraturi: quoniam pleraque et in occidentali et in Eoo orbe iisdem mensibus sunt excitata: ne, dum ex loco subinde saluatim redire festinamus in locum, omnia confundentes, squaliditate maxima rerum ordines implicemus.

VI. Inigni genere Procopius in Cilicia natus et educatus, ea consideratione, qua propinquitate Iulianum postea Principem contingebat, a primo gradu eluxit: et ut vita moribusque castigatior, licet occultus erat et taciturnus, notarius diu perspicaciter militans et tribunus, iamque summatis proximis: post Constantii obitum in rerum conversione velut Imperatoris cognatus altius anhelabat, ¹⁾ adiunctus consortio Comitum: et adparebat eum, si umquam potuisset, fore quietis publicae turbatorem. Hunc Iulianus Perlidem ingrediens, conso-

1) Mf. adiunctus.

ciato pari potestatis iure Sebastiano, in Mesopotamia cum manu militum reliquerat valida: mandaratque, ut susurravit obscurior fama (nemo enim dicti auctor exstitit verus) pro cognitorum ageret textu, et si subsidia rei Romanae languisse sensisset, Imperatorem ipse se provideret ocius nuncupari.

- 3 Qui iniuncta civiliter agens et caute, Iuliani letaliter vulnerati funus, et ad regenda communia comperit Iovianum evectum: falloque rumore disperso, inter abeuntis anhelitus animae eundem Iulianum ²⁾ vero mandasse, placere sibi, Procopio clavos summae rei gerendae committi: veritus, ne hac ex causa indemnatus occideretur, e medio se conspectu discrevit, maxime post Ioviani territus necem notariorum omnium primi, quem Iuliano perempto veluti dignum imperio paucis militibus nominatum, novaeque exinde coeptare suspectum, cruciabiliter
- 4 didicerat interfectum. Et quia se quaeri industria didicerat magna, vitans gravioris invidiae pondus, ad abdita longiusque remota discessit. Cumque a Ioviano exploratius indagari latibula sua sentiret, et ferinae vitae iam fuisset pertaesum: (quippe a celsiore statu deiectus ad inferiora, etiam edendi paenuria in locis squalentibus stringebatur, hominumque egebat colloquiis) postremae necessitatis impulsu devii itineribus ad ³⁾ Chalcedonos agrum pervenit.
- 5 Ubi, ⁴⁾ quoniam et illud firmitus visum est receptaculum, apud fidelissimum amicorum delitescere, Strategium quemdam ex palatino milite senatorem, Constantinopolim, quantum fieri poterat clanculo, saepe intermeans: ut indicio eiusdem Strategii pa-tuit, postquam saepius in factionis conscios est in-
- 6 quisitum. Ritu itaque sollertissimi cuiusdam speculatoris, ⁵⁾ ignotus ob squalorem vultus et maciem

²⁾ *et vero* in aliis libris deest. ³⁾ *al.* Chalcedonium. ⁴⁾ *ML.* quoniam et illud. ⁵⁾ *al.* ignotus vultu ob squalorem et maciem.

rumusculos colligebat tunc crebrescentes, ut sunt acerba semper infantia, incusantium multorum Valentem, quasi cupiditate aliena rapiendi succensum. Cuius diritati adiectum erat incentivum ex-7 tiale focer Petronius, ex praeposito Martensium militum promotus repentino saltu patricius, animo deformis et habitu: qui ad nudandos sine discretione cunctos immaniter flagrans, nocentes pariter et 6) infontes post exquisita tormenta quadrupli nexibus vinciebat, debita iam inde a temporibus principis Aureliani perscrutans, et impendio maerens, si quemquam absolvisset indemnem. Cuius morum 8 intolerantiae haec quoque perniciēs accedebat, quod, cum ditaretur luctibus alienis, erat inexorabilis et crudelis, et in rabido corde durissimus, nec reddendae nec accipiendae rationis umquam capax: invisior Cleandro, quem agentem sub Imperatore Commodō praefecturam, sublata vecordia diversas legimus vexasse fortunas: et onerosior Plautiano, qui praefectus itidem sub Severo, ultra mortale tumens cuncta confuderat, nisi gladio perisset ultore. Haec lacrimosa, quae incitante Petronio 9 sub Valente claudere multas paupertinas et nobiles domos, impendentiumque spes atrocior, provincialium et militum paria gementium sensibus imis haerebant: et votis licet obscuris et tacitis permutatio status praesentis ope numinis summi, concordii gemitu poscebatur. Quae Procopius latenter ac-10 cipiē, arbitratusque, ubi felicius 7) acciderit fatum, negotio levi ad apicem summae potestatis assumi, subsidebat ut praedatrix bestia, viso, quod capi poterat, protinus eruptura. Cui haec, quae 11 maturabat, ardenti, fors hanc materiam dedit impendio tempestivam. Consumpta hieme festinans ad Syriam Valens, 8) iamque fines Bithynorum in-

6) Mf. infontes. 7) Mf. addiderit. 8) al. iam fines.

gressus, docetur relationibus ducum, gentem Gothorum ea tempestate intactam ⁹⁾ ideoque saevissimam, conspirantem in unum ad pervadenda parari collimitia Thraciarum: hocque cognito, ut impraepedito ipse pergeret, quo tendebat, sufficiens equitum adiumentum et peditum mitti iussit ad loca, in quibus barbarici timebantur excursus. Dimoto itaque longius Principe, Procopius aerumnis diuturnis attritus, et vel atrocem mortem clementiorem ratus malis, quibus afflictabatur, aleam periculorum omnium iecit abrupte: extremaque iam perpeti nequaquam timens, praeunte perdita ratione facinus adoritur audacissimum, Divitenses Tungricanosque iuniores ad procinctum urgentem per Thracias inter alios celerare dispositos et Constantinopoli moraturos sollemniter biduum, per quosdam ex iisdem numeris notos sollicitare properans: quia cum omnibus loqui periculosum erat et ¹³ arduum, fidem paucorum elegit. Qui pellecti spe praemiorum ingentium, sub consecratione iurisiurandi promissere, se, quae vellet, cuncta facturos: favorem quoque polliciti contumacium, inter quos ipsi potiorem locum obtinebant in suadendo, ¹⁴ stippiendiis exceleptes et meritis. Utque condictum est, ubi excaudit radiis dies, idem Procopius ductus in cogitationes varias, Anastasianas balneas petit, a sorore Constantini cognominatas, ubi locata noverat signa: doctusque per arcanorum conscios, omnes in eius studium consensisse societate coita nocturna, ¹⁰⁾ fide salutis data libenter admisus, constipatione vendibilium militum cum honore quidem, sed in modum tenebatur obsessi: qui ut praetoriani quondam post Pertinacis necem licitantem imperii praemia Iulianum susceperant, ipsi quoque

9) *al.* eandemque saevissime. 10) *M.* fidelitatis.

quoque Procopium infausti dominatus exordia molientem, attenti ad omne compendium defenderunt.

Stetit itaque subtabidus (excitum putares ab in-¹⁵feris) nusquam reperto paludamento, tunica atro distincta ut regius minister, indutus a calce in pubem in paedagogiani pueri speciem, purpureis opertus tegminibus pedum: hastatusque purpureum itidem pannulum laeva manu gestabat, ut in theatrâli scena simulacrum quoddam inlignè per aulaeum vel mimicam cavillationem subito putares emersum. Ad hoc igitur dehonestamentum hono-¹⁶rum omnium ludibriosè ") sublatus, et ancillari adulatione beneficii alloquutus auctores, opesque pollicitus amplas et dignitates ob principatus primitias, processit in publicum multitudine stipatus armorum: signisque sublatis erectius ire pergebat, circumclausus horrendo fragore scutorum lugubre concrepantium, quae metuentes, ne a celsioribus tectis saxi vel tegularum fragmentis conflictarentur, densius ipsis galearum cristis aptabant.

Huic intimidius incedenti nec resistebat popu-¹⁷lus, nec favebat: accendebatur tamen insita plerisque vulgarium novitatis repentina iucunditate, ea re potius incitante, quod Petronium, ut praediximus, divitias violenter augmentem, omnes eadem mente detestabantur, qui sepulta iamdudum negotia, et redivivas nebulas debitorum in diversos ordines excitabat. Cum itaque tribunal idem adscen-¹⁸disset Procopius, et, cunctis stupore defixis, timeretur silentium triste: procliviorẽ viam ad mortem (ut sperabat) existimans advenisse, per artus tremore diffuso implicatior ad loquendum, diu tacitus stetit: pauca tamen interrupta et moribunda voce dicere iam exorsus, quibus stirpis propinquitatem imperatoriae praetendebat, leni paucorum

11) *al. sublatis.*

sufurro pretio illectorum, deinde tumultuariis succlamationibus plebis Imperator adpellatus incondite, petit curiam raptim. Ubi nullo clarissimorum, sed ignobili paucitate inventa, palatium pessimo pede festinatis passibus introiit.

19 Mirantur quidam profecto irrisione digna principia, incaute coepta et temere, ad ingemiscendas erupisse rei publicae clades, ignari forsitan exemplorum, haec accidisse primitus arbitantes. Sic Adramytenus Andriscus de genere quidam infimae fortis, adusque Pseudophilippi nomen ¹²⁾ erectus, bellis Macedonicis tertium addidit grave. Sic Antiochiae Macrino Imperatore agente, ab Emesa Helioabalus exivit Antoninus. Ita inopino impetu Maximini Alexander cum Mamaea matre confossus est. In Africa superior Gordianus in imperium raptus, adventantium periculorum angoribus implicatus, vitam laqueo spiritu intercluso profudit.

1 VII. Igitur cupediarum vilium mercatores, et qui intra regiam adparebant, aut parere desierant, quique coetu militarium nexi ad pacatiora iam vitae discesserant, in insoliti casus ambigua partim invit, alii volentes adsciscebantur: nonnulli omnia tutiora praesentibus rati, e civitate occulte dilapsi, Imperatoris castra petivere itineribus festinatis.

2 Hos omnes Sophronius vivacissimo cursu praegressus, tunc notarius, praefectus postea Constantinopoleos, Valentem a Caesarea Cappadocum iam profecturum, ut vaporatis aestibus Ciliciae iam lenitis ad Antiochiae percurreret sedes: textu narrato gestorum, spe dubia in talibus percitum et stupentem, avertit Galatiam, res adhuc trepidas arripiturum.

3 Qui dum itineribus properat magnis, attentissima cura Procopius in dies agitabat et noctes, sub-

12) Ms. erectus.

ditivos quosdam ostentans, qui astutia confidenti partim ab Oriente, alii e Galliis se venisse, et Valentinianum obiisse fingentes, cuncta patere novo et favorabili Principi memorabant. Et quia res 4 novae petulanter arreptae celeritate muniri solent interdum, ne quid formidandum omitteretur, ¹⁾ cum festinatione Nebridius in locum Sallustii praefectus praetorio factione Petronii recens promotus, et Caesarius Constantinopolitanae urbis praefectus in vincula compinguntur: et iubetur civitatem curare solita potestate Phronemius, esseque magister officiorum Euphrasius, ambo Galli, institutis bonarum artium spectatissimi: et administratio negotiorum castrensium Gomoario et Agiloni revocatis in sacramentum committitur inconsulte, ut docuit rerum exitus proditor. Quia igitur Iulius co- 5 mes per Thracias copiis militaribus praefidens, oppressurus rebelles, si comperisset conata, ex propinquis stationibus timebatur, commentum excogitatum est validum: et quasi iussu Valentis seria super barbaricis motibus tractaturus, Nebridii litteris adhuc clausi violenter expressis accitus Constantinopolim, strictius tenebatur. Hacque callida fraude bellatrices Thraciae gentes sine cruore adquisitae, adminicula aulis tumultuariis maxima compararunt. Post quae ita eventu laetiore completa, Araxius 6 exambita regia praetorio praefectus accessit, velut Agilone genero suffragante: aliique plures ad aulae varios actus et administrandas provincias sunt admissi, quidam inviti, alii ultro semet offerentes cum praemiis. Utque in certaminibus intestinis usu ve- 7 nire contingit, emergebant ex vulgari faece nonnulli, desperatione consiliisque ductantibus caccis: contraque quidam orti splendide, a culminibus summis adusque mortes et exilia corruebant.

D d 2

1) M. cum festinatione.

- 8 Ubi per haec et similia factio firmiter videbatur
esse composita, restabat, ut abundans cogeretur
militum manus: et impetratum est facile, id quod
9 iustis exorsa primordiis impedit. Transeuntes ad
expeditionem per Thracias concitatae equitum pe-
ditumque turmae, blandaeque acceptae et liberali-
ter cum essent, omnesque in unum sitae, iamque
exercitus species adpareret: promissis uberrimis in-
hiantes, sub execrationibus diris in verba iuravere
Procopii: hanc polliciti pertinaciam, quod eum
10 suis ²⁾ armis defensabunt. Inventa est enim occasio
ad alliciendos eos perquam opportuna: quod Con-
stantii filiam parvulam, cuius recordatio colebatur,
sinu ipse circumferens, necessitudinem praetende-
bat et Iuliani. Adeptusque est aliud tempori con-
gruum: quod Faustina, matre puellae, casu prae-
sente, quaedam acceperat habitus insignia princi-
11 palis. Adiungit his aliud veloci diligentia matu-
randum: et electi quidam stoliditate praecipites ad
capessendum Illyricum missi sunt, nullo praeter pe-
tulantiam adiumento confisi, aureos scilicet num-
mos effigatos in vultum novi Principis, aliaque ad
illecebras aptantes: quos correptos Equitius per
eas regiones militum rector exstinxit genere diverso
12 poenarum. Pariaque deinde metuens, obstruxit
tres aditus angustissimos, per quos provinciae ten-
tantur Arctoae, unum per ripensem Daciam, alte-
rum per Succos notissimum, tertium per Macedo-
nas, quem adpellant Acontisma. Hacque cautela,
vana persuasionem rapiendi Illyrici destitutus usurpa-
tor indebitae potestatis, magna perdidit instrumen-
ta bellorum.
- 13 Dum haec ita aguntur, atrocitate nuntii Valens
perculsus, iamque revertens per Gallograeciam,

2) *Steph.* animis.

auditis apud Constantinopolim gestis, diffidenter incedebat et trepide: ac repentino pavore vias providendi turbante, consueque desponderat animum, ut augustos amictus abiicere tamquam gravem sarcinam cogitaret: fecissetque profecto, ni vetantibus proximis detractus a deformi proposito, firmatusque meliorum sententiis, agmina duo ³⁾ praeire iussisset, quibus nomina sunt Iovii atque Victores, castra perduellium irrupturos. His iam propin- 14 quantibus, ipse Procopius ⁴⁾ a Nicaea regressus, quo nuper advenerat, cum Divitensibus desertorumque plebe promiscua, quam ⁵⁾ dierum brevi spatio congregarat, Mygdum acceleravit: qui locus Sangario adluitur flumine. Ubi cum legiones iam 15 pugnaturae congredierentur, inter reciprocantes missilia quasi procurfatione hostem laceffens, solus prorupit in medium. Et secundioris ductu fortunae, ex contraria acie velut agnitum quemdam Vitalianum, quem, si norat, ambigitur, Latine salute data blande produxit: eumque porrecta dextra suaviatus, omnibus hinc inde attonitis, *En, inquit, 16 caha Romanorum exercituum fides, et ⁶⁾ religionibus firmis iuramenta constricta! Placet, fortissimi viri, pro ignotis tot suorum consurrexisse mucrones: utque Pannonius degener labefactans cuncta et proterens, imperio, quod ne votis quidem concipere ausus est umquam, potiatur, ingemiscere nos vestris nostrisque vulneribus. Quin potius sequimini culminis summi profapiam, non [ut rapiat aliena, sed in integrum maiestatis avitae] restituatur, arma iustissima commoventem.*

Hac sermonis placiditate molliti omnes, qui 17 acriter venerant pugnaturi, signorum apicibus aqualisque summissis describere libentes ad eum: et pro

3) Steph. praecedere. 4) Ml. Anticea. 5) Ml. dierum brevi spatio. 6) al. regionibus.

terrifico fremitu, quem barbari dicunt barritum, nuncupatum Imperatorem stipatumque de more, consentientes in unum reduxerunt ad castra, testati more militiae Iovem, invictum Procopium fore.

- 1 VIII. Huic perduellium prosperitati laetior accessit. Rumitalca enim tribunus in societatem Procopianorum adscitus, et suscepta cura palatii, digesto maturé consilio, permistoque cum militibus, mari ad Drepanum antea, nunc Helenopolim venit,
- 2 exindeque Nicaeam spe celerius occupavit. Ad quam obsidendam cum huiusmodi pugnarum peritis Vadomario misso ex duce et rege Alamannorum, Valens Nicomediam pergit. 1) Exindeque profectus, oppugnationi Chalcedonis magnis viribus insistebat: cuius e muris probra in eum iaciebantur, et iniuriöse compellabatur ut Sabaiarius. Est autem sabaia ex ordeo vel frumento in liquorem contritis paupertinus in Illyrico potus. Fessus denique inopia commeatum, et obstinatione nimia defensorum, discedere iam parabat: cum inter haec clausi apud Nicaeam, patefactis subito portis egressi, munitorum magna parte prostrata, ductore fidentissimo Rumitalca properabant ardentem, circumventuri Valentem a tergo, nondum a Chalcedonos suburbano digressum: et patrassent conata, ni rumore quodam praeverso imminens exitium ille perdoctus, instantem vestigiis hostem per Sunonensem lacum et fluminis Galli sinuosos amfractus propere discedendo frustra sequentem lussisset. Et hoc casu Bithynia quoque in Procopii ditionem redacta est.
- 4 Unde cum Ancyram Valens citis itineribus revertisset, comperissetque Lupicinum ab Oriente cum catervis adventare non contemnendis: spe prosperorum erectior, Arinthaem lectissimum ducem
- 5 occursurum hostibus misit. Qui ubi Dadastanam

1) *al.* Exinde.

tetigit, in qua statione perisse diximus Iovianum, Hyperechium sibi oppositum repente vidit cum copiis, antehac ²⁾ Castrensis adparitorem, cui ut amico Procopius auxilia ductanda commisit. Et dedignatus hominem superare certamine despicabilem, auctoritatis et celsi fiducia corporis, ipsis hostibus iussit suam vincere rectorem: atque ita turmarum antesignanus umbratilis ³⁾ comprehensus suorum manibus.

Quae dum hoc modo procedunt, Venustus qui-6 dam largitionum adparitor sub Valente, multo ante Nicomediam missus, ut aurum susceptum stipendii nomine militibus per Orientem diffusis viritum tribueret, hac tristitia cognita alienum pervidens tempus, Cyzicum cum iis, quae susceperat, se citius contulit. Ubi forte Serenianus repertus domesti-7 corum tunc Comes, missus ad thesauros tuendos, urbem inexcuperabili moenium ambitu monumentis quoque veteribus cognitam, fretus tumultuario praelidio custodiebat: ad quam expugnandam Procopius, ut, possessa Bithynia, sibi etiam ⁴⁾ Hellespontum iungeret, validam destinaverat manum. Morabantur autem effectum sagittis et glandibus ⁵⁾ caeterisque iaculis obsidentium saepe globi ⁶⁾ confixi, et propugnatorum sollertia claustrum per catenam ferream valde robustam ori portus insertum, quae, ne rostratae irruerent naves hostiles, erat altitrefecus colligata. Hanc post varios militum labo-9 res et ducum, fatigatorum acerrimis proeliis, Aliso quidam tribunus abscidit, ⁷⁾ exsertus bellator et prudens, hoc modo. Coniunctis tribus navigiis, testudinem hac specie superstruxit. Densatis cohaerentes supra capita scutis, primi transtris instabant armati, alii post hos semet curvantes humiliter, ter-

2) Ms. Castrensis. 3) Ms. compressus. 4) Ms. bellis pontum.
5) al. confusi. 6) Ms. exsertas.

tiis gradatim inclinatis submisit, ita ut novissimi suffraginibus insidentes formam aedificii fornicati monstrarent. Quod machinae genus contra murales pugnas ideo figuratur hac specie, ut missilium ictus atque saxorum per decursus cadentium labiles, 10 instar imbrium evanescant. Itaque coniectu telorum Aliso paullisper defensus ingenti corporis robore, supposito stipite eandem catenam fortius bipenni concidens ita confregit, ut disiecta patefaceret aditum latum: hocque exitu civitas hostili impetu patuit improfecta. Qua causa extincto postea proterviae totius auctore, cum in factionis participes saeviretur: hic idem tribunus contemplatione facinoris clari vitam cum militia retinens, diu post in Isauria oppetiit vastatoria manu confossus.

11 Hoc Marte Cyzico referata, Procopius ad eam propere festinavit: veniaque universis, qui repugnare, donatis, Serenianum solum iniectis vinculis 12 iussit duci Nicaeam servandum artissime. Statimque Hormisdæ maturo iuveni, Hormisdæ regalis illius filio, potestatem proconsulis detulit, et civilia more veterum et bella recturo. Qui agens pro moribus lenius, a militibus, quos per devia Phrygiae miserat Valens, subito corripiendus incursum, tanto vigore evasit, ut adscensa navi, quam ad casus pararat ancipites, sequentem ac paene captam uxorem sagittarum nube diffusa defensam averteret secum: matronam opulentam et nobilem, cuius verecundia et destinatio gloriosa abruptis postea discriminiibus maritum exemit.

13 Ea victoria ultra homines Procopius sese effrens, et ignorans, quod quivis beatus, versa rota Fortunae, ante vespere potest esse miserrimus: Arbitionis domum, cui antea tamquam eadem sibi sentientis parcebat ut propriae, iussit exinaniri, 7) mo-

7) Mf. mobiles.

bilis census inaeſtimabilis plenam: ideo indignatus, quod venire ad eum accitus aliquoties distulit, cauſatus incommoda ſenectutis et morbos. Et licet 14 hac ex cauſa praefumptor momentum pertimeſceret grave, tamen, cum obſiſtente nullo ſe in orientales provincias effundere libenti cunctorum adſenſione iam licentius poſſet, avidas novitatem quamdam viſere taedio aſterioris imperii, quo tunc tenebantur: erga alliciendas quasdam civitates Asiae, legendosque eriuendi peritos auri, ut ſibi profuturos proeliis, quae magna exſpectabat et crebra, ſegnius commoratus; in modum acuti mucronis obtuſus eſt. Ut quondam Peſcennius Niger ad ſubveniendum 15 ſpei rerum extremae a populo Romano ſaepe accitus, dum diu cunctatur in Syria, a Severo ſuperatus in ſinu Illico (qui eſt in Cilicia, ubi Dareum Alexander fudit) fugatusque, in ſuburbano quodam Antiochiaegregarii manu militis interiit.

(A. C. 366.)

IX. Haec adulta hieme Valentiniano et Valente 1 Coss. agebantur. Translato vero in Gratianum adhuc privatum et Dagalaiphum ampliffimo magiftratu, aperto iam vere ſuſcitatis viribus, Valens iuncto ſibi Lupicino cum robuſtis auxiliis Peſlinunta ſigna propere tulit, Phrygiae quondam, nunc Galatae oppidum. Quo praefidiis ocius communito, 2 ne quid inopinum per eos emergeret tractus, praeter radices Olympi montis excelfi tramitesque fragoſos ire tendebat ad Lyciam, oſcitantem ibi 1) Gomoarium adgreſſurus. Cui pertinaci conſpiratione 3 multorum hac maxima conſideratione reſiſtebatur, quod hoſtis eius, ut ante relatum eſt, Conſtantii filiam parvulam cum matre Fauſtina et in agminibus, et cum prope in acie ſtarent, lectica circum-

1) Mf. Obigomarium.

ferens secum, ut pro imperiali germine, cui se quoque iunctum addebat, pugnarent audentius, iras militum accendebat. Sicut aliquando dimicaturi Macedones cum Illyriis, ²⁾ regem adhuc infantem in cunis locavere post aciem, cuius metu, ne trahe- retur captivus, adversos fortius oppresserunt.

4 Contra has calliditatis argutias sagaci opitula- tione nutanti negotio consuluit Imperator, et Ar- betionem ex Consule agentem iam dudum in otio, ad se venire hortatus est, ut Constantiniani ducis verecundia truces animi lenirentur: neque secus

5 evenit. Nam cum omnibus provectior natu et di- gnitate sublimior, canitiem reverendam ostenderet multis ad perfidiam inclipatis, publicum grassato- rem Procopium; milites vero sequutos eius erro- rem, filios et laborum participes pristinorum ad- pellans orabat, ut se ac si parentem magis seque- rentur felicissimis ductibus cognitum, quam pro- fligato morem gererent nebuloni destituendo iam et

6 caluro. Quibus cognitis Gomoarius, cum elusis hostibus, unde venerat, redire posset innoxius, ad castra Imperatoris opportunitate intervalli proximi, captivi colore transivit, velut accursu multitudinis visae subito circumsaepus.

7 Qua succensus alacritate Valens castra promovit ad Phrygiam: et ³⁾ prope Nacoliā collatis mani- bus, ⁴⁾ partium dux in ancipiti ⁵⁾ Agilo rem excur- su prodidit repentino: eumque sequuti complures iam pila quatientes et gladios, ad Imperatorem transeunt cum vexillis scuta perversa gestantes, quod defectionis signum est apertissimum.

8 Hoc praeter spem omnium viso, Procopius, sa- lutis intercluso suffragio, versus in pedes, circum- iectorum nemorum secreta et montium petebat:

²⁾ *et regem* Mf. deest. ³⁾ Mf. propensacolum. ⁴⁾ Mf. par- tiundum. ⁵⁾ Mf. iaculorum excursus.

Florentio sequeute et Barchalba tribuno, quem per saevissima bella iam inde a Constantii temporibus notum, necessitas in crimen traxerat, non voluntas. Maiore itaque noctis parte consumpta, cum a vesertino ortu luna praelucens in diem metum augeret, undique facultate evadendi exempta, consiliorum inops Procopius, ut in arduis necessitatibus solet, cum fortuna expostulabat luctuosa et gravi, merfusque multiformibus curis, subito a comitibus suis artius vinctus, relato iam die ductus ad castra, Imperatori offertur reticens atque defixus: statimque abscissa cervice, discordiarum civilium gliscientes turbines ⁶⁾ sepelivit et bella, ad veteris Perpenae exemplum: qui post Sertorium inter epulas obtruncatum, dominatione paullisper potitus, a ⁷⁾ frutectis, ubi latebat, extractus, oblatusque Pompeio, eius iussu est interfectus.

Parique indignationis impetu Florentius et Barchalba, qui cum duxerunt, confestim, non pensata ratione, sunt interfecti. Nam si Principem legitimum prodidissent, vel ipsa iustitia iure caesos pronuntiaret: si rebellem et oppugnatorem internae quietis, ut ferebatur; amplas eis memorabilis facti oportuerat deferri mercedes.

Excessit autem vita Procopius anno quadragesimo, amplius mensibus decem: corpore non indecoro, nec mediocris staturae, subcurvus, humumque intuendo semper incedens, perque morum tristitiam latebras illius similis Crassi, quem in vita semel risisse Lucillius adfirmat et Tullius: et, quod est mirandum, quoad vixerat, incruentus.

X. Iisdem fere diebus protector Marcellus, eiusdem cognatus, agens apud Nicaeam praesidium, proditione militum et interitu Procopii cognito, Serenianum intra palatium clausum medio noctis

6) *al.* sepelivit, ad veteris. 7) frutectis ubi latebat.

horrore incautum adortus occidit: cuius mors salutis plurimis fuit. Nam si victoriae superfuisset incultis moribus homo et nocendi acerbitate conflagens, Valentique ob similitudinem morum et genitalis patriae vicinitatem acceptus: occultas voluntates Principis introspiciens ad crudelitatem propensioris, multas innocentium ¹⁾ ediderat strages.

3 Quo interfecto, idem Marcellus occupata celeris cursu Chaleedone, concrepantibus paucis, quos vilitas et desperatio trudebat in scelus, umbram principatus funesti capessit gemina ratione fallente: quod et Gothorum tria millia regibus iam lenitis ad auxilium erant missa Procopio, Constantianam praetendenti ²⁾ necessitudinem, quae ad societatem suam parva mercede traduci posse existimabat: quodque gesta in Illyrico etiam tum latebant.

4 Inter quae tam trepida, speculationibus fidis Equitius doctus conversam molem belli totius in Aliam, digressus per Succos Philippopolim clausam praesidiis hostium, Eumolpiadam veterem referare magna vi conabatur, urbem admodum opportunam, et impedituram eius ³⁾ adventus, si pone relicta, adiumenta Valenti laturus (nondum enim apud Nacoliā gesta compererat) festinare ad Aemi-

5 montum cogeretur. Verum paullo postea cognita levi praesumptione Marcelli, milites missi sunt audaces et prompti, qui eum raptum, ut deditum noxae mancipium, in custodiam compegerunt. Unde post dies productus, lateribus fulcatis acerrime, pariaque ⁴⁾ perpeffis consortibus interiit, hoc favorabilis ⁵⁾ solo, quod abstulit Serenianum e medio, crudelem ut Phalarim, ⁶⁾ * illi et illi fidum ad doctrinarum diritatem, ⁷⁾ quam causis inanibus praetexebat.

1) Mf. ediderat. 2) τὸ quae Mf. deest. 3) Steph. appetitus. 4) Mf. perpenfis. 5) Mf. solo. 6) Mf. ille et ille fidum. 7) τὸ quam Mf. deest.

Exstirpatis occasu ducis funeribus belli, saevi-
 tum est in multos acrius, quam errata flagitaverant
 vel delicta: maximeque in Philippopoleos defen-
 sores, qui urbem seque ipsos non nisi capite viso Pro-
 copii, quod ad Gallias portabatur, ⁸⁾ aegerrime
 dediderunt. Ad gratiam tamen precantium coërci-
 ti sunt aliqui lenius: inter quos eminebat Araxius,
 in ipso rerum exustarum ⁹⁾ ardore adeptus ambitu
 praefecturam: ¹⁰⁾ et Agilone intercedente genero
 supplicio insulari multatus, breve post tempus eva-
 sit. Euphrasius vero itemque Phronemius missi ad ⁸
 occiduas partes, arbitrio obiecti sunt Valentiniani:
 et absoluto Euphrasio Phronemius Cherronesum de-
 portatur, inclementius in eodem punitus negotio,
 ea re, quod divo Iuliano fuit acceptus: cuius me-
 morandis ¹¹⁾ virtutibus ambo fratres principes obtre-
 ctabant, nec similes eius nec suppare.

His accedebant alia graviora, et multo magis ⁹
 quam in proeliis formidanda. Carnifex enim et
 unci et cruentae quaestiones, sine discrimine nullo
 aetatum et dignitatum per fortunas omnes et ordi-
 nes grassabantur, et pacis obtentu iudicium dete-
 standum agitabatur, insaufam victoriam execranti-
 bus universis, internecivo bello quovis gravio-
 rem. Nam inter arma et lituos conditionis aequatio levio- ¹⁰
 ra facit pericula: et Martiae virtutis potestas aut id,
 quod ausum, occupat; aut ¹²⁾ inopinata mors, si
 acciderit, nullum ignominiae continet sensum, fi-
 nemque secum vivendi simul et dolendi perducit:
 ubi vero consiliis impiis iura quidem praetendun-
 tur et leges, et Catonianae vel Cassianae sententiae
 fuco perliti ¹³⁾ resident iudices, ¹⁴⁾ agitur autem,
 quod agitur, ad voluntatem praetumidae potestatis,

8) Mf. acerrime dividerunt. 9) ad ardorem. 10) Mf. et Agi-
 lonem. 11) Mf. virtutibus eius ambo. 12) Mf. nobilitate et. 13)
 Mf. residerendi. 14) Mf. agatur.

- et ex eius libidine incedentium vitae necisque momenta penſantur; ibi capitalis vertitur perniciēs et
 11 abrupta. Nam, ut quisque ea tempeſtate ob quamlibet voluerat cauſam, regiae propere accedens, et aliena rapiendi aviditate exuſtus, licet aperte infontem arceſſens, ut familiaris ſuſcipiebatur et fidus,
 12 ditandus caſibus alienis. Imperator enim promptior ad nocendum; criminantibus patens, et funereas delationes adſciſcens, per ſuppliciorum diuerſitates effrenatius exultavit: ſententiae illius Tullianae ignarus docentis, infelices eſſe eos, qui omnia
 13 ſibi licere exiſtimarunt. Haec implacabilitas cauſae quidem piſſimae, ſed ¹⁵) victoriae foedioris, innocentes tortoribus expoſuit multos, vel ſub eculeo caput incurvos, aut icti carnificis torvi ſubſtravit: quibus, ſi pateretur natura, vel denas animas profundere praestabat in pugna, quam lateribus fodicatis omni culpa immunes, fortunis gementibus univerſis, quaſi laesae maiestatis luere poenas; dilaniatis ante corporibus, quod omni eſt triſtius morte.
 14 Exin, cum ſuperata luctibus ferocia deſlagraſſet, proſcriptiones, et exſilia, et quae leviora quibusdam videntur, quamquam ſint aſpera, viri pertulere ſummates: et ut ditaretur alius, genere nobilis et forte meritis locupletior, actus patrimonio praecipuus, truſusque in exſilium conſumebatur angore, aut ſiſpe precaria victitabat: nec modus ullus exitiabilibus malis impoſitus, quamdiu Principem et proximos opum ſatietas cepit et caedis.
 15 Hoc novatore adhuc ſuperſiſte, cuius actus multiplices docuimus et interitum, diem duodecimum Kalend. Auguſtas, conſule Valentiniano primum cum fratre, horrendi terrores ¹⁶) per omnem orbis ambitum graſſati ſunt ſubito, quales nec fabulae

15) Mf. victoriae foedioris. 16) Poſt haec verba ſolium integrum in Mf. deſideratur.

nec veridicae nobis antiquitates exponunt. Paulo 16
 enim post lucis exortum, densitate praevia fulgurum
 acrius vibratorum tremefacta concutitur omnis ter-
 reni stabilitas ponderis, mareque dispulsum retro
 fluctibus evolutis abscessit, ut resecta voragine pro-
 fundorum, species natantium multiformes limo cer-
 nerentur haerentes: valliumque vastitates et mon-
 tium tunc, ut opinari dabatur, suspicerent radios
 solis, quos primigenia rerum sub immensis gurgiti-
 bus amandavit. Multis igitur navibus velut arida 17
 humo connexis, et licenter per exiguas undarum re-
 liquias palantibus plurimis, ut pisces manibus colli-
 gerent et similia: marini fremitus velut gravati re-
 pulsam, versa vice confurgunt, perque vada ferven-
 tia insulis et continentis terrae porreetis spatiis vio-
 lenter illisi, innumera quaedam in civitatibus, et
 ubi reperta sunt aedificia, complanarunt: proinde
 ut elementorum furente discordia, involuta facies
 mundi miraculorum species ostendebat. Relapsa 18
 enim aequorum magnitudo, cum minime sperare-
 tur, millia multa necavit hominum et submersit: re-
 currentiumque aestuum incitata vertigine, quaedam
 naves, postquam humentis substantiae consenuit tu-
 mor, pessumdatae visae sunt: exanimataque naufragiis
 corpora supina iacebant aut prona. Ingentes 19
 aliae naves extrusae rabidis flatibus, culminibus in-
 sedere tectorum, ut Alexandriae contigit: et ad se-
 cundum lapidem fere procul a littore contortae sunt
 aliquae, ut Laconicam prope Mothonen oppidum
 nos transeundo conspeximus diuturna carie sati-
 scentem.

AMMIANI MARCELLINI

RERUM GESTARUM

LIBER XXVII.

Alamanni, fustis acie Romanis, Chariettonem et Severianum comites interficiunt. C. I. Iovinus magister equitum per Gallias, unam et alteram Alamannorum manum imparatam caedit; tertiam barbarorum partem apud Catalaunos proelio superat, sex hostium milibus interfectis, quatuor vulneratis. II. De tribus praefectis urbi, Symmacho, Lampadio, et Iuventio. Sub eo Damasi et Ursini de episcopatu Romano contentiones. III. Describuntur populi, et sex provinciae Thraciarum, singularumque clarae urbes. IV. Valens Aug. Gothis, qui auxilia Procopio contra ipsum miserant, bellum insert, et post triennium pacem cum eis facit. V. Gratianum filium Valentinianus consentiente exercitu Augustum nuncupat, et puerum purpuram indutum ad fortiter faciendum hortatur, militibusque commendat. VI. Valentiniani A. iracundia, feritas et saevitia. VII. Pictis, Attacottis, et Scottis, post duccem et comitem interfectos, Britanniam impune vastantibus, Theodosius comes fustis praedam excussit. VIII. Mauricae gentes Africam populantur. Isaurorum latrocinia Valens compescit. De Praetextati praefectura urbana. IX. Valentinianus A. Rhenum transit, et Alamannos, qui in celsissimos montes fugerant, non incruento utrimque certamine fundit fugatque. X. De Probi nobilitate, opibus, dignitatibus et moribus. XI. Romani et Persae de Armenia et Hiberia inter se pugnant. XII.

¹ Dum per Eoum orbem haec, quae narravimus, diverſi rerum expediunt caſus, Alamanni poſt aequipo-

rumnolas iacturas et vulnera, quae congressi saepe Iuliano Caesari pertulerunt, viribus tandem resumptis licet imparibus pristinis, ob causam expolitam supra, Gallicanos limites formidati iam persultabant. Statimque post Kal. Ianuarias, cum per glaciales tractus hiemis rigidum inhorresceret fidus, cuneatim egressa multitudo licentius vagabatur. Horum portioni primae Charietto, tunc per utram-² que Germaniam Comes, occursurus cum milite egreditur ad bella ineunda promptissimo, adscito in societatem laboris Severiano itidem Comite, invalido et longaevo, qui apud Cabilona Divitensibus praesidebat et Tungricanis. Proinde confertius³ agmine in unum coacto, ponteque brevioris aquae firma celeritate transmissio, visos eminus barbaros Romani sagittis aliisque levibus iaculis incessabant, quae illi reciprocis iactibus valide contorquebant. Ubi vero turmae congressae strictis conflixere mu-⁴ cronibus, nostrorum acies ¹⁾ impetu hostium acriore concussa, nec resistendi nec faciendi fortiter copiam reperit, cunctis metu compulsis in fugam, cum Severianum vidissent equo deturbatum, missilique telo peroffensum. Ipse denique Charietto, dum ce-⁵ dentes obiectu corporis et vocis iurgatorio sonu audentius pertinet, pudendumque diluere dedecus fiducia diu standi conatur, oppetiit telo letali confusus. Post cuius interitum, Erulorum Batavorum-⁶ que vexillum direptum, quod insultando tripudiantes barbari crebro sublatum altius ostendebant, post certamina receptum est magna.

(A. C. 567.)

II. Qua clade cum ultimo maerore comperta, correcturus secius gesta Dagalaiphus a Parisiis mittitur. Eoque diu cunctante, causanteque, diffusos

¹⁾ το' hostium deest Steph.

per varia barbaros semet adoriri non posse, accit-
 que paullo post, ut cum Gratiano etiam tum pri-
 vato fusciperet insignia consulatus; Iovinus equi-
 tum magister accingitur: et instructus, paratusque,
 cautissime observans utrumque sui agminis latus,
 venit prope locum Scarponna: ubi inopinus maio-
 rem barbarorum plebem, antequam armaretur, tem-
 poris brevi puncto praeventam ad internecionem ex-
 2 stinxit. Exultantes innoxii proelii gloria milites ad
 alterius globi perniciem ducens, sensimque incedens
 rector eximius speculatione didicit fida, direptis
 propius villis vastatoriam manum quiescere prope
 flumen: iamque adventans, abditusque in valle den-
 sitate arbuftorum obscura, videbat lavantes alios,
 quosdam comas rutilantes ex more, potantesque
 3 nonnullos. Et nactus horam impendio tempesti-
 vam, signo repente per lituos dato latrocinialia ca-
 stra perrupit: contraque Germani nihil praeter in-
 efficaces minas iactanter sonantes et fremitum, nec
 expedire arma dispersa, nec componere aciem, nec
 resurgere in vires permittebantur, ¹⁾ urgente instan-
 ter victore. Quocirca forati pilis et gladiis cecidere
 complures, absque iis, quos versos in pedes texere
 flexuosi tramites et angusti.

4 Hoc prospero rerum effectu, quem virtus pere-
 gerat et fortuna, aucta fiducia Iovinus militem du-
 cens, diligenti speculatione praemissa, in tertium
 cuneum, qui restabat, propere castra commovit:
 et maturato itinere omnem prope Catelaunos inve-
 5 nit ad congregiendum promptissimum. Et vallo
 opportune metato, suisque pro temporis copia cibo
 recreatis et somno, primo aurorae exortu in aperta
 planitie composuit aciem dilatatam arte sollerti, ut
 spatiis amplioribus occupatis aequiperare Romani
 hostium multitudinem adparerent, inferiores nume-

¹⁾ In Steph. editione τὸ instanter deest.

ro, licet viribus pares. ²⁾ Signo itaque per buccinas dato, quum pede collato res agi coepisset, sueta vexillorum ³⁾ splendentium facie terrii stetero Germani. Quibus hebetatis parumper, reparatisque confestim, adusque diei extimum concertatione protenta, validius imminens miles fructum rei bene gestae sine dispendio quaefisset, ni Balchobaudes armaturarum tribunus magniloquentia socordi coa-litus, propinquante iam vespere cessisset incondite. Quem si sequutae residuae cohortes abiissent, ad tristes exitus eousque negotium venerat, ut nec acta nuntiaturus quisquam posset superesse nostrorum. Sed resistens animorum acri robore miles ita lacertis ⁷ emiuit, ut hostium quatuor millibus faucibus, sex alia interficeret millia: ipse vero non amplius mille ducentis amitteret; ducentis tantummodo vulneratis. Noctis itaque adventu proelio iam dirempto, ⁸ relictisque viribus fessis, prope confinia lucis ductor egregius in agminis quadrati figuram producto exercitu, cum comperisset occultantibus tenebris barbaros lapsos: securus insidiarum per aperta camporum sequebatur et mollia, calcando semineces et constrictos, quos vulneribus frigorū asperitate contractis dolorum absumpserat magnitudo. Exin ⁹ progressus ulterius, revertens, ubi nullum repererat, didicit regem hostilium agminum cum paucis captum ab Ascariis, quos ipse ⁴⁾ per iter aliud ad diripienda tentoria miserat Alamannica, suffixum patibulo. Ideoque iratus in tribunum animadvertere statuit, ausum hoc inconsulta potestate superiore fecisse: eumque damnasset, ni militari impetu commissum facinus atrox, documentis evidentibus constitisset.

Et post haec redeunti Parisios post claritudinem recte gestorum Imperator laetus occurrit: cumque

E e 2

2) Mf. Signo itaque. 3) In Steph. deest. 4) Mf. pariter.

postea consulem designavit: illo videlicet ad gaudii cumulum accedente, quod iisdem diebus Procopii
 11 susceperat caput a Valente transmissum. Praeter haec, alia multa narratu minus digna conferta sunt proelia per tractus varios Galliarum, quae superfluum est explicare, quoniam neque operae pretium aliquod eorum habuere proventus, nec historiam producere per minutias ignobiles decet.

1 III. Hoc tempore vel paullo ante, nova portenti species per annonariam adparuit Tusciam: idque, quorsum evaderet, prodigialium rerum periti penitus ignorarunt. In oppido enim Pistorienfi prope horam diei tertiam spectantibus multis alinus tribunali adscenso audiebatur destinatus rugiens: et stupefactis omnibus, qui aderant, quique didicerant referentibus aliis, nulloque coniectante ventu-
 2 ra, postea, quod portendebatur, evenit. Terentius enim humili genere in urbe natus et pistor, ad vicem praemii, quia peculatus reum detulerat Orfitum ex praefecto, hanc eandem provinciam correctoris administraverat potestate. Eaque confidentia deinceps inquietius agitans multa, in naviculariorum negotio falsum admisisse convictus, ut ferebatur, periit carnificis manu, regente Claudio Romam.

3 Multo tamen antequam hoc contingeret, Symmachus Aproniano successit, inter praecipua nominandus exempla doctrinarum atque modestiae, quo instante urbs sacratissima otio copiisque abundantius solito fruebatur: [et ambizioso ponte exultat atque firmissimo, quem] condidit ipse, et magna civium laetitia dedicavit ingratorum, ut res docuit apertif-
 4 sima. Qui, consumptis aliquot annis, domum eius in transtiberino tractu pulcherrimam incenderunt, ea re perciti, quod vilis quidam plebeius infixerat, illum dixisse sine indice ullo vel teste, libenter se vino proprio calcarias exstincturum, quam id venditurum pretiis, quibus sperabatur.

Advenit post hunc urbis moderator Lampadius 5
ex praefecto praetorio, ¹⁾ homo indignanter admo-
dum sustinens, si, etiam cum spueret, non lauda-
retur, ut id quoque prudenter praeter alios faciens:
sed nonnumquam severus et frugi. Hic cum ma- 6
gnificos praetor ederet ludos, et uberrime largire-
tur, plebis nequiens tolerare tumultum, indignis
multa donari saepe urgentis; ut liberalem se et mul-
titudinis ostenderet contemptorem, accitos a Vati-
cano quosdam egentes opibus ditaverat magnis.
Vanitatis autem eius exemplum, ne latius evage- 7
mur, hoc unum sufficiet poni, leve quidem, sed
cavendum iudicibus. Per omnia enim civitatis
membra, quae diversorum Principum ²⁾ exorna-
runt impensae, nomen proprium inscribebat: non
ut veterum instaurator, sed conditor. Quo vitio
laborasse Traianus dicitur Princeps: unde eum her-
bam parietinam iocando cognominarunt.

Hic praefectus exagitatus est motibus crebris: 8
uno omnium maximo, cum collecta plebs infima,
dorum eius prope Constantinianum lavacrum inie-
ctis facibus incenderat et malleolis, ni vicinorum
et familiarium veloci concursu a summis tectorum
culminibus petita faxis et tegulis abscessisset. Ea- 9
que vi territus ipse ³⁾ primitus crebrescentis sedi-
tionis in maius, secessit ad Mulvium pontem (quem
struxisse superior dicitur Scaurus) adlenimenta ibi-
dem tumultus opperiens, quem causa concitaverat
gravis. Aedificia erigere exoriens nova, vel vetu- 10
sta quaedam instaurans, non ex titulis solitis parari
iubebat impensas: sed, si ferrum quaerebatur, aut
plumbum, aut aes, aut quidquam simile; adpari-
tores immittebantur, qui velut ementes diversa, ra-
perent species nulla pretia persolvendo: unde ac-

1) In Steph. το homo deest. 2) Mf. exarmarunt. 3) Mf. pri-
mitus crebrese.

cenforum iracundiam pauperum ⁴⁾ damna deflentium crebra aegre potuit celeri vitare digressu.

11 Advenit successor eius ex quaesitore palatii ⁵⁾ Iuventius, integer et prudens, Pannonius: cuius administratio quieta fuit et placida, copia rerum omnium fluens. Et hunc quoque discordantis populi seditiones terruere cruentae, quae tale nego-

12 tium excitavere. Damasus et Ursinus supra humanum modum ad rapiendam episcopatus sedem arduentes, scissis studiis asperime conflictabantur, adusque mortis vulnereque discrimina adiumentis utriusque progressis: quae nec corrigere sufficiens Iuventius nec mollire, coactus vi magna secessit in

13 suburbanum. Et in concertatione superaverat Damasus, parte, quae ei favebat, instante. Constatque in basilica Sicinini, ubi ritus Christiani est conventiculum, uno die centum triginta septem reperta cadavera peremptorum: efferatamque diu plebem aegre postea delenitam.

14 Neque ego abnuo, ostentationem rerum confiderans urbanarum, huius rei cupidus ob impetrandum, quod adpetunt, omni contentione laterum iurgari debere: cum id adepti, futuri sint ita securi, ut ditentur oblationibus matronarum, procedantque vehiculis infidentes, circumspecte vestiti, epulas curantes profusas, adeo ut eorum convivium

15 regales superent mensas. Qui esse poterant beati revera, si magnitudine urbis despecta, quam vitiis opponunt, ad imitationem antistitum quorundam provincialium viverent: quos tenuitas edendi potandique parcissime, vilitas etiam indumentorum, et supercilia humum spectantia, perpetuo numini verisque eius cultoribus ut puros commendant et verecundos. Hactenus devialis sufficet, nunc ad rerum ordines revertamur.

4) *ro* damna vulg. deest. 5) *MI. Iuventius*, et ita infra.

IV. Dum aguntur antedicta per Gallias et Italiam, 1
 novi per Thracias excitati sunt procinctus. Valens
 enim, ut consulto placuerat fratri, cuius regebatur
 arbitrio, arma concussit in Gothos, ratione iusta
 permotus: quod auxilia misere Procopio civilia bella
 coeptanti. Ergo convenit pauca super harum ori-
 gine regionum et situ transcurrere per brevem ex-
 cessum.

Erat Thraciarum descriptio facilis, si veteres 2
 concinerent stili: quorum obscura varietas quo-
 niam opus veritatem professum non iuvat, sufficiet
 ea, quae vidisse meminimus, expedire. Has terras 3
 immensa quondam camporum placiditate aggerum-
 que altitudine fuisse porrectas, Homeri perennis
 auctoritas docet, Aquilonem et 4) Zephyrum ventos
 exinde flare fingentis: quod aut fabulosum est, aut
 tractus antehac diffusi latissime, destinatique natio-
 nibus feris, cuncti Thraciarum vocabulo censeban-
 tur. Et partem earum habitavere Scordisci, longe 4
 nunc ab iisdem provinciis disparati, saevi quondam
 et truces, ut antiquitas docet, hostiis captivorum
 Bellonae litantes et Marti, humanumque sanguinem
 in ossibus capitum 2) cavis bibentes avidius: quorum
 asperitate post multiplices pugnarum aerumnas saepe
 res Romana vexata, postremo omnem amisit exerci-
 tum cum rectore.

Sed ut nunc cernimus, eadem loca formata in 5
 cornuti sideris modum, effingunt theatri faciem spe-
 ciosam. Cuius in summitate occidentali montibus
 praeruptis densitate Succorum patescunt angustiae,
 Thracias dirimentes et Daciam. Partem vero fini- 6
 stram arctois obnoxiam stellis 3) Aemimontanae cel-
 situdines claudunt, ut et Hister, qua Romanum
 caespitem lambit, urbibus multis et castris conti-

1) τὸ ventos Steph. deest. 2) Mf. capitum cavis. 3) Mf. Haemimontana cellitudines clauduntur.

7guus et castellis. Per dextrum, quod australe est, latus scopuli tenduntur Rhodopes: unde ⁴⁾ Eoum iubar exsurgit, finitur in fretum: cui undosius ab Euxino ponto labenti, pergentique fluctibus reciprocis ad Aegaeum, discidium panditur terrarum angustum. Ex angulo tamen orientali Macedonicis iungitur collimitiis per artas praecipitesque vias, ⁵⁾ quae cognominantur Acontisma: cui proxima Arethusa convallis et statio, in qua visitur Euripidis sepulcrum tragoediarum sublimitate conspicui, et Stagira, ubi Aristotelem, ut Tullius ait, fundentem aureum flumen, accepimus natum. Haec quoque priscis temporibus loca barbari tenuere, morum sermonumque varietate dissimiles. E quibus, praeter alios, ut immaniter efferrati ⁶⁾ timebantur Odryssae, ita humanum fundere sanguinem adsueta, ut, cum hostium copia non daretur, ipsi inter epulas post cibi satietatem et potus, suis velut alienis corporibus imprimerent ferrum.

10 Verum aucta re publica, dum consulare vigeret imperium, has gentes antehac semper indomitas, vagantesque sine cultu vel legibus, Marcus Didius ingenti destinatione pressit; Drusus intra fines continuit proprios; Minucius prope amnem Hebrum, a celsis Odryssarum montibus fluentem, superatos proelio stravit: post quos residui ab Appio Claudio proconsule sunt infesta concertatione deleti. Oppida enim in Bosporo sita et Propontide classes
11 obtinuerunt Romanae. Advenit post hos imperator Lucullus, qui cum ⁷⁾ durissima gente Bessorum conflictit omnium primus: eodemque impetu Aemimontanos acriter resistentes oppressit. Quo imminente, Thraciae omnes in ditionem veterum ⁸⁾ trans.

⁴⁾ Mf. eo iubar. ⁵⁾ al. qua cognom. ⁶⁾ al. memorantur.
⁷⁾ Mf. durissima. ⁸⁾ al. transivere.

iere nostrorum: hocque modo post procinctus accipites, rei publicae sex provinciae sunt quaesitae.

Inter quas prima ⁹⁾ ex fronte, quae Illyriis est ¹² confinis, Thracia speciali nomine adpellatur: quam Philippopolis Eumolpias vetus, et Beroea amplae civitates exornant. Post haec Aemimontus Hadrianopolim habet, quae dicebatur Uscudama, et Anchialon, civitates magnas. Dein Myfia, ubi Marcianopolis est, a sorore Traiani Principis ita cognominata, et Dorostorus, et Nicopolis, et Odysus: iuxtaque Scythia, in qua celebriora sunt ¹⁰⁾ aliis oppida Dionysopolis, et Tomi, et ¹¹⁾ Galatis. Europa omnium ultima, praeter municipia urbibus nitet duabus, Apris et Perintho, quam Heracleam posteritas dixit. Rhodopa huic adnexa ¹³ Maximianopolim habet, et Maroneam, et Aenum, qua condita et relictæ Aeneas Italiam auspicioꝝ prosperitate perpetua ¹²⁾ post diuturnos occupavit errores.

Constat autem, ut vulgare rumores assidui, ¹⁴ omnes paene agrestes, qui per regiones praedictas montium circumcolunt altitudines, salubritate virium et praerogativa quadam vitae longius propagandae nos antecire: idque inde contingere arbitrantur, quod colluvione ciborum abstinent calidis, et perenni viriditate roris adspersionibus gelidis corpora constringente, aerae purioris dulcedine potiuntur, radiosque solis suapte natura vitales primi omnium sentiunt, nullis adhuc maculis rerum humanarum ¹³⁾ infectos. His ita digestis pedem referamus ad coeptum.

V. Procopio superato in Phrygia, internarum: ¹ que dissensionum materia confopita, Victor magister equitum ad Gothos est missus, cogniturus aper-

9) *al.* ex fronte quae. 10) *τὸ αὐτὸ* vulgo deest. 11) *Mf.* Galati. 12) *Mf.* *τὸ post* deest. 13) *Mf.* infectos.

te, quam ob causam gens amica Romanis, foederibusque ¹⁾ ingenuae pacis obstricta, armorum dederat adminicula bellum Principibus legitimis inferenti. Qui ut factum ²⁾ firma defensione purgarent, litteras eiusdem obtulere Procopii, ut generis Constantiniani propinquo imperium sibi debitum sumplisse commemorantis, veniaque dignum adserentes errorem.

- 2 Quibus eodem referente Victore compertis, Valens ³⁾ parvi ducens excusationem vanissimam, in eos signa commovit, motus adventantis iam praescios: et pubescente vere quaesito in unum exercitu, prope Daphnem nomine munimentam est castra metatus: ponteque contabulato supra navium foros flumen transgressus est Histrum, resistentibus nullis.
- 3 Iamque sublatus fiducia, cum ultro citroque discurrens nullum inveniret, quem superare posset vel terrere: omnes enim formidine perciti militis cum adparatu ambizioso propinquantis, montes petivere Serrorum arduos, et inaccessos nisi perquam gnaris.
- 4⁴⁾ Ne igitur, aestate omni consumpta, sine ullo remearet effectum, Arinthaëo magistro peditum misso cum praedatoriis globis, familiarum rapuit partem, quae antequam ad dirupta venirent et flexuosa capi potuerunt, per plana camporum errantes. Hocque tantum, quod fors dederat, impetrato, rediit cum suis innoxius, nec illato gravi vulnere nec accepto.
- 5 Anno sequuto ingredi terras hostiles pari alacritate conatus, fusius Danubii gurgitibus vagatis impeditus, mansit immobilis, prope Carporum vicum stativis castris adusque autumnum locatis emensum. Unde, quia nihil agi potuit dirimente magnitudine fluentorum, Marcianopolim ad hiberna discessit.
- 6 Simili pertinacia tertio quoque anno per Novidunum navibus ad transmittendum amnem connexis

1) Mf. iuge. 2) al. prima. 3) Mf. parviducens. 4) τὸ igitur in vulgatis libris deest.

perrupto barbarico, continuatis itineribus longius agentes Creuthungos bellicosam gentem adgressus est: postque leviora certamina Athanaricum ea tempestate iudicem potentissimum, ausum resistere cum manu quam sibi crediderit abundare, extremorum metu coëgit in fugam: ipseque cum omnibus suis Marcianopolim rediit, ad hiemem agendam, ut in illis tractibus habilem.

Aderant post diversos triennii casus finiendi 7 belli materiae tempestivae. Prima, quod ex Principis diuturna permanfione metus augebatur hostilis: dein, quod commerciis vetitis, ultima necessariorum inopia barbari stringebantur: adeo ut legatos supplices saepe mittentes 5) venialem poscerent pacem. Quibus Imperator rudis quidem, verum 8 spectator adhuc aequissimus rerum, antequam adulationum perniciosus illecebris captus rem publicam funeribus perpetuo deslendis adfligeret, in commune consultans pacem dare oportere decrevit. 6) Mis- 9 sique vicissim Victor et Arinthaëus, qui tunc equestrem ac pedestrem militiam agebant: qui cum propositis conditionibus adsentiri Gothos docuissent litteris veris, praestituitur componendae 7) paci conveniens locus. Et quoniam adserebat Athanaricus, sub timenda execratione 8) iurisiurandi se esse obstrictum, mandatisque prohibitum patris, ne solum calcaret aliquando Romanorum, et adigi non poterat, indecorumque erat et vile ad eum Imperatorem transire: recte noscentibus placuit, navibus remigio directis in medium flumen, quae vehebant cum armigeris Principem, gentisque iudicem inde cum suis, foederari, ut statutum est, pacem. Hocque composito et acceptis oblidibus, Valens 10 Constantinopolim rediit: ubi postea Athanaricus

5) *Mf.* venalem poscerent praecem. 6) *al.* emisitque vicissim Victorem et Arintheum. 7) *Mf.* pacis. 8) *Mf.* iurandi.

proximorum factione genitalibus terris expulsus, fatali sorte decessit; et ambitiosis exsequiis ritu sepultus est nostro.

1 VI. Inter haec Valentiniano magnitudine qualifato morborum, agitanteque extrema, convivio occultiore Gallorum, qui aderant in commilitio Principis, ad imperium Rusticus Iulianus tunc magister memoriae poscebatur, quasi adflatu quodam furoris bestiarum more humani sanguinis avidus, ut ostenderat, cum proconsulari potestate regeret
2 Africam. In praefectura enim urbana, quam adhuc administrans exstinotus est, tempus anceps metuens tyrannidis, cuius arbitrio tamquam inter dignorum inopiam ad id ¹⁾ escenderat culmen, lenis
3 videri cogebatur et mollior. Contra hos nitebantur aliqui studiis altioribus in favorem Severi magistri tunc peditum, ut apti ad hoc impetrandum: qui, licet asper esset et formidatus, tolerabilior tamen fuit, et praefendus modis omnibus antedicto.

4 ²⁾ Sed dum haec cogitantur incassum, Imperator remediis multiplicibus recreatus, vixque se mortis periculo contemplan extractum: Gratianum filium suum adulto iam proximum, insignibus principatus
5 ornare meditabatur. Et paratis omnibus, militeque firmato, ut animis id acciperet promptis, cum Gratianus venisset, progressus in campum tribunal adscendit: splendoreque nobilium circumdatus potestatum, dextera puerum adprehensum productumque in medium, oratione concionaria destinatum Imperatorem exercitui commendavit.

6 *Faustum erga me vestri favoris indicium, hunc loci principalis circumferens habitum, quo potior*

1) Mf. *descenderat*. Forſan in antiquis codicibus ſcriptum fuit *escenderat*, ut ſupra: idque in aliis libris iam olim quoque obſervatum fuit. 2) ~~at~~ ſed cum.

aliis iudicatus sum multis et claris: consiliorum sociis
votorumque auspiciis vobis, pietatis officium ad-
grediar tempestivum, prospera Deo spondente:
cuius sempiternis auxiliis stabit Romana res incon-
cussa. Accipite igitur, quaeso, placidis mentibus, 7
viri fortissimi, desiderium nostrum, id reputantes,
quod haec, quae fieri caritatis sancunt iura, non
tantum transire volumus per conscientiam vestram,
verum etiam probata firmari, ut congrua nobis et
profutura. Gratianum hunc meum aduultum, quem 8
diu versatum inter liberos vestros commune diligitis
pignus, undique muniendae tranquillitatis publicae
causa in Augustum sumere comilitium paro, si
propitia caelestis numinis vestraeque maiestatis vo-
luntas parentis amorem iuverit praeuntem: non
rigido cultu ab incunabulis ipsis ut nos educatum,
nec tolerantia rerum coalitum asperarum, nec ca-
pacem adhuc Martii pulveris, ut videtis: sed fami-
liae suae laudibus maiorumque factis praestantibus
concontinentem, potioribus (invidiae metu dicitur) pro-
tinus³⁾ succreturum. Ut enim mihi videri solet, 9
mores eius et adpetitus, licet nondum maturos saepe
pensanti: ineunte adulescentia, quoniam humani-
tate et studiis disciplinarum sollertium est politus,
librabit suffragiis puris merita recte secusve facto-
rum: faciet, ut sciant se boni intelligi: in pulcra
facinora procurabit, signis militaribus et aquilis
adhaesurus: solem nivesque et pruinas et sitim per-
feret et vigilias: castris, si necessitas adegerit, ali-
quotiens propugnabit: salutem pro periculorum so-
ciis obiectabit: et, quod pietatis summum primum-
que munus est, rem publicam, ut domum paternam
diligere poterit et avitam.

Nondum finita oratione dictis cum adsensu laeto 10
auditis, pro suo quisque loco et animo milites alius

3) *al.* surrepturum.

alium anteire festinans, tamquam utilitatis et gaudiorum participes Gratianum declararunt Augustum, clavicorum amplissimo sonu blandum fragorem miscentes armorum. Quo viso maiore fiducia
 11 Valentinianus exultans, corona indumentisque supremæ fortunæ ornatum filium osculatus, iamque fulgore conspicuum, alloquitur advertentem, quæ 4) dicebantur.

12 *En, inquit, habes, mi Gratiane, amictus, ut speravimus omnes, augustos, meo commilitonumque nostrorum arbitrio delatos ominibus faustis. Accingere igitur pro rerum urgentium pondere, ut patris patruique collega: et adfuesce impavidus penetrare cum agminibus peditum gelu pervios Histrum et Rhenum: armatis tuis proximus stare: sanguinem spiritumque considerate pro his impendere, quos regis: nihil alienum putare, quod ad*
 13 *Romani imperii pertinet latus. Haec pro tempore praecepisse sufficiet, caetera monere non desinam. Nunc reliqui vos estis, rerum maximi defensores: quos rogo et obtestor, ut ad crescentem Imperatorem fidei vestrae commissum servetis adfectione fundata.*

14 His dictis sollemnitate omni firmatis, Eupraxius Caesariensis Maurus, magister ea tempestate memoriae, primus omnium exclamavit, *familia Gratiani hoc meretur*: statimque promotus quaestor, multa et prudentibus aemulanda bonae fiduciae reliquit exempla, nusquam a statu naturae discedens intrepidae, sed constans semper legumque similis, quas omnibus una eademque voce loqui in multiplicibus advertimus causis: qui tunc magis in suscepta parte iustitiae permanebat, cum eum recta monentem exagitaret minax Imperator et nimius.
 15 Confurrectum est post haec in laudes maioris Prin-

4) Ms. dicebantur.

cipis et novelli: maximeque pueri, quem oculorum flagrantior lux commendabat, vultusque et reliqui corporis incundissimus nitor, et egregia pectoris indoles: quae Imperatorem implellet cum veterum lectissimis comparandum, si per fata proximosque⁵⁾ licuisset, qui virtutem eius etiam tum instabilem⁶⁾ obnubilarunt actibus pravis.

In hoc tamen negotio Valentinianus morem institutum antiquitus supergressus, non Caesares sed Augustos germanum nuncupavit et filium, benivole satis. Nec enim quisquam antehac adscivit sibi pari potestate collegam, praeter Principem Marcum, qui Verum adoptivum fratrem absque diminutione aliqua auctoritatis Imperatoriae socium fecit.

(A. C. 368.)

VII. His ex sententia¹⁾ rectoris et militum ordinatis, vix dies intercessere pauci, cum Mamertinum praefectum praetorio ab urbe regressum, quo quaedam perrexerat correcturus, Avitianus ex vicario peculatus detulerat reum. Cui ideo Vulcanius successit Rufinus, omni ex parte perfectus, et velut apicem senectutis honoratae praetendens, sed lucrandi opportunas occasiones occultationis semper numquam praetermittens. Qui nactus copiam³⁾ Principis, Orfitum ex praefecto urbis solutum exilio, patrimonii redintegrata iactura, remitti fecit in lares.

Et quamquam Valentinianus homo propalam⁴⁾ ferus, inter imperitandi exordia, ut asperitatis opinionem molliret, impetus truces retinere nonnumquam in potestate animi nitebatur: serpens tamen vitium et²⁾ dilatatum aliquamdiu, licentius erupit ad

5) *al.* licuisset et qui. 6) *Ms.* adnubilarunt. 1) rectoris. 2) *et aliquamdiu* *Ms.* deest.

perniciem plurimorum: quod auxit ira acerbius effervescens. Hanc enim ulcus esse animi diuturnum; interdumque perpetuum prudentes definiunt, nasci ex mentis ³⁾ mollitia consuetum: id adserentes argumento probabili, quod iracundiores sunt incolumibus languidi, et feminae maribus, et iuvenibus senes, et felicibus aerumnosi.

5 Eminuit tamen per id tempus inter alias humilium neces, mors Dioclis ex comite largitionum Illyrici, quem ob delicta ⁴⁾ levia flammis iussit exuri: et Diodori ex agente in rebus, triumque adparitorum potestatis vicariae per Italiam, ob id necatorum atrociter, quod apud eum questus est comes, Diodorum quidem adversus se civiliter implorasse iuris auxilium, officiales vero iussu iudicis aulos monere proficiscentem, ut responderet ex lege. Quorum memoriam apud Mediolanum colentes nunc usque Christiani, locum, ubi sepulti sunt, *Ad innocentes* adpellant.

6 Dein cum in negotio Maxentii cuiusdam Panonii, ob executionem a iudice recte maturari praeceptam, trium oppidorum ordines mactari iussisset, interpellavit Eupraxius, tunc quaeflor; et, *Parcius*, inquit, *agito, piissime Principum: hos enim, quos interfici tamquam noxios iubes, ut martyras, id est divinitati acceptos, colit religio Christiana*. Cuius salutarem fiduciam praefectus imitatus Florentius, cum in re quadam venia digna audisset eum percitum ira ⁵⁾ iussisse itidem ternos per ordines urbium interfici plurimarum, *Et quid agetur*, ait, *si oppidum aliquod Curiales non haberet tantos? Inter reliqua id quoque suspendi debet, ut, cum habuerit, occidantur*. Ad hanc inclementiam illud quoque accedebat dictu dirum et factu: quod,

3, Mf. mollitia. 4) Mf. brevia. 5) Mf. iussisse item ternos.

quod, si quis cum adisset iudicium potentis inimici declinans, aliumque sibi postulans dari: hoc non impetrato, ad eundem, quem metuebat, licet multa praetenderet iusta, remittebatur. Itemque aliud audiebatur horrendum, quod, ubi debitorum aliquem egestate obstrictum nihil reddere posse dicebatur, interfici debere pronuntiabat.

Haec autem et similia licenter ideo altiore fastu quidam Principes agunt, quod amicis emendandi secus cogitata vel gesta copiam negant: inimicos loqui terrent amplitudine potestatis. Nulla vacat quaestio pravitatum apud eos, qui, quod ⁶⁾ volunt ipsi, maximas putant esse virtutes.

VIII. Profectus itaque ab Ambianis, Treverosque festinans, nuntio percellitur gravi, qui Britannias indicabat barbarica conspiratione ad ultimam vexatas inopiam: Nectaridumque Comitem maritimi tractus occisum, et ¹⁾ Fullosaudem ducem hostium insidiis circumventum. Quibus magno cum ²⁾ horrore compertis, Severum etiam tum domesticorum Comitem milit, si fors casum dedisset optatum, correcturum sequius gesta: quo paullo postea revocato, Iovinuseadem loca profectus, ³⁾ Provertuidem celeri gradu praemisit, adminicula petiturus exercitus validi. Id enim instantes necessitates flagitare firmabant. Postremo ob multa et metuenda, quae super eadem insula rumores assidui perferebant, electus Theodosius illuc properare disponitur, officii Martii felicissime cognitus: adscitaque animosa legionum et cohortium ³⁾ pube, ire tendebat praeunte fiducia speciosa.

Et quoniam, cum Constantis Principis actus 4 componerem, motus adulescentis et senescentis oceani, situmque Britanniae pro captu virium ex-

6) *et ipsi* deest al. 1) *Mf. effullosaudem.* 2) *Mf. Provertus* idem. 3) *Mf. pubetere* tend.

planavi, ad ea, quae digesta sunt semel, revolvi superfluum duxi: ut Ulyxes Homericus apud Phaeacas ob difficultatem nimiam replicare formidat. Illud tamen sufficiet dici, quod eo tempore Picti in duas gentes divisi, Dicalidonas et Vecturiones, iidemque Attacotti bellicosa hominum natio, et Scotti, per diversa vagantes multa populabantur: Gallicanos vero tractus Franci et Saxones iisdem confines, quo quisque erumpere potuit terra vel mari, praedis acerbis incendiisque, et captivorum funeribus⁴⁾ hominum violabant.

6 Ad haec prohibenda, si copiam dedisset fortuna prosperior, orbis extrema dux efficacissimus petens, cum venisset ad Bononiae littus, quod a spatio controverfo terrarum angustiis reciproci distinguitur maris, attolli horrendis aestibus adsueta, rursusque sine ulla navigantium noxa in speciem complanari camporum: exinde, transmeato lentius freto, deferretur⁵⁾ Rutupias, stationem ex adverso tranquillum. Unde cum consequuti Batavi venissent et Eruli, Ioviique et Victores, fidentes viribus numeri, egressus tendensque ad⁶⁾ Lundinium vetus oppidum, quod Augustam posteritas adpellavit, divisis plurifariam globis, adortus est vagantes hostium vastatorias manus, graves onere sarcinarum: et prope fusis, qui vinctos homines agebant et pecora, praedam excussit, quam tributarii perdidere miserrimi. His denique restituta omni, praeter partem exiguam, impensam militibus fessis,mersam difficultatibus suis antehac civitatem, sed subito, quam salus sperari potuit recreatam, in ovantis speciem laetissimus introiit.

9 Ubi ad audenda maiora prospero successu elatus,⁷⁾ tutaque scrutando consilia, futuri morabatur

4) Mf. omnium. 5) Mf. Ruturias. 6) al. Lundenium. 7) Mf. totaque.

ambiguus, diffusam variarum gentium plebem et ferocientem immaniter, non nisi per dolos occultiores et improvisos excursus superari posse; captivorum confessionibus et transfugarum indicibus doctus. Denique edictis propositis impunitateque 10 promissa, desertores ad procinctum vocabat, et ⁸⁾ multos alios per diversa libero commeatu dispersos. Quo monitu ut redire plerique, incentivo percitus, retentusque anxiiis curis, Civilem nomine recturum Britannias pro praefectis ad se poposce- rat mitti, virum acrioris ingenii, sed iusti tenacem et recti: itidemque Dulcitium, ducem scientia rei militaris insignem.

IX. Haec in Britanniis agebantur. Africam vero iam inde ab exordio Valentiniani imperii exurebat barbarica rabies, per procursus audentiores et crebris caedibus et rapinis intenta. Quam rem militaris augebat secordia, et aliena invadendi cupiditas, maximeque Romani nomine Comitis. Qui 2 venturi providus, transferendaeque in alios invidiae artifex, saevitia morum multis erat exosus, hac praecipue causa, quod superare hostes in vastandis provinciis festinabat, adfinitate Remigii tunc magistri ¹⁾ officiorum confusus: quo prava et contraria referente, Princeps (ut prae se ferebat ipse) cautissimus lacrimosa dispendia diutius ignoravit Afrorum.

Gestorum autem per eas regiones seriem plenam, 3 et Ruricii praesidis legatorumque mortem, et caetera luctuosa, cum adegerit ratio, diligentius explicabo. Et quoniam adest liber locus dicendi, 4 quae sentimus, aperte loquamur: hunc Imperatorem omnium primum in manus militares factus ad damna rerum auxisse communium, dignitates opes-

F f 2

8) *et alios deest vulg.* 1) Ita Mf. et Steph. *La aliis et con-*
fusus deest.

que eorum sublimius erigentem: et quod erat publice privatimque dolendum, inflexa saevitia punientem gregariorum errata, parcentem potioribus, qui tamquam peccatis indulta licentia, ad labem delictorum immanium consurgebant: qui ex eo anhelantes, ex nutu suo indistanter putant omnium pendere fortunas. Horum status et pondera inventores iuris antiqui ²⁾ mollientes, etiam infantes quosdam aliquotiens suppliciis aboleri censuere letalibus. Quod saepe contingit, cum ob multitudinis crimina, nonnulli fortis iniquitate plectuntur innoxii: id enim nonnumquam ad privatorum pertinuit causas.

- 6 At in Isauria globatim per vicina digressi praedones, oppida villasque uberes libera populatione vexantes, magnitudine iacturarum Pamphyliam afflictabant et Cilicas. Quos cum nullis arcenibus internecive cuncta disperdere Asiae Vicarius ea tempestate Musonius advertisset, Athenis Atticis antea hac magister rhetoricus: deploratis novissime rebus, luxuque adiumento militari marcente, adhibitis semiermibus paucis, quos Diogmitas adpellant, unum grassatorum cuneum, si patuisset facultas, adoriri conatus, per angustum quemdam transiens devexitatis amfractum, ad inevitabiles venit infidias: et ibi cum his confossus est quos ducebat.
- 7 Tali successu latrones praetumidos, palantesque per varia confidentius, interfectis aliquibus, ad latebrosa ³⁾ montium saxa quae incolunt excitae tandem copiae contruserunt: ubi cum eis nec quiescendi nec inveniendi ad victum utilia copia laxaretur, per indutias pacem sibi tribui poposcerunt, Germanicopolitanis auctoribus, quorum apud eos, ut signiferae manus, semper valere sententiae: obfi-

2) Ms. molientes. 3) Ms. animantium.

dibusque datis, ut imperatum est, immobiles diu manfere, nihil audentes hostile.

Haec inter Praetextatus praefecturam urbis 8 sublimius curans, per integritatis multiplices actus et probitatis, quibus ab adulescentiae rudimentis inclarnit, adeptus est id, quod raro contingit, ut, cum timeretur, amorem non perderet civium, 4) minus firmari solitum erga iudices formidatos. Cuius auctoritate iustisque veritatis suffragiis tumultu lenito, quem Christianorum iurgia concitarunt, pulsoque 5) Ursino, alta quies parata, proposito civium Romanorum aptissima: et adulescebat gloria 6) praeclari rectoris plura et utilia disponentis. 7) Namque et Maeniana fustulit omnia, fabricari 10 Romae priscis quoque vetita legibus: et discrevit ab aedibus sacris privatorum parietes, iisdem invecunde connexos: ponderaque per regiones instituit universas, cum aviditati multorum ex libidine trutinas componentium occurri nequiret. In examinandis vero litibus ante alios id impetravit, quod laudando Brutum Tullius refert, ut, cum nihil ad gratiam faceret, omnia tamen grata 8) viderentur esse, quae 9) facitabat.

X. Sub idem fere tempus Valentiniano ad expeditionem caute, ut rebatur, profecto, Alamanus regalis Rando nomine, diu praestruens, quod cogitabat, Mogontiacum praefidiis vacuum cum expeditis ad latrocinandum latenter irrepsit. Et quoniam 2 casu Christiani ritus invenit celebrari sollempnitatem, impraepecte cuiusquemodi fortunae 4) virile et muliebre secus cum suppellectili non parva indefensum abduxit.

Parvo inde post intervallo inopina rei Romanae 3 spes laetiorum adfulsit. Cum enim Vithicabius

4) *al. minis.* 5) *Mf. Ursino.* 6) *Mf. praeclari.* 7) *Mf. Namque et.* 8) *et esse deest al.* 9) *al. faciebat.* 10) *al. virilem et muliebrem sexum.*

rex, Vadamarii filius, specie quidem molliculus et morbosus, sed audax et fortis, ardorēs in nos semper succenderet bellicos, opera navabatur impensior, ut qualibet occumberet strage. Et quia tentatus aliquotiens nullo genere potuit superari vel prodi, fraude citerioris vitae ministri, studio sollicitante nostrorum occubuit: cuius post necem aliquatenus hostiles torpuere discursus. Interfectōr tamen prae metu poenarum, quas verebatur, si patuisset negotium, ad Romanum solum se celeri transtulit gradu.

5 Parabatur post haec lentioribus curis et per copias multiformes in Alamannos expeditio solitis gravior, destinatus id publica tutela poscente, quoniam reparabilis gentis motus timebantur insidi: milite nihilominus accenso, cui ob suspectos eorum mores, nunc infimorum et supplicum, paullo post ultima minitantium, nullae quiescendi dabantur indutiae.

6 Contracta igitur undique mole maxima catervarum, armis et subsidiis rei cibariae diligenter instructa, accitoque Sebastiano Comite cum Illyriis et Italicis numeris, quos regebat, anni tempore iam²⁾ tepente Valentinianus cum Gratiano Rhenum³⁾ transgressus resistente nemine, divisus agminibus quadratis ipse medius incedebat, Iovino et Severo magistris rei castrensis altrinsecus ordinum latera servantibus, ne repentino invaderentur adsaltu.

7 Protinusque inde ductantibus itinerum callidis, exploratis accessibus, per regiones longo itu porrectas sensim gradiens miles irritator ad pugnandum, velut repertis barbaris minaciter infrendebat. Et quoniam aliquot diebus emensis nullus potuit, qui resisteret, inveniri, cuncta satorum et tectorum, quae viscebantur intacta, cohortium manu vorax flamma

2) Mf. terente. 3) Mf. transtibusque neminem divisus.

vastabat, praeter alimenta, quae colligi dubius re-
 rum eventus adigebat et custodiri. Post haec lenio- 8
 re gressu Princeps ulterius tendens, cum prope
 locum venisset, cui ⁴⁾ Solicinio nomen est, velut
 quadam obice stetit, doctus procurantium relatione
 verissima, barbaros longe conspectos. Qui nullam 9
 ad tuendam salutem viam superesse cernentes, nisi
 se celeri defendissent ⁵⁾ occurfu, locorum gnaritate
 confisi, unum spirantibus animis montem occupa-
 vere praecellsum, per confragosos colles undique
 praeruptum et invium, absque septentrionali latere,
 unde facilem habet devexitatem et mollem. Signis
 illico fixis ex more, cum undique ad arma concla-
 maretur, imperio Principis et ductorum stetit regi-
 bilis miles, vexillum opperiens extollendum: quod
 erat opportune subeundae indicium pugnae. Ergo, 10
 quia spatium deliberandi aut exiguum dabatur aut
 nullum, hinc impatientia militis ⁶⁾ perterrente,
 inde horrenda circumsonantibus Alamannis, id
 consilium ratio celeritatis admisit, ut arctoam mon-
 tium partem, quam clementer diximus esse procli-
 vem, Sebastianus cum suis occuparet, fugientes
 Germanos, si fors ita tulisset, levi negotio confossu-
 rus: quo, ut placuit, maturato, Gratianoque apud
 signa Iovianorum retro detento, cuius aetas erat
 etiam tum proeliorum impatiens et laborum, Va-
 lentinianus ut dux cunctator et tutus, centurias et
 manipulos capite intecto conlustrans, nullo poten-
 tium in conscientiam arcani adhibito, remota mul-
 tudine stipatorum, speculatum radices aggerum
 avolavit cum paucis, quorum industriam norat et
 fidem: praedicans, ut erat sui arrogans aestimator,
 inveniri posse aliam viam ducentem ad arduos cli-
 vos, praeter eam, quam inspexere ⁷⁾ proculcatores.

4) Mf. Soliconeno. 5) Mf. occurfu, unde locorum. 6) al.
 praetereunte. 7) al. procuratores.

- 11 Per ignota itaque et palustres uligines devius tendens, infidiatricis manus locatae per ⁸⁾ obliqua subito oppetiisset adcurfu, ni necessitatis adiumento postremo, per labilem limum incitato iumento digressus, legionum se gremiis immerfisset post abruptum periculum: cui adeo proximus fuit, ut galeam eius cubicularius ferens auro lapillisque distinctam, cum ipso tegmine penitus interiret, nec postea vivus reperiretur aut interfectus.
- 12 Proinde quiete reficiendis corporibus data, signoque erecto, quod solet ad pugnam hortari, tubarum minacium accedente clangore, fidentissimo impetu acies motas prompte ante alios praeiere duo iuvenes lecti in principiis adeundi discriminis, Salvius et Lupicinus, scutarius unus, alter e schola Gentilium, fragore terribili concitantes: hastasque crispando cum ad rupium obiecta venissent, trudentibusque Alamannis evadere ad celliora conarentur, ⁹⁾ advenit omne pondus armorum, ¹⁰⁾ iisdemque antesignanis per hirta dumis et aspera magno virium nisu in editas sublimitates erepsit.
- 13 Acri igitur partium spiritu conflictus cuspidibus tentatur infestis: et hinc arte belli doctior miles, inde licet feroces, sed incauti barbari dexteris coiere collatis: quos latius sese pandens exercitus infulis utrimque cornibus adflictabat, per fremitus
- 14 territos et equorum hinnitus et tubas. Nihilominus tamen ipsi adsumpta fiducia restiterunt: aequataque parumper proeliorum sorte, haud parva mole certatum est, dum ¹¹⁾ turmarum funeribus mutuis
- 15 res gerebatur. Disiecti denique Romanorum ardore, metuque turbati, miscentur ultimis primi: dumque in pedes versi discedunt, verutis ¹²⁾ hostilibus forabantur et pilis. Postremo, dum anhel-

8) *Mf. oblita.* 9) *al. advenit huc omne.* 10) *al. iis denique.*
 In *Mf.* neutrum habetur. 11) *Mf. ruinarum.* 12) *Mf. hastilibus.*

currunt et fessi, pandebant sequentibus poplites et furas et dorſa. Stratis denique multis, lapſorum partem Sebaſtianus, cum ſubſidiali manu locatus poſt montium terga, trucidavit ex incauto latere circumventam: diſperſi caeteri ſilvarum ſe latebris amandarunt.

In hac dimicatione noſtri quoque oppetiere non 16 contemnendi: inter quos Valerianus fuit domeſticorum omnium primus, et Natuſpardo quidam ſcutarius, exſertus ita bellator, ut Sicinio veteri compareretur et Sergio. Hiſque tali caſuum diverſitate perfectis, milites ad hiberna, Imperatores Treveros reverterunt.

XI. Per haec tempora Vulcatio Ruſino abſoluto 1 vita, dum ¹⁾ adminiſtrarat, ad regendam praefecturam praetorianam ab urbe Probus accitus, claritudine generis et potentia et opum amplitudine cognitus orbi Romano, per quem univerſum paene patrimonio ſparſa poſſedit, iuſte an ſecus non iudicium eſt noſtri. Hunc quaſi genuina quaedam, ut ſin- 2 gunt poëtae, fortuna vehens praepetibus pinnis, nunc beneficum ostendebat et amicos ²⁾ ſublimius erigentem, aliquotiens inſidiatorem dirum, et per cruentas noxium ſimilitudines. Et licet potuit, quoad vixit, ingentia largiendo, et intervallando poteſtates adſiduas: erat tamen interdum timidus ad audaces, contra timidos cellior: ut videretur, cum ſibi fideret, de cothurno ſtrepere tragico, et ubi paveret, omni humilior ſocco. Atque ut natantium 3 genus elemento ſuo expulſum, haud tam diu ſpirat in terris; ita ille marcebat abſque praefecturis: quas iurgiis familiarum ingentium capellere cogebatur, numquam innocentium per cupiditates immenſas, utque multa perpetrarent impune, dominum ſuum mergentium in rem publicam. Namque 4

¹⁾ *al. adminiſtrat.* ²⁾ *al. altius.*

fatendum est, numquam illa magnanimitate coali-
tus, clienti vel servo agere quidquam iussit illicitum :
sed si eorum quemquam crimen ullum compererat
admisisse, vel ipsa repugnante iustitia, non explo-
rato negotio, sine respectu boni honestique defen-
debat. Quod vitium ³⁾ reprehendens ita pronun-
tiat Cicero: *Quid enim interest inter suasorem fa-*
cti et probatorem? Aut quid refert, utrum volue-
rim fieri, an gaudeam factum? Suspiciosus tamen,
et ⁴⁾ munitus suoapte ingenio fuit, et subamarum ar-
6 ridens, blandiensque interdum, ut noceat. Id au-
tem perspicuum est in eiusmodi moribus malum,
tum maxime, cum celari posse existimatur: ita im-
placabilis et ⁵⁾ directus, ut si laedere quemquam insti-
tuisset, nec exorari posset, nec ad ignoscendum
erroribus inclinari: ideoque aures eius ⁶⁾ non cera,
7 sed plumbis videbantur obstructae. In summis di-
vitiarum et dignitatum culminibus anxius et sollici-
tus, ideoque semper levibus morbis adstrictus. Hae
per occidentales plagas series rerum fuere gesta-
rum.

1 XII. Rex vero Persidis longaevus ille Sapor, et
ab ipsis imperitandi exordiis dulcedini rapinarum
addictus, post Imperatoris Iuliani excessum et pu-
dendae pacis icta foedera, cum suis paullisper nobis
visus amicus, calcata fide sub Ioviano pactorum,
iniectabat Armeniae manum, ut eam, velut placi-
2 torum abolita firmitate, ditioni iungeret suae. Et
primo per artes fallendo diversas, ¹⁾ nationem
omnem renitentem dispendiis levibus adstrictabat,
solicitans quosdam optimatum et Satrapas, alios
3 excursibus occupans improvilis. Dein per exquisitas
periuriisque mistas illecebras captum regem ipsum

3) Mf. reprehendens tam pronuntiat. 4) Mf. munitus. 5) Mf.
directus. 6) nonne eras sed pluribus. Vulg. non erant sed pluri-
bus. 1) Mf. nationem hominum.

Arfacem, adhibitumque in convivium iussit ad latentem trahi posticam: eumque effossis oculis, vinctum catenis argenteis, quod apud eos honoratis vanum suppliciorum aestimatur esse solatium, exterminavit ad castellum Agabana nomine, ubi discruciat²⁾ cecidit ferro poenali. Deinde, ne quid 4 intemeratum perfidia praeteriret, Sauromace pulso, quem auctoritas Romana praefecit Hiberiae, Aspacurae cuidam potestatem eiusdem detulit gentis diademate addito, ut arbitrio se monstraret insultare nostrorum. Quibus ita studio nefando perfectis, 5 Cylaci spadoni et Artabanni, quos olim susceperat perfugas, commisit Armeniam (horum alter ante gentis praefectus, alter magister fuisse dicebatur armorum) iisdemque mandarat, ut Artogerasiam intentiore cura excinderent, oppidum muris et viribus validum, quod thesauros et uxorem cum filio Arfacis tuebatur. Iniire, ut statutum est, obli- 6 dium duces. Et quoniam munimentum positum in asperitate montana, rigente tunc caelo nivibus et pruinis, adiri non poterat, eunuchus Cylaces aptusque ad muliebria palpamenta, Artabanne adscito, prope moenia ipsa ³⁾ fide non amittendae ⁴⁾ salutis accepta, propere venit: et cum socio ad interiora susceptus ut postulavit, suadebat ⁵⁾ minaciter defensoribus et reginae, motum Saporis inclementissimi omnium lenire deditione veloci. Multis post 7 haec ultro citroque dictitatis, eiulanteque muliere truces mariti fortunas, prodicionis acerrimi compulsores in misericordiam flexi mutavere consilium: et spe potiorum erecti, secretis colloquiis ordinarunt, hora praestituta nocturna reclusis subito portis validam manum erumpere, vallumque hostile caedibus adgredi repentinis, ut lateant id tentantes,

2) Ml. deciderat. 3) Ml. deinde. 4) Ml. salutis. 5) Ml. minaciter.

8 polliciti se prodituros. Quibus religione firmatis egressi, biduumque ad deliberandum, quid capessere debeant, sibi concedi clausos petisse adseverantes, in desidiam obseffores traduxerunt: et vigiliis, quibus ob securitatem altiore steritur somno, civitatis ⁶⁾ aditu referato iuventus exsiluit velox: passibusque insonis expeditis mucronibus ⁷⁾ repens, cum castra nihil metuentium invasisent, iacentes multos
9 nullis resistentibus trucidarunt. Haec inopina defectio necesque insperatae Persarum, inter nos et Saporem discordiarum excitavere causas immanes: illo etiam accedente, quod Arfacis filium Param, suadente matre cum paucis e munimento digressum, susceptumque Imperator Valens apud Neocaesaream morari ⁸⁾ praecepit, urbem Polemoniaci ponti notissimam, liberali victu curandum et cultu.

Qua humanitate Cylaces et Artabannes illecti, missis oratoribus ad Valentem, auxilium eundem-
10 que Param sibi regem tribui poposcerunt. Sed pro tempore adiumentis negatis, per Terentium ducem Para reducitur in Armeniam, recturus interim sine ullis insignibus gentem: quod ratione iusta est observatum, ne fracti foederis nos argueremur et pacis.

11 Hoc comperto textu gestorum Sapor ultra hominem efferatus, concitis maioribus copiis Armenias aperta praedatione vastabat. Cuius adventu territus Para, itidemque Cylaces et Artabannes, nulla circumspectantes auxilia, celsorum montium petivere
9) recessus, limites nostros disterrnantes et Lazicam: ubi per silvarum profunda et flexuosos colles mensibus quinque delitescences, regis multiformes
12 lufere conatus. Qui operam teri frustra contemp-
plans fidere flagrante brumali, pomiferis exultis ar-

6) Mf. aditura e strato. 7) Mf. repens. 8) Mf. praecipitur.
9) Mf. recessus.

boribus, castellisque munitis et castris, quae ceperat ¹⁰⁾ superata vel prodita, cum omni pondere multitudinis Artogerassam circumsaep^{ta}m; et post varios certaminum casus ¹¹⁾ lassatis defensoribus patefactam incendit: Arsacis uxorem erutam inde cum thesauris abduxit.

Quas ob causas ad eas regiones Arintha^{eus} cum ¹³ exercitu mittitur Comes, suppetias laturus Armeniis, si eos exagitare procinctu gemino tentaverint Persae.

Inter quae Sapor immensum quantum astutus, ¹⁴ et, cum sibi conducere, humilis aut elatus, societatis futurae specie Param ut incuriosum sui per latentes nuntios increpabat, quod maiestatis regiae velamento Cylaci serviret et Artabanni: quos ille praeceps blanditiarum illecebris interfecit, capitaque caesorum ad Saporem ut ei morigerus misit.

Hac clade late diffusa, Armenia omnis perisset ¹⁵ impugnata, ni Arinthaei adventu territi Persae eam incurfare denuo distulissent: hoc solo contenti, quod ad Imperatorem misere legatos, petentes nationem eandem, ut sibi et Ioviano placuerat, non defendi. Quibus repudiatis, Sauromaces pulsus, ¹⁶ ut ante diximus, Hiberiae regno, cum duodecim legionibus et Tereutio remittitur: et eum anni Cyro iam proximum Aspacures oravit, ut socia potestate consobrini regnarent: causatus ideo se nec cedere, nec ad partes posse transire Romanas, quod ¹²⁾ Ultra eius filius oblidis lege tenebatur adhuc apud Persas.

Quae imperator doctus, ut concitandas ex hoc ¹⁷ quoque negotio turbas consilio prudentiaque molli-
ret, divisioni adquievit Hiberiae: ut eam medius dirimeret Cyrus, et Sauromaces Armeniis finitima

¹⁰⁾ *ra vel prodita* in Mf. desunt. ¹¹⁾ Mf. *lassatis*. ¹²⁾ Mf. *ultra*.

retineret et Lazis, Aspacures Albaniae Persisque
contigua.

- 18- His percitus Sapor, pati se exclamans indigna,
quod contra foederum textum iuarentur Armeniae,
et ¹³⁾ evanuit legatio, quam super hoc miserat cor-
rigendo, quodque se non adsentiente nec consensio
dividi placuit Hiberiae regnum: velut obleratis
amicitiae foribus, vicinarum gentium auxilia con-
quirebat, suumque parabat exercitum, ut serenata
caeli temperie subverteret omnia, quae ex re sua
struxere Romani.

13) Mf. evanuit.

AMMIANI MARCELLINI

RERUM GESTARUM

LIBER XXVIII.

Multi, etiam Senatores, ac senatorii generis feminae, Romae veneficiorum, stuprorum et adulteriorum accusantur, et supplicio adficiuntur. C. I. Valentinianus Aug. totam Rheni ripam Gallicam castris, castellis et turribus munit: Alamanni Romanos trans Rhenum munimentum exstruentes interficiunt. Marathocupreni grassatores in Syria iussu Valentis A. cum liberis et vico suo deleti. II. Theodosius urbes Britanniae a barbaris vastatas restituit, castella reparat, et provinciam insulae recipit, quae Valentia est adpellata. III. De Olybrii et Ampelii praefectura urbana: et de pitius senatus populiue Romani. IV. Saxones in Gallia, post factas indutias, a Romanis insidiis circumventi. Valentinianus data fide iungendi copias, Burgundiones Alamanniae immisit, qui decepti ac illusi, captivi omnibus occisis domum redierunt. V. Clades Tripoli provinciae, Leptitanisque et Oensibus ab Austurianis illatae, et fraude Romani comitis Valentiniano occultatae, et minime vindicatae. VI.

Dum apud Persas; ut supra narravimus, perfidia regis motus agitat insperatos, et in Eois tractibus bella rediviva consurgunt: anno sextodecimo et eo diutius post Nepotiani exitium, faeviens per urbem aeternam urebat cuncta Bellona, ex primordiis minimis ad clades excita luctuosas: quas oblitterasset utinam iuge silentium! ne forte paria quandoque tententur, plus exemplis generalibus nocitura quam

- 2 delictis. Ac licet ab textu cruento gestorum exquisite narrando, iustus me retraheret metus multa reputantem et varia; tamen praesentis temporis modestia fretus, carptim, ut quaeque memoria digna sunt, explauabo: nec pigebit quid ex his, ¹⁾ quae apud veteres acciderint, ²⁾ timuerim, docere succincte.
- 3 Bello Medico primo cum diripuissent Asiam Persae, oblidentes ³⁾ Miletum molibus magnis, minantesque defensoribus cruciabiles necesse, inirecere clausis necessitatem, ut omnes magnitudine malorum adstricti, peremptis caritatibus propriis, projectoque in ignem mobili censu, arsfuros se certatim congererent in
- 4 communem pereuntis patriae rogam. Hoc argumentum paullo postea digestum tumore tragico Phrynichus in theatrum induxerat Athenarum: paulisperque incunde auditus; cum ⁴⁾ cothurnatus filius procederet lacrimosus, indignatione damnatus est populi, arbitrati, non consolandi gratia, sed probrose monendi, quae pertulerat amabilis civitas, nullis auctorum adminiculis fulta, hos quoque dolores scenicis adnumerasse fabulis insolenter. Erat enim Atheniensium colonia Miletus, deducta inter Ionas alios per ⁵⁾ Nileum filium Codri, [qui fertur
- 5 pro patria bello se Dorico devovisse.] Sed ad propolita veniamus.

Maximinus regens quondam Romae vicariam praefecturam, apud Sopianas Valeriae oppidum obscurissime natus est, patre tabulario praefidialis officii, orto a posteritate Carporum, quos antiquis excitos

6 sedibus Diocletianus transtulit in Pannoniam. Is post mediocre studium liberalium ⁶⁾ doctrinarum, defensionemque causarum ignobilem, et administratas Corsicam itidemque Sardiniam, rexit deinde Tusci-
sciam.

1) Mf. quaeque apud. 2) al. timuerim. 3) al. militum. 4) Mf. cothurnatus. 5) Mf. Linac. 6) al. disciplinarum.

sciam. Unde morato in itinere diutius successore, progressus ad curandam urbis annonam, etiam provinciae ⁷⁾ moderamina retinebat: egitque consideratione triplici inter exordia cautius. Primo, quod ⁷ recalebant in auribus eius parentis effata, quid augurales alites vel cantus monerent oscinum adprime callentis, adusque sublimia regimenta, sed periturum ferro poenali: dein, quod nactus hominem Sardum, quem ipse postea per dolosas fallacias interemit, ut circumtulit rumor, eliciendi animulas noxias et praesagia sollicitare larvarum perquam gnarum: dum superesset ille, timens, ne proderetur, tractabilis erat et mollior: postremo, quod tamquam subterraneus serpens per humiliora reptando, nondum maiores funerum excitare poterat causas.

Principium autem, unde latius se funditabat, ⁸ emerfit ex negotio tali. Chilo ex Vicario et coniunx eius Maxima nomine, questi apud Olybrium ea tempestate urbi praefectum, vitamque suam venenis petitam adseverantes impetrarunt, ut hi, quos suspectati sunt, illico rapti compingerentur in vincula: organarius Sericus, et Asbolius palaestrita, et haruspex Campensis. Verum negotio tepescente ⁸⁾ ob diuturnam morborum asperitatem, qua tenebatur Olybrius: ⁹⁾ morarum impatientes hi, qui rem detulerunt, libello petiverunt oblato, ut examinandum iurgium praefecto mandaretur annonae: idque studio celeritatis concessum est. Accepta igitur ¹⁰ nocendi materia Maximinus effudit genuinam ferociam, pectori crudo adfixam: ut saepe faciunt amphitheatrales ferae, diffractis tandem solutae possicis.

Cumque multiformiter quasi in proludiis negotium spectaretur, et quidam fulcatis lateribus nominassent nobiles aliquos, tamquam usos artificibus laedendi per clientes, aliosque humiles ¹⁰⁾ notos

7) Ms. moderamine. 8) al. ob. 9) al. morae. 10) al. notans.

reos et indices: supra plantam (ut dicitur) evagatus tartareus cognitor, relatione maligna docuit Principem, non nisi suppliciis acrioribus perniciofa facinora scrutari posse vel vindicari, quae Romae perpetrare complures. His ille cognitis efferatus, ut erat vitiorum inimicus acer magis quam severus, uno proloquio in huiusmodi causas, quas arroganter proposito maiestatis imminutae miscebat, omnes, quos iuris prisca iustitia divorumque arbitria quaestionibus exemere cruentis, si postulasset negotium, ¹² statuit tormentis adfligi. Utque congeminata potestas erectaque sublatius altiores confarcinaret aerumnas, Maximino Romae agere disposito pro praefectis, sociavit ¹¹) ad haec cognoscenda, quae in multorum pericula struebantur, Leonem notarium, postea officiorum magistrum, bustuarium quemdam latronem Pannonium, efflantem serino rictu crudelitatem, etiam ipsum nihilominus humani sanguinis ¹³ avidissimum. Auxit obstinatum Maximini ingenium ad laedendum adventus collegae similis, et litterarum cum ampla dignitate dulcedo. Ideoque pedes huc et illuc exultando contorquens, saltare, non incedere videbatur, dum studebat inter altaria celsius gradientes, ut quidam memorant, imitari Brachmanas.

¹⁴ Iamque lituis cladium concrepantibus internarum, rerum atrocitate torpentibus cunctis, praeter multa cruda et immitia, quorum nec diversitas comprehendere nec numerus potest, mors Marini causarum defensoris eminuit: quem ut ausum Hispanillae cuiusdam artibus pravis adfectasse coniugium, transeunter indiciorum fide discussa, supplicio ¹⁵ tali damnavit. Et quoniam existimo, forsitan aliquos haec lecturos, exquisitè scrutando notare, strepentes, id actum esse prius, non illud, aut ea, quae

¹¹) Mf. ad hos.

viderint praetermissa: hactenus faciendum est satis, quod non omnia narratu sunt digna, quae per squalidas transiere personas: nec, si fieri fuisset necesse, instructiones vel ex iplis tabulariis suppeterent publicis, tot calentibus malis, et novo furore sine retinaculis imis summa miscente: cum iustitium esse, quod timebatur, non iudicium aperte constaret.

Tunc Cethegus senator adulteri reus delatus, 16
cervice periit abscissa, et Alypius nobilis adulescens, ob levem relegatus errorem, aliique humiles publica morte oppetiverunt: in quorum miseriis velut sui quisque discriminis ceruens imaginem, tortorem et vincula somniabat et diversoria tenebrarum.

Eodem tempore etiam Hymetii praeclarae indo- 17
lis viri negotium est actitatum: cuius hunc fuisse novimus textum. Cum Africam pro consule reget, Carthaginensibus victus inopia iam lassatis, ex horreis Romano populo destinatis frumentum dedit: paulloque postea, cum provenisset segetum copia, integre sine ulla restituit mora. Verum, quo- 18
niam denis modiis singulis solidis indigentibus vendundatis, emerat ipse tricenos, 12) interpretii compendium ad Principis aerarium misit. Ideoque Valentinianus per nundinationem suspicatus parum, quam oportuerat, missum, eum bonorum parte multavit. Ad cuius cladem exaggerandam id quo- 19
que iisdem diebus acciderat non minus exitiale. Amantius haruspex ea tempestate prae caeteris notus, 13) occultiore indicio proditus, quod ob prava quaedam implenda, ad sacrificandum ab eodem esset adscitus Hymetio, inductusque in iudicium, quamquam incurvus sub equuleo staret, pertinaci negabat instantia. Quo infitiente, secretioribus 20
chartis ab eius domo prolatis, commonitorium re-

G g 2

12) *al.* integrum comp. 13) *Mf.* occultiores.

- pertum est manu ¹⁴⁾ scriptum Hymetii, petentis, ut obsecrata ritu sacrorum sollemnium numina erga se Imperatores ¹⁵⁾ delenirent: cuius extima parte quaedam invectiva ¹⁶⁾ legebantur in Principem, ut et ²¹ ¹⁷⁾ avarum et truculentum. Haec Valentinianus relatione iudicum doctus, asperius interpretantium facta, vigore nimio in negotium iussit inquiri. Et quia Frontinus consiliarius antedicti, minister fuisse conceptae precationis arguebatur, concisus virgis atque confessus, ablegatus est in exilium ad Britannos: Amantius vero damnatus postea rerum capitalium interiit. Post hanc gestorum seriem Hymetius ad oppidum ductus Ocriculum, audiendus ab Ampelio urbi praefecto de Maximino Vicario, confestimque perdendus, ut adparebat, data sibi copia rectius Imperatoris praesidium adpellavit, nominisque eius perfugio tectus, servabatur incolu- ²³ mis. Super hoc Princeps consultus, senatui negotium dedit. Qui cum rem librata iustitia comperisset, eumque ad Boas Dalmatiae locum exterminasset, aegre Imperatoris iracundiam tulit, perciti vehementer, quod hominem addictum, ut ipse proposuerat, morti, clementiori sententia didicerat plexum.
- ²⁴ Ob haec et huiusmodi multa, quae cernebantur in paucis, omnibus timeri sunt coepta. Et ne tot malis dissimulatis paullatimque serpentibus, acervi crescerent aerumnarum, nobilitatis decreto legati mittuntur: Praetextatus ex urbi praefecto, et ex Vicario Venustus, et ex Consulari Minervius, oraturi, ne delictis supplicia sint grandiora, neve senator quisquam inusitato et illicito more tormentis ²⁵ poneretur. Qui cum intromissi in consistorium haec referrent, negantem Valentinianum, se id statuisse,

¹⁴⁾ Ms. inscriptum. ¹⁵⁾ Ms. delenirent. ¹⁶⁾ Ms. legebantur.
¹⁷⁾ Ms. avarum.

et calumnias perpeti clamitantem, moderate redarguit quaestor Eupraxius: hacque libertate emendatum est crudele praeceptum, supergressum omnia diritatis exempla.

Circa hos dies Lollianus primae lanuginis adulescens, Lampadii filius ex praefecto, exploratus causam Maximino spectante, convictus codicem noxiarum artium nondum per aetatem firmato consilio descripsisse, exsulque mittendus, ut sperabatur, patris impulsu provocavit ad Principem: et iussus ad eius comitatum duci, de fumo (ut aiunt) in flammam; traditus Phalangio Baeticae Consulari, cecidit ¹⁸⁾ funesti carnificis manu.

Super his etiam Tarratius Bassus, postea urbi praefectus, et frater eius Camenius, et Marcianus quidam, et Eufaphius, omnes clarissimi, arcessiti in crimen, quod eiusdem ¹⁹⁾ conscii veneficii aurigam fovere dicebantur Auchenium: documentis etiamtum ambiguis, suffragante absoluti sunt Victorino, ut dispersus prodidit rumor, qui erat amicus Maximino iunctissimus.

Nec minus feminae quoque calamitatum participes fuere similium. Nam ex hoc quoque sexu peremptae sunt originis altae complures, adulteriorum flagitiis obnoxiae vel stuprorum. Inter quas notiores fuere Claritas et Flaviana: quarum altera cum duceretur ad mortem, indumento, quo vestita erat, abrepto, ne velamen quidem secreto membrorum sufficiens retinere permessa est. Ideoque carnifex nefas admisisse convictus immane, vivus exustus est.

Paphius quinetiam et Cornelius senatores, ambo venenorum artibus pravis se polluisse ²⁰⁾ confessi, eodem pronuntiante Maximino sunt interfecti. Pari sorte etiam procurator monetae exstinctus est. Sericum enim et Asbolium supradictos, quoniam cum

18) Mf. funesti. 19) Mf. conscii veneficii. 20) Mf. confessi.

hortaretur passim nominare, quos vellent, adiecta religione firmarat, nullum igni vel ferro se puniri iussurum, plumbi validis ictibus interemit. Et post haec flammis Campensem haruspicem dedit, in negotio eius nullo sacramento constrictus.

- 30 Opportunum est, ut arbitrör, explanare nunc causam, quae ad exitium praecipitem Aginatum impulit, iam inde a priscis maioribus nobilem, ut loquuta est pertinacior fama: nec enim super hoc
- 31 ulla documentorum rata est fides. Anhelans flatu superbo Maximinus, etiam tum praefectus annonae, nactusque audaciae incitamenta non levia, tendebat adusque Probi contemptum, viri summatum omnium maximi, iureque praefecturae praetorianae regentis
- 32 provincias. Quod Aginatus indignissime ferens, dolensque in examinandis causis Maximinum ab Olybrio sibi praelatum, cum esset ipse Vicarius Romae: familiari sermone docuit Probum occulte, facile vanum hominem recalcitrantem sublimibus
- 33 meritis posse opprimi, si ille id fieri censuisset. Has litteras, ut quidam adseverabant, Probus ad Maximinum, eruditiorē iam in sceleribus, commendatumque Principi pertimescens, nullo conscio praeter balneum misit. Hisque recitatis ita homo ferus exarsit, ut machinas omnes in Aginatum deinde commoveret: velut serpens vulnere noti cuiusdam
- 34 adtritum. Accessit his alia potior insidiarum materia, quae eundem Aginatum obruit. Victorinum enim defunctum infimulabat, ut Maximini actus, dum supererat, venditantem: cuius ex testamento legata ipse sumpterat non adspernanda: parique petulantia Aneptiae quoque eius uxori lites minabatur
- 35 et iurgia. Quae haec metuens, ut Maximini etiam muniretur auxilio, finxit maritum in voluntate, quam condiderat nuper, argenti tria millia pondo eidem reliquisse. Qui aviditate nimia flagrans (nec enim hoc quoque vitio caruit) petit hereditatis

medietatem. Verum etiam hoc ut parum sufficienti nequaquam contentus, aliud commentus est, ut arbitrabatur, honestum et tutum: et ne amitteret ausam sibi oblatam lucrandi uberis patrimonii, Victorini privignam Anepsiae filiam petit filio coniugem: idque adsentiente muliere prompte firmatum est.

Per haec et alia simili maerore defflenda, quae 36 decolorabant speciem urbis aeternae, grassabatur per strages multiplices fortunarum homo cum gemitu nominandus, ultra forenses terminos semet extentans. Namque et resticulam de fenestra ²¹⁾ praetorii quadam remota dicitur semper habuisse suspensam, ²²⁾ cuius summitas ²³⁾ quaedam velut clausa colligaret, nullis quidem indiciis fulta, sed nocitura insontibus multis: et Mucianum Barbarumque adparitores aliquotiens discretim trudi iubebat, ad fallendum aptissimos. Hi tamquam eiulando casus, 37 quibus se simulabant oppressos, iudicis exaggerando crudelitatem, remedium nullum aliud reis ad obtinendam vitam superesse eadem replicando saepe adseverabant, ni criminibus magnis petissent nobiles viros: quibus ad sui societatem adnexis, facile eos absolvi posse firmabant.

Ob quae implacabilitate ultra adposita iam per- 38 gente, manus vinclis sunt artatae complurium: ortuque nobiles inculti videbantur et anxii. Nec eorum culpari quisquam debuit, cum salutantes humum paene curvatis contingentibus membris, persaepe clamantem audirent spiritus ferini latronem, nullum se invito reperiri posse insontem. Quae 39 verba effectui propere iuncta terruissent profecto Numae Pompilii similes et Catonum. Prorsus enim sic agebatur, ut nec in alienis malis quorundam exarescerent lacrimae: quod in variis et confragolis

21) Mf. Praetoris. 22) Mf. eius. 23) Mf. quaedam velut clausam collegaret.

40 actibus vitae plerumque contingit. A iure tamen iustitiaque crebro discedens ferreus cognitor, erat uno quasi praecipuo tolerabilis. Interdum enim exoratus parcebat aliquibus, quod prope vitium esse in hoc loco legitur apud Tullium: *Nam si implacabiles iracundiae sunt, summa est acerbitas: si autem exorabiles, summa levitas: quae tamen, ut in malis, acerbitati anteponenda est.*

41 Post haec praegresso Leone, acceptoque successe, ad Principis comitatum Maximinus accitus, auctusque praefectura praetoriana, nihilo lenior fuit, et iam longius nocens, ut basilisci serpentes. In id tempus, aut non multo prius, scopae florere sunt visae, quibus nobilitatis curia mundabatur: idque portendebat, extollendos quosdam despiciatissimae fortis ad gradus potestatum excelsos.

43 Et quamlibet tempestivum est ad ordinem redire coeptorum, tamen nihil impedituri temporum cursus immorabimur paucis, quae per iniquitatem curantium vicariam praefecturam in urbe, contra quam oportuerat gesta sunt, quia ad nutum Maximini et voluntatem iisdem ministris velut adparito-

44 ribus gerebantur. Post hunc venit Ursicinus ad mitiora propensior: qui, quoniam cautus esse voluit et civilis, retulerat Elaiam cum aliis, ob commissum adulterium in Rufinam detentis, Marcellum maritum eius ex agente in rebus, reum imminutae maiestatis deferre conatis: ideoque ut cunctator contemptus, et ad haec fortiter exsequenda parum conve-

45 niens, e vicaria potestate discessit. Huic successit Emonensis Simplicius, Maximini consiliarius ex grammatico, post administratam nec erectus nec tumidus, sed obliquo adspectu terribilis: qui compositis ad modestiam verbis acerba meditabatur in multos. Et primo Rufinam cum universis auctoribus adulterii commissi vel conscis interfecit, super quibus Ursicinum retulisse praediximus: alios deinde

complures nullo noxiorum discrimine vel infon-
tium. In cruento enim certamine cum Maximino 46
velut antepilano suo contendens, superare eum in
succidendis familiarum nobilium nervis studebat:
Bufirim veterem et Antaeum imitatus, et Phala-
rim, ut taurus ei solus deesse videretur Agrigen-
tinus.

His in hunc modum ac talibus actitatis, Hesy- 47
chia quaedam matrona ob intentatum crimen, in
domo adparitoris, cui custodienda est tradita, mul-
ta pertimescens et saeva, fulcro plumeo vultu con-
tracto incubuit, et animam occluso narium spira-
mento effudit.

Adiunctum est his aliud haud mitius malum. 48
Eumenius enim et Abienus ambo ex coetu amplissi-
mo, infamati sub Maximino in Fauſianam feminam
non obscuram, post Victorini obitum, quo iuvante
vivere securius, Simplicii adventu perterrefacti, non
secus volentis magna cum minis, ad secreta rece-
ptacula se contulerunt. Sed Fauſiana damnata inter 49
reos recepti vocatique edictis, semet abstruſius
amandarunt: quorum Abienus apud Anepsiam diu
deliteſcebat. Sed ut ſolent inſperati caſus adgrava-
re miſerabiles clades, Apaudulus nomine ſervus
Anepsiae, verberatae coningis dolore percuſſus,
negotium ad Simplicium detulit nocte progreſſus:
miſſique adparitores indicatos e latebris abſtraxe-
runt. Et Abienus quidem exaggerato crimine 50
ſtupri, quod intuliſſe dicebatur Anepsiae, morte
multatus eſt. Mulier vero, ut continendae vitae
ſpem firmam dilato poſſet habere ſupplicio, adpe-
titam ſe nefariis artibus, vim in domo Aginatii per-
peſſam adſeveravit. Haec, ut geſta ſunt, mugitus 51
ad Principem Simplicius retulit: agensque ibi Maxi-
minus, infeſtus ob cauſam, quam ſupra docuimus,
Aginatio, ſimultate una cum poteſtate in maius ac-
cenſa, [oravit] impenſe, ut reſcriberetur eum occidi:

- et impetravit facile male sanus incitator et potens.
- 52 Metuensque gravioris invidiae pondus, ne pronuntiantem Simplicio et consiliario suo et amico, periret homo patriciae stirpis; tenuit apud se paullisper imperiale praeceptum, haerens et ambigens, quemnam potissimum exsecutorem atrocis rei fidum inveniret et efficacem. Tandemque, ut solent pares facile congregari cum paribus, Doryphorianus quidam repertus est Gallus, audax adusque insaniam: cui hanc operam implere brevi pollicito deferri providit vicariam, et commonitorium cum Augusti literis tradidit: instruens hominem saevum quidem sed rudem, qua celeritate Aginatium sine ullo dederet obstaculo, dilutione qualibet inventa forsitan
- 54 evasurum. Festinavit, ut mandatum est, Doryphorianus magnis itineribus Romam: et ²⁴⁾ inter administrandi initia magna quaeritabat industria, qua vi senatorem perspicui generis interficeret iuvantibus ²⁵⁾ nullis. Cognitoque, eum iam pridem repertum in villa propria custodiri, ipse tamquam caput fontium pariterque Anepsiam horrore medio tenebrarum audire disposuit, quo tempore hebetari solent obstrictae terroribus mentes: ut inter innumera multa Ajax quoque Homericus docet, optans perire potius luce, quam pati formidinis augmenta
- 55 nocturnae. Et quoniam iudex, quin immo praedo nefandus ad id solum, quod promisit, intentus, cuncta extollebat in maius, iussu Aginatio statui, agmina fecit introire carnificum: catenisque sonantibus triste, mancipia squalore diuturno marcentia in domini caput adusque ultimum lacerabat exitium: quod in stupri quaestione fieri vetuere clementissimae
- 56 leges. Denique, cum iam contigua morti tormenta ancillae voces expressissent obliquas, indicii fide parum plene discussa, Aginatus ad supplicium

24) Mf. iterazdi iuitia. 25) Mf. nullis.

duci pronuntiatus abrupte, nec auditus, cum magnis clamoribus adpellaret nomina Principum, sublimis raptus occiditur, pari sententia Anephia interfecta. Haec agitante Maximino cum adesset, perque emissarios cum procul ageret, funera urbs deploravit aeterna.

Sed accelerarunt ultimae dirae caesorum. Nam- 57
que ut postea tempestive dicetur, et idem Maximinus sub Gratiano intoleranter se efferens, damnatorio iugulatus est ferro, et Simplicius in Illyrico truncatus: et Doryphorianum pronuntiatum capitis reum, trusumque ²⁶⁾ carcere Tulliano, matris consilio Princeps exinde rapuit, reversumque ad lares per cruciatus oppressit immensos. Unde huc fleximus revertamur: is urbanarum rerum status, ut ita dixerim, fuit.

(A. C. 369.)

II. At Valentinianus magna animo concipiens, et utilia, Rhenum omnem a Raetiarum exordio adusque fretalem Oceanum magnis molibus ¹⁾ communiebat, castra extollens altius et castella, turresque adfiduas per habiles locos et opportunos, qua Galliarum extenditur longitudo: nonnumquam etiam ultra flumen aedificiis positis subradens barbaros fines. Denique, cum reputaret munimen- 2
tum celsum et tutum, quod ipse a primis fundarat auspiciis, praeterlabente Nicro nomine fluvio, paullatim subverti posse undarum pulsu immani, meatum ipsum aliorsum vertere cogitavit: et quaelitis artificibus peritis aquariae rei, copiosaque militis manu, arduum est opus adgressus. Per multos 3
enim dies compaginatae formae e roboribus, coniectaeque in alveum, fixis refixisque aliquotiens

26) Mf. in Tertulliano in matre. 1) Mf. commonebat.

prope ingentibus stilis, fluctibus erectis²⁾ confunde-
debantur, avulsaeque vi gurgitis³⁾ interrompeban-
4 tur. Vicit tamen Imperatoris vehementior cura,
et morigeri militis labor, mento tenus, dum ope-
raretur, saepe demersi: tandemque non sine quo-
rumdam discrimine castra praefidiaria⁴⁾ inquietu-
dine urgentis amnis exempta, nunc valida sunt.

5 Actalibus laetus exsultansque, pro anni et tem-
poris statu dilapso conducing, rei publicae curam
habuit, ut officio Principis congruebat. Ratusque
aptissimum ad id, quod deliberabat, implendum,
trans Rhenum in monte Piri, qui barbaricus locus
est, munimentum exstruere disposuit raptim. Ut-
que celeritas effectum negotii faceret tutum, per
Syagrium tunc notarium, postea praefectum et con-
sulem, Aratorem monuit ducem, ut, dum undique
6 altum esset silentium, id arripere conaretur. Trans-
iit cum notario dux, ut iussum est, statim, fodere-
que per militem, quem duxit, fundamenta exorsus,
Hermogenem susceperat, successorem: eodemque
puncto quidam optimates⁵⁾ Alamanni venire obsi-
dum patres, quos lege foederis mansuraeque diutius
7 pacis haud adspernanda pignora tenebamus. Qui
flexis poplitibus supplicabant, ne Romani securitatis
improvidi, quorum fortunam sempiterna fides caelo
contiguam fecit, pravo⁶⁾ deciperentur errore, pa-
8 ctisque calcatis rem adorirentur indignam. Verum
haec et similia loquentes incassum, cum nec audi-
rentur, ⁷⁾ nec quietum aliquid vel mite referri sen-
tirent, filiorum flentes exitium discesserunt: his-
demque⁸⁾ digressis, ex abdito collis propinqui bar-
baricus profiluit globus, optimatibus tum danda
responsa, ut intelligi dabatur, opperiens: ⁹⁾ ador-

2) Mf. confidebantur. 3) Mf. interan vice. 4) Mf. inrivecun-
dinerrantis. 5) *Vulg.* Alamanni venire obsides Imperatoris, quos
leg. 6) Mf. deficerentur. 7) *Vulg.* audirentur nec aliquid mite
referri. 8) Mf. agrigressis. 9) Mf. adortus multos.

tusque milites seminudos, humum etiamtum gestantes, expeditis agiler gladiis ¹⁰⁾ obtruncabant: inter quos etiam duces ambo sunt caesi. Nec indicatur gesta superfuit quisquam praeter Syagrium: qui, deletis omnibus, ad comitatum reversus, irati sententia Principis sacramento exutus, abiit ad lares, id ¹¹⁾ commeruisse saevo iudicatus arbitrio, quod evaserit solus.

Haec inter per Galliam latrociniorum rabies ¹⁰ saeva scatebat in perniciem multorum, observans celebres vias, fundensque indubitanter, quidquid inciderat fructuosum. Denique praeter complures alios, quos absumpserunt infidiae tales, Constantianus tribunus stabuli, impetu est clandestino exceptus, moxque interfectus, Valentiniani adfinis, Cerealis et Iulianae germanus.

At procul, tamquam horum similia ¹²⁾ cientibus ¹¹ furiis per omne latus, Maratocupreni grassatores acerrimi vagabantur, vici huius nominis incolae in Syria prope Apamiam positi, nimium quantum numero et exquisitis fallaciis abundantes: ideoque formidati, quod mercatorum militumque honoratorum specie ¹³⁾ sine strepitu ullo diffusi, opimas domos, villas et ¹⁴⁾ oppida pervadebant. Nec ¹² quisquam adventum eorum cavere poterat inopinum, non destinata, sed varia petentium et longinqua, et, ¹⁵⁾ quoquo ventus duxerat, ¹⁶⁾ irrumpentium: quam ob causam prae caeteris hostibus Saxones timentur ut repentini. Et quamlibet ¹⁷⁾ coniurati multorum opes ¹⁸⁾ attriverint, oestroque concepti furoris exagitati strages edidere luctificas, sanguinis nihilo minus avidi quam praedarum: tamen, ne per minutias gesta ¹⁹⁾ narrando operis im-

10) Mf. obcabant. 11) id commeruisse. 12) Mf. similia actentibus. 13) Mf. sinestre ullo die solio opimas. 14) Mf. quaque. 15) Mf. corrumpentium. 16) Mf. coniuuratus. 17) Mf. attribuerint. 18) Mf. narrandorum. 19) Mf. narrandorum.

pediam cursum, id unum sufficiet eorum exitiale
 13 poni commentum. Quaesitus in unum impiorum
 hominum globus, imitatus rationalis officium ipsum-
 que iudicem, vespertinis tenebris lugubre claman-
 te praecone civitatem ingressi, ambitionem domum
 cuiusdam primatis, ut proscripti iussique interfici,
 cum gladiis obsederunt: raptaque suppellectili pre-
 tiosa, quia subito perculsi familiares hebetatis sensi-
 bus non defenderant dominum, caesis pluribus,
 14 ante revolutam lucem gressu discessere veloci. Ve-
 rum, cum exuviis referti multorum, ²⁰) rapiendi
 dulcedine nil praetermitterent, intercepti imperiali
 motu, oppressi interiere omnes ad unum: eorum-
 que suboles parva etiam tum, ne ad parentum exem-
 pla subcresceret, pari sorte deleta est, et lares versi,
 quos ambitiose luctuosis aliorum dispendiis ²¹) con-
 struxerunt. Et haec quidem textu processere
 narrato.

1 III. Theodosius vero dux nominis inclyti, ani-
 mo vigore collecto ab Augusta profectus, quam
 veteres adpellavere Lundinium, cum milite indu-
 stria comparato sollerti, versis turbatisque Britan-
 norum fortunis opem maximam tulit: opportuna
 ubique ad insidiandum barbaris praeveniens loca,
 nihil gregariis imperans, cuius non ipse primitias
 2 alacri capesseret mente. Hocque genere cum stre-
 nuu militis munia et praeclari ducis curas expleret,
 fusis variis gentibus et fugatis, quas insolentia nu-
 triente securitate adgredi Romanas res inflammabat,
 in integrum restituit civitates et castra multiplicibus
 quidem damnis ¹) afflicta, ²) sed ad quietem tempo-
 ris longi fundata.

3 Evenerat autem eodem haec agente facinus
 dirum, erupturum in periculum grave, ni inter

²⁰) Mf. pariendi. 20. rapiendi. ²¹) Mf. construxerunt. ¹) Mf. afflicta. al. affectas. ²) Mf. et ad quietem temp.

ipsa conatus principia fuisset extinctum. ³⁾ Valen-4
tinus quidam in Valeria Pannoniae superbi spiritus
homo, Maximini illius exitialis Vicarii, postea
praefecti coniugis frater, ob grave crimen actus in
Britannias exsul, quietis impatiens malefica bestia
ad res perniciosas confurgebat et novas, in Theo-
dosium tumore quodam, quem solum resistere posse
nefandis cogitationibus advertebat. Multa tamen 5
clam palamque circumspiciens, crescente flatu cupi-
ditatis immensae exsules sollicitabat et milites, pro
temporis captu auctorum ⁴⁾ illecebrosas pollicendo
mercedes. Iamque propinquante tentatorum effe-6
ctu, doctus haec, unde convenerat, dux alacrior
ad audendum, et corde cello ad vindictam comper-
torum erectus, Valentinum quidem cum paucis arta
sibi societate iunctissimis letali poena plectendos
Dulcitio dediderat duci: militari scientia vero, qua
superabat praesentes, futura coniiciens, de coniur-
ratis quaestiones agitari prohibuit, ne formidine
sparsa per multos, reviviscerent provinciarum tur-
bines compositi.

Hinc ad corrigenda plura conversus et necessa-7
ria, periculo penitus dempto, cum aperte constaret
nulla eius coepta propitiam deseruisse fortunam, in-
staurabat urbes et praesidiaria, ut diximus, castra,
limitesque vigiliis tuebatur et praetenturis: recu-
peratamque provinciam, quae in ⁵⁾ ditionem con-
cesserat hostium, ita reddiderat statui pristino, ut
eodem referente et rectorem haberet legitimum, et
Valentia deinde vocaretur arbitrio ⁶⁾ Principis velut
ovantis.

Areanos genus hominum a veteribus institutum, 8
super quibus aliqua in actibus Constantis retulimus,

3) Mf. Valentinianus. 4) *al.* illecebras. 5) Mf. ditiones. 6)
Mf. Principis velut ova tudie nuntio inest etima praec-
ipua. Arianos.

paullatim prolapsos in vitia a stationibus suis removit: aperte convictos, ⁷⁾ acceptarum promissarumque magnitudine praedarum allectos, quae apud nos agebantur, aliquotiens barbaris prodidisse. Id enim illis erat officium, ut ultro citroque per longa spatia discurrentes, vicinarum gentium strepitus nostris ducibus intimarent.

9 Ita spectatissime antedictis rebus aliisque administratis similibus, ad comitatum accitus, tripudiantesque relinquens provincias, ut Furius Camillus vel Cursor Papirius, victoriis crebris et salutaribus erat insignis. Et favore omnium adusque fretum deductus, leni vento transgressus, venit ad commilitium Principis: cumque gaudio susceptus et laudibus, in locum Valentis Iovini successit, qui equorum copias tuebatur.

1 IV. Diu multumque a negotiis ¹⁾ digressus urbanis, adigente cumulo foris gestorum, ad ea strictim exsequenda regrediar, exorsus ab Olybrii praefectura tranquilla nimis et leni: qui numquam ab humanitatis statu deiectus, sollicitus erat et anxius, ne quod usquam factum eius asperum inveniretur aut dictum: calumniarum acerrimus insectator, fiscilucra, unde poterat, circumcidens, iustorumque distinctor et arbiter plenus, in subiectis admodum
2 temperatus. Sed obnubilabat haec omnia vitium parum quidem ²⁾ nocens rei communi, sed in alto iudice maculosum, quod citeriorem vitam paene omnem vergentem in luxum per argumenta scenica amoresque peregerat nec vetitos, nec incestos.

3 Post hunc urbem rexit Ampelius, cupidus ipse quoque voluptatum, Antiochiae genitus, ex magistro officiorum ad proconsulatum geminum, indeque

7) Mf. acceptarum promissarumque magnitudine praecarum. 1) al. digressus. 2) vulgo nocens, sed.

que multo postea ad praefecturae culmen euectus,
 3) laetus alia, et ad populi favorem adipiscendum
 aptissimus: nonnumquam tamen rigidus, atque
 utinam in proposito perseverans. Correxisset enim
 ex parte licet exigua irritamenta gulae et 4) ganeas
 taetras, ni flexus in molliora emilisset gloriam diu
 victuram. Namque statuerat, ne taberna vinaria 4
 ante horam quartam aperiretur, neve aquam vul-
 garium calefaceret quisquam, vel adusque praesti-
 tutum diei spatium lixae coctam proponerent car-
 nem; vel honestus quidam mandens videretur in
 publico. Quae probra aliaque his maiora dissimu- 5
 latione iugi neglecta ita effrenatius exarserunt, ut
 nec Epimenides ille Cretenfis, si fabularum ritu ab
 inferis excitatus redisset ad nostra, solus purgare
 sufficeret Romam: tanta plerosque labes insauabi-
 lium flagitiorum oppressit.

Et primo nobilitatis, ut aliquoties pro locorum 6
 copia fecimus, dein plebis digeremus errata, inci-
 dentia veloci constringentes excessu. Praenomi- 7
 num claritudine conspicui quidam, ut putant, in
 immensum semet extollunt, cum Reburri, et 5) Fa-
 bunii, et Pagonii Gerionesque adpellentur, ac Dalii
 cum Tarraciis et Perrasiis, aliisque ita decens so-
 nantibus originum insignibus multis. Nonnullos 8
 fulgentes sericis indumentis, ut ducendos ad mor-
 tem, vel ut sine diritate ominis loquamur, prae-
 gresso exercitu arma cogentes, manipulatim concita-
 to fragore sequitur multitudo servorum. Tales, 9
 ubi comitantibus singulos quinquaginta ministris
 tholos introierint balnearum, 6) ubi sunt nostrum,
 minaciter clamant: si adparuisse subito ignota com-
 pererint mancipia, aut oppidanae quondam prosti-
 bulum plebis, vel meritorii corporis veterem lu-

3) Mf. laetus alia. 4) Mf. galineas. 5) Mf. Fabunii. 6) Mf. ubi sunt nostrorum clamant app.

pam: certatim concurrunt, palpantesque advenam deformitate magna blanditiarum ita extollunt, ut Semiramim Parthi, vel Cleopatras Aegyptus, aut Artemisiam Cares, vel Zenobiam Palmyreni. Et haec admittunt hi, quorum apud maiores censoria nota senator adflictus est, ausus, dum adhuc non deceret, praesente communi filia coniugem osculari.

- 10 Ex his quidam cum salutari pectoribus oppositis coeperunt, osculanda capita in modum taurorum minacium obliquantes, adulatoribus offerunt genua suavianda vel manus, id illis sufficere ad beate vivendum existimantes: et abundare omni cultu humanitatis ⁷⁾ peregrinum putantes, cuius forte etiam gratia sunt obligati, interrogatum, quibus thermis utatur aut aquis, aut ad quam successerit domum.

- 11 Et cum ita graves sint et cultores virtutum, ut putant, si venturos undelibet equos aut aurigas quemdam didicerint nuntiasse: ⁸⁾ ita velociter imminet, vident et percunctantur, ut Tyndaridas fratres eorum suspexere maiores, cum priscis illis victoriis indicatis gaudio cuncta complessent.

- 12 Horum domus otiosi quidam garruli frequentant, variis adfentandi figmentis ad singula altioris fortunae verba plaudentes, parasitorum in comediis aetas adfectando. Ut enim illi sufflant milites gloriosos, obsidiones urbium et pugnas et millia hostium iisdem, ut heroicis aemulis, adli-gnantes: ita hi quoque columnarum constructiones alta fronte suspensas mirando, atque parietes lapidum circumspectis coloribus nitidos, ultra mortali-
13 litatem nobiles viros extollunt. Poscuntur etiam in ⁹⁾ conviviis aliquoties trutinae, ut adpositi pisces et volucres ponderentur et glires: quorum magnitudo saepius replicata non sine taedio praesentium, ut

⁷⁾ Mf. peregrinum putantes, cuius. ⁸⁾ Mf. italos terhiment vident et perc. ⁹⁾ Mf. connubiis.

antehac inusitata; laudatur assidue: maxime cum haec eadem numerantes notarii triginta prope ¹⁰⁾ adfistant cum thecis et pugillaribus tabulis, ut deesse solus magister ludi litterarii ¹¹⁾ videretur.

Quidam detestantes ut venena doctrinas, Iuvenalem et Marium Maximum curatius studio legunt, nulla volumina praeter haec in profundo otio contractantes: quam ob causam, non iudicium est nostri. Cum multa et varia pro amplitudine gloriarum et generum lectitare deberent, audientes destinatum poenae Socratem, coniectumque in carcerem, perrogasse quemdam ¹²⁾ scite lyrici carmen Stesichori modulantem, ut doceretur id agere, dum liceret: interroganteque musico, quid ei poterit hoc prodesse morituro postridie, respondisse, ut aliquid sciens amplius e vita discedam.

Ita autem pauci sunt inter eos severi vindices ¹³⁾ delictorum; ut, si aquam calidam tardius attulerit servus, trecentis ¹⁴⁾ affligi verberibus iubeatur: si hominem sponte occiderit propria, instantibus plurimis, ut damnetur ¹⁵⁾ reus, dominus hactenus exclamat: Quid faciat malus, ¹⁶⁾ famosus et nequam? et si quis aliud eiusmodi deinceps ausus fuerit, corrigetur.

Civilitatis autem hoc apud eos est nunc, quod ¹⁷⁾ expedit peregrino fratrem interficere cuiuslibet, quam ¹⁸⁾ rogatus ad convivium excusare: defectum enim ¹⁹⁾ patrimonii se oppido perpeti senator existimat, si is defuerit, quem aliquoties libratibus sententiis invitaverit semel.

H h 2

¹⁰⁾ Mf. adfistentes. ¹¹⁾ Mf. viderentur. ¹²⁾ Mf. excite. ¹³⁾ Mf. tectorum, ¹⁴⁾ Mf. afflicta. ¹⁵⁾ Mf. cremus. ¹⁶⁾ Mf. mu niosus et nequam, et si quis di deinceps ausus fuerit cortu ti autem hoc apud eos nunc m quod expedit Civilitatis. ¹⁷⁾ Mf. rogatus. ¹⁸⁾ Mf. patrimonii oppidi perpeti.

18. Pars eorum, si agros visuri proceſſerunt longius, aut alienis laboribus venaturi, Alexandri Magni itinera ſe putant aeſſerunt, vel Caſaris: aut ſi a lacu Averni ¹⁹⁾ lembis inveſti ſunt pictis Puteolos ²⁰⁾ vel Caietam, maxime cum id vaporato audeant tempore. Ubi ſi inter aurata ſtabella laciniis ²¹⁾ ſoricis inſederint muſcae, vel per ²²⁾ foramen umbraculi penſilis radiolus irruerit ſolis, queruntur, ²³⁾ quod non ſunt apud Cimmericos nati. Dein, cum a Silvani lavacro vel Mamaeae aquis ventitant ſoſpitibus, ut quiſquam eorum egreſſus tenuiſſimis ſe terſerit linteis, ſolutis preſſoriis veſtes luce nitentes arbitra diligenter explorat, quae ²⁴⁾ una portantur ſufficientes ad induendos homines undecim: tandemque electis aliquot involutus, receptis anulis, quos, ne violentur humoribus, ſamulo tradiderat, digitis ut ²⁵⁾ metatis abit.
20. Enimvero, ſi quis e militia Principis recens digreſſus abierit in larem, aut proſpectibus, tali praefente irio lenu praeful exiſtimatur: caeteri taciturni audiunt dicta ſolus pater familias tectus narrans aliena et placencia referens et utile pleraque fallendo.
21. Quidam ex iis licet rari aleatorum vocabulum declinantes, ideoque ſe cupientes ²⁶⁾ adpellari teſſerarios: inter quos tantum differt, quantum inter fures et latrones. Hoc tamen fatendum eſt, quod, cum omnes amicitiae Romae tepeſcant, aleariae ſolae, quaſi glorioſis quaefitae ſudoribus, ſociales ſunt, et adfectu nimio firmitate plena connexae:

19) Mf. Temb. 20) Mf. vel certamen. 21) Mf. ſertis. 22) Mf. toramen. 23) Mf. ſunt apud. 24) Mf. una p tur. 25) metatis. Ne id enimvero ſi quibus in mil principis regens digreſſus rit in aeut proſpectibus tali praefente irio lenu praeful exiſtimatur ceteri tacitur dicta ſolias pater familias tectu rant aliena et placencia referrent et urile pleraque fallendo Quidam. 26) Mf. appellari inter.

unde quidam ex his gregibus inveniuntur ita concordēs, ut Quintilios esse exillimes fratres. Ideoque videre licet ignobilem, artis tesserariae callentem arcana, ut Catonem Porcium ob repulsam praeturae nec suspectam antea nec speratam, incedere gravitate composita maestriorem, quod ei in maiore convivio vel confessu proconsularis quidam est antelatus.

Subsident aliqui copiosos homines, senes aut 22 iuvenes, orbos vel caelibes, aut etiam uxores habentes et liberos (nec enim in hoc titulo discrimen aliquod observatur) ad voluntates condendas allicientes 27) eos praestigiis miris: qui cum supremis iudiciis ordinatis, quae habebant, reliquerint iis, quibus morem gerendo testati sunt, 28) illico pereunt, ut id impleri forte factorum opperiente, nec puteos, nec facili potest aegritudo testament. comitatu est his quisquam.

Alius cum dignitate licet mediocri, cervice 23 tumida gradiens, notos antea 29) obliquato contuetur adspectu, ut post captas Syracusas existimes reverti M. Marcellum.

Multi apud eos negantes esse superas potestates 24 in caelo, nec in publico prodeunt, nec prandent, nec lavari arbitrantur se cautius posse, antequam ephemeride scrupulose sciscitata didicerint, ubi sit verbi gratia signum Mercurii, vel quotam cancri sideris partem polum discurrens obtineat luna.

Alius, si creditorem suum flagitare molestius 25 adverterit debitum, ad aurigam confugit audentem omnia praelicenter, eumque ut veneficum curat urgeri: unde non nisi reddita cautione, dispendioque adflictus gravi discedit. Et additur huic, debito-

27) Mf. potest regis. 28) Mf. pereunt ut id impleris orafatorum operiente nec puteos nec facili potest aegritudo testam. comitatum est his quistuum cum dignitate licet vicetumida. Alius. 29) Mf. aliquanto.

rem voluntarium includit ut proprium, nec ante eius profectionem absolvit.

- 26 Parte alia uxor, ut proverbium loquitur vetus, eandem incudem diu noctuque tundendo, maritum testari compellit, hocque idem ut faciat uxor, urget maritus instanter: et periti iuris altrinsecus addiscuntur, unus in cubiculo, alter eius aemulus in triclinio, repugnantia tractaturi: iisdemque subferuntur genitalium ³⁰⁾ extorum interpretes contraverfi, hinc praefecturas profusius largientes et sepulturas divitum matronarum; inde ad exsequias virorum ³¹⁾ iamiam adventantes necessaria parari oportere ³²⁾ innuentes: et testatura ancillas suapte natura pallidi adspirati pridie consumpta defuncta um Romaque: ut Tullius ait: *Nec in rebus humanis quidquam bonum norunt, nisi quod fructuosum sit: et amicos tamquam pecudes eos potissimum diligunt, ex quibus se sperant maximum fructum esse capturos.*

- 27 Cumque mutuū illi quid petunt, foccos et Miconas videbis et Lachetas: cum adiguntur, ut reddant, ita cothurnatos et turgidos, ut Heraclidas illos Cresphontem et Temenum putes. Hactenus de senatu.

- 28 Nunc ad otiosam plebem veniamus et desidem: in qua nitent ut nominibus cultis et quidam calceorum expertes, Cimeffores; Statarii, Semicupae, et Serapii, et Cicimbricus cum Gluturino, et cum Trulla, et Lucanicus cum Pordaca et Salsula, similesque innumeri. Hi ³³⁾ omne, quod vivunt, vino et telleris impendunt, et lustris, et voluptatibus, et spectaculis: eisque templum, et habitaculum, et ³⁴⁾ concio, et cupitorum spes omnis Circus est

30) Mf. extormth terpretes. 31) Mf. fama adventantes.
 32) Mf. innuentes et testatura ancillas captenatura pallidi
 aspirati pridie consumpta defuncta um romaque ut
 ullius ait. 33) Mf. omne. 34) Mf. concio et copitorum et spes.

maximus: et videre licet per fora, et compita, et plateas, et conventicula circulos multos collectos in se controversis iurgiis ferri, aliis aliud, ut fit, defendentibus. Inter quos hi, qui ad satietatem³⁰ vixerunt, potiores auctoritate longaeva, per canos et ³⁵) rugas clamitant saepe, rem publicam stare non posse, si futura concertatione, quem quisque vindicat, carceribus non ³⁶) exsiluerit princeps, et funalibus equis parum cohaerenter circumflexerit metam. Et ubi negligentiae tanta est caries, ex-³¹ optato die equestrium ludorum inlucescente, nondum solis puro iubare, ³⁷) effusius omnes festinant praecipites, ut velocitate currus ipsos anteeant certaturos: super quorum eventu ³⁸) discissi votorum studii, anxii plurimi agunt pervigiles noctes.

Unde, si ad theatralem ventum fuerit vilitatem,³² artifices scenarii per sibilos ³⁹) exploduntur, si quis sibi aere humiliorem non conciliaverit plebem. Qui si defuerit strepitus, ad imitationem Tauricae gentis peregrinos vociferantur pelli debere (quorum subsidii semper nisi sunt ac steterunt) et taetris vocibus et absurdis: quae longe abhorrent a studiis et voluntate veteris illius plebis, cuius multa facete dicta memoria loquitur et ⁴⁰) venusta. Id enim³³ nunc repertum est pro sonitu laudum impensiore per adplicatos homines ad loquendum, ut in omni spectaculo, exodiario, venatori, aurigae, et histriorum generi omni, et iudiciis celsis itidemque minoribus, nec non etiam matronis clametur ⁴¹) adfide, *Per te ille discat*: quid autem debeat disci, nemo sufficit explanare.

³⁵) Mf. et rogant velamittant. ³⁶) exiluerit prin nomina-
bilis equis parum coherce ercircum elegerit metam et ubi
negligentiae tanta est caries. Exoptato. ³⁷) Mf. fufius. ³⁸) Mf.
discissi. ³⁹) Mf. explorantur. ⁴⁰) Mf. venustas. ⁴¹) Mf. obfidie
. *Per te.*

- 31 In his plerique distentioribus saginis addicti, praeceunte nidoris indagine acutisque vocibus feminarum, a galliciniis ipsis, in modum pavonum ⁴²⁾ immaniter clangentium, humum summis pedum unguibus contingentes aulis adfistunt, digitos praerodentes dum patinae defervescunt: alii nauleam horridae carnis, dum excoquitur, intentius despectantes, ut discissarum pecudum exta rimari cum anatomicis Democritum putes, docentem, quibus modis posteritas mederi doloribus possit ipternis.
- 35 Sit satis interim haec digessisse super rebus urbanis: nunc redeamus ad caetera, quae per provincias agitavere multiplices casus.

(A. C. 370.)

- r V. Erupit Augustis ter Coss. Saxonum multitudo: et Oceani difficultatibus permeatis, Romanum limitem gradu petebat intento, saepe nostrorum funeribus passa: cuius eruptionis primae procellam Naunenus sustinuit Comes, regionibus iisdem adpositus, dux diuturno bellorum labore compertus.
- 2 Sed tunc ad mortem destinatae plebi congressus, cum milites quosdam ruisse, et se vulneratum imparem fore certaminibus adverteret crebris, docto Imperatore, quid agi deberet, id est adeptus, ut peditum magister Severus opitulatum rebus dubiis
- 3 adveniret. Qui ducens militem rei sufficientem cum venisset ad loca, discriminatis ¹⁾ ordinibus barbaros ante collectationem adeo terruit et turbavit, ut nec controversas opponerent manus, sed signorum aquilarumque fulgore praefracti venialem
- 4 poscerent pacem. Diuque variatis consiliis, cum id rei publicae conducere videretur, pactis indutiis, et datis ex conditione proposita iuvenibus multis habilibus ad militiam, discedere permissi sunt Saxo-

42) Mf. hienunitare. 1) Mf. ordinib. per barbaros.

nes, sine impedimento, unde venerant, reversuri. Quibus omni iam formidine vacuis reditumque pa-
 rantibus, occulte pedites missi infidias in abdita
 quadam valle struxerunt, unde praetereuntes ad-
 gredi negotio poterant levi: sed longe secus accidit,
 quam sperabatur. Sonitu enim adventantium perciti 6
 exsiluere quidam intempestive, visque subito, dum
 se firmare festinant, ululantibus lugubre barbaris,
 vertuntur in pedes. Stetere tamen mox congloba-
 ti, extremaque sorte vires licet non integras sugge-
 rente configere cgebantur: multaque caede per-
 culi concidissent nullo relicto, ni cataphractorum
 equitum cuneus, ad inferendum periculum trans-
 euntibus barbaris ex alio latere prope divortium iti-
 neris ²⁾ pari modo locatus, clamore percitus tristi
 agiler subvenisset. Exin concursum infestius, fir-
 matisque pectoribus hinc inde incumbentes Roma-
 ni clausos hostes eductis gladiis obruncabant: nec
 quisquam eorum genitales revifere potuit lares, ne
 uno quidem caedibus concorporalium superesse per-
 misso. Ac licet iustus quidam arbiter rerum factum
 inculabit perfidum et deforme: pensato tamen ne-
 gotio non feret indigne, manum latronum exitialem
 tandem copia data captam.

Post haec ita prospere consummata, Valentinia-
 nus versando sententias multiformes, anxia sollici-
 tudine stringebatur: reputans multa et circumspi-
 ciens, quibus commentis Alamanuorum et Macria-
 ni regis frangeret fastus, sine fine vel modo rem
 Romanam irrequietis motibus confundentes. Im-
 manis enim natio, iam inde ab incunabulis primis
 varietate casuum imminuta, ita saepius adulescit,
 ut fuisse longis saeculis aestimetur intacta. Sedit-
 que consilia alia post alia Imperatori probanti, Bur-
 gundios in eorum excitari perniciem, bellicosos et

2) Mf. primò dolocatus.

pubis immensae viribus adfluentes, ideoque me-
 10 tuendos finitimis universis. Scribebatque frequen-
 ter ad eorum reges per taciturnos quosdam et fidos,
 ut iisdem tempore praestituto supervenirent, polli-
 citus ipse quoque transito cum Romanis agminibus
 Rheno occurrere pavidis, pondus armorum vitan-
 tibus insperatum.

11 Gratanter ratione gemina Principis acceptae
 sunt litterae: prima, quod iam inde temporibus
 priscis subolem se esse Romanam Burgundii sciunt:
 dein, quod salinarum finiumque causa Alamannis
 saepe iurgabant. Et catervas misere lectissimas:
 quae, antequam ³⁾ milites congregarentur in unum,
 adusque ripas Rheni progressae, Imperatore ad
 12 struenda munimenta districto, terrori nostris fuere
 Valentinianus, ut sponderat, die praedicto ve-
 nisset; nec promissorum aliquid adverterent factum,
 ad comitatum misere legatos, poscentes adminicula
 sibi dari reductis ad sua, ne nuda hostibus expone-
 13 rent terga. Quod ubi negari per ambages sentirent
⁴⁾ et moras, maesti exinde discesserunt et indignati.
 Hocque comperto reges ut ludibrio habiti saevien-
 tes, captivis omnibus interfectis, genitales repe-
 tunt terras.

14 Apud hos generali nomine rex adpellatur Hen-
 dinos; et ritu veteri potestate deposita removetur,
 si sub eo fortuna titubaverit belli, vel segetum
 copiam negaverit ⁵⁾ terra: ut solent Aegyptii casus
⁶⁾ eiusmodi suis assignare rectoribus. Nam sacer-
 dos apud Burgundios omnium maximus vocatur
 Sinistus: et est perpetuus, obnoxius discriminibus
 nullis, ut reges.

15 Per hanc occasionem impendio tempestivam,
 Alamannos gentis antedictae metu dispersos ad-

3) Mf. milites congregarentur. 4) Mf. et moras, maesti. 5)
 Mf. terflavi solent. 6) Mf. eiusmodi nuiß adf.

gressus per Raetias Theodosius, ea tempestate magister equitum, pluribus caesis, quosunque cepit, ad Italiam iussu Principis misit, ubi, fertilibus⁷⁾ pagis acceptis, iam tributarii circumcolunt Padum.

VI. Hinc tamquam in orbem migrantes alium,¹ ad Tripoleos Africanæ provinciae veniamus aerumnas, quas, ut arbitror, Iustitia quoque ipsa deflevit: quae unde instar exarsere flammarum, textus aperiet absolutus. Austuriani his contermini partibus² barbari, in discursus semper expediti veloces, vivereque adsueta rapinis et caedibus, paullisper pacati: in genuinos turbines revoluti sunt, hanc causam praetendentes ut seriam. Stachao quidam nomine³ popularis eorum, ⁴) ut in otio nostra peragrandō licentius, agebat quaedam vetita legibus: inter quae illud potius eminebat, quod provinciam omni fallaciarum via prodere conabatur, ut indicia docuere verissima: quocirca supplicio flammarum absumptus est.

Huius necem ulcisci, ut propinqui damnatique⁴ iniuste causantes, ferarum similes rabie concitarum exsiluere sedibus suis, Ioviano etiam tum imperante: veritique prope Leptim accedere, civitatem muris et populo validam, suburbano eius uberrimo insedere per triduum: mactatisque agrestibus, quos inopinus hebetaverat pavor, vel confugere coegerat ad speluncas, incensa supellectili multa, quae vehi non poterat, referti rapinis reverterunt ingentibus, trahentes captivum Silvam quoque²⁾ casu cum caritatibus in agro inventum, ordinis sui primatem.

Hac subita clade Leptitani perterriti, ante incrementa malorum, quae intentabat barbaricus tumor, praesidium imploravere Romani Comitum per Africam

7) Mf. pacis. 1) Mf. eorum utinovo nostra. 2) Mf. casuum feritatibus in agro.

recens proVecti. Qui cum venisset militares copias ducens, ferreque opem rebus rogaretur adflictis, non nisi abundanti commeatu adgesto, et camelorum quatuor millibus adparatis, castra firmabat esse
6 moturum. Hocque responso miserandis civibus stupefactis, atque negantibus, sufficere se posse post vastationes et incendia, ita enormibus instrumentis remedia quaerere damnorum immanium, dissimulanter diebus ibi quadraginta consumptis, nullo tentato inde discesserat Comes.

7 Qua spe ³⁾ Tripolitani frustrati formidantesque extrema, adlapso legitimo die concilii, quod apud eos est annuum, Severum et ⁴⁾ Flaccianum creavere legatos, Victoriarum aurea simulacra Valentiniano ob imperii primitias oblaturus: utque lacrimosas
8 provinciae ruinas docerent intrepide. Quibus compertis Romanus, misso equite velocissimo magistrum officiorum petit Remigium, adfinem suum rapinarum participem, ut provideret Imperatoris arbitrio cognitionem huius negotii Vicario ⁵⁾ sibi que deferri.
9 Venerunt in comitatum legati: aditoque Principe, verbis, quae perpeffi sunt, ostenderunt: obtulerunt decreta, textum continentia rei totius. Quibus lectis, cum neque relationi officiorum magistri faventis Romani flagitiis, nec contraria referentibus crederetur: promissa disceptatio plena dilata est eo more, quo solent inter potiorum occupationes ludi potestates excelsae.

10 Dum remedia quaedam a commilitio Principis expectantur, suspensis Tripolitanis diuque anxius, rursus globi supervenere barbarici, fiducia sublata praeteritorum: Leptitanoque agro et Oeenfi interneciva populatione transcurfis, expleti praedarum acervis ingentibus abscesserunt, occisis decurioni-

3) Mf. Pentapolitani. 4) Mf. Flictianum. 5) al. sibi def.

bus multis: inter quos Rusticianus sacerdotalis et Nicasius epitebat aedilis. Haec autem eruptio ideo 11 arceri non potuit, quod ad legatorum preces negotiorum quoque militarium cura praefidi delata Rusticio, mox translata est ad Romanum. Et iam recens 12 inflictae cladis nuntius missus ad Gallias, excitavit acrius Principem. Ideoque tribunus et notarius Palladius mittitur, ut et militi disperso per Africam praeberet stipendium debitum, et gesta per Tripolim fide congrua scrutaretur.

Inter tales tamen consulendi moras expectandi- 13 que responsa, Austuriani successu gemino insolentes, ut rapaces alites advolarunt irritamento sanguinis atrocius efferatae: cunctisque, nisi quos fuga discriminibus eximeret, interemptis, praedas, quas antehac reliquerant, avexerunt, arboribus exsectis et vitibus. Tunc Mychon quidam nobilis oppidanus 14 et potens, captus in suburbano, lapsusque, antequam vinciretur, quia pedibus aeger evadere penitus vetabatur, in puteum aquis vacuum sese coniecit: unde costa diffracta levatus a barbaris, ductusque prope portas, coniugis miseratione redemptus est, et ad pinnas muri fune sublatus, post biduum interiit. Unde elati in pertinaciam saevissimi gras- 15 satores, ipsa pulsavere moenia Leptitana, funestis plangoribus resonantia feminarum, quas numquam antea hostiliter clausas pavor exanimabat insolitus: obsessaque urbe per octo continuos dies, cum quidam oppugnatores sine ullo vulnerarentur effectum, redierunt ad propria tristiores.

Ob quae super salute dubii cives, ultimaque 16 tentantes, profectis ante legatis nondum reversis, Iovinum mittunt atque Pancratium, quae viderint, quae ipsi perpeSSI sint, Imperatorem fida relatione docturos: qui Severum apud Carthaginem inventum et Flaccianum superiores illos legatos, percunctando, quid egerint, cognoverunt eos audiri a Vi-

cario iussos et Comite. E quibus Severus illico periit vexatus acerbitate morborum: nihilominus tamen properarunt ad comitatum magnis itineribus antedicti.

- 17 Ingresso post haec Palladio Africam, Romanus, quas ob res venerat, ante ⁶⁾ praestructus, ut securitatem suam in tuto locaret, numerorum principiis per quosdam secretorum mandaverat conscios, ut ei tanquam potenti et palatii summatibus proximo, stipendii, quod pertulerat, praestarent maximam
 18 partem: et ita est factum. Confestimque ille ditatus perrexerat ad Leptim: utque ad veritatis perveniret indaginem, Erechthium et Aristomenem facundos municipales et insignes, libere suas civiumque et finitimorum retexentes aerumnas, ad loca vastata
 19 secum eduxit. Quibus aperte cuncta monstrantibus, luctuosis provinciae cineribus visis revertit: Romanumque ut desidem increpans, relaturum se cuncta verissime, quae viderat, minabatur ad Principem. Atque ille ira percitus et dolore, se quoque mox referre firmavit, quod missus ut notarius incorruptus, donativum militis omne in quaestus
 20 averterit proprios. Qua gratia flagitiorum arbitra conscientia, cum Romano deinde Palladius concordabat: reversusque ad comitatum, arte mendaciorum impia Valentinianum fefellerat, Tripolitanos frustra queri commemorans. Ideoque rursus ad Africam cum Iovino postremo omnium legatorum remittitur (Pancratius enim decesserat apud Treveros) ut cum Vicario ipse merita legationis quoque secundae spectaret: praeter haec linguas Erechthii et Aristomenis praecidi iusserat Imperator, quos invidiosa quaedam loquutos idem Palladius intimarat.

6) *al.* praestructurus.

Sequitur, ut statutum est, Vicarium notarius 21
venit ad Tripolim. Hocque comperto Romanus
domesticum suum illuc 7) volucriter misit, et Caeci-
lium consiliarium in ea provincia genitum: per
quos, incertum pretiis an fallaciis, circumventi mu-
nicipes omnes gravabant Iovinum, destinatus adse-
rentes, nihil eorum mandasse, quae docuerat Prin-
cipem: eousque iniquitate grassante, ut ipse quo-
que Iovinus ad salutis suae discrimen confiteretur,
se Imperatori mentitum.

Quibus per Palladium regressum: cognitis, 22
Valentinianus ad acerbitem proclivior Iovinum
quidem ut auctorem, 8) Caelestinum vero Con-
cordiumque et Lucium, ut falsi conscios et
participes, puniri supplicio capitali praecepit:
9) Ruricius autem praesidem ut mendacem
morte multari: hoc quoque accedente, quod in
relatione eius verba quaedam (ut visum est) im-
modica legebantur. Ac Ruricius quidem apud Si- 23
tifim caesus: reliqui apud Uticam sententia Vi-
carii Crescentis addicti. Flaccianus tamen ante le-
gatorum interitum, cum a Vicario audiretur et Co-
mite, constanter salutis suae propugnans, acclama-
tionibus iratorum militum impetuque cum conviciis
paene confossus est: obiicientium, ideo Tripolita-
nos non potuisse defendi, quod ipsi ad expeditiona-
les usus praebere necessaria detraxerunt. Et ob 24
haec trusus in carcerem, dum consultus super eo,
quid conveniret agi, decerneret Imperator, solli-
citudinis, ut dabatur opinari, custodibus, in urbem
Romam abierat profugus: ibique delitescens, fatali
lege decessit.

Hoc memorando fine externis domesticisque 25
cladibus vexata conticuit Tripolis non indefensa:

7) *al. velociter.* 8) *Steph. Caelestinum.* 9) *Ms. ultimaeque.*

- quia vigilavit Iustitiae oculus sempiternus, ultimaeque legatorum et praefidis dirae. Diu enim postea huiusmodi casus emerfit. Solutus sacramento Palladius, destitutusque fastu, quo tumebat, discessit
- 26 ad otium. Et cum Theodosius ductor exercituum ille magnificus, oppressurus Firmum perniciose coeptantem, venisset in Africam, et praescripti Romani rem mobilem, ut iussu est, scrutaretur: inter chartas eius inventa est Meterii cuiusdam epistola, id continens: *Domino patrono Romano Meterius*; et in fine post multa nihil ad rem pertinentia: *Salutat te Palladius proiecticius: qui non aliam ob causam dicit se esse proiectum, nisi quod in causa Tripolitanorum apud aures sacras mentitus est.*
- 27 His litteris ad comitatum missis et lectis, Valentiniani iussu Meterius raptus suam esse confitetur epistolam: ideoque Palladius exhiberi praeceptus, cogitans, quas criminum coxerit moles, in statione primis tenebris observata custodum absentia, qui festo die Christiani ritus ¹⁰⁾ in ecclesia pernoctabant,
- 28 innodato gutture laquei nexibus interiit. Hoc fortunae secundioris iudicio plene comperto, deletoque trillium concitore turbarum, exsiluerunt Erechthius et Aristomenes e latebris, qui, cum sibi iussas abscidi linguas didicissent ut prodigas, ad longe remota declinarunt et abdita: doctoque super nefanda fraude Gratiano Imperatore fidentius (Valentinianus enim obierat) ad Hesperium proconsulem et Flavianum Vicarium audiendi sunt missi: quorum aequitas auctoritate ¹¹⁾ nixa iustissima, torto Caecilio, aperta confessione cognovit, ipsum suavissime civibus, gravarent mentiendo legatos. Haec acta sequuta est relatio, gestorum pandens plenissimam fidem; ad quam nihil responsum est.

Et

10) Mf. in ecclesiam. 11) Mf. mixta.

Et ne quid cothurni terribilis fabulae relinquerent intentatum, hoc quoque post depositum accessit aulaeum. Romanus ad comitatum profectus secum Caecilium duxit, cognitores accusaturum ut inclinatos in provinciae partem: isque Merobaudis favore susceptus, necessarios sibi plures petierat exhiberi. Qui cum Mediolanum venissent, frustra-
 29
 30
 que se tractos obfirmulatis documentis probabilibus ostendissent, absoluti redierunt ad lares. Valentiniano tamen superflite, post superiora, quae narravimus, Remigius quoque digressus ad otium, laqueo vitam elisit, ut congruo docebimus loco.

AMMIANI MARCELLINI

RERUM GESTARUM

LIBER XXIX.

Theodorus notarius imperium adfectat, et apud Valentem Antiochiae accusatus maiestatis, convictusque cum plurimis criminis conscii interficitur. C. I. Multi in oriente veneficiorum et aliorum criminum rei delati, damnatique, pars iure, pars iniuria iugulantur. II. In occidentis tractibus varia Valentiniani Aug. saevitiae et efferatae crudelitatis exempla. III. Valentinianus A. Rhenum navali ponte transgressus, culpa militis Macrianum Alamannorum regem incautum capere non potuit. IV. Theodosius, magister equitum per Gallias, Firmum Maurum Nubelis Reguli filium, qui a Valentiniano desciverat, multis proeliis atterit, ac demum eo ad voluntariam mortem compulso, pacem Africae reddit. V. Quadi, nefaria Gabinii regis sui caede incitati, Pannonias et Valeriam igni et ferro cum Sarmatis vastant, et legiones duas paene totas delent. De Claudii praefectura urbana. VI.

(A. C. 371.)

- ¹ Exacta hieme rex Persarum gentis Sapor, pugnarum fiducia pristinorum immaniter arrogans, suppleto numero suorum abundeque firmato, erupturos in nostra cataphractus et sagittarios et conductam misit plebem. Contra has copias Traianus Comes et Vado-
² marius ex rege Alamannorum cum agminibus perrexere pervalidis, hoc observare Principis iussu adpositi, ut arcerent potius, quam lacefferent Persas.

Qui cum venissent Vagabanta, legionibus habilem ³ locum, rapidos turmarum procursus hostilium in se ruentium acriter exceperunt inviti: operaque consulta retrocedentes, ne ferro violarent adversorum quemquam primi, et iudicarentur discissi foederis rei, ultima trudente necessitate congressi sunt: confossisque multis discessere victores. Inter moras ⁴ tamen utrimquesecus tentatis aliquotiens levibus proeliis, varioque finitis eventu, pactis indutiis ex consensu aestateque consumpta, partium discessere duces etiamtum discordes. Et rex quidem Parthus hiemem Ctisiphonte acturus, rediit ad sedes: et Antiochiam Imperator Romanus ingressus. Qui, dum ibi moratur securus interim hostium externorum, intestinis paene perierat fraudibus, ut aperiet series ⁵) delata gestorum.

Procopius quidam, inquires homo, turbarum ⁵ cupiditati semper addictus, Anatolium detulerat et Spudasium palatinos, exigi, quae de aerario intercepterant, iussos, infidiari Comiti Fortunatiano, molesto illi flagitatori. Qui animi asperitate confestim ad insanum percitus modum, pro potestatis auctoritate, quam regebat, Palladium quemdam obscurissime natum, ut veneficum a memoratis conductum, et Heliodorum fatorum per genituras interpretem, adigendos prodere, quae scirent, praetorianae iudicio tradidit praefecturae. Cumque ad ⁶ facti vel tentati quaestionem acrius veniretur, ²) exclamabat Palladius confidenter, levia esse haec, de quibus agitur, et praetereunda: alia se, si licuerit dicere, monstraturum metuenda et potiora, quae ingenti molimine iam praestructa, nisi prospectum fuerit, universa confundent. Iussusque docere fidenter, quae norat, rudentem explicuit immen-

I i 2

1) Mf. delatu. 2) al. exclamat.

sum: adfirmans Fidustium praesidialem, et cum Irenaeo Pergamium nomen imperaturi post Valentem detestandis praesagiis didicisse secretim. Et correptus Fidustius illico (namque aderat forte) occulteque inductus, viso indice, nulla infitiatione obumbrare iam publicata conatus, rei totius calamitosum aperit textum: absolute confessus, se cum Hilario et Patricio vaticinandi peritis, quorum Hilarius militaverat in palatio, de imperio consuluisse futuro: motasque secretis artibus sortes et nuncupationem Principis optimi, et ipsis consultoribus fluctuosos exitus praedixisse. Atque cunctantibus, quisnam ea tempestate omnibus vigore animi antistaret, visus est aliis excellere Theodorus, secundum inter notarios adeptus iam gradum. Et erat revera ita, ut opinati sunt. Namque antiquitus claro genere in Galliis natus, et liberaliter educatus a primis pueritiae rudimentis, modestia, prudentia, humanitate, gratia, litteris ornatissimus, semper officio locoque, quem retinebat, superior videbatur, aliis humilibusque iuxta acceptus. Solusque paene omnium erat, cuius linguam non infrenem sed dispicientem, quae loqueretur, nullius clauderebat periculi metus. His addebat idem Fidustius, excarnificatus iam ad interitum, omnia quae praedixit, se indicante Theodorum per Eucaerium didicisse, virum praestabili scientia litterarum abundeque honoratum: Asiam quippe paullo ante rexerat pro praefectis. Quo in custodia condito, gestorumque volumine Imperatori recitato de more, prodigiola feritas in modum ardentissimae facis fufius vagabatur, elata turpi adulatione multorum, maximeque praefecti praetorio tunc Modesti. Qui dum formidine successoris agigaretur indies, obumbratis blanditiarum ³⁾ concinnitatibus cavillando Valen-

3) Mf. concinnantibus.

tem subrusticum hominem sibi varie commulcebat, horridula eius verba et rudia flosculos Tullianos appellans, et ad extollendam eius vanitatem fidera quoque, si iussisset, exhiberi posse promittens.

Igitur et Theodorus a Constantinopoli, quam ¹² ex negotio familiari petierat, rapi celeri iubetur effectu: et dum ille reducitur, ex praeiudiciis variis, quae diebus exercebantur et noctibus, plures a distinctissimis regionibus trahebantur, dignitatibus et nobilitate conspicui. Cumque nec carceres publici ¹³ iam distenti inclusorum iam catervas, nec privata domicilia sustinerent constipatione vaporata confertas: quoniam vinculis maxima pars eorum attinebatur, et suam et proximi cuiusque vicem omnes horrebant. Advenit aliquando tamen ipse quoque Theo- ¹⁴ dorus, praemortuus et atratus: quo in devia territorii parte abscondito, paratis omnibus, quae indagines futurae poscebant, internarum cladum lituiam sonabant.

Et quia fallere non minus videtur, qui gesta ¹⁵ praeterit sciens, quam ille, qui numquam facta fingit: non abnuimus (neque enim ambigitur) salutem Valentis et antea saepius per occultas coitiones, et tunc in extrema demersam: ferrumque ad iugulum eius prope adactum a militaribus, fato reflectente depulsum, quem lacrimosis in Thracia discrimini- bus destinarat. Namque et in nemoroso quodam ¹⁶ inter Antiochiam et Seleuciam loco leni quiete post meridiem confopitus, a Sallustio tunc scutario, et saepe alias ⁴) adpetitus insidiantibus multis, vitae terminis a primigenio ortu adscriptis ausa immania frenantibus evadebat. Ut sub Principibus Commo- ¹⁷ do et Severo ⁵) nonnumquam accidebat, quorum summa vi salus crebro oppugnabatur: adeo ut post

4) Ms. appetenter. 5) Ms. nonnumquam acceptum accidebat tam octavianum ex Procons. quorum.

intestina pericula multa et varia, alter in amphitheatrali cavea, cum adfuturus spectaculis introiret, a
6) Quintiano senatore illicitae cupidinis homine ad debilitatem paene pugione vulneraretur: alter inopinabili impetu, tempore aetatis extremo, a Saturnino centurione consilio Plautiani praefecti in cubiculo iacens confoderetur, ni tulisset suppetias filius
18 adulescens. Quocirca etiam Valens erat venia dignus, vitam, quam ereptum ire perfidi properabant, omni cautela defendens. Sed inexpiabile illud erat, quod regaliter turgidus, pari eodemque iure, nihil inter se distantibus meritis, nocentes innocentesque maligna insectatione volucriter perurgebat: ut, dum adhuc dubitaretur de crimine, Imperatore non dubitante de poena, damnatos se quidam prius discerent quam suspectos. Adulescebat
19 autem obstinatum eius propositum, admovente stimulos avaritia, et sua et eorum, qui tunc in regia versabantur: novos hiatus aperientium, et, si qua humanitatis fuisset mentio rara, hanc adpellantium tarditatem: qui cruentis adulationibus institutum hominis, mortem in acie linguae portantis, ad partem pessimam depravantes, omnia turbine intempestivo perflabant, eversum ire funditus domus opulentissimas festinantes. Erat enim expositus accessu
20 infidantium et reclusus, vitio gemino perniciose implicitus: quod intoleranter irascebatur tunc magis, cum eum puderet irasci: et quae facilitate privati opertis susurris audierat, an vera essent, excutere tumore Principis superfidens, pro veris accipiebat et certis. Inde factum est, ut clementiae
21 specie penatibus multi protruderentur infantes, praecipis in exilium acti: quorum in aerario bona coacta et ipse ad quaestus proprios redigebat, ut damnati cibo precario vicitarent, angustiis formidandae

6) Mf. Quintiniano.

paupertatis attriti: cuius metu vel in mare nos ire praecipites, suadet Theognis poeta vetus et prudens. Quae etiam si recta fuisse concefferit quisquam, erat ²² tamen ipsa nimietas odiosa. Unde animadversum est recte hoc definitum: nullam esse crudeliorem sententiam ea, quae est, cum parcere videtur, asperior.

Igitur cum praefecto praetorio summatibus quae-²³ sitis in unum, quibus cognitiones commissae sunt, intenduntur equulei, expediuntur pondera plumbea, cum fidiculis et verberibus: resultabant omnia truculentae vocis horroribus, inter catenarum sonitus, tene, claude, ⁷⁾ comprime, abde, ministris officiorum tristium clamitantibus. Et quoniam ad-²⁴ dici post cruciabiles poenas vidimus multos, ut in tenebrosis rebus confusione cuncta miscente: summatim quia nos penitissima gestorum memoria fugit, quae recolere possumus expeditius absolvemus.

Primo introvatu post interrogatiunculas leves ²⁵ Pergamius, a Palladio, ut dictum est, proditus, quaedam imprecationibus praescisse nefariis: sicut erat impendio eloquentior, et in verba periculosa proiectus, inter ambigentes iudices, quid prius quaeri debeat, quidve posterius, dicere audacter exorsus, multa hominum millia quasi consciorum ⁸⁾ sine fine strependo fundebat, modo non ab extremo Atlante magnorum criminum arguendos poscens aliquos exhiberi. Quo, ut consarcinante nimis ardua, morte multato, aliisque gregatim post illum occisis, ad ipsius Theodori causam, quasi ad Olympici certaminis pulverem, pervenitur. Eodem die ²⁶ inter complura alia hoc quoque evenerat triste, quod Salia, thesaurorum paullo ante per Thracias Comes, cum de vinculis educitur audiendus, et calceo inserit pedem, quasi ruina incidentis immen-

7) *al. comple.* 8) *Ms. sine strepitu.*

terroris repente percussus, animam inter retinentium manus efflavit.

27 Constituto itaque iudicio, et cognitoribus praescripta ostendantibus legum, sed ex voluntate dominantis moderantibus momenta causarum, horror pervaserat universos. Totus enim devius ab aequitate dilapsus, iamque eruditior ad laedendum, in modum arenariae ferae, si admotus quisquam fabricae diffugisset, ad ultimam rabiem saeviebat.

28 Inducti itaque Patricius et Hilarius, ordinemque replicare iussi gestorum, cum inter exordia variarent, fodicatis lateribus, illato tripode quo utebantur, adacti ad summas angustias, aperiunt negotii fidem ab ipsis exordiis replicatam. Et prior Hilarius:

29 *Costruximus, inquit, magnifici iudices, ad cortinae similitudinem Delphicae diris auspiciis de laureis virgulis infaustram hanc mensulam quam videtis: et imprecationibus carminum secretorum, choragiisque multis ac diuturnis ritualiter consecratam movimus tandem: movendi autem, quoties super rebus arcanis consulebatur, erat institutio ta-*

30 *lis. Collocabatur in medio domus emaculatae odoribus Arabicis undique, lance rotunda pure superposita, ex diversis metallicis materiis fabrefacta: cuius in ambitu rotunditatis extremo elementorum viginti quatuor scriptiles formae incisae perite, di-*

31 *iungebantur spatius examine dimensis. Hac linteis quidam indumentis amictus, calceatusque itidem linteis foccis, torulo capiti circumflexo, verbenas felicitis arboris gestans, litato conceptis carminibus numine praescitionum auctore, caerimoniali scientia supersistit: ⁹⁾ cortinulis pensilem anulum librans, sartum ex Carpathio filo perquam levi, mysticis disciplinis initiatum: qui per intervalla distincto*

9) Ms. cortinulas pensilem.

retinentibus singulis litteris, incidens saltuatim, heroos efficit versus interrogationibus consonos, ad numeros et modos plene conclusos: quales leguntur Pythici, vel ex oraculis editi Branchidarum. Ibi ³² tum quaerentibus nobis, qui praesenti succedet imperio, quoniam omni parte expolitus fore memorabatur, et adsiliens anulus duas perstrinxerat syllabas ΘEO cum adiectione litterae postrema, exclamavit praesentium quidam, Theodorum praescribente fatali necessitate portendi. Nec ultra super negotio est exploratum: satis enim apud nos constabat, hunc esse, qui poscebatur.

Cumque totius rei notitiam ita signate sub oculis ³³ iudicum subiecisset, adiecit benivole, id Theodorum penitus ignorare. Post haec interrogati, an ex fide sortium, quas agitabant, ea praescierint, quae sustinerent: versus illos notissimos edidere, clare pronuntiantes capitalem eis hanc operam scrutandi sublimiora cito futuram: nihilominus tamen ipsis quoque cum cognitoribus Principi caedes incendiaque flagitantes furias imminere: quorum tres ponere sufficiet ultimos: ¹⁰⁾

Οὐ μὲν γὰρ νηποινίγῃ σὸν ἔσσεται αἶμα, καὶ αὐτοῖς.

Τισιφὼνῃ βαρύμηνις ἐφοτάσσει κακὸν οἶτον,

Ἐν πεδίοις Μίμαντος αἶλα καιόμενοις καὶ.

Quibus lectis, unguibus male mulcati separantur exanimis. Postea, ut cogitati sceleris officina pateret aperte, honoratorum inducitur globus, vertices ipsos continens rerum. Cumque nihil praeter se quisque cernens, ruinam suam impelleret super alium, permisso quaesitorum coeptans dicere Theodorus, primo in precem venialem prostratus, dein artius respondere compulsus, ostendit, se cognita

10) ΟΥΜΑΝΑΙ ΗΠΟΙΝΙ ΓΕΓΟΝΕCCEΤΑΙΜΜΚΑΓ ΑΥΤΟΙC ΠΕΙΦΩΝΗΒΑΡΤΜΗΝΙC ΕΦΟΠΑΗCΕΙΚΑΚΟΝΕΙΤΟΝΕΝ ΠΕΔΙΟΙCΙΜΜΑΝΤΟCΑΙ ΛΕΟΜΕΝΟ ΚΑΡ.

per Eucaerium, ne ad Imperatorem referret, ut conatus est aliquoties, ab eo prohibitum, adserente non adpetitu regni occupandi illicito, sed ratione quadam indeclinabilis fati, id quod sperabatur, ultro venturum. Deinde haec eadem Eucaerio sub
35 cruenta quaestione confesso; confutabant Theodorum litterae suae, per ambages obliquas ad Hilarium scriptae: quibus spe iam firma concepta ex vatibus, de re non cunctabatur, sed tempus patrandae cupidinis quaeritabat.

36 Quibus post haec cognita sequestratis, Eutropius Asiam proconsulari tunc obtinens potestate, ut factionis conscius arcessitus in crimen, abscessit innocuus, Pasiphilo eximente philosopho; qui, ut eum mendacio iniusto perverteret, crudeliter tortus, de statu robustae mentis non potuit deturbari.

37 His accessit philosophus Simonides, adulescens ille quidem, verum nostra memoria severissimus. Qui cum audisse negotium per Fidusium deferretur, et causam non ex veritate, sed ex unius nutu pensari vidisset, didicisse se dixit praedicta, et commissa pro firmitate animi tacuisse.

38 Quois omnibus perspicaciter inquisitis, Imperator cognitorum consultationi respondens, sub uno proloquio cunctos iubet occidi: et vix sine animorum horrore funestum spectaculum multitudine innumera¹¹⁾ contuente, et onerante questibus caelum (uamque singulorum mala omniium esse communia credebantur) ducti universi flebiliter iugulantur praeter Simonidem: quem solum saevus ille sententiae lator, efferatus ob constantiam gravem, iusserat
39 flammis exuri. Qui vitam ut dominam fugitans rabidam, ridens subitas momentorum ruinas, immobilis conflagravit: Peregrinum illum imitatus Protea cognomine, philosophum clarum: qui, cum

11) Mf. continente.

mundo digredi statuisset, Olympiae quinquennali certamine sub Graeciae conspectu totius, adscenso rogo, quem ipse construxit, flammis absumptus est.

Et post hunc diebus sequutis omnium fere ordinum multitudo, quam nominatim recensere est arduum, in plagas calumniarum coniecta, percussorum dexteris fatigavit, tormentis et plumbo et verberibus ante debilitata: sumptumque est de quibusdam sine spiramento vel mora supplicium, dum quaeritur, an sumi deberet: et ut pecudum ubique trucidatio cernebatur. Deinde congesti innumeri 41 codices, et acervi voluminum multi sub conspectu iudicum concremati sunt, ex domibus eruti variis ut illiciti, ad leniendam caesorum invidiam, cum essent plerique liberalium disciplinarum indices variarum et iuris.

Neque ita multo post Maximus ille philosophus, 42 vir ingenti nomine doctrinarum, cuius ex uberrimis sermonibus ad scientiam copiosus Iulianus exstitit. Imperator, oraculi supra dicti versus audisse infirmulatus, seque comperisse adscensus, sed reticenda professionis consideratione non effudisse, verum ultro praedixisse, consultores ipsos suppliciis poenalis perituros: Ephesum ad genuinam patriam ductus 12) ibique capite truncatus, sensit docente periculo postremo, quaesitoris iniquitatem omnibus esse criminibus graviolem. Constrictus etiam 43 Diogenes laqueis impiae falsitatis, vir nobili pro sapia editus, ingenio, facundia forensi, suavitateque praeftans, dudum Bithyniae rector, ut opimum patrimonium eius diriperetur, capitali est poena adfectus. Ecce autem Alypius quoque ex Vicario 44 Britanniarum, placiditatis homo iucundae post otiosam et repositam vitam (quoniam huc usque iniustitia tetenderat manus) in squalore maximo volu-

12) Mf. *et capite deest.*

tatus, ut veneficii reus citatus est cum Hierocle filio, adulescente indolis bonae, urgente Diogene quodam et vili et solo, omnique laniena excruciato, ut verba placentia Principi, vel potius arcessitori loqueretur: quo, cum poenis non sufficerent membra, vivo exusto, ipse quoque Alypius post mutationem bonorum exulare praeceptus, filium miserabiliter ductum ad mortem, casu quodam prospero revocatum ¹³⁾ excepit.

- II. Per id omne tempus Palladius ille, coagulum omnium aerumnarum, quem captum a ¹⁾ Fortunatiano docuimus primum, ipse sortis ²⁾ infimitate ad omnia praeceps, clades alias super alias cumulando, lacrimis universa perfuderat luctuosis.
- 2 Nactus enim copiam nominandi, sine fortunarum distantia, quos voluisset, ut artibus interdictis imbutos: ita ut ferarum occulta vestigia doctus observare venator, multos intra castes lugubres includebat, quosdam veneficiorum notitia pollutos, alios ut adpetitoribus imminuendae conscios maiestatis.
- 3 Et, ne vel coniugibus maritorum vacaret miseriae flere, immittebantur confestim, qui signatis domibus inter scrutinia supellectilis poenis addicti, incantamenta quaedam anilia, vel ³⁾ ludibriosa subderent amatoria, ad infantium perniciem concinnata: quibus in iudicio recitatis, ubi non lex, non religio, non aequitas veritatem a mendaciis dirimebat, indefensi bonis ablatis, nullo contacti delicto, promiscue iuvenes, alique membris omnibus capti,
- 4 ad supplicia ⁴⁾ sellis gestatoriis ducebantur. Inde factum est per Orientales provincias, ut omnes metu similium exurerent libraria omnia: tantus universos invaserat terror. Namque, ut ⁵⁾ pressius loquar, omnes ea tempestate velut in Cimmeriis tenebris

¹³⁾ Mf. excepit. ¹⁾ Mf. Fortunatione. ²⁾ Mf. infimitate. ³⁾ Mf. velut ebriosa. ⁴⁾ *at.* supplicium. ⁵⁾ Mf. pressius.

reptabamus, paria convivis Siculi Dionysii pavitan-
tes: qui, cum epulis omni tristioribus fame sagina-
rentur, ex summis domorum laqueariis, in quibus
discumbebant, setis nexos equinis et occipitiis in-
cumbentes gladios perhorrebant.

Tunc et Bassianus procerum genere natus, no-
tarius militans inter primos, quasi praenoscere alio-
ra conatus, licet ipse de qualitate partus uxoris con-
suluisset firmaret, ambitioso necessitudinum studio,
quibus tegebatur, morte ereptus, patrimonio opimo
exutus est.

Inter fragores tot ruinarum Heliodorus, tarta-
reus ille malorum omnium cum Palladio fabricator,
mathematicus, ut memorat vulgus, colloquiis ex
aula regia praepigneratus abstrulis, iam funebres
aculeos exsertabat, omni humanitatis invitamento
ad prodenda, quae sciret vel fingeret, lacellitus.
Nam et sollicitius cibo mundissimo fovebatur, et ad
largiendum pellicibus merebat aes collaticium
grave, et incedebat passim ⁶⁾ ac late os circumferens
vultuosum, omnibusque formidatus: ea fiducia
sublator, quod ad lupanar, quo, sicut ipse voluit,
liberius servabatur, cubiculariis officiis praepositus,
adfidue propalam ventitabat, elogia parentis publici
praeferens futura pluribus luctuosa. Perque cum
ut forensum causarum patronum, quid in primis
orationis partibus collocaret, ut proficere possit
facilius ⁷⁾ Valens, quibusve figurarum commentis
splendida loca attentare debeat, praemonebatur.

Et quoniam longum est quae cruciarius ille con-
flavit, hoc unum edisseram, quam praecipiti confi-
dentia patriciatus columina ipsa pulsavit. Qui ex
clandestinis, ut dictum est, regionum confabulatio-
nibus immaniter arrogans, et ipsa vilitate ad facinus
omne venalis, egregium illud par consulam Euse-

6) Mf. ac late. 7) Mf. ac valere.

bium et Hypatium germanos fratres, Constantii principis quondam adfines, ad cupidinem altioris fortunae erectos, et consuluisse et agitasse quaedam super imperio detulit: addens itineri ad mendacium ficte constructo, quod Eusebio etiam principalia
 10 indumenta parata sint. Quibus haustis averter, fremebundus et minax, cui nihil licere debuerat, quia omnia sibi licere, etiam iniusta existimabat, irremisse ab ⁸⁾ extremis regionum intervallis exhibitis omnibus, quos solutus legibus accusator perducere debere profunda securitate mandarant, suscipi quaestio-
 11 tionem criminose praecepit. Cumque nodosis coartationibus aequitate diu iactata, et ⁹⁾ nexibili adseveratione perditum nebulonis durante, nullam confessionem exprimere tormenta gravia potuissent, ablegatosque ab omni huiusmodi conscientia res ipsa viros ostenderet claros: calumniator quidem ita ut antea honorabiliter colebatur: illi vero, exilio et pecuniariis afflictis dispendiis, paullo postea, reddita sibi multa, sunt revocati, dignitatibus integris et splendore.

12 Nec tamen post haec tam poenitenda repressius actum est vel pudenter: non reputante alta nimium potestate, quod recte institutis ne cum inimicorum quidem incommodis in delicta convenit ruere voluntaria: nihilque sit tam deformis, quam ad ardua imperii supercilia etiam acerbiter naturae ad-
 13 iungi. Sed Heliodoro incertum morbo an ¹⁰⁾ quadam excogitata vi mortuo (nolim dicere, utinam nec ipsa res loqueretur!) funus eius per vespillones elatum pullati praecedere honorati complures, inter
 14 quos et fratres iussi sunt consulares. Ibi tunc rectoris imperii caries tota stoliditatis apertius est profanata: qui cum abstinere inconsolabili malo rogaretur, obnixie inflexibilis mansit: ut videretur aures

8) Ms. externis. 9) al. nixis adf. 10) vulg. aliqua.

occlusisse ceris, quasi scopulos Sirenios transgressus. Superatus tamen precibus destinatis tandem, nudatis capitibus infaustam bustuarii libitinam adusque sepulcrum incedentes et pedibus, quosdam etiam complicatis articulis, praecire mandavit. Horret nunc reminisci, ¹¹⁾ quo iustitio ¹²⁾ humilitati tot rerum apices visebantur, et praecipue consulares, post scipiones et trabeas et fastorum monumenta mundana. Inter quos omnes ex adolescentia virtutum pulcritudine commendabilis noster Hypatius praeminebat, vir quieti placidique consilii, honestatem lenium morum velut ad perpendicularum librans: qui et maiorum claritudini gloriae fuit, et ipse posteritatem mirandis actibus praefecturae geminae decoravit.

Accesserat hoc quoque eodem tempore ad Valentis caeteras laudes: quod, cum in aliis ita saeviret infeste, ut poenarum atrocitatem aegre ¹³⁾ ferret finire cum morte; Pollentianum tribunum malitia quemdam exsuperantem, iisdem diebus convictum confessumque, quod exsecto vivae mulieris ventre, atque intempestivo partu extracto, infernis manibus excitis de permutatione imperii consulere ausus est: familiaritatis contuitu, ordine omni mussante, abire iussit illaesium, salutem et invidendas opes et militiae statum integrum retenturum.

O praeclara informatio doctrinarum, munere caelesti indulta felicibus, quae vel vitiosas naturas saepe excoluisti! quanta in illa caligine temporum correxisses, si Valenti scire per te licuisset, nihil aliud esse imperium, ut sapientes definiunt, nisi curam salutis alienae: bonique esse moderatoris, restringere potestatem, resistere cupiditati omnium rerum, et implacabilibus iracundiis: nosseque, ut

11) Steph. qua iustitia. 12) al. humiliati. 13) M. maturis
ferret.

Caesar dictator aiebat, *miserum esse instrumentum senectuti recordationem crudelitatis*; ideoque de vita et spiritu hominis, qui pars mundi est, et animantium numerum complet, laturum sententiam diu multumque cunctari oportere, nec praecipiti studio, ubi irrevocabile factum est, agitari: ut exemplum est illud antiquitati admodum notum.

19 Apud proconsulem Asiae Dolabellam [Smyrnaea materfamilias filium] proprium et maritum venenis necasse confessa, quod filium [ex priore viro ab eis occisum comperisset] et comperendinata, cum consilium, 14) ad quod res ex more delata est, anceps, quid inter ultionem et scelus statui debeat, haesitaret, ad Areopagitas missa est, Athenienses iudices tristiores: quorum aequitas deorum quoque iurgia dicitur distinxisse. Hi, causa cognita, centesimo post anno cum accusatore mulierem adesse iusserunt: ne aut absolverent veneficam, aut ultrix necessitudinum puniretur. Ita numquam tardum existimatur, quod est omnium ultimum.

20 Post commissa iniquitatibus variis antedicta, et impressas foede corporibus liberis, quae supervixerant, notas, inconnivens Iustitiae oculus, arbiter et vindex perpetuus rerum, vigilavit attente. Namque caesorum 15) ultimae dirae, perpetuum numen ratione querelarum iustissima 16) commoventes, Bellonae accenderant faces: ut fides oraculi firmaretur, quod nihil impune praedixerat perpetrari.

21 Dum haec, quae supra digesta sunt, Antiochiae Parthico fragore cessante per intestinas dilatantur aerumpas: coetus furiarum horrificus post inconvolutos multiplices casus ab eadem urbe digressus, 22 cervicibus Asiae totius insedit hoc modo. 17) Fe-

lus

14) Mf. quod rex ex more. 15) quod res ex more. 15) Mf. ultimae. 16) Mf. commoventes. 17) Mf. Festus.

Aus quidam Tridentinus ultimi sanguinis et ignoti,
 in nexum germanitatis a Maximino dilectus ut sodalis
 et contogatus, decernentibus fati ad Orientem
 transgressus est: ibique administrata Syria, magisterioque
 memoriae peracto, bona lenitudinis et reverentia reliquit
 exempla: unde regere Asiam proconsulari potestate exorsus,
 velificatione tranquilla (ut aiunt) ferebatur ad gloriam. Audiens autem Ma-
 ximinum optimo cuique exitialem, obtrecebat sub-
 inde actibus eius ut perniciosi et foedis. Sed cum
 impie peremptorum exsequiis suffragantibus ad
 praefecturam venisse hominem comperisset immeri-
 tum, exarsit ad ¹⁸⁾ agenda sperandaque similia; et
 histrionis ritu mutata repente persona, studio nocendi
 concepto, incedebat oculis intentis ac rigidis,
 praefecturam autumans adfore propediem, si ipse
 quoque se contaminasset infantium poenis. Et
 quamquam fiat multa et varia, quae, ut levius interpretemur,
 egit asperrime: pauca tamen dici sufficiet,
 quae sunt nota ac pervulgata, ad aemulationem eorum
 commissa quae facta sunt Romae. Ratio enim eadem est.
¹⁹⁾ ubique recte secusve gestorum, etiam si magnitudo desit dissimilis rerum.
 Philosophum quemdam Coeranium, haud exilis
 meriti virum, ea causa tormentorum immamitate
 inultum occidit, quod ad coniugem suam familiariter
 scribens, id sermone addiderat Graeco: ²⁰⁾ *ὅτι δὲ νόει, καὶ στέφε τὴν τύλην*: quod dici proverbialiter
 solet, ut audiens altius aliquid agendum agnoscat.
 Anum quamdam simplicem, intervallatis febribus
 mederi leni carmine consuetam, occidit ut noxiam,
 postquam filiam suam ipso conscio curavit accita.
 In chartis cuiusdam municipis clari scrutari ex negotio
 iussis, genitura Valentis cuiusdam inventa est:

18) Mf. agenda sperandoque. 19) al. ibi recte.
 20) Mf. COIΛNOCIKAIOTE ΦETHNTAHN.

repellensque calumnias is, cuius intererat, cum obiectaretur ei, quamobrem constellationem Principis collegisset, fratrem suum fuisse Valentem, dudumque obisse documentorum plena fide monstrare pollicitus, inexpectato veritatis indicio laniatus, lacer trucidatus est. Visus adulescens in balneis admoveere marmori manus utriusque digitos alternatim et pectori, septemque vocales litteras numerasse, ad stomachi remedium prodesse id arbitratus: in iudicium tractus, ²¹⁾ percussus est gladio post tormenta.

1 III. His et mihi, vertenti stilum in Gallias, confunditur ordo seriesque gestorum, inter multa et saeva Maximinum reperiens iam praefectum: qui potestate late diffusa ¹⁾ scaevum Imperatori accesserat incentivum, maiestati fortunae miscenti licentiam gravem. Quisquis igitur dicta considerat, perpendat etiam caetera quae tacentur: veniam daturus ut prudens, si non cuncta complectimur, quae consiliorum pravitas crimina in maius exaggerando commisit. Adulescente enim acerbitate, rationum inimica rectorum, trux suoapte ingenio Valentinianus, post eiusdem ²⁾ Maximini adventum, nec meliora monente ullo nec retentante, per asperos actus velut aestu quodam fluctuum ferebatur et procellarum: adeo ut irascentis saepe vox et vultus et incessus mutaretur et color. Quam rem indicia varia testantur et certa, e quibus pauca sufficiet poni.

3 Adultus quidam ex his, quos paedagogianos appellant, ad observandam venaticiam praedam Spartanum canem retinere dispositus, ante praedictum tempus absolvit, adfultu eius evadere conantis appetitus et morsu: ideoque necatus ad exitium fustibus, eadem humatus est die. Praepositum fabricae

21) Mf. percussus. 1) al. scaevum. 2) Mf. Maximiani.

oblato thorace polito faberrime, praemiumque ideo expectantem, ea re praecepit ³⁾ occidi, quod pondus paullo minus habuit species ferrea, quam ille ⁴⁾ formarat. Epiroten aliquem ritus Christiani presbyterum tam Octavianum ex proconsule offensarum auctore licet tardius ad sua redire permissio. Constantianus strator ⁵ paucos militares equos ex his ausus mutare, ad quos probandos missus est in Sardiniam, eodem iubente lapidum ictibus oppetit crebris. Athanasius favorabilis tunc auriga, suspectus ei vulgari levitate, ut vivus incendi iuberetur, si quid tentasset huiusmodi: [quem] non multo postea beneficii usum ferebatur, nulla delata voluptatum artificii venia, ignibus aboleri praeceptus est. Africanus ⁶ causarum in urbe defensor adliduus, post administratam provinciam ad regendam aliam adspiravit: cuius suffragatori magistro equitum Theodosio id petenti, subagresti verbo responderat: *Abi, inquit, Comes: et muta ei caput, qui sibi mutari provinciam cupit*: et hoc elogio periit homo disertus, ad potiora festinans, ut multi. Claudium et Sallustium ex ⁷ Iovianorum numero, adusque tribunatus dignitates progressos, accusabat quidam vilitate ipsa despectus, quod, cum imperium Procopius adfectasset, aliqua pro eo loquuti sunt bona. Cumque nihil quaestiones reperirent adliduae; mandare magistris equitum auditoribus Princeps, ut agerent Claudium in exilium, et Sallustium pronuntiarent capitis reum, pollicitus, quod eum revocabit ad supplicium raptum: hocque ita, ut statutum est, ⁸⁾ observato, nec Sallustius morte exemptus est, nec Claudius, nisi post eiusdem Valentiniani ⁹⁾ obitum

K k 2

³⁾ Mf. occidi ad p^ai. quod. ⁴⁾ Hic locus in Mf. transpositus est. ⁵⁾ Mf. observatione. ⁶⁾ Mf. vitium.

deportationis maestitia ⁷⁾ liberatus. ⁸⁾ * * * longe . . .
 8 cufaverit, cum illi saepissime torquerentur. Repli-
 catis igitur quaestionibus dense, et quibusdam vi-
 nimia tormentorum absumptis, ne vestigia quidem
 ulla delatorum reperta sunt criminum. In hoc ne-
 gotio protectores ad exhibendas missi personas,
 fustibus praeter solitum ⁹⁾ caesi.

9 Horrescit animus omnia recensere, simulque re-
 formidat, ne ex professo quaesisse videamur in vitia
 Principis, alia commodissimi. Illud tamen nec
 praeteriri est aequum nec filieri: quod cum duas ha-
 beret urfas saevas hominum ambestrictes; Micam
 auream et Innocentiam: cultu ita curabat enixo,
 ut earum caveas prope cubiculum suum locaret,
 custodesque adderet fidos, visuros sollicite, ¹⁰⁾ ne
 quo casu ferarum deleretur luctificus calor. Inno-
 centiam denique, post multas, quas eius laniatu
 cadaverum viderat sepulturas, ut benemeritam in
 silvas abire dimisit ¹¹⁾ innoxiam. Exop simile
 sedit * *

1 IV. Et haec quidem morum eius et propositi
 cruenti sunt documenta verissima: sollertiae vero
 circa rem publicam [n]usquam ¹⁾ digredientis, ne-
 que eum vel obtrectator pervicax inculcabit: illud
 contemplans, quod maius pretium operae forsitan
 regendis verius milite barbaris quam pellendis. Et
 cum dedisset * * e speculis, si quis hostium se com-
 movisset; desuper visus ²⁾ obruebatur.

2 Agitabatur autem inter multiplices curas id om-
 nium primum et potissimum, ut Macrianum regem
 auctum inter mutationes crebras ³⁾ sententiarum,

7) Mf. liberatus. 8) (hic lacuna quatuor linearum.) * longe cu-

faverit, cum illi. 9) Mf. caesi. 10) *al.* ne quo ea superarum
 debetur luctific. 11) Mf. innoxiam. Exop simile sedit

. . . . 1) digredientis, nec quo eum velom-reciator pervicax in-
 culcabit. illud contemplatio, quod majus pretium operae fortitan
 regendus verius milite barbaris quo pellendis. Et cum dedisset
 * (hic lacuna quinque linearum) . . . peculis si quis host. 2) Mf.

obrubatur agitabatur. 3) Mf. sententiarum . .

iamque in nostros adultis viribus exsurgentem, vi
 supersitem raperet vel insidiis, ut multo ante Vado-
 marium Iulianus: et provis, quae negotium posce-
 bat et tempus, cognitoque transfugarum indiciis,
 ubi comprehendi nihil opperiens poterit antedictus,
 tacite, quantum concessit facultas, ne qui conse-
 rendo officeret ponti, iunxit navibus Rhenum. Et 3
 antegressus contra Mattiacas aquas primus Severus,
 qui pedestrem curabat exercitum, perpensa militum
 paucitate territus stetit, timens, ne resistere ne-
 quiens, irruentium opprimeretur hostilium agmi-
 num mole. Et quia suspicabatur venalia ducentes 4
 mancipia scurras, casu illic repertos, id, quod vi-
 derant, excursu celeri nuntiare, cunctos mercibus
 direptis occidit. Adventu itaque plurium copia- 5
 rum animati iudices, castrisque ad tempus brevissi-
 mum fixis, quia nec sarcinale iumentum quisquam
 nec tabernaculum habuit praeter Principem, cui
 *) tapetes suffecerant pro tentorio: parumper ob te-
 nebras morati nocturnas, exsiliente procinctu per-
 gebant ulterius, itinerum *) gnaris ducentibus, equi-
 tatu cum Theodosio rectore praeire disposito equi-
 tat erat * * tempore iaceat, extento strepi-
 tu suorum est impeditus: quibus assidue mandans,
 ut incendiis et rapinis abstinerent, impetrare non
 potuit. Ignium enim crepitu dissonisque clamori-
 bus satellites exciti, idque, quod acciderat, 6) su-
 specti, carpento veloci impositum regem angusto
 aditu circumfractis collibus abdiderunt. Hac Va- 6
 lentinianus gloria defraudatus, nec sua culpa, nec
 ducum, sed intemperantia militis, quae dispendiis
 gravibus saepe rem Romanam adflixit, adusque
 7) quinquagesimum lapidem terris hostilibus in-

4) Ml. tapetes suffec. 5) Ml. gnari discentibus fra-
 equitatu cum Theodosio rectore prae disposito
 equirat erat. * (hic lacuna trium linearum) * tempore iaceat.
 6) Ml. suspecti. 7) Ml. quingentesimum.

7 flammatis, rediit Treveros maestus. Ubi tamquam leo ob cervum amissum vel capream morsus vacuos concrepans, dum hostium disiecta frangeret timor, in Macriani locum Bucinobantibus, quae contra Mogontiacum gens est ⁸⁾ Alamanna, regem Fraomarium ordinavit: quem paullo postea, quoniam recens excursus eundem penitus vastaverat pagum, in ⁹⁾ Britannos translatum potestate tribuni, Alamannorum praefecerat numero, multitudine viribusque ea tempestate florenti: Bitheridum vero et Hortarium nationis eiusdem primates item regere milites iussit: e quibus Hortarius, proditus relatione Florentii ¹⁰⁾ Germaniae ducis, contra rem publicam quaedam ad Macrianum scripsisse barbarosque optimates, veritate tormentis expressa, conflavit flamma poenali.

* V. Abhinc inter ¹⁾ * * * * * proximo, haec narratione differi continua placuit, ne, dum negotiis longe discretis et locis alia subseruntur, cognitio multiplex necessario confundatur.

* Nubel velut regulus per nationes Mauricas potentissimus vita digrediens, et legitimos et natos e concubinis reliquit filios: e quibus Zamma Comiti nomine Romano acceptus, latenter a fratre Firmo peremptus, discordias excitavit et bella. Eius enim necem ulcisci impensiore studio properans Comes, ad infidiatoris perniciem multa ciebat et formidanda. Utque rumores distulerunt adfidui, navabatur opera diligens in palatio, Romani quidem relationes, multa et aspera congerentes in Firmum, libenter suscipi recitarique Principi, in earum favorem concinentibus multis: ea vero, quae contra Firmus salutis tuendae gratia docebat crebro per suos, accepta diutius occultari: Remigio tunc officiorum

8) Ms. Alemannia. 9) Ms. Britannos latum. 10) Ms. Germaniaca. 1) Hic in Ms. lacuna trium linearum.

magistro, ad fine amicoque Romani, inter potiores Imperatoris necessitates haec velut minima et superflua non nisi opportune legi posse adseverante.

Quae cum ad obruendam defensionem suam agi-³ tari ²⁾ animadverteret Maurus, ultimorum metu iam trepidans, ne amandatis, quae praetendebat, ut perniciosus et ³⁾ contumeliosus condemnatus occideretur, ab imperii ditione descivit, et adiumenta * * tium ad ⁴⁾ vastandum.

[Quare ne] hostis implacabilis incrementis vi-⁴ rum ⁵⁾ adolefceret, ad abolendum cum comitatensis auxilio militis pauci Theodosius magister equitum mittitur, cuius virtutes ut impetrabilis ea tempestate prae caeteris nitebant: Domitii Corbulonis et ⁶⁾ Lulii veterum simillimi: quorum prior sub Nerone, alter Traiano rem regente Romanam, pluribus inclaruere fortibus factis. Proinde ab Arelate ⁵ secundis egressus auspiciis, emeatoque mari cum classe, quam ductabat, nullo de se rumore praegresso, defertur ad Sitifensis Mauritaniae litus, quod adpellant accolae Igilgitanum. Ibique inventum casu Romanum leniter adloquutus, misit ad vigilias ordinandas et praetenturas, parum super his, quae verebatur, increpitum. Quo ad Caesa-⁶ riensem digresso, Gildonem Firmi fratrem et Maximum misit correpturos Vincentium: qui curans Romani vicem, incivilitatis eius erat particeps et furtorum. Recepto itaque tardius milite, quem am-⁷ plitudo morabatur maris, Sitifim properans, Romanum cum domesticis custodiendum protectoribus committi mandavit: agensque in oppido sollicitudine diducebatur ancipiti, multa cum animo versans, qua via quibusve commentis per exustas caloribus terras pruinis adfuetum duceret militem: vel

2) *al.* adverteret. 3) *Mf.* contumeliosus. 4) *Mf.* vastandum
..... hostis. 5) *Mf.* adolefcerent. 6) *Steph.* Dufii.

hostem caperet discursatorem et repentinum; infidiisque potius clandestinis, quam proeliorum stabilitate confisum.

- 8 Quod ubi Firmo levi rumore, dein apertis est indiciiis cognitum, spectatissimi ducis adventu praefrictus, veniam confessionis praeteritorum missis oratoribus poscebat et scriptis, doceantibus eum non sponte sua ad id erupisse, quod norat scelestum, sed iniquitate grassante licentius, ut monstrare pollicebatur. Quibus lectis paceque obsidibus acceptis promissa, dux ad recensendas legiones, quae Africam tuebantur, ire pergebat ad Pancharianam stationem, quo convenire praeceptae sunt. Ibi magnificis verbis atque prudentibus spe cunctorum erecta, reversus Sitifim, concitato indigena milite cum eo, quem ipse perduxerat, aegre perpetuens moras ad procinctus ire ocius festinabat. Inter residua autem multa et clara, id amorem eius auxerat in immensum, quod a provincialibus commeatum exercitui prohibuit dari, messes et condita hostium virtutis nostrorum horrea esse, fiducia memorans speciosa.
- 11 His ita cum laetitia possessorum dispositis, 7) Tubusuptum progressus, oppidum Ferrato contiguum monti, legationem secundam Firmi repudiavit, quae oblides, ut ante statutum est, non duxerat secum. Unde omnibus pro loco et tempore cautius exploratis concito gradu Tyndensium gentem et Massiliensium petit, levibus armis instructas, quas Mascizel et Dius fratres Firmi 8) ductabant. Cum essent hostes iam in contuitu membris omnibus celeres, post missilia hinc inde crebrius iacta, committitur certamen asperrimum: interque gemitus mortis et vulnorum audiebantur barbarorum ululabiles fletus captorum et caesorum: pugna-

7) Mf. Tubosoptum. 8) Mf. optabant.

que dirempta plures agri populati sunt et incensi. Inter quos clades eminuerunt fundi Petrensis, excisi 13 radicitus: quem Salmaces dominus, Firmi frater, in modum urbis exstruxit. Hoc successu victor elatus, mira velocitate 9) Lamfoctense oppidum occupavit, inter gentes positum antedictas, ubi abunde rei cibariae copiam 10) condi effecit: ut, si pergens interius alimentorum offendisset paenuriam, iuberet e propinquo convectari. Quae dum ita procedunt, 14 Mascizel reparatis viribus nationum confinium adminicula ductans, conferta manu cum nostris, fuis e parte suorum pluribus, ipse equi pernecitate aegre discrimine mortis exemptus est.

Fessus aerumnis gemini proelii Firmus, imoque 15 aestuans corde, nequid ultimae rationis omitteret, Christiani ritus antistites oraturos pacem cum obsidibus milit. Qui quoniam suscepti lenius, pollicitique victui congrua militibus, ut praeceptum est, laeta retulere responsa: praemissis muneribus Maurus ipse fidentius ad Romanum perrexerat ducem, equo infidens apto ad ancipites casus: cumque prope venisset, fulgore signorum et terribili vultu Theodosii praestriectus, iumento defiluit: curvataque cervice humi paene adfixus, temeritatem suam flebiliter incusabat, pacem obsecrando cum venia. Susceptusque cum osculo, quoniam id rei publicae 16 conducebat, bonae spei iam plenus, sufficientia praebeuit alimenta: et quibusdam propinquis suis ad obsidum vicem relictis abscessit, captivos, ut sponderat, redditurus, quos primis barbarum exordiis rapuit: biduoque post Icolium oppidum, cuius supra docuimus conditores, militaria signa et coronam sacerdotalem cum caeteris quae interceperat, nihil cunctatus restituit, ut praeceptum est.

9) Ms. iam Phocense. 10) Ms. candi. al. cundi.

- 17 Exinde, cum discursis itineribus magnis ¹¹⁾ Tiposam noster dux introiret, legatis Mazicum, qui se confociaverant Firmo, suppliciter obsecrantibus veniam, animo elato respondit, se in eos ut perfidos arma protinus commoturum. Quibus ¹²⁾ imminentis periculi metu defixis, revertique iussis ad sua, Caesaream ire tendebat, urbem opulentam quondam et nobilem, cuius itidem originem in Africae situ digessimus plene: eamque ingressus, cum omnem paene incendiis late dispersis vidisset exustam, horridasque canitie filices, primam et secundam legionem ad tempus ibi locari disposuit, ut favillarum egerentes acervos, agitent ibi praefidium, ne repetito barbarorum impetu vastaretur.
- 19 Quae cum rumores veri ¹³⁾ distulissent, provinciae rectores tribunusque Vincentius e latibulis, ¹⁴⁾ quibus sese commiserant, egressi, tandem intrepidi ad ducem ocius pervenerunt. Quibus ille gratanter visis atque susceptis, agens etiam apud Caesaream, fide rerum diligentius explorata, comperit Firmum per speciem faventis et supplicis tectiore consilio id moliri, ut nihil hostile metuentem exercitum in modum tempestatis subitae conturbaret.
- 20 Quamobrem conversus hinc venit ad municipium Sugabarritanum Transcellensi monti ¹⁵⁾ adcline: ubi inventos equites quartae sagittariorum cohortis, quae ad rebellem defecerat, ut contentum se supplicio leniori monstraret, omnes contrusit ad infimum militiae gradum: eosque et Constantianorum peditum partem Tigavias venire iusserat cum tribunis: e quibus unus torquem pro diademate capiti
- 21 imposuit Firmi. Dumque haec aguntur, revertentur Gildo et Maximus, Bellenen e principibus Mazicum et Fericium gentis praefectum ducentes, qui

11) Mf. Tiposam. 12) Mf. minanti. 13) Mf. sustulissent et curii provinciae. 14) *to sese* deest al. 15) *al.* adcline.

factionem inuerant quietis publicae turbatoris¹⁶⁾ ***
 producerent vinctos. Quo ita, ut statutum est, 22
 facto, lucis primo exortu ipse egressus, cum inuenisset eos in exercitu circumlaeptos: *Quid de istis nefariis, inquit, proditoribus fieri oportere, contubernales devoti, censetis?* Sequutusque acclamationem rogantium sanguine vindicari, eos, qui inter Constantianos merebant, prisco more militibus dedit occidendos: Sagittariorum vero primoribus manus incidit; residuos supplicio capitali multavit: ad aemulationem Curionis acerrimi illius ducis, qui Dardanorum ferociam in modum Lernaee serpentis aliquotiens renascentem hoc genere poenarum exstinxit. Sed obtrectatores malivoli vetus factum 23
 laudantes, hoc ut dirum vituperant et asperrimum: Dardanos hostes memorantes internecivos, et iuste, quae sustinuerunt, perpeffos: hos vero subfignanos milites debuisse lenius corrigi, ad unum prolapsos errorem. Quos scientes forsitan admonemus, hanc cohortem et facto et exemplo adversam. Antedi- 24
 ctos Bellenen et Fericium, quos duxerat Gildo, tribunumque sagittariorum Curandium ea re iussit occidere, quod nec ipse umquam cum hostibus congrēdi voluit, nec suos, ut pugnarent, hortari. Agebat autem haec Tullianum illud advertens, quod *salaris* 17) *vigor vincit inanem speciem* 18) *clementiae*.

Exin profectus, fundum nomine Gallonatis, 25
 muro circumdatum valido, receptaculum Maurorum tutissimum arietibus admotis evertit: et caesis omnibus incolis moenibusque complanatis, ad Tingitanum castellum progressus, per 18*) Ancorarium montem, 19) Mazicas in unum collectos invalit, iam tela reciprocantes volitantia grandinis ritu. Et cum esset 26
 utrimque discursum, agmina viris armisque incitata

16) In Mf. laeuna hic quatuor linearum. 17) *al.* rigor, 18) Mf. clementiae. 18*) Mf. Ancorarium. 19) *al.* Mazices.

- nostrorum non perferentes Mazices, licet bellicum genus et durum, diversis stragibus implicati foedo disfluxere terrore: ruentesque in fugam caesi sunt, absque iis, qui reperta copia discedendi, supplici prece veniam, quam dari tempus flagitaverat, 27 impetrarunt. Suggen eorum ductorem²⁰⁾ * * * Romano successerat, in Sitifensem Mauritaniam ire disposito ad agitanda praesidia, ne provincia pervaderetur, ipse praeteritis elatior casibus gentem petit Musonem: quam conscientia rapinarum et caedum actibus congregaverat Firmi, ut sperabatur maiora mox adepturi.
- 28 Progressusque aliquantum iuxta Addense municipium comperit, dissonas cultu et sermonum varietate nationes plurimas unum spirantibus animis, inhumanum exordia concitare bellorum, adigente hortanteque maxima spe praemiorum sorore Firmi nomine Cyria: quae abundans divitiis et destinatione feminea, nihilis magnis instituit iuvare germanum. Quocirca Theodosius veritus, ne Marti sese committeret impari, congressusque multitudini immensae cum paucis (tria enim armatorum millia ductabat atque quingentos) amitteret universos, inter pudorem cedendi pugnandique ardorem gradiens retro paullatim, trudente pondere plebis abscessit.
- 30 Hocque eventu barbari nimium²¹⁾ quantum [elati] sequentesque pertinaciter * * * certare necessitate compellus, semetipsum et ad internecionem perdidit cunctos, ni gentium turbulenta concussio, procul Mazicum visis auxiliis, quos anteibant quidam Romani, arbitrata in se impetum agminum ferri complurium, versa in pedes aperuisset nostris exitus antehac inter-
- 31 saeptos. Exinde cum militem ducens incolumem

20) In Mf. hic lacuna quatuor linearum. 21) Mf. quantum equentesque pertinaciter * (hic lacuna unius lineae) * certare necessitate fuissem et ipsum.

Theodosius ad fundum venisset nomine Mazucanum, exustis desertoribus paucis, aliisque ad sagittariorum exemplum, quibus manus ademptae sunt, contruncatis, Tipatam mense Februario venit. Ubi diutius agens, ut antiquus ille cunctator pro negotio consultabat, commentis potius et prudentia, quam periculosis congressibus, hostem pugnam et ²²⁾ impetrabilem iactu telorum, si fors copiam dederit, oppressurus. Mittebat tamen adli- due suadendi quosdam peritos ad gentes circumlit-
tas, Baiuras, ²³⁾ Cantaurianos, Anastomates, Casaves, Dayaresque, et finitimos alios, nunc timore, nunc nummis eos ad societatem alliciens, veniamque petulantiae interdum ²⁴⁾ promittendo, cum * * tultorius per ambages et moras hostem frangentem suos impetus oppressurus, ut quondam Pompeius Mithridatem.

Qua causa declinans perniciem proximam Firmus, licet praesidiiorum magnitudine communitus, relicta plebe, quam coegerat magna mercede, quoniam latendi copiam nocturna quies dedit, Capraricenses montes longe remotos penetravit, et diruptis rupibus inaccessos. Cuius abitu clandestino multitudo dispersa, sine rectore particulatim disfluens, invadendi eius castra nostris copiam dedit. Hisque direptis, et interfectis, qui resistebant, vel in deditionem acceptis, regionum maxima parte vastata, gentibus, per quas transibat dux consultissimus, adposuit fidei compertae praefectos. Hac inopina sequendi confidentia terribus perduellis, servis comitantibus paucis, digressu celeri consulturus saluti, ne quo praepediretur obstaculo, abiecit pretiosarum sarcinas specierum, quas ²⁵⁾ avexerat secum. Uxorem namque fessam labore continuo et

22) *al.* impenetrabilem. 23) *al.* Cantorianos. 24) *Mf.* promittendo cum (*hic lacuna tritum linearum.*) tultorius per. 25) *al.* auxerat.

- 37²⁶⁾ perancipitis * * * Theodosius, nullique
adeuntium parcens mundiore victu stipendioque
milite recreato, Caprariensibus Abannisque eorum
vicinis praelio levi sublati, ad municipium prope-
ravit ense: verisque nuntiis doctus, bar-
baros occupasse iam tumulos, per amfracta undique
spatia in sublime porrectos, nullique pervios, nisi
indigenis locorum perquam gnaris, repedando de-
dit hostibus facultatem per indutias licet breves Ae-
thiopum iuxta agentium adminiculis augeri vel
38 maximis. Qui 27) concatervatis copiis fremituque
minaci sine sui respectu ruentes in pugnam, averte-
runt eum inaeestimabilium turmarum specie dira per-
terrefactum: statimque redintegratis animis, com-
meatus vehens abunde, revertit, et conglobatis suis
scutaque in formidabilem moventibus gestum, con-
39 troverfas iisdem opposuit manus. Quamquam igitur
immite quiddam barbaricis concrepantibus armis
manipuli furentium imminebant, ipsi quoque par-
mas genibus illidentes: tamen ut pugnator ille cau-
tus et prudens, militis paucitate diffusus, audacter
agmine quadrato incedens, ad civitatem nomine
Contentensem flexit iter intrepidus, [ubi captivos]
nostros Firmus ut in munimento abstruso locarat et
celso: cunctisque receptis, in proditores satellites-
que memorati animadvertit acriter, ut solebat.
- 40 Hoc ei magni numinis adiumento gerenti pro-
sperrime, verus indicat explorator, confugisse ad
Isaflensium populum Firmum: ad quem reposcen-
dum una cum fratre Mazuca caeterisque necessitudi-
nibus illuc ingressus, cum adipisci non posset, genti
41 bellum indixit. Et praelio atroci commisso, fero-
cientibus barbaris ultra modum, aciem in 28) rotun-

26) Mf. perancipitis . . . (hic lacuna trium linearum) . . .
Theodosius nullique ad eum tium parcens. 27) al.
catervatis. 28) Mf. rotundo habitus. al. rotunda habitu.

do habitu figuratam opponit; adeoque Isassenles pondere catervarum urgentium inclinati sunt, ut plurimi caderent, et ipse Firmus ferox, et saepe in suam ²⁹⁾ perniciem praeceps, equo auferretur in fugam, per saxa et rupes discurrere ³⁰⁾ citius ad-
fucto: Mazuca vero frater eius caperetur letaliter saucius. Qui Caesaream mitti dispositus, ubi saeva ⁴²
inusserat monumenta facinorum pessimorum, dilata-
to vulneris hiatu discessit. Caput tamen eius avulsum, residuo corpore, cum magno visentium gaudio urbi illatum est antedictae. Post haec Isa- ⁴³
sensem gentem, quae obstitit, superatam dux nobilis incommodis multis, ut aequitas poscebat, ad-
flixit. Ibi Evasium potentem municipem, Flo-
rumque eius filium, et quosdam alios, per secretiora consilia temeratorem quietis iuvisse confutatos aperte, flammis absumpsit.

Exindeque pergens interius, nationem Iubale- ⁴⁴
nam spiritu adgressus ingenti, ubi natum Nubelem patrem didicerat Firmi, repulsus altitudine montium et flexuosis angustis stetit. Et quamlibet facto in hostem impetu, pluribusque peremptis aperuerit viam: formidans tamen sublimia collium ad insidiandum aptissima, ducens suos incolumes revertit ad Audientem castellum: ubi Iesalensem gens fera semet dedit, voluntaria auxilia praestare spondens et commeatus.

His et eiusmodi gloriosis actibus exsultans ampli- ⁴⁵
ssimus ductor, ipsum otii turbatorem petebat valido virium nisu: ideoque prope munimentum nomine Medianum diu consistens, per multas prudentesque sententiarum vias eundem sibi prodi posse sperabat. Haecque cogitationibus anxiiis altioreque prospici- ⁴⁶
ens cura, rursus ad Isassenles hostem comperit revertisse: quos nihil moratus, ut antea, agminibus

29) Ms. perniciem. 30) *al.* citius.

adoritur incitatis. Cui rex Igmazen nomine, spectatus per eos tractus opibusque insignis, progressus obviam confidenter: *Cuius loci es tu? (inquit) vel quid acturus huc venisti? responde. Quem Theodosius fundata mente intuens torvum: Comes, ait, Valentiniani sum, orbis terrarum domini, ad opprimendum latronem funereum missus: quem nisi statim reddideris, ut invictus statuit Imperator, peribis funditus cum gente, quam regis. Quo audito Igmazen, post convicia multa, quae congestit*
 47 *in ducem, ira doloreque perculsus abscessit. Et sequutae principio lucis, utrimque occursurae sibi ad confligendum processerunt acies minacissimae: et barbarorum viginti paene millia in ipsis locata sunt frontibus, occultatis pone terga subsidialibus globis, ut adsurgentes paulatim nostros multitudine clauderent insperata: hisque Iesaleni auxiliares accessere quam plures, quos adiumenta et com-
 48 nostris docuimus promississe. Contra Romani, quamvis admodum pauci, tamen fortibus animis victoriisque antegressis elati, densatis lateribus, scutisque in testudinis formam cohaerenter aptatis resistenter gradibus fixis: et a sole orto usque ad diei extimum pugna protenta paullo ante vesperam visus est Firmus equo celsiori insidens, sago puniceo porrectius panto milites clamoribus magnis hortari, ut dedant Theodosium opportune, trueulentum eum adpellans et dirum, et suppliciorum saevium re-
 49 rebant. Hae insperatae voces ad dimicandum quosdam acrius incitarunt; alios deserere praelium illerunt. Proinde, ubi noctis advenit quies prima, partibus tenebrarum obvolutis horrore, dux reversus ad Duodien-
 se castellum, militesque recogno-
 scens, eos, quos a pugnandi proposito pavor et verba detorserant Firmi, diverso genere poenarum exstinxit: alios ademptis dexteris, quosdam vivos*
 com-

combustos. Excubiasque agens cura pervigili, barbarorum aliquos ausos, cum adparere non possent, post occasum lunae castra sua tentare, fudit, vel irruentes audentius cepit. Digressus exinde passibus citis, ³¹⁾ Iesalenses ut ambignae fidei per trames adortus obliquos, unde parum sperari potuit, ad paenuriam vastavit extremam: perque Caesariensis Mauritaniae oppida reversus Sitifim, Castorem et Martinianum rapinarum flagitiorumque Romani participes, ad interitum tortos incendit.

Redintegratur post haec cum Iksalensibus bellum: primoque conflictu barbarorum pluribus pulsis et interfectis, rex eorum Igmazen, vincere ante hac adfectus, terrore fluctuans mali praesentis, nihilque commercii vetitis ad vitam spei sibi restare, si obstinatius egerit; arbitratus, quantum caute fieri posset et occulte, prorupit ex acie solus: visumque Theodosium suppliciter petiit, ut ³²⁾ Masillam Mazicum optimatibus ad se venire iuberet. Per quem, ut rogaverat, missum, clandestinis colloquiis monuit ducem suo apte ingenio pertinacem, ut ad praebendam sibi copiam agendi, quae vellet, popularibus suis acriter immineret, eosque adfiduitate pugnandi mutaret in metum, promptos quidem ad perduellis favorem, sed iacturis multiplicibus fessos. Paruit Theodosius dictis: et crebritate certaminum Iksalenses ita protrivit, ut iisdem labentibus more pecudum, Firmus latenter evaderet, et aviis et diuturnis latebris amandandus, inibi, dum de fuga consultat, tentus ab Igmazene custodiretur. Et quoniam obscurius gesta didicerat per Masillam, in extremis rebus unum remedium superesse contemplan, calcare vivendi cupiditatem voluntaria statuit morte: vinoque consulto distentus, et crapulentus, silenti nocte oppressis altiore somno custodibus,

31) Mf. Vessalenses. 32) Mf. Misilliam.

pervigil ipse impendentis aerumnae terrore, insonis gressibus relicto cubili, manibus repens et pedibus longius sese discrevit: repertumque funiculū, quem finiendae vitae paravere casus, de clavo parietis adfixo suspendit: ubi collo inserto ³³⁾ animam absque moris cruciabilibus exhalavit.

- 55 Quod dolenter ferens Igmazen, ³⁴⁾ ereptamque sibi gloriam gemens, quia non contigerat ad castra Romana vivum ducere perduellem, interposita fide publica per Masillam, ipse camelo necati cadaver impositum ferens, cum tentoria exercitus adventaret ad Subicarense castellum locata, in iumentum transtulit sarcinalem, et Theodosio obtulit exultanti.
- 56 Qui convocatis armatis simul atque plebeis, interrogatisque, an ³⁵⁾ agnoscerent vultum, cum eisdem esse sine ulla didicisset ambage, ibi paullisper moratus Sitifim triumphanti similis rediit aetatum ordinumque omnium celebrabili favore susceptus.

1 VI. Dum hoc pulvere per Mauritaniam dux antedictus anhelat et Africam, Quadorum natio motu est ¹⁾ excita repentino, parum nunc formidanda, sed immensum quantum antehac bellatrix et potens, ut indicant perpetrata, quoniam raptim ²⁾ proclivia, obsessaque ab iisdem ac Marcomannis Aquileia, Opitergiumque excisum, et cruenta complura perceleri acta procinctu: vix resistente perruptis Alpibus Iuliis Principe serio, quem ante docuimus, Marco. Et erat, ut barbaris, ratio iusta querelarum. 2 Valentinianus enim studio muniendorum limitum glorioso quidem, sed nimio, ab ipso principatus initio flagrans, trans flumen Histrum in ipsis Quadorum terris, quasi Romano iuri iam vindicatis, aedificari praesidiaria castra mandavit:

33) *al.* animam non asque miris cruciabilibus. 34) *Mf.* ereptamque. 35) *al.* cognoscerent. 1) *Mf.* inexcita. 2) *Mf.* quoniam proclivia obsessaque ab.

quod accolae ferentes indigne, sui que cautiore,
 legatione tenuis interim et susurris arcebant. Sed 3
 Maximinus in omne avidus nefas, et genuinos miti-
 gare nequiens flatus, quibus praefecturae accesserat
 tumor, increpabat Equitum per Illyricum eo tem-
 pore magistrum armorum, ut pervicacem et desi-
 dem, necdum opere, quod maturari dispositum est,
 consummato: addebatque ut consulens in commu-
 ne, quod, si parvo suo Marcelliano deferretur po-
 testas per Valeriam ducis, munimentum absque ulla
 causatione consurgeret. Utrumque mox est impe-
 tratum. Qui promotus profectusque cum venisset 4
 ad loca, intempestive turgens ut filius, nullis adfa-
 tibus delentis iis, quos numquam tentatae cupidita-
 tis figmenta regionum suarum faciebant extorres,
 opus paullo ante inchoatum adgreditur, admissa
 copia rogandi suspensum. Denique Gabinium 5
 regem, ne quid novaretur, modeste poscentem, ut
 adfensurus, humanitate simulata cum aliis ad con-
 vivium conrogavit: quem digredientem post epulas,
 hospitalis officii sanctitate nefarie violata, trucidari
 securum effecit.

Cuius rei tam atrocis disseminatus rumor illico 6
 per diversa, et Quados et gentes circumfusas effera-
 vit: regisque flentes interitum, in unum coactae
 misere vastatorias manus: quae Danubium trans-
 gressae, cum nihil exspectaretur hostile, occupatam
 circa messem agrestem adortae sunt plebem: maio-
 reque parte truncata, quidquid superfuit, domum
 cum multitudine varii pecoris abduxerunt. Evenit 7
 set profecto tunc inexpiabile scelus, numerandum
 inter probrosas rei Romanae iacturas (paullo enim
 absuit, quin filia caperetur Constantii, ³⁾ cibum su-
 mens in publica villa, quam adpellant Pistrensem,

Ll 2

3) In Steph. haec verba desunt.

cum duceretur Gratiano nuptura) ni favore propitii numinis praesens Messalla provinciae rector, eam iudiciali carpento impositam ad Sirmium vicesimo sexto lapide disparatum cursu reduxisset effuso.

8. Hoc casu prospero regia virgine periculo miserandae servitutis exempta, cuius nisi potuisset impetrari redemptio captae, magnas inuississet rei publicae clades, latius se cum Sarmatis Quadi pandentes, ad raptus et latrocinia gentes aptissimae, praedas hominum *) virile et muliebre secus agebant et pecorum, villarum cineribus exustarum caesorumque incolentium exsultantes aerumnis, quos nec
9 opinantes sine ulla parcimonia deleverunt. Per omnia itaque propinqua malorum similium dispersa formidine, praefectus praetorio agens tunc apud Sirmium Probus, nullis bellorum terroribus adfuetus, rerum novarum lugubri visu praestriatus, oculosque vix attollens, haerebat diu, quid capesseret, ambigens: et cum paratis velocibus equis noctem proximam destinasset in fugam, monitus tutiore
10 consilio mansit immobilis. Didicerat enim, omnes sequuturos confestim, qui moenibus clauderantur, tegendos latebris opportunis: quod si contigisset, impropugnata civitas venisset in manus hostiles.
11 Proinde, parumper lenito pavore, ad arripienda, quae urgebant, acri animo adsurgens, reterfit obrutas ruderibus fossas, murorumque maximam partem pacis diuturnitate contemptam, et subversam adusque cellarum turrium minas expedit, studio aedificandi coalitus: hac ratione opere velociter absoluto, quod impensas aedificandi causa theatri dudum congestas, sufficientes ad id, quod efficere maturabat, invenit. Atque huic spectato consilio salutare addidit aliud, et sagittariorum cohortem e statione proxima, adfuturam obsidio, si venisset, accivit.

4) *al.* virilis et muliebris sexus.

His velut obicibus barbari ab oppugnanda urbe ¹² depulsi, parum ad has calliditates dimicandi sollertes, sarcinisque impediti praedarum, ad Equitii vertuntur indaginem. Et cum ad Valeriae spatia longe remota secessisse captorum didicissent indiciis, illuc properato petierant gradu frendentes, hacque ex causa iugulo eius intenti, quod per ipsum circumventum regem existimabant infontem. Quibus ¹³ concito cursu ruentibus infestius, obviam legiones motae sunt duae, Pannonica et Moesiaca, valida praeliis manus: quae, si conspirasset, abierat procul dubio victrix. Sed dum discretim grassatores adoriri festinant, ortis inter se discordiis impediti de honore certabant et dignitate. Quo intellecto ¹⁴ Sarmatae sagacissimi, non exspectato certandi signo sollemni, Moesiacam primam incessunt: dumque milites arma tardius per tumultum expediunt, interfectis plurimis aucti fiducia, aciem perrupere Pannonicam: disiectaque agminis mole, geminatis ictibus omnem paene delessent, ni periculo mortis aliquos citum extraxisset effugium.

Inter haec fortunae dispendia tristioris dux ¹⁵ Moesiae Theodosius iunior, prima etiam tum lanugine iuvenis, Princeps postea perspectissimus, Sarmatas Liberos ad discretionem servorum rebellium adpellatos, conlimitia nostra ex alio latere invadentes, aliquotiens expulit et adflixit, congressibus densis adtritros: adeoque obsistentes fortissime turbas confluentes oppressit, ut caesorum plurium alites iuste sanguine satiaret et feras. Unde residui ¹⁶ tumore iam deslacrante metuentes, ne idem dux virtutis, ut adparuit, expeditae, in primo finium aditu incurstantes cuneos sterneret aut fugaret, vel insidias per silvarum locaret occulta, post multos perrumpendi conatus subinde tentatos incassum, abiecta pugnandi fiducia, concessionem petivere praeteritorum et veniam: victique ad tempus indul-

tae foederibus pacis nihil egere contrarium, eo maxime timore perculsi, quod ad tutelam Illyrici Gallicani militis validum accesserat robur.

- 17 Dum haec tot ac talia per turbines agitantur ad-
fiduos, Claudio regente urbem aeternam, Tiberis,
qui media interfecans moenia, cloacis et fluviiis
abundantibus multis Tyrrheno mari miscetur, effu-
sione imbrium exuberans nimia, et supra annis spe-
18 ctem paulus, omnia paene contextit. Et stagnanti-
bus civitatis residuis membris, quae tenduntur in
planitiem molliorem, montes soli et quidquid insu-
larum celsius eminebat, a praesenti metu defende-
batur: et, ne multi inedia contabescerent, unda-
rum magnitudine nusquam progredi permittente,
lembis et scaphis copia suggerebatur abunde cibo-
rum. At vero, ubi tempestas mollivit, et flumen
retinaculis ruptis rediit ad solitum cursum, abster-
19 metu nihil postea molestum expectabatur. Hic
ipse praefectus egit admodum quiete, nullam sedi-
tionem super querela iusta perpeffus: et instauravit
vetera plurima. Inter quae porticum excitavit in-
gentem, lavacro Agrippae contiguam, Eventus
Boni cognominatam, ea re, quod huius nominis
prope visitur templum.
-

AMMIANI MARCELLINI

RERUM GESTARUM

LIBER XXX.

Para rex Armeniorum evocatus a Valente, et Tarfi specie obsequiorum custoditus, cum trecentis popularibus fugit, et frustratus viarum observatores, equis regnum repetit, nec multo post a Traiano duce in convivio interficitur. C. I. Valentis A. et Saporis P. R. de Armenia et Hiberiae regnis contendentium legationes. II. Valentinianus A. post vastatos aliquos Alamanniae pagos, cum Macriano Alamannorum rege colloquitur, ac pacem facit. III. Modestus praefectus praetorio a iure dicendo Valente avertit: et de causidicina, deque iurisconsultis, et variis advocatorum generibus. IV. Valentinianus Sarmatis et Quadis Pannoniarum populatoribus bellum illaturus, in Illyricum proficiscitur, et transito Danubio Quadorum pagos vastat, vicos incendit, barbaros cuiusque aetatis iugulat. V. Idem, dum legatis Quadorum populares suos purgantibus respondet iratus, ictu sanguinis exstinguitur. VI. Quo patre natus sit, et quas res Princeps gesserit. VII. Eius saevitia, avaritia, invidia et timor. VIII. Eiusdem virtutes. IX. Valentinianus iunior Valentiniani filius, in castris apud Bregetionem Augustus adpellatur. X.

(A. C. 374.)

Inter has turbarum difficultates, quas perfidia ducis rege Quadorum excitavit occiso per scelus, dirum in Oriente committitur facinus, Para Armeniorum rege clandestinis infidiis obtruncato: cuius materiae impio conceptae consilio hanc primordiale fuisse

- 2 novimus causam. Confarcinabant in hunc etiam-
tum adultum crimina quaedam apud Valentem ex-
aggerantes male sollertes homines, dispendiis saepe
communibus passi. Inter quos erat Terentius dux
demisse ambulans, semperque submaestus, sed,
3 quoad vixerat, acer dissensionum instinator. Qui
adscitis in societatem gentilibus paucis, ob flagitia
sua suspensis in metum, scribendo ad comitatum
adfidue Cylacis necem replicabat et ¹⁾ Artabannis:
addens, eundem iuvenem ad superbos actus ela-
4 tum, nimis esse in subiectos immanem. Unde,
quasi futurus particeps suscipiendi tunc pro instan-
tium rerum ratione tractatus, idem Para regaliter
vocatus, et apud Tarsum Ciliciae obsequiorum spe-
cie custoditus, cum neque ad imperatoris castra ac-
cipi, ²⁾ nec urgentis adventus causam scire cunctis
reticentibus posset; tandem secretiore indicio com-
perit, per litteras Romano rectori suadere Tere-
ntium, mittere propediem alterum Armeniae regem:
ne odio Parae speque, quod ³⁾ revertetur, natio
nobis opportuna deficeret ad iura Persarum, eam
rapere vi vel metu vel adulatione flagrantium.
- 5 Quae reputans ille, impendere sibi praesagiebat
exitium grave. Et doli iam prudens, neque aliam,
nisi cito discessu, salutis reperiens viam, suadenti-
bus his, quibus fidebat, conglobatis trecentis co-
mitibus sequutis eum e patria, cum equis velocissi-
mis, ut in magnis solet dubiisque terroribus, au-
dacter magis quam considerate, pleraque diei parte
emenfa egressus cuneatim properabat intrepidus.
- 6 Cumque eum provinciae ⁴⁾ moderator, adparitoris,
qui portam tuebatur ⁵⁾ imperatus, festinato studio
reperisset in suburbanis, ut remaneret enixius obse-

1) Mf. Artabannis dens. 2) *al.* nec urgentis acces-
sus. Mf. ne surgentes advenus. 3) Mf. revertitur. 4) Mf. mode-
rator Apparitoris. 5) Mf. impercitus.

crabat: et parum hoc impetrato, mortis averfus est metu. Nec miqus paullo postea legionem sequutam 7 iamque adventantem, ipse cum promptissimis retrorsus excurrens, fundensque in modum scintillarum sagittas, sed voluntate errans, ita in fugam compulit, ut cum tribuno milites universi perterriti, vividius quam venerant remearent ad muros. Exin solutus omni formidine, biduo et binotio 8 exantlatis itinerum laboribus magnis, cum ad flumen venisset Euphraten, et inopia navium voraginosum amnem vado transire non posset, nandi imprudentia paventibus multis, ipse omnium maxime cunctabatur: et remansisset, ni, cunctis versantibus varia, id reperire potuisset effugium in necessitatis abrupto tutissimum. Lectulos in villis reper- 9 tos binis utribus suffulserunt, quorum erat abundans prope in agris vinariis copia: quibus singulis proceres infidentes et regulus ipse, iumenta trahentes, praeruptos undarum occurrentium fluctus obliquatis meatibus declinabant: hocque commento tandem ad ulteriorem ripam post extrema discrimina pervenerunt. Residui omnes equis invecti natanti- 10 bus, et circumfluente flumine saepe demersi iactatique, infirmati periculoso madore expelluntur ad contrarias margines: ubi paullisper refecti, expeditius, quam diebus praeteritis, incédebant.

Hoc nuntiato Princeps antedicti fuga perculsus, 11 quem elaqueatum fidem rupturum existimabat, cum sagittariis mille succinctis et levibus Danielum mittit et Barzimerem revocatuos eum, Comitem unum, alterum scutatorum tribunum. Hi locorum gnari- 12 tate confisi, quod ille properans, ut peregrinus et insuetus, maeandros faciebat et gyros, compendiosis vallibus eius itinera praevenierunt: et divisis inter se copiis, clausere vias proximas duas, trium milium intervallo distinctas, ut transiturus per utramvis caperetur improvidus: sed evanuit cogitatum

- 13 hoc casu. Viator quidam ad citeriora festinans, cum bivium armato milite vidisset oppletum, per posterulam tramitem medium squalentem frutectis et sentibus vitabundus excedens, in Armenios incidit fessos: et ductus ad regem, arcano sermone, solum, quae viderat, docet, ac retinetur intactus.
- 14 Moxque metu dissimulato eques mittitur clandestinus ad dextrum itineris latus, diversoria paraturus et cibum: quo paulum progressu, in laevum tractum item alius talia facturus ire iubetur ocissime,
- 15 alterum aliorum nesciens missum. Quibus ita utiliter ordinatis, rex ipse cum suis dumeta, per quae viator venerat, relegens, ⁶⁾ eo rursus monstrante, per hispidam et iumento onusto exiguam callem post terga relictis militibus evolavit, qui captis eius ministris, missis ad mentes observantium praestringendas, quasi venaticiam praedam modo non porrectis ⁷⁾ brachiis expectabant. Dumque hi venturum opperiantur, ille regno incolumis restitutus, et cum gaudio popularium summo susceptus, in ⁸⁾ fide mansit immobilis, iniuriis, quas pertulerat, omnibus demussatis.
- 16 Danielus post haec et Barzimeres, cum Iusiamiam revertissent; probrosis lacerati conviciis, ac si inertes et desides, ut hebetatae primo adpetitu venenatae serpentes, ora exacuere letalia, cum primum potuissent, elapso pro virium copia nocituri.
- 17 Et leniendi causa flagitii sui, vel fraudis, quam meliore consilio pertulerunt, apud Imperatoris aures rumor omnium tenacissimas incessabant falsis criminibus Param, intentiones Circeas in vertendis debilitandisque corporibus miris modis eum callere fingentes: addentesque, quod huiusmodi artibus offusa sibi caligine mutatus, vaforumque forma

6) *al.* eo ipso. 7) *Mf.* brachiis. 8) *Mf.* fiderandi nemanfueti
... mobilis.

transgressus, tristes sollicitudines, si huic irrifioni superfuerit, excitabit.

Hinc in illum inexplicabile auctum Principis 18 odium, et doli struebantur indies, ut per vim ei vel clam vita adimeretur: agentique tunc in Armenia Traiano, et rem militarem curanti, id secretis committitur scriptis. Qui illecebrosis regem infi- 19 diis ambiens, et modo serenae mentis Valentis indices litteras tradens, modo ipse sese eius conviviis ingerens, ad ultimum composita fraude ad prandium verecundius invitavit: qui nihil adversum metuens venit, concessoque honoratiore discubuit loco. Cumque adponerentur exquisitae cuppediae, 20 et 9) aedes amplae nervorum et articulado flatilique sonitu resultarent, iam vino incalescente, ipso convivii domino per simulationem naturalis cuiusdam urgentis egresso, gladium dextrictum intentans, torvo lumine ferociens, quidam immittitur barbarus asper ex his, quos Supras adpellant, confossurus iuvenem, ne exfilire posset etiamtum 10) praepeditum. Quo viso regulus forte prominens ultra 21 torum, expedito 11) dolone adfurgens, ut vitam omni ratione defenderet, perforato pectore deformis procubuit victima, ictibus multiplicatis foede concisa. Hocque figmento nefarie decepta credu- 22 litate, inter epulas, quae reverendae sunt vel in Euxino ponto, hospitali numine contuente, peregrinus cruor in ambitiosa lintea conspersus spumante sanie satietati superfuit convivarum, horrore maximo disperforum. Ingemiscat, si quis vita digressis est dolor, huius arrogantiam facti Fabricius ille Luscinus: sciens, qua animi magnitudine Democharen, vel, ut quidam scribunt, Niciam, ministrum repulerit regium, colloquio occultiore polli-

9) Ms. adessasple nervorum. 10) Ms. impraepeditum. 11) al. dolo.

citum, quod Pyrrhum Italiam tunc bellis saevissimis exurentem, veneno poculis necabit infectis: ²²) scripseritque ad regem, ut ab interiore caveret obsequio. Tantum reverentiae locum apud priscam illam iustitiam, vel hostilis mensae genialitas obtinebat. Verum excusabatur recens inusitatum facinus et pudendum necis exemplo Sertorianae: adulatoribus forsitan ignorantibus, quod, ut Demosthenes perpetuum Graeciae decus adfirmat, numquam similitudine aut impunitate alterius criminis diluitur id, quod contra ac liceat arguitur factum.

† II. Haec per Armeniam notabiliter gesta sunt. Sapor vero post suorum pristinam cladem comperto interitu Parae, quem sociare sibi impendio conabatur, maerore gravi perculsus, augenteque nostri exercitus alacritate formidinem, maiora sibi praeseminans, Arrace legato ad Principem missio, perpetuam aerumnarum causam deleri penitus suadebat Armeniam: si id displicuisset, aliud poscens, ut Hiberiae divisione cessante, remotisque inde partis Romanae praefidiis, Aspacures solus regnare permitteretur, quem ipse praefecerat genti. Ad quae Valens in hanc respondit sententiam, nihil derogare se posse placitis ex consensu firmatis, sed ea studio curatiore defendere. Glorioso proposito contrariae regis litterae hieme iam extrema perlatae sunt, vana causantis et tumida. Adseverabat enim non posse semina radicitus amputari discordiarum, nisi intervenissent conscii pacis foederatae cum Ioviano, quorum aliquos vita didicerat abscessisse.

4 Ingravescente post haec altius cura, Imperator eligere consilia, quam invenire sufficiens, id conducere rebus existimans, Victorem magistrum equitum et Urbicium Mesopotamiae ducem ire propere iussit in Persas, responsum absolutum et uniusmodi

perferentes: quod rex iustus et suo contentus, ut iactitabat, scelestis concupiscat Armeniam, ad arbitrium suum vivere cultoribus eius permissis: sed ni. Sauromaci praesidia militum impertita principio sequentis anni, ut dispositum est, impraepedita reverterint, invitus ea complebit, quae sponte sua facere superfedit. Quae legatio recta quidem et 5 libera, ni deviasset in eo, quod absque mandatis oblatas sibi regiones, in eadem Armenia suscepit exiguas.

Qua regressa, advenit Surena potestatis secundae post regem, has easdem Imperatori offerens partes, quas audacter nostri sumfere legati. Quo 6 suscepto liberaliter et magnifice, sed parum impetrato, quod poscebat, remisso, parabantur magna instrumenta bellorum, ut mollita hieme Imperatore trinis agminibus perrupturo Persidem, ideoque Scytharum auxilia festina celeritate mercante.

Proinde parum adeptus ea, quae spe vana conceperat Sapor, ultraque solitum asperatus, quod ad expeditionem accingi rectorem ¹⁾ compererat nostrum: iram eius conculcans Surenae dedit negotium, ut ea, quae Victor Comes susceperat et Urbicius, armis repeteret, si quisquam repugnaret, et milites Sauromacis praesidio destinati malis affligerentur extremis. Haecque, ut statuerat, maturata confestim; nec emendari potuerunt nec vindicari, quia rem Romanam alius circumsteterat metus totius Gothiae, Thracias licentius perumpentis: quae funera tunc explicari poterunt carptim, si ad ea quoque venerimus.

Haec per Eoos agitata sunt tractus. Quorum 9 inter seriem Africanas clades, et legatorum Tripoleos manes inultos etiamtum et errantes sempiternus vindicavit Iustitiae vigor, aliquoties serus, sed scrup-

1) *al.* conceperat.

pulosus quaesitor gestorum recte vel secius, hoc
 10 modo. Remigius, quem populanti provincias re-
 tulimus Comiti fuisse Romano, postquam Leo in
 eius locum magister esse coepit officiorum, a mune-
 ribus rei publicae iam quiescens, negotiis se rurali-
 bus dedit prope Mogontiacum in genitalibus locis.

11 Quem ibi morantem securius, ²⁾ praefectus prae-
 torio Maximinus reversum ad otium spernens, ut
 solebat dirae luis ritu grassari per omnia, laedere
 modis, quibus poterat, adfectabat: utque rimare-
 tur plura, quae latebant, Caesarium antehac eius
 domesticum, postea notarium Principis, raptum,
 quae Remigius egerit, vel quantum acceperit, ut
 Romani iuvaret actus infandos, per quaestionem
 12 cruentam interrogabat. Quibus ille cognitis, cum
 esset, ut dictum est, in secessu, conscientia malo-
 rum urgente, vel ³⁾ rationem formidine superan-
 te calumniarum, innodato gutture laquei nexibus
 interiit.

1 III. Sequito post haec anno, Gratiano adscito
 in trabeae societatem Equitio consule, Valentiniano
 post vastatos aliquos Alamanniae pagos munimen-
 tum aedificanti prope Basiliam, quod adpellant ac-
 colae Robur, offertur praefecti relatio Probi, do-
 2 centis Illyrici clades. Quibus ille, ut cunctatorem
 decuerat ducem, examinatus lectis, attonitus cogi-
 tationibus anxiis, Paterniano notario misso nego-
 tium scrupulosa quaesivit indagine: moxque veris
 per eum nuptiis gestorum acceptis, evolare protinus
¹⁾ festinabat, aulos temerare limitem barbaros pri-
 mo fragore, ut mente conceperat, oppressurus ar-
 3 morum. Quia igitur abente autumno multa im-
 pediebant et aspera, adnitebantur omnes per regiam
 optimates, ut adusque ²⁾ principium veris oratum

2) *al.* praefecit praetorio. 3) *Mf.* ratione formidinem. 1) *Mf.*
 festinaret. 2) *Mf.* principum oratum eum perciperent et exoratum.

eum pertinerent et exoratum: primum durata pruinis itinera, ubi nec adultae in pascuum herbae reperirentur, nec caetera ului congrua, penetrari non posse firmantes: dein vicinorum Galliis regum immanitatem, maximeque omnium Macriani ut formidati tunc praetendentes, quem constabat impacatum relictum, etiam ipsa urbium moenia tentaturum. Haec memorantes addentesque utilia, reducere eum in meliorem sententiam: statimque, ut conducebat rei communi, prope Mogontiacum blandius rex antedictus accitur, proclivis ipse quoque ad excipiendum foedus, ut adparebat. Et venit immane quo quantoque flatu distentus, ut futurus arbiter superior pacis: dieque praedicto colloqui ad ipsam marginem Rheni caput altius erigens stetit, hinc inde sonitu scutorum intonante gentilium. Contra Augustus adscensis amnicis lembis, saeptus 5 ipse quoque multitudine castrensium ordinum, tutius prope ripas accessit, signorum fulgentium pitore conspicuus: et immodestis gestibus murmureque barbarico tandem sedato, post dicta et audita ultro citroque versus, amicitia media sacramenti fide firmatur. Hisque perfectis discessit barbarum 6 rex artifex delentus, futurus nobis deinceps socius: et dedit postea adusque vitae tempus extremum, constantis in concordiam animi facinorum documentum pulchrorum. Periiit autem in Francia 7 postea: quam dum internecive vastando perrumpit avidius, oppetiit Mellobaudis bellicosi regis insidiis circumventus. Post foedus tamen sollemni ritu impletum, Treveros Valentinianus ad hiberna discessit.

IV. Haec per Gallias et latus agebantur Arcoum. At in Eois partibus alto externorum silentio intestina perniciēs augebatur per Valentis amicos, et proximos, apud quos honestate utilitas erat antiquior. Navabatur enim opera diligens, ut homo

rigidus, audire cupiens lites, a studio iudicandi revocaretur, metu, ne ita ut Iuliani temporibus defensione innocentia respirante; frangeretur potentium tumor adsumpta licentia latius solitus evagari.

2 Ob haec et similia concordi consensu dehortantibus multis, maximeque Modesto praefecto praetorio regiorum arbitrio spadonum exposito, et subagreste ingenium¹⁾ nullis vetustatis lectionibus expoliturum coacto vultu fallente, et adferente, quod infra imperiale columen causarum essent minutiae privatarum: ille ad humiliandam celsitudinem potestatis negotiorum examina spectanda instituta esse arbitratus, ut monebat, abstinuit penitus, laxavitque rapinarum fores: quae roborantur indies iudicum advocatorumque pravitate sentientium paria: qui tenuiorum negotia militaris rei rectoribus, vel intra palatium validis venditantes, aut opes, aut honores quaesivere praeclaros.

3 Hanc professionem oratorum forensium, ²⁾ iure πολιτικῆς μορίου εἰδωλόν, id est civilitatis particulae umbram, vel adulationis partem quartam esse definit amplitudo Platonis: Epicurus autem κακοτεχνία nominans, inter artes numerat malas. ³⁾ Tiliassationis opificem esse memorat, assentiente Leon-

4 tino Gorgia. Quam a veteribus ita determinatam, orientalium quorundam versutia adusque bonorum extulit odium: unde etiam retinaculis temporis praefixi frenatur. Ergo absolutis super eius indignitate paucis, quam in illis partibus agens expertus sum, ad coeptorum cursum regrediar institutum.

5 Florebant elegantiae priscae patrociniis tribuna-
lia: cum oratores concitae facundiae, attenti studiis
doctrinarum, ingenio, fide, copiis ornamentisque
dicendi

1) Mf. nullius. 2) τοῦ iure deest al. 3) Mf. ΚΙΟΙCΙΑC.

dicendi pluribus eminebant: ut Demosthenes, quo dicturo concursus audiendi causa ex tota Graecia fieri solitos, monumentis Atticis continetur: et Calistratus, quem nobilem illam super Oropo causam [qui locus in Euboea est] perorantem, idem Demosthenes Academia cum Platone relicta sectatus est: ut Hyperides, et Aeschines, et Andocides, et Dinarchus, et Antiphon ille Rhamnusus, quem ob defensum negotium omnium primum antiquitas prodidit accepisse mercedem. Nec minus apud 6 Romanos Rutilii, et Galbae, et Scauri, vita, moribus, frugalitateque spectati, et postea per varias aevi sequentis aetates censorii, et consulares multi, et triumphales, Crassi et Antonii, et cum Philippis Scaevolae alique numerosi, post exercitus prosperime ductos, post victorias et tropaea, civilibus stipendiorum officiis floruerunt: laureasque fori speciosis certaminibus occupantes, summis gloriae honoribus fruebantur. Post quos excellentissimus 7 omnium Cicero, orationis imperiosae fluminibus saepe depressos aliquos iudiciorum eripiens flammis: *non defendi homines sine vituperatione fortasse posse; negligenter defendi sine scelere non posse* firmabat.

At nunc videre est per Eoos omnes tractus violenta et rapacissima genera hominum per fora omnia volitantium, et subsidentium divites domus, ut Spartanos canes aut Cretas, vestigia sagacius colligendo, ad ipsa cubilia pervenire causarum.

In his primus est coetus eorum, qui seminando diversa iurgia per vadimonia mille iactantur, viduarum postes et orborum limina deterentes, et aut inter discordantes amicos aut propinquantibus vel adfines, si simultatum levia 4) senserint receptacula, odia struentes infesta: in quibus aetatis progressu

4) Mf. levia sensirinin.

non ut aliorum vitia intepeſcunt, ſed magis magisque roborantur: inter rapinas inſatiabiles inopes, ad capiendam verſutis orationibus iudicum fidem, quorum nomen ex Iuſtitia natum eſt, ſicam ingenii
 10 deſtringentes. Horum obſtinatione libertatem temeritas, conſtantiam audacia praeceps, eloquentiam inanis quaedam imitatur fluentia loquendi: quarum artium. 5) ſcaevitate, ut Tullius adſeſerat, neſas eſt religionem decipi iudicantis. Ait enim: *Cumque nihil tam incorruptum eſſe debeat in republica quam ſuffragium, quam ſententia; non intelligo, cur, qui ea pecunia corruperit, poena dignus ſit: qui eloquentia, laudem etiam ferat. Mihi quidem hoc plus mali facere videtur, qui oratione, quam qui pretio iudicem corrumpit: quod pecunia corrumpere prudentem nemo poteſt; dicendo poteſt.*

11 Secundum eſt genus eorum, qui iuris profeſſi ſcientiam, quam repugnantium ſibi legum abolevere diſcidia, velut vinculis ori impoſitis reticentes, iugi ſilentio umbrarum ſunt ſimiles propriarum. Hi velut fata natalicia praemonſtrantes, aut Sibyllae oraculorum interpretes, vultus gravitate ad habitum compoſita triſtiores, ipſum quoque venditant,
 12 quod oſcitantur. Hi ut altius videantur iura calle- re, Trebatium loquuntur, et Calcellium, et Alſenum, et Auruncorum Sicanorumque iamdiu leges ignotas, cum Euandri matre abhinc ſaeculis obrutas multis. Et ſi voluntate matrem tuam finxeris occi- diſſe, multas tibi ſuffragari abſolutionem lectiones reconditas pollicentur, ſi te ſenſerint 6) eſſe nuni- matum.

13 Tertius eorum eſt ordo, qui ut in profeſſione turbulenta clareſcant, ad expugnandam veritatem ora mercenaria procudentes, per proſtitutas frontes vilesque latratus, quo velint, aditus ſibi patefaciunt

5) *al.* ſcaevitate. 6) *et eſſe* deſt *al.*

crebros: qui inter sollicitudines iudicum per multa distentas inresolubili nexu vincientes negotia, laborant, ut omnis quies litibus implicetur, et nodosis quaestionibus de industria iudicia circumscribunt: quae cum recte procedunt, delubra sunt aequitatis: cum depravantur, foveae fallaces et caecae: in quas si captus ceciderit quisquam, non nisi per multa exiliet lustra, adusque ipsas medullas exsuctus.

Quartum atque postremum est genus impudens, 14
pervicax, et indoctum, eorum, qui cum immature e litterariis eruperint ludis, per angulos civitatum discurrunt, mimiambos non causarum remediis congrua commentantes, fores divitum deterendo, coenarum ciborumque aucupantes delicias exquisitas. Qui cum semel umbraticis lucris, et inhian- 15
dae undique pecuniae sese dediderint, litigare frustra quoslibet innocentes hortantur: et ad defendendam causam admissi, quod raro contingit, suscepti nomen et vim negotii sub ore disceptatoris inter ipsos conflictuum articulos instruuntur, circumloquutionibus indigestis ita scatentes, ut colluvionis taeterrimae audire existimes ululabili clamore Therfiten.⁷⁾ Cum autem ad inopiam muniendarum 16
venerint allegationum, ad effrenatam deflectunt conviciandi licentiam: quo nomine, ob assidua in personas honorabiles probra, 7) diebus dictis aliquoties sunt damnati: e quibus ita sunt rudes nonnulli, ut numquam se codices habuisse meminerint. Et si 17
in circulo doctorum auctoris veteris inciderit nomen, piscis aut edulii peregrinum esse vocabulum arbitrantur: si vero advena quisquam inusitatum sibi antea Marcianum verbo tenus quaesierit oratorem, omnes confestim Marcianos adpellari se fingunt. Nec iam fas ullum prae oculis habent: sed tam- 18

M m 2

7) Mf. diebus dioctis.

quam avaritiae venundati et ufucapti, nihil praeter interminatam petendi licentiam norunt. Et si quem semel intra retia ceperint, cassibus mille impediunt, per morborum simulationem vicissim consulto cessantes: utque pervulgati iuris proferatur lectio vana, septem vendibiles introitus praeparant, dilationum examina longissima contextentes. Et cum nudatis litigatoribus dies cesserint, et menses, et anni, tandem obtrita vetustate controversia intromissa, ipsa capita splendoris ingressa alia secum advocatorum simulacra inducunt. Cumque intra cancellorum venerint saepta, et agi coeperint alicuius fortunae vel salus, atque laborari debeat, ut ab infonte gladius, vel calamitosa detrimenta pellantur, corrugatis hinc inde frontibus, brachiisque histriónico gestu formatis, ut concionaria Gracchi fistula post occipitium desit, confistitur altrinsecus diu: tandemque ex praemeditato colludio, per eum, qui est in verba fidentior, suave quoddam principium dicendi ⁸⁾ exseritur, Cluentianae vel pro Ctesiphonte orationum aemula ornamenta promittens: et in eam conclusionem cunctis finem cupientibus definit, ut nondum se patroni post speciem litis triennium editam causentur instructos: spatioque prorogati temporis impetrato, quasi cum Antaeo vetere colluctati, perseveranter flagitant pulveris periculosi mercedes.

- 20 Verumtamen haec cum ita sint, non desunt advocatis incommoda plurima, parum sustinenda recte victuro. Namque sellulariis quaestibus inescati, inter se hostiliter dissident, et rupta maledicendi ferocia, ut dictum est, multos offendunt: quam tunc effutiant, cum commissarum sibi causarum infirmitatem rationibus validis ⁹⁾ convallare non possunt.
- 21 Et iudices patiuntur interdum doctos ex Philistionis

8) Mf. et ariter cluenda ne vel pro. 9) Mf. convalere.

aut Aesopi cavillationibus, quam ex Aristidis illius iusti vel Catonis disciplina productos: qui aere gravi mercati publicas potestates, ut creditores molesti opes cuiusquemodi fortunae rimantes, alienis gremiis excutiunt praedas. Ad ultimum id habet cau-²² fidicina cum caeteris metuendum et grave, quod hoc ingenitum est paene litigantibus cunctis, ut, cum iurgia mille casibus cadant, accidentia secus in potestate esse existiment patronorum: et omnem certaminum exitum iisdem soleant assignare, et non vitiis rerum, aut iniquitati aliquoties disceptantium, sed solis defensoribus irascantur. Verum, unde huc declinavimus, revertamur.

(A. C. 375.)

V. Pubescente iam vere Valentinianus a Treveris motus, per nota itinera gradu celeri contendebat: eique regiones adventanti, quas petebat, legatio Sarmatarum offertur: pedibusque eius prostrata, orabat pacifica prece, ut propitius veniret et lenis, nullius diri facinoris participes populares suos inventurus aut conscios. Quibus saepe eadem² iterantibus, hactenus perpenſa deliberatione respondit, haec in locis, ubi dicuntur admissa, quaerenda verissimis documentis et vindicanda. Cumque exinde Carnuntum Illyriorum oppidum introisset, desertum quidem nunc et squalens, sed ductori exercitus perquam opportunum, ubi fors copiam dedisset aut ratio, e statione proxima reprimebat barbaricos adpetitus.

Et quamquam terrori cunctis erat, dum spera-³ batur ut acer et vehemens mox iudices damnari iussurus, quorum perfidia vel secessione Pannoniarum nudatum est latus: cum illuc venisset, ita intepuit, ut neque in Gabinii regis inquireret necem, neque iniusta rei publicae vulnera¹⁾ quo linente vel agente

1) *al.* quo canente.

legnius evenissent, ²⁾ accuratius vestigaret: eo videret
 licet more, quo erat severus in gregariis corrigendis,
 remissior erga maiores fortunas vel verbis asperioribus
 4 incessendas. Solum tamen incitato petebat odio Probum,
 numquam, ex quo eum viderat, minari desinens vel mitescens: cuius rei causae nec
 obscurae fuerunt, nec leves. Hic praefecturam praetorio tunc
 primitus nactus, eamque multis atque utinam probabilibus
 modis in longum proferre gestiens, non ut prolapiae suae
 claritudo monebat, 5 plus adulationi quam verecundiae dedit. Contem-
 platus enim propositum Principis, quaerendae undique
 pecuniae vias absque iustorum iniustorumque discretionem
 scrutantis, errantem non reducebat ad aequitatis tramitem,
 ut saepe moderatores fecerant tranquilli: sed ipse quoque
 flexibilem sequebatur 6 atque transversum. Unde graves
 obedientium casus, exitalia provisorum nomina titulorum,
 iuxta opulentas et tenues enervatas succidere fortunas,
 argumentis aliis post validioribus aliis, usu laedendi
 reperto longaevo. Denique tributorum onera vectigaliumque
 augmenta multiplicata, optimatum quosdam ultimorum metu
 exagitatos mutare ³⁾ compulerunt sedes: ⁴⁾ et flagitantium
 ministrorum amaritudine quidam expressi, cum non suppeteret,
 quod daretur, erant perpetui carcerum inquilini: e quibus
 aliquos cum vitae iam taederet et lucis, suspendiorum exoptata
 remedia consumpserunt. 7 Haec ita illecebrosius atque
 inhumanius agi loquebatur quidem pertinax rumor: Valentinianus
 vero, tamquam auribus cera illitis, ignorabat, indifferenter
 quidem lucrandi vel ex rebus minimis avidus, idque tantum
 cogitans, quod offerebatur; parsurus tamen fortasse Pannoniis,
 si haec ante ingemiscenda compendia comperisset, quae nimium sero tali

2) Ms. curatius. 3) Ms. compulit. 4) Ms. efflagitantium.

didicit casu. Ad provincialium residuorum exem- 8
plum etiam Epirotae acturos sibi gratias a praefecto
mittere compulsi legatos, Iphiclem quemdam phi-
losophum, spectatum robore pectoris hominem,
adegere non sponte propria pergere ad id munus
implendum. Qui cum Imperatorem vidisset, agni- 9
tus adventusque sui causam interrogatus, Graece
respondit: atque ut philosophus veritatis professor,
quaerente curatius Principe, si hi, qui misere, ex
animo bene sentiunt de praefecto; gementes, in-
quit, et inviti. Quo ille verbo tamquam telo per- 10
cussus, actus eius ut sagax bestia rimabatur, genui-
no percunctando sermone, quos noscitabat: ubi-
nam ille esset verbi gratia honore ⁵⁾ ante suos excel-
lens et nomine, vel ille dives, aut alius ordinis
primus. Cumque disceret perisse aliquem laqueo,
abisse alium trans mare, conscivisse sibi alium mor-
tem, aut plumbo vita erepta extinctum: in immen-
sum excaudit, urente irarum nutrimenta tunc offi-
ciorum magistro Leone, pro nefas! ipso quoque
praefecturam, ut e celliore scopulo caderet, ad-
fectante: quam si adeptus rexisset, prae his, quae
erat ausurus, administratio Probi ferebatur in
caelum.

Agens itaque apud Carnuntum Imperator, per 11
continuos tres menses aestivos arma parabat et ali-
menta, si qua fors secundasset, pervasurus oppor-
tune Quados, tumultus atrocis auctores: in quo
oppido Faustinus, filius sororis Iuventii praefecti
praetorio, notarius militans, Probo spectante ne-
gotium, carnificis manu peremptus est post tormen-
ta: vocatus in crimen, quod asinum occidisse dice-
batur ad usum artium secretarum, ut adferebant
quidam urgentes: ut [autem aiebat ille, ad imbecil-
litatem firmandam fluentium] capillorum. Alio 12

5) Ml. ante suos.

quoque in eum perniciose composito, quod petente per iocum quodam Nigrino, ut eum notarium faceret, exclamavit ille hominem ridens, *Fac me Imperatorem, si id volueris impetrare.* Hocque ludibrio inique interpretato, et Faustinus ipse, et Nigrinus, et alii sunt interfecti.

- 13 Praemisso igitur Merobaude cum militari pedum manu, quam regebat, ad vastandos cremandosque barbaricos pagos, comite adiuncto ⁶⁾ Sebastiano, Valentinianus Acincum propere castra commovit: navigiisque ad repentinum casum coniunctis, et contabulato celeri studio ponte, per partem aliam transiit in Quados, speculantes quidem ex diruptis montibus eius adventum, quo plerique anticipites incertique accidentium cum suis caritatibus secesserunt: sed stupore defixos, cum in regionibus suis, contra quam opinabantur, angusta cernerent
- 14 signa. Progressus ergo coacto gradu, in quantum res tulit, iugulataque aetate promiscua, quam etiamtum palantem subitus occupavit excursus, et tectis combustis, rediit cum incolumibus cunctis, quos duxerat secum: itidemque apud Acincum moratus autumnos praecipiti, per tractus congelari frigoribus adsuetos commoda quaerebat hiberna: nullaque sedes idonea reperiri praeter Sabariam poterat, quamvis eo invalidam tempore adfiduisque
- 15 malis adflictam. Unde hoc, etiam si magni interesset, paullisper sequestrato, impigre motus, peragrata fluminis ripa, castrisque praesidio competenti munitis atque castellis, Bregitionem pervenit: ibique diu compositum ad quietem Principis satum fortem denuntiabat ei supremam prodigiis ingeren-
- 16 tibus multis. Namque diebus ante paucissimis ruinas fortunarum indicantia celsarum, arsere crinita sidera [cometarum], quorum originem supra docui-

6) Mf. Senastigiano.

mus. Ante apud Sirmium repentino fragore nubium fulmen excussum, palatii et curiae partem incendit et fori: et apud Sabariam eodem adhuc constituto, bubo culminibus regii lavacri ⁷⁾ insidens, occentansque funebria, nulla iacentium sagittas et lapides contemplabili dextera cadere potuit, certatim licet ardenti studio petebatur. Item cum ab ¹⁷ urbe praedicta tenderet ad procinctum, per portam voluit, unde introivit, exire, ut omen colligeret, quod cito remeabit ad Gallias. Cumque locus adgestis ruderibus neglectus purgatur, lapsam forem ferratam, quae exitum obseravit, multitudo removere non potuit viribus magnis enisa: et dum frustratereretur diem, coactus per aliam egressus est portam. Nocteque, quam lux ereptura eum vita sequuta est, ¹⁸ ut per quietem solet, videbat coniugem suam absentem sedere, passis capillis, amictu l'qualenti connectam: quam aestimari dabatur Fortunam eius esse, cum taetro habitu iam discessuram. Progressus ¹⁹ deinde matutinus contractiore vultu subtristis, cum eum oblatus non susceperet equus, anteriores pedes ⁸⁾ praeter stratorem erigens in sublime: innata feritate concitus, ut erat immanis, dexteram stratoris militis iussit abscidi, quae eum insilientem iumento pulserat consueto: perissetque cruciabiliter innocens iuvenis, ni tribunus stabuli Cerealis dirum nefas cum sui periculo distulisset.

VI. Post haec Quadorum venere legati, pacem cum praeteritorum oblitteratione suppliciter obsecrantes: quam ut adipisci sine obstaculo possent, et tirocinium et quaedam utilia rei Romanae pollicebantur. Quos quoniam suscipi placuit, et redire ² indutiis, quae poscebantur, indultis (quippe eos vexari diutius nec ciborum inopia, nec alienum

7) al. concidens. 8) Ms. praeter ar . . . torem.

tempus anni patiebantur) in consistorium ¹⁾ Equitio vadente sunt intromissi. Cumque membris incurvatis flarent metu debiles et praestricti, docere iussi, quae ferebant, utilitas illas causationum species iurandi fidem addendo firmabant: nihil ex communi mente procerum gentis delictum adseverantes in nostros, sed per extimos quosdam latrones amni- que confines evenisse, quae inciviliter gesta sunt: etiam id quoque addendo, ut sufficiens ad facta purganda firmantes, quod munimentum exstrui coe- ptum nec iuste nec opportune, ad ferociam animos ²⁾ agrestes accendit. Ad haec Imperator ira vehe- menti percussus, et inter exordia respondendi timi- dior, increpabat obiurgatorio lonu nationem omnem, ut beneficiorum immemorem et ingratam. Paullatimque lenitus [et ad molliora] propensior, tamquam ³⁾ ictus e caelo, vitalique via voceque simul obstricta, suffectus igneo lumine cernebatur: ⁴⁾ erumpente subito sanguine, letali sudore persus- sus, ne laberetur spectantibus ⁵⁾ et vilibus, concursu ministrorum vitae secretioris ad conclave ductus est ⁶⁾ intimum. Ubi locatus in lecto, exiguas spiritus re- liquias trahens, nondum intelligendi minuto vigo- re, cunctos agnoscebat adstantes, quos cubicularii, ne quis eum necatum suspicaretur, celeritate maxi- ma corrogarant. Et quoniam viscerum flagrante compage laxanda erat necessario vena, nullus inve- niri potuit medicus hanc ob causam, quod eos per varia sparserat, curatuos militem pestilentiae mor- bo tentatum. Unus tamen repertus, venam eius iterum saepiusque pungendo, ne guttam quidem cruoris elicere potuit, internis nimietate calorū ambustis: vel, ut quidam existimabant, arefactis ideo membris, quod meatus aliqui, quos haemor-

1) Mf. Equitio in Consistorio vadente sunt. 2) al. ictus telo vitalia voceque. 3) Mf. egre pene cubito. 4) al. et vilibus.

rhoidas nunc adpellamus, obferati sunt gelidis frigoribus concrustati. Sensit immensa vi quadam urgente morborum, ultimae necessitatis adesse praescripta: dicereque conatus aliqua vel mandare, ut singultus ilia crebrius pulsans, stridorque dentium et brachiorum motus velut caestibus dimicantium indicabat, iam superatus liventibusque maculis interfusus, animam diu colluctatam efflavit, aetatis quinquagesimo anno et quinto, imperii, minus centum dies, secundo et decimo.

VII. Replicare nunc est opportunum, ut aliquoties fecimus, et ab ortu primigenio patris huiusce Principis adusque ipsius obitum actus eius discurrere per epilogos breves, nec vitiorum praetermisso discrimine vel bonorum, quae potestatis amplitudo monstravit, nudare solita semper animorum interna. Natus apud Cibalas Pannoniae oppidum Gratianus maior ignobili stirpe, cognominatus est a pueritia prima Funarius, ea re, quod nondum adultus venalem circumferens funem, quinque militibus eum rapere studio magno conatis nequaquam cessit: aemulatus Crotoniatem Milonem, cui mala saepe cohaerenter laeva manu retinenti vel dextra, nulla umquam virium fortitudo abstraxit. Ob ergo validi corporis robur, et peritiam militum more luctandi notior multis, post dignitatem protectoris atque tribuni, Comes praefuit rei castrensi per Africam: unde furtorum suspicione contactus, digressusque, multo postea pari potestate Britannum rexit exercitum, tandemque honeste sacramento solutus, revertit ad larem: et agens procul a strepitu, mutatione bonorum adflictus est a Constantio hoc nomine, quod civili flagrante discordia, hospitio dicebatur suscepisse Magnentium, per agrum suum ad proposita festinantem.

Cuius meritis Valentinianus ab ineunte adolescentia commendabilis, contextu suarum quoque

suffragante virtutum, indutibus imperatoriae maiestatis apud Nicaeam ornatus, in Augustum collegium fratrem Valentem adscivit, ut ¹⁾ germanitate, ita concordia sibi iunctissimum, inter probra medium et praecipua, quae loco docebimus competentis. Igitur Valentinianus, post periculorum molestias plures, dum esset privatus, emensas, imperitare ²⁾ exorsus, arces prope flumina fitas et urbes, et Gallias petiit Alamannicis patentes excursibus, reviviscentibus erectius cognito Principis Iuliani interitu, quem post Constantem solum omnium formidabant. Ideo autem etiam Valentinianus merito timebatur, quod auxit et exercitus valido supplemento, et utrobique Rhenum celsioribus castris munivit atque castellis, ne latere usquam hostis ad nostra se proripiens possit.

7 Utque multa praetereamus, quae egit moderatoris auctoritate fundati, quaeque per se vel duces correxit industrios: post Gratianum filium in societatem suae potestatis adsumptum, Vithigabium regem Alamannorum Vadomario genitum, adulescentem in flore primo genarum nationes ad tumultus cientem et bella, clam, quia non potuit aperte, confodit: et Alamannis congressus prope Solicinium locum, ubi insidiis paene perierat circumventus, ad exitium ultimum delere potuit universos, ni paucos velox effugium tenebris amandasset.

8 Inter haec tamen caute gesta, iam conversos ad metuendam rabiem Saxonas, semper quolibet explorato ruentes, delatosque tunc ad terrestres tractus, quorum spoliis paene redierant locupletes, malefido quidem, sed utili commento peremit, praeda raptoribus vi fractis excussa.

9 Itidemque Britannos, catervas superfusorum hostium non ferentes, spe meliorum adsumpta, in

1) Mf. germanitate ita concordia. 2) Mf. exorsus ut arces.

libertatem et quietem restituit placidam, nullo pae-
ne redire permissio grassatorum ad sua.

Efficacia pari Valentinum quoque Pannonium ¹⁰
exulem, per has provincias molientem otium tur-
bare commune, antequam negotium effervesceret,
oppressit.

Africam deinde malo repentino perturbatam
discriminibus magnis exemit: cum voraces milita-
rium fastus ferre nequiens Firmus, ad omnes dissen-
sionum motus perflabiles gentes Mauricas conci-
tasset.

Similique fortitudine clades ingemiscendas Illy-
rici vindicasset, ni morte praeventus reliquisset rem
seriam imperfectam.

Ac licet opera praestabilium ducum haec, quae ¹¹
retulimus, consummata sunt: tamen ipsum quoque
satis constat, ut erat expeditae mentis usuque ca-
strensis negotii diuturno firmatus, egisse complura:
inter quae illud elucere clarius potuit, si Macria-
num regem ea tempestate terribilem, vivum capere
potuisset, ut industria magna tentarat, postquam
eum evalisse ³⁾ Burgundios, quos ipse admoverat
Alamannis, maerens didicisset et tristis.

VIII. Haec super actibus Principis brevi sunt ¹
textu percurfa: nunc confisi, quod nec metu nec
adulandi foeditate constricta posteritas, incorrupta
praeteritorum solet esse spectatrix, summatim eius
numerabimus vitia, post et ¹⁾ praecipua narraturi.
Adsimulavit nonnumquam clementiae speciem, cum ²
esset in acerbitem naturae calore propensior: obli-
tus profecto, quod regenti imperium omnia nimia
velut proceri scopuli sunt devitanda. Nec enim ³
usquam reperitur miti coercitione contentus, sed
aliquoties quaestiones multiplicari iussisse cruentas,

³⁾ *al.* Burgundos. ¹⁾ *Mf.* prae te merita narraturi
ad bit nonnumquam.

post interrogationes funestas nonnullis adusque discrimina vitae vexatis: et ita erat effusior ad nocendum, ut nullum aliquando damnatorum capitis eriperet morte subscriptionis elogio leni, cum id etiam
 4 Principes interdum fecere saevissimi. Atqui potuit exempla multa contueri maiorum, et imitari peregrina atque interna humanitatis et pietatis, quas sapientes consanguineas ²⁾ virtutum esse definiunt bonas: e quibus haec sufficere poni. Artaxerxes Persarum ille rex potentissimus, quem Macrochira membri unius longitudo commemoravit, suppliciorum varietates, quas natio semper exercuit cruda, lenitate genuina castigans, tiaras ad vicem caputum quibusdam noxiis amputabat: et ne secaret aures
 1; more regio pro delictis, ex galeris fila pendentia praecidebat: quae temperantia morum ita tolerabilem eum fecit et verecundum, ut adnitentibus cunctis multos et mirabiles actus impleret Graecis scri-
 5 ptoribus celebratos. Praenestino praetore, qui bello quodam Samnitico properare iussus ad praesidium venerat segnius, ad crimen diluendum exhibitio, Papirius Cursor ea tempestate dictator securem per lictorem expediri, homineque abiecta purgandi se fiducia stupefacto, visum prope fruticem iussit abscidi: hocque ioci genere castigatum eum absolvit, non ideo ³⁾ contemptus, ut qui bella diuturna per se superavit et gravia, solus ad resistendum aptus Alexandro Magno, si calcaasset Italiam,
 6 aestimatus. Haec forsitan Valentinianus ignorans, minimeque reputans afflicti solatia status semper esse lenitudinem Principum, poenas per ignes augebat et gladios: quod ultimum in adversis rebus remedium pietas reperit maiorum, ut Isocratis memorat pulchritudo: cuius vox est perpetua docentis,

2) Ms. virtutum. 3) Ms. contemptus vis bella diuturna parum
 lius ad resist.

ignosci debere interdum armis superato rectori, quam, iustum quid sit, ignorant. Unde motum existimo Tullium praeclare pronuntiasse, cum defenderet Oppium: *Etenim multum posse ad salutem alterius, honori multis; parum potuisse ad exitium, probra nemini umquam fuit.*

Aviditas plus habendi sine honesti pravique differentia, et indagandi quaestus varios per alienae vitae naufragia, exundavit in hoc Principe flagrantius adulescens. Quam quidam praetendentes Imperatorem Aurelianum, purgare tentabant, id adfirmando, quod, ut ille post Gallienum et lamentabiles rei publicae casus exinabito aerario, torrentis ritu ferebatur in divites: ita hic quoque post procinctus Parthici clades magnitudine indigens impensarum, ut militi supplementa suppeterent et impendium, crudelitati cupiditatem opes nimias congerendi miscebat: dissimulans scire, quod sunt aliqua, quae fieri non oportet, etiam si licet; Themistoclis illius veteris ⁴⁾ dissimilis: qui cum post pugnam agminaue deleta Persarum licenter obambulans, armillas aureas vidisset humi proiectas et torquem: *Tolle, inquit, haec, ad comitum quemdam prope adstantem, vere quia Themistocles non es: quodlibet spernens in duce magnanimo* ⁵⁾ *lucrum.* Huius exempla continentiae similia plurima in Romanis exuberant ducibus: quibus omis-
 sis, quoniam non sunt perfectae virtutis indicia (nec enim aliena non rapere laudis est) unum ex multis constans innocentiae vulgi veteris specimen ponam. Cum proscriptorum locupletes domus diripiendas Romanae plebi Marius dedisset et Cinna, vulgi rudes animi, sed humana soliti respectare, alienis laboribus pepercerunt: ut nullus egens reperiretur aut infimus, qui de civili luctu fructum contrectare pateretur sibi concessum.

4) Mf. verisimilis. 5) Mf. lucrum Huius.

10 Invidia praeter haec antedictus medullitus urebatur: et sciens pleraque vitiorum imitari solere virtutes; memorabat assidue, ⁶⁾ severitatem rectae potestatis esse individuum sociam. Utque sunt dignitatum apices maximi licere sibi cuncta existimantes, et ad ⁷⁾ supplicandum contrarios exturbandosque meliores pronius inclinati, bene vestitos oderat et eruditos; et opulentos; et nobiles: et fortibus detrahebat; ut solus videretur bonis artibus eminere: quo vitio exarsisse Principem legimus Hadrianum.

11 Arguebat hic idem Princeps timidos saepius, maculosos tales adpellans et sordidos, et intra sortem humilem amandandos: ad pavores irritos aliquoties abiectius pallens, et quod nusquam erat

12 ⁸⁾ ima mente formidans. Quo intellecto magister officiorum Remigius, cum eum ex incidentibus ira fervere sentiret, fieri motus quosdam barbaricos inter alia subserebat: hocque ille audito, quia timore mox frangebatur, ut Antoninus Pius erat fere-

13 nus et clemens: Iudices numquam consulto malignos elegit: sed si semel promotos agere didicit immaniter, Lycurgos invenisse se praedicabat et Cassios, columnina Iustitiae prisca: scribensque hortabatur assidue, ut noxas vel leves acerbius vindica-

14 rent. Nec afflictis, si fors ingruisset inferior, erat ullum in Principis benignitate perfugium: quod semper ut agitato mari iactatis, portus patuit exoptatus. *Finis enim iusti imperii, ut sapientes doceant, utilitas obedientium aestimatur et salus.*

1 IX. Consentaneum est venire post haec ad eius actus sequendos recte sentientibus et probandos: cum quibus si reliqua temperasset, vixerat ut Traianus

6) Ms. livorem severitatem. 7) Ms. supplicandum. 8) Ms. imamenta. 72. ima mente.

ianus et Marcus. In provinciales admodum parcus; tributorum ubique molliens sarcinas: oppidorum et limitum conditor tempestivus: militaris disciplinae censor eximius, in hoc tantum deerians, quod, cum gregariorum etiam levia puniret errata, potiorum ducum flagitia progredi sinebat in maius, ad querelas in eos motas aliquoties obsurdescens: unde Britannici strepitus, et Africanæ clades, et vastitas emerfit Illyrici.

Omni pudicitiae cultu domi castus et foris, nullo contagio conscientiae violatus obscenae, nihil incestum: haecque ob causam tamquam retinaculis petulantiam frenarat aulae regalis: quod custodire facile potuit, necessitudinibus suis nihil indulgens, quas aut in otio reprimebat, aut mediocriter honoravit, absque fratre, quem temporis compulsus angustis, in amplitudinis suae societatem adsumplit.

Scrupulosus in deferendis potestatibus celsis: nec imperante eo provinciam nummularius rexit, aut administratio venundata, nisi inter [initia] ut solent occupationis spe vel impune quaedam scelestæ committi.

Ad inferenda propulsandaque bella sollertissimus, cautus; aestu Martii pulveris induratus; boni praveque suafor et dissuasor admodum prudens, militaris rei ordinum scrutantissimus: scribens decore, venusteque piagens et fingens, et novorum inventor armorum: memoria sermoneque incitato quidem, sed raro, facundiae proximo vigeus; amator munditiarum, laetusque non profusis epulis sed exultis.

Postremo hoc moderamine principatus inclaruit, quod inter religionum diversitates medius stetit, nec quemquam inquietavit, neque, ut hoc coleretur, imperavit aut illud: nec interdictis minacibus subiectorum cervicem ad id, quod ipse coluit

¹⁾ inclinabat, sed intemeratas reliquit has partes, ut reperit.

6 Corpus eius lacertosum et validum, capilli fulgor colorisque nitor, cum oculis caecis semper obliquum intuentis et torvum, atque pulchritudo staturae, lineamentorumque recta compago, maiestatis regiae decus implebat.

1 X. Post conclamata Imperatoris suprema, corpusque ¹⁾ curatum ad sepulturam, ut missum Constantinopolim inter divorum reliquias humaretur: suspenso instante procinctu, anceps rei timebatur eventus cohortibus Gallicanis, quae non semper dicatae legitimorum Principum fidei, velut imperiorum arbitrae, ausurae novum quiddam in tempore sperabantur: ²⁾ hoc tentandae novitati res adiuvante, quod gestorum ignarus etiam tum Gratianus agebat tum apud Treveros, ubi profecturus eum morari disposuerat pater. Cum negotium in his esset angustiis, et tamquam in eadem navi futuri periculorum, si accidissent, participes, omnes eadem formidarent: sedit summatum consilio, avulso ponte, quem compaginarat ante necessitas invadens terras hostiles, ut superstitis Valentiniani mandato Mero-
3 baudes protinus acciretur. Hocque ille, ut erat sollertis ingenii, quod evenerat ratus, aut forte doctus ab eo, per quem vocabatur, rupturum concordiae iura Gallicanum militem suspicatus, missam ad se tesseram finxit redeundi cum eo ad observandas Rheni ripas, quasi furore barbarico crudescente: utque erat secrete mandatum, Sebastianum Principis adhuc ignorantem excessum, longius amandavit, quietum quidem virum et placidum, sed militari favore sublatum, ideo maxime tunc cavendum.

1) Mf. voluit. 1) conditum. 2) hoc tentandae novitati res.

Reverso itaque Merobaude, altiore cura pro-4
 spectum, expedito consilio Valentinianus puer de-
 functi filius tum quadrimus, vocaretur in Imperium
 cooptandus, centesimo lapide disparatus degensque
 cum Iustina matre in villa, quam Murocinctam ad-
 pellant. Hocque concinenti omnium sententia con-5
 firmato, Cerealis avunculus eius ocius missus, eun-
 dem puerum lectica impositum duxit in castra: sex-
 toque die post parentis obitum Imperator legitime
 declaratus, Augustus nuncupatur more sollemni.
 Et licet, cum haec agerentur, Gratianum indigne 6
 laturum existimantes, absque sui permissu Princi-
 pem alium institutum: postea ³⁾ metus sollicitudine
 discussa vixere securius, quod ille, ut erat benivo-
 lus et peritus, consanguineum pietate nimia dilexit
 et educavit.

3) Mf. mens.

AMMIANI MARCELLINI

RERUM GESTARUM

LIBER XXXI.

Caedis Valentis A. et cladis a Gothis inferendae prodigia. C. I. De Hunnorum, et Alanorum, aliarumque Scythiae Asiaticae gentium sedibus et moribus. II. Hunni Alanos Tanaitas armis aut pactis sibi adiungunt, Gothosque invadunt, ac suis sedibus pellunt. III. Pars maior Gothorum cognomine Thervingorum finibus suis expulsa permissu Valentis a Romanis transportatur in Thraciam, obsequium et auxilia pollicita. Greuthungi quoque, pars altera Gothorum, furtim ratibus Histrum transeunt. IV. Thervingi fame et inopia pressi ac pessime habiti, ducibus Alavivo et Fritigerno a Valente deficiunt, ac Lupicinum cum suis fundunt. V. Sueridus et Colias Gothorum optimates, una cum suis prius recepti, cur rebellaverint, et caesis Hadrianopolitanis, Fritigerno se adiunxerint, ad diripiendas Thracias conversi. VI. Profuturus et Traianus ac Richomeres pugnant aequo Marte cum Gothis. VII. Clausi intra Aemimontanas Gothi, deinde a Romanis emissi, Thraciam rapinis, caedibus, stupris, incendiisque foedant, et Barzimerem scutariorum tribunum interficiunt. VIII. Frigeridus dux Gratiani Farnobium optimatem cum multis Gothis et Taisulis caedit: reliquis vita et agri circa Padum dati. IX. Lentienses Alamanni a Gratiani A. ducibus proelio superati; rege Priario etiam interfecto; et post deditionem datis Gratiano tironibus, domum redire permissi. X. Sebastianus Gothos spoliis onustos apud Beroeam inopinantes concidit: paucos fuga servavit. Gratianus A. ad patrum Valentem properat, ei contra Gothos laturus

auxilium. XI. Valens A. ante adventum Gratiani cum Gothis pugnare constituit. XII. Gothi omnes in unum coniuncti, nimirum Thervingi ductu Friligeri R. et Greuthungi ducibus Alatheo et Safrace, cum Romanis acie instructa confligunt, et fuso equitatu, pedites nudatos atque confertos cum maxima strage in fugam coniiciunt. Valens occisus nusquam comparuit. XIII. Valentis A. virtutes et vitia. XIV. Gothi victores Hadrianopolim oppugnant, ubi thesauros suos Valens et imperatoria insignia cum praefecto et consistorianis reliquerat: et omnia frustra experti discedunt. XV. Gothi, Hunnorum Alanorumque copiis auro sibi adiunctis, frustra Constantinopolim tentant. Qua arte Iulius, magister militum trans Taurum, Orientales provincias Gothis exoneraverit. XVI.

Interea et Fortunae volucris rota, adversa prosperis semper alternans, Bellonam furiis in societatem adscitis armabat, maestosque transtulit ad Orientem eventus, quos adventare praesagiorum fides clara monebat et portentorum. Post multa enim, quae vates auguresque praedixere veridice, resultabant canes ululantibus lupis, et querulum quiddam nocturnae volucres tinniebant et flebile, et squalidi Solis exortus hebetabant matutinos diei candores: et Antiochiae per rixas tumultusque vulgares id in consuetudinem venerat, ut quisque vim se pati existimaret, *Vivus ardeat Valens*, licentius clamitaret: vocesque praeconum audiebantur assidue, mandantium congeri ligna ad Valentini lavacri succensionem, studio ipsius Principis conditi. Quae hunc illi impendere exitum vitae modo non aperte loquendo monstrabant. Super his larvale simulacrum Armeniae regis, et miserabiles umbrae paullo ante in negotio Theodori caesorum, per quietem fridendo carmina quaedam nimium horrenda, multos diris terroribus agitabant. ¹⁾ Vagula gurgulione⁴

1) Mf. Vagulae.

confecto exanimis visa est iacens: cuius mors publicorum funerum aerumnas indicabat amplas et pervulgatas. Denique cum Chalcedonos subverterentur veteres muri, ut apud Constantinopolim aedificaretur lavacrum, ordine resoluto saxorum, in quadrato lapide, qui structura latebat in media, hi Graeci versus incisi reperti sunt, futura plene pandentes:

- 5 ²⁾ ΑΛΛ' ὅπταν νύμφαι δροσερῇ κατὰ ἄστν χορεῖη
 Τερπόμεναι στρέψανται ἔυστεφίας κατ' ἀγυιάς,
 Καὶ τεῖχες λουτροῖο πολύστονον ἔσσεται ἄλκαρ,
 Δὴ τότε μυρία φῦλα πολυσπερέων ἀνδρώπων
 Ἰστρου καλλιέρσοιο πόρον περάοντα σὺν αἰχμῇ,
 Καὶ σκυδικὴν ὀλέσει χώραν καὶ μυσίδα γαῖαν,
 Παιονίης δ' ἐπιβάντα σὺν ἐλπίσι μαινομένησιν
 Αὐτοῦ καὶ βιότοιο τέλος καὶ δῆρις ἐφέξει.

- 1 II. Totius autem sementem exitii et cladum originem diversarum, quas Martius furor incendio solito miscendo cuncta concivit, hanc comperimus causam. Hunnorum gens, monumentis veteribus leviter nota, ultra paludes Maeoticas glaciale oceanum accolens, omnem modum feritatis excedit.
 2 Ubi quoniam ab ipsis nascendi primitiis infantum ferro fulcantur altius genae, ut pilorum vigor tempestivus emergens corrugatis cicatricibus hebetetur, senescunt imberbes absque ulla venustate, spadonibus similes: compactis omnes firmisque membris, et opimis cervicibus: ³⁾ prodigiosae formae et pandi, ut bipedes existimes bestias, vel quales in|commarginandis pontibus effigati stipites dolantur in-

2) ΜΕ. ΑΛΛΟΠΟΙΑΝ ΝΤΝΦΑΙΔΡΟCΕΡΕ ΚΑΤΑ ΓΑΑC ΤΤΧΟΡΗΙΤΕΡΠΟΜΕΝΕC ΤΡΟΦΟΝΦΕC ΕΥCΤΕΦΕΑ ΚΑΤΑ ΓΥΙΑCΚΑΙ ΤΙΧΟCα ΟΙΤ ΡΟΙΟΠω ΑΥCΤΟ ΝΟΝ ΕCCΙ ΚΑΡΑΗΠΟΤΕΔΝΙΑ ΦΥΑΛΑ ΠΟΛΥCΠΕΡΜΟΝΑΝ ΟΡω ΠωΠΙCΤΟΡΟΥ ΚΛΑΥΡΟΟΙΟ ΠΟΡΟΝΤΑ CΥΝ ΕΧΜΗ ΚΑΙ CΚΗ ΕΙΚΗΝΑΕ ΤΙΧΟΡΗΝ ΚΑΙ ΜΥC ΔΑΓΑΙΝΙΗΑΚ ΟΝΤC ΔΕΤ ΗΒΑΤΑCΥΝ ΕΛΤΙCΙΜ ΑΙΝΟΜΕΝΗC ΤΑΥΤΟΥ ΚΑΙ ΒΙΟΤΟΙΟΤΕΛΟC ΚΑΙ ΔΗΡΕΙΝ ΕΦΕΞΕΙ. 3) ΜΕ. prodigiosae formae.

compte. In hominum autem figura licet ⁴⁾ insuavi 3
ita visi sunt asperi, ut neque igni, neque saporatis
indigeant cibis; sed radicibus herbarum agrestium
et semicruda cuiusvis pecoris carne vescantur, quam
inter femora sua et equorum terga subsertam, sotu
calefaciunt brevi. Aedificiis nullis umquam tecti: 4
sed haec velut ab usu communi discreta sepulchra
declinant. Nec enim apud eos vel arundine fasti-
gatum reperiri tugurium potest. Sed vagi montes
peragrantes et silvas, pruinas, famem, sitimque
perferre ab incunabulis adfuescunt. Peregre tecta
nisi adigente maxima necessitate non subeunt: nec
enim apud eos securos existimant esse sub tectis.
Indumentis operiuntur linteis, vel ex pellibus silve- 5
strium murium consarcinatis: nec alia illis domesti-
ca vestis est, alia forensis. Sed semel obsoleti co-
loris tunica collo inserta non ante deponitur aut
mutatur, quam diuturna carie in pannulos defluxe-
rit defructata. Galeris incurvis capita tegunt: hir- 6
suta crura coriis munientes haedinis: eorumque
calcei formulis nullis aptati, vetant incedere gressi-
bus liberis. Qua causa ad pedestres parum accom-
modati sunt pugnas: verum equis prope adfixi, du-
ris quidem, sed deformibus, et muliebriter iisdem
nonnumquam infidentes, funguntur muneribus con-
suetis. Ex ipsis quivis in hac natione perniox et
perdius emit et vendit, cibumque sumit et potum,
et inclinatus cervici angustae iumentis, in altum so-
porem adusque varietatem effunditur somniorum.
Et deliberatione super rebus proposita seriis, hoc 7
habitu omnes in commune consultant. Aguntur
autem nulla severitate regali, sed tumultuario opti-
mum ductu contenti, perrumpunt, quidquid in-
ciderit. Et pugnant nonnumquam lacessiti, sed 8
ineuntes proelia cuneatim variis vocibus sonantibus

4) Mf. licet.

torvum. Utque ad pernicitatem sunt leves et repentini; ita subito de industria dispersi ⁵⁾ vigescunt, et incompofita acie cum caede vafte difcurreunt: nec invadentes vallum, nec castra inimica pilantes præ nimia rapiditate cernuntur. Eoque omnium acerrimos facile dixeris bellatores, quod procul millibus telis, acutis offibus præ fpeculorum acumine arte mira coagmentatis, fed diftinctis: cominus ferro fine fui refpectu confligunt, hofteſque, dum mucronum noxias obſervant, contortis laciiniis illigant, ut laqueatis reſiſtentium membris equitandi vel gradiendi adimant facultatem. Nemo apud eos arat, nec ftivam aliquando contingit. Omnes enim fine ſedibus fixis, abſque lare vel lege, aut ritu ſtabili diſpalantur, ſemper fugientium ſimiles, cum carpentis, in quibus habitant: ubi ⁶⁾ coniuges taetra illis veſtimenta contexunt, et coeunt cum maritis, et pariunt, et aduſque pubertatem nutriunt pueros. Nullusque apud eos interrogatus, reſpondere, unde oritur, poteſt, alibi conceptus, natusque procul, et longius educatus. Per indutias infidi, inconſtantes, ad omnem auram incidentis ſpei novae perquam mobiles, totum furori incitatiffimo tribuentes. Inconſultorum animalium ritu, quid honeſtum inhoneſtumve fit, penitus ignorant: flexiloqui et obſcure, nullius religionis vel ſuperſtitionis reverentia aliquando diſtricti: auri cupidine immenſa flagrant: adeo permutabiles, et iracundi faciles, ut eodem aliquoties die a ſociis nullo irritante ſaepe deſciſcant, itidemque propitientur nemine leniente.

¹² Hoc expeditum indomitumque hominum genus, externa prædandi aviditate flagrans immani, per rapinas finitimorum graſſatum et caedes, aduſque ⁷⁾ Alanos pervenit, veteres Maſſagetæ: qui unde

5) Mf. iugeſcunt. 6) Mf. coniuges ex villis veſt. 7) Mf. Adalam.

sint, vel quas incolant terras (quoniam huc res prolapsa est) consentaneum est demonstrare, geographica perplexitate monstrata, quae diu multa luda, et varia, tandem reperit veritatis interna . . * . . * . . ad . .

Hisler advenarum magnitudine fluenti Sauroma-¹³tas praetermeat adusque amnem Tanaim pertinentes, qui Asiam terminat ab Europa. Hoc transito, in immensum extensas Scythiae solitudines Alani inhabitant, ex montium adpellatione cognominati, paullatimque nationes conterminas crebritate victoriarum attritas ad gentilitatem sui vocabuli traxerunt ut Persae. Inter hos Neuri mediterranea incolunt¹⁴ loca, vicini verticibus cellis, quos praeruptos geluque torpentes aquilones adstringunt. Post quos Budini sunt, et Geloni perquam feri, qui detractis peremptorum hostium cutibus indumenta sibi, equisque tegmina conficiunt, bellatrix gens. Gelonis Agathyrsi collimitant, interstincti colore caeruleo corpora simul et crines: et humiles quidem minutis atque raris, nobiles vero latis, fucatis et densioribus notis. Post hos Melanchlaenas et Anthro-¹⁵pophagos palari accepimus per diversa, humanis corporibus victitantes: quibus ob haec alimenta nefanda desertis, finitimi omnes longa petiere terrarum. Ideoque plaga omnis Orienti aestivo obiecta, usque dum venit ad Seras, inhabitabilis⁸⁾ manlit. Patre alia prope Amazonum sedes¹⁶ Alani sunt Orienti acclines, diffusi per populosas gentes et amplas, Asiaticos vergentes in tractus, quas dilatari adusque Gangen accepi fluvium, interfecantem terras Indorum, mareque inundantem australe.

Ibi partiti per utramque mundi plagam Alani¹⁷ (quorum gentes varias nunc recensere non refert).

8) Mf. transit.

- licet dirempti spatiis longis, per pagos, ut Nomades, vagantur immensos: aevi tamen progressu ad unum concessere vocabulum, et summatim omnes Alani cognominantur * mores et media et efferatam
 18 vivendi, sed iam immaturam. * Nec enim ulla sunt illisce tuguria, aut versandi vomeris cura, sed carne et copia victitant lactis, plaustris superfidentes, quae operimentis curvatis corticum per solitudines conferunt sine fine distentas. Cumque ad graminea venerint, in orbiculatam figuram locatis ⁹⁾ farracis serino ritu vescuntur: absumptisque pabulis, velut carpentis civitates impositas vehunt, maresque supra cum feminis coeunt, et nascuntur in his et ¹⁰⁾ educantur infantes: et habitacula sunt haec illis perpetua; et quocumque ierint, illic genuinum
 19 existimant larem. Armenta prae se agentes cum gregibus pascunt: maximeque equini pecoris est eis sollicitior cura. Ibi campi semper herbescunt, interfitis pomiferis locis: atque ideo transeuntes quolibet, nec alimentis nec pabulis indigent: quod efficit humectum solum et crebri fluminum praeter-
 20 meantium cursus. Omnis igitur aetas et sexus imbellis circa vehicula ipsa versatur, muniisque distringitur mollibus: iuventus vero equitandi usu a prima pueritia coalescens, incedere pedibus existimat vile: et omnes ¹¹⁾ multiplici disciplina prudentes sunt bellatores. Unde etiam Persae, qui sunt originitus Scythae, pugnandi sunt peritissimi.
 21 Proceri autem Alani paene sunt omnes et pulchri, crinibus mediocriter flavis, oculorum temperata torvitate terribiles, et armorum levitate veloces, Hunnisque per omnia suppare, verum victu mitiores et cultu: ¹²⁾ latrocinando et venando adusque Maeotica stagna et Cimmerium Bosporon, iti-

9) Ms. farracilis. 10) Ms. educantur. 11) Ms. multipliciplena.
 12) al. la . . . ando.

demque Armenios discurrentes et Mediam. Utque 22
 hominibus quietis et placidis otium est voluptabile;
 ita illos pericula iuvant et bella. Iudicatur ibi bea-
 tus, qui in proelio profuderit animam: senescentes
 enim et fortuitis mortibus mundo digressos, ut de-
 generes et ignavos conviciis atrocibus infectantur:
 nec quidquam est, quod elatius iactent, quam ho-
 mine quolibet occiso: proque exuviis gloriosis, in-
 terfectorum avullis capitibus detractas pelles pro
 phaleris iumentis accommodant bellatoriis. Nec 23
 templum apud eos visitur, aut delubrum, ne tugu-
 rium quidem culmo tectum cerni usquam potest:
 sed gladius barbarico ritu humi figitur nudus, eum-
 que ut Martem, regionum, quas ¹³⁾ circumcircant,
 praefulem verecundius colunt. Futura miro prae- 24
 sagiunt modo: nam rectiores virgas vimineas colli-
 gentes, easque cum incantamentis quibusdam secre-
 tis praestituto tempore discernentes, aperte, quid
 protendatur, norunt. Servitus quid sit ignorabant, 25
 omnes generoso semine procreati: iudicesque etiam
 nunc eligunt, diuturno bellandi usu spectatos. Sed
 ad reliqua textus propositi revertamur.

III. Igitur Hunni pervasis Alanorum regioni-
 bus, quos Greuthungis confines Tanaitas consuetu-
 do nominavit, interfectisque multis et spoliatis, re-
 liquos sibi concordandi fide pacta iunxerunt: eisque
 adiunctis, confidentius Ermenrichi late patentes et
 uberes pagos repentino impetu perruperunt, belli-
 cosissimi regis, et per multa variaque fortiter facta
 vicinis nationibus formidati. Qui vi subitae pro- 2
 cellae percussus, quamvis manere fundatus et stabi-
 lis diu conatus est, impendentium tamen diritatem
 augente vulgatus fama, magnorum discriminum
 metum voluntaria morte sedavit. Cuius post obi- 3
 tum rex Vithimiris creatus restitit aliquantis per

13) Mf. circumcircunt.

Alanis, Hunnis aliis fretus, quos mercede sociaverat partibus suis. Verum post multas, quas pertulit clades, animam effudit in proelio, vi superatus armorum. Cuius parvi filii Viderichi nomine curam inceptam Alatheus tuebatur et Saphrax, duces exerciti et firmitate pectorum noti: qui cum tempore arcto praeventi abiecissent fiduciam repugnandi, cautius discedentes ad amnem Danastrum pervenerunt, inter Histrum et Borysthenem per camporum 4 ampla spatia disfluentem. Haec ita praeter spem accidisse doctus Athanaricus Thervingorum iudex (in quem, ut ante relatum est, ob auxilia nulla Procopio dudum Valens commoverat signa) stare gradu fixo tentabat, surrecturus in vires, si 5 ipse quoque lacefferetur, ut caeteri. Castris denique prope Danastrum margines ac Greuthungorum vallem longius opportune metatis, Munderichum duces postea limitis per Arabiam, cum Lagarimano et optimatibus aliis adusque vicissimum lapidem misit, hostium speculatu ad adventum, ipse aciem 6 nullo turbante interim struens. Verum longe aliter, quam rebatur, evenit. Hunni enim (ut sunt in coniectura sagaces) multitudinem esse longius aliquam suspicati, praetermissis quos viderant, in quietem tamquam nullo obstante compositis, rumpe noctis tenebras luna vado fluminis penetrato, id quod erat potissimum elegerunt: et veriti, ne praecursorius index procul agentes absterreat, Athanaricum ipsum ictu petivere veloci. Eumque stupentem ad impetum primum, 1) amissis quibusdam suorum, coegerunt ad effugia properare montium praeruptorum. Qua rei novitate maioreque venturi pavore constrictus, a superciliis 2) Gerasi fluminis adusque Danubium Taifalorum terras praestringens, muros altius erigebat: hac lorica diligentia

1) *al. amicis.* 2) *Mf. Gerasi.*

celéri consummata, in tuto locandam securitatem suam existimans et salutem. Dumque efficax opera 8 fuscitur, Hunni passibus eum citis urgebant: et iam opprefferant adventantes, ni gravati praedarum onere desistissent.

Fama tamen late serpente per Gothorum reliquas gentes, quod inusitatum antehac hominum genus ³⁾ modo ruens ut turbo montibus cellis, ex abdito sinu coortum ⁴⁾ adposita quaeque convellit, et corrumpit: populi pars maior, quae Athanaricum attenuata necessariorum penuria deseruerat, quaeritabat domicilium remotum ab omni notitia barbarorum, diuque deliberans, quas eligeret sedes, cogitavit Thraciae receptaculum gemina ratione sibi convenientius, quod et ⁵⁾ caespitis est feracissimi, et amplitudine fluentorum Histri distinguitur ⁶⁾ a barbaris, patentibus iam peregrini fulminibus Martis: hoc quoque idem relidui velut mente cogitare communi.

(A. C. 376.)

• IV. Itaque duce Alavivo ripas occupavere Danubii: missisque oratoribus ad Valentem, suscipi se humili prece poscebant, et quiete victuros se pollicentes, et daturus, si res flagitasset, auxilia. Dum aguntur haec in externis, novos maioresque solitis casus versare gentes Arctoas, rumores terribiles diffuderunt: per omne, quidquid ad Pontum a Marcomannis praetenditur, et Quadis, multitudinem barbaram abditarum nationum vi subita sedibus pulsam, circa flumen Histrum vagari cum caritatibus suis disseminantes. Quae res adspersanter 3 a nostris inter initia ipsa accepta est, hanc ob causam, quod illis tractibus non nisi peracta aut sopita

3) Ms. modo nientum. 4) Ms. adpositu. 5) Ms. ceptis. 6) Ms. a barbaris petentibus.

- 4 audiri procul agentibus consueverant bella. Verum pubescente iam fide gestorum, cui ¹⁾ robur adventus gentilium addiderat legatorum, precibus et obtestatione petentium citra flumen fuscipi plebem extorrem: negotium laetitiae fuit potius, quam timori, eruditis adulatoribus in maius fortunam Principis extollentibus: quod ex ultimis terris tot tirocinia trahens ei nec opinanti offerret, ut collatis in unum suis et alienigenis viribus invictum haberet exercitum, et pro militari supplemento, quod provinciatum annuum pendebatur, thesauris accederet
- 5 auri cumulus magnus. Hacque spe mittuntur diversi, qui cum vehiculis plebem transferant truculentam. Et navabatur opera diligens, ne qui Romanam rem everfurus dereliqueretur, vel quassatus morbo letali. Proinde permissu Imperatoris transeundi Danubium copiam colendique adepti Thraciae partes, transfretabantur in dies et noctes, navibus ratibusque et cavatis arborum alveis agminatum impositi: atque per annum longe omnium difficillimum, imbriumque crebritate tunc auctum, ob densitatem nimiam contra ictus aquarum nites quidam et natare conati, hausti sunt plures.
- 6 Ita turbido instantium studio orbis Romani perniciēs ducebatur. Illud sane neque obscurum est neque incertum, infaustos transvehendi barbaram plebem ministros, numerum eius comprehendere calculo saepe tentantes, conquievisse frustratos: quem qui scire velit (ut eminentissimus memorat vates) Libyci velit aequoris idem discere, quam
- 7 multae zephyro ²⁾ truduntur harenae. Reviviscant tandem memoriae veteres, Medicas acies ductantes ad Graeciam: quae dudum Hellespontum occupantes, et discidio quodam fabrili maris, ubi montonis * pede quaesitum exponunt et turmatim apud

1) *al.* rumor. 2) *Mf.* trudentur.

Doriscum exercitus recensentur, concordante omni posteritate ut fabulosae sunt lectae. Nam postquam 3 innumerae gentium multitudines per provincias circumfusae, pandentesque se in spatia ampla camporum, regiones omnes et cuncta opplevere montium iuga, fides quoque vetustatis recenti documento firmata est. Et primus cum Alavivo suscipitur Frigigeranus, quibus et alimenta pro tempore et subigendos agros tribui statuerat Imperator.

Per id tempus nostri limitis referatis obicibus 9 atque, ut Aetnaeas favillas armatorum agmina diffundente barbaria; cum difficiles necessitatum articuli correctores rei militaris poscerent aliquos claritudine gestarum rerum notissimos: quasi laevo quodam numine deligente, in unum quaesiti potestatibus praefuerunt castrensis homines maculosi: quibus Lupicinus antistabat et Maximus, alter per Thracias Comes, dux alter exitiosus, ambo 3) aemulae temeritatis. Quorum insidiatrix aviditas materia 10 malorum omnium fuit. Nam (ut alia omittamus, quae memorati, vel certe sinentibus iisdem alii perditis rationibus in committentes peregrinos adhuc innoxios deliquerunt) illud dicetur (quod nec apud sui periculi iudices absolvere ulla poterat venia) triste et inauditum. Cum traducti barbari 11 victus inopia vexarentur, turpe commercium duces invisissimi cogitarunt: et quantos undique insatiabilitas colligere potuit canes, pro singulis dederunt mancipiis, inter quae [et filii] ducti sunt optimum.

Per hos dies interea etiam Vithericus Greuthungorum rex cum Alatheo et 4) Saphrace, quorum arbitrio regebatur, itemque 5) Farnobio, propinquans Histri marginibus, ut simili susciperetur humanitate obsecravit Imperatorem legatis propere

3) *al.* aemuli. 4) *M.* Aphrace. 5) *Mc.* obio.

13 missis. Quibus, ut communi rei conducere videbatur, repudiatis, et quid capefferent anxii: Athanaricus paria pertimescens abscessit, memor, Valentem dudum cum foederaretur concordia despexisse, adfirmantem se religione devinctum, ne calcaret solum aliquando Romanum, hacque ⁶⁾ causatione Principem firmare pacem in medio flumine coëgisse: quam similitatem veritus ut adhuc durantem, ad Caucalandensem locum altitudine silvarum inaccessum et montium, cum suis omnibus declinavit, Sarmatis inde extrusis.

1 V. At vero Thervingi iamdudum transire permitti, prope ripas etiamtum vagabantur, duplici impedimento adstricti, quod ducum dissimulatione perniciofa ¹⁾ nec victui congruis sunt adiuti, et tenebantur consulto, nefandis nundinandi commerciis.

2 Quo intellecto, ad perfidiam instantium malorum subsidium ²⁾ vertendi mussabant: et Lupicinus, ne iam deficerent, pertimescens, eos admotis militibus adigebat ocus proficisci.

3 Id tempus opportunum nacti Grethungi, cum alibi militibus occupatis, navigia ultro citroque discurrere solita transgressum eorum prohibentia quiescere prospexissent, ratibus transiere male contextis, caltraque a Fritigerno locavere longissime.

4 At ille genuina praevidendi sollertia venturos muniens casus, ut et imperiis obediret et regibus validis iungeretur, incedens segnius, Marcianopolim tarde pervenit itineribus lentis. Ubi aliud accessit atrocius, quod arsuras in commune exitium

5 faces furiales accendit. Alavivo et Fritigerno ad convivium corrogatis, Lupicinus ab oppidi moenibus barbaram plebem opposito milite procul arcebat,

6) Mf. causatione. vs. causatione. 1) al. ne. Mf. ne hoc.
2) Mf. vertendi mussabant.

bat, introire ad comparanda victui necessaria, ut
 ditioni nostrae obnoxiam et concordem, per preces
 assidue postulantem: ortisque maioribus iurgiis
 inter habitatores et vetitos, adusque necessitatem
 pugnandi est ventum. Efferatique acrius barbari,
 cum necessitudines hostiliter rapi sentirent, spolia-
 runt interfectam militum manum. Quod ³⁾ acci- 6
 dens idem Lupicinus latenti nuntio doctus, dum in
 nepotali mensa ludicris concrepantibus diu discum-
 bens vino marcebat et somno: futuri coniiciens exit-
 um, satellites omnes, qui pro praetorio honoris et
 tutelae causa duces praestolabantur, occidit. Hoc 7
 que populus, qui muros obsidebat, dolenter ac-
 cepto, ad vindictam detentorum regum, ut opina-
 batur, paullatim augescens, multa minabatur et
 saeva. Utque erat Fritigernus expediti consilii,
 veritus, ne teneretur obsidis vice cum caeteris, ex-
 clamavit, graviore pugnandum exitio, ni ipse ad
 leniendum vulgus fineretur exire cum sociis: quod
 arbitratum humanitatis specie ductores suos occisos,
 in tumultum exarsit. Hocque impetrato egressi
 omnes, exceptique cum plausu et gaudiis, adscensis
 equis evolarunt, moturi incitamenta diversa bello-
 rum. Haec ubi fama rumorum nutritrix maligna di- 8
 sperfit, urebatur dimicandi studio Thervingorum
 natio omnis: et inter metuenda multa, periculo-
 rumque praevia maximorum, vexillis de more subla-
 tis, auditisque triste sonantibus classicis, iam tur-
 mae praedatoriae concursabant, pilando villas et
 incendiando, vastisque cladibus, quidquid inveniri
 poterat, permiscentes.

Adversus quos Lupicinus, properatione tumul- 9
 tuaria coactis militibus, temere magis quam consul-
 te progressus, in nono ab urbe milliario stetit para-
 tus ad decernendum. Barbarique, hoc contempla-

3) Ml. accidens.

to, globos irrupere nostrorum incautos, et parmas suppositis corporibus illidendo, obvios hastis perforabant et gladiis: furoreque urgente cruento, et tribuni et pleraque pars armatorum periire signis ereptis, praeter ducem infaustum, qui ad id solum inventus, ut confligentibus aliis proriperet ipse semet in fugam, urbem cursu concito petiit. Post quae hostes armis induti Romanis, nullo vetante per varia grassabantur.

- 10 Et quoniam ad has partes post multiplices ventum est actus, id lecturos (si qui erunt umquam) obtestamur, ne quis a nobis scrupulose gesta vel numerum exigit peremptorum, qui comprehendi nullo genere potuit. Sufficiet enim, veritate nullo velata mendacio, ipsas rerum digerere summitates: cum explicandae rerum memoriae ubique debeatur in-
- 11 tegeritas fida. Negant antiquitatum ignari tantis malorum tenebris obfusam aliquando fuisse rem publicam, sed falluntur malorum recentium stupore confixi. Namque, si superiores vel recens praeteritae evolvantur aetates, tales tamque tristes rerum
- 12 motus saepe contigisse monstrabunt. Inundarunt Italiam ex abditis Oceani partibus Teutones repente cum Cimbris: sed post inflictas rei Romanae clades immensas, ultimis proeliis per duces amplissimos superati, quid potestas Martia⁴⁾ de habitu prudentiae valeat, radicitus extirpati discriminibus didi-
- 13 cere supremis. Marco itidem moderante Imperium, unum spirando vesania gentium dissonarum, post bellorum fragores immensos, post * eri urbium captarum et direptarum et pessum * concitas proratoris * interitus, partes eorum exiguas reliquisset
- 14 intactas. Verum mox post calamitosa dispendia res in integrum sunt restitutae: hac gratia, quod nondum solutioris vitae mollietie sobria vetustas in-

4) Steph. τὸ δὲ non habet.

fecta, nec ambitiosis mensis, nec flagitiosis quaestibus inhiabat: sed unanimanti ardore summi et infimi inter se congruentes, ad speciosam pro republica mortem, tamquam ad portum aliquem tranquillum properabant et placidum.

Duobus navium millibus perrupto Bosporo et 15 littoribus Propontidis Scythicarum gentium catervae transgressae, ediderunt quidem acerbis terrarumque strages: sed amissa suorum parte maxima reverterunt. Ceciderunt dimicando cum barbaris 16 Imperatores Decii, pater et filius. Obsessae Pamphyliae civitates, insulae populae complures; inflammata Macedonia: omnis diu multitudo Thessalonicam circumfedit, itidemque Cyzicum. Anchialos capta, et tempore eodem Nicopolis, quam indicium victoriae contra Dacos Traianus condidit Imperator. Post clades acceptas illatasque multas 17 et saevas, excisa est Philippopolis, centum hominum millibus (nisi fingunt annales) intra moenia iugulatis. Vagati per Epirum Thessaliamque et omnem Graeciam licentius hostes externi: sed adsumpto in imperium Claudio glorioso ductore, et eodem honesta morte praerepto, per Aurelianum acrem virum et severissimum noxarum ultorem pulsi, per longa saecula siluerunt immobiles: nisi quod postea latrocinales globi vicina cum sui exitio 6) rarius incursabant. Verum ea persequar, unde diverti.

VI. Hoc gestorum textu circumlato nuntiis densis, Sueridus et Colias, Gothorum optimates, cum populis suis longe ante suscepti, et curare apud Hadrianopolim hiberna dispositi, salutem suam ducentes antiquissimam omnium, otiosis animis accidentia cuncta contuebantur. Verum Imperatoris litteris 2

O o 2

6) Mf. rarius.

repente perlatis, quibus transire iussi sunt in Hellespontum, viaticum, cibum, biduique dilationem tribui sibi sine tumore poscebant. Quod civitatis magistratus ferens indigne (succensebat enim iisdem ob rem suam in suburbanis ¹⁾ vastatam) imam plebem omnem cum Fabricensibus, quorum illic ampla est multitudo, productam in eorum armavit exitum: iussisque bellicum canere buccinis, ni abirent ocus, ut statutum est, pericula omnibus minabatur extrema. Quo malo praeter spem Gothi perculsi, et concito quam considerato civium adfultu perterriti, steterunt immobiles: laceratique ad ultimum detestatione atque conviciis, et tentati missilium iactibus raris, ad defectionem erupere confessam: et caesis plurimis, quos impetus deceperat petulantior, ²⁾ averfisque residuis et telorum varietate confixis, habitu iam Romano cadaveribus spoliatis armati, viso propius Fritigerno iunxerunt ³⁾ semet ut morigeri socii, urbemque clausam obdionalibus aerumnis urgebant. In qua difficultate diutius positi, passim et promiscue ruebant: emmensque aliquorum audacia peribat inulta, multi-
 4) que sagittis et rotatis per fundas lapidibus interibant. Tunc Fritigernus frustra cum tot cladibus colluctari homines ignaros obsidendi contemplans, relicta ibi manu sufficiente, abire negotio imperfecto suavit, *Pacem sibi esse cum parietibus* memorans, suadensque, ut populandas opimas regiones et uberes absque discrimine ullo, vacuas praefidiis
 5) etiamtum adorirentur. Laudato regis consilio, quem cogitatorum norant fore socium efficacem, per Thraciarum latus omne dispersi caute gradiebantur, dediticiis vel captivis vicos uberes ostendentibus, eos praecipue, ubi alimentorum reperiri

¹⁾ Mf. et Steph. vastatam imam plebem. 2) al. adversisque. 3) Mf. semet . . . ut.

satias dicebatur: eo maxime adiumento, praeter genuinam erecti fiduciam, quod confluebat ad eos in dies ex eadem gente multitudo, dudum a mercatoribus venundati, adiectis plurimis, quos primo transgressu necati inedia, vino exili vel panis frustis mutavere vilissimis. Quibus accedere sequendarum 6 auri venarum periti non pauci, vectigalium 4) perferre posse non sufficientes sarcinas graves: susceptique libenti consensione cunctorum, magno usui iisdem fuere ignota peragrantibus loca, conditoria frugum occulta et latebras hominum et receptacula secretiora monstrando. Nec quidquam nisi inac- 7 cessum et devium, praeceuntibus iisdem mansit intactum. Sine distantia enim aetatis vel sexus, caedibus incendiorumque magnitudine cuncta flagrabant: abstractisque ab ipso uberum suctu parvulis et necatis, raptae sunt matres, et viduae maritis coniuges ante oculos caesis, et puberes adultique pueri per parentum cadavera tracti sunt. Senes 8 denique multi, ad satietatem vixisse clamantes, post amissas opes cum speciosis feminis, manibus post terga contortis, desletisque gentilium favillis aedium, ducebantur extorres.

(A. C. 377.)

VII. Haec ex Thraciis magno maerore accepta 1 Valentem Principem in sollicitudines varias distraxerunt. Et confestim Victore magistro equitum misso ad Persas, ut super Armeniae statu pro captu rerum componeret impendentium: ipse Antiochia protinus egressurus, ut Constantinopolim interim peteret, Profuturum praemisit et Traianum, ambo rectores, anhelantes quidem altius, sed imbelles. Qui cum ad loca venissent, ubi particulatim perque 2 furta magis et latrocinia multitudo minui deberet

4) *Ms. et Steph.* perferre non posse non sufficientes.

hostilis, ad id, quod erat perniciosum, intempestive conversi, legiones ab Armenia ductas opposuere vesanum adhuc spirantibus barbaris, opere quidem Martio saepe recte compertas, sed impares plebi immensae, quae celsorum iuga montium occuparat
 3 et campos. Hi numeri nondum experti, quid cum desperatione rabies valeret indomita, truso hoste ultra Aemimontis abscessos scopulos faucibus insedere praeruptis, ubi barbaros locis ¹⁾ inclusos, nusquam reperientes exitum diuturna consumeret famēs, et opperirentur ipsi Frigeridum ducem, cum Pannonicis et transalpinis auxiliis adventantem, quem petitu Valentis Gratianus ire disposuit in provincinum, laturum suppetias iis, qui ad ultimum
 4 vexabantur exitium. Post quem Richomeres, domesticorum tunc Comes, imperatu eiusdem Gratiani motus e Galliis, properavit ad Thracias ductans cohortes aliquas nomine tenus: quarum pars pleraque deseruerat (ut iactavere quidam) Merobaudis suasu, veriti, ne destitutae adminiculis Galliae va
 5 starentur licenter Rheno perrupto. Verum articu-
 lorum dolore Frigerido praepedito, vel certe, ut obtrectatores finxere malivoli, morbum causante, ne ferventibus proeliis interesset: universos regens ex communi sententia Richomeres Profuturo sociatur et Traiano, tendentibus prope oppidum Salices: unde haud longo spatio separatum vulgus inaestimabile barbarorum, ad orbis rotundi figuram multitudine digesta plaustrorum, tamquam intramuranis cohibitum spatiis, otio fruebatur et ubertate praedarum.

6 Praevia igitur spe meliorum Romani duces, si fors copiam attulisset, ausuri aliquid gloriosum, Gothos, quidquid molirentur, sagaciter observabant: id scilicet praestruentes, ut, si ²⁾ aliorum

1) Mf. et insulis. 2) Ita Mf. et Steph. vulg. alio.

castra movissent, quod fecere creberrime, terga ultorum adorti plures perfoderent confisi, magnamque spoliolum averterent partem. Hoc intellecto 7 hostes, vel transfugarum indicium docti, per quos nihil latebat incognitum, in eodem loco diu manserunt: sed oppositi exercitus metu praestrici, aliorumque militum, quos adfluere iam sperabant: tefera data gentili, per diversa prope diffusae accivere vastatorias manus, ³⁾ quae [iussis] optimatum acceptis, statim ut incensi malleoli, ad carraginem (quam ita ipsi adpellant) aliti velocitate regressae, incentivum audendi maiora popularibus addiderunt. Nihil post haec inter partes praeter inducias 8 laxatum est breves. Reversis enim his, quos necessitas evocarat, plebs omnis intra saeptorum ambitum etiamtum contrusa, immaniter fremens, animisque concita truculentis, experiri postrema discrimina, nec principibus gentis, qui aderant, renuentibus, cruditate festinabat. Et quoniam haec sole agebantur extremo, noxque adventans ad quietem ⁴⁾ invitos retinebat et maestos, capto per otium cibo, somni manserunt expertes. Contra Romani 9 his cognitis, ipsi quoque exsomnes verebantur hostes; et male sanos eorum ductores ut rabidas feras: eventum licet ancipitem, ut numero satis inferiores, prosperum tamen ob iustiorum sui causam mentibus expectantes impavidis.

Candente itaque protinus die, signo ad arma 10 capiendum ex utraque parte per lituos dato, barbari, postquam inter eos ex more iuratum est, tumultuosos locos adpetere tentaverunt: quo exinde per proclive rotarum modo obvios impetu convolverent acriore. Hocque viso ad suos quisque manipulos properans miles, stabili gradu consistens nec vagabatur, nec relictis ordinibus procurfabat. Ergo ubi utrimque 11

3) Ms. quae. 4) Ms. et Steph. invisos

acies cautius incedentes gressu steterunt immobili, torvitate mutua bellatores luminibus se contuebantur obliquis. Et Romani quidem voce undique Martia concinentes, a minore solita ad maiorem protolli, quam gentilitate adpellant barritum, vires validas erigebant. Barbari vero maiorum laudes clamoribus stridebant inconditis: interque varios sermonis dissoni strepitus leviora proelia tentabantur. Iamque verutis et similibus aliis utrimque semet eminus lacellentes, ad conferendas coiere minaciter manus: et scutis in testudinum formam coagmentatis, pes cum pede collatus est. Barbarique ut reparabiles semper et celeres, ingentes clavas in nostros coniicientes ambustas, mucronesque acrius resistentium pectoribus illidentes, sinistrum cornu perrumpunt: quod inclinatum subsidialis robustissimus globus, e propinquo latere fortiter excitus, haerente iam ⁵⁾ morte cervicibus, sustentavit. Fervente igitur densis caedibus proelio, in confertos quisque promptior ruens, ritu grandinis undique volitantibus telis oppetebat et gladiis: et sequebantur equites hinc inde fugientibus occipitia lacertis ingentibus praecedentes et terga: itidemque altrinsecus pedites lapsorum, timore impeditorum, ⁶⁾ secando suffragines. Et cum omnia caesorum corporibus opplerentur, iacebant inter eos quidam semianimes, spem vitae inaniter usurpando; alii glande fundis excussa, vel harundinibus armatis ferro confixi: quorundam capita per medium frontis et verticis mucrone distincta, in utrumque humerum magno cum horrore pendebant. Et pertinaci concertatione nondum lassatae, aequo Marte partes semet altrinsecus adflictabant: nec de rigore genuino quisquam remittebat, dum vires animorum alacritas excitaret. Diremit tamen interneciva certa-

5) Mf. morte. 6) Mf. secandos.

mina cedens vespere dies: et cunctis, qua quisque potuit, incompofite difcedentibus, reliqui omnes repetunt tentoria triftiores. Humatis denique pro 16 locorum et temporis ratione honoratis quibusdam inter defunctos, reliqua peremtorum corpora dirae volucres confumpferunt, adfetae illo tempore cadaveribus pafci, ut indicant nunc ufque albentes offibus campi. Conftat tamen in numero longe minore Romanos, cum ea copiofa multitudine colluctatos, funerea multa perpeffos: non tamen fine deflendis aerumnis exagitaffe barbaram plebem.

VIII. His cafibus procliorum ita luctuofe finitis, noftri proximos Marcianopoleos petivere fecefus. Gothi intra vehiculorum anfractus fponte fua contrufi, numquam exinde per dies feptem egredi vel videri funt aufi: ideoque opportunitatem milites nacti, immenfas alias barbarorum catervas inter Aemimontanas anguftias claufuerunt aggerum obiectu celforum: hac fpe nimirum, ut inter Hiftrum et folitudines perniciofa hoftium multitudo compacta, nullosque reperiens exitus periret inedia, cunctis utilibus ad vivendum in civitates validas comportatis: quarum nullam etiamtum circumfedere conati funt, haec et fimilia machinari penitus ignorantes.

Post quae repetivit Gallias Richomeres, ob maiorem procliorum fremitum, qui 1) expectabatur, inde adminicula perducturus. Haec Gratiano quater et Merobaude confulibus agebantur, anno in autumnum vergente. Inter quae Valens audito 3 lugubri bellorum direptionumque eventu, Saturninum, equeftreis exercitus ad tempus cura commiffa, fuppetias Traiano ferentem mifit et Profuturo. Forteque iisdem diebus per Scythiae regiones et 4 Moefiae omnibus, quae poterant mandi, confumpis, feritate urgente pariter et inopia, barbari

1) Mf. Spectabatur.

[erumpere] molibus magnis ardebant. Hocque saepe tentato cum obruerentur vigore nostrorum per asperitates scruposas valide resistentium: adacti necessitate postrema, Chunorum et Alanorum aliquos ad societatem spe praedarum ingentium adsciverunt.

- 5 Quo cognito Saturninus (iam enim aderat et praetenturas stationesque disponebat agrarias) paulatim colligens suos, digredi parabat consilio non abiurdo: ne subita multitudo, uti annis impulsu undarum obicibus ruptis emissus, convelleret levi negotio cunctos, suspecta loca diutius observantes.
- 6 Deinde post referatas angustias abitumque militis tempestivum, incompote, qua quisque clauorum potuit, nullo vetante turbandis incubuit rebus: et vastabundi omnes per latitudines Thraciae pandebantur impune, ab ipsis tractibus, quos praetermeat Hister, exorsi, adusque Rhodopen et fretum, quod immensa disternat maria, rapinis et caedibus sanguineque et incendiis, et liberorum corporum corruptelis omnia foedissime permiscentes.
- 7 Tunc erat spectare cum gemitu facta dictu visuque praedira, attonitas metu feminas flagris concrepantibus agitari, fetibus gravidas adhuc immaturis, antequam prodirent in lucem, impia tolerantibus multa: implicatos alios matribus parvulos, et puerum audire lamenta puellarumque nobilium, quarum
- 8 stringebat fera captivitas manus. Post quae adulta virginitas, castitasque nuptarum ore adfecto flens ultima ducebatur, mox profanandum pudorem optans morte, licet cruciabili, praevenire. Inter quae cum belluae ritu traheretur ingenuus paullo ante dives [et liber] de Fortuna ut inclementi querebatur et caeca, quae eum puncto temporis brevi opibus exutum et dulcedine charitatum domoque extorem, quam ²⁾ concidisse vidit in cinerem et

2) *al.* concessisse.

ruinas, aut lacerandum membratim, aut servitutum sub verberibus et tormentis duro devovisti victori.

Barbari tamen, velut diffractis caveis bestiae, 9 per spatiorum amplitudines fulius incitati, oppidum petivere nomine Dibaltum, ubi Tribunum scutarium Barzimerem inventum cum suis, Cornutisque et aliis peditum numeris castra ponentem adfiliunt, eruditum pulvere militari rectorem. Qui confestim 10 (ut adigebat necessitas instantis exitii) iussa canere bellicum tuba, lateribus firmatis, praecepit cum promptis accinctis ad proelium: fortiterque resistendo pari pugnandi sorte discessisset, ni eum equitum adcurfus 3) complurium anhelum circumvenisset et fessum. Et ita cecidit interfectis barbarorum non paucis, quorum clades copiarum magnitudo celabat.

IX. Re in hunc modum peracta, Gothi, quid postea molirentur incerti, quaeritabant Frigeridum, tamquam obicem validum, ubi reperirent, excisuri: et cultiore victu somnoque parumper adsumpto, eum sequebantur ut ferae: docti, quod Gratiani monitu reversus in Thracias, et prope Beroeam vallo metato, eventus rerum speculabatur ancipites. Et hi quidem ad patrandum propositum discursione 2 rapida maturabant. Ille vero regendi conservandique militis non ignarus, id quod cogitatum est, suspicatus, vel exploratorum relatione, quos miserat, aperte instructus, per montium cella silvarumque densitates ad Illyricum redit, erectus prosperitate nimia, quam ei fors obtulit insperata. Repe- 3 dando enim, congregatosque in cuneos sensim progrediens, Gothorum optimatem Farnobium cum vastatoriis globis vagantem licentius occupavit, ducentemque Taifalos nuper in societatem adhibitos: qui, si dignum est dici, nostris ignotarum gentium

3) *al.* quamplurimum.

terrore dispersis, transiere flumen directuri vacua
 4 defensoribus loca. Eorum catervis subito visis,
 certare comminus dux cautissimus parans, ¹⁾ ador-
 tusque nationis utriusque grassatores minantes
 etiamtum acerba; trucidasset omnes ad unum, ut
 ne nuntius quidem cladis post adpareret, ni cum
 aliis multis perempto Farnobio, metuendo antehac
 incensore turbarum, obtestatus prece impensa su-
 perstitibus pepercisset: vivosque omnes circa Muti-
 nam, Regiumque et Parmam Italica oppida, rura
 5 culturos exterminavit. Hanc Taifalorum gentem
 turpem ac obscenae vitae flagitiis ita accepimus mer-
 sam, ut apud eos nefandi concubitus foedere copu-
 lentur maribus puberes; aetatis viriditatem in eo-
 rum pollutis usibus consumpturi. Porro, si qui
 iam adultus aprum exceperit solus vel interemerit
 ursum immanem, colluvione liberatur incesti.

- 1 X. Haec autumnio vergente in hiemem funesti
 per Thracias turbines ¹⁾ converrebant: quae tempo-
 rum rabies, velut cuncta cientibus Furiis, ad regio-
 nes quoque longinquas progrediens late serpebat.
- 2 Et iam Lentiensis Alamannicus populus, tractibus
 Raetiarum confinis, per fallaces discursus violato
 foedere dudum concepto, collimitia nostra tenta-
 bat, quae clades hinc exitiale primordium sumplit.
- 3 Ex hac natione quidam inter Principis armigeros
 militans, poscente negotio reversus in larem, ut
 erat in loquendo effusior, interrogantes multos,
 quid ageretur in palatio, docet arcessitu Valentis
 patruī Gratianum Orientem versus mox signa motu-
 rum: ut duplicatis viribus repellantur plagarum ter-
 minalium accolae, ad Romanorum verum excidium
 4 coniurati. Quibus avide Lentienses acceptis, ipsi
 quoque haec quasi vicini cernentes, ut sunt veloces
 et rapidi, conferti in praedatorios globos, Rhenum

1) Mf. et Steph. ut priusquam. 1) Mf. converrebant: et quae.

gelu pervium pruinis Februario mense tendentes prope cum Petulantibus Celtæ, non sine sui iactura adflictos graviter adultis viribus averterunt. Verum retrocedere coacti Germani, atque noscentes exercitus pleramque partem in Illyricum, ut Imperatore mox adfuturo, prægressam, exarsere flagrantius: maioraque conceptantes, pagorum omnium incolis in unum collectis, cum quadraginta armatorum millibus, vel septuaginta, ut quidam laudes extollendo Principis iactitarunt, sublatis in superbiam nostra confidentius irruerunt.

Quibus Gratianus cum formidine magna com-6
pertis, revocatis cohortibus, quas præmiserat in Pannonias, convocatisque aliis, quas in Galliis retinuerat dispositio prudens, Nannieno negotium dedit, virtutis sobriæ duci: eique Mallobaudem iunxit pari potestate collegam, domesticorum Comitem, regemque Francorum, virum bellicosum et fortem. Nannieno igitur pensante fortunarum ver-7
sabiles casus, ideoque cunctandum esse censente, Mallobaudes alta pugnandi cupiditate raptatus, ut consueverat, ire in hostem differendi impatiens angebatur. Proinde horrifico adversum fragore 8
2) terrente, primum apud Argentariam signo per cornicines dato, concurrì est coeptum: sagittarum verutorumque missilium pulsibus crebriores hinc inde sternebantur. Sed in ipso proeliorum ardore 9
infinita hostium multitudine milites visa, vitantesque aperta discrimina, per calles confitas arboribus, et angustas, ut quisque potuit, dispersi, paullo postea steterè fidentius: et splendore consimili, proculque nitore fulgentes armorum, imperatorii adventus iniecere barbaris metum. Qui repente versi 10
in terga, resistentesque interdum, ne quid ultimæ rationis omitterent: ita sunt caesi, ut ex prædicto

2) *el. torrente.*

numero non plus quam quinque millia, ut aestimabatur, evaderent densitate nemorum tecta, inter complures alios audaces et fortes rege quoque Priario interfecto, exitialium concitore pugnarum.

11 Hac laeti successus fiducia Gratianus erectus, iamque ad partes tendens Eoas, laevorsus flexo itinere latenter Rheno transito, spe incitator bona, universam (si id tentanti fors adfuisset) delere statuit

12 malefidam et turbarum avidam gentem. Hocque urgentibus aliis super alios nuntiis cognito, Lentienses aerumnis populi sui ad internecionem paene deleti, et repentino Principis adventu defixi, quid capessèrent ambigentes, cum neque repugnandi neque agendi aliquid aut moliendi laxamentum possent invenire vel breve, impetu celeri obsessos petiverunt inviis cautibus colles: abruptisque per ambitum rupibus insistentes, rebus caritatibusque suis, quas secum duxerant, omni virium robore propu-

13 gnabant. Qua difficultate perpensa, velut murorum obicibus opponendi per legiones singulas

3) quingenteni leguntur armati, usu prudenter belandi comperti. Qui ea re animorum aucta fiducia, quod versari inter antesignanos visebatur acriter Princeps, montes scandere nitebantur, tamquam

4) venaticias praedas, si calcassent editiora, confestim sine certamine ullo rapturi: exorsumque proelium vergente in meridiem die, tenebrae quoque

14 occupavere nocturnae. Quippe magno utriusque partis pugnabatur exitio: caedebant cadebantque nostrorum non pauci: simul arma imperatorii comitatus auro colorumque micantia claritudine, iaculatione ponderum densa confringebantur.

15 5) Etenim diu reputante Gratiano cum optimatibus, perniciosum adparebat et irritum contra aspe-

3) *al.* quingentini milites leguntur. 4) *al.* venaticas. 5) *MS.* Eun. *al.* Et inde.

ritates aggerum prominentium intempestiva contendere pertinacia: multis (ut in tali negotio) variatis sententiis, otioso milite circumvallari placuit barbaros inedia fatigatos, quia locorum iniquitate defendebantur. Verum cum obstinatione simili renitentes Germani peritique regionum petissent alios montes, his, quos ante infederant, altiores: conversus illuc cum exercitu Imperator, eadem qua antea fortitudine semitas ducentes ad ardua quaeritabat. Quem Lentienfes intentum iugulis suis omni perseverandi studio contemplantes, post dedicationem, quam impetravere supplici prece, oblata (ut praeceptum est) iuventute valida nostris tirociniis permiscenda, ad genitales terras innoxii ire permisi sunt.

Hanc victoriam opportunam et fructuosam, quae gentes hebetavit occiduas, sempiterni numinis nutu Gratianus, incredibile dictu est, quanto cum vigore exserta celeritate aliorum properans expedit: praeclaræ indolis adulescens, facundus, et moderatus, et bellicosus, et clemens: ad aemulationem lectorum progrediens Principum, dum etiamtum lanugo genis inferperet speciosa, ni vergens in ludibriosos actus natura, laxantibus proximis semet ad vana studia Caesaris Commodi convertisset, licet hic incruentus. Ut enim ille, quia perimere iaculis plurimas feras spectante consueverat populo, et centum leones in amphitheatrali circulo simul emissos telorum vario genere, nullo geminato vulnere contruncavit, ultra hominem exsultavit: ita hic quoque intra saepia, quae adpellant vivaria, sagittarum pulsibus crebris dentatas conficiens bestias: incidentia multa parvi ducebat et seria: eo tempore, quò etiam si Imperium Marcus regeret Antoninus, aegre sine collegis similibus et magna sobrietate consiliorum lenire luctuosos rei publicae poterat casus.

- 20 Dispositis igitur, quae pro temporum captu per Gallias res rationesque poscebant, et punito scutario proditore, qui fessinare Principem ad Illyricum barbaris indicarat; Gratianus exinde digressus per castra, quibus Felicis Arboris nomen est, ⁶⁾ per Lauriacum ad opitulandum oppressae parti porrectis itineribus ire tendebat.
- 21 Iisdemque diebus Frigerido multa atque utilia pro securitate communi sollertissime cogitanti, munireque properanti Suecorum angustias, ne discursatores hostes et leves, tamquam ⁷⁾ exaestuantes vi torrentes per septentrionales provincias fusius vagarentur; successor Maurus nomine mittitur Comes, venalis ferociae specie, et ad ⁸⁾ cuncta mobilis et incertus: idem, quem praeteritorum textu retulimus, ambigenti super corona capiti imponenda Iuliano Caesari, dum inter eius armigeros militaret ⁹⁾ ac regiam custodiret, torquem obtulisse collo
- 22 abstractam. Remotusque in ipsa vertigine pereuntium rerum dux, cautus et diligens: cum, etiam si dudum discessit in otium, ad procinctum reduci negotiorum magnitudine poscente deberet.

(A. C. 378.)

- 1 XI. His forte diebus Valens tandem excitus Antiochia, longitudine viarum emensa venit Constantinopolim: ubi moratus paucissimos dies seditioneque popularium levi pulsatus, Sebastiano paullo ante ab Italia, ut petierat, misso, vigilantiae notae ductori pedestris exercitus cura commissa, quem regebat antea Traianus: ipse ad Melanthiada villam Caesarianam profectus, militem stipendio fovebat, ² et alimentis, et blanda crebritate sermonum. Unde cum

6) Mf. per inaureacum opitulanda opp. in torr. 7) Mf. exaestuares ut 8) Mf. Steph. cunctam obviasset. 9) Mf. adrogantia.

cum itinere edicto per tesseram ¹⁾ Nicen venisset, quae statio ita cognominatur: relatione speculatorum didicit, refertos opima barbaros praeda a Rhodopeis tractibus ²⁾ prope Hadrianopolim revertisse: qui motu Imperatoris cum abundanti milite cognito, popularibus iungere festinant, circa Beroeam et Nicopolim ingentibus praefidiis fixis: atque ilico, ut oblatae occasionis maturitas postulabat, cum trecentenis militibus per singulos numeros lectis, Sebastianus properare dispositus est, conducens rebus publicis aliquid (ut promittebat) acturus. Qui itineribus celeratis conspectus prope ³ Hadrianopolim, obsertis vi portis iuxta adire prohibebatur: veritis defensoribus, ne captus ab hoste veniret et subornatus, atque contingeret aliquid in civitatis perniciem, quale ³⁾ per Actum acciderat Comitem: quo per fraudem Magnentiacis militibus capto, claustra patefacta sunt Alpium Iuliarum. Agnitus tamen, licet sero, Sebastianus, et urbem ⁴ introire permixtus, cibo et quiete curatis pro copia, quos ductabat, sequuta luce impetu clandestino erupit: vespераque ⁴⁾ intendente, Gothorum vastatorios cuneos prope flumen Hebrum subito visos, paullisper opertus aggeribus et frutectis, obscura nocte suspensis passibus incompósitos adgressus est: adeoque ⁵⁾ prostravit, ut praeter paucos, quos morte velocitas exemerat pedum, interirent reliqui omnes: praedamque retraxit innumeram, quam nec civitas cepit, nec planities lata camporum. Quā ⁵ causa percitus Fritigernus, et extimelcens, ne dux, ut saepe audierat, impetrabilis disperfos licenter suorum globos raptuique intentos consumeret, improvisos adoriens: revocatis omnibus prope Cabilen oppidum cito discessit, ut agentes in regionibus

1) Ms. Niccam. 2) Ms. praep. Hadrian. 3) Ms. peractum. 4) Ms. incendente. 5) Ms. prostravit. Steph. praestavit.

patulis nec inedia, nec occultis vexarentur insidiis.

6 Dum haec aguntur in Thraciis, Gratianus doctis litteris patruo, qua industria superaverit Alamanos, pedestri itinere, praemissis impedimentis et sarcinis, ipse cum expeditiore militum manu permeato Danubio, delatus Bononiam, Sirmium introiit: et quatrimum ibi moratus, per idem flumen ad Martis castra descendit, febribus intervallatis afflictus: in quo tractu Alanorum impetu repentino tentatus, amisit sequentium paucos.

1 XII. Iisdemque diebus exagitatus ratione gemina Valens, quod Lentienfes compererat superatos, quodque Sebastianus subinde scribens facta dictis exaggerabat: e Melanthiade signa commovit, aequiparare facinore quodam egregio adulescentem propperans filium fratris, cuius virtutibus urebatur: ducebatque multiplices copias nec contemnendas, nec segnes: quippe etiam veteranos iisdem iunxerat plurimos: inter quos et honoratiores alii, et Traianus procinctus est, paullo ante Magister armorum.

2 Et quoniam exploratione sollicita cognitum est, cogitare hostes fortibus praefidiis itinera claudere, per quae commeatus necessarii portabantur: occursum est huic conatui competenter, ad retinendas opportunitates angustiarum, quae prope erant, pedibus sagittariis et equitum turma citius missa.

3 Triduoque proximo, cum barbari gradu incederent leni, et metuentes eruptionem per devia, quindecim millibus passuum a civitate discreti stationem peterent Nicen: incertum, quo errore, procuratoribus omnem illam multitudinis partem, quam viderant, in numero decem millium esse firmantibus: Imperator procaci quodam calore perculsus 4 iisdem occurrere festinabat. Proinde agmine quadrato incedens prope suburbanum Hadrianopoleos venit: ubi vallo sudibus fossaque firmato, Gratia-

num impatienter opperiens, Richomerem Comitem domesticorum suscepit ab eodem Imperatore praemissum cum litteris, ipsum quoque venturum mox indicantibus. Quarum textu oratus, ut praestola-
 retur paullisper periculorum participem, neve abruptis discriminibus temere semet committeret solum: adhibitis in consilium potestatibus variis, quid facto opus esset, deliberabat. Et cum Seba-
 stiano auctore quidam protinus eundem ad certamen urgerent: Victor nomine Magister equitum, Sarmata, sed cunctator et cautus, eadem sententibus multis, imperii socium exspectari censebat: ut, incrementis exercitus Gallicani adscitis, opprimeretur levius tumor barbaricus flammans. Vicit ta-
 men funesta Principis destinatio, et adulabilis quorundam sententia regiorum: qui, ne paene iam partae victoriae (ut opinabantur) consors fieret Gratianus, properari cursu celeri suadebant.

Et dum necessaria parabantur ad decernendum, 8
 Christiani ritus presbyter (ut ipsi adpellant) missus a Fritigerno legatus cum aliis humilibus venit ad Principis castra: susceptusque leniter, eiusdemque ductoris obtulit scripta, petentis propalam, ut sibi suisque, quos extorres patriis laribus rapidi ferarum gentium exegere discursus, habitanda Phraccia sola cum pecore omni concederetur et frugibus: hoc impetrato, spondentis perpetuam pacem. Praeter 9
 haec idem Christianus, ut conscius arcanorum et fidus, secretas alias eiusdem regis obtulit litteras, qui astu et ludificandi varietate nimium sollers, docebat Valentem quasi mox amicus futurus et socius, aliter se popularium saevitiam mollire non posse, vel ad conditiones rei Romanae profuturas allicere, nisi subinde armatum iisdem iuxta monstraret exercitum, et timore imperatorii nominis intentato, eos a pernicioso pugnandi revocaret ardore. Et

legati quidem ¹⁾ ut ambigui frustra habiti discesserunt.

- ¹⁰ Exoriente vero aurora diei, quem quintum Idum Augustarum numerus ostendit annalis, signa praepropere commoventur, impedimentis et sarcinis prope Hadrianopoleos muros cum legionum tutela congrua collocatis. Thesauri enim et principalis fortunae insignia caetera, cum praefecto et Con-
- ¹¹ sistorianis ambitu moenium tenebantur. Decursis itaque viarum spatiis confragosis, cum in medium torridus procederet dies, octavo tandem hostium carpenta cernuntur, ²⁾ quae ad speciem rotunditatis detornata digestaeque exploratorum relatione adfirmabantur. Atque, ut mos est, ululante barbara plebe ferum et triste, Romani duces aciem struxere: et anteposito dextro cornu ³⁾ equitum primo, ¹² ped-
- tatus pars maxima subsidebat. Cornu autem equitum laevum disiectis ⁴⁾ adhuc per itinera plurimis, summa difficultate conductum properabat passibus citis. Dumque idem cornu nullo ⁵⁾ etiamtum interturbante extenditur, horrendo fragore sibilantibus armis, pulsuque minaci scutorum territi barbari, quoniam pars eorum cum Alatheo et ⁶⁾ Saphrace procul agens, et ⁷⁾ accita nondum venerat, ⁸⁾ ¹³ oraturos pacem misere legatos. Eorum dum vilitatem despicit Imperator, ut firma fierent paciscenda, optimates poscens idoneos mitti: illi de industria cunctabantur, ut inter fallaces indutias equites sui redirent, quos adfore iam sperabant: et miles ferore calefactus aestivo, ficcis faucibus commarceret relucente amplitudine camporum ⁹⁾ incendiis, quos lignis nutrimentisque aridis subditis, ut hoc fieret, iidem hostes urebant. Cui malo aliud quoque ac-

1) *ro ut deest al.* 2) *ro quae Mf. et Steph. deest.* 3) *al. equitum itinera primo.* 4) *al. adhuc per plurimis.* 5) *Mf. etiamdum. al. etiamnum.* 6) *al. Saphrage.* 7) *Mf. accito.* 8) *Mf. foederato raturas.* 9) *Mf. inpondiis quos ignaret.*

cedebat exitiale; quod homines et iumenta cruciabat inedia gravis.

Inter quae Fritigernus callidus futuri coniector, 14 Martemque pertimescens ancipitem, velut caduceatorem unum e plebe suo misit arbitrio, impetens nobiles quosdam et electos ad se propediem obfides mitti, impavidus ipse vim militarem laturus et necessaria. Laudato probatoque formidati Ducis pro- 15 posito, tribunus Equitius, cui tunc erat cura palatii credita, Valentis propinquus, adficientibus cunctis ire pignoris loco mature disponitur. Quo renitente, quia semel captus ab hostibus, lapsusque a Dibalto, verebatur eorum irrationabiles motus, Richomeres se sponte obtulit propria: ireque promiserat libens, pulchrum hoc quoque facinus et viro convenire existimans forti: iamque pergebat indicia dignitatis ¹⁰⁾ et natalium [daturus.] Eo ad 16 vallum hostile tendente, sagittarii et scutarii, quos Bacurius Hiberus quidam tunc regebat et Cassio, avidius impetu calenti progressi, iamque adversis connexi, ut immature proruperant, ita inertes discessu primordia belli foedarunt. Hocque impedi- 17 mento-conatus intempestivi et Richomeris alacritas fracta est nusquam ire permitti, et equitatus Gothorum cum Alatheo reversus et ¹¹⁾ Saphrace, Alanorum manu permitta, ut fulmen prope montes cellos excussus, quoscumque accursu veloci invenire comminus potuit, incitata caede turbavit.

XIII. Cumque arma ex latere omni concuterentur et tela, lituosque Bellona luctuosos inflaret, in clades Romanas solito immanius furens: cedentes nostri multis interclamantibus resisterunt: et proelium flammarum ritu crescens, ¹²⁾ terrebat militum animos, confixis quibusdam rotatis ictibus iaculo-

10) Mf. natalium Eo ad. 11) al. Safrage Alemannorum. 12) Mf. satis terrebat.

2rum et sagittarum. Deinde collifae in modum rostrorum navium acies, trudentesque se vicissim, undarum specie motibus sunt ²⁾ reciprocis iactitatae.

Et quia sinistrum cornu adusque plaustra ipsa accessit, ultra (si qui tulissent suppetias) processurum: a reliquo equitatu desertum, multitudine hostili urgente, sicut ruina aggeris magni oppressum atque deiectum est: steterunt improtecti pedites, ita concatervatis manipulis, ut vix mucronem exferre, aut manus reducere quisquam posset. Nec iam obiectu pulveris caelum patere potuit ad prospectum, clamoribus resultans horrificis. Qua causa tela undique mortem vibrantia, destinata cadebant et noxia, quod nec praevideri poterant nec
3caveri. Verum ubi effusi immensis agminibus barbari iumenta conterebant et viros, et neque ad receptum confertis ordinibus laxari usquam poterat locus, et evadendi copiam constipatio densior adimebat; nostri quoque ultimo cadendi contemptu occurrentes receptis gladiis obtruncabant, et mutuis securium ictibus galeae perfringebantur atque lori-
4cae. Videreque licebat cellsum ferocia barbarum, genis stridore constrictis, succiso poplite aut abscisa ferro dextera, vel confosso latere, inter ipsa quoque mortis confinia minaciter circumferentem oculos truces: ruinaque confligentium mutua ac humo corporibus stratis, campi peremptis impleti sunt: et morientium gemitus profundisque vulneribus
5transfixorum cum timore audiebantur ingenti. In hoc tanto tamque confusae rei tumultu exhausti labore et periculis pedites, cum deinceps neque vires illis, neque mentes suppeterent ad consilium, diffractis hastarum plerisque collisione assidua, gladiis contenti dstrictis in confertas hostium turmas mergebant se, salutis immemores, circumspectantes

2) Ms. hactainlatae.

ademptum esse omne evadendi suffragium. Et quia 6
humus rivis operta sanguineis gressus labiles evertē-
bat, conabantur modis omnibus vitam impendere
non inultam: adeo magno animorum robore oppo-
siti incumbētibz, ut etiam telis quidam propriis
interirent. Atra denique cruoris facie omnia con-
turbante, et, quocumque se inflexerant oculi, acer-
vis caesorum adgestis, exanimata cadavera sine par-
cimoniam calcabantur. Solque sublimior decurso 7
Leone ad domicilium caelestis Virginis transiens,
Romanos magis attenuatos inedia sitique confectos,
etiam armorum gravantibus sarcinis exurebat. Ad
ultimum incumbēte barbarorum pondere acies in-
clinatae nostrorum, quod solum postremis malis ha-
buere subsidium, incondite (qua quisque poterat)
vertuntur in pedes.

Dumque omnes dispersi per ignotos tramites 8
cedunt, Imperator diris pavoribus circumsaepus,
paullatimque infiliens funerum moles, ad Lancea-
rios confugit et 3) Mattiarios: qui, dum multitudo
tolerabatur hostilis, fixis corporibus steterant in-
conculsi. Eoque viso Traianus exclamat, spem
omnem absumptam, ni desertus ab armigeris Prin-
ceps saltem adventicio tegetetur auxilio. Hocque 9
audito Victor nomine Comes Batavos in subsidiis
locatos haud procul ad Imperatoris praesidium
raptim cogere properans, cum invenire neminem
posset, gradiens retro discessit: parique modo Ri-
chromeres periculo semet exemit, et Saturninus.

Sequebantur itaque furore ex oculis lucente bar- 10
bari nostros, iam linquente venarum calore torpen-
tes: quorum aliqui percussoribus cadebant incertis,
nonnulli ponderibus solis urgentium obruti, ictuque
suorum aliqui trucidati: nec enim saepe reitenti-
bus cedebatur, aut parcebat cedentibus quisquam.

3) Mf. Mattiarios.

- 11 Super his obstruebant itinera iacentes multi semineces, cruciatus vulnerum ⁴⁾ non ferentes: cum quibus aggeres quoque equorum constrati cadaveribus campos implerunt. Diremit haec numquam pensabilia damna (quae magno rebus stetero Romanis) nullo splendore lunari nox fulgens.
- 12 Primaque caligine tenebrarum inter gregarios Imperator, ut opinari dabatur (neque enim vidisse se quisquam vel praesto fuisse adseveravit) sagitta perniciose saucius ruit: spirituque mox consumpto decessit, nec postea repertus est usquam. Hostium enim paucis, spoliandi gratia mortuos per ea loca diu versatis, nullus fugatorum vel accolarum illuc
- 13 adire est ausus. Simili clade Caesarem accepimus Decium, dimicantem cum barbaris acriter, equi lapsu prostratum, quem ferventem retinere non valuit, abiectumque in paludem, nec emergere
- 14 potuisse nec inveniri. Alii dicunt Valentem animam non exhalasse confestim, sed cum Candidatis et spadonibus paucis prope ad agressem casam relatum secunda contiguatione fabre munitam, dum fovetur manibus imperitis, circumfessum ab ⁵⁾ hostibus, qui esset, ignorantibus, dedecore captivita-
- 15 tis exemptum. Cum enim oppellulatas ianuas per-rumpere conati, qui sequuti sunt, a parte pensili domus sagittis incesserentur, ne per moras inexpedibiles populandi amitterent copiam, congestis stipulae fascibus et lignorum, flammaque supposita,
- 16 aedificium cum hominibus torruerunt. Unde quidam de Candidatis per fenestram lapsus, captusque a barbaris prodidit factum, et eos maerore adflixit, magna gloria defraudatos, quod Romanae rei rectorem non cepere superstitem. Is ipse iuvenis occulte postea reversus ad nostros, haec ita accidisse narra-
- 17 vit. Pari clade recuperatis Hispaniis, Scipionum alterum cremata turri, in quam confugerat, ab-

4) Mf. et Steph. in conferentes. 5) Mf. hostilibus.

sumptum incendio hostili comperimus. Illud tamen certum est, nec Scipioni, nec Valenti sepulturam, qui supremitatis honor est, contigisse.

In hac multiplici virorum illustrium clade Tra-¹⁸iani mors eminuit, et Sebastiani: cum quibus xxxv. oppetivere tribuni Vacantes, et numerorum Rectores, et Valerianus atque Equitius: quorum alter stabulum, alter curabat palatium. Inter hos etiam Promotorum tribunus Potentius cecidit in primaevae aetatis flore, bono cuique ⁶⁾ spectatus, meritis Urficini patris Magistri quondam armorum suisque commendabilis. Constatque vix tertiam evalisse exercitus partem. Nec ulla annalibus praeter Can-¹⁹ensem pugnam ita ad internecionem res legitur gesta, quamquam Romani aliquoties reslante Fortuna fallaciis lusi bellorum iniquitati cesserunt ad tempus: et certamina multa fabulosae neniae flevere Graecorum.

XIV. Periit autem hoc exitu Valens, quinquagesimo anno contiguus, cum per annos quatuor imperasset et decem parvo minus. Cuius bona multis cognita dicemus et vitia. Amicus fidelis et firmus,² ultor acer ambitionum, severus militaris et civilis disciplinae corrector: pervigil semper et anxius, ne propinquitatem eius praetendens altius semet ferret: erga deferendas potestates vel adimendas nimium tardus: provinciarum aequissimus tutor; quarum singulas ut domum propriam custodiebat indemnes: tributorum onera studio quodam molliens singulari, nulla vectigalium admittens augmenta, in ¹⁾ adaequandis reliquorum debitis non molestus; furibus et in peculatu deprehensis iudicibus inimicus asper et vehemens. Nec sub alio Principe in huiusmodi negotiis melius secum actum esse meminit Oriens. Super his omnibus liberalis erat cum moderatione;³ cuius rei licet abundant exempla, unum tamen suf-

6) *al.* spectatis. 1) *al.* requirendis.

ficiet poni. Ut sunt in palatiis nonnulli alienarum rerum avidi, si qui caducum vè aliud petisset ex usu, cum magna iustorum iniustorumque distinctione ²⁾ contradictori copia servata, donabat ei, qui petierat, tres vel quatuor alios absentes aliquoties impetratorum participes iungens: ut castigatius agerent inquieti, lucra, quibus inhiabant, hoc minui ⁴ commento cernentes. Super aedificiis autem, quae per diversas urbes et oppida vel instauravit, vel a primis instruxit auspiciis (ne sim longior) taceo, rebus ipsis id apertius monstrare concedens. Haec bonis omnibus aemulanda sunt, ut existimo: nunc eius vitia percurramus.

⁵ Magnarum opum intemperans adpetitor, laborum impatiens, duritiamque magis adfectans immanem, in crudelitatem proclivior, subagrestis ingenii, nec bellicis, nec liberalibus studiis eruditus: alienis gemitibus libenter emolumenta fructusque conquirens, tuncque magis intolerabilis, cum incidentia crimina ad contemptam vel laesam Principis amplitudinem trahens, in sanguinem saeviebat et ⁶ dispendia locupletum. Illud quoque ferri non poterat, quod, cum legibus lites omnes quaestionesque committere videri se vellet, destinatisque velut lectis iudicibus negotia spectanda mandabat, nihil agi contra libidinem suam patiebatur: iniuriosus alias et iracundus et criminantibus sine differentia veri vel falsi facillime patens: quae vitiorum labes etiam in his privatis quotidianisque rationibus impendio est formidanda.

⁷ Cessator et piger: nigri coloris, pupula oculi unius obstructa, sed ita, ut non eminus adpareret: figura bene compacta membrorum, staturae nec procerae, nec humilis, incurvis cruribus, exstanteque mediocriter ventre.

2) Mf. contradictoris.

Haec super Valente dixisse sufficiet, quae vera esse aequalis nobis memoria plene testatur. Illud autem praeteriri non convenit, quod cum oraculo tripodis, quem movisse Patricium docuimus et Hilarium, tres versus illos fatidicos comperisset, quorum ultimus est, ³⁾ Ἐν πεδίοισι Μίμαντος αἶλα καίο-
 μένοισ κάρ; hoc, ut erat inconsummatus et rudis, inter initia ⁴⁾ contemnebat: processu vero luctuum maximorum abiecte etiam timidus, eiusdem sortis recordatione Asiae nomen horrebat: ubi ⁵⁾ Erythraeo oppido ⁶⁾ superpositum montem Mimanta, et Homerum scripisse et Tullium doctis referentibus audiebat. Denique post interitum eius disces-
 sumque hostilem, prope locum, in quo cecidisse existimatus est, inventus dicitur faxeus monumenti suggestus, cui lapis adfixus incisus literis Graecis, sepultum ibi nobilem quemdam Mimanta veterem indicabat.

XV. Post exitialem pugnam, cum iam tenebris et nox terras impleisset, hi, qui superfuere, dextra pars, alii laeva, vel quo metus traxerat, ferebantur, quisque proximos quaerens: cum praeter se nihil singuli cernere poterant, occipitiis propriis ferrum arbitantes haerere. Audiebantur tamen, licet longius, eiulatus miserabiles relictorum, singultusque morientium, et vulneratorum cruciabiles fletus.

Luce vero coeptante victores, ut bestiae sanguinis irritamento atrocius efferatae, spei inanis illecebris agitati, Hadrianopolim agminibus petivere densatis, eam vel cum discriminibus excisuri postremis: docti per proditores et transfugas, potestatum culmina maximarum, et fortunae principalis insignia thesaurosque Valentis, illic ut arduo in munimento

3) Ms. ΕΜΠΑΙΔΙΟΙCΙ ΜΙΜΑΝΤΟC ΑΙΛΑΙΛΑΙΟΜΕΝΟΙΑΡ. Steph.
 ἐν πεδίοισι μίμαντος ΑΙΛΑΙΛΑΙΟΜΕΝΟΙΟ ΑΡ. 4) condemnabat.
 5) Steph. Erichtheo. 6) Ms. superpositum.

- 3 conditos. Et ne intervallatis ardor intepesceret moris, hora diei quarta ambitu cincto murorum, infestissime certabatur: oppugnatoribus genuina ferocia ad praeceps exitium festinantibus, contraque
 4 defensorum vigore validis viribus incitato. Et quia militum calorumque numerus magnus civitatem cum iumentis introire prohibitus, adfixus parietibus moenium aedibusque continuis, pro loci humilitate fortiter decernebat, superaratque rabies imminetium adusque horam diei nonam: subito pedites nostri trecenti, ex his, qui prope ipsas steterant loricæ, conferti in cuneum desciverunt ad barbaros: eosque illi avidè raptos, confestim (incertum quo consilio) trucidarunt; et ex eo deinceps observatum est, neminem huiusmodi aliquid vel in desperatione
 5 rerum ultima cogitasse. Fervente itaque tot malorum congerie, repente cum fragore caelesti imbres nubibus atris effusi disperdere circumfremantium globos: reversique ad vallum dimensum tereti figura plaustrorum, immanes spiritus latius porrigentes, iuebant nostris per minaces litteras, et legatum *
 6 aetatem, fide retinendae salutis accepta. Verum introire non auso, qui missus est, per Christianum quemdam portatis scriptis et recitatis, utque decebat contemplatis, parandis operibus [reliquum] diei et nox omnis ¹⁾ absumpta. Nam intrinsecus filicibus magnis obstrusae sunt portae, et moenium intuta firmata: et ad emittenda undique tela vel saxa, tormenta per locos aptata sunt habiles, adgestaque prope sufficiens aqua. Pridie enim dimicantium quidam siti adusque ipsa vitae ²⁾ detrimenta vexati sunt.
 7 Contra Gothi reputantes difficiles Martis eventus, anxique cum sterni et sauciari cernerent fortiores, et particulatim vires suas convelli, astutum iniere consilium, quod ipsa indicante Iustitia publicatum est. Partis enim nostrae Candidatos aliquos,

1) *al.* assumpta. 2) *Mf.* defrumenta.

qui die praeterito ad eos defecerant, pellexere, ut simulata fuga velut ad propria remeantes, intra muros fuscipi se curarent, ingressique latenter quamdam incenderent partem: ut tamquam signo erecto occultius, dum circa extinguendum incendium distringitur multitudo clauorum, civitas ³⁾ perumperetur impraeugnata. Perrexere, ut statutum est, ⁹ Candidati: cumque prope fossas venissent, manus tendentes orantesque, ut Romanos semet admitti poscebant. Et recepti (quia nulla erat suspicio quae vetaret) interrogatique super consiliis hostium, variarunt: unde factum est, ut cruenta quaestione vexati, cervicibus perirent abscepsis, quid acturi venerant aperte confessi.

Omni itaque bellandi adparatu praestructo, ^{ad-10} ventante vigilia tertia, barbari, abolito praeteritorum vulnerum metu, in urbis obseratos aditus multiplicatis ordinibus inundarunt, et ⁴⁾ obstinatione magnatum maiore. At cum armatis provinciales et palatini ad obruendos eos excitatus exsurgabant: et cuiusque modi tela, in multitudine tanta vel temere missa, cadere sine noxa non poterant. Anim- ¹¹ adversum est a nostris, iisdem telis barbaros uti, quibus petebantur. Ideoque mandatum est, ut nervis ferrum lignumque connectentibus ante iactum incisis, emitterentur arcu sagittae: quae volitantes vires integras inservabant: infixae vero corporibus, nihil vigoris perdebant, aut certe, si cecidissent in vanum, illico frangebantur. Dedit autem rebus ita ¹² flagrantibus grave momentum casus admodum inopinus. Scorpio genus tormenti, quem Onagrum sermo vulgaris appellat, e regione contra hostium aciem densam locatus, lapidem contorsit ingentem: qui licet humo frustra illisus est, visus tamen ita eos metu exanimavit, ut stupore spectaculi novi cedentes e medio, abire tentarent. Sed buccinis optima- ¹³

3) Ms. prorumperetur. 4) Ms. obstinationem magnatum inato ea re.

tum monitu occinentibus, instauratum est proelium: et pari modo res Romana superior stetit, nullo ferme alio telo vel ⁵) funditoris amento incassum excusso. Agmina enim praeuentium ductorum, quos rapiendi Valentis malis lucubrationibus quaesiti cupiditas incendebat, sequenti caeteri prae se ferebant aequiperasse discrimina potiorum: namque semineces aliqui, aut magnis obtriti ponderibus, vel confixi iaculis pectora volvebantur: nonnulli scalas vehendo, ⁶) adscensumque in muros ex latere omni parantes, sub oneribus ipsis obruebantur, contrusis per pronum saxis, et columnarum fragmentis, et cylindris. Nec ⁷) quemquam furentium cruoris horrenda species ad serum usque diem ab alacritate faciendi fortiter avertebat: hoc incitante, quod etiam defensorum plurimos cadere diversis ictibus videntes eminus laetabantur. Ita sine requie ulla vel modo pro moenibus et contra moenia in-

15 gentibus animis pugnabatur. Et quia nullo ordine iam, sed per procursum pugnabatur et globos, quod desperationis erat signum extremae, flexo in vespere die digressi omnes rediere ad tentoria tristes, inconsideratae dementiae alter alterum arguentes, quod non, ut suaserat antea Fritigernus, obsidionales aerumnas ubique declinarunt.

1 XVI. Conversi post haec per omne tempus noctis (ut aestivae non longum) ad vulnere curas artesque niedendi gentiles, reddita luce in varias consiliorum vias diducebantur, quorsum tenderent ambigentes: multisque dictatis et controversis, occupare statuunt Perinthum; exinde quaeque divitiarum ¹) referta: docentibus omnia perfugis, etiam domorum, nedum urbium interna noscentes. Hanc sequuti sententiam, quam utilem existimarunt, itineribus lentis, miscentes cuncta populationibus et incendiis, nullo renitente pergebant.

5) Mf. fundoris. 6) Mf. adscensumque. 7) Mf. quicquam. 1) Mf. refertas.

Obsessi vero apud Hadrianopolim, post eorum² abitum, cum vacare hoste loca proxima compertae fidei nuntiallent exploratores: egressi media nocte, vitatis aggeribus publicis, per nemorosa et devia, pars Philippopolim, exindeque Serdicam, alii ad³) Macedoniam, cum intemeratis opibus, quas habebant, omni studio ad properandum excogitato currebant, velut in regionibus illis reperiendo Valente: quem inter medios certaminum turbines oppetiisse, vel certe ad tugurium confugisse (ubi existimatus est vi periisse flammaram) penitus ignorabant.

At Gothi Hunnis Alanisque permisti nimium³ bellicolis et fortibus, rerumque asperarum difficultatibus induratis, quos miris praemiorum illecebris sibi sociarat sollertia Fritigerni: fixis iuxta Perinthum castris, ipsam quidem urbem cladium memores pristinarum nec adire, nec tentare sunt ausi: agros vero fertiles late distentos et longe, ad⁴) extremam vastavere penuriam, cultoribus caesis aut captis. Unde Constantinopolim, copiarum cumulis⁴ inhiantes amplissimis, formas quadratorum agminum insidiarum metu servantes, ire ocius festinabant, multa in exitium urbis inclitae molituri. Quos inferentes sese immodice, obicesque portarum paene pulsantes, hoc casu caeleste repulit numen. Saceracenorum cuneus (super quorum origine moribusque diversis in locis retulimus plura) ad sortem magis expeditionalium rerum, quam ad concursatorias habilis pugnas, recens illuc accersitus, congressurus barbarorum globo repente conspecto, a civitate fidenter erupit: diuque extento certamine pertinaci, aequis partes discessere momentis. Sed Orientalis⁶ turma novo neque ante viso superavit eventum. Ex ea enim crinitus quidam, nudus omnia praeter pubem, subraucum et lugubre strepens, educto pugione agmini se medio Gothorum inseruit, et inter-

2) Mf. et Steph. abitum perduto cum. 3) Mf. Macedoniam cum.
4) Mf. penuriam. 5) extremam vastavere penuriam.

fecti hostis iugulo labra admovit, effusumque cruorem exfluxit. Quo monstroso miraculo barbari terri, postea non ferocientes ex more, cum agendum adpeterent aliquid, sed ambiguis gressibus incedebant. Processu dein ⁵) audacia fracta, cum muerum ambitum insularumque spatiis immensis oblongum, et inaccessas pulcritudines urbis, et incolentium plebem considerarent immensam, iuxtaque fretum, quod Pontum disternit et Aegaeum, disiectis bellorum officinis, quas parabant, post accepta maiora funera quam illata, exinde digressi sunt effusorie per Arctas provincias: quas peragrare licenter adusque radices Alpium Iuliarum, quas Venetas adpellabat antiquitas.

8 His diebus efficacia Iulii magistri militiae trans Taurum enituit salutaris et velox. Comperta enim fatorum sorte per Thracias, Gothos antea susceptos, dispersosque per varias civitates et castra, datis tectioribus litteris ad eorum rectores Romanos omnes, quod his temporibus raro contingit, universos tamquam vexillo erecto uno eodemque die mandavit ⁶) occidi, exspectatione promissi stipendii securos ad suburbana productos. Quo consilio prudenti sine strepitu vel mora completo, Orientales provinciae discriminibus ereptae sunt magnis.

9 Haec ut miles quondam et Graecus, a principatu Caesaris Nervae exorsus adusque Valentis interitum pro virium explicavi mensura: opus veritatem professum numquam (ut arbitror) sciens silentio ausus corrumpere vel mendacio. Scribant reliqua potiores, aetate doctrinisque florentes. Quos id (si libuerit) adgressuros, procudere linguas ad maiores moneo filios.

5) Ms. audaciam fracto. 5r. processu dein audaciae infracto.

6) Ms. occidi expectatione.

DE

CONSTANTIO CHLORO,
 CONSTANTINO MAGNO
 ET ALIIS IMPERATORIBUS
 EXCERPTA AUCTORIS IGNOTI *).

Diocletianus cum Herculio Maximiano imperavit ann. xx. Constantius, Divi Claudii optimi principis nepos ex fratre, protector primum, exin tribunus, postea praefes Dalmatiarum fuit. Ille cum Galerio a Diocletiano Caesar factus est. Relicta enim Helena priore uxore, filiam Maximiani Theodoram duxit uxorem: ex qua postea sex liberos Constantini fratres habuit. Sed de priore uxore Helena filium iam Constantinum habuit, qui postea princeps potentissimus fuit.

Hic igitur Constantinus, natus Helena matre 2 vilissima in oppido Naïso atque eductus, quod oppidum postea magnifice ornavit, litteris minus instructus, obles apud Diocletianum et Galerium, sub iisdem fortiter in Asia militavit: quem post depositum imperium Diocletiani et Herculi, Constantius a Galerio repetiit: sed hunc Galerius obiecit ante pluribus periculis. Nam et in Sarmatas iuvenis 3 equestris militans, ferocem barbarum capillis tentis

*) Haec Excerpta edidit etiam *Sim. Pauli* (bibliopola) Argentor. 1664. 8. in *Miscellis antiquae lectionis*, et *Muratorius* in *Scriptis* rerum Italicar. T. XXIV. p. 635. uterque tamen nil nisi *Henr. Valesium* ad verbum exscripsit.

raptum, ante pedes supplicem Galerii imperatoris adduxerat. Deinde, Galerio mittente, per paludem equo ingressus suo, viam caeteris fecit ad Sarmatas, ex quibus plurimis stratis, Galerio victoriam
 4 reportavit. Tunc eum Galerius patri remisit. Qui, ut Severum per Italiam transiens vitaret, summa festinatione veredis post se truncatis Alpes transgressus, ad patrem Constantium venit apud Bononiam, quam Galli prius Gesoriacum vocabant. Post victoriam autem Pictorum Constantius pater Eboraci mortuus est, et Constantinus omnium militum consensu Caesar creatus.

5 Interea Caesares duo facti, Severus et Maximinus: Maximino datum est Orientis imperium: Galerius sibi Illyricum, Thracias et Bithyniam tenuit: Severus suscepit Italiam, et quidquid Herculis
 6 obtinebat. Postquam vero Constantius in Britannia mortuus est, et Constantinus filius successit, subito in urbe Roma praetoriani milites Maxentium filium Herculi imperatorem crearunt. Sed adversum Maxentium iussu Galerii Severus duxit exercitum. Qui repente ab omnibus suis desertus est, et Ravennam fugit: dehinc Galerius cum ingentibus copiis Romam venit, minatus civitatis interitum, et castra
 7 Interamnae ad Tiberim posuit. Tunc legatos ad urbem misit Licinium et Probum, per colloquium petens, ut gener apud locerum, id est Maxentius apud Galerium precibus magis quam armis optata mercaretur. Qui contemptus, agnovit promissis virorum Maxentii partes suas deseruisse: quibus perturbatus retro versus est, et ut militi suo praedam quamcumque conferret, * flamminia iussit
 8 auferri. Ille ad Constantinum refugit. Tunc Galerius in Illyrico Licinium Caesarem fecit. Deinde illo in Pannonia relicto, ipse ad Serdicam regressus, morbo ingenti occupatus sic distabit, ut aperto et putrescente viscere moreretur, in supplicium

persecutionis iniquissimae ad auctorem scelerati praecepti iustissima poena redeunte. Imperavit ann. XIX.

Severus Caesar ignobilis et moribus et natalibus, ebriosus, et hoc Galerio amicus. Hunc ergo et Maximinum Galerius Caesares fecit, Constantino nihil tale noscente. Huic Severo Pannoniae et Italiae urbes et Africae contigerunt. Quo Caesar Maxentius factus est imperator. Nam desertus Severus a suis, fugit Ravennam. Pro Maxentio filio 10 evocatus illuc venit Herculus, qui per periurium Severum deceptum, custodiae tradidit, et captivi habitu in urbem perduxit, et in villa publica Appiae viae tricesimo milliario custodiri fecit. Postea cum Galerius Italiam peteret, ille iugulatus est, et deinde relatus ad octavum milliarium, conditusque in Gallieni monumento. Igitur Galerius sic ebriosus 11 fuit, ut iuberet temulentus ea, quae facienda non essent, a praefecto admonitus constituerit, ne iussa eius aliquis post prandium faceret.

Interea Constantinus apud Veronam victis duci- 12 bus tyranni, Romam petiit. Cum autem ad urbem Constantinus venisset, egressus ex urbe Maxentius campum supra Tiberim, in quo dimicaret, elegit. Ubi victus, fugatis omnibus suis, inter angustias arcentis populi periit, equo praecipitatus in fluvium. Postera die corpus ipsius levatum flumine, et caput eius incisum, in urbem perlatum est. De cuius origine mater eius cum quaesitum esset, Syro quodam genitum esse confessa respondit. Imperavit ann . . .

Licinius itaque ex nova Dacia vilioris originis, 13 a Galerio factus imperator, velut adversum Maxentium pugnaturus. Sed oppresso Maxentio, cum recepisset Italiam Constantinus, hoc Licinium foedere sibi fecit adiungi, ut Licinius Constantiam foro-

- rem Constantini apud Mediolanum duxisset uxorem. Nuptiis celebratis, Gallias repetit Constantinus, 14 Licinio ad Illyricum reverso. Post aliquantum deinde temporis Constantium Constantinus ad Licinium misit, persuadens, ut Bassianus Caesar fieret; qui habebat alteram Constantini sororem Anastasiam: ut exemplo Diocletiani et Maximiani inter Constantinum et Licinium Bassianus Italiam medius 15 obtineret. Et Licinio talia frustrante, per Senicionem Bassiani fratrem, qui Licinio fidus erat, in Constantinum Bassianus armatur. Qui tamen in conatu deprehensus, Constantino iubente convictus et stratus est. Cum Sinicius auctor insidiarum posceretur ad poenam, negante Licinio, fracta concordia est: additis etiam causis, quod apud Aemonam Constantini imagines statuasque deiecerat. 16 Bellum deinde apertum convenit ambobus: utriusque ad Cibalem campum ductus exercitus. Licinio xxxv. M. peditum et equitum fuere. Constantinus xx. M. peditum equitum duxit. Caesis post dubium certamen Licinianis viginti peditum millibus et equitum ferratorum. Item Licinius cum magna parte equitatus noctis auxilio pervolavit 17 ad Sirmium. Sublata inde uxore ac filio et thesauris, tetendit ad Daciam: Valentem ducem limitis Caesarem fecit. Inde apud Hadrianopolim Thraciae civitatem per Valentem collecta ingenti multitudine, legatos ad Constantinum de pace misit apud Philippos constitutum: quibus frustra remissis, iterum reparato bello, in campo Mardienſe ab utroque concurritur, et post dubium ac diuturnum proelium, Licinii partibus inclinatis profuit noctis 18 auxilium. Licinius et Valens credentes Constantinum, quod et verum erat, ad persequendum longius a Byzantio processurum, flexi in partem Beroeam concesserunt. Ita Constantinus vehementer in ulteriora festinans, deprehendit Licinium reman-

fisse post tergum: fatigatis bello et itinere militibus. Missus deinde Mestrianus legatus pacem petiit, Licinio postulante et pollicente, se imperata facturum. Denuo, sicut ante mandatum est, Valens privatus fieret: quo facto pax ab ambobus firmata est, ut Licinius Orientem, Asiam, Thraciam, Moesiam, minorem Scythiam possideret. Deinde reversus 19 Serdicam Constantinus hoc cum Licinio absente constituit, ut filii Constantini Crispus et Constantinus, filius etiam Licinii Licinius Caesares fierent, et sic ab utroque concorditer regnaretur. Itaque Constantinus et Licinius simul consules facti. In 20 Orientis partibus Licinio, Constantino, repentina rabie fuscitatus Licinius omnes christianos a palatio iussit expelli.

Mox bellum inter ipsum Licinium et Constantinum efferbuit. Item, cum Constantinus Thessalo-21 nica esset, Gothi per neglectos limites eruperunt, et vastata Thracia et Moesia praedas agere coeperunt. Tunc Constantini terrore et impetu repressi, captivos illi impetrata pace reddiderunt. Sed hoc Licinius contra fidem factum questus est, quod partes suae ab alio fuerint vindicatae. Deinde cum 22 variasset inter supplicandia et superba mandata, iram Constantini merito excitavit. Per tempora, quibus nondum gerebatur bellum civile, sed item parabatur, Licinius scelere, avaritia, crudelitate, libidine saeviebat: occidis ob divitias pluribus, uxoribus eorum corruptis. Rupta iam pace utrius-23 que exercitus Constantinus Caesarem Crispum cum grandi classe ad occupandam Asiam miserat: cui de parte Licinii similiter cum navalibus copiis Aman-24 dus obstabat. Licinius vero circa Hadrianopolim maximo exercitu latera ardui montis impleverat. Illuc toto agmine Constantinus inflexit. Cum bellum terra marique traheretur, quamvis per arduum suis nitentibus, attamen disciplina militari et felici-

- tate Constantinus Licinii confusum et sine ordine agentem vicit exercitum, leviter femore fauciatus.
- 25 Dehinc fugiens Licinius Byzantium petit: quo dum multitudo dissipata contenderet, clauso Byzantio Licinius obsidionem terrenam maris securus agibat: sed Constantinus classem collegit ex Thracia. Dehinc solita vanitate Licinius Martinianum sibi
- 26 Caesarem [fecit.] Crispus vero cum classe Constantini Callipolim pervenit, ubi bello maritimo sic Amandum vicit, ut vix per eos, qui in littore remanserant, vivus Amandus effugeret. Classis vero
- 27 Licinii vel oppressa vel capta est. Licinius desperata maris spe, per quod se viderat obsidendum, Chalcedonam cum thesauris refugit. Byzantium Constantinus invasit, victoriam maritimam Crispo conveniente cognoscens. Deinde apud Chrysopolim Licinius [pugnavit] maxime auxiliantibus Gothicis, quos Aliquaca Regalis deduxerat: cum Constantini pars vincens xxv. M. armatorum fudit partis
- 28 adversae, caeteris fugientibus. Postea cum legiones Constantini per Liburnam venire vidissent, projectis armis se dediderunt. Sequenti autem die Constantia soror Constantini, uxor Licinii, venit ad castra fratris, et marito vitam poposcit, et impetravit. Ita Licinius privatus factus est, et convivio Constantini adhibitus; et Martiniano vita concessa est. Sed Herculii Maximiani soceri sui motus exemplo, ne iterum depositam purpuram in perniciem rei publicae sumeret, tumultu militari exigentibus in Thessalonica iussit occidi; Martinianum in Cappadocia; qui regnavit ann. xix. filio et uxore superstite: quamvis omnibus iam ministris nefariae persecutionis extinctis, hunc quoque in quantum exercere [potuit] persecutorem digna punitio flagitaret.
- 30 Constantinus autem ex Byzantio Constantinopolim nuncupavit ob insigne victoriae: quam velut

patriam cultu decoravit ingenti, et Romae desideravit aequari: deinde, quaesitis ei undique civibus, divitias multas largitus est, ut prope in ea omnes thesauros, regias facultates exhaurirèt. Ibi etiam Senatum constituit secundi ordinis, Claros vocavit. Deinde adversum Gothos bellum suscepit, et im-³¹plorantibus Sarmatis auxilium tulit. Ita per Constantinum Caesarem centum prope millia fame et frigore extincta sunt. Tunc et obliides accepit, inter quos et Ariarici regis filium. Sic cum his³² pace firmata, in Sarmatas versus est, qui dubiae fidei probantur. Sed servi Sarmatarum adversum omnes dominos rebellarunt: quos pulsos Constantinus libenter accepit, et amplius trecenta millia hominum mistae aetatis et sexus per Thraciam, Scythiam, Macedoniam, Italiamque divisit.

Item Constantinus imperator primus christianus,³³ excepto Philippo, qui christianus admodum ad hoc tantum constitutus fuisse mihi visus est, ut millesimus Romae annus Christo potius, quam idolis dicaretur. A Constantino autem omnes semper christiani imperatores usque hodiernum diem creati sunt, excepto Iuliano, quem impia, ut aiunt, machinamentum exitialis vita deseruit. Item Constantinus iusto³⁴ ordine et pio vicem vertit. Edicto siquidem statuit, citra ullam caedem hominum paganorum templa claudi. Gothorum fortissimas et copiosissimas gentes in ipso barbarico solo, hoc est in Sarmatarum regione delevit.

Calocaerum quemdam in Cypro adspirantem³⁵ novis rebus oppressit. Dalmatium, filium fratris sui Dalmatii. Eius fratrem Annibalianum data ei Constantina filia sua, Regem regum et Ponticarum gentium constituit. Ita ut Gallias Constantinus minor regebat, Orientem Constantius, Africam, Illyricum et Italiam Constans, ripam Gothicam Dalmatius tuebatur. Item Constantinus cum bel-

lum pararet in Persas, in suburbano Constantinopolitano villa publica iuxta Nicomediam, dispositam bene rem publicam filiis tradens [obiit.] Regnavit ann. xxxi. Sepultus est Constantinopoli

Item ex libris Chronicorum inter caetera.

36 Igitur imperante Zenone Augusto Constantinopoli, superveniens Nepos Patricius ad Portum urbis Romae, deposuit de imperio Glycerium, et factus est Episcopus, et Nepos factus imperator Romae. Mox veniens Ravennam: quem persequens Orestes Patricius cum exercitu, metuens Nepos adventum Orestis, adscendens navim fugam petit ad Salonam, et ibi mansit per annos quinque: postea vero a suis occiditur. Mox eo egresso, factus imperator Augustulus.

37 Augustulus, qui ante regnum Romulus a parentibus vocabatur, a patre Oreste Patricio factus est imperator. Superveniente Odoacre cum gente Scyrorum, occidit Orestem Patricium in Placentia, et fratrem eius Paulum ad Pineta foris Classem Ravennae.

38 Ingressus autem Ravennam deposuit Augustulum de regno, cuius infantiae misertus, concessit ei sanguinem: et quia pulcher erat, tamen donavit ei redditum sex millia solidos, et misit eum intra Campaniam cum parentibus suis libere vivere. Etenim pater eius Orestes Pannotos, qui eo tempore, quando Attila ad Italiam venit, se illi iunxit, et eius notarius factus fuerat. Unde profecit et usque ad Patriciatus dignitatem pervenit.

39 Ergo, postquam factus est imperator Zeno a filio suo Leone, qui natus fuerat de filia Leonis Ariadne nomine, regnat cum filio suo anno uno: et merito Leonis regnum remansit apud Zenonem. Zeno vero cum filio iam regnans anno uno, imperavit annos xvi. Isauriae nobilissimus, qui dignus

esset filiam imperatoris accipere, exercitus in arma. Perhibent de eo, quia patellas in genucula non habuisset, sed mobiles fuissent, ut etiam cursu velocissimo ultra modum hominum haberetur. In re publica omnino providentissimus, favens genti suae. Huic infidiabatur Basiliscus, ipse primus senator: 41 quo cognito Zeno aliquantis divitiis petiit Isauriam. At ubi ille egressus est, mox Basiliscus, qui ei, ut dictum est, infidiabatur, arripuit imperium. Basiliscus imperavit annos II. Zeno confortans Isau- 42 ros intra provinciam, deinde misit ad civitatem Novam, in qua erat Theodericus dux Gothorum, filius Walameris, et eum invitavit in solatium sibi adversus Basiliscum, obiectans militem, post biennium veniens, obsidens civitatem Constantinopolim. Sed quia Senatus et populus Zenonem metuentes; 43 ne quid mali pateretur civitas, relicto Basilisco, se illi omnes dederunt aperta civitate. Basiliscus fugiens ad Ecclesiam, intra Baptisterium cum uxore et filiis ingreditur. Cui Zeno dato sacramento securum esse de sanguine, exiens, inlausus cum uxore et filiis intra cisterna sicca, ibidem frigore defecerunt. Zeno recordatus est amore Senatus et 44 populi, munificus omnibus se ostendit, ita ut omnes ei gratias agerent. Senatu Romano et populo tuitus est, ut etiam ei imagines per diversa loca in urbe Roma levarentur. Cuius tempora pacifica fuerunt.

Odoacer vero, cuius supra fecimus mentionem, 45 mox deposito Augustulo de imperio, factus est rex: mansitque in regno annos XIII. Cuius pater Aedico dictus, de quo ita invenitur in libris Vitae beati Severini Monachi intra Pannoniam, qui eum admonuit, et praedixit regnum eius futurum. Ita reperis ad locum. Quidam barbari, cum ad Italiam 46 pergerent, promerendae benedictionis ad eum intuitu diverterunt, inter quos et Odoacer, qui postea

- regnabit Italiae, vilissimo habitu iuvenis statura procerus advenerat: qui dum humillimum tectum cellulae eius suo vertice contingeret, inclinans se, a viro Dei gloriosum se fore cognovit. Cui etiam vale dicenti, Vade, inquit, ad Italiam, vade vilissimis nunc pellibus coopertus, sed multis cito plurima largiturus. Interim ut Dei famulus ei prae-
- 47 dixerat, mox in Italia ingressus est, regnum accepit. Eodem tempore Odoachar rex memor factus, quod a viro sancto praedictum audierat, statim familiariter litteras ad eum dirigens, si qua speranda duceret, dabat suppliciter optionem. Ergo vir Dei tantis itaque eius alloquiis per litteras invitatus, Ambrosium quemdam exulantem rogat absolvi: cuius
- 48 Odoachar gratulabundus paruit imperatis. Igitur Odoachar rex bellum gessit adversus Rugos, quos in secundo vicit, et funditus delevit. Nam dum ipse esset bonae voluntatis, et Arianæ sectae favorem praeberet, quodam tempore dum memoratum regem multi nobiles coram sancto viro humana, ut fieri solet, adulatione laudarent; interrogat, quem regem tantis praeconiis praetulissent. Respondentibus Odoacrem, inquit, qui dixit eis, Inter tredecim et quatuordecim: annos videlicet integri eius regni significans.
- 49 Zeno itaque recompensans beneficiis Theodericum, quem fecit Patricium et Consulem, donans ei multum, et mittens eum ad Italiam. Cui Theodericus pactuatus est, ut, si victus fuisset Odoachar, pro merito laborum suorum loco eius, dum adveniret, tantum praeregnaret. Ergo superveniente Theoderico Patricio de civitate Nova cum gente Gothica, missus ab imperatore Zenone de partibus
- 50 Orientis ad defendendam sibi Italiam. Cui occurrit venienti Odoachar ad fluvium Sontium, et ibi pugnans cum eodem, victus fugit. At vero Odoacer abiit in Veronam, et fixit fossatum in campo

minore Veronense V. Kalendas Octobris. Ibique persequutus est eum Theodericus, et pugna facta, ceciderunt populi ab utraque parte: tamen superatus Odoachar fugit Ravennam pridie Kalendas Octobris. Et perambulavit Theodericus Patricius 51 Mediolanum, et tradiderunt se illi maxima pars exercitus Odoacris, nec non et Tufa magister militum, quem ordinaverat Odoachar cum optimatibus suis Kal. Aprilis. Eo anno missus est Tufa magister militum a Theoderico contra Odoacrem Ravennam. Veniens Faventia Tufa, obsedit Odoacrem cum 52 exercitu, cum quo directus fuerat; et exiit Odoachar de Ravenna, et venit Faventiam, et Tufa tradidit Odoacri Comites Patricii Theoderici, et missi sunt in ferro, et adducti Ravennam.

FAUSTO ET LONGINO. His consulibus Odoachar 53 rex exiit de Cremona et ambulavit Mediolanum. Tunc venerunt Wisigothae in adiutorium Theoderici, et facta est pugna super fluvium Ad-duam, et ceciderunt populi ab utraque parte: et occisus est Pierius comes domesticorum III. Idus Augustas, et fugit Odoachar Ravennam, et mox subsequutus est eum Patricius Theodericus veniens in Pineta, et fixit fossatum, obsidens Odoacrem clausum per triennium Ravenna, et factum est usque ad sex solidos modius tritici. Et mittens legationem Theodericus Faustum, caput Senati, ad Zenonem imperatorem, et ab eodem sperans vestem se induere regiam.

OLYBRIO V. C. Cos. Hoc consule exiit Odoachar 54 rex de Ravenna nocte, cum Herulis ingressus in Pineta, in fossato Patricii Theoderici, et ceciderunt ab utraque parte exercitus, et fugiens Levila magister militum Odoacris, occisus est in fluvio Viciente: et victus Odoacer fugit Ravenna Idibus Iuliis. Igitur coactus Odoachar dedit filium suum Thelane obsidem Theoderico, accepta fide, secu-

- 55 rum se esse de sanguine. Sic ingressus est Theodericus: et post aliquot dies, dum ei Odoachar infidiaretur, detectus caute ab eo praeventus in palatio, manu sua Theodericus cum in Lauretum praeveniente gladio interemit. Cuius exercitus in eadem die iussu Theoderici omnes interfecti sunt, quis ubi potuit reperire cum omni stirpe sua: et moritur Constantinopoli Zeno imperator, et factus est imperator Anastasius.
- 57 Theodericus enim, qui in legationem direxerat Faustum Nigrum ad Zenonem. At ubi cognita morte eius antequam legatio reverteretur, ut ingressus est Ravenna, et occidit Odoacrem, Gothi libi confirmaverunt Theodericum regem, non exspectantes iussionem novi Principis. Vir enim bellicosissimus, fortis, cuius pater Walamir dictus rex Gothorum, naturalis tamen eius fuit: mater Ereriliva dicta Gothica, Catholica quidem erat, quae in baptismo Eusebia dicta. Ergo praeclarus, et bonae voluntatis in omnibus, qui regnavit annos xxxiii. cuius temporibus felicitas est sequuta Italiam per annos xxx. ita ut etiam pax pergentibus esset.
- 60 Nihil enim perpere gessit. Sic gubernavit duas gentes in uno Romanorum et Gothorum, dum ipse quidem Arianae sectae esset, tamen militia Romanis sicut sub Principes esse praecepit. Dona et annonas largitus: quamquam aerarium publicum ex toto feneum invenillet, suo labore recuperavit et opulentum fecit: nihil contra religionem catholicam tentans: exhibens ludos Circensium, et Amphitheatrum, ut etiam a Romanis Traianus vel Valentinianus, quorum tempora sectatus est, adpellaretur, et a Gothis secundum Edictum suum, quem eis constituit, rex fortissimus in omnibus iudicaretur.
- 61 Hic dum inlitteratus esset, tantae sapientiae fuit, ut aliqua, quae loquutus est, in vulgo usque nunc pro sententia habeantur, unde nos non piget aliqua

de multis eius in commemoratione posuisse. Dixit: Aurum aut daemonem qui habet, non eum potest abscondere. Item: Romanus miser imitatur Gothum: et utilis Gothus imitatur Romanum. Qui-
dam defunctus est, et reliquit uxorem, et parvulum filium nescientem matrem. Ab aliquo sublatu⁶² est filius eius parvulus, et ductus in aliam provinciam, et educatus: factus iuvenis quoquomodo revertitur ad matrem, mater enim iam sponderat virum. Cum vidisset mater, amplectitur filium, benedicens Deum, se filium revidisse, et fecit cum eo dies xxx. et ecce veniens sponsus matris, videns iuvenem, interrogavit, quis esset: quae respondit esse suum filium. At ubi comperit esse filium eius, coepit repetere arras et dicere: Aut nega filium tuum esse; aut vere abscedo hinc. Mulier compellitur ab sponso, et coepit negare filium, quem ipsa ante confessa est, et dicere: Vade iuvenis de domo mea, quia peregrinum te suscepi. Ille enim dicebat, regressum se ad matrem in domum patris sui. Quid multa? Dum haec aguntur, filius rogavit regem adversus matrem, quam rex iussit in conspectu suo sisti. Cui et dixit: Mulier, filius tuus adversus te rogat, quid dicis? est filius tuus? an non? Quae dixit: Non est meus filius; sed peregrinum suscepi. Et dum per ordinem omnia filius mulieris intimasset in auribus regis, dicit mulieri denuo: Est filius tuus? an non? quae dixit: Non est filius meus. Dicit ei rex: Et quae est facultas tua, mulier? quae respondit: Usque ad mille solidos. Et tum aliud se rex non esse facturum sub iusiurandum pollicitus est, nisi ipsum alium non acciperet maritum. Tunc confusa est mulier, et confessa est suum esse filium. Sunt eius et multa alia.

Postea vero accepit uxorem de Francis nomine 63
Angosladam. Nam uxorem habuit ante regnum,

de qua susceperat filias: unam dedit nomine Arvagni Alarico regi Wisigotharum in Gallia; et aliam filiam suam Theodegotham Sigismundo filio Gun-
 64 debai regis. Facta pace cum Anastasio imperatore per Festum de praesumptione regni, et omnia ornamenta Palatii, quae Odoachar Constantinopolim transmiserat, remittit.

65 Eodem tempore intentio orta est in urbe Roma inter Symmachum et Laurentium. Consecrati enim fuerant ambo. Ordinante Deo, qui eo dignus fuit, superavit Symmachus. Post facta pace in Urbe Ecclesiae, ambulavit rex Theodericus Romam, et occurrit B. Petro devotissimus ac si catholicus. Cui Papa Symmachus, et cunctus senatus, vel populus Rom. cum omni gaudio extra urbem occurren-
 66 tes. Deinde veniens ingressus urbem, venit ad senatum, et ad Palmam populo adloquutus, se omnia, Deo iuvante, quod retro Principes Romani ordinaverunt, inviolabiliter servaturum promittit.
 67 Per tricennalem triumphans populo ingressus Palatium, exhibens Romanis ludos Circensium. Donavitque populo Romano et pauperibus annonas singulis annis, centum viginti millia modios, et ad restaurationem palatii, seu ad recuperationem moenia civitatis singulis annis libras ducentas de arca
 68 vinaria dari praecepit. Item Amalafrida germana sua in matrimonium tradens regi Wandalorum Transimundo. Liberium praefectum praetorii, quem fecerat in initio regni sui, fecit Patricium, et dedit ei successorem in administratione praefecturae. Itaque Theodorus filius Basilii, Odoin Comes eius
 69 insidiabatur ei. Dum haec cognovisset, in palatio, quod adpellatur Sessorium, caput eius amputari praecepit. Verba enim promissionis eius, quae populo fuerat adloquutus, rogante populo in tabula aenea iussit scribi, et in publico poni.

Deinde sexto mense revertens Ravennam, alia 70 germana sua Amalabirga tradens in matrimonio Herminifrido regi Toringorum: et sic ibi per circuitum placuit omnibus gentibus. Erat enim amator fabricarum, et restaurator civitatum: Hic 71 aquaeductum Ravennae restauravit, quem princeps Traianus fecerat, et post multa tempora aquam introduxit: Palatium usque ad perfectum fecit, quem non dedicavit: Portica circa palatium perfecit. Item Veronae thermas, et palatium fecit: et a porta usque ad palatium porticum reddidit: Aquaeductum, quod multa tempora destructum fuerat, renovavit, et aquam intromisit: Muros alios novos circuit civitatem. Item Ticenum Palatium, Thermas, Amphitheatrum, et alios muros civitatis fecit. Sed et per alias civitates multa beneficia praestitit. 72 Sic enim oblectavit vicinas gentes, ut se illi sub foedus darent, sibi eum regem sperantes. Negotiantes vero de diversis provinciis ad ipsum concurrabant. Tanta enim disciplinae fuit, ut, si quis voluit in agro suo argentum vel aurum dimittere, ac si intra muros civitatis esset, ita existimaretur. Et hoc per totam Italiam augurium habebat, ut 73 nulli civitati portas faceret: nec in civitate portae clauderentur: quis quod opus habebat faciebat, qua hora vellet ac si in die. Sexaginta modios tritici in solidum ipsius tempore fuerunt, et vinum triginta amphoras in solidum.

Eodem itaque tempore habebat Anastasius Imp. 74 tres nepotes, id est Pompeium, Probum, et Hypatium: cogitans, quem de ipsis faceret post se imperatorem, quadam die iussit eos secum prandere, et intra palatium post prandium meridiari, et singula lecta eis sterni. Et in uno lecto iussit ad capite regnum poni, et quis de ipsis in eodem lecto elegisset dormire, in hoc se debere cognoscere, cui

- regnum postea traderet. Unus quidem in uno lecto se iactavit, duo enim in alio amore fraterno se collocaverunt. Et ita contigit, ut in illo lecto, ubi regnum positum erat, nullus eorum dormiret.
- 75 Dum haec vidisset, coepit cogitare intra se et dicere, eo quod nullus eorum regnaret: coepit orare Deum, ut illi revelatio fieret, ut scire possit, dum adviveret, qui post occasum eius regnum susciperet. Haec eodem cogitante et orante cum ieiunio, quadam noctu vidit hominem, qui ita eum admonuit: Crastino qui tibi primus intra cubiculum nuntiatus
- 76 fuerit, ipse accipiet post te regnum tuum. Ita factum est, ut Iustinus, qui comes erat excubitorum, dum advenisset, ubi directus fuerat ab imperatore, renuntiaret: ipse ei nuntiatus est primus per praepositum cubiculi. Cumque haec cognovisset, coepit gratias Deo referre, qui ei dignatus est revelare
- 77 successorem. Cumque haec apud se tacite habuisset, quodam die procedens Imperator, dum festinus vellet a latere Imperatoris transire, obsequium ordinare vellens, calcavit chlamydem Imperatoris:
- 78 cum Imperator hoc tantum dixit: Quid festinas? Nam ultima vita regni sui temptans eum diabolus, volens sectam Eunomianam sequi, quem populus fidelis repressit, ita ut ei in Ecclesia clamaretur: In Trinitate lanceola non mittis. Non post multum temporis in lecto suo intra urbem Constantinopolim morbo tentus extremam clausit diem.
- 79 Igitur rex Theodericus illiteratus erat, et sic obruto sensu, ut in decem annos regni sui quatuor litteras subscriptionis edicti sui discere nullatenus potuisset. De qua re laminam auream iussit interrasilem fieri, quatuor litteras regis habentem, Theod: ut si subscribere voluisset, posita lamina super chartam, per eam penna duceret, et subscriptio eius tantum videretur.

Ergo

Ergo Theodericus, dato consulatu Eutharico, 80
Romae et Ravennae triumphavit, qui Eutharicus
nimis asper fuit, et contra fidem catholicam inimi-
cus. Post haec Theoderico Veronae consistente 81
propter metum gentium, facta est lis inter Christia-
nos et Iudaeos Ravennae: quare Iudaei baptizatos
nolentes dum livident, frequenter oblatam in aqua
fluminis iactaverunt. Dehinc accensus est populus
non reservantes neque regi neque Eutharico, aut
Petro, qui tunc episcopus erat, consurgentes ad
Synagogas, mox eas incenderunt: quod et in cena
eadem similiter contigit. Mox Iudaei currentes 82
Veronam, ubi rex erat, agente Triwane praeposito
cubiculi: et ipse haereticus favens Iudaeis, infi-
nuans regi factum adversus Christianos: qui mox
iussit propter praesumptionem incendii, ut omnis
populus Romanus Ravennates Synagogas, quas in-
cendio concremaverunt, data pecunia restaurarent:
qui vero non habuisset unde dare, frustrati per pu-
blicum sub voce praeconis ducerentur. Data prae-
cepta ad Euthericum Cilligam, et Petrum episco-
pum secundum hoc tenore praecepit: et ita adim-
pletum est.

Ex eo enim invenit diabolus locum, quemad- 83
modum hominem, bene rem publicam sine querela
gubernantem, subreperet. Nam mox iussit ad fontic-
los in proastio civitatis Veronenfis oratorium S.
Stephani, idem situm altarium subverti. Item ut
nullus Romanus arma usque ad cultellum uteretur
vetuit. Item mulier pauper de gente Gothica, 84
iacens sub porticu non longe a palatio Ravennae,
quatuor generavit dracones: duo de Occidente in
Orientem ferri in nubibus a populo visi sunt, et in
mari praecipitari; duo portati sunt unum caput ha-
bentes. Stella cum facula adparuit, quae dicitur

R r

cometes, splendens per dies xv. et terrae motus frequenter fuerunt. Post haec coepit adversus Romanos rex subinde fremere inventa occasione. Cyprianus, qui tunc Referendarius erat, postea Comes Sacrarum et Magister, actus cupiditate, insinuans de Albino Patricio, eo quod litteras adversus regnum eius imperatori Iustino misisset: quod factum dum revocitus negaret, tunc Boëthius Patricius, qui magister officiorum erat, in conspectu regis dixit: Falsa est insinuatio Cypriani: sed si Albinus fecit, et ego, et cunctus senatus uno consilio fecimus, falsum est, domine rex. Tunc Cyprianus haesitans, non solum adversus Albinum, sed et adversus Boëthium eius defensorem, deducit falsos testes adversus Albinum. Sed rex dolum Romanis tendebat, et quaerebat, quemadmodum eos interficeret: plus credidit falsis testibus, quam senatoribus. Tunc Albinus et Boëthius ducti in custodia ad Baptistarium Ecclesiae. Rex vero vocavit Eusebium praefectum urbis Ticini, et inaudito Boëthio, protulit in eum sententiam. Qui mox in agro Calventiano, ubi in custodia habebatur, misit rex, et fecit occidi: qui accepta chorda in fronte diutissime tortus, ita ut oculi eius creparent, sic sub tormenta ad ultimum, cum fuste occiditur.

88 Rediens rex Ravennam, tractans non ut Dei amicus, sed legi eius inimicus, immemor factus omnis eius beneficii et gratiae, quam ei dederat, confidens in brachio suo, item credens, quod eum pertimesceret Iustinus imperator mittens et evocans Ravennam Iohannem sedis apostolicae praesulem, et dicit ad eum: Ambula Constantinopolim ad Iustinum imperatorem, et dic ei inter alia, ut reconciliatos haereticos in catholica restituat religione. 89 Cui papa Iohannes ita respondit: Quod facturus es,

rex, facito citius. Ecce in conspectu tuo adsto. Hoc tibi ego non promitto me facturum, nec illi dicturus sum. Nam in aliis causis, quibus mihi iniunxeris, obtinere ab eodem, annuente Deo, potero. Iubet ergo rex iratus navem praeparari, 90 et superimpositum eum cum aliis episcopis, id est Ecclesium Ravennatem et Eusebium Fanestrem, Sabinum Campanum, et alios duos simul, et Senatores Theodoro, Importuno, Agapito, et alio Agapito. Sed deus, qui fideles cultores suos non deserit, cum prosperitate perduxit. Cui Iustinus 91 imperator venienti ita occurrit, ac si B. Petro: cui data legatione, omnia repromisit facturum, praeter reconciliatos, qui se fidei catholicae dederunt, Arianis restitui nullatenus posse. Sed dum haec 92 aguntur, Symmachus, caput senati, cuius Boëthius filiam habuit uxorem, deducitur de Roma Ravennam. Metuens vero rex, ne dolore generi aliquid adversus regnum eius tractaret, obiecto crimine iussit interfici. Revertens igitur Iohannes papa a 93 Iustino, quem Theodericus cum dolo suscepit, et in offensa sua cum esse iubet: qui post paucos dies defunctus est. Ergo euntes populi ante corpusculum eius, subito unus de turba abreptus daemone cecidit, et dum pervenisset cum lectulo ubi lectus erat usque ad hominem, subito sanus surrexit, et praecedebat in exsequias. Quod videntes populi et senatores, coeperunt reliquias de veste eius tollere. Sic cum summo gaudio populi deductus est corpus eius foris civitatem.

Igitur Symmachus Scholasticus Iudaeus iubente 94 non rege, sed tyranno dictavit praecepta die quarta feria, septimo Kalend. Septembr. Indictione IV. Olybrio consule, ut die dominico adveniente Ariani basilicas catholicas invaderent. Sed qui non pati- 95

tur fideles cultores suos ab alienigenis opprimi, mox intulit in eum sententiam Arii, auctoris religionis eius: fluxum ventris incurrit, et, dum intra triduo evacuatus fuisset, eodem die, quo se gaudebat ecclesias invadere, simul regnum et animam amisit.

96 Ergo antequam exhalaret, nepotem suum Athalaricum in regnum constituit. Se autem vivo fecit sibi monumentum ex lapide quadrato, mirae magnitudinis opus, et saxum ingentem, quem superponeret, inquisivit.

L I P S I A E,

EX OFFICINA DÜRRIA.

*Libri sequentes librariae Weidmanniae Lipsiae
sumtibus sunt editi coemptive pretiisque quae
indicavimus venduntur.*

- Ammiani Marcellini Opera ex recensione Valesio-Gronoviana per
protopographiam et Glossarium latinitatis ad studiosorum usum
accommodata curante Aug. Guil. Ernesti.* 8. mai. 1772. 2 thlr.
- — Idem liber, charta scriptoria. 2 thlr. 12 gr.
- Caesaris, C. Iulii, Commentarii de bello gallico et civili, acce-
dunt libri de bello Alexandrino, Africano et Hispaniensi, post
Cellarium et S. F. N. Morum denuo curavit Ier. Iacob. Ober-
linus.* 8. mai. 1805. charta impr. 2 thlr. 12 gr.
- — Idem liber, charta belgica. 6 thl.
- — Idem liber, charta script. gall. 3 thlr. 6 gr.
- Calpurnii, Siculi, T., Eclogae XI. Recognovit, adnotatione et
Glossario instruxit Christ. Dan. Beck.* 8. 1803. 20 gr.
- Ciceronis, M. Tullii, Epistolarum libri XVI. cum notis criticis
Traug. Frid. Benedicti.* II Tomi. 8. 1790. 2 thlr. 12 gr.
- Cornelii Nepotis vitae excellentium Imperatorum. Cum animad-
versionibus I. A. Bosii, varias lectiones et praefat. addidit Io.
Frid. Fischerus.* Editio nova multo auct. et emend. 8. mai.
1806. charta impress. 2 thlr.
- — Idem liber, charta script. gallica 2 thlr. 18 gr.
- — Idem liber, charta belg. opt. 5 thlr.
- Gellii, Auli, Noctium Atticarum libri XX. sicut supersunt. Edi-
tio Gronoviana. Praefatus est et excursus operi adiecit Io. Lu-
dov. Conradi.* II Tomi. 8. mai. 1762. 4 thlr.
- Q. Horatii Flaccus ex recensione et cum notis atque emendatio-
nibus Richardi Bentleii.* II. Tomi. 8. mai. 1764. 4 thlr.
- T. Livii Patavini Historiarum libri qui supersunt omnes, ex re-
censione Arn. Drakenborchii cum indice rerum locupletissimo.
Accessit praeter varietatem lectionis Gronovianae et Creverianae
glossarium Livianum curante Aug. Guil. Ernesti.* Editio nova
emendatio. Tomus I—V. 8. 1801. 1804. 6 thlr. 8 gr.
- — Idem liber, charta belgica. 10 thlr. 20 gr.
- — Idem liber, charta belg. opt. 12 thlr. 4 gr.
- — Tomus Vtus seu *Glossarium Livianum*, sive Index lati-
nitatis exquisitoris. Ex schedis A. G. Ernesti emendavit plu-
rimisque accessionibus locupletavit Godofr. Henr. Schaefer. 8.
1804. 2 thlr. 8 gr.
- — Idem liber, charta belgica. 3 thlr. 8 gr.
- — Idem liber, charta belgica optima. 3 thlr. 16 gr.
- Manutii, Pauli, Commentarius in M. Tullii Ciceronis Orationes.
Curavit C. G. Richter.* 8. mai. 1783. 3 thlr. 8 gr.
- Ovidii, P. Nasonis, Opera ex recensione Nic. Heinsii, cum
eiusd. notis integris, praefatus est Io. Aug. Ernesti.* Curavit
indicemque verborum copiosissimum adiecit Io. Frid. Fischerus.
8. 1775. 1 thlr.

- Senecae, L. Annaei, Philosophi, Opera omnia, quae supersunt, recognovit et illustravit D. Frid. Ernest. Ruhkopf.* Vol. I-III. 8. mai. 1797 — 1805. 4 thlr. 12 gr.
 — — Idem liber, charta script. 6 thlr. 4 gr.
 — — Idem liber, charta belgica. 9 thlr.
Sisii, Caii, Italici, Punicorum libri XVII. varietate lect. et commentario perpetuo illustravit I. C. T. Ernesti. Accedit Index uberrimus. Vol. I. et II. 8. mai. 1791. 92. 2 thlr. 20 gr.
 — — Idem liber, charta scriptoria. 4 thlr.
Taciti, C. Corn., Opera. Ex recensione Io. Aug. Ernesti denuo curavit Ier. Iac. Oberlinus. II Tomi. 8. mai. 1801. 5 thlr.
 — — Idem liber, charta scriptoria. 7 thlr. 12 gr.
 — — Idem liber, charta belgica. 12 thlr.
 — — C. Corn., Opera. Ex recensione Io. Aug. Ernesti denuo curavit I. I. Oberlinus. in usum Scholarum. 8. 1801. 1 thlr. 12 gr.
 — — Idem liber, charta scriptoria. 2 thlr.

- Aeschyli Dramata, quae supersunt, et deperditorum Fragmenta. Graece et Latine. Recensuit et brevi annotatione illustravit Frid. Henr. Bothe.* 8. mai. 1805. charta impr. 2 thlr. 18 gr.
 — — Idem liber, charta script. 4 thlr.
 — — Idem liber, charta belg. 6 thlr.
Anacreontica. Graeco. Recensuit notisque criticis instruxit Frid. Henr. Bothe. 8. mai. 1805. charta anglica. 16 gr.
 — — Idem liber, charta pergam. (Velin). 1 thlr. 4 gr.
Appiani, Alexandrini, Romanarum historiarum quae supersunt. Novo studio conquisivit, digessit, ad fidem codicum manuscriptorum recensuit, supplevit, emaculavit, varietatem lectionum adiecit, latinam versionem emendavit, adnotationibus variorum suisque illustravit, commodis indicibus instruxit Ioannes Schweighauser. 3 Voll. 8 mai. 1785. 11 thlr.
Arati, Solensis, Phaenomena et Diolemea. Graece et Latine, ad Codd. Mss. et optimarum editionum fidem recensita. Accedunt Theonis scholia vulgata et emendatiora e Cod. Mosq., Leontii de sphaera Aratea libellus, etc. curavit Ioann. Theoph. Buhle. 2 Volumina, accedunt indices plenissimi cum 2 tab. aeri incis. 8. mai. 1793 et 1801. 4 thlr. 4 gr.
 — — Idem liber, charta script. 5 thlr. 20 gr.
Aristophanis Comoediae, auctoritate libri praeclarissimi saeculi decimi emendatae a Phil. Invernizio. Accedunt criticae animadversiones, scholia graeca, indices et viroborum doctorum adnotationes. Vol. I. et II. 8. mai. 1794. 4 thlr. 12 gr.
 — — Idem liber, charta belgica. 7 thlr.
Dionis, Cassii, Historia romana. Graece cum versione latina Xylandro-Leunclaviana, curante Ioan. A. Fabricio et H. S. Reimaro. 2 Volumina in fol. Hamb. 1752. 25 thlr.
Dionysii, Halicarnassensis, Opera omnia, graeco et latine. Cum annotationibus Henr. Stephani, Frid. Sylburgii, Franc. Porti, Ilaaci Casauboni, Fulvii Ursini, Henr. Vatesii, Io. Hudsoni et Io. Iac. Reiske. VI. Tomi. Vol. I-IV., Antiquitatum Romanarum libros I-XI. tenentia, quibus accessit Henrici Dodwelli Chronologia graeco-romana; Vol. V., ex scriptis rhetoricis et criticis librum de compositione verborum, artem rhetoricam, veterum scriptorum censuram et commentarios de an-

- tiquis oratoribus tenens; Vol. VI. et ultimum, ex scriptis rhetoricis et criticis epistolam primam ad *Ammacum*, epist. ad *Cn. Pompeium*, epist. secund. ad *Ammacum*, iudicium de *Thucydidis* historiis, et librum de admiranda vi dicendi in *Demosthene* tenens. Quibus accefferunt Indices. 8. mai. Lipsiae 1774—77. 16 thlr.
- Epicteti* Manuale et Cebetis Tabula. Graece et latine. Graeca ad fidem veterum librorum denuo recensuit et collata omni lectionis varietate vindicavit illustravitque; Latinam versionem, Enchiridii praefertim, ad graec. exempli praescriptum diligenter recognovit et emendavit Ioann. *Schweighaeuser*. 8. mai. 1798. 2 thlr. 8 gr.
- Idem liber, charta scriptoria. 3 thlr.
- Idem liber, charta belgica. 4 thlr.
- Idem liber, charta pergament. (Velinpapier). 5 thlr.
- Idem liber, graece et latine. Recensuit curavitque Ioann. *Schweighaeuser*. 12. mai. 1798. 12 gr.
- Idem liber, charta scriptoria. 16 gr.
- Idem liber, charta belgica. 1 thlr.
- Idem liber, graece. Ad fidem veterum librorum recensuit Io. *Schweighaeuser*. 12. 1798. 6 gr.
- Idem liber, charta belgica. 10 gr.
- Dissertationum ab *Arriano* digestarum libri IV. Eiusdem Enchiridion et ex perditis sermonibus Fragmenta. Post Io. *Uptoni* plerumque curas denuo ad Codicum Mssorum fidem recensuit, latina versione, adnotationibus, indicibus illustravit Io. *Schweighaeuser*. III Volumina. 8. mai. 1799. 12 thlr.
- Idem liber, charta belgica. 20 thlr.
- Ettiam sub titulo:*
- Epicteteae* Philosophiae Monumenta. III Volumina. 8 mai.
- Homeri* Carmina cum brevi annotatione, accedunt variae Lectiones et Observationes veterum Grammaticorum cum nostrae aetatis Critica, curavit C. G. *Heyne*. Tom. I-VIII. quibus continentur *Ilias*, graece et latine, et variae lectiones et observationes in *Iliadem*, cum ornamentis XXVIII. aeri incilis, et Speciminibus Codd. MSS. V. 8. mai. 1802. charta script. 30 thlr.
- Idem liber, charta belgica. 50 thlr.
- Idem liber, sine ornamentis, charta impress. 20 thlr.
- *Ilias*, cum brevi annotatione curante C. G. *Heyne*, 3 tomi. 8. mai. 1804. charta belgica. 10 thlr.
- Idem liber, charta scriptoria. 6 thlr.
- Idem liber, charta impress. 4 thlr.
- Hymni et *Batrachomyomachia*. Graece et Latine. Recensuit, varietate lectionis instruxit et interpretatus est Aug. *Matthiae*. Accedit Auctarium animadversionum. 8. mai. 1805. 1 thlr. 4 gr.
- Idem liber, charta scriptoria. 1 thlr. 10 gr.
- (Videantur *Matthiae* Animadv. in hymnos Homericos.)
- Hymnus in *Cerem*; ad codic. Moscov. denuo coll. recensuit et animadvers. illustravit Christ. Guil. *Mitscherlich*. 8. 1787. 20 gr.
- Matthiae*, Aug., Animadversiones in Hymnos Homericos, cum Prolegomenis de cuiusque consilio, partibus, aetate. 8. mai. 1800. 1 thlr. 18 gr.
- Idem liber, charta scriptoria. 2 thlr. 12 gr.

Nicolai Damasceni Historiarum Excerpta et Fragmenta, quae supersunt. Graece. Nunc primum separatim edidit, versionem latinam duplicem, alteram Henr. *Valesii*, hinc inde emendatorem, alteram in locos plerosque Hugonis *Grotii*, notas integras H. *Valesii* aliorumque virorum doctorum undique collectas et suas, nec non testimonia veterum ac recentiorum de Nicolai vita scriptorumque notitia adiecit Ioann. Conr. *Orellius*. Accedit Dissertatio de Nicolao Damasceno gallice scripta auctore *Sevin*. 8. mai. 1804. 1 thlr. 12 gr.

— — Idem liber, charta anglica. 2 thlr. 8 gr.

— — Idem liber, charta belgica. 2 thlr. 16 gr.

Plutarchi, Chaeronensis, quae supersunt, omnia, graece et latine. Principibus ex editionibus castigavit, virorumque doctorum suisque annotationibus instruxit Io. Iacob. *Reiske*. XII. Volumina. Vol. I-V. Vitas Parallelas tenentia; Vol. VI-X. Opera Moralia et Philosophica tenentia, cum notis Guil. *Xylandri*, Henrici *Stephani* et Philippi Iacobi *Mauffact* texto subiectis, accedunt denique duo Fragmenta; Vol. XI. tres Indices in eiusdem Vitas parallelas, verborum videlicet, rerum atque auctorum tenens; Vol. XII. et ultimum tres Indices in eiusdem Moralia et Philosophica, verborum videlicet, rerum atque auctorum tenens. Addita sunt ornamenta aeri incisa. 8. mai. 1774—82. 40 thlr.

Polybii Historiarum quidquid superest. Recensuit, digessit, emendatioris interpretatione, varietate lectionis, adnotationibus, indicibus illustravit Io. *Schweighauser*. Tom. I-VIII. P. 2da. 8. mai. 1789—95. 27 thlr.

— — Idem liber, charta belgica. 45 thlr.

Simplicii Commentarius in Epicteti Enchiridion. Accedit Enchiridii Paraphrasis christiana et Nili Enchiridion. Graece et latine. Omnia ad veterum Codicum fidem recensuit et varietate Lect. brevibusque notis illustravit Io. *Schweighauser*. II Tomi. 8. mai. 1800. 6 thlr.

— — Idem liber, charta belgica. 10 thlr.

Etiā sub titulo:

Epictetae Philosophiae Monumenta. Vol. IV. et V.

Sophoclis Oedipus Rex, graece et latine, e recensione *Brunkii*, annotat. perpetua illustravit C. T. *Kuinoel*. 8. 1790. 20 gr.

Sophoclis Dramata, quae supersunt et deperditorum Fragmenta. Graece et Latine. Denuo recensuit et Rich. Franc. Phil. *Brunckii* annotatione integra, aliorum et sua selecta illustravit Frid. Henr. *Bothe*. 2 Voll. 8. mai. 1806. charta impr. 6 thlr.

— — Idem liber, charta script. gallica. 8 thlr.

— — Idem liber, charta belg. opt. 12 thlr.

Strabonis Rerum geographicarum Libri XVII. Graeca ad optimos codices manuscriptos recensuit, varietate lectionis, adnotationibus illustravit, *Xylandri* versionem emendavit Ioann. Phil. *Siebenkees*, inde a septimo libro continuavit Carol. Henr. *Tzschucke*. Tom. I. II. III. IV. 8. mai. 1796—1806. 10 thlr.

— — Idem liber, Tom. I. II. III. IV. charta belgica. 15 thlr. 12 gr.

Tzetzae, Io., Antehomerica, Homerica et Posthomerica, cum Commentario *Friderici Iacobi*. 8. mai. 1793. 18 gr.

— — Idem liber, charta scriptoria. 20 gr.

OCT 6 - 1939



